

四庫未收書輯刊編纂委員會編

四庫未收書輯刊


北京出版社

柒輯·貳拾伍冊

四庫未收書輯刊

四庫未收書輯刊編纂委員會編

北京出版社



柴輯·貳拾伍册目錄

虛直堂文集二十四卷首一卷〔清〕劉榛撰

一

六松堂集十四卷〔清〕曾燦撰

二八三

廉立堂文集十二卷附一卷〔清〕衛旣齊撰

六三三

〔清〕劉榛撰

虛直堂文集二
十四卷首一卷

清康熙刻補修本

序一

已未春我庵徐子讀易至何思何慮恍然失悔曩來思慮之憧憧也已而恍然已而嗒然頃之山蔚劉子緘其所為古文辭見示徐子受而讀之至悔賦諸篇復不禁嘖然喜擊節歎曰甚矣劉子之肆力於文也蓋能鏡思研慮抒其所自得矣容有詰之曰子今方從事於何思何慮之學而復重有意於劉子之能思能慮也義何居曰非然也天下豈有無思無慮之心乎哉無思無慮是槁木也是寒灰也天不予人以槁木寒灰之心思慮而可禁乎

徐序 卷首

一

哉曰然則大易之言何思何慮也義何居曰何思何慮非無思無慮也且子毋遽言何思何慮也必先審其思慮者在而後何思何慮久之而可得也劉子肆力於文者也請即以文論六經四子非以文名也而為文之至今讀其書囊括萬有而不見其涯也彌六合且古今而不能易也然不曰極深而研幾乎不曰繼日夜而忘寢食乎是神聖亦不廢思慮也濂伊關閩發皇千載之絕學直接鄒魯其六經四子之嫡系乎然其學之要則曰居敬窮理矣曰析之極其精矣合之盡其大矣不思不

慮而徇以窮也何以析也且何以合也獨其所為

思慮者有異耳至若賈馬班揚以追韓歐諸大家其立言之旨雖未盡合於六經四子然其文深厚雄傑光明俊偉為後代行文者之楷樞其自道則曰不敢以輕心與之不敢以昏氣乘之抑之欲其奧也揚之欲其明也儼乎其若思茫乎其若迷也是非深思極慮而得之者乎然其所為思慮則有間矣乃若大道之裂也堅白同異譎詭而洗洋月露風雲妝綴而塗抹高下不同同於害道然其奇奧艱深聲采炳振要非能思能慮不至此顧其思

徐序 卷首

二

慮則又有間矣派厥源流綜其本末何去何從乎審之審之閑之存之精之一之毋雜而支也毋剝而躁也毋高而虛也毋深而鑿也毋款啟而自喜毋炫采而邀名也併心於伊洛草精於鄒魯優而游之漸而漬之厭而飫之久之而渙然其冰釋也怡然其理順也蓋實有見於性命身心之微天地萬物之奧而一衷之於殊塗同歸百慮一致之旨蓄之極其深養之極其厚而後本其所得者以形之口與手如是而先儒所謂造道之言與有德之言其庶幾乎故予非禁人之思慮也誠欲其審之

也審其思慮而正用之則可以進於何思何慮否
則言韓歐言程朱猶然憧憧耳客曰子之言至矣
然則劉子之文何居曰劉子之文溫醇爾雅不悖
於古人是思慮而能審者也是由韓歐而邁伊洛
以求合於六經四子者也非復譎詭而沈洋塗抹
而救綴者也不觀其悔賦乎能思能慮則能悔審
於思慮而正用之則愈知悔悔今是而昨非悔則
存是而去非悔則不見是而止見非悔則盡去非
而獨存其是悔則益去其是中之非而存其至是
學底於至是則聖功之極也寧獨文事哉予今而
後知劉子之所進不可量也劉子聞之曰善哉我
庵子之言是益重子悔也同里徐隣唐邇黃樸

徐序 卷首

三

二

予年十二三卽耳里中劉千之名記崇禎之辛未
麟邑有新進士某假千之文以行一時無不嘉予
而虞山楊子常顧麟士尤極賞歎久之始知爲千
之也予雖幼已聞而慕之又六七年予出交諸人
士而千之時逃於禪不得近又四五年千之死城
破之難今老矣乃更得與千之之叔山蔚遊山蔚
之與千之蓋劉氏後先相映者也十年來予每讀
山蔚之詩若詞而喜近益出其所爲古文命序於
予而喜復踰望其立言本於道修辭準於古神明

徐序 卷首

四

變化於作者之間縱橫揮灑無不如意以暢其所
欲言而程度不失嘗觀遷固以來及唐宋諸家文
美矣理不必醇宋儒語錄要不可作文字觀今山
蔚志專於道而追琢其文抵掌古人予之俯首山
蔚豈有際乎韓子有云思元賓而不見見元賓之
所與如見元賓焉予不幸而不能獲交千之猶幸
而獲交山蔚不差足慰乎然當千之之知名也尙
未暇作爲古文而山蔚與之比蹤乃不止於制舉
藝千之盡節於賊義正矣而旁入釋氏山蔚則粹
然儒者也予之慕山蔚安得不較千之爲尤至也

哉獨是予之稍出予先當予不知爲文時既不能
進交其人而遭亂以死而山蔚又稍出予後卽與
之遊年紀逾邁精力日以去而已無意於茲豈能
從而相砥礪也然則予後先其叔姪之間亦祇深
其感歎也已康熙己未同里徐作肅恭士書

徐序 卷首

五

序三

言以形其心也心之正者其言確心之達者其言
暢心之密者其言周心之深者其言摯昔聖之心
不可得而見矣而其所以形其心者爲說孔備大
抵開物成務以前民用而已不立規格不塗粉澤
探之則淵邈而不可測也咀之則雋永而未易盡
也雖不可以文名其殆天下之至文乎衰周以還
儀秦挾從衡之談韓商尙法律之說屈子哀怨以
沈身莊生沈洋於曳尾蠹家令之重農賈太傅之
立國趙營平之軍簿張廷尉之爰書豈嘗有爲文
之意在其胷中哉惟其知之深故皆言之切濼洄
曲折明白簡當使天下難明之事無不瞭然於紙
上雖其得失固有不同其爲指事陳辭則一而已
矣其流愈降大樸日漓然猶各獻其妍人呈其巧
未聞假他人之渥丹以自飾其貌而博城北徐公
之譽也乃昌黎從而厭之憂憂乎剗剗追饒務革
襲習創而方圓額而廣表亦如笮金陵水授形製
性使不得軼我軌則焉倘所謂整之齊之而馬之
死者過半與於是輟轉相傳緣飾爲貴自有之精
神意旨不知銷歸何許譬之器也尊罍彝鼎商周

田序 卷首

六

特爲適用作耳乃賡者不求其故而惟形之似焉
則頑然之質又何如一陶一匏之適時而取用哉
予嘗持此說與二三同志相往復山蔚劉子信之
爲最早山蔚沈謚嚴靖函爾終日圖史而外泊如
也故其爲文必本我之心以暢我之言我所不欲
者弗言也而或猶有人之見存人之見不去則我
之天不出黷踐雖工其於蔽草飲水之本性爲已
遠矣山蔚屢改舊習漸復本真可謂每變日土者
也今茲其文具在不本於心而惟人是效焉善已
寡矣苟山蔚益治其所爲出言之本擴於中而順

田序 卷首

七

應於外將見探之淵邈而不可測也咀之雋永而
未易盡也豈僅爲衰周以下之人區區自言其
見而已哉雖以前民用可也己未睢州田蘭芳撰

序四

文不歷變不工學不歷變不至昔吾友侯子朝宗
少喜六朝瑰麗之文已而悔焉盡棄其宿昔所爲
而一意於八家則亦居然並八家之轡矣是時予
初起與社事諸君子所相與上下討論者八家之
文已耳或七子之詩已耳朝宗不幸早亡而所就
止此其後徐子適黃則一變而講作聖之道予近
亦且悔宿昔之詩未盡古人之變脫使朝宗至今
猶存則其變而愈上庸詎知其何如哉吾黨學而
善變者劉子山蔚其人也予與山蔚論交於丙申

宋序 卷首

八

山蔚溫溫然循循然人未有奇之者顧聞質予以
詩或分題爲文輒有清機妙緒引而愈長予旣已
心異之矣迨予出從 王事數年而一歸歸而讀
山蔚之所著初則雲蒸而霞蔚也繼則源遠而流
長也終則華斂而實茂也駸駸乎儒先見道之言
有非業八家者之所及聞矣蓋山蔚訥於揮塵而
敏於操觚潛心於大業而恥安於小成每進必悔
每悔必變本其有得於己者而隨目之所接身之
所經心之所感觸乎其天機而流之於筆墨韓歐
諸家之法在是濂洛諸家之理亦在是而實山蔚

之人盡在是也他日予歸老西陂與山蔚上下討論當不但詩與文多歷其變而山蔚益精進不輟則予又能究其所至也哉戊辰夏六月同里宋學牧仲書於西江漫堂

宋岸 卷首

九

序五 詩

詩者心之聲也尙書曰詩言志孔子刪詩三百而蔽以思無邪之一言此千古論詩者之宗也騷雅而後言詩者無慮千家吾所推重獨靖節少陵耳靖節真懷高寄簞瓢晏如蓋置身羲皇以上而不知有漢魏者也少陵間關氛祲曾無虛日而感時憂國忠愛纏綿卽一飯一吟不忘君父吾謂思無邪一言惟二子足以當之卽以之續三百篇可也近代空同大復振衰復古爲風雅準的或慷慨豪岸或俊朗風流實各肖其性情糾彈賦詠中夜悲歌抃表闔闔脫屣簪紱勁節清風至今猶可想見於長歌短詠之間故二子者猶得靖節少陵遺意今人好譏刺大雅而獨於子夜之歌懊儂之曲倣而效之何歟中州爲空同大復之鄉蘇門浚川木庵林宗諸君子先後主盟詞壇吾意今日必有能似續風雅者求之同里而得簞山田子焉又因田子而得商丘劉子山蔚焉山蔚溫粹冲遠渾金璞玉嘗隱居西村疎籬竹徑圖書萬卷焚香吟咏聲琅然達戶外獨與簞山往來唱和無間也露下天高攜酒偕登平臺問清冷池竹圃遺跡憑弔鄰故

勅序 卷首

十

司馬之風流真有不可一世之志余讀其詩春容
蘊藉聲調如朱紘疏越不作衰草寒蛩之響而天
真爛熳深有得於言志之義絕非雕鑽纂組佞屈
纖巧者比吾信其能繼蘇門諸君子而復見空同
大復之盛者也夫靖節少陵同時詞章瑰麗樹幟
藝林益不乏人然或馳情富貴濡跡風塵康樂摩
詰未免遺恨二子窮愁著書志意嶢然聲名獨翔
翔雲漢星日之表石門韞川舊蹟具在後人過之
豈能與栗里浣花同歆慕哉山蔚孝友敦行鄉黨
無間言其性情有大過人者自此益加砥礪感遇

湯序 卷首

士

莫移其志拂逆莫動其心蓄焉暢焉肆焉擇焉且
欲已之而不得焉比與寄託自合三百篇之旨歸
靖節少陵何難千載輝映乎山蔚將刻集問世託
箕山索予一言予不敢以固陋辭因爲序之如此
不知有當焉否也康熙丙午仲冬睢陽湯斌題

序六 詞

詞與詩體格不同而氣運同然變化則亦因之以
各異唐人之詞猶詩之有漢魏也宋人之詞猶詩
之有唐宋也近世作者摹宋而溺於藻采格以唐
人則不免言澀而意短非古今人之不相及也氣
運使然也雖然厚立言之本而精變化之才者則
又非氣運所能囿雪苑劉子山蔚學本六經實充
而華茂未嘗以詞矜長也而亦長於詞余客歲過
郡城山蔚出所爲董園詞示余雅淡蒼涼避柳秦
之淫媒若將挽焉其神明變化之奇又非花間諸
子所及知蓋其立言之本有所自裕非徒掇華采
艷之技也山蔚事親孝行已介淳靜居業而慷慨
篤摯於友朋故區區填詞餘技能使讀之者竊然
以深愴然以遠油油然惻惻然如春聞鳴鳥而欣
如秋見落葉而感也然譬諸水其餘波耳溯而上
之不有滔滔汨汨排山倒峽而不可窮竭者乎譬
諸山其支垤耳循而攀之不有嵯峨業業與雲雨
見怪物而不可方物者乎若乃習權溇港局步坡
陀其不失域外之觀者幾何哉亦在讀者神遇之
而已睢州王嘉生書

王序 卷首

士

君子之學言焉已乎君子之言節觀聽焉已乎學期於積而積期於厚言期於行而行期於遠左聽而右說恥也多言而無補於天下躁也雖然厚其積而不汲汲焉志於行尤君子之默成者也小畜之君子不能也小畜之象曰風行天上小畜君子以懿文德夫風颯然而來飄然而止未有所謂積之厚而行之遠者也故君子體之以爲文章之觀蓋學之淺事焉爾是故行之遠與不遠君子不敢知而積之厚與不厚君子恒自省豈惟自省又復出而正之於有道凡以積吾學而已予年垂暮而

自序 卷首

古

學無所積如風之塤然起於窮巷之間豈能有行遠之望也者然而沾沾以文章自喜則亦徒爲躁人之言矣或曰知其然則文之刊也何居予曰自省之餘出而正之於有道耳蓋天地之氣鬱而宣之則有雄雌之風人之氣鬱而宣之則有可否之言予不能默成而無言也尙斯天下之可否我也
康熙丙寅夏五月自題

虛直堂文集卷目

- 第一卷
- 序十二首
- 第二卷
- 序十一首
- 第三卷
- 序十三首
- 第四卷
- 序十一首
- 第五卷
- 書十二首
- 第六卷
- 書十五首
- 第七卷
- 記十一首
- 第八卷
- 記十五首
- 第九卷
- 傳十首
- 第十卷

卷目 卷首

古

傳十首
第十一卷
說十三首
第十二卷
論十五首
議二首
第十三卷
答問十一首
第十四卷
墓誌銘八首
總目 卷首
行狀二首
第十五卷
祭文十一首
第十六卷
雜著十四首
第十七卷
賦十首
第十八卷
瑤圃詩八十六首
第十九卷

鈴語集七十一首
第二十卷
乙丙詩六十四首
第二十一卷
陶斯編一百首
第二十二卷
秋屏草上五十八首
第二十三卷
秋屏草下六十首
第二十四卷
總目 卷首
董園詞六十八首
夫

序

秋詠倡和序

秋詠倡和者何也宋君介山倡之吾黨諸君子和之也其詠乎秋何也感其候與物也然則秋固感人乎曰感在我不在秋也不在秋何以詠乎秋也曰適當乎秋則適詠乎秋焉爾夫觸物起興流連諷歎以自暢其情之所欲言者古風人之旨也介山既有感矣亦何必不詠也昔曾點氏固嘗詠於春矣雖其文辭不傳而聖人與之說者且謂有堯舜氣象焉夫其時至情生悠然泰然實有與天地萬物同其暢遂之機於斯時也蓋欲不一倡群酬而不可得也介山之秋當亦如曾點之春也乃其詠其在後世而有讀其文辭想其氣象者吾不知以為何如也雖然曾點而後至於今二千年間遊斯詠斯何時無人而曾點獨不可及者蓋其志自有所在非世之悠忽嬉戲消磨歲月以為達也吾於此亦將問介山之志也介山首倡詩八章曰雲



日月日風日雨日鴈日雁日蟻日蝻其和者亦人各八章也

閒淡寫來自有旨味非徒流連光景而已徐邈黃

孟氏孝行序

一日與田子箕山論及風俗禮教相與慨然太息久之余謂時雖非古而人性則未嘗異焉當吾世而遂謂至行無人吾不信也箕山曰然吾姻有孟氏者昆弟八人其父病痺輾轉牀褥間且數載矣而八人者嘗藥奉膳刮磨厠踰久彌篤且其家貧力供甘脆必豐必潔雖其八人中有尤不能給者亦勉焉恐後蓋孝之出於天性而萃於一家者也使八人者樹風聲於此聞之者未必無興起於彼無如雖有其人而莫或彰之風教之不加美也宜

虛直堂文集序

卷一

三

哉予曰嗟乎信矣有力者既不暇計此而吾儕又無力以副之則亦終無如天下何矣雖然吾固知斯世未嘗無人也昔萬石君名以孝謹傳家長子廷每五日洗沐歸謁親入子舍取親中帚廁踰身自澣酒漢史稱之至今以為美談夫萬石君固無恙也而建與諸弟皆二千石有廩祿具侍者足以奉養其親而建特五日一入子舍以少將其愛親之誠而諸弟亦未聞皆能若是否也設萬石君如孟翁之遊疾而建與諸弟又如八人者之為布衣家貧不能具侍者無廩祿以為養而早夜躬自勞

瘁力奉甘旨兄無怠色弟無倦容勤斲斲歷久如一朝吾不知史臣之嘉與又當何如然則建一人為其易則已傳矣孟氏八人為其難而聲稱不溢於里黨豈非不得其人以彰之哉予固無力以彰孟氏者也姑與八人者言禮可乎曲禮曰父母有疾冠者不櫛行不翔言不惰琴瑟不御食肉不至變味飲酒不至變貌笑不至矧怒不至詈八人之侍疾其已幾於此乎其或猶有未幾於此乎吾知八人者必不自以為已幾也倘不自以為已幾而益勉之天下未必不聞其風而共勉之天下果

虛直堂文集序

四

聞其風而共勉之則孟氏之孝庶乎其不沒而風教之隆庶乎其可望余雖無力敢斬一言以為風聲之樹哉箕山曰善請書之以勉八人而風天下變化歷落如絳雲在霄令觀者目眩 徐運黃

女史序

從來齊家之難難於治國平天下而家之難齊尤難於婦人故堯之試舜不汲汲於天下之事而先之以二女二南咏文王之化首關雖次萬章卷耳穆木諸詩皆憐憫於女德焉豈不以閨闈所係之重乎且自古婦人之禍人家國毒於敵國外患而原其所以致之者又未可徒咎婦人也何也無宿昔之教無身範之端無思預防之法因循驕縱以至於家破國亡為天下笑君子有專責矣易家人之卦可玩也曰利女貞蓋女不貞則大不利女

虛直堂文集卷一

五

貞焉而後家可言耳初九日閉有家悔亡猶坤之初六履霜堅冰至也不及其志未變而閉之悔何及矣九二女之能貞者也曰無攸遂則牝雞之晨可知矣詩不云乎無非無儀惟酒食是議在中饋之旨也然而治家之道與其以情勝也無寧以禮勝故九三之過剛有嗃嗃之吉無嘻嘻之吝焉夫誠如初之能閉家也二之能正內也三之位乎外而惟嚴四又以柔順保其所有而謂不富家大吉吾不信也況以九五剛中臨乎上而又得六二內助之賢則王假有家勿恤而吉可想琴瑟鐘鼓之

盛已然而致此者其惟端型於已壞琴瑟長久之道不必如三之過剛則上之有乎威如庶幾其無偏勝焉孔子曰反身之謂也其探本之論哉不然閨闈之中不習詩書之文不聞古今典治亂之故理義之言不熟於耳是非之介不明於心而又隨以不行道之身無端而責其貞且順必不得之數矣故予推廣劉向列女傳述女史十二篇有家者早以是訓之典亡治亂之故班班可考由是以熟理義於耳由是以明是非於心其為家人之助位眇歟夫子修己之學不但齊家已也而夫婦

虛直堂文集卷一

六

居室之間實道之所託始然則吾十二篇之法戒顧特為女子設哉其亦反身之謂焉爾否則一家之內且無宿昔之教無身範之端無思預防之法又何論國與天下也嗚呼是亦不占而已矣
深醇而有法子固之佳篇也說易一段更極參差錯落當為輔嗣所難

箕山

贈孟氏序

天限人以力朝廷禁人以分而力之所窮分之所不得為者君子無如何也雖然吾竭吾力力窮矣因其窮而竭之人皆有力焉吾盡吾分分不得為矣勉其得為者而盡之人皆可為焉苟極吾得為之分而無所遺吾力則即謂天未嘗限其力朝廷未嘗禁其分亦可也嗚人有孟氏者知事親嘗私自念以貧賤故無由能尊顯之心怏怏也其父且老鄉黨稱其有行自於守守察知非妄旌其門孟乃加額自慶曰吾編戶賤氓不知學問不能博一

虛直堂文集

卷一

七

命為朝廷効犬馬積涓埃之勤邀地封於父母又今鄉飲酒禮率非貧窮野老所得與即富室貴族有司猶憚一出與之拜跪行觴歌宵雅伸朝廷德意而僅以十數豆登頌受於家吾儕更何望乎顧賴守之賢猶能表吾宅里使吾父之德昭聞於鄉曲遠邇在吾之分與力無異致華袞於吾親矣是時也州太守具額署衙命兩吏登堂致辭孟乃為父具鮮衣冠肩盤輿鼓吹招搖於市而迎之同里無少長覩疎爭持羊酒為壽孟置廣座大張供具扶其父謝守吏畢酌滿卮為文獻壽次第拜賓客

翻者莫不感嗟為榮夫朝廷方亟亟課郡國崇起

雅化勵人心而厚風俗設使以孟氏聞之天子

下尺寸之詔以其父為鄉三老而孟膺孝弟力聞

之選如漢故事則風聲所樹人爭濯磨以殫其事

父之力以盡其得為之分比戶之間當可盡封也

孟益勉之吾將望於采風者

尋常事不必別有奇思只通幅叙置竟足遷固

便令人驚為奇絕 徐恭士

虛直堂文集

卷一

八

敬享約序

祭義曰君子生則敬養死則敬享又曰祭不欲數數則煩煩則不敬祭不欲疏疏則怠怠則忘嗟乎生不及奉菽水沒而俎豆闕如焉其何以爲奉先事死哉顧吾家自辛巳之疫壬午之寇彫傷零落所幸而存者五六髻鬣之童孫幼子而已纍纍丘墳峙於白楊青草之中者一世二世僅以位次辨而歲時伏臘典祀徒豐於昵則遠之莫追也抑亦久矣夫吾幸存之髻而鬣者賴厥先祖之靈又復各生厥子若髻而若鬣矣然而一本之誼未講長

虛直堂文集 卷一 九

幼之節未習骨肉之情落落也甚而肥矜莫速孔懷不聞幾何而不爲塗人哉嗟乎以一人之身侵尋而爲塗人不其悲歟丁未三月兄子動來請曰吾家祭忘其本而情日以渙動擬月一聚各少醪錢積半歲次第主之以供祀事而吾數人者裸獻拜跪於洋洋如在之前而復餽餘於昭穆上下揖讓進退之際或者一本之誼可以明長幼之節可以諳骨肉之情可以庶幾而漸洽乎榛曰嗟乎動之言也可謂孝矣吾聞之祭則觀其敬而時春生秋死草木之時也而君子念之自今伊始期以寒

食孟冬之朔兩羞饋祀既不病於數又不病於疏弗敢煩也弗敢忘也洞洞屬屬惟誠惟孝以上通於神明庶乎其爲敬享者歟古之人親族而族睦不得其親之之方而欲睦無由可知也然則從事於敬享之約卽共體夫親族之義而吾數人之幸存者其從此易塗人之心而嗟之也乎噫

油然而仁孝之音 寶山

虛直堂文集 卷一 十

贈姚生序

丁未冬姚生溶白山左歸道過梁園謁吾門再拜
謝曰溶黃安童子也乙巳春試於郡太守分其卷
於別駕宋公辱宋公之知以第一人許焉久之謁
宋公乃知先生舊臨宋公之署而知溶者先生也
溶不肖不遇於世而先生獨知溶溶其敢忘乎其
辭謙以婉其貌和而恭生其知道之士乎哉於是
摘蔬蕢酒與之言而上下古今娓娓動人余益敬
之顧察其容有抑鬱憤惋無聊之情問其故曰曩
之第一人既為有力者所奪而學使者試又不得

虛直堂文集序

士

當也余曰嗟乎生之不遇也固也然遇不遇者命
也持可遇之具而不能必其遇者文也雖具必遇
之文而不敢自以為足者學也脫然於遇不遇之
外而自有以樂其志者道也命既聖人所罕言文
則生之所已至而學又生之日進而不可量者也
吾獨願生之樂乎道焉夫遇有窮通道無窮通以
孔子之聖終身栖栖而不得一當以顏子之賢日
困於陋巷簞瓢曾無一命之榮而况不及孔顏者
乎然則聖賢固不以遇不遇為欣戚也其不以遇
不遇為欣戚者蓋有道焉足以樂吾之志也周茂

叔嘗令學者尋孔顏樂處夫孔顏之樂人人共有

之樂也生歸而尋之則抑鬱憤惋無聊之情

不患不灑然而冰釋矣雖然龍潛虎伏不終朝而

際風雲生又何憂不遇而世之知生者豈遂無人

哉生知道之士也於其別故以樂道之說贈焉

道字作骨足以消世俗苟圖速化之心而行文

亦婉宕多姿 徐邈黃

溫潤縝密得永叔之神 宋牧仲

虛直堂文集序

士

劉山人詩序

孔子刪詩次十五國風以吳楚之大而不得與焉豈果其外之歟抑其俗不為詩而無可采錄耶何親逢聖人之論定而顧不能有一言以傳於後者今之產於其國不獨學士大夫競以詩雄即藥肆星塵黃冠緇流與夫遷有無執藝事刀筆在官而簡兮玩世凡挾所長以走天下為吾耳聞而目接者無不能長歌短詠以自快所欲言有非十五國之人士所能及者則其俗豈異於古耶或傷其先得與於十五國之中抑鬱憤積而大洩其不平

虛直堂文集序 卷一 七

之氣於今日哉今天下同為禮樂文物之國既無可外者而又為詩之盛若此聖人復起將必取之以補三百之闕亦可知矣江右劉山人來遊雪苑喜為詩持二帙謁予請序焉夫江右固吳楚之支也山人雖不得志於時然猶有詩足以備後聖之采錄而附於古作者之林山人即歸而終老於鄱陽椒丘之間亦已不患其泯沒又何必慕十五國之風而遨遊之而又將奚所求也

一片筋力團成煙波其命意結體選字造句無不妙絕 徐恭士

示徐生序

古之教者何教學者何學曰道而已矣今之教者何教學者何學曰文而已矣古之教以道學以道健性而文莫盛於古今之教以文學以文而文莫衰於今何也曰風漸使然也雖然豪傑之士惟有自立已耳風之漸人如疫焉惟不培養其元氣得以乘虛而染比其染也又一聽於庸醫之手熱則投之以寒劑而寒過寒則投之以熱劑而熱又過病豈有已時乎蓋道者文之元氣也元氣充實雖有百邪烏得而侵哉同里徐生假紹介以進曰願侍先生而學文焉夫予非工於文者生學文必有意於時而時文尤非予所工生抑然俛首從吾遊而不疑將非謂有自立之志乎以生之遜志出而問天下賢人君子必有樂告以道者而區區學文於予予亦庸醫第不敢以寒熱之劑漫相投耳生能自立是元氣之得於天者優也苟堅其志而不為邪氣所染然後可漸告以培養之方焉顧天又可恃乎哉

虛直堂文集序 卷一 西

婉孌 避黃

送湯潛庵先生序

今天子方嚮學命廷臣三品洎外之藩臬以上各舉所知以備顧問甚盛典也於是少司農魏公副

憲金公先後爭以吾郡潛庵湯先生登薦章於戲

二公可謂能知人矣檄至有司趣先生行先生難

之不得辭行有日矣凡知先生者無親疎設供張

祖道稱觴且各賦詩以侑之其詩之義或以名位

為榮或以得行其志為先生幸或以先生之用為

吾道光劉榛曰此非先生意也先生懸車二十年

羸馬敝裘讀書考道為吾道之光不少矣豈關用

虛直堂文集序

不用哉先生弱冠掇巍科入列侍從出領方面

先帝未嘗不用先生先生之遇亦非不足以行其

志也而先生毅然致政歸先生又豈以名位為榮

者哉榛故曰非先生意也蓋先生之起有所以難

焉者矣內而獻納與前所為方面於外其事任顧

可同日語乎且先生夙擅清望又於其列為先進

計日可登台輔先生之位則任愈大責愈重之位

也先生之道則格其心沃其心之道也先生之志

則不枉已不徇人不易進不難退之志也於戲當

吾世而欲不負其位不負其道不負其志厥惟艱

哉先生二十年羸馬敝裘讀書考道蓄之也厚當

發之也易而先生難之若有所不得已而行者則

先生之意可知矣雖然君子乘時原不以難易為

趨避也今天子既嚮學求才若渴是大有為之

基也先生熟觀行政之得失用人之臧否民間之

疾苦利弊邊疆用兵之機宜與夫天時人事之吉

凶人心風俗之隆汙君德所以消長之幾天下

國家所以治亂之由當必一一而入告我后焉

榛將翹首全足以觀先生獻納之效也先生行矣

願先生無忘二十年羸馬敝裘讀書考道時

虛直堂文集序

先生與山蔚相勗於道者宜其贈言如此而文

在送溫石處士間變化不覺

沈氏族譜序

沈君開陽續修其族譜成問序於予予讀之竊有感也予家與沈氏皆以軍戎來歸德創造之艱與有同焉而三世四世之間不過三數人又不顯兩家亦同其後皆釋耒耜而服詩書又同閱五世而沈氏建寧公貴又再傳而文端公相天子予家僅有取科名者不得同於沈氏矣沈氏以恩澤致通顯冠冕交錯而被服儒者常數十人乃約予族而計之寥寥十數而已此又不得同於沈氏者也顧鼎革以來中落不振兩家同焉而沈氏族姓繁滋

虛直堂文集序

七

多至二百餘人而予家寥寥益甚是又同而不同者也凡此者皆天也且予家譜牒亡於兵燹中三世之祖求其名諱而不得沈氏之譜文端公修於前開陽君續於後繩貫縷分瞭然在目更予所掩卷三歎而憾莫能同也已夫凡事之係於天者不可得而強也所可強者人事爾予聞之惟和可以召祥惟德可以動天惟學可以致顯揚嘗欲以此倡屬同姓而未能乃今為沈氏之族者覽譜牒而溯淵源詎不瞿然念曰今日之參商仇讎皆其初一體而分者也一體而可異視乎吾知必相篤

於和矣試再念曰三孝表里以來世有懿行為降祥之基豈至我而散之耶吾知必相進於德矣抑更念曰祖宗非生而貴者羨前人之隆遇而憚前人之攻勤是裹足而求前也吾知必相勉於學矣夫然續譜之功何其大也而豈徒區區別支系紀名數已哉夫天人相與之際甚微而倚伏循環之理不爽無謂已往之盛不可復見于將來也予亦願與同強乎人事而已

通篇以同字點染歷落作姿而節節合法處處有力精細生其烟波讀之移情不盡 恭士

虛直堂文集序

六

贈張玉標序

遇合之故天定之哉抑人定之耶定之自天可不
 問挾持之具矣若定之自人人皆謂挾持之非其
 具者而竟遇焉又何說與張子玉標從出簣山先
 生遊人皆曰惜哉玉標之必不遇也卜之於簣山
 矣簣山之挾持非其具也辛亥冬學使者來試士
 玉標先為郡守所擯乃試簣山又不得高列人益
 信簣山之果非其具而益卜玉標之必不能遇也
 無何郡守復收玉標而學使者亦遂奇而錄之則
 其所挾持者依然簣山之具也遇合之故果有定
 耶抑無定耶夫世之所為挾持者何具也哉簣山
 與吾同學二三人皆不欲為亦遂皆不能遇而終
 亦皆不欲變也玉標之遇不益堅吾二三人之素
 志哉玉標猶遇之小者也而前之必其不遇者皆
 轉而奇其遇矣進而復大遇焉吾知群然且自悔
 其挾持之非而問玉標以必遇之方也玉標勉之
 矣

層層跌層層轉息如春絲 簣山

虛直堂文集序

卷一

十一

韻統序

道之在天地古今者不能人人默識而通也聖人
 不得已而有言言之不能遠且久也聖人不得已
 而制文字故道之昭垂於天地章施於古今如日
 星河嶽之不可掩沒者聖人之言為之聖人之文
 字為之也學者生千百世之後欲上考古聖人相
 傳之統與亡治亂之規模君臣父子人道之大經
 大法天命人心危微之幾陰陽動靜吉凶消長之
 變與夫鬼神之情狀日用酬酢萬事萬物之機宜
 無不賴聖人之文字以通聖人之言然後道之在
 天地古今者始灼然曉著於人心而不晦由是言
 之文字顧可忽乎哉後世不察難以歐陽子之賢
 猶謂儒之學者遠且大而用功多文字莫暇精也
 蓋有不兩能者矣夫文以載道謂之兩焉可乎况
 儒者之學始於格致而展卷親聆聖人之提命即
 安於茫昧而弗曉將格物致知俱有所弗暇也哉
 其尤惑者且曰非所求於上也不必異於俗也得
 其義何必區區詳其聲也於是承訛襲陋或據之
 於半形或窺之於近似朗誦高談恬不知怪弗畏
 聖人之言孰大於是且見天地古今之道將日晦

虛直堂文集序

卷一

十一

於人心也。予不自量，輯韻統三卷，辯疑誤於既往，釋畏難於將來，其法簡其旨明，學者苟降心以從事焉，則不崇朝可了也。由是以通聖人之言，由是以求所謂天地古今之道，不亦致知格物之大者乎？予非敢欲驅天下之不暇及者，而必及於此也。蓋聖人之言，予自不容不畏耳。

不施斧鑿而法度森然，如漢工製玉，渾朴之中，饒有精思。黃山

虛直堂文集 卷一

序

虛直堂文集卷二

商丘劉 榛山蔚著

睢州田蘭芳 箕山選

序

徐邇黃先生制義序

聖人之書，何為而作耶？豈逆知有裂其言而雕繪之以餌利，而弋名者哉？使逆知有裂其言而雕繪之以餌利，而弋名，則聖人寧無言已矣。况裂其言而雕繪之以餌利，弋名也，而又浮濫而苟且焉？聖人之恒焉，心傷可逆想於千載之上矣。且夫我之敬用筆如神龍天怒虛直堂文集 卷二 一 所以裂其言而雕繪之者，詎我之言也，與哉？蓋代聖人而言也，代聖人而言而不失乎聖人之言之意，未必為聖人之徒也；代聖人而言而不恤失聖人之言之意，則其不為聖人之徒可知矣。夫代聖人而言而不失聖人之言之意，雖裂其言而雕繪之，聖人之所許也；代聖人而言而不恤失聖人之言之意，則雕繪之愈工，餌利弋名之愈捷，而聖人之心愈以傷，何也？聖人之書示人以入道之方耳，顧其旨約而渾引，而不盡發，而嘗俟乎善學者心解而自得，卽制義之取士，蓋亦欲心解而自得者。

而多所發明耳。豈欲其浮濫苟且。不恤失聖人之
 言之意也哉。吾里徐邇黃先生學聖人之道有年
 矣。其於所謂入道之旨。心解而自得者。嘗不欲徒
 託於文字。故三十年不應舉子試。獨有時爲門弟
 子所請。不得已代聖人而言。淳古淡泊。務不失聖
 人之言之意。蓋當其發言之初。早已與世之餌利
 弋名者分途矣。先生既沒。予檢其遺笥。錄而訂之。
 屬其門人侯方至。授之梓。所以益廣人。以入道之
 方也。學者欲從事於聖人之道。而求其約而渾引
 而不盡發者。取先生之文讀之。當無難心解而共
 得也。是故欲學聖人者。必先求其爲聖人之徒而
 學之。而後聖人可以學。欲得聖人之言之意者。必
 先求心解聖人之言。而得其意者。而後聖人之言
 之意。可以得。先生得聖人之言之意。而又爲聖人
 之徒者也。學者於今。既不能得先生而學之。而先
 生之心解。而自得者。猶幸有此言也。則可不亟公
 之同好哉。雖然。葉公好龍。見真龍走匿。而不敢
 先生之文。真龍也。讀者尙熟觀其所以飛動變化
 之神哉。

當其下筆風雨快筆所未到氣已吞子瞻言之

山蔚有之 恭士

虛直堂文集序

卷二

三

侯輔之文序

遇合之故。顧足論哉。輔之與其兩兄同奉太常公之家學。先後同以文名。而兩兄大用於世。輔之獨不遇以死意者。其天乎。不修於人而言天。誣也。可一脩而遇。不遇頓殊。此必有操其故者矣。吾不及見輔之。少時聞其以任子結髮挾策遊南雍。聲藉甚。與一時南北名流馳騁上下。豪邁自喜。有不可一世之槩。然而不遇也。及天下大亂。輔之走河朔。泛淮。浮江。竄身吳會。瀕於死者屢矣。久之歸。函關別墅。種花澆酒。不復言文事也。又數年。予方學爲文。時時從輔之。質問輔之。必退然讓氣。靜而和意。沈而敏於吾所聞。少時之豪況。幾不可信矣。輔之其與時信變者耶。已而出試。有司其文亦且變然而卒。不遇也。豈非天哉。輔之沒十七年。其子方至。刻其遺稿。問言於予。予曰。嗟乎。輔之不遇死矣。今其文皆三朋之餘智也。其誰能信之。夫以遇爲信。則輔之之文。卽以不祥棄之也。宜不然。亦當有擊節而讀。拊膺而悲者。嗟乎。天下之遇者。何限。非輔之之文。而遇者。何限。且并無所事乎其文也。而遇者。又何限。而輔之獨不遇。以死遇合之故。顧足論

虛直堂文集

卷二

四

虛直堂文集

卷二

五

哉。然則天下後世觀其修於人者。亦尙有解於其天也耶。斯集也。少時之馳騁者。什九。而後之變者。一二耳。蓋自予學爲文。時輔之已不樂爲文矣。然則文又何必樂爲也哉。結語深有味

慨折處一往而深 恭士

我庵語略序

徐邇黃先生既沒其門人田子蘭芳搜輯其平日
 筆札所存為一帙曰我庵語略予受而讀之皆精
 義微言也曰此豈可秘諸篋笥哉遂授之梓而為
 之序曰自孔子有論語而後世諸儒有語錄雖其
 純駁精猶不同而引人以入道之心則一也論語
 非孔子自著而後世諸儒之語亦其門人錄之雖
 其師說之能傳與否不盡同而尊師重道之心則
 又一也顧其言駁且猶者無論矣法言中說幾幾
 乎摹聖人之言而似之而終不能與聖人之言同
 其用豈非徒摹其言者不足以邀人信從耶太史
 公傳孔子弟子不得一言以紀其生平者什之六
 七矣而顏閔之流亦終其身曾不數言見於世然
 稱善言德行者必歸焉由此觀之君子惟患行之
 不修耳不患言之不善也惟患言之不足以傳耳
 不患其言之寡也先生究心性命之學三十年不
 欲以文詞名或勸其著書因目前檢點未能自信
 遑勝口說耶而時與同志往復片札寸牘皆有發
 明其引入入道之心不可沒也然已略矣雖然性
 命之微折軸充棟而不加詳亦片言隻語而不為

虛直堂文集序

六

少也天下後世即此略者以求先生則先生之誦
 焉而不盡發者固亦未嘗有隱焉而不可聞者也
 善學者得其一言已足終身又豈必多乎哉或曰
 孔子之書如日月經天今之學者尚不知其作何
 用也矧茲略者乎然則田子亦自盡其尊師重道
 之心而已矣予曰雖然亦安可輕量斯人也

極朴茂文字無一粉澤語是閩中肆外之業
 實

虛直堂文集序

卷二

七

贈曹生序

間嘗與二三同志慨然杯酒之餘論及士習所由
敝皆曰上無教下無學故淪胥以溺而不知返也
予曰固然夫豈無誦先王之言飾長者之容儼然
自命以儒修而探其中藏有不可以對妻孥者至
於挾華摘藻鬪博矜妍益以佐其罔利盜名之具
而倫常日用之間無非反道而敗德也若而人者
卽窮年矻矻以從事於詩書絃誦庸有愈於不學
者乎吾意有志者疾士風之偷悲實學之喪必有
厭棄乎黨庠術序之途而逃之於方技藝能之中

虛直堂文集序

八

以自行其意者而曹生果負藥籠自黃山出夫生
既不屑操三寸之管以儒業自緣飾而提刀七坐
市廛爲韓伯休生涯世有不以生爲藝士者乎猶
夫見魯國之峩冠博帶者無不目之爲儒也而吾
之相天下士正不在此何也君子之行惟隨遇而
盡其在我不使一毫希冀僞妄之心雜於其間存
則必忠發則必信幸而達也匹夫匹婦必被其澤
不幸而窮也一鄉一井亦食其德如是而已試問
今之學者何如也哉吾自與生遊察其衷則坦白
也跡其行則朴慤也易所謂有孚盈缶者是耶非

耶且蕭然客千里外以售其術爲生業而乃泊然
不以利言惟生物之懷爲不能自己將不得謂仁
人之用心乎宜其厭棄乎黨庠術序之途而逃之
於方技藝能之中以自行其意也使生逢西河上
子有不許以爲能學之士乎哉於戲可以風已
個特處如虹盤鉞屈○激於中發於外與安排
作如何文者生死不同黃山

虛直堂文集序

九

侯若思遺稿序

侯敷文梓其先君子之遺稿既問言於田子箕山矣而父屬序於予予曰異哉敷文之欲闡幽於其先也豈未達乎顯晦之故與夫人而顯者也雖無足以動天下之傳而人固美之夫人而晦者也雖有可以傳天下之具而人弗信焉即不幸而其人晦矣得顯者以爲之託而亦可依附以傳不幸而其人晦矣乃復有晦者詡詡然揚厲於天下曰此其人可以傳也不堪當羣情之一粲矣敷文先君子若思不幸不得志於時蓋所稱晦者流也當明

虛直堂文集序

十

思宗時其族子朝宗諸昆從以及吾家千之與徐霖蒼張伊人吳讓伯延仲賈靜子輩修社事於雪園一時人文稱彬彬焉而若思亦上下於諸君子之間有聲也未幾遭寇變諸君子多以身殉存者三數人耳而若思卒亦困頓流離鬱鬱憤憤以死死今三十有五年世無復知有若思者則若思竟晦矣雖然幸尚有若思之文存什一於千百其文傳而其人猶未嘗晦也然則是文也顧可不慎其所託哉異哉敷文之欲闡幽於其先也乃盡置夫當世之名高而顯者獨予與箕山二人是問豈晦

與晦固當各從其類與不然則予二人何足託而予二人詡詡揚厲於天下又誰能信之哉意者天下之文之傳者盡顯者矣天下之文之託以傳者無非顯者矣一旦有其文出焉則晦而莫知其誰也而觀其所託以揚厲於天下者則益晦而莫知其誰人情必大異矣異則思思則疑疑則轉相傳告曰夫夫也皆何爲者也此其傳之心一術與言未已敷文肅然正色曰先生何言之戲耶顯晦顧足論哉先君子之文已幸百里之內兩先生皆見許又何慮乎天下之大後世之遠而且傳與不傳固不問之耳食者也予既感敷文之誠而尤奇其無流俗之見於是即綴其所與言者書以遺之以俟後世之子雲焉

虛直堂文集序

十一

以顯晦爲骨一意剝卸層層見意文情如輕雲籠月箕山

送曹生南歸序

伏案

予性不喜妄交人即里黨伏臘之聚亦率不過三
數人而已有責予之隘者予唯唯歌有杖之杜以
謝之一日見蒲坂李蓉懷不數語間遂與論交焉
退而誇於雅之田箕山箕山信之與之交且久益
許予之能知人也蓉懷者所謂靖愨先生是也靖
愨先生既亡予與箕山有絕弦之歎而曹生濟臣
自石照山至隱於醫予遇之曰生方技之士乎哉
遂與遊甚驩未幾買棹歸箕山恨未識也戊午生
復遊梁予亟介箕山友之三人之契合不異在靖

虛直堂文集序

卷二

七

愨先生時而獨惜靖愨不能少待以見濟臣也或
曰君於里黨恒落落而二十年間獨與異國人遊
也何居予唯唯又問曰占同人之九五未占六二
也庚申冬濟臣言還予與箕山祖於道離觴再舉
黯然而請曰生之行後期不可知予有痼疾為
世所憎生所熟視也忍無方以瘳我乎生曰何予
日身不能隨人俯仰項不能因時轉側耳難聞尊
吝之言目羞祿掩著之行羣爭捷徑有足而弗前
羣逞嘗指有唇而莫啓其辨頑也如此言未竟生
笑起曰君善保此疾以待吾復來

清微孤發不收拾處無一往不顧之失煞見文
字灑落 箕山

虛直堂文集序

卷二

七

續敬享約序

康熙丁未聚族為敬享約追遠也酒誥言齊魯克
 羞饋祀爾乃自介用逸善矣行八九年有萼之誤
 人者遂中輟輟五六年幸前所儲未之竭猶能薦
 廣壯也幸酉前所儲竭矣榛懼焉爰告族眾曰祖
 宗裹糧荷戈而來胥宇網繆為子孫創垂至艱也
 三百年箕裘相承寢熾寢昌而溯源反本顧能一
 日忘所自哉且夫祀大事也比族而親之厚道也
 棄讒言而慰在天之靈明且孝也其能忍自外乎
 於是卜日為供具復召族眾至皆願如舊約一切
 稍變通而儉之俾其力長足也約定坐酒三行榛
 曰古人讌必賦詩今日無以奉眾驩請歌詩以侑
 一觴可乎乃歌揚之水曰揚之水不流束楚終鮮
 兄弟維予與女無信人之言人實廷女有廢杕杜
 以答者曰有杕之杜其葉菁菁獨行畏眾豈無他
 人不如我同姓四座愴然欲獻欲泣榛起徧酌於
 眾曰吾儕孝享而宴樂之蓋紹庭陟降之思於是
 焉寄匪但酒食相徵逐也雖然烏可不盡驩復為
 歌類弁曰有頍者弁實維伊何爾酒既旨爾殽既
 嘉豈伊異人兄弟匪他焉與女蘿施于松柏未見

虛直堂文集序

古

君子憂心奕奕既見君子庶幾悅懌眾乃齊覆一
 觴曰敢不永佩誨言再拜賡楚茨之卒章而去曰
 樂具入奏以綏後祿爾殽既將莫怨其慶既醉既
 飽小大稽首神嗜飲食使君壽考孔惠孔時維其
 盡之子子孫孫勿替引之

莊敬之中逸氣橫溢 箕山

虛直堂文集序

五

贈張侯序

癸亥履端之辰睢之廣文樊奕文先生使至具書介其庠士禮幣為言於榛曰攝睢政刺史今沙隨張侯也公蒞沙隨二年許其治理效當已厭飲於君之間茲來視睢篆纒決旬耳善政不可一二數即如運柳之役嘗騷動兩河士之釋經太息者夥矣公曰是豈可擾及膠庠哉除之一蔬一粒非先予其直不入賈販之所償往往浮於民間漕糧之費宿弊叢焉剝民脂以益之例也公曰例當自我破之吾無染指朝廷之發帑自足其德施之普於

虛直堂文集

卷二

七

生有力之口多矣求其譽未有不譽者矣即不必親出於其口而但以其名譽之則人亦未有不貴其譽者矣而顧舍之以下詢於草莽非徒以三代之直猶有存於鄉曲術序之間乎且榛聞公之為治也優游坦易灑然自行其志大遠於俗吏之為故世人一切之頌揚弗以為榮而里歌巷謠或時一傾耳以自考政治之得失未可知也若然榛請為公賦詩其詞曰五寒皮肉苦凍皴一聲太簇春生勻為吏那須有奇神但願不愛朱提銀君不見孔奮昔時治始滅笑殺人間輕薄郎身處脂膏不自潤區區浮名何短長况公之來纔幾時民曰父母士曰師若道廉吏不可為請觀今日張沙隨清思素質意法兼到有獨往獨來之樂

虛直堂文集

卷二

七

匏客先生詩册序

至暫者身也至無用者名也至無關於有無之數者詞人韻士之技也夫以至暫之身而勞勞於至無關之技以冀俸他年無用之名學士之惑非一日矣顧天下古今之不工其技者無論矣工矣而有名有不名有名之悠且遠而無當於有無者自若也有名之惟患其悠且遠而有之不如其無之也而且不知何况其餘有名之不幸其悠且遠而里閉病之子若孫羞之至欲澌滅其迹而不能也夫名果累人若此哉母亦人之自累其名也實甚嘗觀古昔聖賢但不

虛直堂文集序

九

欲虛此至暫者之生於兩間耳至骨之化於土壤不知幾千百世而語言行事處然人寰與日星河嶽而惟新然則君子詎貴以技能見乎雖然一器一物猶有手澤而况其筆墨之蹟霄君之寶此册也為匏客先生重也非重其弄月吟風飛毫拂素之技也即先生之技不必工亦可緣先生以名無窮而矧其清思老筆又儼然先生之勁骨也西山止有之歌無有親見之者而又激且淺後儒往往廣之然而感人已多先生之詩無怨烈之情寧君又親見其蕭灑之吟盤礴之書傳之後世吾知頑焉於

此與懦焉於此起固曰星河嶽之垂在是也然則人苟如先生之立身則身非暫苟如先生之成名則名非無用苟如先生之兼擅其技則其關於天下後世亦大矣然則人可不自重哉又可不如寧君之知所重哉

清言滔滔自成機杼筆墨外會心殊遠

實山

虛直堂文集序

九

贈張醫士序

匏客見客兩先生託於浮屠以行其心之所安至於抱其蘊老死而無所施蓋天不予以可施之時遂亦竟不施焉已君兩先生之從孫也顧天又窮其遇而無所得施於是託於醫以行其心之所不忍而指神劑良其驅二豎也如鑠春冰焉天君子釋術而處隨分以善其所為苟際可施之時得可施之遇拓其生平之蘊於一時流其無窮之澤於後世幸也不然一鄉一國無不可試其所學而曲藝小道皆足以觀仁人君子之用心焉君雖有可施之時而不得可施之遇姑小試其不忍入之心以起斯人之疾苦而予以吉康亦可謂善於擇術者矣夫今天下疲癯殘疾顛連而無告者詎獨一鄉一國哉推一鄉一國之不忍而使天下後世同躋於仁壽以樂德施之普吾不知天意又將誰屬矣噫

尺幅之中具大波瀾起伏更眩人目 石廊

虛直堂文集 卷二

序

鄭石廊詩序

徐吳諸子樹幟雪園距今且五十年天下往往猶艷道之夷考其所工蓋特在制舉藝而詩與古文辭猶研求之有未及也石廊生雖晚才豈後於諸子者龍門之文少陵之詩且駸駸乎有得心之趣而顧名字不溢於鄉邑豈貧士失職固應難以自見歟雖然君子患所以法今傳後者無具耳關薄技而弋浮聲即使長留天地亦如無有况其逝水颯風過眼而漸滅頓盡哉石廊其必有以知此矣一日石廊請序其詩予曰君詩之雄天下所共見予何言然歲月不我待也而髮種種矣將伯不我助也而行景景矣意必有惕時過之難成致桑榆於末路知與不知付之百世勉與不勉存之此日者少陵曰不辭辛苦行迫此短景急石廊其專於詩也者則詩之中豈無別會石廊不僅專於詩也者則詩之外可汲汲者亦多矣石廊苟然吾言獨駸駸乎得心於少陵哉吾亦從此操魯陽之戈與君相周旋則前之徐吳諸子或未必不慨然生回首之憾也

虛直堂文集 卷二

序

大雅特標興致滿眼 寶山

商丘劉 條山蔣者

雅州田蕪芳贊山選

序

詩經纂序

六經所以明道也而自為帖括之用則經亡矣且易不可為典要而詩與春秋亦然泥其文而求之則其義愈晦蓋詩也者隨感而言其志也言之所指未必為志之所存則其溫厚醞藉同時之人未必盡知之况在數千百年之後乎顧聖人之所取

虛直堂文集序

一

惟其止乎理義而使諷之者涵泳而日得其性情之正故古人之學不必依賴訓詁而徃徃因之能與也迨至後世先王之教澤既熄人不知斯道之存而遺經將廢於是不得已誘天下於帖括之中使之不棄屣而去也可以慨世變矣則夫為之學者應上不求不得不以文為業以文為業不得不以言是循以言是循不得不字櫛句比抽絲穿穴以求明也其勢蓋不能已焉矣吾里前輩安君履吉者業詩病世之說詩者其明猶未至也而為之纂蓋引編張目揭作者之肝膈而示之帖括之習

不除其功當與天壤同壽矣或曰然則經不以帖

括而愈明乎而謂之亡也何居曰經以明道道亡

而經何有彼夫汲汲焉懷利以馳章句之末而希

工於文藝即區區草木鳥獸之名亦不暇識遑問

其典觀羣怨事君事父之益哉古人之言志者而

適以為奪志者也其謂之亡乎其不謂之亡乎雖

然有志者誠因是而反之於性情之間法其所美

戒其所刺而六義之指歸無不為一身之實用則

經明而道益明以之修齊以之治平將無往而非

詩教之所與矣然則安君之纂又豈獨可為帖括

虛直堂文集序

二

之用歟安君舉明天啟甲子孝廉其書久湮沒於戎馬灰燼之餘而今始解願於天下也然則一書之顯晦顧亦有時哉

直抒胸臆不求工而工至此之謂辭達

贊山

介雅堂遺詩序

萬物生於氣而氣有常不無變其常也。然勞瘁於宇宙羣生共結於一氣之中而無可見變則見矣。變而消甚而消之幾於盡而氣之為氣自在也。所以為氣者無盡也。猶之雲布溟淵漫幾不可見其烝烝之迹矣。漸而消焉而變態見變。而至於消之盡而雲之為雲終在也。所以為雲者無消亡也。是故氣在世而為運在人而為節。當其運之盛也。人人懷臣忠子孝之心。熙熙然相忘於渾沌。無可以節見也。迨天氣變於上。人氣變於下。而非常之故作矣。顧變極於非常。必猶有變之不盡。變者結其氣於一二人之身。而後君子之節見脫。並此變極之餘氣亦消亡。而無有存則天地萬物一息俱盡矣。然則同焉。是人而獨能承此不變之氣以結於身。夫豈偶焉者哉。榛少讀金正希先生之文。而因以知其人。今論交於潘子雙南。又得讀其先君子江如先生遺詩。而因並知其人。蓋與正希先生同為其所不能為。於黃山白嶽間。更輾轉楚越。既閩卒窮且死。而以節見者也。夫天既以不盡之氣結於先生之身。而事去無聊。復以一身不盡之氣。

虛直堂文集序

三

結之而為言。然則是言也。顧可以言視之哉。天地

之氣無終消。則先生之節。先生之言亦無終磨。雙南抱是集深藏名山。閱浮雲之變態。可也。

雄警有生氣。所謂勁矢着石。其末猶動。毛季蓮氣力似王道思。黃山

虛直堂文集序

卷三

四

潘雙南越吟序

詩以宣志非其志則妄焉耳肆其志則邪焉耳邪與妄非詩也是故發乎情必端其發情之本止乎理義必踐其所以為理義之實苟不其然猶然邪與妄也吾友潘子雙南有無悶之志遊於越觸而發之為詩其沈雄激昂不減古作者發憤之為其諸所謂立言之本與實得歟天下後世讀其詩信其志論其本末而想其所以為人恐亦不徒繫乎聲韻之迹也吾與雙南同客越將移先歸之權雙南曰請論予詩而序之予曰是予責也雖然他日為西山餓夫之傳為北山逋客之檄皆惟予責又獨區區於今為之揚其肆好哉

虛直堂文集序

卷三

五

言短意長此謂古人之辭夏成六

秋水出芙蓉天然去雕飾季蓮

先生越遊還道雙南不去口觀先生之所以期於雙南者則雙南益令人生向往矣其人其詩數言重於秦岳石廡

毛季蓮詩序

康熙十三年 朝廷罷三藩兵耿精忠逆命反於閩遠近望風解體不戰而下者數十城東越無全郡焉凡七年而逆藩伏誅又二年予乃與毛子季蓮來遊溯錢塘而上登巖先生之磯謁呂成公之祠訪誠意伯里居瞻文丞相題詩處凡山川之勝古蹟之所存者無不流連低徊而不忍去而毛子長於詩才尤敏銳出之若夙構風帆雨櫂朝花夜月之所見一形之於長歌短詠而尤能誌東越一時治亂之蹟咏物寫景皆足愜我寤歎也殆所謂風雅之變者乎予時與毛子陟芝溪之嶺度桃花之隘俯仰三歎以為形勢之奇險莫加矣古人比之劍閣不誠然乎哉設使一夫能守百萬之眾莫能翹首而西窺也而精忠得長驅以入吾不知其故矣毛子曰吾詩已成帙幸為我序之予曰詩自君家物何待予言予有長太息而已天下之讀其詩追想其治亂之蹟者亦當同予長太息也夫斷續歷落如游絲梟空桃花飄澗張晴峰

虛直堂文集序

卷三

六

雷氏譜序

予與雷孝廉健初者同客於越誼至驩也間與論
今人族派之亂牽附成風苟一姓遇不欲別為系
焉因戲曰君宗亦有是乎健初曰幸無之雖然亦
孤危莫甚矣吾先世家秦諱震者以壯勇明英宗
選充陞柝郎始為順天人土木之役震以百戶執
瓜扈上有所擊殺敵臨之上復踐位論功授子英
世襲錦衣衛百戶英生通通生觀降彭城衛總旗
子鳴曾大父也而大父則曰起龍六世一綫相續
及父始有三昆弟焉噫危何如哉夫前既以孤系
幸免非種之淆而後漸繁則將不可知請試譜於
版君其巧我一言乎予曰嗟乎健初其斯以為知
本哉夫先王以小史奠系世辨昭穆意思深遠矣
而隋唐之際尤家為譜狀上於官濫者官為糾之
蓋祖德於以尊宗法於以明而不謂侵尋陵遲以
至於有今日也顧其情泛於彼則必竭於此溷戚
疎於異學君子罪其無父然則反本者其宜何如
慎歟健初曰然請書之以告我後人

說得關係纔是有用文字

蒼質古韻不肩為妖韶態文之松桂也

浙贖分存序

康熙癸亥學使者廣川張晴峰先生招予於浙之
幕相從渡錢唐而東歷睦州轉太末及於東甌之
國返而括蒼而婺州北至於檇李又西至於昭慶
其為時自春徂秋凡八閱月其與文事始睦州訖
檇李凡六郡其讀文總諸生及童子凡三千七百
一十三卷而武不與焉茲贖五府者檇李之錄有
待而抵昭慶纔二日即發與盡之權也顧分而存
之者何也志同遊且破疑也其破疑何也往往一
主司之所收而其為文則不同故疑也乃今而知
中有其人之不能同也不能同則亦各成乎其
之所收而主之者曾無暇以同也其不同固無疑
也然則文之得與於收而易其人則不必收此其
中或有天乎顧同事者六人而剗剗則又非六人
所與知也其得與於今之存者抑又有天焉已推
而春秋闡皆如是亦無疑也君子知此惟宜盡在
我以受命耳而顧曰揣而摩之將有幸也吾不信
也

小中寓大轆轤回環不足喻其圓轉之捷

今文雜存序

今之文與日俱增而存不勝存者也顧好者存之好而無力者弗能多其存有力而不好者亦莫知所存况無力而又不沾沾以好者乎予少氣浮而志狂旁馳夢驚不屑事舉子業每一科逢時之技出輒一笑置之或於其中一二當意者別拈之丹之裝而帙之畢其事於皮閣上矣餘則婢僕竊以覆甌甌裏細碎充碩鼠之腸飽蠹魚之腹而解事者搜摭讀之愈不禁也是故積三十載之所有僅餘若干卷近數年始知悔本分之疎而定氣平心

虛直堂文集序

九

掇長置短頗能見作者闡經之精義謀篇之活法翻奇化腐之苦心而俛焉欲學又已時過而就衰無如勤苦難成何矣雖然悔之於前豈可仍之於後無所得於已又烏敢輕於人因哀乎散棄之餘并曩所別拈之丹之裝而帙之者統編次而存焉志予過也其雜者何也不別今昔不區各類不擇高下好醜所謂善不善皆我師爾且夫文亦未有不雜者也一科也而雜於登與一主司也而雜於掄拔一選家也而雜於挹取將非有幸不幸者在乎至於散棄而莫收而徒追而痛惜焉痛惜之

爾文之不幸亦已久矣雖然歐陽文忠公立雜傳以愧五代之士大夫然則散棄而不入於雜者其又果為不幸也哉

不立閒架不着議論而閒架自老議論自大此所謂無意為文已得文家三昧者必如此乃非不情之語

虛直堂文集序

十

劉氏闕譜序

劉氏系出陶唐氏至於晉士會奔秦其子留者為

劉氏而周大夫亦有食采於劉者漢高帝又賜婁

敬項伯皆姓劉淵與知遠又以外裔冒劉氏元魏

改獨孤氏亦曰劉氏而吾家之所由來不能上溯

而求其源之何從矣商丘劉氏有數家而吾家尤

著至今邑中別而稱之曰赫劉氏或曰黑劉徵往

祖之色也或曰不然邑之勒馬鎮有陳劉二姓一

宗也君家或與赫連為一宗故曰赫劉氏東晉之

末屈丐據有統萬易姓稱赫連或如所云未可知

也然而邑固有赫連氏亦不聞其通系派不可追

其故矣周小史掌邦國之志奠世系辨昭穆世系

昭穆定而後宗法明宗法明而後家有序國有紀

朝廷有提綱挈領之政人民有反本復始之心是

以官有簿狀家有譜系故家大族皆得上其家狀

於朝而藏之於秘閣至重矣後世不世其官不重

婚媾之選故不尚地望而始散佚其書譜學亦不

傳其在今日益輕世派無慮秦越之人輒引而為

宗黨其真一人之分者或路人棄之亂倫而逆施

其弊不勝悲矣吾家族姓不繁而又益以疫鬼凶

賊之慘落落無幾人存而終不敢妄為依附所以

尊祖宗敬後人也顧聞事亭兒修譜於前代不一

二十年銷滅於燹燐之燼無復一字之可徵至於

落落無幾人存者而猶不知其支分之於何世高

曾之何名匹配之何姓氏嗚呼一樹而枝零幹折

離本根而莫附則生意之傷多矣若復遲之又久

必將疎棄而不可聯故榛擗據遺聞追思已事亟

亟纂述之為八卷其不可得而知者則雖欲不闕

而不可得也嗚呼慟之矣

篇首叙次極參差歷落中述古者立譜學之意

所關最大末及譜之所由闕無限感惻較老泉

族譜引尤覺力厚而思沈

虛直堂文集序

卷三

七

虛直堂文集序

卷三

七

睢陽徐氏族譜序

便從闕略發傳

事之不可知者君子無如何也因其不知而不知其不可知則智焉而不鑿矣禹之治河自積石始非不知積石之上有自來也積石之上不可知則無寧就其可知者治之沈之源既不可知及見於濟則又不可知入於河溢為滎則又不可知至陶丘以下然後為可知禹因其可知而導焉則千古之智遂無有過於禹不然如司馬遷之為帝王世系也強不知以知其不可知至於舜為堯四世孫而相授受武王為紂十四世祖而相征伐其舛謬

虛直堂文集序

卷三

圭

為萬世之笑者惟不知闕其不知故至此雖然君子之學固不窮遠以為能而至於祖宗一氣之源流亦不得已而闕略焉其痛心又何如哉予方修劉氏闕譜發源之所由來既不可溯而港分汜別又莫能匯而為一姑因其不知而不知其不可知至痛矣一日徐孝廉杜出其族譜請序焉予受而讀之其間官號世次名諱亦多有不可知者因其不知而不知其不可知其痛蓋與予同其慎蓋先得我心矣徐氏德厚族顯固非吾家所敢並而人戶繁昌又不啻十倍於吾家顧其世譜亦湮亡而

無有存不得已而抱闕略之憾如予也何哉天水

關則無由達於海族殺則非以敬其宗不可知者

已矣而可知者復不貽後人以使之知則他日又

皆不可知者也其誰之咎哉兩間之秘萬物之贖

君子無不引為已事而况其一姓之裔一身之分

乎嗚呼可以觀徐君之智矣

老到如天造地設雖極力鑪錘而冶氣已化

山

虛直堂文集序

卷三

南

送李先生序

郡博士李先生以計典罷開命登篋輿去弟子載
壺榼祖道於郊既酌有為先生太息憤惋曰先生
乃竟罷耶罷之抑何名也先生曰躁也四座譁然
曰國家之法防必明黜必幽而予奪之衡不平其
何以示畏慕曩見有肆二千石之勢恣睢無忌毒
千里之生靈於一考再考而泰然卒至貫滿於十
年而僅以躁去同時更有肆銅墨之勢恣睢無忌
毒百里之生靈於一考再考而泰然卒至貫滿於
九年而且擢刺史以去即今又豈無肆銅墨之勢

虛直堂文集序

卷三

五

恣睢無忌毒百里之生靈而泰然不去者乃獨於
先生斥之以應故事夫天下之元惡大慙而薄之
以其罪曰躁也先生之含淳抱質而加之以其辭
亦曰躁也名實是非之不相應公理乃如是哉劉
生軼然笑曰諸君何見之晚耶留之者在彼則去
之者自在勝於此有能為留之之力則留無能為不去
之力則去此即近世之公理習安之而不足愕矣
且孔子不云乎君子能修其道不必其能容顏氏
子曰世不我用有國者之醜也夫子何病焉不容
然後見君子先生行矣司勳書於朝百姓議於巷

自有為國家任其說者而先生何病諸君又何譁
四座嘿然先生起登篋輿舉手謝曰得子言吾去
樂於九遷矣

怒雷激電之餘清風沁骨令人滿腹愧磊不澆
自破不腐

虛直堂文集序

卷三

去

睢陽四烈婦傳序

夫婦者入道之始有夫婦然後有父子君臣而天地生之大德於以不窮繫人倫之至重也哉是故有二氣之感應則卽有從一之終所謂夫婦之道不可以不久而受之以恒者固人道之大常也然不幸而不能恒於天之數則偶於共牢者亦還卽偶於同穴抑又天理之大常不可謂賢智之過矣何則地以承天無天則地不能塊然以獨立陰以配陽無陽則陰不能孑然以孤行生焉齊生盡焉同盡道之本然固如是者是故夫之死也稱未

虛直堂文集序 卷三 七

亡人言爲之婦而應與偕亡勢有所不可遽亡者則姑衍餘生於歲月以代夫而有爲非委其賦命於修短之不齊而可自幸以獨存也顧無如氣拘物蔽惡死愛生而此義不明於人心因之婦有再醮臣有二事以至於彘倫之數有不可勝言者然後有捐一日之軀命而遂以名千秋之奇節不知自人之不皆然視之則驚爲奇白道之所以然體之則適爲常焉爾雖然學士大夫往往貪昧隱忍不知天地之大義而婦人女子能之則又烏容以常理置而不爲之表暴也哉此睢陽四烈婦傳田

子贊山所由作也夫數十里之間十餘年之內卽知有無可獨立孤行之誼而殉夫以亡者且四人焉况天下之大古今之遠見聞之所不及可知懿德之不泯綱常之不墜雖末季猶隆古矣贊山史筆之妙不讓龍門而侯生敷文鉞刊以傳欲以興起當世皆不待揄揚而知之第慮世以死殉爲奇而視爲賢智之過則皆得以中道自文其偷生之跡故予探原以示使知所以不容偏存者乃夫婦之常道庶幾人有定志也哉

虛直堂文集序 卷三 末

立論極奇極確從不曾有人道一經說出便不可易而行文亦朴茂古雅鄙文賴以不朽矣

送鄭石廊序

古大臣得自辟士不矜一己之才棄天下之才久
 之察其才果濟則推而升諸公焉而士之貧賤沈
 淪不能自振於功名者亦猶賴有賢主人之辟召
 得以宣布其才之蘊則上下之相需皆不可然也
 今大臣無徵辟之典而士苟沈淪不能自振則終
 老於草莽雖抱其不可一世之志無由少試其才
 沒沒焉草枯木朽而不見知於一人者豈少哉鄭
 子石廊乃得承撫軍湯先生之招致蓋不禁蹈舞
 而為之幸矣夫長安出一官則營營於其幕者嘗
 至數十人幕之客為主人賤薄而隸役之有氣操
 者嘗避其辱名而不肯就其為石廊幸也夫何居
 蓋石廊少志管樂垂老猶不能自振於功名懷奇
 莫試已自分終身已矣且石廊以不得志之故往
 往縱酒激昂放言慷慨數年來雖斂才自好循循
 於繩檢之中而有時少年之側儻或發於不及覺
 將非草野孤踪無人焉足以嚴憚而為之表範哉
 潛庵先生立身謀國無小無大一張一弛莫不原
 本於道德石廊荷靜體動察安往而非日益之端
 者石廊出其生平之蓄積以佐先生於不逮先生

虛直堂文集

卷三

五

本其自得之日用以進石廊於精純則所以相得

相成者微但非世人之主賓所得與聞而石廊亦

當悔管樂之不足尚矣石廊勉之主人賢則賓佐

之道不屈賓佐賢則主人之政彌光予亦曾再參

人幕矣糜俸荒業兩無所益回首思之殊苟然也

石廊今一旦為大君子所知必有所以兢兢不負

其知而不若予之苟然者則先生之知人何如也

一氣而運不用關鎖而紆澹之姿曰然天成

子金

虛直堂文集

卷三

三

康熙丙寅春簣山致撫軍先生之命捧檄而喜
 蓋幸得師也未行先先生晉宗伯去雖未往侍嚴
 憚然得此固佩切磋之益矣

鄭廉識

送樊奕文先生序

先生教睢九年擢粵東之三水令聞者莫不賀曰善地哉夫粵之東西距豫皆遠境而得西者率快快如有失其戚故里黨與凡名字相聞知者無弗扼腕而嗟惜之顧不以其蝮蟲毒瘡之惡也曰其地瘠貧也得東則非無川溪之險燠熱之烝龍蛇非常之慮率夾額相慶喜其戚故里黨與凡名字相聞知者則莫不引頸如鳧之於藻焉河也曰其地饒裕也夫君子得百里而父母之豈漁於澤羅於藪應脂膏之自潤於囊橐而朝廷付百里之父

虛直堂文集序 卷三 三

老子弟將登魚肉於几俎乎且夫為吏之道原不其六僅懸魚飲水奉一索以博廉靜之名而獨是源泉其六苟濁則沙壅淖滯又安望其用汲而不窮所養哉承接先生聞命不加喜其喜者蓋不知官之所以命人民社稷之所以承而益不知先生之操為何如者也先生於睢朝夕嘗不充而弟子以貨交者則若泥焉其進士如不及才而有行者忘年下之樂道不惜齒牙即以予之不肖一被容接輒顧盼剪拂有加無已由其師焉而愛士則其父母而愛民不待觀其行政可知也夫今之號為父母者方捫口

而奪兒哺振臂而褫兒衣感感焉女啼男號匝地特製甚哉同聲而粵東獨否乎哉苟三水口有餘哺身有餘衣則先生繼此之施設更有餘憂而况其未必然也先生往乃今而後見官之命果有為人民社稷之承果不苟而先生亦果不但廉靜之操使不知者愧其慶喜之夫已也則予言其信矣乎

轉變倏忽如龍隱雲際不能名其屈伸上下之迹 寶山

虛直堂文集序 卷三 三

商丘劉 榛山蔚者

睢州田蘭芳箕山選

序

容庵詩序

君子於天觀其同於人觀其獨人事之失得專與分其選庭也予讀沈生一儒之詩而自疚矣予與一儒方總角時即喜為詩詩成彼此密相質裁三小冊子繕而藏之變作序言以古詩人相誇許雖心知其見戲然亦沾沾然竊自喜也久之又同

虛直堂文集卷四

一

問詩於范召得所謂聲病之說爽然各燬其舊而新是圖或有以妨業諫則拒之曰誠如君言唐虞之子弟皆誤於后夔之言志乎嗟夫誠知為學之方早如為詩之篤則學不至傷白首之紛矣誠能為詩之力終如宿昔之勤則詩亦闔風人之藩矣未幾一儒卜居於平臺之東予離索無輔遂如脫羸之馬左馳右騖不知有一路之歸雖亦未嘗不汗竭蹄穿而終渺渺於千里也一儒既好詩猶恐諸生業之誤詩也而謝去其籍一意討風論雅屬物而起興曰詩窮者事也吾盡吾分而已然則一

儒之詩之工蓋四十年之專如一日矣夫詩本性

情之自具非先王以六義強人而加其事於必有也予與一儒當智故一無所鑿時而獨知好之其天豈可誣乎而不謂歲月忽忽頓成衰老一儒雖與予遇同窮猶能殫人事之專工窮者之詩予則靡雜膠轕并此一藝之室而莫能入也然則學之貴專惡分詎不信然哉嗟夫予既自分無工詩之日矣然時過而學欲勉法一儒之專已不能回既足之日又况其靡雜膠轕之如故也哉

點染生動章法尤奇 箕山

虛直堂文集卷四

二

尙書正序

二帝三王之世既遠其道法長存於人心而不墜者書有力焉二帝三王之道法既邈其典謨訓誥猶昭揭於萬世而不廢者漢伏生歐陽大小夏侯孔安國兒寬之屬有力焉顧朱子起而一芟漢以來諸儒之說門人蔡氏本其意以作傳從前紛紜異同之辨如日麗中天而星芒燭影與野燐燭火齊息今益奉有功令不得人為異說苟由蔡氏以潛會於二帝三王之道法則二帝三王之所垂罔甚光昭而無可疑雖大全諸書皆駢贅矣苟由二

虛直堂文集序 卷四 三

帝三王之道法以默體於日用則知能行習之常自可發典謨訓誥之精雖蔡氏亦煩言矣而顧帖括之用則彌期其詳也彌期其詳苟不詳之自我猶不足以厭其詳之志是故今代之傳經益紛於漢氏朱子嘗言解釋經文須似漢儒毛鄭之流略釋訓誥及文義理致之尤難明者而其易明者更不須貼句相續乃為得體夫朱子不取漢儒傳經之言而取漢儒傳經之體何也蓋慮學者淺其心浮其氣恃傳忘經潛會默體之味不出也吾黨張君宗負家世業尙書病前之說尙書者尤不足以

詳帖括之用也而自為一書曰尙書正示予而請序焉予未能究窮其所以然之蘊而觀其體則固非拘拘然貼句以相續者朱子復起必以為得傳經者之體之正矣其謂之正也亦宜夫漢繼秦火之餘六藝殘滅昭宣元成之際所稱通一經者如書或禹貢或說命或洪範輒得補文學掌故能傳全經者寡矣宗負方貢於禮部設際漢尊經重儒之世挾其所為尙書正者而與諸儒講同異於白虎之觀則張氏尙書不取而列於學官也耶宗負其藏之名山俟有能潛會默體之人而傳之則他

虛直堂文集序 卷四 四

日論典謨訓誥之昭揭未必不曰張氏之書與有力矣
紆徐朴質古意未滴而用意尤深湛可思 贊山

何叔獻詩序

予角井特即聞人稱高陽何大次庶常而未及以
 成人見也久之得交其兩弟次仲叔獻叔獻與予
 生同年文聲早震於時人以爲庶常後勁而惜於
 今猶老其才未試也然工於詩尤工於論詩上下
 源流嫻妮窮日夜如數甲乙予聞而畏之一日叔
 獻衝炎暑而來肅然拜手曰予自少喜爲詩昔嘗
 見許於嚴灝亭趙錦帆兩先生竊未敢自信也今
 欲衰而刊之質於世子其爲我序之予三辭不獲
 乃進而請於叔獻曰詩亦有時乎曰然唐之初而
 盛中而晚不相襲也曰唐之前不知有漢魏乎而
 不漢魏也唐之後不知有唐乎而不唐也何也曰
 果時也雖然天地之化機日新而性情之蓄洩在
 我惟我見而自信淺也規規於古之人而莫知所
 變滯也鑿我之天而忘乎發情止義之本陋也君
 子去是三者而厚以蓄其氣精以辨其體老之以
 法遠之以神淡不隣於枯險不病於怪清也非山
 中之膠麗也無粉澤之污充乎其所養也由
 由乎其自得也嘖然而峭其致淵然而含其情滂
 乎沛然而自流其機言者不得已感者不自知也

虛直堂文集

卷四

五

若是乎又無時而不可也叔獻曰善即書以遺我
 我將益求新得焉

論詩處確不可磨 實山

虛直堂文集

卷四

六

逸德軒文集序

君子之學敏而治乎已推而及乎天下後世窮與
達均也窮則何以及乎天下後世也達者推事功
有力窮者推其言亦有力夫言豈汲汲焉為天下
後世而銜之哉聞聖人之道發揚於倫常用飲
食動定之間而因物起興觸顯明微則嗵乎感通
之機而洩其慎餘之蘊固君子之欲已而不能者
也雖然自有詩書文字以來何代無能言之士而
及於天下後世則落落無幾夫其銷蝕幽晦漸滅
於無傳者豈盡其不必傳者乎毋亦無人焉相與
贊助發揚則風飄而雲散天下後世無從考其言
語之迹而挹其道德之光固窮者之不幸也而同
時之人必有任其責焉而不容辭睢之田實山先
生學聖人之道敏之既實而推之既裕矣然窮於
人世之遭僅託於空言同時綰帶之交與執經之
士翕然同起慮他日或不免風飄而雲散也請其
集而板之實山三辭讓然後出文若干卷詩若干
卷授予論定而問於世予惟天下之能言者率天
下之飾言者也言不出於所履則是簿籍他人之
廩藏而自位於白圭猗頓之間操銖兩者皆得以

虛直堂文集序 卷四 七

驕之宜其不饜於天下後世而常至落落也試由
實山所及之緒餘溯其所治之本原則實山固異
於世所謂能言之士矣而當世相與贊助發揚不
惜捐衣廩之奉以公天下吾黨之厚亦可並見也
雖然天下後世從此爭窺實山之所有矣實山又
能不惕然而益實其昭宣之本哉

落落寫來俱聖賢有本之學而大雅之舉相期
之厚尤不禁慨嘆而服膺也 陸節庵

虛直堂文集序 卷四 八

展園詩序

世稱梁園風雅而實枚叟。鄒生司馬長卿之徒皆不產於其地而其產以傳者獨握苗之愚夫耳。上下二千年間於勝國則有侯司成木庵以詩聞於時而今之爭槃血狎齊盟者宋中丞牧仲之外無稱焉。豈窮愁拓落不遇之士雖工於言而不能自見於世其化爲飄風逝水者不少歟。不然則梁園闕寥無人甚矣。安在其風昌雅振也。周君引青者所謂窮愁拓落不遇之士也。嘗洩其鬱抑無聊之氣於詩然既不能自見於世而又善自晦。雖予比閭而居未得窺其有也。丙寅秋始以生平所爲展園詩示予曰爲我序之。予受讀卒業不禁慨然太息曰予其淺鄙也哉。予固不減引青之窮愁拓落而亦嘗洩其鬱抑無聊之氣於詩然所謂溫柔敦厚之教未嘗聞也。顧十餘年前早沾沾爲版本災既醜其宿昔而火之矣。又復不能已於自見之心如引青之善自晦。蓋殊生握苗之愧矣。夫以引青之言之工猶不出而問壇坫於當世將不慮飄風逝水之悲耶。梁園之風昌雅振端復誰屬哉。記言深於詩者溫柔敦厚而不愚引青顧不早以其不

虛直堂文集

序四

九

愚而或予之愚焉何與

鐵線完密行間復有嗚咽之氣冷然動人

黃山

虛直堂文集

序四

十

陸節庵萬里吟序

古王臣使於外卽極要荒之遠不過二千五百里而止若齊秦宋衛所往來特數百里或千里之近耳而鸞鷲濡轡雍容於旬月之間天子猶下體其勞臣之隱爲之賦皇華賦四牡其室家言念君子亦有草蟲殷其雷汝墳諸咏而行役之大夫則反無詩焉其無詩者何也無所苦於心自無所形於言也吾里陸節庵先生以民部大夫奉使至黔中試而獨爲萬里吟洋洋百餘篇蓋自五月登星輅明年三月反命飽歷山川險阻而斯時大難甫平流亡未復往往冷驛無人荒筍塞路負脫粟以自炊焉節庵又善病骨稜稜如山中臞而回首白雲則七十六歲之母不遑將也不但蠻煙瘴雨毒龍驕虎之虞矣夫萬里孤臣經年旅思欲優游翱翔如古行役之大夫默默焉不自鳴其憂勞之苦其可得哉其詩悲壯之音如嶺猿塞笳讀之使人生幽怨焉意者其風雅之變乎存以續北山大車可也

歷落古淡最有法度而神于變化文字

賈山

四侯詩序

吾里故司成侯木庵先生在故朝朝有清望而工於書嗜酒以詩名天下世所傳遂園集二十卷是也先生之子四日方鎮長華方岳仲衡方巖叔岱方聞季嵩皆能業先生之業而嗜先生之嗜長華早殉於難賈子靜子徐子恭士遇家飲者必舉似長華言長華有阮步兵風惜予未及見之見季嵩結二三酒徒縱飲西村常至忘食客有呼餅餌者狀其鄙標之不與共枵杓而卒以之死不悔也仲衡爲家督不暇醉興到亦能累數十危每凌曉見叔岱醺醺面烝紅霞蓋漏壺未盡而叔岱已小酌解宿醒矣昆季之間叔岱獨壽而才藝亦多腰壺矢上馬無虛發撫絃按徽自謂得嵇中散遺調年七十餘猶時時有飛揚少年之典筆札皆不苟作而叔岱尤名噪一時聞長華酒後盤礴得意臨池亦相亞也季嵩醒時常少故詩不多有長華詩散佚於兵燹十存一二耳仲衡好客而喜爲人解紛以事請者如市左然右諾無少間不知何時休暇得據几案也而亦不廢咏哦異矣最專於詩者叔岱行思坐吟大機不能自己故卷帙獨豐一日哀

虛直堂文集

卷四

十一

虛直堂文集

卷四

三

而合刻之屬予爲之序予惟宋延清兄弟各得父一絕世已豔道之豈若侯氏濟濟翩翩具有司成先生之衆美乎吾宋能世祖父之學者千餘年來惟稱桓少傅子孫然亦無侯氏同產之盛也觀其倡壘和箎累牘連篇而各以自見其性情百世下讀其詩如見其人其子若孫寶函之猶之伯仲叔季翁然聚一堂也顧不美哉予伶仃一軀雖疎無與齒叙者而族姓間亦少究心風雅得相賡讀是集有餘慨矣四詩之品藻各有專序不具論其濟濟翩翩不愧爲司成先生之似而已

虛直堂文集

序

卷四

叙酒與書與詩段落錯綜與接續歷落處各具其美每段歸重叔岱序所由作也更爲探驪得

珠黃山

宋山言詩序

詩之爲理至微爲用至大於人至切而易能而於所以然多不得其解夫人之遇乎物也何故而不得不感感於心也何故而不得不言言何故而不得長又何故而不得不應律諧聲源必有所發流必有所歸正也於何而正變也於何而變不此之求而但視爲贈答酬應之具宜其放焉者而流於淫洩拘焉者而失之固陋掇其華不過月露之色取其精亦祇衣冠之似苟詩如此而已先王當且防禁之慮爲人心之害而又肯用以教胄用以燕天格祖用以考國政而觀民風乎顧詩之情人人而具而不人人而能者無他不學焉故也古人之學惟是節性陶情化其虐傲偏黨之質而復乎精純无妄之天故特而本其所自得言其所不容已而往往爲聖人之所取參於帝典王謨之間而無愧今之爲詩者其何學乎即日摹學於學又庸愈於不學者乎古之學既不講於世則有志者雖欲爲之而亦無從聞其方焉矣吾黨宋子山言有志於學而乃得淵源於家學之深其早以能詩名也不亦宜乎予少無父兄之承老不得學問之歸

虛直堂文集

序

卷四

孤情自疑恒恐蹉跎於岐路而山言顧以詩問言於予山言今中丞牧仲先生之子也中丞公執牛耳於詩壇者三十餘年而山言庭趨膝侍暮命朝提意無非四始六義之教而於所謂正變源流究極而領會之當已無不熟矣予間以詩自怡亦不過竊聞中丞公之緒論而予之言又能有所加乎哉惟願山言益深其學益返而求古人之所以自得者則山言當且不獨以詩名天下矣

章法完密論詩尤有本末 實山

虛直堂文集

序四

圭

今文呂論序

道之不明朝廷不得已而厲天下以文文雖工於天下何補哉然而卒不廢者非以文之果足以得天下士也以士庶幾以文之故求聖賢之言庶幾以習聖賢之言之故反而思所以爲道則文也者所以誘之以趨於道之路也顧世之爲文者鹵莽而詭遇衡文者復冒昧以掇拾於是天下踵陋沿俗以待適然之時命朝而估畢夕而操觚并不知聖賢之言何用我之代聖賢而言何心朝廷之需此言也何爲以是聖賢之言日益聯天下之人心

虛直堂文集

序四

圭

日益乖而千聖百王之道不但置之爲魚釜兔蹄也不有君子講貫其所以離合之故發明其所以日用之切孰知我之言於聖賢之言不似也孰知我之言於聖賢之言近似而猶非也又孰知我之言似聖賢之言於此而仍不能似之於彼也且非有諸已者則剽竊其言愈似而自欺愈可恥也世教不興士行不振斯道明昧之機蓋祇係乎論文者之識以端學文者之趣矣近世論文者惟東鄴艾先生當異學爭鳴之日能獨尊洛閩爲東流之底柱功誠偉矣然而理脈猶或有疎焉者又數十

年後而得晚村呂先生闢微言之奧妙發絕學之精微法求其必當理期其必醇借形下之藝說形上之道示人以慎修之術無不備而戒人以閑邪之幾無不明先生所論諸書非諸家之書也先生之書也故予哀其十餘種而彙次於一曰今文呂論欲由先生之論以反觀於已而求合聖賢之言於萬一且以誌予慕悅先生之情有年而以是書爲晤語焉耳丁巳予客蕪陰周子雪客謂先生來金陵可介予而謁也以事未果癸亥秋從張使君於越意謂歸棹石門可一叩先生之廬而先生亡

虛直堂文集序

卷四

七

矣予既不得見先生之人猶幸於諸文中聞先生之論即使翼者兩觀先生諒其所言不踰於此書也謂予果未觀先生也哉

步步踏實語語挈要可以見先生之心得文如此更可以文視乎

黃山

百藥齋詩序

人莫不有情而無以爲之則鬱鬱則必放放則將約之而無從救先王有發情止義之教習天下於聲詩而使之知無邪之所歸是故下而田夫里婦皆能自咏其勤苦士大夫披忠憫俗勞王事而念時艱無不足以譜之樂正用之鄉人邦國於以考功叙之戒壞而察風教之淳漓蓋古之政治以隆人心爲正士學以典非無由也後世不達此義父兄之所誡師友之所勉胥以爲病進取之業如烏隊之毒不可以嘗而試幸而致身通顯無可以奇

虛直堂文集序

卷四

八

其鬱積之情則淫泆縱侈靡所不爲而原其所由未必非溫柔敦厚之無聞放其情而不知所以用之也容部大夫節庵陸先生自少攻於詩歷仕版三十年簡淡自持不泛接一人不輕預一事不爲無情之贈答與人言不及詩即請其集亦不爲之啟篋竊至於行役之勞將母之艱感時觸事之憂喜而一宣其生平之鬱積長吟而短咏莫非言志之正無淫聲無飾響可謂得古詩人之情而不惑於流俗者矣顧不以予爲不知詩既屬序其萬里吟又出其百藥齋詩授予而論定焉予具春鶯秋

蚋之性喜吟不輟愛我者每咎其病吾業矣而終不之悔也庶幾於今從節庵後暢興觀之宿志發慷慨之幽音倡予和女而得以解自誤之嘲乎然則弄月吟風實所以善用其情而不之放也讀節庵詩顧不可信乎哉

沈雄之氣鬱然言表 賈山

虛直堂文集序四

九

綿津山人詩序

康熙戊辰夏宋牧仲先生來撫西江未匝月而百政就理國以無事先生乃乘餘暇檢其生平所為詩刪而合鑄之為綿津山人集若干卷屬於榛曰吾昔汨於習聞雙江以後始有新機子其為我審去留焉對曰榛不知詩然見夫種樹者矣方其亭亭初植雖一病葉不忍摘久之而繁枝芟焉又久之而岐幹斲焉迨闕歲年之多虬龍盤於雲煙鱗甲張乎風雨蒼然而愈老翠然而彌新望以託其蔭樾者無遠邇也而顧使樵斧臨之丁丁以傷其尺寸則貽人之恨惜者何窮乎予初讀先生嘉禾堂集二百版今則存四十餘章何芟其繁枝之多耶繼讀將母樓詩亦百版今則存九十餘章是其岐幹之斲又不遺餘力矣至於雙江以來吐雲煙之習驚風雨之筆天下之老境盡於是天下之新色亦盡於是而予敢復提區區之柯擬於其後哉且夫古今之詩凡幾變矣苟無人焉以正之則必日趨於衰而不能返近世厭寒鴉枯木之觀而飾宮柳宸楓之氣象以為大雅在是也然朝華旣披而不知朽株相守而不厭幾以在我之止義發情

虛直堂文集序四

辛

爲他人之救枝綴葉縱極其至亦不過隋官剪綵之觀豈復有天地生生之新機乎天地之新機不可待襲取於既往而吾人之新機自有感通於不可過惟視其善爲何如耳先生之詩華榮而實蕤實古而色鮮蓋闢歷於著作之林積養有年故森森乎參青天而直上然則正風雅之趣而樹標表於海內端惟以先生爲模楷焉榛亦復擲斧拋斤自養其萌蘖之生以希成材於萬一培之滋之先生當不我棄也雖然正斯世之趣又寧無先於聲詩也哉

虛直堂文集片 卷四 三

全從託喻上生烟波照映回環鍼線極密愧拙

集未足以當之 後件



虛直堂文集卷五

書

答湯潛庵先生書

辱惠詩序文高旨豐但許可過情弗敢當弗敢當其間論康樂摩詰與靖節少陵同時而後人憑弔追惟有不能同其歎慕者噫先生之教我深矣夫三代而下不患言之無文而患行之不至苟無其行言何貴焉聖賢之學有本有末託根者深則枝

虛直堂文集 卷五 一

葉白茂故曰仁義之人其言藹如也不然豔惡繁葩槁落立待腐詎知徒言者之愈於不言乎而世之文人趣末忘本苟且以希一日之知及不得志顛倒放恣如所謂康樂摩詰貽君子之嗟惜者良可鑒已榛不才七齡而孤困頓連忽已三十有二恒恐窮愁喪志習俗移情悠悠此身不爲君子之所齒故雖落魄失志而飲藥自勵猶不敢苟飾言辭如世之忘其本者第賦性疎愚而又交游落落無蓬麻之輔圓越之懼不但履冰焉譬如有志長安者知不東其轍矣而彷彿西馳未免岐路之



悲先生肯爲我一指南乎。頃聞先生負笈登蘇門山，謁夏峯先生，折節北面而受學焉。先生年未四十，懸車勇退，修身樂道，疊壘不倦，誠所謂探本窮源，文行一致者也。又足前喻。聖飽滿。忍聽吾偃俵於道左乎。倘先生不棄其愚，進而教之，則榛之登堂而請益者，當不徒區區詞章之末矣。鳴謝不宣。

情詞斐惻，亦可謂仁義之人，其言藹如矣。通黃

與徐迥黃先生書

先生聖賢之徒也，闢微言，續絕學，其志慮遠矣。方今溺於習俗，知先生之志尊先生之學，以求附所謂聖賢之徒者，幾人哉。聖人曰：我學不厭而教不倦也。蓋聖賢之所謂學，非一得以自喜聖賢之所謂教，非必北面而後從事也。商書云：惟教學半，傳使令先生無解。曰：教教也。言教人居學之半，然則教亦非專爲人矣。僕與先生處有年，先生即不肯以弟子待僕，僕固無日不以師奉先生者。昨呈文一首，先生日息壤在彼，實重違之，却而不覽，僕用是懼且惑焉。因自念曰：僕之不可教也，先生所謂不屑之教也。退而懼也，復自念曰：僕與先生處有年矣，而豈其絕之也。先生之教亦或有時而倦也，抑必北面而後從事也。不然，先生又豈徒一得以自喜也。退而惑也。夫天下容有不可教之人，而聖賢斷無以不肖待天下之心。天下無求於我也，我懸一教之道，天下有求於我也，我予以教之之誠，未有槩天下以不可教也。而遂誓以不教之志。學記曰：叩之以小者則小鳴，叩之以大者則大鳴。雖未有不叩而鳴，亦未有叩而不鳴者也。先生其叩而不鳴者耶。

先生必曰教人而人諱其過而人反見尤也顧尤者在人而教之在我使先生有可尤先生之過也聖人以聞過爲幸先生無可尤則尤者之過也何損於先生乎先生聖賢之徒也而猶未泯乎人已之見耶夫以僕爲世俗諱過之人僕未敢安先生真慮夫人之尤已也先生有所未達不然一得收法得之更生以自喜者不可以爲聖賢之學北而後從事者又何所見之不廣乎先生必無絕天下之心而先生之教必無或倦之時或僕之愚真不可教而不屑之教則僕固已蒙其教矣榛惶恐再拜

虛直堂文集

卷五

四

推崇愈婉攻擊愈嚴層層逼上煞有烹鍊之味
宋牧仲

答李蓉懷書

辱書反復規諷直砭膏肓甚感以足下愛我之深期我之厚而不死悠悠歲月負我益友甚愧然得不終爲長者棄絕懇懇焉進而教之又甚幸足下窮老無家投身敝邑僕一接於舅氏之座卽與杯酒言交退而誇於箕山謂三代之遺老猶存及箕山與足下相見亦以僕爲知人而世之皮相天下士者且群怪而笑之夫友道至今日幾廢此一偷矣不過飲食遊戲相徵逐文詞言笑相訣悅其有相勉以道相規以過者誰歟意者庶幾求之古人

虛直堂文集

卷五

五

乎古人論交知伐木之詩至矣其始求友也曰相識詩處知到更生歷卷可愛彼鳥矣猶求友聲矧伊人矣不求友生其既與人友矣不可不承篤其好也曰神之聽之終和且平然必時勤式燕也曰於粲酒埽陳餽八簋既有肥牡以速諸舅速之而不來也曰寧適不來微我有咎其既來而喜也曰籩豆有踐兄弟無遠然天下固容有不得於友者而怨不在大也故又慮之曰民之失德乾餱以愆而終序其自致之情也曰有酒湑我無酒酤我坎坎鼓我蹲踞舞我迨我暇矣飲此湑矣由今考其交游之本末亦不過飲酒宴

樂式好無就。至所謂相規相勉。略無一辭之及焉。豈直諒之友在古猶難其人。而金蘭之好。僅在醜酒肥羜間耶。僕與足下七年定交。招尋無幾。在伐木詩。人視之。未有不以為疎也。間一詩文相通。非規則勉相長。無盡是古今友道之所絕。無者而僕何幸得之於足下哉。孔子曰。已失之友。得之益責。友以必言也。又曰。士有爭友。則身不離於令名。蓋勉人以必聽其言也。僕雖不才。猶能朝夕不忘足下之言。以助後圖。倘自今以往。日策勵而不倦焉。則是人皆虛此一倫。而僕獨蒙其益也。僕將益負能知人矣。

虛直堂文集

卷五

六

借詩來形容一反一正甚整而逸 恭士

上栢鄉魏相國書

榛觀古之宰相以用人為責。以知人為明。以能羅天下之士而器使之為賢。是故宰相惟虛已以求天下之士。而士之懷才負異者亦翹首企尾。以希宰相之知。至有掃門以求通者。其亦可哀矣乎。夫既用人之權在於相。雖宰相不汲汲以求士。而士愈汲汲以求相。即以韓愈之賢。亦且皇皇奔走大聲疾呼。以冀一日之援引。甚至嗚急於僕。僕乞憐於升斗。知祿利而不知所以自重焉。夫下無自重之士。又安望用士者之重之也哉。抑不但季世也。交王作人之化。方新而其時。干於周公之門者。至令餽不暇吐。髮不暇握。學者不能淡然而無求也。自古已然。與然則權者士之所前。利者士之所聚。亦或人情也。夫近世用人之責不在於相。而士之希榮名者。猶往往委曲鑽營。以求一日之容接。而誇於人士。愈不知自重。而大人先生之待士也。愈可知已。雖然於此。有人焉。窮而自鳴。其性情而未嘗以焉。而不知所求也。陶然而自鳴。其性情而未嘗以為名也。則其為大人先生者。勢之所極。至魏然為天子之相。由士而層累以數之。其級如天之登也。

虛直堂文集

卷五

七

且是士也。又學聖人之道而無所成就。德不必蓋一鄉名。不能出一邑。卽偶形於一咏一吟。亦不過人間雕篆之常技。而不足與於大道之歸也。夫如是。敢望大人先生之一顧否乎。而大人先生之待士也。乃不獨親造其門者。如古人吐握之勞。而疎迷而不至焉者。亦且誘之而惟恐不進。掖之而惟恐不前。寵之褒之而惟恐不至。微但師之於弟。提命而不倦焉。然則士雖自重。能不感激奮迅。欲一匍匐於大人先生之門。泥首請益。以謝希世難觀之知遇也哉。然而終不至焉者。蓋大人先生方操

虛直堂文集

卷五

八

別駕之妾矣。已而楚伯來出榛詩而還之。則丹鉛徹首尾曰。相君闕也。淋漓焜煌如走龍蛇。曰。相君書也。伏而讀之。乃獎藉勸勉。交至焉。雖師若友。眷愛洽浹之深者。不是過也。蓋相君之題辭也。嗟乎。榛何幸而得於相君哉。感激之餘。泣欲下焉。楚伯曰。相君下士之誠。天下莫不聞。子又幸爲相君所知。可懷刺見也。榛逡巡謝曰。予何敢。楚伯又曰。相君讀書考道。甚於韋布之勤。尤愛文詞。子其上書以謝之。榛復逡巡謝曰。予何敢。楚伯曰。何謂也。榛曰。鑒於世之希榮而慕利者。不敢不避其迹也。且相君既重士。必不以士之不自輕者爲簡傲。而不恭也。久之相君謝政。柄歸於斯時也。雖匍匐相君之門。泥首請益。以謝希世難觀之知遇。其亦可矣。然而終不敢也。終不敢至相君之門。而又終不敢忘相君之知。於是奉數行於楚伯。以少布其感激之私。而亦并不敢獻半辭之諛。以負相君重士之雅相。君果不以爲簡傲而不恭也耶。昔魏信陵知朱亥。亥不答其禮。嚴仲子知聶政。政不應其請。而信陵仲子舉莫之怪。卒之亥與政皆如二人之志。以相報君。子嘉其兩無負也。榛不敢以信陵仲子

虛直堂文集

卷五

九

况相君而亦不欲置身於茲與政之間榛之遲回
愼重不輕於一答相君之知適相似也然而卒未
敢言報也庶幾終勉其身以自重或一日學聖人
之道而少有成就不負相君所以獎藉而勸勉者
其即所以報相君也乎然則榛之如是以相報或
亦適如相君之志也相君又何以教之附呈詞一
卷雜文一卷惟俯賜垂察幸甚幸甚

力大思雄如萬頃波濤從天而下一曲一折皆
成巨觀箕山

虛直堂文集書卷五

十

與田箕山書

承示詩二卷雜文一卷反復展誦可謂精於立言
者足下學與日進心以道純如僕之愚方當執經
北面而乃虛已下問愧不能勉竭一得以裨高深
矣夫癸卯以前與足下朝夕與處者三載引掖提
撕荷益良深但恨僕於是時謀道不篤有所講求
率於枝葉處爲多近者賴足下發我愚蒙稍知學
有本源又已離羣索居無緣日親提命舉念自疑
師心獨往不知將來作何抵止也易之言曰同氣
相求詩之言曰矧伊人矣不求友生然則所求者
將何爲哉非欲其聞善而勉見過而規耶且天下
事成於愼而敗於忽伏其忽也大率不自知也惟不
自知而友朋之責乃有所任之而不得辭僕之所
求惟足下一人倘孜孜而勉之不厭於煩切切而
規之不遺乎細形跡無存毫髮無諱由是陶鎔日
久欲過理生亦或庶幾其有進焉未可知也此僕
皇皇而求足下之心即如此然推僕心以思足下當
亦不欲僕之默默也故輒先指足下之所忽焉可
乎足下之所忽者書之點畫是已所示三卷中究
從九湯從易失增減矣母作母溥作溥失音義矣

虛直堂文集書卷五

十

他如奇不從立往不從生之類習俗之訛多不免焉夫常人之情略乎共小拘牽之士囿於其俗於是習之而不察居之而不疑因仍苟簡其患有不可勝言者惟君子細行必矜羣非不顧曰一物未格知未致也一念偶欺意未誠也方且窮理明善欲凡天下之物精粗表裏無所不到而乃捉筆據案即不無扞格而未達者可乎哉伏惟推此一端日檢其或有忽者勤小物而不遺拔流俗而自信知日益至行日益力僕將拭目計期觀足下之充實而大也不揣狂昧偶見及此伏祈容納幸甚

虛直堂文集

書

卷五

十一

銘鑄甚工微淡之言入骨深矣敢不銘佩

贊山

與贊山謝過書

頃者與足下遊平臺聯轡而歸會雨足下所乘驢不任疾驅僕乃棄足下先馳避於浮屠氏之廬有頃足下至雨亦未甚也當是之時足下不以見責同行不以爲非僕亦安之若應然也既歸輒轉以思心竊懼焉曰是予之過也夫以微雨之故而棄吾友以私吾身耶已而自諒曰區區者不足負吾微之漸君子觀人常於所忽也未有細行不矜而大德無累焉者復自計曰小德出入賢者許之相隨而後又何益於贊山耶更自危曰嗟乎小德云乎哉孟子曰疾行先長者謂之不弟夫疾徐之間堯桀所由分也嗚呼可畏已因痛自責曰人之不可無養也如是夫造次之敬肆生平之得失係焉吾之失所養也多矣顧吾聞之善無大小責在友朋足下之不我責也豈以其小德而寬之耶嗟乎小德云乎哉

虛直堂文集

書

卷五

十一

此古人敬小慎微之旨也文亦幽峭

週黃

復徐邁黃先生書

辱承提命愧感感榛自七歲而孤無父兄之教及長嗜慾熏心諸物皆能引去若非幸有一二良友為蓬麻之輔此身不知流落何似矣每一念之惕然骨慄其後稍有知識自悲孱孱一身上承祖父數世之緒因發憤學為文辭欲冀萬一以階顯揚焉自以為得嗜好之正矣已而聞梁紫之論始知鄉之諸好同歸於誤也乃作悔賦力革舊習雖類復之吝嘗多而所悔諸事亦幾幾乎屏絕七八矣然而文辭之癖終深入而不可拔蓋見詩歌文字先儒不盡廢而考亭先生猶作迴文小詞因疑陶情適興亦不妨偶試為之而不必焚棄筆研也且區區浮辭固聖賢所不貴亦視其為之之心何如耳或並行而不悖未可知也惟此一念寬假所以頃者不憚背盟於梁紫而攘臂於其年矣先生曰名心之未破也粉華而炫耀也浮沈於名而結煞於利也非飲上池之水洞見膏肓而砭之不及此矣夫榛比年以來淨名淨利雖漸淡漠如除草者縱費芟蕪而未絕其根不能不竊發也以不能不竊發之根而苟無良師友以提撕之則芟蕪之

虛直堂文集 卷五

七

功將有時而盡廢而竊發之私將有時而不可治矣顧不危乎哉昌黎謂悅乎故不能即乎新蓋實為我言之而仁人信人之告誠何幸得之於先生也雖然此特榛之一失耳倘肯推類而盡言之俾得聞而悉改致此身不得罪於先人斯真顯揚之階在此而不在彼矣榛疲駑之質也鞭之則可少進聽之則將不前所仰賴前策而後驅者惟先生與梁紫耳蓬麻之恩其敢忘諸

舒徐委折藹然儒者之言 希士

虛直堂文集 卷五

七

與張匯宗論服制書

前與足下言除服之禮未蒙聽采來示曰習俗相沿難於違眾此天下古今之通證能毅然拔此根株良不易也宜足下之惑不破也顧吾聞君子不囿於俗豈惟不囿而已誰之鄉邑而聽其自為習俗也足下乃獨甘心於習俗之中僕為足下惜之又曰三年之愛聖訓也弗敢背也是知其然未知其所以然也或哀毀之餘未暇深考於禮耶抑雖讀之而未信也夫禮固聖訓之詳者也喪服小記曰再期之喪三年也期之喪二年也喪服四制曰

虛直堂文集 卷五 末

節賢者不得過不肖者不得不及義至精也然又并禫而為二十七月者何也禫非正服也再期而大祥是日也已畢二十五月之禮中間餘日而禫禫不可續於正服而別數之是為二十六月畢此月之明日則二十七月矣蓋以三年之數言則二十四月後之一日即為一年以二十七月之數言則二十四月後之一日與二十六月後之一日皆為一月喪服蓋置餘日而不用也近制則必滿二十七七月是餘服亦復加隆矣足下猶以為未足乎然則先聖之禮文時王之律令足下俱不難違而獨難於違俗其何說哉孔子不云乎非弗敢勿除也患其過於制也足下其察之抑又聞三年之喪稱情而立文居喪者亦自問其情何如耳時非不久也且孝子誠愛其親而不忍忘終其身何時而可忘者二年之外其容已乎不然過弗及等耳區區之素鞞素冠詎足以報罔極哉昔子路有姊之喪而弗除曰吾寡兄弟而弗忍也孔子曰先王制禮行道之人皆弗忍也子路除之子夏既除喪予之琴彈之而不成聲曰哀未忘也先王制禮而弗敢過也彼二賢者篤於情不限於制豈以為

虛直堂文集 卷五 七

愬乎哉非然者人自爲政鄉各異俗此大亂之道也足下謂無害大義其亦未之思矣且足下於此誠察其所以然之故而毅然以身先之則鄉國之中必有悟其往日之非幡然以相從者奈之何反錄錄因人爲也梅庵古法亦忠厚之音雖然君子之失也厚小人之失也薄足下寧受過情之責而有所不忍也其亦可以觀仁也夫

辨論明鬯可以補禮經注疏之闕 寶山

不難其明而難其鬯非老泉無此裊裊烟波 又

虛直堂文集 書 卷五

六

與樊奕文先生書

不接清光又更寒燠矣聞先生忽有拂衣之興多士攀轅上官維駒先生之去志彌決榛聞而驚轉而思訪其故不可得惟與梁紫相對興嗟徬徨疑慮而不知所出也夫今竭西園之入邀武功之榮或且屢求而不得一當終其身冒不踐之虛階未有儼然展采錯事一日棄去而博高蹈之名者顧先生豈愛名高者哉則區區一廣文之官不足繫先生無疑也嘗怪今之仕者彌縫夤緣患失之情靡所不至雖糾彈揮逐而輾轉鑽營暮夜乞哀不欲好爵之去身若無故而投簪解組有笑其愚惜其不自潤而已矣然而先生怡然甘其笑且惜亦非於今日而始信之又何疑也先生果掉臂去其桐栢乎文安乎文安固無可歸桐栢亦僅有數椽之廬而男莫能耕女莫能織數十口嗷嗷待哺而仰給於清風之袖其又能濟乎雖然先生果不可留雖貧餓其何辭此亦不足爲先生慮也獨是先生之去必有可去之義有可去之義而不去則爲之友者尙當援古之知幾不辱爲勸勉况肯規規以世俗之情相牽留乎倘若去焉爲得而不去亦

虛直堂文集 書 卷五

九

未爲失義介兩可之間則望先生其熟察而審處之勿遽也榛觀多士惟恐失師則先生道行於下矣上官惟恐失屬則先生道行於上矣夫以師儒之席而能道行於上下如此無可去之義先生爲不愧於位矣且計其食祿之久朝夕可膺民社以生平有用之學試設施於百里之間而逮夫終莫能行也然後奉身而退詎爲晚乎或伏惟先生明喻我以可去之義何在而釋其區區疑慮之衷倘其猶介兩可而得摻執以永朝夕也則幸甚矣

相勸勉文字最忠直致雖中懷懇摯而聽者不

虛直堂文集書卷五 三

入此書層層剝換如笋抽蕉脫可謂善於慰留

矣然非奕文先生又誰堪語此石廊

復箕山書

承委候誌李文區區微勞豈敢相却顧熟思乞高已事恐於足下有害也何則或之乞高非以高之賢又知其爲富有乎有之而不應何以爲義有之而故假於人又何以爲名高縱不掠隣之美然或乞高不乞隣也隣卽慨焉非或志也况乞高者又必以天下無如高之美隣雖有豈足厭或之求哉高之隣皆屬洗發非思惜不知道遂一舉而傷已之惠成高之吝貽或以非分之取不惟喪已且以病人不直實甚於高而顧得略其責備者無賢者名耳僕幸爲足下隣竊嘗聞緒論於左右不敢如高隣之貿貿也卽有過舉固在略其責備之例不足爲一已惜然獨不爲賢者地乎以是不敢拜承台命欲各成其直也

無一字不轉無一轉不虛短章中絕調也石廊

虛直堂文集書卷五 三

再復箕山書

來示以製錦行媒喻竊以為失辭矣夫人有美錦
擇人而授之至慎矣不為之製不受焉可也受之
而轉付於拙工所謂子有美錦不使人學製焉者
而乃欲僕學製之乎不必論授錦者之非其志而
固已傷足下之忠而形鄙人之妄矣且女無妍惡
禮具而行即使南威西子見者無不悅其姣而鳴
鴈不及御輪不至輒冒他人以副絲緝之鈞將非
所謂不有躬者勿用取乎而矧復燕婉之求得此
戚施哉所委雖小害義頗大由前之說僕之拙不
可為由後之說僕之巧亦不可為伏惟足下自御
刀尺自上舟梁勿枉已之直而全區區守身之義
幸甚

虛直堂文集 卷五 三

義道元無小大寸寸而積之便是尋丈我輩正
須於此處檢點○細憶疇昔每於此等處則曰
且放過讀此兩復箕山書忽覺不寒而慄石廊

答陳其年書

使來知歸途安穩甚慰承示抵家之況迫於
而謂投鉛擲槩既病未能逐隊隨行又添頽甲叶
可悲矣雖然此種景況實我輩分內事足下其有
所憤惋而未平耶夫身之所遇無逆與順莫非日
用之正不可得而辭者不可得而辭則喜與悲皆
多一意也是故外之能澹斯內之能寧人之見不
存斯天之趣益出平怨釋尤無往而非泰然矣不
然人皆欲通誰其可窮人皆惡困誰其無悶張子
曰貧賤憂戚庸玉汝於成也以玉成之愛而衝其
不平無乃孤負彼蒼哉吾故願與足下順受之也
足下以為然否拙詞一卷附質蒙諾賜序予日望
之矣

虛直堂文集 卷五 三

見道名言使聞者悚惕山蔚吾師也亦絕有程
度之文 恭上
戴石屏云入妙文章本平淡觀此寥寥平淡之
語那令人思索得盡 敬仲

商丘劉 榛山蔚著

睢州田蘭芳箕山選

書

辭作壽文書

壽文昨辱而命又申之以手教而逡巡不敢承者非憚濡毫之勞也蓋言乎心之所然則謂有物言乎心之所不然則謂無稽又况夢夢焉言他人之所不欲然者乎夫壽人則必誤人誤之不極其人猶不樂人樂也而我則喪矣劉元城從司馬君實

虛直堂文集

卷六

一

問學曰誠請其方曰自不妄語始然則害心固莫妄語若也由先生命其人必賢可壽無疑然而非吾心之所知也言之則不信於已所代言者又不知與其人情事何如而姑言之又不信於人覲人惡鬼物而語作偽愈工可恥愈甚又敢出其不工之技以自貶夫所深恥也哉伏惟收其成命諒其狂衷幸甚

作應付文字真是害心之大者况又代他人而作果不異巫覡冒鬼物而語矣讀拙備子之友傳與此書愛山蔚者不可諒之乎 陸節庵

辭張晴峰先生書

榛前兩辭不蒙俞允繫維之情慙慙無已其後託張子受復申鄙志而得諾以臘盡之期重違長者命不敢更賣故又默然勉留至今然終懷歸心切不得不再理前說以塵左右之聽榛聞君子之愛人也以德而人子之懼親也以年榛以七十有五之母在堂而遠遊數千里外冒洶濤峻嶺之險於禮所謂不登高不臨深者何如哉寢門之儀不踰鷄鳴而榛曠定省者將九閱月孺慕之情人誰無之是故不憚再三之賁仰求閣下之鑒原也閣下

虛直堂文集

卷六

二

得無曰與其掉頭而不住何如裹足而不來乎然其間有故焉榛前歲始舉第二男欲以後於先世父續小宗之統不意客冬除日而殤而春正三日宋比部介閣下之寵召至是時也舉家悲悼啼聲徹晝夜榛幾幾有上子喪明之慮故老母力主應命為定痛計也迨痛定而悟遠遊之非禮矣於茲言還已不可為無悔之復况敢流連忘反乎且榛入越以來思多脾傷雖有嘉穀式食無幾憔悴已見於形貌倘其致一日之疾以詒母憂則不孝之罪愈甚每於夜不成寐時念老母於今既失含飴

之樂又增以予季行役之差其或一寢不能安一食不能飽衰暮之年何堪當此輾轉歎歎未嘗不淚沾衾裯也茲來構李顧盼皆來時路歸心益如離弦之鏃斷不能復泛萍梗於異區矣伏惟閣下諒投林之野性憐反哺之癡情放歸故園慰倚閭之望而遂舞絲之私則閣下以德之愛更深於推解矣謹披腹心不勝悚仄

予與山蔚先生風雨聯牀者八月於茲而見其憂思之積嘗輾轉竟夜不寐南望白雲志切絲舞今直飄然而歸矣予亦有母一水盈盈羈縻而不能去讀此有餘愧焉西陵弟毛遠公識

虛直堂文集

卷六

三

絮絮叨叨纏纏綿綿無非至性流出惻然動人

寶山

與潘雙南留別書

僕行矣今之風雨晨昏寒暑明晦當無望有再得之數矣不寧風雨晨昏寒暑明晦之無能再也即一旦老值一字之通亦或未可期人生當此忍嘿嘿焉揮手而別乎故僕敢先進一言以啟足下藥石之賜惟足下含容之僕與足下處八閱月竊窺足下言論志氣倜然不可羈勒可以羞天下齷齪拘攣之習顧君子須秉志純而始不二於其趨察理明而後不搖於其守康莊直往岐路無迷斯以決疑定難應變審幾而無所游移顧慮於其際自

虛直堂文集

卷六

四

古乞靈於鬼神要福於二氏誰其有毫髮益者蓋非其鬼則與吾精神邈不相屬近則為詔遠實為敬修吉悖凶之理吾自主之而曰僕僕然繁奉蒲伏求之於不可知之中謂其或憐而徇我吾不信也且齋也者所以齊思慮之憧擾也而葷穢不可以嚴對越故變食焉然則齋寧蔬食之謂乎千頭百緒於心而黃齋白飯於口曰吾齋也異乎吾所聞矣足下四十年懷才不試甘老西山可謂天下之智大勇沈者而顧獨鬼神禍福之見未化豈明於顯而闇於微強於人而怯於神乎夫惟知有不

爲也。而後能有爲。知不可有所爲。而爲也。而後能無所爲。而爲不矜細行。且累大德。而况此邪。正之所由以判其轍。義利之所由以別其趣哉。僕同事幕中久。未敢一啟口於諸君子之前。商及平生所學。知諸君子之不信僕。亦猶僕之不信諸君子也。而終不能三緘於足下。足下亦信及否。若僕者。更叢過之身也。伏望切賜誨言。歸而佩之。不宜。
義正詞嚴。期於雙南者厚矣。他人不能道。亦不敢道。
不腐

與徐生書

昨令兄來言。有里甲之累。想脫然耶。而至謀及從。事於公庭。以爲苟免之計。吁。可悲已夫。以我庵先生之子。而從事於公庭。不知夢寐之中。何以侍先生之色。笑而沒世之辱名。又何以解免於子孫。此豈待商及成。敗利鈍。而知其不可乎。况以令兄之疎拙。既不可一日參於在官之班。而空冒辱名。卒無毫髮之濟者。僕昨年又親目其人。親耳其事。頃雖爲令兄切直陳之。唯唯慚謝而去。但恐轉面又惑於人言。此心懸懸爲賢昆季危之。竊意足下當此境遇。必兄抱弟持相。向痛哭。悔半生之玩愒。羞家門之衰替。而至爲里中所賤。輕如此。從此常瞻眠薪懸髮。刺股宵晝。孜孜奮迅。而讀父書。求以自立於世。尊顯。啟佑胥藉。里老之一激。所謂動忍增益。正此際也。乃足下且呼侶。招朋。賞雪。命酒。而宴然。高會。若有餘樂者。豈憤懣抑鬱。不可奈何。而爲是無聊之消遣乎。抑曠懷達觀。齊榮辱於一致。而不屑爲之。幽憂愁思耶。或者謂殘臘無多。春光可俟。日寬一日。仍復宿昔之悠忽。而力頽氣靡。終不克毅然自振也。僕蒙足下追昔念舊。推爲父執。而

古道交情僅寄幾希於我輩僕若復隱默而不言則取友不端且上貽辱於先生不但負賢昆季之好我也又足下儼然爲人師而閒散優游曠時廢日恐亦有咏伐檀而譏素餐者成已成物不可兩煩敬念哉昨聞靖慈先生之子流落放棄至於身凡爲人子皆當咎縣庭悒悒憫痛者數日嗟乎人苟不自豎立祖怵然父之澤遂自我而斬而區區七尺之遺體且不能自保於一旦祇適之君子惕乎不敢懷刑之君子亦惕乎不敢也剝牀以膚易有明戒不知足下何恃而無恐激烈懇直愧非善道伏惟采納並恕狂

虛直堂文集

卷六

七

愚幸甚

一字一淚一筆一血所謂披肝瀝膽之言那是數白對青之比不止字石昆弟當置座右不枕王略亦宜鏤心刻骨永佩此不朽名言黃山

再與徐生書

僕狂言無似宜見噴訶而乃虛懷樂受悔艾交殷此蓋不可於今人求之斯其爲我庵先生式穀之似也夫雖然法語之從尙非止境譬如撼沈眠而呼之不患其不寤也患其撼止呼停而昏寐如故此。前。儒。所。以。貴。惺。惺。也。伏。讀。來。書。有。曰。自。羅。大。故。以。來。世。事。灰。冷。功。名。之。念。亦。隨。之。流。水。惟。是。日。夜。籌。思。先。人。一。綫。之。脈。不。能。接。續。此。身。無。所。底。止。嗟乎足下能及於此度越凡流多多矣此真我庵先生式穀之似也夫雖然其言則少過矣請再爲足

虛直堂文集

卷六

八

下陳之夫所謂一綫之脈何脈也豈其於處世應事建功揚名而相妨相悖必屏絕身世之務逃棄軒冕之榮而後庶幾也乎若然則山澤之隱非先生之道也足下筆之偶及或不發於誠然之衷不然先生之咳唾猶溫而乃遂誤家學如此哉竊謂世事功名卽所謂一綫之脈之所寄也日用酬酢切已者何辭自一命以及宰天下又孰非本分棄此別求則卽蹉入岐路不可不知也天抵我輩爲學之患忘者十九正助十一去此入彼厥病惟均嘗見有醉什山蹊者或告以豺虎之來則驚惶發

狂陵空而逞捷步究之八寸未勝顛躓仍臥於前
路此足見正助無益勢亦仍歸於忘也故竊願足
下不必希心高遠但當孜孜下學即尋常讀書作
文之程課而簡靜篤實有進無輟不切己之世事
不隨人以營逐其倘來之功名惟聽天為窮達如
此循序漸往自可以似續古人而無愧無益之籌
思蓋不如俛首而學也足下如不謂然試向箕山
質之不宣

慷慨淋漓足見友誼之篤苟能佩此勝讀語錄
數冊 箕山

虛直堂文集 書
卷六 **九**

嘗見我庵先生戒先生學詞書懽懽惻惻非後
世友朋所能言茲先生之戒字石尤不啻嚴父
師之於子弟可謂不負我庵先生矣古道近在
吾黨竊亦有得聞其過之幸 後學宋至拜識

答箕山書

承示可謂平心無弊之論學者定要破除循途守
轍之拘孿然後獨得之趣出然一意破除則無忌
憚者將何所不至乎雖然兩途之間又不能執一
而為中必有把握者在也夫平直方員固天理之
自然而人心所共具然欲聖人之繩尺規矩人人
自創則大亂而不可長學者但善運乎繩準規矩
之在我即無非平直方員之在天苟繩準規矩之
在我不襲而不叛則平直方員之在天亦愈求而
愈出何則心如泉引而不窮繩準規矩如溪澗隨

虛直堂文集 書
卷六 **十**

所至皆成曲折然獨不許無本者強鑿沼池也彼
論米畫者曰貴在氣潤夫氣潤非天機之流乎顧
天機何流而所以流乎天機者何在此不得人人
藉口曰吾自流其天機也此其把握尚須足下之
教我而附來書曰前朝聞述賞鑑家論米畫妙絕
而不入宗不入宗不入宗不入宗不入宗不入宗
空賞鑑之名矣想南宮作畫時便有一妙絕而不
入宗之趣蟠結胸中一如恨二王無臣法者使後
人以其妙絕而牽率入宗反非作者意也不但書
畫為然在詩文亦有之寸寸而以成律相格則我
之死也十九矣若夫剖斗折衡以求合道則猖狂
恣肆之罪千銀不足贖也足下以為何如

復何言惟有相視而笑耳請述伊川一語相勉
曰更好涵養 箕山

與湯潛庵先生書

前於京邸教誨飲食中心藏之矣迨先生拜閣學之命嗣而出撫東吳未敢修片言通殷勤申彈冠之賀鳴停雲之思者蓋守貧賤之分息躁寧心知非先生之所惡也每從邸報讀先生奏牘及聞賈客士大夫之來道先生政化嘗不禁夾額仰天而與歎轉相傳誇於草茅之中以為吾道之光大如此不但生鄉國之色吐交游之氣也先生學道有年積養至厚經綸康濟之心至切苟不泄此得為之地而設施焉其誰信往聖之空言無非實效哉

虛直堂文集

卷六

十一

天下之人同聲噴噴方先生於前總制于公此如觀水者但見其湛澈之色耳豈知其中之所有淵源之所發乎榛雖學無成就不能自見於世然道無彼我流行為期脫使孔子居周公之地滂然大行而無阻則子騫季次之徒窮老白屋亦復何恨故榛之祝願於先生者至奢而先生之慰榛者當益無盡也敵邑自恭士介山云亡益復落落無人榛所與筆陣相周旋者獨一石廊耳去年延箕山東來始幸如兩臂之全而先生今乃以禮幣羅石廊去石廊幸矣榛何如哉榛有終天之憾不知所

處拙記哀呈伏惟於政暇時垂賜省覽憐而教之依依不宣

淡而旨在知味者自咀之

箕山

虛直堂文集

卷六

十一

復陸林屋書

前過尊署晤言雖僅一久而拜教已多歸途有整
 子岩韻報謝之句未及郵致乃辱鴻章寵顧殷殷
 憶別吟諷反復佩桃花千尺之情矣來書言既在
 白雲中未免隨風舒卷白雲南、山名、竊謂能舒能卷、因
 時什物便無遇不可安無心不可平無入不可自
 得一切尤怨之積何患不霧霽冰融夫不躁不擾
 無陵無競靜以聞浮雲之變態胷次是少灑落
 寸心之清寧當與天地同大也且人生拂意之遭
 何處無有君子於此惟有自反一著三反無愆然
 後見真實學問之益泰然卷舒不毫髮凝滯分人
 之過也如何如何嘗聞先生屬叔岱書和平二字
 懸以觀省叔岱忻然拂素揮毫而先生出戶應人
 愠怒輒作叔岱兩手持所書墨瀟淋漓拱就先生
 前曰和平和平先生改容笑謝僕之嘔噉亦叔岱
 毫端餘瀝耳知先生必能一笑含容也拙和二章
 並前疊韻詩寄正西風甚便時惠好音是所望也
 榛冉拜

良箴堪佩插叔岱一段更具波瀾 箕山

與侯五兄書

小兒來傳高誼言欲倡諸同人助刻拙集且感且
 愧然不敢仰承台命也夫僕退藏不堅妄欲自見
 於世已嘗掃困傾蒙與表假債而災版以自喜矣
 今辱足下一倡好我者揜袖齊起爭欲喪我不繼
 之力固宜欣拜嘉惠了我未畢之願而乃却焉弗
 當得無疑其矯乎非然也此蓋有不可者五試爲
 足下陳之僕於詩古文辭未有師承不能採古作
 者之闕與典會所至聊發狂言上不足以衛道術
 下不足以要信從以無益之筆墨而糜人有用之
 金錢其不可一也量一己之力而從容問世已非
 默成之養然猶謂正有道之便而自勤也累及里
 黨其何以名此不可二也僕昨爲箕山刻逸德軒
 集回資羣力然事實不同未可引例何也箕山貧
 無一夫之業必不能自爲之僕雖先澤凋零所存
 遺田猶可比古次國之大夫今年不能未始不可
 須於後田租無餘未始不可割其產若惜之於已
 而丐之於人是崇貪而喪恥也其不可三也僕爲
 箕山將伯呼助人已有竊竊然私議者曰借人以
 自媚也曰好名而喜事也甚且曰將私其梨棗以

虛直堂文集 卷六 七

虛直堂文集 卷六 十四

自有也果尤而效之則通國之人必粲然一晒曰曩固疑之不盡也若特示成例以斬自助爾不言之黃緣甚於穿窬其不可四也大凡事之汲汲者緩則慮弗及焉而惟文字之出則不厭其緩僕雖不能與日俱進更積歲月未必不有前言之悔亦未必不更有新得之益有何迫急而大聲疾呼若無來日者此不可五也伏惟體區區之愚衷收其成命同人言及者卽以此五不可謝之以德之愛不翅百朋銜荷之私銘心鑠骨矣晤時再鳴謝悃不宣

虛直堂文集

卷六

五

據事直說朝切無雕飾痕予愧鄉者不能堅謝

衆愛矣

與陸節庵書

序先生輟轅吟蓋已二十八年事不復記憶爲何語頃復觀之依稀一夢喘史之宰木已拱矣僕於四人中稱最少今亦復雪刺滿頭猶然故我可慨也諸篇獨梁紫差勝已不欲存况僕了不成章敢辱剗劘乎嘗見古名家文字往往雜以疵章累句心竊疑之蓋未必非幼少吐棄之作愛其人者收之而適以爲累也吳門汪鈍翁先生自訂其集戒人不得增入一言深爲有識故拙詩斷自丁酉拙文斷自壬寅前此久化煙燼矣不謂先生之籠猶有此迹也嘗有木工爲予治案紋一足如支危壁予恐羞之弗言也越三年謁吾門而請曰小人之技進矣曩案猶存乎出則慚笑而亟毀之僕於今雖無進技猶知慚笑時也故敢輒擅毀之非名之保實心之違知先生之相愛必不願以相累也雖然近益多言他日之視今又未必不復如今日之悔昔其又何以教我榛惶恐再拜

學無止境如是而文亦淡逸

張子日

虛直堂文集

卷六

六

留箕山書

道路之口言足下去志復萌其果然耶其誕耶足下盡室懷鄉留異國固良苦矣以區區蒙童瀟辱卑比如石承水激焉而不可入固良難矣明知足下之苦且難而投轄摻祛必不聽其脂韜而西固良不情矣且聞貴州弘開館宇高設講座濟濟特教者盡一時英尤之士於以傳千聖之心得成辨才之雨化君子之樂固無以尙而又有展覲丘墳兒女姻婭往來之便設身處地以思固宜去此而就彼也頃顧已辱足下垂涕泣而許留豈非感

虛直堂文集卷六

七

於諸同人提五尺孤兒泥首蒲伏羅拜庭除有不禁發其惻怛不忍之心者乎敝邑之人交口稱美謂然後知聖賢之公理君子之去就果異於世俗之情徒牽已私也茲復紛紛流言謂足下迫於當路之命有不能終堅前盟者雖已三人成虎僕獨寒耳未信何也以足下體道之篤守義之定愛名節之深確乎如丘山之不可撼三十年肺腑深知不於一日也且古之人不有召之而不來就之而不見者乎下不聞責其亢上益以重其操蓋愛其人者必不肯奪其志而有其德者必不肯移其守

故王公大人與賢人君子交以成其名足下寧有他慮哉鄉者苦難不情於足下而固留之愛侯氏之孤兒不暇為足下謀也今則愛足下純粹無間之德侯氏之孤兒反在所輕詩不云乎我心匪石不可轉也足下體道之篤守義之定愛名節之深豈其有或轉之心榛之無稽妄言適自形其淺鄙耳依依悚企不宜

劉摯而運以婉約之筆如雪舞迴風花飄曲澗
陸節庵

虛直堂文集卷六

七

與宋牧仲中丞書

日之暵雨之潤百物莫不仰承而天非有所私厚者。天有特若私厚於其間。眾頤頤而獨華滋焉。則得之者何無意而得也。不得者何無意而不得也。然而有意以得而憂其不得。而營其得則不必得矣。無意而得。而若不知不得之可憂而得之可營則必得矣。蓋天惟知其足以承吾暵承吾潤者而華之。而滋之。而物之不足以承其暵承其潤。則雖頤頤而不顧。此其為天之至公物。知天之至公。不可以有意而得。而但自植立無所容其憂。無所容其營。而無意而得者。益不負其所以華滋之厚。而答天之眷於無窮斯之謂善承天。先生臬齊半載而藩吳藩吳不四月。而又有中丞之拜。是固皆先生無意而得。非有所憂於不得者也。世之憂於不得而營其得者。卒不可得。而先生得之。且有加無已而得之。此何故哉。蓋天子知人之哲。官人之能。而先生之才。望德操適足當之。善承天者。天不得不益以厚。而圖其所以不負天之厚。而答天之眷者。先生自每進而愈篤。豈待草野書生一言以相助乎。榛之頤頤於不得。固無足以承天之厚。然

虛直堂文集 卷六

九

亦未嘗有所憂於不得也。無意而不得於天者。則不知所營其有意而可得於已者。抑又愧植立之未至焉。先生其何以教我。續刻拙集附賢空言。囑復伏惟鑒照不宣。

深洞曲折說得天意出亦足使聞者悚然其為規也微而臧矣 黃山

虛直堂文集 卷六

十

寄田黃山書

歲前得小兒報知足下徑去不返矣從此夾輔無人甚懼自立之難也奈何奈何弟客江署如在深山閱文字外了無一事靜中深悔從前工夫粗疎已過時而猶碌碌如此因讀居業錄勉試操心之法然一日之間方整輒紛如絢朽索不能徑尺不此解不務到斷始信日月之至非淺詣也潛庵先生集純實朴茂讀之如復對其正容危論時感時念舊往往雪泣足下論定處一毫不假借尤見誠信獨其中答耿亦夔書言學者當先明心體心體既明只用喚醒法而足下批曰所謂心體即是五常因發而驗其離合即喚醒法矣竊疑其有闕誤也夫心體渾然具眾理五常是心體中所具有之德猶之二氣為太極所涵不可謂氣為太極萬物為我所備不可謂萬物為我私揣刊寫人或有脫誤之字不知然否至曰因發而驗其離合亦落一邊夫未發時收攝無適才有昏馳即惕然振起而接續之非尤為喚醒之密功乎省躬內驗固是克復擴充之實際然動靜無端存省迭致使至聖人恐亦只是精熟自然於此未可竟刪一段涵養工夫也弟所悔

虛直堂文集

卷六

主

一

從前粗疎者蓋僅知邪妄起時力為剗斷而未發則往往昏去其倚者將迎與夫紛紛朋從之擾又輒寬之曰未可迫而持也因循縱容私根固結故常為本體之蔽力弱而志不堅恨之亦既晚矣正欲與足下印證下手之方忽見尊批更輾轉而不知所據足下精於體道熟於養心定有不易之旨弟所不能見及者若不審問求益則欺已并欺足下矣伏望洞悉指示豁我蔽錮雖各一天猶之一堂潛庵集中字畫疑誤者附呈別紙望致元博正之春盡夏初方能北還縷縷懷思不遑盡及

虛直堂文集

卷六

主

一

箇中親切精微語足見近功之密

黃山

與汪鈍翁先生書

榛宋之鄙人也道無師傳學無心得彷彿窺古人
 之門庭而假假以往既不免蹉跎自懼而又不能
 稟驟人之戒動如秋蟲春鳥啾啾於荒籬野樹之
 間不自知其聲之何似也然每讀古今有道之文
 輒性命以之先生自訂前後彙稿曷嘗得一再快
 誦而執鞭之心久矣飛越於堯峰之下但相距千
 五里之遠無力具遊裝不能受學於門少拓發
 其固陋之習襟而竊一言之益恨矣頃為宋中丞
 牧仲先生招來豫章每論文榛必以堯峰先生為
 歸中丞曰子識堯峰先生乎先生為當代文章宗
 主而汲引後進如不及子盡質以文吾請為書介
 之榛曰幸甚雖然獨無疑於世之趨名高者乎中
 丞曰天下事同行者不必同情其分途惟可自問
 畏影而不就日非人情也彼病暈者遠於泉欲飲
 而弗能託瓶罈於其友可以濟也而又不果則將
 何以自起乎榛瞿然奉拙集於牧仲先生曰榛之
 飛譽久虛矣幸代我滿挹之而救吾賜伏惟先生
 推愛鑒誠賜以明誨銜佩之私曷有窮已

清從 箕山

寄謝箕山書

閏三月二十日接手教知道存書院問業者佳士
 濟濟遙想其傳道得人之樂恨弟不得身廁其側
 也公子字自宜更之俟歸里詳請其義方敢再獻
 鄙言承誨殷殷慮弟有一國非之而不顧之意恐
 自信過甚浮言一槩不察久之成一麻木症候將
 於道終難合一是誠弟之痼疾非足下神砭不能
 及此也弟生平見人左瞻右顧畏首畏尾詰者以
 退為進怯者則游移惶惑一事不能為心竊鑒之
 謂苟得義理之正行之而無愧吾心何恤乎流俗
 之口世之以道義論事者干不得一大率在情私
 得失利害上計較耳因浮言為趨避而轉移之恐
 或流為無非無刺之術且弟天資本柔靡矯彊學
 剛毅之操故遇一事裁為可行則徑情直遂行之
 實有不顧一國非之之心然亦往往體察不真鹵
 莽而致誤悔之莫可追焉曩嘗聞足下即述即心
 之說竊疑拘拘外防鄰於彌縫而非其真今始悟
 檢身不密即制心之疎人言縱不中吾隱而取之
 以自考自惕大有助也置之不聽不聞則久必陷
 於無忌憚之域而不自知矣捧讀明教如覺沈寐

虛直堂文集

卷六

書

惶汗淫淫決身冒誓將及塹阱而一聲叱止則生
死之感也伏望膏之下旨之上爲我盡驅病豎苦
口回生之劑非足下其誰望之北望九頓鳴謝天
氣漸炎伏惟爲道自愛不宣

簣山之忠告山蔚之虛衷皆當於古人求之文
亦落落朴茂 袁士旦

虛直堂文集 卷六

圭

虛直堂文集卷七

商丘劉 榛山蔚著

睢州田蘭芳簣山選

記

定齋記

徐子次微自名其齋曰定屬予記之問其旨笑而

不答下文豈定之義精且大次微未能驟幾而不欲空

言以自夸歟抑或雖美其名猶憚而不敢居歟否

則習俗奪人志氣未堅遜避焉而恐爲世所訾議

歟若然次微之齋不必姑爲其名可也朱子曰君

子之學亦以求定而已矣夫吾終日之間往來憧

憧幾不知有統官骸而爲之宰者即其思慮未起

而懵然昏冥罔覺則又豈堪爲肆應之本哉是故

聖人之道必反之於中正仁義而求定焉非浮屠

氏百念俱寂之謂矣次微聰明強力蓋一時年十

二即以能文入諸生籍識者有一日千里之目而

頗與予生同年今且皆三十有六矣悠悠歲月卒

不能奉有定之手宰而從事於大道之歸也何居

乎然次微遠居百里外或者中正仁義之方求之

已熟非予之愚所能知之也則次微之齋予望而

虛直堂文集 卷七

一

愧焉已。或曰：次微詆譏好言論，取程子所謂心定者，其言安以舒不定者，其辭輕以疾而戒之也。如其然，則自今以往，請即以次微之言徵次微之定焉可乎。

曩見此記洋洋六七百言，枝葉茂矣，一經剪

裁如老柏參天，別生蒼翠，山蔚之學與山蔚之

文一皆斂華而就質歟。王身巖

一起一伏如行巖岫間，不覺身爲上下任於勢也。此固文之最得勢者。賈山

虛直堂文集記 卷七

二

寓宅壁記

戊申夏，劉子有憂色，客怪之，曰：君子知命樂天，戚焉奚爲也？豈猶存乎貧之見耶？劉子曰：貧何病哉！雖然，古之貧者，至顏子而極矣。至原子而又極矣。然猶有所謂陋巷窮閭者，足以容其軀也。予質宅而遭逐，三市無枝，慮駁駁者，未有所託處耳。客曰：無乃求安耶？安則何厭且安，難得而憂滋大。劉子曰：嗟乎！予邈求安乎哉！千金之子遊於市，大者攫而小者羅，左撫右拾，莫不如吾意之，所期者其操厚也。貧兒握一金，徬徨四顧，終其市不能以

虛直堂文集記 卷七

三

有獲非無可獲也。此濟則彼闕，持之者約而兼之者難也。予於今正徬徨四顧之頃也。客曰：嘻，有是哉！以子所持擇其尤急者而謀之，此良醫治標之說也。抑聞之孔子曰：君子有終身之樂，無一日之憂。蓋言身之外者不足憂也。孟子曰：有終身之憂，無一朝之患。蓋言身之內者又大可憂也。子無以其外焉者，分其憂之大而已。區區遷逐，何足云。劉子曰：善哉！吾之志也。吾請歌子爲我和。歌曰：莫高匪天，吾將問其所以然。莫靈匪人，吾將自旋於誰之倫。豈激憤振勵而俾予有所爲兮，胡坎壈困苦

抑鬱而莫伸昔孔子之厄曰丘之幸也二三子之
從丘者幸也由此觀之予復奚怨乎蹇屯信生人
之盡寓於兩間而不知見逐之先後兮又何逐於
寓之寓者而自傷其獨貧客起而賡之曰天步艱
難之子不猶耿耿不寐如有隱憂我思古人俾無
訖兮不知我者謂我何求矣歌闕相視慷慨歎歎
客曰今日之談不可忘也劉子於是書於寓宅之
壁焉

落落寫來懌當以懌可想見其胃次通黃

虛直堂文集卷七

四

捕雀記

康熙九年冬客郭村侯氏之墅斷中堂三楹額曰
寧志中祀先人之主左陳書史羅几榻右則貯菽
粟三四困爲終歲儲予實託處其中而息游焉俄
有雀百餘騰繞而下初則疑予而驚焉繼則伺余
而啄焉久之益習予而忘焉予玩而樂之以爲海
鷗之誠可狎也顧夜多棲於梁薨之間有遺矢於
座者心竊厭之未幾留客則汚及盤盂益惡之而
未發也無何細帙牙籤悉遭穢濁亟命兒以長竿
驅之然去而輒返散而復聚明日俎豆之側不告

虛直堂文集卷七

五

潔矣予因悚然自責曰是予之過也夫羅罝而驅
蟻其能免乎命臧獲盡覆其所謂菽與粟者塞檐
間之罅封牖上之隙閉門掃跡謂可以彼我兩安
矣顧穿屋無角百方乘間而復入又熟察予慈祥
無他益坦然若遊無人之境焉予怒其貪而且玩
也曰好生之仁不赦枯終而謂予姑息已乎於是
支方尺之木而爲窠寘盈合之粟以爲餌命童子
潛掌其機伺之一日而殺十四雀漸有避而去者
越翼日又戮其八餘乃皇皇焉若疑若懼不敢如
郭者之安以肆矣客有見而怪之者曰忍哉何量

之不能容一雀也。予曰：嗟乎！子未觀夫小人之瀆
山。正。意。肆。於。四。見。之。在。相。擊。
 人家國者乎？逞貪而肆暴，見利而忘害，東攫西羅，
 公行無忌，詎不知按以國憲，有不止於自殞其軀
 者而徒謂三尺之下，漏網實多，得非大不能法而
 遂小不為廉歟？脫使罪無私庇，法無幸逃，人雖至
 愚，亦當有瞻顧而忌憚也者。庸詎知忍人之不愈
 於容奸哉？雖然，予亦非於此屬而盡欲甘心也。齊
 威王烹阿大夫，而國以大治；殺一而懲百，要使天
 下凜凜焉。知法有必行，刑戮之慘，亦以濟寬仁之
 窮者，而謂予於雀不可以姑試之歟？客聞余言三
 歎而去，因記之。

虛直堂文集記 卷七

六

小文字寓大意思，足徵山蔚異日鋤奸之略。
山

一肚皮憤懣之氣，借雀洩之句，有餘鍊調，有餘
姿
宋介山

敬時堂記

幸矣哉！當吾世而有知所謂復古復始之義者，風
矣。元。
 俗之成，有日矣。郡西白雲寺，其僧徽，產也。徽之人
 廬於宋中者，夥矣。有憫其死而不能歸者，贖錢買
 寺側地以藏之。將非仁人孝子之用心哉？顧孝子
 之道有三：養則觀其順也，喪則觀其哀也，祭則觀
 其敬而時也。三者闕一，非孝也。爰是僧又募其鄉
 人為堂三楹於寺陰，俾歲時陳俎豆焉。堂成而禮
 行，顏之曰敬時。殆所謂復古復始，不忘其所生者
 與夫其肇牽車牛，亦曰歸而洗腆，爾而不幸死於

虛直堂文集記 卷七

七

異國子若翁，又無力以返之，而封且樹焉。於此所
 以伸其悽愴怵惕之誠者，惟是區區黍稷豆登，薦
 厥馨香耳。斯時也，裸者裸，獻者獻，洞洞屬屬，儼然
 見乎其位焉。肅然聞乎其容聲焉。孝子之心，其亦
 可以少慰也夫。是舉也，徽之人雖特鄉井之私，然
 而因此以為天下復古復始，倡則風俗人心之攸
 係也。嗚呼！詎不幸哉！

從本處立論識高而法老 恭士

虛直堂記

予多欲人也近稍知自檢又賴一二良友相與提
 警欲漸寡然對鄉之多欲而言則較寡對古人之
 無欲而言則正多矣夫吾心之體本虛也有物以
 入之則實吾心之用本直也有物以撓之則屈程
 子曰纔有所向便是欲一日之間危吾心者顧可
 數計哉予顏其堂曰虛直志無欲也易通曰無欲
 則靜虛動直夫虛以涵其中直以蹈其和雖聖人
 不如此矣而於予多欲人也何有雖然予與聖人
 同其性也同其性則同其虛予與聖人同其情也
 同其情則同其直聖人惟無欲故虛直迭運而不
 雜予惟多欲故動靜危疑而有累然則虛直豈本
 非吾家物哉譬如失業者人人有與復之貞而第
 振斃扶衰蓄精作氣不知終能如何耳然而吾志
 存焉已夫吾固朝夕於此堂者也而志墜焉而欲
 長焉而虛者實前者屈焉嗟則吾師保也堂則吾
 夏楚也堂則吾十手十日鬼矚神臨也夫吾固朝
 又於此堂者也

儒先鞭辟近裏之言警切堪佩 寶敏修

虛直堂文集 卷七

八

秉燭遊佟園記

丁巳予同宋子昭員外過建康有稱佟中丞園亭
 者予昭趣治具往遊焉日已暮客有諫者不聽及
 至陰霾四塞但辨人聲而已從者皆竊笑張燈列
 炬導而入攀以躋乎山掖以循乎橋仰乎樹花灼
 灼也俯乎池鶴翩翩也亭半敞而受風閣靜聳以
 封雲凡物之情態皆若異觀而蕭爽之氣沁人肌
 膚灑灑乎不復知爲人間世也拂石榻而憩從者
 酌巨觴來獻歌兒按檀板奏吳歛侑之子昭曰樂
 矣哉古人秉燭夜遊不知似吾今日否也予曰然
 人生無百年之期而頽然昏夢自廢於牀榻即壽
 必耄耄亦僅得半耳况命不于常豈無少壯彊力
 一日災害及身亦遂無幸者故山有樞之詩古人
 三致意焉夫逝者不返老焉將至即吾明日重來
 而人心物候亦當頓異回念今夜之遊踪爾我之
 談讌固已邈然陳迹不可復追矣與言及此又無
 悲哉子昭曰嗟夫歲月之不我留也願乘時以極
 吾樂焉可乎予曰雖然有災膏繼晷而歲月之廢
 更甚於牀榻者有不必考鐘鼓瑟而不貽百年之
 悔者顧視乎其樂何如耳吾子又能尋古人之厥

虛直堂文集 卷七

九

以樂乎子昭懼然曰吾思之

感慨而歸于正大令我無窮豪興方張而頓斂

層轉層上已入窈窕邃谷矣而峰迴路轉別有

天地贊山

虛直堂文集卷七

十一

遊采石記

予自毀齒時即聞李翰林捉月常鄂公飛奪采石磯事心豔之而未敢遽信也及讀太平志道二公由建康買舟溯江而上天已夜泊山下陰雲晦塞四顧無人聲依稀見漁燈明滅而已遲明將解維問其地曰采石磯也三十年所向在者身踐其境幾乎失之急起披裘而望雪徧山積二十許處載醇酒隨之瑩然如踏玉屑行不忍破也約里許翰林祠在焉其聳然以高者曰謫仙樓一笠而蔽之曰捉月亭仰而登俯而弔喟然太息曰翰林於今且千年婦人小兒皆知名而祠宇之新如昨日焉夫翰林詩人酒客之雄耳而能使天下後世不忘其風烈如此嗚呼君子可不自勵哉曉寒益甚藥酒坐翰林前北向相對且獻且酌如主賓曰寧適不來微我有咎也微酣扶杖而西折而北陟最高處俯瞰大江壁立數百仞虛崖之危欲墜焉蓋天下之至險也昔明太祖自和陽乘西北風渡江而來元以重兵扼磯上鄂公一夫先登百萬之衆

晉竊窺瓦解其後蠻子海牙復踞之與陳兆先結
犄角之勢謂吳師之歸路可斷而太平可復也鄂
公又縱火出奇身先士卒一鼓大破之豈險阻之
不足恃耶鄂公其神矣哉入公廟灑酒再拜猶寧
凜有生氣焉夫天下名山勝蹟踞以浮屠氏之宮
什九踞以老氏之宮什一豈獨無人焉以重其地
耶抑建一日之功修一日之名者不足以與之爭
其俎豆耶或其地亦有幸不幸耶是磯也有翰林
於前復有鄂公於後幸矣江山與天地同留曲二
公之名與之以俱永然則千秋萬世又何負於能

虛直堂文集 卷七 十一

自建立者也嗚呼有志之士可以興矣
於翰林處便飄逸於鄂公處便壯慨合來却是
一首氣格可見淘洗入妙 恭士

山蔚文字不苟作看其間闕一遊記命意何等
子昭

劉先生義烈記

自古亡國之變果無人焉足以禦之耶抑身不與
天下之任雖有其才亦無如天下何也明之季也
推轂於闕外佩虎符擁節麾以統御天下之將帥
者率一二漫不經事之書生一聞烽警則股慄不
能語而欲以服武夫悍將之心驅之用命於疆場
不亦難乎故其時諸大帥率跋扈不聽指揮而陰
縱寇以養驕及一旦賊犯京塵啟門納款亦即其
素與廟謨之人是豈文墨之徒果不足以禦天下
之變乎顧有志於禦天下之變者而又不與天下
之任即慷慨無聊小試其殉國之忠如虞之劉先
生墻者亦徒足以愧天下之膺其任者而已矣先
生青衿耳憤賊長驅如入無人於是聯數十百間
里少年沫血礪兵期以必死當是時詎不知賊勢
猖獗天下瓦解而數十百人不足燎紅爐之一毛
而顧忠義之憤激則有不可已焉者無何賊至虞
先生列陣以待賊狎而大笑之先生身先奮擊有
所殺傷賊怒厚圍之先生顧其衆多散去或伏地
乞降或死獨困重圍中力已竭意恐辱於賊大呼
曰劉墻於今得死所矣乃伏劍自刎天明三百年

虛直堂文集 卷七 十三

養士之澤豈獨厚於一介青衿而一介青衿固不
荷愛其生如此嗟乎其徒足以愧天下之膺其任
者哉

感激頓挫神似廬陵五代史 恭士

亦似王彥章傳筆法他文不及也 贊山

虛直堂文集 卷七

西

微子廟碑記 代胡邵伯

宋殷墟也周封微子以奉殷先王之祀言能踐修
成湯之猷恪慎克孝肅恭神人上帝歆而下民協
故建爲上公作賓而不臣也詩人於是賦擬鸞賦
有客在史亦稱其能仁賢殷之餘民甚戴愛之其
諸所謂法施於民則祀之非歟唐天寶時詔祀歷
代忠臣微子首登祀典初結宇於城之東曰象賢
祠宋行新法盡鬻天下祠廟而獨得不毀歷元迄
明凡四徙其地奠基於此者嘉靖以來也宋之詩
雖斬於王偃而微子之血食實無終窮嘗慨人之

虛直堂文集 卷七

五

惑於福報也相率而奔走於浮屠老氏之虛孟韓
之辯有所不能關故蕭寺之莊嚴擬於禁闕而忠
臣義士可以與人心而師百世者或不得一椽之
庇有司過而不問焉事神化民之職蓋兩虧矣予
流宋來謁是祠怪其頽陋不能蔽風雨不禁俯仰
興歎曰嗟乎宋之民其無反古復始之心乎雖然
守土者又焉辭其責因訪其址有私築而居者凡
爲屋五十楹又訪其祭田故有五百四十畝經河
流之浸沒鼎革之變亂隱占於民間莫可悉考今
僅得其六之一於是薄追其述而益之以祿精新

其堂寢崇其垣墉所謂有其衆之莫敢廢焉者也
祭統曰凡治人之道莫急於禮禮有五經莫重乎
祭予愧有治人之責無能修復典禮興起教化安
百神康萬姓惟是幸守仁人之封致其誠信忠敬
以奉祭祀或因以倡乎宋之民反古而復始未可
知也嗟乎讀微子之篇猶足生人靖獻之心而況
居其邦登其堂洋洋如在恍惚與神明交其不可
以興發其忠孝也乎後之有司尚其永體斯義勿
使廢而不舉也庶幾事神化民之職哉

步步關鎖文氣更淵渾穆絕無補苴之勞

虛直堂文集

卷七

七

金

終天遺憾記

予生何辜天降割於我家七歲喪我父八歲喪我
母憫憫孤兒在兵刃馬足下輾轉流離屢瀕於死
安知得自保全承累世之緒於不墜以有今日哉
痛定而思往往心膽猶悸顧見人於幼小時事歷
歷能道說予賦質鈍悟雖吾父吾母之色貌不能
彷彿於優然愾然時也豈不悲歟吾父五十二始
生憐惜之甚七歲就外傳爲王克義先生書字誤
先生引手怖之曰當扶榛恐而啼父聞之牽榛手
曰設先生徑扶之豈不痛吾心爲之掩泣母笑曰

虛直堂文集

卷七

七

師教應如是君少時寧未扑哉至今每一念之淚
下不可揮一日父據食案坐榛來喚而前雙手摩
榛願久之挾蒲芽臥於口曰何物乎榛曰兒頃所
讀書有之矣滿廬也父大喜呼母氏姊氏徧告之
曰兒初授書便能解說非凡器也他時榛如廁婢
子急呼之趨至父榻母撫榛項而哭榛亦哭不知
所爲生母其時病且殆強起蓬頭負一婢肩上升
而出外間傳從兄棧至母揮婢負之返蓋卽五月
十八日吾父屬續時也能憶念者僅此耳明年三
月母省吾長姊於其塔候怵家李白成攻城礮石

如雨不能歸城陷生母抱榛投門前尼庵一賊來欲略予而予方在哀絀中惡其服曰爲覓好衣來著之從我去生母懼假饋覆之賊旋提錦襖袴至問曰衣小兒僉以不知謝久之方免發視幾闕死賊去生母攜榛至林家求母氏不獲乃獲姊屍越四日林使至述母在許氏宅賊驅之磨母曰不能賊臨以刃母厲聲曰即能亦不爲賊役况不能乎賊怒持之出適有他賊俘林至母目之怖恐俱死不敢言賊指林問母曰此汝何人母曰不識也何問爲賊愈怒縛之庭樹解臂前衣拔三矢立射殺之嗚呼痛矣哉於是引指其處買棺昇歸而父猶塗柩於寢樓賊斃一角膠之袁時中賊又至生母抱榛仍避前尼庵中有三賊誤爲讐家兒將捉而殺之告以吾父姓字然後解嗚呼殆哉岌岌乎已而火吾宅迫暮倣灼炎炎達曙不熄其燬之屋有距樓跬步者且樓敞其檐牙欄楯在火燄中巋然獨存吾父之靈爽赫矣急乘賊騎一日之遠遷雙槐於祖塋家人言吾父嘗拜掃徘徊東林下慨然曰吾他日當藏於此因以葬焉禮曰凡附於棺者必誠必信勿之有悔焉耳矣嗚呼倥傯倉卒

虛直堂文集

卷七

六

記終

虛直堂文集

卷七

九

地而藏不備祖莫遺奠之儀明器志石之物虞祭
 耐廟之文而尤痛恨者一棺之外侵蝕於土壤并
 無稱寸之槨以託體魄於一日二人之靈必不恬
 然於原下矣嗚呼榛終天之罪人也哉

情至語如淒風苦雨讀之使人淚近○常事直
 叙而貽宕可愛非歸熙甫無此筆力

賈山

終天遺憾記二

先考妣既以亂不暇沐櫛不能成禮而葬矣順治六年庶母卒榛時年十五問禮於賈靜子先生靜子曰父妾有子者於八母為庶然女亦名子孔子以其子妻之是也君之父妾有女當服期其後葬兩姊欲耐於考妣之穴又問於靜子先生靜子曰當耐而兩姊持之又堅遂從而耐焉庶母之櫛且高出於考妣之棺盈尺後稍稍知人事慟前之葬不以禮又悔後之耐不知買櫛而加之使考妣反下於庶母欲別卜馬鬣而遷焉不幸家落故業悉為他人有無所施青烏之相求者久之又竊念曰數寸之木未有三四十年不腐敗者其堪動乎衰老之人臥一榻猶苦轉徙况體魄之久有不忍於言者即曰厚之以櫛飾之以名物恐無益而所傷滋大也嘗哀謀於諸有道先生不能斷徐邈黃先生曰治大櫛無底冒二棺上庶其迹猶可安夫安知掘主而不腐敗者即見乎見矣而又能姑仍之哉此弗遷不敢遷之不敢不得已而冒櫛焉抑又不敢榛進退維谷之憂心終天而不可奈何也已顧又聞之妾耐於妾祖姑言不得正耐於廟也不

虛直堂文集 卷七 三

得耐於廟而得耐於穴乎庶子祭所生母於寢不得叙於考妣之側也主不得叙於考妣側而體魄得於考妣並乎羨益引卻慎夫人坐死之禮當不異於生况其又非真有子者而三十年抗體平叙恐不予死者以安也顧有其舉之莫敢廢焉此又榛進退維谷之憂心終天而不可奈何也已嗚呼幼而失教長不習禮浮沈流俗之中依違悠悠之口乃至行無一是身負大戾垂首而悲思仰天而悵歎徒令涕泗河傾形神木槁癖心疾額百死而不可贖其辜也嗚呼世必有達禮之君子知如何而可以稍慰存沒者尚其憐我而示之

如怨如慕如泣如訴蓼莪諸什有此沈痛 黃山

聖人之禮焉可以意度到今真是難事百思無善處法惟有三緘吾口為猖狂亂道戒耳 石廬

虛直堂文集 卷七 三

商丘劉 榛山菊著

睢州田蘭芳箕山選

記

菊山記

許慎說文曰山宣也天地宣其氣以生物也太守胡公曰不然宋之九邑無山豈天地之氣獨有所不宜於此乎雖然宣天地之氣有天地之山宣吾之氣則亦安在不有吾之山也聞者曰太守將割他山之石以補宋中之缺矣太守笑曰疲吾父老

虛直堂文集 卷八

記

一

耗吾府庫吾豈為之哉且如是特隋宮剪綵之故智而大地生物之氣何有於是取盆菊數千本高下密疎近遠而布置之特出者為峰側出者為崑狹者為巒銳者為岑平而綿互者為岡聯而隆起者為嶠朝煙為嵐夕雨為瀑聞者疑白太傅之香山觀者擬嚴先生之錦峰繡嶺也太守顧而樂之曰此不可以宣吾之氣哉而天地生物之氣亦未嘗不宜雖然猶未也更戲命其家伶設茗局於山之麓沸鑪轟雷嘉果燦星縱民得入遊賞焉而太守亦時時微服掛杖頭錢攜賓客子弟命盧椀於

其中庶幾上下之氣俱宣而無所鬱歎夫菊籬下之物耳而山則竟山焉有力者之能為軒輊固如此范石湖稱菊有幽人逸士之操夫幽逸之不重於天下久矣太守不春穠富貴是愛而顧移情於晚香淡質何也予聞而記之亦姑以宣吾之氣已矣

小題目却有濃氣 箕山

虛直堂文集 卷八

記

二

步園記

睢州徐子次微來讀書於郡每相見必屬作步園記其勤至十餘請未已也問其地曰在鄉所為定齋之右問其規模曰以丈引計耳問其命名之意曰將以域吾足也憶予曾為次微記定齋未引程子之言曰心定者其言重以舒不定者其言輕以疾欲以言驗次微之定也迄今且二十年次微之言何如者今日語或其所謂定者別有在匪吾所能知乎右意法皆足雖然學至於定大賢以上之事也求其定而不得無寧慎防於蹈履之間俾無妄動於外而漸以養

虛直堂文集 卷八

三

其內此又下學之切功次微學然後知不足故進焉而愈遜歟若然即於此藏焉脩焉息焉游焉跬步之內未始不可以騁千里之足也且次微苟信吾言而養之於中雖逐穆王八駿之跡朝南交而夕漢非不失為凝然有定之學不然面壁趺坐而湯然以馳者莫知其鄉矣快絕妙絕區區裏足又奚為

論思精微非用力深且久者不能道 湯潛庵

理正調高詞簡意深更難于尺幅之中而有萬

里之觀談理之文而挾飛舞之勢此山蔚刊華

就實闕中肆外特也 賈山

立帝像記

神也者至靈而至不可知者也惟靈也故莫不奉之惟不可知也故解其所以然者鮮矣吾郡之非有所謂圓通寺者治銅而肖之曰立帝按五經通義曰天神之大者曰昊天上帝其佐有四而北方者黑帝也漢高帝立黑帝祠名曰北時或疑是之謂與如世所稱則不可得而知矣顧帝之襟裾足脛間膠以木曰明神宗時損於盜其在昭代又兩遇盜而卒幸未毀也夫世之奉神者非以其神之靈而倖其庇之乎而顧不自庇一軀何歟豈神無形而肖之者不必然耶抑神之靈自在天壤而不屑於茲式憑耶或寧忍其犯而不欲與之校耶今以盜故徙於郡子城之陰乃反恃區區以保無虞哉此其至不可知者也夫君子之神明嚴於心小人

虛直堂文集 卷八

四

之忌憚喪於利不然則無寧奉其不可知者以存臨汝之懼已矣是役也倡議者某也為之駕者某也迎迓而妥侑者某也記之者則劉榛也

清宕有識力只君子之神明嚴於心一語生出

通篇 恭士

樊侯廟災記無此機鋒。文字跳脫異常 賈山

百門泉記

順治丁酉予遊衛之蘇門山百門泉則湧於其山之陽在詩所謂茲彼泉水是也流連樂之歸而愈久不能忘時與用子箕山回憶舊遊蓋已三十年矣而猶津津乎予口也渺渺乎予懷也箕山曰子嘗南浮汝漢東臨汶泗之津遵會通而北渡易涉薄沱又東而南泛揚子沂魯明陵長蕩震澤之險概錢唐泳蘭溪洄游白蝦風渚之間極於甌海所聞各川巨浸多矣何獨繫情於斯不已也意者其有所取爾乎予曰然天下之景物天下之人各有

虛直堂文集 卷八 五

於以相承也夫四瀆五湖之汪洋龍怪出沒非天下之至雄者乎是乘運際時道隆化行者之觀也洶瀨險壑雷鬪而雪驚非天下之至奇者乎是俠客勇士之觀也守匹練於萬里飽正風於一帆非天下之至逸者乎是席寵履順而優游任運者之觀也予皆非其人也是故分之所承意惟此泉焉泉之湛澈不能滿一物而藏之蟹爪橫來歷歷可數不類予衷之徑激以淺歟性沈寒而冽清又類予烈之不可熱消之不能濁者也而溯厥發則不知其所自觀予闕語可慨焉以予所見天下之泉

莫雄於趺突莫幽於百門予固幽者之同氣相求也泉之岸森森多翠竹備所謂淇澳之遺乎予慕

有斐矣泉之亭曰宛在能不興我邈漚耶淳緒之可見者無多則挹注而灌溉者澤其田數百頃予雖為時舍然寒泉之食竊有志焉其尤異者纍纍珠貫而上無窮期無間斷隨地歆薄化為浮漚而散其諸所謂逢原者乎其諸所謂無息者乎其諸所謂生生而變化者乎予愧不能體之於身而聲聞每至愈令人惕然念也憩蘇門之麓者咸疑鸞鳳之嘯在耳隱士孤蹤猶令人百世向往之拜邵

虛直堂文集 卷八 六

先生之祠則肅然於道氣之遺又當何如者予故挹高風而希潛德將與泉源俱無盡矣此所謂吾分之宜承愈久而不能忘者也而又能移志於他乎哉箕山曰善子分之所宜亦吾分之所宜也因同追憶而各著於篇

二十年前山蔚曾作百泉記點綴風雅可愛其稿逸矣今復追憶為之歷落崛奇又別開一洞天殊非思議能到 箕山

劉氏祭田碑記

吾家戎籍也故明之初削平海內論血戰之功大者封小者賞山礪河帶享分土而及苗裔印凡執父荷戈之士亦無不有百畝之敷錫者故是時去桐栢之籍隸商丘之伍有爲吾之始祖者受田於關伯臺右蓋三百載之先疇矣是田也屬於衛古屯法也無事則耕而食有事則行役焉顧數傳而後家多爲士恥列行間嘗委其田於貧無業者族兄彬實身其勞食其利者也清興罷故衛爲民方是時吾伯父仲兄旣死於疫復死於亂而藐茲遺孤僅吾五六人大者舞象勺小者負襁褓耳故彬死其後得以類我者冒承之逸居而享非分之利四十年無違有過而問者先是兄子動倡敬享之約未幾斷予續之然終不能保其常也乃進族人而謀曰彼久假者非吾祖宗沐雨櫛風出萬死一生之業乎吾後人家殷戶厚無非始基於此而旁落焉傷矣夫欲若故氏之鬼永無後而之歎者其惟此爲烝嘗之具哉衆皆曰然因索故物而復之正疆界立廬舍於是始爲劉氏祭田云際夫往者謝來者代時遷物換三百載之變故多矣存亡

虛直堂文集記 卷八

七

與廢之禮有不止於尺土之莫存者而我疆我墜

犁然如故可不謂祖宗之靈爽式憑乎子子孫孫

庶幾擇賢而司之歲時伏臘世羞餽祀慎無公割

私據于在天不孝之誅也則劉氏之澤長矣

叙事處筆如鐵畫銀鈎得班孟堅諸侯王列傳

神解未段烟雲繚繞讀之無限凄其又得之樛

河東與蕭翰林等書也 箕山

虛直堂文集記 卷八

八

蒹葭浦記

侯川如築園於水次名花異卉裒然集也請名焉
書之曰蒹葭浦客曰何謂也曰川如厭薄市城選
汀岸之幽而相羊焉其必為於華鬪美摘豔擷芳
乎抑或有在水一方之志也客曰是詩也臨流望
遠撫時興懷意者傷美人之遲暮羨冥鴻之莫弋
故曰蒹葭蒼蒼白露為霜所謂伊人在水一方而
川如處壯盛之年將廢好爵詎可與高蹈求合哉
予曰否非此之謂也夫德立者望歸名高者物附
合志同方必將有褰裳而願從者然而君子不輕
從人人亦不得輕相從故曰迴洞從之道阻且長
迴游從之宛在水中央蓋與比德淫朋輕親而易
就者異矣川如之門願從者何如哉顧予方有吳
越遊浦上之風檣雨櫂朝游而夕迴者不可得而
知矣他日歸有告予曰彼茁者葭室邇人遐則川
如之志不其信乎哉

規諷處嚴正而婉微引詩更歷落可愛

質山

虛直堂文集

卷八

九

嚴先生釣臺記

癸亥夏予從張使君溯錢塘而東一線山東清淺
可鑿泊歷山與二三同人攀緣上下樂矣明日至
富春尤所稱錦峰繡嶺者翠蔚青蔥迷離布濩左
右不能兩顧而失者有餘惜焉岸之陰雙磯峭峙
左尤峻上各有小亭如笠問之曰嚴先生釣臺也
其下有客星閣祀先生遺像風帆迅駛未能耐酒
一拜恨也夫先生一布衣耳鼎移世變不知幾傷
與廢幾痛存亡河帶而山礪者未有數百年如故
也而先生之清節獨千秋未墜豈非富貴為速朽
之器而貧賤之名行不可終窮也哉帝王之威權
或不能使人生其敬詩書之教詔或不能必人移
其心乃頑然一磯嘗足以興廉而起懦其何為也
乎夫先生遭逢知己薄非常之榮寵若將免焉而
世之曳裾褰裳曾不得邀國士一日之知乃汲汲
焉求升斗而不知止亦獨何哉今日者予尤碌碌
因人出攫情好爵者下也過先生之磯其能無餘
愧也夫

虛直堂文集

卷八

十

層巒疊嶂若斷若續俯仰千載奇慨遙深是天

地間最有關係文字 潘雙南

衢州署樓記

予生中州平曠之域少喜策怒馬操弓逐雉兔與鷹鶻競後先嘗慨然以不得見天下形勝為恨聞人談戰蹟輒忻忻傾耳反覆窮其詳而不厭竊自矢不欲以孱下老也久之無所用乃幡然悔更求樂地二十年來雖猶故我然少壯之氣固已銷磨殆盡矣癸亥五月從張學使遊於衢衢據浙東上游山深而險水淺而激七閩之咽喉也逆藩吳三桂反耿精忠應於閩天下大半非王土勢洶洶不可知總制李公諱之芳移鎮於此以靜待動如山岳

虛直堂文集

卷八

士

之不可撼精忠卒束手就斃不得一騎渡而非事平論功徵李公為大司馬去而學使者遂於其署試士焉危樓百尺眺爛柯九龍諸山環拱几席而設伏建壘之跡歷歷可徵夫司馬公去此纔兩月耳變鞮整為儒冠變長鎗大劍為毛錐變熊羆虎賁之士為白面書生固彼此一時也而陵谷桑海類如此矣當其開幕府招賢士曳裾而來者盡天下非常之英傑爭先畫奇此秘算深謀之帷幄非應。前。收。繳。最。有。子。法。最。有。色。味。決。非。歐。陽。不。能。乎。而。予。漸。衰。無。可。用。之。才。徒。於。此。朝。登。夕。眺。作。仲。宣。之。賦。弄。元。規。之。月。顧。酒。後。狂。發。在。在。二。十。年。少。

壯之氣又不禁拊髀而動也何哉

感慨憤激情辭俱絕令人可誦可思雙南

搏抗有筋力展放有地步優游感愴又能生韻

動情承叔得意境也贊山

虛直堂文集

卷八

士

遊孤嶼山記

溫之北門外曰永嘉江俗曰甌江蓋漢東甌王國
江環而東三十里至磐石村則會大海之洋又聞
嘗有蜃氣結樓閣城櫓之奇予獨未見也江之腹
竦然出兩峰東西相對待峰之巔各插浮圖百尺
如雙笋上刺雲表其廣衍處為佛廬宋王梅溪先
生讀書處也文丞相嘗至此欲號召豪傑從海道
與元兵決戰未果留詩去而遺祠荒落弔之令人
愴然生感焉登東浮圖臨風微動股慄慄不敢巡
檐俯視相隨有張使君從事言三年前曾從戎於

虛直堂文集記 卷八 三

此與耿精忠旗鼓相持手指江南諸山曰此為大
將軍壁壘此為某裨將壁壘此為某接應游微處
此為糧餉出入之道此小人風餐兩宿倚樂聽令
地也而西南綿互不可望則皆耿賊營柵焉顧盼
泉山華蓋之間蓋猶疑有陣雲氛氣之結矣嗟夫
自古背叛君父妄生不逞之心者雖有唱山飲海
之勢亦終必魚爛冰漸身膏劍鋒宗覆而祀滅不
可倖免况其小蠢者乎當夫兩壘相距謂我兵未
嘗有一矢之加遺而精忠輒內潰以亡則天之不
可逆同如此也然獨文丞相謀窮志窘徒泣涕而

悲吟不能少振其一縷之緒於不墜豈所謂天者
亦時有不可恃者耶吾蓋俯仰於殘山剩水之間
而不能識其故也已

淡而老雅而奇天然無妝綴意至文也 黃山

虛直堂文集記 卷八 三

潛遊西泠記

前人以西泠況西子嘗寤寐懷之而未能至也癸亥督學張使君招於越竊幸明聖景色盡入奚囊矣抵錢唐留十日曰庶幾一權石甌山下問秦皇帝艤舟處乎乃渡江湖睦州轉姑蔑城歷括蒼極東甌王國于懷渺渺如一日也自婺州返草木有變衰之象回思來時苞甲蓋已三時矣復入杭作歸計未得鬱鬱如處樊籠中登亭望孤山去昔金牛見處僅一雉垣耳閱二十七日而乃有檣李行是日也復輿出武林門俯仰顧盼信美而非吾土

虛直堂文集卷八 五

自分承謝西泠歸弄梁園月矣或曰使君暮解維及此上蘇公堤君志猶可慰予未敢信而同幕沈斐張雷四子牽予袂急行使君未知也買小艇盪三里許逐於壩登岸而保叔塔見曰此葶蘿乎而西子湖果鑑明壁圓於淡煙杳靄中入昭慶寺小憩焉率而西訪柳川柱門鍵不可啟花有零落過牆外者又西步山麓上人言皆昔日歌榭舞樓也而衰草殘磔中盡羽林白骨砌如小浮圖或有圍以垣者甚而有暴者有燼而未收者有方蕪者聞莫堪視弗忍也嗟乎殘骸廢粉之變一至此哉詣

岳鄂王祠拜之及墓又拜之凜然生人忠憤之心焉西望天竺飛來諸峰斜陽隱隱不可到急招舟

子泛放生池觀餉魚予非魚知魚樂也同人無喜飲酒者顧亦無暇飲載餅餌菱芡採菡萏敗葉爲盤泊湖心亭沸冷泉飽酌之旁有二三畫船倚洞簫小歌嗚嗚助予遊樂焉暮返而使君舫逝矣同人

虛直堂文集卷八 六

人有悔色予獨喜問故曰西泠於今如名姬既衰無復有過而物色者即有一二碌碌利達富貴子又生平之所辱見而厭薄之以爲非已匹儔也而徒與予兩相待今日白頭西家姝始入范大夫扁舟

中矣胡弗喜或曰雖然嫌疑君子不處也而潛遊可乎予笑曰君不聞夫易乎乾之初九曰潛龍勿用勿用焉已矣又何不可潛之有

此番狂遊恐快得此化工之筆我輩狂踪更且千古矣 雙前 黃山

點染都有情文致嫣然。製題亦奇

稽中軒記

高輔公鏖於酒戰雖師老力疲猶能強相周旋推人之鋒然不免有弗戰自焚之慮焉一日悔而止酒遂堅謝杯杓不復御可謂能剛制矣予至其軒請錫名題之曰稽中取酒誥作稽中德以期之也蓋妹土之臣涵於酒而荒於德故武王教其常自觀省必一念之發一事之萌悉稽合於中正之德然後可祀神明副宴樂非是則不敢亦不暇也輔公生長世胄公侯之裔必復其始將望增修少保公之功名固不宜銷磨其勇銳於區區罇罍間明矣雖然嗜慾之攻人何限舍此趨彼雖破甕覆糟庸有愈於沈酣乎輔公苟能推類自慎朝覲夕省稽中德而不違即鯨吸百川亦飲酒孔嘉矣尚其進於此哉

規勉極善文字亦每進愈深 寶山

虛直堂文集

卷八

七

矩齋記

王給諫為矩齋出入是齋者前後皆折旋而中也屬予記之予聞東方之神太昊乘震執規司春西方之神少昊乘兌執矩司秋給諫之職秉白簡挾風霜嚴辭正義與天子爭是非而不阿所謂執矩而行秋道非乎宜其一步履一居室之間不廢斯義也夫天下好員而惡方久矣軟熟以化其骨機變以鑿其良模稜騎牆以轉移其趨若走丸焉則羣稱之曰能而踽踽而稜稜不徇人不易方者則謂之則撓之則排擠而挫折之而終亦果不克奉其道以往也此或員行方止之理所必然乎顧給諫當樂行之會而獨有志於用矩焉何也漢志曰義者成成者方故為矩也給諫昔嘗從湯司空問學或其得於方外之旨猶歷久而未忘歟夫規員生矩矩方生繩繩直生準然則矩方於外繩直於中而君子之道無餘事矣苟有欲給諫破觚而為員者願給諫謝之曰 進。前。段。 后方從繩臣不為矩者欺吾齋也乎

層層洗發皆精義微言 寶山

虛直堂文集

卷八

七

大孤山記

予既登小孤而挹其勝矣益慕大孤之奇明日溯彭蠡有山挺特屹立於怒濤駭浪中四壁嶄焉如長劍直削無蹊路可尋望之有虓虎踞途猛將當關之威焉北去勢頗長尤聳而起若翹首以望小孤者插佛圖於巔上刺白雲中臨風岌岌然小孤之隙或容土壤一綫蜿蜒有蛇盤之危磴故可宮可樹未若茲山之峻厲無肯納勺埃而使人得以攀躋者故黃冠緇衣盡占天下之名勝而獨不能有此君子整躬無間嚴以杜外物之侵不當如是

虛直堂文集

卷八

五

耶呼長年三老問之曰鞋山也是夕風起繫舫山之陽曰大孤塘問大孤則旁指一山應之予怪其庫陋而蕪穢乃嗟盜虛聲於海內者不堪人過而一笑也及檢九江志然後知所謂鞋山者大孤山之俗稱非二也自古披裘簞屨不欲播傳其姓字於流俗之口寧異是哉顧季子伊川終蓄其疑而不得聞之者予則幸矣

全以烘染見姿態是得畫家三昧者 牧仲

宋中丞禦變記

西山不戒於火鬱而將騰矣主人曰撲之火得撲而大熾枯槁不及施瓶罌未有備主人焚死井邑巖谷盡於燎四方來救者竭清漢之波未濟也而東山之火復欲然苟其炎炎攸灼風牽勢引寧但續西山之焦枯哉主人乃聲色弗形沃壘漿而無事西山亦以無所助而焦頭爛額者得以收其功然則東山之主人非所謂見幾之君子也乎宋中丞牧仲先生實類是先是楚有去籍之卒踞山而要餉撫軍柯公永昇易之遣十餘騎往繫焉卒用

虛直堂文集

卷八

十

以叛公及叅政葉公映榴同日死妖燄縱橫連破二十餘城勢洶洶不可知而先生適受巡撫西江之命密邇寇氛人情蠢然先生飛檄入境靜以鎮其搖撼誠以收其心脅嚴以飭其戎行明以申其賞罰決旬而秩然有備矣六月之晦日垂沒聞有李美玉袁大相者裂紙書酉字為符勾結城內外三千人約詰旦礮舉而行事先生輒乘昏誘二人禽以來問之則直承其事不為諱文武諸屬各惶懾無所措城中士女半已遁部下士甲而坐不敢寐帷幄中容有危而去之者方伯王公業興一悻

不十日死先生高眠徹曉從容起三搦三吹而升堂再鞠二人無異辭命軍參將詹英奉天子所賜節兩力士綠帟首捉刃擁二人出西轅門外立斬之即張示國中曰倡亂者已誅餘不復問也其黨方俟二人指揮如約俄聞中丞門礮聲而二人之首已梟於木矣眾乃疑發露之自而豕驚魚散四境帖然以寧設使是時需不先發怯不早斷寇一舉而西連於楚聲勢互倚警及百粵遺廟堂之憂不知常如何而談笑定之楚亦以平先生之功誠偉矣哉夫今之民惴惴於烈山之患而待

虛直堂文集記

主

先生沃以甦之者非一端矣意者身教於未形而法制於不敢肆庶其并省挹注之勞而不負稱先幾之哲乎予親見先生禦變方略奇其以書生而能定大難且暇豫有餘勇也故為紀之并以勉先生沃民而勿緩焉

文筆謹嚴叙事錯落其品在子長退之之間至此事則昔人所謂偶然耳何幸得大文以不朽余滋愧矣 牧仲

文之整暇適如先生決幾安詳 賀山

屏記

已上元言有以屏獻中丞中丞却弗受問何製曰春蚓秋蛇淋漓也或曰非也蒼山翠樹共虎頭之煙雲乎俄又有觀者來曰豈其然蓋楚王之細廢漢宮之長袖也予已怪其說之紛矣無何復有述西洋人物之異者曰何見曰見於屏曰幾屏也曰一予晒曰無信人之言人實廷女宜詩詔我也言未已中丞召觀屏則霧縠籠燭離離乎黃荃之花鳥焉予大笑曰頃幸能堅吾耳也中丞問故予自以前所聞中丞曰皆然也試為君信之於是拽索而上則西域現引索而下則美人來再拽果山若水再引果書也蓋判三之一於中而上下各有藏則疊五屏於一焉異矣然而尤有異中幅之上各飾紫金箋而綴之以勅劔節鉞車書牀笏几扇之類皆具體其幻者為海之三山屋之樓閣而金鵲之鏡則美人插花於中焉其尤異者周十二葉之圍籊籊象鑪彝鼎瓶觚投壺如意之屬銅皆古色斑駁疑秦漢物而宣冶哥陶無有辨其真贗者若夫爵盞瓶壺則金也磬孟書鎮則玉也花枝則翠且珠也盤或以石以玉以倭之漆而盆而匣

虛直堂文集記

主

則以檳以梨以湘江之淚竹而其所函者或棋枰
 或博具或香或酒籌詩牌或素毫或子墨客卿或
 研或壽山之印石或孔雀之羽凡人世玩好之物
 無不可探而取也至其思議不及者如自鳴之鐘
 定南之鍼千里之鏡滴漏之壺無弗具焉而點染
 繁碎之花果鳥蟲又不足紀也已予不禁俯仰三
 歎曰嘻古所謂異物之貴安知有異而至此者古
 所謂奇技淫巧安知有奇巧而至此者古之人
 不勤戒其君無乃迂拘之甚乎夫今天下之民命
 竭矣疆有力者漁之游食者耗之奢不中禮者糜
 之而又且化憚人之粒捐數十家之產為翫悅無
 益之具如此也何怪比閭之間嗟懸罄哉中丞曰
 然天下之所趣也如之何其反之曰勿謂勢不易
 反也公今以清儉先十三郡則已為十三郡之福
 而化其清儉多矣進而相天子以清儉先天下
 則天下食其福朝野未有不可胥化於清儉者吾
 知異物不貴淫巧不作而反淳還朴
 身有厚責也夫中丞慨然曰師女昌
 未設議論關係最大前幅錦爛花

小小狡獪

真山

國語

虛直堂文集卷九

傳

侯崑傳

侯崑字瞻欽商丘人也崇禎壬午李自成陷郡城
 崑年十二且孱弱與家人相失八九年以為死矣
 一日踰險入門望其父母哭且拜其父母扶而熟
 視之則崑也且悲且喜崑居與予鄰予時受業於
 睢之楊先生崑之從遊者睢之胡先生兩先生友

虛直堂文集卷九

也命予兩人亦論交焉崑容貌秀偉溫然如處子
 而智懷介特不苟交惟與予為莫逆予少崑五歲
 益落落與人寡合獨與崑晨夕無間也崑好學能
 悟為文不逐時趣兩先生糾諸塾弟子為文社崑
 必冠軍社中戲號曰冠軍侯一日崑未至諸人皆
 喜自負以為可得控場已而崑來眾皆大笑口冠
 軍侯至矣誰敢與之爭鋒乎文出果第一崑居嘗
 端坐靜然不好嬉遊惡博戲人有強者笑而去之
 性孝友內外無間言有嫂不愛於其姑百方調護
 莫能得則往往憂鬱不食或時仰而歎俯而泣久



之予察其故勸以自愛崑謝曰人子無格親之誠而欲恬焉自慰得乎用是遂病不起初崑掠於賊尙未就外傳及歸不逾年輒以支名人咸怪之崑曰自王師入關李自成敗死部下皆散走吾爲民家所留頗授書焉雖然崑之得於天者異矣自崑歸里里人賀其父父喜出意外未幾知崑能文章里人益賀其父父益喜出意外識者方欲觀其成而崑死矣嗚呼使天假之以年崑其可量也哉崑歸四年而死死時尙未娶也

隨手收放風神姿態每從簡處增妍 恭士

虛直堂文集

卷九

二

烈姊傳

烈姊劉氏商丘人性孝而慧方五六歲時父母有疾輒滂泣不食家人甚異之年十八適太常寺卿侯公執蒲子官監生怵事舅姑敬順有禮御下寬仁不妒忌侍兒何庖爲怵所私姊覺輒賜衾裯謂之曰善事主人倘有所出兒之福也侍兒感激出非望怵亦歎美愈敬禮焉崇禎辛巳夏父卒姊日夜哭遂失明明年李自成陷歸德姊做衣垢面坐厨下賊至欲俘之一僕婦在側曰此盲者也不任行步賊疑爲謳者曰試謳當追爾死姊曰吾侯太常婦寧謳者乎賊曰從我去姊曰寧死不能去也賊反刃撻之姊據地罵曰逆賊殺即殺耳何撻爲賊怒刃其項仆而未絕賊去其僕婦竊以飲食進輒揮去輾轉嗚咽血流徧竈際間越一日夜乃死時年二十八怵前所私侍兒何庖者已有娠爲賊所執欲汚之亦大罵不屈死

其弟榛曰哀哀我姊烈烈其節血化金石志炳日月日月可蝕金石可折惟姊之貞弗毀弗滅姊秉母訓得死而悅侍兒何知慷慨同決嗚呼相彼髮眉乃曰明哲

虛直堂文集

卷九

三

范書陳志尙當讓其嚴潔 宋介山

虛直堂文集 傳 卷九

四

周貞女傳

周貞女字蘊香遼東廣寧衛人父祺浙西太平營
 叅將蘊香生而穎慧喜讀書一再寓目即成誦披
 前人法書睨而熟玩之數日書輒工其父愛之嘗
 曰吾家女學士也九歲隨父之官寧夏都司金某
 爲其子委禽焉已而金遷粵東蘊香亦隨父遷浙
 西康熙壬子祺病解組歸道過宋卜居焉明年
 天子詔三藩入朝三藩叛粵東道梗丁巳八月金
 書至言戎馬洶洶六千里外聲問莫能通有威力
 脇人者以苟保身命之故不得已爲吾兒娶矣負
 若女然若女卽吾女請助奩別配也蘊香從父側
 聞書未竟嗚咽泣數行下曰父母有成命尙何言
 願死以明吾志之不二也其父母驚且慰曰何遽
 至是渠生平非棄然諾者試遣使偵之明年二月
 使者還曰信然也蘊香拊膺大慟輾轉自悲傷矢
 死不食家人以父母在諷譬之曰正不敢爲二人
 辱也父母彊之食不得已少試嘗輒投匕箸而泣
 無何形神委頓遂不起聞三月十三日忽索鮮衣
 晨起勉櫛沐臨鏡試妝從容出拜父母泣曰兒不
 孝負鞠育恩過午卽長辭矣命也毋以兒爲念家

虛直堂文集 傳 卷九

五

之人以為狂環守之蘊香坐交牀支牀盼簾外日
影。物。動。旁。流。影屆未垂頭若倦眠狀亟視之絕矣時年十九歸
德守閨公子奇異之伐石表其墓云

論曰志不可奪不信然乎蘊香以未嫁女處閨閣
之中少讀書輒識大義拚一死踐初盟而學士大
夫覩然鬚眉委質為人臣子或反未聞其義也何
哉昔越姬死楚昭之命曰妾雖不言心既許之矣
妾聞信者不負其心義者不虛設其事嗟乎此則
蘊香之志也與

澄波靜浪之中螭躍蛟蟠能得史公潔法 牧仲

虛直堂文集 傳九

六

連尉傳

連尉者名蔭福州侯官人也康熙十九年來為商
丘尉鬱鬱常有大有大感者或問之嗚咽垂涕曰家
鄉五千里莫能將父將母而來白首倚閭嗟予子
行役嗟予季行役焉陰其能為情乎夜常啼聲徹
於外有聞之感動泣下者除日其役辭謝尉拊膺
大慟曰若等歸遂得拜父母予其罪人也乎失聲
久之父三聘舊崇安丞也知蔭生平依膝下孺慕
不能離強之仕非其好也必不能堪遂夫婦跋涉
而來蔭大驚喜慰疑夢寐事於是始見舒眉焉未

虛直堂文集 傳九

七

幾父母有念井里色蔭祭之即日以病辭官上官
勉留者再固辭卒得請奉二人歸商之人皆供張
南郊外設祖道觀者歛歎咨曰孝哉尉也吾見
有母死不去繫墨纓披縞統緹細綺之衣南面坐
堂皇上談笑而治邑政者乃有戀班欄於親側棄
冠紳之榮而歸於林壑者乎尉其善愧天下士大
夫哉尉再拜謝送者曰慚愧為吏無狀怡然御其
親巾車而去

論曰利名之濁人甚矣哉方今以用兵之故開天
下進身之寶有傾橐蕩產以要一命者矣有傾橐

蕩產以要一命之虛階者矣。有一要之而不得益，之以再再要之而不得益之，以三者矣。且近世公卿大臣有糾彈之而不_去，削奪斥辱之而不_去，甚至寧死而不_去者矣。尉雖卑秩，亦人之所傾慕，而未_以即得者也。又泰然無他故，何一旦掉臂去，無少顧惜之色耶？豈非所欲有甚於利名者哉？嗟夫，誰無庭闈尉也，獨行其志異哉。

連尉孝行此傳可以不愧然傳之惇摯自是文生於情。或先有感於時事而成耶？然斯時而有斯人，吾甚敬之，安得不敬同好者？恭士

虛直堂文集傳卷九
八
文之健悍字裏行間無非勗力贊山

蔡徐兩先生傳

商丘塾師之以嚴名者曰運寰徐先生。執經而侍嘗數十人，人嘗自_出，訛迄於壯，追隨彌久而不肯去，不勝其繩約者，亦往往不能終歲。月子三人，最幼者隣唐，字邇黃，晚年別號我庵，世所稱我庵先生者也。先生穎敏，非兩兄比，而父教益嚴於兩兄，兩兄進而質所習，可以無譴訶，退者至先生必予之杖或踣焉。予師上_入，虞先生嘗舉以訓，予曰：以邇黃之才之美，非人不堪之勤苦，未必有今日之成就，况不邇黃者，顧可優游望逸，獲哉？出落如好上虞先生

虛直堂文集傳卷九
九
姓蔡氏諱覺春，字繡石，家故貧，生八歲即端拱，每步來問業於徐先生。先生曰：童子整方如是可進也。已而家益不給，將廢學，先生勉之卒業十餘年，不賣脯脩之奉，崇禎己卯，上虞先生試鄉闈，已中式，王司曰：宿儒哉，雖然老矣，不若泮少年之鋒，別求於房，得劉汝松卷曰：此真風流年少也。

置先生於副車，僅與明經之選。是時先生年三十，而劉汝松者，睢州人，乃儻然六十餘矣。我庵先生少上虞一歲，同几席學，同傳尚書業，才名同噪於時，每小試同擅場，而賓與去，輒同歸，不第李自成

洪黃河沒汴 興朝初開貢舉院於蘇門我庵先
 生膏濟河無舟夜躡荒灘上既渡惡風濤之險遂
 絕意應舉業以年資貢於禮部亦不赴反而求所
 以爲聖賢之道上虞先生戲之曰聖賢乃閉門爲
 之哉我將試於天下矣順治己亥出就上虞縣知
 縣改字完冲然人但稱其官曰上虞先生云我庵
 先生曰繡石不暈時而進必敗未二月上虞先生
 果以不能曲事上官罷又六年始得還里貧益加
 於未宦時我庵先生亦戲之曰天下殊誤人自是
 兩先生以口語跡遂疎我庵短於視跬步間聞聲
 辨人然其老也猶能爲蠅頭書伏几濡墨無虛日
 性介特不喜接見富貴人卽素所與遊者有富貴
 人在召之必不往聞然修窮理治心之學惡爲詞
 章上虞先生曰自古有無文之聖賢乎亦暢其性
 情之蘊耳矣喜爲詩有以文請輒應漸習於日久
 之遂盲童蒙來求者摸索授以書以文藝質則命
 兒執筆誦聽之曰丹則丹曰塗則塗形神憊於我
 庵而我庵乃先卒年六十九又四年上虞先生卒
 劉榛曰予年十八從上虞先生學然後知書有句
 讀字有點畫文有理脈而進退周旋應對有儀度

虛直堂文集 卷九 十

如發幽室之蔀而獲視日星之光久之益聞聖賢
 大義不徒作文字用凡六年而先生官上虞去因
 上虞故識我庵先生也我庵先生與予交益親不
 肯當北面時時過從論爲學之方非他人所與聞
 戒勿以文人畢其業而予驚鈍愧莫副也其後我
 庵先生道益廣睢州田蘭芳來執弟子禮事之而
 上虞先生罷歸及門士有不登堂一顧者兩先生
 少篤兄弟之歡而未路分鑣至死不能合由今論
 定人亦未嘗不兩稱之而尤惜上虞之遇也
 出沒變幻神行無跡而望之渾然大璞絕非綴
 文家巧技可擬 英文
 虛直堂文集 卷九 十一
 叙兩先生分量無毫髮苟而我見不生其離合
 變化皆妙入自然吾服其史才 贊山

拙傭子之友傳

拙傭子黃之道東有拙傭子之友久之愈東又有拙傭子之友石三拙相望此其中處者也拙醜德也傭辱行也拙者不任傭傭者不當屬於拙拙傭子曰吾不幸以拙不免也而拙傭子之友益復人爭傭之無虛日天貴者不傭而賤者傭賤之斯傭之矣富者不傭而貧者傭顧傭又無益于貧也拙傭子之友不甘也往謀于拙傭子拙傭子門清如拭拙傭子之友退而疑曰貧之傭在已賤之傭在人賤之不必以其賤也吾與拙傭子同賤而拙傭

虛直堂文集

卷九

七

子不傭則賤又在人乎哉或曰拙傭子非真拙者人以其非真拙故罷傭巧拙之炫人久矣吾子自厭傭者之目則舍真拙其誰屬拙傭子之友瞿然曰有是哉吾愧為拙傭子之友
藏伏伸縮取法昌黎雜說彼繁轉此緩掉彼則一團筋力此則滿紙風韻令人有蘭菊不同時而同芳之歎黃山

侯輔之傳

侯若字輔之原名總少以太常公廕為國子生性溫溫如處女太常公教之嚴俛首家塾無他好方勝冠个名籍籍於南雍頤生而孱弱無匹維之力且睛芒不及遠席貴盛之勢所見惟縹緗卷軸里巷事無聞於耳無寓於目者出門南朔惟輿從是適一節一沐凡舉手之勞悉傳婢承之見人提策上馬昨舌咄咄稱異事而兩弟怨慮皆復健值天下將亂相尚為武備彎弓殺羽飛身騰怒騎馳驟圍獵人咸壯之而獨為輔之危李自成陷歸德怨

虛直堂文集

卷九

七

慮乃不知死所輔之卒展轉出重圍單身渡河走曹南依其兄司徒公恂時予亦徙而非輔之過予曰吾經寇亂增益之能有三焉梳髮卷餅乘馬也已而食折餅貯蔬側吻而就之汁淋漓盈几去數從者左右掖持而登鞍則手甲傷焉侍人皆回頭竊笑迨司徒公罷接汴之命買權南下輔之從焉先是司徒公子方域在留都與東南諸名士攻阮大鍼無所容大鍼晉中樞調知方域父子所在出緹騎捕之而獲輔之於嘉興疑方域也繫之去輔之把周易一卷玩不輟捕者易其孱弱頗懈將抵

都城登岸天方暑躡輔之父陽中眾投涼覓茶瓜
輔之睨無人手擘鄒鎔帆開急窺桑林中伏捕者
四追不獲暮復焚炬搜林中輔之隨火光趨匿巨
假卜者行有詰問示以周易卒脫既北還改名怵
入諸生籍甲午以選士貢禮部優游林泉無仕進
之志而深居靜息獨與里中賈開宗徐隣唐徐作
肅宋榮及予爲文酒往來晷花樹所居蔚然爛然
雖溷廁亦紅紫斑斑也食不能盡一盃而獨喜飲
酒飲終不亂醉則一笑置杯竿頽然隱几睡矣遇
人無少長承以謙敬愈久不替口不言人之惡莊
謹中間示詼嘲無虛諾事無洪纖翼翼然畏慎不
苟篤於親串族黨有施無倦或負之或更侵軋之
輔之若惟恐傷其意者無不惟欲之從無有後言
雖臧獲婢媼皆遇以和厚終身不見疾言遽色宜
其靜而能壽也乃嗽血口就羸困方坐飲酪酒而
卒

虛直堂文集 卷九

五

論曰輔之其有天相乎意其不免而竟免也乃卒
不得中壽以死抑又何耶豈所謂禍患中有生理
而泰樂中有死法哉予少孤輔之顧愛甚周惜其
死時予猶未能與之上下論爲學之方而輔之固

讀迫質也悲夫

讀之其人如見竊以爲古人不迥如是所謂
生手也 賈山

虛直堂文集 卷九

五

節孝曹氏傳

曹氏商丘人其父貢士

許字於吏部文選司

郎中王公杼之子長

天下大亂曹年十四

軫明憂之不及待迎河

已病瘡告篤與其姑

之歸曹截髮誓曰此身

王門乎知有事姑而已

則速予斃也飲藥而守

自給或不給無悔怨色

姑寢然後寢姑食然後

謹令廉其行聞於

上康熙二十三年

詔旌之

曰節孝

論曰春秋書伯姬卒公

羊氏曰此未適人何以

卒許嫁也然則許焉爾

義遂與嫁等若是其重

乎曰重何重重身也重

父母之命也重恥也若

既許而又歸焉者則從

一之貞愈可知矣昔有

范妙元者歸於江文鑄

卷未

已許江氏豈以夫之存

人異其報固知非通論也哉
傳簡淨論亦稱核是得力於承祚手法
賀山
虛直堂文集卷九
七

丁烈婦傳

烈婦者王友之次女商丘縣水池舖人友貧爲人治田康熙二十四年夏嫁其女於同縣丁重吉之子順順父子皆備於人而重吉從王官於溫新婦端容止寡笑言楚楚自愛順之主見而異之曰順額能承此婦哉順無行時時竊從博徒遊廢王事新婦嘗諷勸曰君衣食人而荒其職不憂譴訶辱耶且歲仰於王者曾幾何而君若此將溝壑焉其何悔順哀然弗聽秋八月順省其父母於溫重吉爲製衣被並函餘資付順曰爾祖老矣此吾夫婦

虛直堂文集

卷九

六

血汗辛勤忍口體積累以歸奉一日之養且爲異日附身備其善將之願未及家一擲而盡已而其祖死重言來營葬知順之所將皆不致憾之將治其罪順懼遁慮無所往其時順婦在喪所順乘昏潛入所受於主之室脫襪帶繫而死時十一月之朔也烈婦聞之號慟來奔至則解其懸觸壁呼天頭幾碎隣婦勸止烈婦曰夫亡分與俱亡耳寧能獨活人世哉取其夫所繫帶懷之媼告重吉夫婦曰汝家婦懷其帶意不可測重吉夫婦慰之曰兒不才死無足惜汝不忍於吾兒將忍於我夫婦耶

虛直堂文集

卷九

七

烈婦父母在尤可念婦泣不應重吉夫婦宵書問之既闕月告滿復之溫送婦於其父母家戒之曰汝女有死志幸善伺之歲暮友他出交妻治菽爲腐招其女曰來共爲之貧家無長物與汝度歲恃此耳烈婦太息曰願爲二人供我則寧需此哉少頃友妻爨火就釜變心動呼其女不應所居門閭急排之則烈婦跣足立牀柱前絀其頸已絕是爲十二月二十六日年十七得於夫者未二日先是有見烈婦懷其帶者曰帶不祥燬之吉烈婦曰忍乎哉且吾亦將有所用至是卒用其帶以殉焉論曰昔梁殖戰死其妻哭曰婦人必有所倚者也吾內無所依以見吾誠外無所倚以立吾節吾豈能一於人哉遂赴淄水而死由此言之脫使內外不至空無人焉則其勢猶無死可知也夫人不幸卒罹禍變往往意氣所激捐其軀命而不難及於存亡禍福得失利鈍而念之則幡然必易其初心蓋死生之際恭重矣哉況如烈婦者生長牛足之下出入問耕問織之班安所聞其爲大義也者又非如殖妻之無所依倚乃決死於五十餘日之後而不之回何其堅也予表而出之以告於矜門第

澤詩書者

琢鍊極有法力論之為諷尤遠贊

別聞烈婦事走告先生先生驚歎曰人性之善

顧不信哉人彌賤節彌奇也因濡毫為傳若此

欲聞其事於上而築舍因循未果雖然烈婦得

此已足不朽矣張次房識

虛直堂文集傳卷九

三

蘇文學傳

蘇君更生字印三杞人也家世業儒君尤能讀祖

父書以文章氣節伏自命崇禎壬午李自成陷杞時

自成已僭王號軍張甚欲一鼓而北直犯京塵念

烏合皆草竊之侶無諸古成敗機宜高陽古人才

地當必產非常之士如鄴食其者召軍中俘有儒

生釋縛來見諸部曲得三十餘人君與焉自成踞

佛廬為宮矛戟森列典謝者引三十餘人入自成

問方畧三十餘人皆股栗俯伏屏息際不敢發一

辭君獨抗聲曰將軍操百萬之眾縱橫長驅所向

虛直堂文集傳卷九

三

無堅壘宜可以速得志於天下然而事必有名動

必以義逆風之舟不渡犯上之兵不祥大義舉然國家三百

年厚澤深仁民心既固天命未改躁舉者無幸輕

敵者必亡將軍解甲歸命因罪為功猶不失封侯

賞若徒逞兇醜妄窺神器非其所敢知也自成聞

之大怒呼左右砍此狂生頭來會有賊將倉黃走

自其黨袁時中拔旗叛走自成失色揮三十餘人

去急起鼓眾親追之械君以從一日行百八十里

至柘得間而遁天下既定君與同邑秦如野主恒

烈方伯楊猶龍先生讀君文歎曰維斗天知後再

只此生矣然卒窮不遇嗜飲酒晚年益篤手不去
極杓卽無賓客亦用以佐吟誦發秘思或夜不成
寐自起焚火而謀醉焉年五十卒

論曰語云成則爲王敗則亡此不達逆順而與於
亂賊之甚者也李自成已盜天下半揮衰欲掃神

京妄謂識時務者爭思附翼攀鱗恐不得出一奇
以避新主之知而君乃聲其不義侃侃凜凜此豈

復參一成敗之見於胷中者哉吾友田蘭芳知其
于爾翼爲予言之如此云

只撮一大事立言微以文酒點綴之中間慷慨
說賊處生氣勃勃得太史公傳賈長沙法贊山

虛直堂文集傳九 主

虛直堂文集卷十

商丘劉 榛山蔚著

睢州田蘭芳贊山選

傳

宋莊敏公傳

宋公諱纁字伯敬號栗庵商丘人爲諸生同儕欲
以蠲徭請公曰事在令長請傷恥省試官給馬公
問馬出里中却之中嘉靖三十七年進士授永平
府推官平其刑不徇直指爲重輕擢山東道監察
御史闖人呂用等以傳奉監十二團營公抗言不

虛直堂文集傳十

可出按應天徽州知府何東序爲給事趙格所劾
公言東序不畏強禦而格以私憾論誣上是公言
鄭少保嘗謂公正直有餘宜濟之以忠厚公曰今
世所少者寧忠厚哉纁方愧正直未至耳晉順天
府丞尋拜右僉都御史巡撫保定故事紫荆等關
春林兩防往來士馬八千餘相吏代公言無故而
自耗士氣請罷戍并裁冗卒歲省司農金十餘萬
張江陵秉國意不合引疾歸里優游十載復起公
巡撫保定歲大禡先賑而後問或諫公曰及得請
則溝中之殍且滿矣徵爲戶部右侍郎轉左總督

倉場改京運於通拜戶部尙書會江北諸省大旱
江南水國用不充議開礦公曰開之易塞之難且
保不中使爲虐乎議鬻爵公曰士以賂進非教之
養恥也俱力格不行請發內帑賑恤之留漕粟以
平糴公性誠直儉朴不苟然諾不修恩怨治家嚴
而恕侍無姬媵二三老蒼頭藍襦白裳如田間來
有郎曹謁公見布衣生不爲禮退而乃知爲公之
子也公言論無虛恢就事發明愚者可解而智者
思益不盡爲政尙大體嘗曰小利近功必將蓄大
患轉吏部尙書石公星代爲司農與公待漏同坐

虛直堂文集

卷十

二

欣然曰今日覈出某省羨金若干公曰朝廷錢穀
不可搜索無餘且上聞之或生侈心有言太倉粟
多陳積明年漕糶可改折者公曰寧可紅腐不可
不足脫有饑金錢可資乎公力清選法簡拔淹滯
從前陋習盡革之無敢以私請者上在御日久厭
人情之僞每見臺諫指陳曰此套例也卽有激直
指斥乘輿亦不怒曰若特沽名耳翰林學士于慎
行嘗稱聖度如天公獨愀然曰言官論事正要人
主感動寧天威震赫尙有警省時若一舉置之如
痿痹之疾了無痛痒則無藥可瘳矣其後章奏一

切留中百政廢弛闔宦四出以礦稅毒天下府庫
竭所在軍士脫巾而呼人咸服公之早鑑云卒贈
太子太保榮祿大夫謚莊敏世以公配包公拯海
公瑞并祀焉

論曰莊敏公鑒當世虛標講學之目徒勝口說曰
學視力行何如耳言入玄窟奚用也考公立身謀
國事事無違天則雖講學者有加乎夫治貴識體
養之厚且遠則天下之元氣斯固而規規於目前
之利君子不謂利也如公者其斯古大臣之風烈
與

虛直堂文集

卷十

三

通篇皆形容尙大體處謹嚴有史法

黃山

沈文端公傳

沈公諱鯉字仲化號龍江商丘人也十九舉於鄉
夜有奔女拒弗納中嘉靖乙丑進士改庶吉士授
翰林院檢討累晉侍讀學士吏部左侍郎拜禮部
尚書太子太保公方直恪慎權璫求一刺之投不
可得而積誠悟主婉轉効謀一事與上可否嘗至
三四不得憂鬱形於食寢得則不敢以為功秦王
誼濶請進封其弟奉國中尉誼濶誼德為郡王將
軍上報可公力爭之上曰此特恩不為例也公曰
特恩亦私恩也不為例亦一例也自古帝王未有

虛直堂文集

卷十

四

不欲恩施無窮者顧見人情之不可饜而朝廷之
澤必有所竭不得不限之以制以平其不一之情
而示以各足之分上曰有法在吾不受私下曰有
法在不敢言私畫一相守尺寸不踰而後天下之
願欲以定若法制一舉請乞紛至臣不知所以善
其後矣繕宗藩要例宗藩名封進之慶成王請封
其次妃戚晚鄭承憲乞卹典翊聖夫人金氏欲以
楚承去爵皆援祖宗法反復力格不行羣臣屢請
皇長子正儲位不報乃下詔封貴妃為皇貴妃公
請並封恭妃恭妃者皇長子所由出也上無以查

虛直堂文集

卷十

五

光山產麒麟詔取觀之公言人至好尚其端甚微
而傳播於四海九州傷盛德甚大此物一進則天
下之進奇異者踵至矣麟固祥物而斃也則已不
祥不祥之物宜桃剗以祓除之而奈何敢達於至
尊之前封還詔旨其不依徇取容類如此請復建
文年號修景帝實錄正文體毀淫祠定廟享禮制
上皆嘉納焉萬曆戊子以疾乞歸辛丑起公少保
兼太子太保東閣大學士五辭而後拜命上倦於
勤久不御朝公特請而見曰人臣不得仰觀天顏
是地天不交也其時差中使開礦榷稅所在流毒
天下多以變告公上章曰採權之役陛下本以權
宜濟國用而內臣不能仰承德意濫用羣小虎噬
狼吞窮搜遠獵礦非取諸山澤稅非得之商旅率
皆科派閭左以足額激為禍變紛紛未已今日欲
弭亂形必先收人心欲收人心必先罷礦稅而撤
中使昔唐涇原之變百姓操白梃逐官吏日復能
稅間架索陌錢耶臣愚誠恐至於此極也公念時
艱列謹天戒卹民窮等十事上之慮不省覽書天
啟聖聰牌焚香禱祀語者言公詎况上密遣小內
使取觀之乃知公獻納之誠首輔沈一貫與公多

異議公作協恭約示之一貫不能用自張江陵相
嘗於私宅票擬遂爲故事公曰國政決於私室非
朝廷之體而機事不密又安知不有意外之虞臣
不敢也。朝臣捐俸錢助工作公曰吾知養廉不知
逢君之欲聞者愧焉上每以疆場捷聞推恩宰輔
公皆固辭曰此師武臣萬死一生之所致臣不敢
貪天之賜攘人之功公居政府四年以小心持大
體老謀遠慮不圖近小之益汲引天下賢士大夫
惟恐失之有嫌怨於公者則過而輒忘恢恢有并
包之度每晉秩惕然以盛滿爲恐七乞骸骨乃得

虛直堂文集

卷十

六

致位還里闢自適園與二三故人修文雅社崇尚
儉質立社倉設義塾寡廢疾無告之人尤極周
卹而使之必得其所公無子有代求好女盛裝資
奉公公峻却之病將革猶進保泰之謨皆切中時
事年八十餘薨上震悼輟朝贈太師謚文端著有
亦玉堂文集行世

論曰人之際時幸不幸顧有定哉公當神廟倦於
天下之政朝綱盡弛躬居帷幄曾不得請一日清
閒之燕接天顏於咫尺闈寺竊弄威福煽虐四海
百官章奏如投弱水沈淪而不省公之憂時慮危

未嘗不羨古阜夔伊傳而歎遭逢之不幸者矣顧
考公之始末進而難不以爲矯情也退而力不以
爲忘國也指陳乘輿之非封還成命不以爲憚忤
也宵小之媒孽不辯而冰消而言天下之難言亦
時得轉圜焉吾見後人之望公又將如古阜夔伊
傳之不可企而及矣嗚呼公果不幸也哉

點次大臣寒寒氣象如見垂紳正笏之色論尤
感慨而醞藉

虛直堂文集

卷十

七

余司馬傳

余司馬字洪崖名城河南商丘人家貧夜無膏照書而所居又不容月就屋上隙梯而誦之光盡移乃已中明萬曆丙辰進士授中書舍人熹宗即位拜貴州道監察御史時魏璫竊國柄公連劾其私人直聲特震歲當計吏公上言曰方今天下之吏

鱗集京師眠眠而覘主德必朝廷實有一番德意流布而後可觀感而化不徒託董正之空言也詩曰患此中國以綏四方蓋畿輔者天下之根本本因而後枝幹榮臣竊觀輦轂之下百姓皇皇幾

無樂生之心其何以示多方夫膏澤不流為法多敝未可委之天時也因條時事之切於行者甚悉上嘉納之巡視南城禁演劇朝臣有用以置酒者亦召公公至麾役收伶人徑去四坐悚然權璫出私人羅攝異已者公輒捕之復上章言清狐鼠嚴請託璫益不能堪於是思有以中公矣公鑒一時門戶之禍曰人方含沙而我授以影可乎絕一切交際宴會落落孤行即其里人至不得沾杯蒲焉或病公謂公曰翁翁訛我我不敢為也璫無所措斥而去公乃命公出按滇蓋其時水西東烏交叛

道梗而沙普土司構難日尋於兵黔國公尤怙勢

不法直指至昭以賂不受則死禍隨之陽謂借公威重實假手而甘心焉公由劔閣渡瀘逾峽西飛檄諭水西東烏以天子威德許以更新皆釋戈受約束召沙普平其宿怨亦稽首謝死罪黔公先以金珠重貨直數千金輦公家公聞馳命家人問道載還之及滇滇民來懇黔公公受其詞黔公怒遣客刺公公夜屏人獨坐燭下閱獄詞察有冤輒擊案罵失入者罪當死而為之求生不得則咨嗟欲涕忽有人嘆曰如此好官忍殺之耶委刃而去旋

於公所由衢道中疊石為坊伏其機公過心動曰疾與人急趨而坊機發石下中後與人死公曰吾天子法吏也知行吾法而已禽其將之尤桀橫者榜殺之黔公益憤集部下士礮刀沫血期詰旦礮

舉而殺公遂以反既且礮不鳴偵之蓋黔公已甲太夫人問固止之不聽太夫人曰若既不可回飲我卮酒三用壯爾膽飲之立死蓋醜也公還朝熹宗崩思宗即位襲黔公者嘗侍上於潛邸懇公上下其事於滇撫滇撫言黔公無狀城實不殺黔公微城滇南不可知帝怒罷滇撫公禍且不測久之

滇人交章訟黔公不法事而直公上意乃解亦由是知公能命巡漕按山右視九邊九邊大帥見公皆股栗曰是不爲黔公屈者也晉順天丞拜南太僕寺卿以右副都御史視師江上尋擢兵部右侍郎轉左兼戎政壬午天下亂命公爲南兵部尚書上曰留都根本重地高皇帝陵寢在焉煩卿保障之公頓首言守禦計甚悉上額之而相臣惡公以到官過期免公宜公著有西臺諫草若干卷甲申之變北向稽首痛哭而焚之遁於閩嶠丁亥歸鬱鬱數月而卒公方面願軀美鬚髯性狷慎出入仕

虛直堂文集

卷十

十一

宦三十年而產不加饒應門一長鬚至愿謹猶時時飭之郡之民大半不知有余尚書者

論曰予嘗聞沈管管弟詳及其從子後昌談公按滇事而壯之後昌者卽嘗奉公命還黔公金珠之貽而身齋以往者也沈管曰公性莊厲雖燕私時不少解方公視師自門管從幕無他客署管守備官出則管戎服侍入坐管西向公南向治事畢然後起易服行至賓禮相對酒三行揖就私室以爲常管公夫人之從弟也詩曰彼其之子舍命不渝其公之謂哉

叙公巖巖氣象令人起敬其人其文兩堪千古
敘

虛直堂文集

卷十

十一

凌御史傳

凌公名嗣字龍翰江南歙縣人中崇禎十六年進
 上授兵部職方司主事李自成鼓衆而北勢張甚
 上命公監閩臣李建泰軍禦之師次保定與自成
 遇軍輒潰公身被數創幾死京師陷公走臨清建
 義旗號召山左諸郡縣有恢復神京之志 興朝
 定鼎公知不可爲會江南立弘光帝往歸之用爲
 河南巡按御史方行部至歸德而豫王兵臨城下
 公急登陴設守禦計郡將開門迎降王知公名下
 令曰凌御史死者屠其城人守之公疏繳勅旨言
 身不能扞蔽江淮辱使命而徒一死塞責無益國
 家事臣負罪於九京遣吏吳國興潛渡江上之王
 召公賜宴不食賜貂裘革烏不拜命兩內院學士
 諭降復不應縛提學僉事蔡鳳監軍僉事吳汝琦
 於公前斬之曰降則官汝否則視此公曰王當教
 天下以忠而顧國之所少獨一降御史哉願就戮
 王不忍殺公曰且休是夜草一書遺王曰嗣銜使
 命不克有濟天平人乎分惟一死昨不急裁決者
 尚有意於封疆人民也今已矣嗣復何待伏承隆
 禮義不私交所賜裘烏并繳引尺練扼吭死王義

虛直堂文集傳 卷十

七

之賜白金百兩爲棺斂時順治二年四月二十三
 日也公之猶子潤生從公死

論曰死生義利之際其足以移人也久矣而吾郡
 前有巡後有嗣烈風嶽嶽並揭日月之光何擇死
 而趨不疑也公死時好事者多爲歌詞飾之不足
 采書疏亦傳聞各異而賈開宗稱公山左事尤誣
 故爲正之以予所聞焉

文字老潔如此直是龍門百尺之桐 賈斂修

虛直堂文集傳 卷十

七

李子金孫助鄭廉傳

李子金字子金鹿邑人。鬚然多鬚。雖之田蘭芳。兄事之。蘭芳曰：天之與我何如哉？而悠悠承之。惜矣。以孫助之識。解子金之深心。厚力。鄭廉之雄奇。獨儻不可一世之氣。而降心問學。俛而莘莘焉。皆遠到才也。而優游自放。以老何與。三子聞而笑謝之。孫助者。蘭芳之里人。字嘯史。一日念蘭芳之言。愛已勉隨。蘭芳問業於商丘徐邈。黃先生鄭廉。駭然笑曰：吾不能鑿吾真也。廉字介夫。號石廊。家商丘之穀熟。予介之與蘭芳遊。因得南交子金。西友助。

虛直堂文集卷十

古

子金多藝術。而尤喜神仙家言。嘗衣寬博之衣。色正白。頂戴盧帽。來應學使者。試而言神仙於稠人之途。助廉以異端呼之。而問以樂律。勾股。天文。青烏。日者之說。子金與之縱談。連日夜甚。辨湯潛庵司空嘗欲設壇以聽之。然子金為說盡駁古人之非。而聞者亦或疑曰：子金其果獨是耶？子金不飲酒。喜廉有酒。容助工於論。稱廉微談動人。助短幹黃鬚。目矐矐。不及遠。而蕭然開放。常若有自得者。論古今有識。而不輕為文字。偶一落筆。輒自矜喜。然亦旋逸去。不恤也。視世人如螻蟻。有正以詩若

文者。擲之不入目。而獨愛鄭廉詩。許其雄放。無齷齪廉磊落。有丰姿。議論當世事。歷歷可聽。雖里巷無關有無之談。亦井井原委。不殺焉。飲酒輒醉。至手病不捧。盈面病如漆。瀉而興益豪。助傲岸。自行其意。來不可牽去。不可留。廉與子金性疎。緩人可援而止也。子金之子病痘。其妻迫求醫藥。子金出為故人留數日。忘歸。廉遇子金於蘭芳之舍。流連再旬。輾轉於兵戎之際。家人微求而得之。強以返。然後去。蘭芳曰：三子各有性情。而由由不恭。則一也。

虛直堂文集卷十

五

論曰：三子負才玩侮一世。而不屑其諸古之遺狂。與狂者聖人所欲得。而蘭芳惜之。其又何也？毋亦克念之難耶？助鬱鬱以死。子金既老。一變而頽然。於室家米鹽之間。德矣。廉曰：近頗悟往轍之非也。而予竊觀其後矣。

如荷走露。如絮團風。初無定質。一一各有其人。在三子可不朽矣。論更正大。然亦筆墨飄忽。無常轍。黃山

王司李傳

王君名嘉生字美發號牙巖睢州人也為文雄博有奇氣自成童即能驚其先達長者每修社人方攢眉扼手訖吟苦思而不得牙巖則高談大嚼往來謔笑或奇人草強闖之論其合違了若未經意者已而文成人卒無能出其上丰姿磊落魁岸蹕厲風發見其文知其為非常之人見其人知其為廟廊之器也當戎馬轉徙流離時猶負一囊書吟誦不輟亂定而歸與同里趙君獻操人士之進退得一言之予者率皆睥睨而下之謂人經平子必

虛直堂文集卷十 七

善也中順治六年進士授江西建昌府推官超然有一日千里之志巖稜自持民畏之如神明侃侃與直指面折可否直指不謂忤有累年不決之獄一言判之莫敢以無情辨每監兌漕糧軍弁欲以故例嘗輒縮頭咋舌曰王公滿身風霜望之令人寒慄易敢言撫軍蔡士英疏薦將下詔徵用而以外憂去遂悲鬱而病起補福建寧府推官建寧豪猾聞其聲輒避走而牙巖已無復昔日之英毅矣煦煦寬和每事必慎退遇人惟恐傷之未幾擬擢銓曹而又以內憂去牙巖既連遭大故偃蹇

不得意益悲鬱而病遂掃一室閉戶焚香坐家無纖鉅事不許一言關白時披一卷微吟或噓天而歎垂頭而畫地咄咄書空自語常有深思重憂者獨有時及文事則抵掌雄談眉宇間猶有不可一世之氣其兄震生督江右學政邀之往不應竟鬱鬱而卒

論曰人之負其才也如刀劍然淬其鋒而用之則利不用則鈍矣今之策名天官者率十年而不得試於政及刑一符又八九年而不得一遷則壯懷盛氣蓋已銷磨幾盡矣牙巖化雄奇為衰颯前後頓若兩人非不堪其銷磨之故哉悲夫

前後刻畫處神采奕奕 賀山

虛直堂文集卷十 七

李當陽傳

李當陽名遙字邈齋號襄水睢州人也官終於當陽令人稱為李當湯家故貧刻苦讀書嘗於積雪明月下走讀徹旦忘其寒鄰媪憐而分膏弗受蔣氏徵諸名士修文社公由遠村踳躓至攝敝衣露塗滿足登其堂主人怪問曰若奚為公揖有半膝席者有回頭竊笑者公徐出筆曰願試文坐日已午主人餽餅棗入受而啖之且盡衆皆指顧耳語久之公濡毫拂素疾書王子嘉生起從背後竊窺失聲曰異才也文出果冠一社出是睢之士爭識

虛直堂文集卷十

公順治甲午舉於鄉己亥成進士公性剛方負氣自用有事敢儻荷百折而不回細目顧軀嶽嶽然稜厲不可犯授彭澤令彭澤十八都都十甲甲有長長以次直其年地衝而徭繁又大猾點蠹牟漁其間直年者嘗至嚮兒典妻正賦外歲科民金六七鉅萬以為常公至改行均役法上下沮抑百至或造蜚語中傷之公不顧卒行其法民困以舒嘗有大舸七載甲十五六百人泊邑之馬當鎮而其長陳思官稱為吳三桂姪子來謁公公方坐堂皇治邑政思官擁呼而入公問何為曰有鹽欲於貴

邑嚮之公曰爾不知國禁乎思官曰固然有吾舅

氏在公曰令知朝廷不知誰舅氏思官怒曰若官粟粒大而敢抗王親公願指左右曰且械王親於獄從卒拔刀而前公叱之不敢動思官遣卒走告三桂三桂移檄撫軍董公曰思官犯鹽禁例發本旗鞭責思官去諸大吏皆為公口噤心悸公坦如也未幾卒罷去三桂叛工部尚書龔公如錫疏薦其才命從楚軍久之不見用公辭總制蔡公日須之行以一縣授若公日今所少獨百里才乎公授遙騎卒五千日攻某路不勝遙甘死授遙步

虛直堂文集卷十

卒三千日守某隘不守遙甘死今兩壘久相持上日夕憂捷書不聞而願能臥一城自逸哉蔡公壯之符下卒委以當陽縣縣產煤願承王命兩章京來採煤民患苦之公造章京言章京怒去報王曰令抗王王召公質至宮屬舉會甲而露刃侍者數百人公從容入王蓄怒以待其兩章京礪掌瞋目欲甘心焉公慷慨陳當陽民死於飛芻輓粟之餘臥者呻吟行者冠屨而復迫以採煤之役枵腹入山必將盡為溝中之斷且數百里致之幕府又能神輪鬼轉乎令即日脫銅鑿便於當陽為路人而

王視之則國家之賊。彼亞旅也。令不為國家愛百
 姓。王猶當罪之。而王顧可重擾此邑乎。侃侃鑿鑿
 反復數百言。左右皆搖舌。王色平且聽。且復之曰。
 令言是既出。諸官屬相顧曰。異哉。有此強項令。頃
 之亦竟勒致政矣。公治當陽凡八月。而歸築。今是
 園種芙蓉樹。綠楊翠篠。徜徉其中。嗜飲酒。即無客
 亦數具壺觴。自酌醺醺之色。相續志氣高亢。獨行
 而自得。夷然視古今人。無可者。為文與詩。別出機
 軸。不屑循繩尺日格。當自我立法。當自我設。烏能
 局局。摸人牆壁哉。先是彭澤署有所謂五顯神者。
 走士女如狂。公曰。淫鬼也。敢與令共處乎。提而去
 之。當陽之衝。神尤常白晝見形。禱帷而游於衝。之
 中。儀仗與令等。至堂乃不見。每夜有聲。嗚嗚然。自
 仲宣樓來。徹曉弗絕。前令王嘗為縛之。幾死。公至
 寂然。取其像投之河。後俞令來言。又輒見鬼物云。
 論曰。人患氣不振。則靡然百事不能。為孟子養之
 有以也。公掉臂直往。了無強禦之可畏。夫豈輕蹈
 險難。而不知自愛者哉。志有所不可抑。義有所不
 可回。榮辱得喪。禍福之機。有所不足計。耳。同邑大
 司空易公斌。撫其時。盡毀淫祠。投其神於江。濤中。

虛直堂文集 卷十 三

適出一轍。而落落孤行。卒不能有以竟其志。湯公
 大臣。且復不能竟其志。而公初膺一命。輒欲為所
 欲。為不亦難哉。夫天下事。二公不能為。而又復誰
 能為之。嗟夫。
 為當陽自用不阿情狀。生氣勃勃。 賈山

虛直堂文集 卷十 三

張暉吉傳

張暉吉商丘人十歲能屬文十四遊鄉校有聲甲子一中副車鼎革之際入孔子廟再拜痛哭謝諸生籍去屏跡東野人無知之者生有頭風常播撼而弗寧方幅涼節寧孤行而不與人有周洽之歡客有就而欲語者或曰無庸客問故曰渠已先搖首不信也蓋雖相謔戲而實嫉其棧厲不隨人可否焉性惡浮屠聞梵聲掩耳而走每授徒必先爲說韓子原道大意謂學者能別白邪正之塗然後向行有定志有假暉吉之屋而棲者去遺所事大士像知非暉吉所好疾來求已碎之矣終其身不遊憩寺刹中或視之入則憤然怒人爭笑之一日正襟危坐而卒

虛直堂文集卷十

三

論曰君子之大節有二內而辨學術外而辨去就其是非得失之歸劃然矣顧學者功愈純篤而資愈高明其於本天本心之岐趣往往惑溺焉而愈深雖浴闔諸大儒亦輾轉於其中者既久而後乃窮其非暉吉輒視如蜂蠶而不近其得於天何異耶嗚呼隆爵厚祿者吾見之矣而一介諸生守義高蹈卓卓焉信斯聞也卽二事已合於君子之大

節矣

簡賢而朕潤尤可想其樂善之懷節應

虛直堂文集卷十

三

周先生傳

先生周佐者懷遠將軍祖之父也其先世家臨海
 明永樂間巡按河南御史端諡戍遼東廣寧衛遂
 為廣寧衛人再傳有軍功累官指揮僉事得世承
 焉遼既邊鄙尚武勇而周氏又世以長矛勁弩傳
 家先生乃獨冠儒冠喜從橫經士弄文墨講貫先
 聖微言大義遊鄉校有聲天啟辛酉 王師襲遼
 陽下之先生聞難謂其妻張曰聖賢詩書之教無
 非復我天性而天性之切君父其大也事變如此
 吾分惟一死報國家若善自為計張曰夫子能死
 國妾獨不能死夫乎遂弛二弓弦分懷之是時也
 祗方七歲姊長四焉先生曰吾不忍吾兒辱馬足
 汲兩大甕水欲先溺殺二子而張已引弦絕於梁
 家人力救二子并防護先生先生不得死兵亦未
 及廣寧明年 王帥大至先生肅冠服辭聖廟歎
 曰吾妻待我久矣取舊所懷弓弦繫而卒年三十
 三
 論曰烈士死名賢人死義苟一日之生安知有可
 恥不可忍之事蓋其嚮背之塗判於幾微而惟定
 性於不搖者乃能獨伸其一往之志焉觀先生夫

虛直堂文集傳

卷十

三

婦後先殉國謂非有得於詩書之深觀刑之素亦
 烏能慷慨從容借盟心於不二也哉嗟夫
 老筆如蒼柏無枝 寶山

虛直堂文集傳

卷十

三

徐烈女傳

烈女徐氏故歸德衛指揮之裔也世居商丘父明
智業農娶謝氏無子生烈女許字同邑赫連禧之
子勲方四五歲輒不與鄰舍兒共嬉戲有就者走
避之稍長職烹任縫績之事善伺父母意父母所
欲然不言而辦其否者易之矣或命護場圃坐立
不移尺寸族媼有屬以事必始終之察父母色有
不平婉言解慰必悅乃已雖髮未覆額而宗黨愛
重之禮以成人入其家父未起而門內已告潔母
未入厨而炊爨井井焉器具皆有定所求輒應手

虛直堂文集

卷十

三

而得父母嘗自慰曰有女若此何必有男烈女性
端謹寡笑言比垣居者終歲不聞其聲衣雖敝必
完潔行止雖造次必肅整風雨晨昏未見其有燕
嬉之容父卒族兄士驥來嗣奉身益嚴不與共几
食其壻以病亟來告母遣士驥往問歸曰死矣烈
女聞之忍泣入房繡素所剪描花譜嚙而毀之嫂
怪問曰無需此且不欲母見也易衣履走摘所手
蕪瓜茄之屬進母母不嘗繼以椒母笑曰女能啗
乎啗之得零淚如雨去微有哽咽聲母謂其嫂曰
渠慟不可忍姑聽之俟炊熟相喚也喚則懸門楣

上絕矣是為康熙二十八年六月十八日與其壻
分晨暮死年十七事聞於令命與壻合穴而筆之
邑乘或曰烈女明智所羸負者本姓寶

論曰新例惜民命殉節者必先白有司達於上報
可然後死之若烈女者義激於心而情難於言顧
肯身詣公庭嗷然宣揚其故曠日需時以待許我
之命乎且親愛者又誰忍聽之夫許嫁與嫁有間
也烈女輒不欲懷二心以覲顏於世宜雖格於令
甲而令猶不忍沒沒焉令命同穴其里人乃相距
跬步而時兩冢抑又何與意者壻未御輪禮猶不
可苟合者乎

虛直堂文集

卷十

三

傳極朴雅論尤疎老 寶山

商丘劉 榛山蔚著

睢州田蘭芳箕山選

說

逐鴉說

戊申秋客於侯氏之墅夜有鴉鳴於樓予怪之曰鴉何為者耶鴉禍鳥也予於今可以免矣予之窮至於轉徙無家而鴉猶逼之鴉亦忍乎哉鴉或無靈而冒昧以鳴不知予之客此耶抑自習其聲聊一鳴焉以自快而不意其人之憎之也或曰鴉巢

虛直堂文集

卷十一

一

於樓之罅塞而逐之可以已或曰逐之又將鳴於人莊生曰見彈而求鴉炙鴉固可炙者也予曰逐之可矣炙則已甚既成謀是夜鴉遂無聲予曰噫鴉豈聞吾謀而自去耶抑雖在莫敢肆其鳴耶鴉亦可哀已因自悔曰予之失所而來與鴉隣乃厭鴉之隣已也弗怨哉於是令其家人曰鴉之巢無塞也其夜鴉復大鳴家人咸尤予之縱鴉也予曰噫鴉果禍鳥也予鄉之致禍屢矣固不聞鴉且鴉炙之不能盡而逐之可復來也世之小人而無忌憚者大抵如是又獨鴉乎哉其後鴉鳴日甚予亦

厭之終塞其巢家人復怪予為德之不竟也予曰噫幸鑒於世之縱小人而使之無所忌憚者

三鳴三噫作章法伸縮離合極天然之妙 箕山

虛直堂文集

卷十一

二

黎問字說

諸孫德培自庚其字曰黎問蓋尚慕乎吾家子政也世傳子政校書大祿夜有老人杖青藜叩閣而入曰吾太乙之精也吹杖頭火出懷中竹牒授之自是子政之學益進由此言之其踪跡固甚奇矣然而漢書不載其事何也豈以其荒忽詭誕不足以誇示後世耶抑子政之語言行事累牘莫罄而不服旁及於此耶不然則好事者妄為之說而非真耶其有與無不可考矣然而子政為人大抵所稱博學篤行之君子也培誠學焉而日勤行焉

虛直堂文集說

卷十一

三

而日至惟無所謂太乙者已耳萬一有之吾見扶杖而來惟恐後矣雖然怪神之事孔子所不道培也讀書尚友千百世之賢聖盡晤於几席而又榮乎區區之星精哉且子政之事吾決知其為妄也何也閣中之太乙無異於圯上之黃石也留侯之事史遷紀之子政之說班掾不錄得無良史之所不書者其亦後人之所不足信乎若然則培亦自問而已不必真俟有杖藜而來問者也抑又聞之聖賢之學必歸於約君子之行要期於醇西漢當祖龍坑焚之餘聖人之大道不明故子政之徒各

得行其說以自見設使與濂洛關閩諸儒同堂而論道得無於約且醇者未至耶雖然子政固博學篤行之君子也培也勉之倘不以吹藜之有無而槩嚮往之志焉則德培進矣

勉進黎問者至矣而行文變宕錯綜尤可愛

黃

虛直堂文集

說

卷十一

四

同名說

里之長者其名予適同焉或傳其意欲予更之予曰名不可同乎昔司馬長卿慕蔣相如之為人因名相如李北海慕蔡邕之為人因名邕使長者有可慕予尙可因而名又何更之與有且夫古之賢士立大名於天地之間自有所以為名重者非特其名以重也。曾參同時又有曾參陳孟公同時又有陳孟公此並其族亦無異也。而千百世之下稱孝者必曰曾參稱好客者必曰陳孟公不聞殺人之曾參可以溷曾參驚座之陳孟公可以溷孟公也。何也。夫固有所以為名重者在也。周公之名王支正公亦名之不為僭也。豈不曰雖古聖人何多謬焉。元載之名橫渠先生亦名之不為辱也。豈不曰顧其人何如耳。然則人有定者也。名無定者也。何害於同也。然而有不得同者。御名及廟諱在律犯者杖。豈凡人皆可引用乎。無乃不得而僭擬之乎。曲禮曰君子已孤不更名。况予又無可更之禮也。夫古之人載在前史者。歷歷其若彼而特王之。法聖人之經。又若此。然則何據而不得同名哉。長者已同。謝茂秦而不更。而天下之大。後世之遠。

虛直堂文集 卷十一 五

不知同予者何限。復誰得而盡更之。予少時字蔚宗。及讀史惡范曄之為人。更字山蔚。然則予之不更其名。抑又何幸乎。予之更之也哉。

無限意思。段段折倒。段段變化。不窮此文。較誰辨何如。識者辨之。○山蔚之舌鋒。可畏如此。殆亦滑稽之雄。 恭士

虛直堂文集 卷十一

六

田井脩字說

吾友田子箕山爲其子玉昭請字焉曰古者既冠乃字今冠禮廢久矣卽字以代三加可乎古筮賓賓莫如子敢再拜以請予讓不獲字之曰井脩乃進田郎而醮之曰古王者經略天下之土田溝之澮之中公而外私其制取於井形固然哉亦養而不窮之義也迨其後王政壞而井田廢儒者嘗欲起而脩復之雖以滕之小弱萬無能爲而孟子猶慤慤焉橫渠先生既不得志於天下猶欲脩之於一鄉以示可行豈非士君子卽不能有及物之功固不可無及物之志哉此井脩之一說也顧觀於易則尤有進井之六四曰井甃無咎象曰井甃無咎脩井也夫六四陰柔而得其正者雖尙無及物之功然上近於九五將瀦畜其寒泉以食萬物者也能自脩則井日新矣一日得君而不窮之養其功顧可量哉此井脩之又一說也田郎勉之若父苦學力行以困蹇老杖學樹生人然妙合是九三之井渫不食爲我心惻也子能祇適家學而益脩之則轡於其父而未洩者將必滂乎沛然於子之身矣雖然君子惟知脩之吉耳天下之食其福與否莫能自必也田郎

虛直堂文集 卷十一 七

勉之苟瀦畜其所以不窮者卽無及物之功其庶裕及物之具焉不然卽一旦用汲於王明吾見有羸其瓶者矣脩之脩之雖九仞乎猶有棄井之慮也

反刻以樸剗僞以眞道氣深穆使人望而敬之始所謂苦寒色正者耶 陸林屋

虛直堂文集 卷十 八

劉伯直字說

故人劉觀寶于之子溥介田子箕山而請字焉予
 既不得辭乃謀於箕山曰吾聞君子之視人也如
 視已也已志之所不存不可謂人志之所存也已
 志之所向不可謂人志之所不向也吾業已取周
 子所謂靜虛動直之義名吾堂以自警矣然則溥
 也其無意乎哉周子曰靜虛則明明則通動直則
 公公則溥蓋溥必由直而得含直則私焉而不可
 長且狹焉而不可居矣又何溥之能云且夫善學
 者惟約其功於切實之可據而不馳其心於廣遠
 而難期溥則聖度之如天也學其溥而不得將至
 於徇人而喪已毋寧學其直而不得猶不失其為
 寡過也字之曰伯直其可乎箕山曰善雖然直又
 何易言哉吾子幸示以直之方予曰嗟乎身有
 之而不言者私也身無之而始言者不信也吾方
 皇皇焉以求而依俄焉不知所在匍匐門巷乃欲
 引人以千里又誰則從之雖然吾嘗聞於易矣曰
 敬以直內又嘗聞於書矣曰夙夜惟寅直哉然則
 不寅敬而求直猶不飲食而求飽也蓋敬者貫動
 靜徹始終之道也惟敬則一而無欲無欲則直否

虛直堂文集說 卷十一 九

則百邪交乘委曲遷就將無動而非咎矣意者切
 實可據之方其無愈於此哉箕山曰善請書以遺
 之使之知所向也

千聖微傳乃於偶然文字中發之足徵所得
 庵

無論文筆之照映周匝立言之本已可俟百世
 而不惑斯之謂不苟作 箕山

虛直堂文集說 卷十一 十

喪服說

予既為書與張匯宗論服制矣或疑之曰三年之喪何以二十五月而畢也曰喪服小記不云乎再期之喪三年也以再期之故名此正有辨二年非三年而姑二十五月也曰二十五月之義何居曰禮者體天地法四時天地四時之變易人從而更始焉其節也所謂以期斷也然而恩厚者弗忍已故倍之倍期則二十五月之交也故曰二十五月也然則何以各三年也曰三年之交也故曰三年也曰數從其虛何也曰置餘日而不用也其置餘日而不用何也曰加隆之義止矣然則五服皆然乎曰皆然也何也曰由三年而殺之則期期十三月故曰期之喪二年也由期而殺之則三時之喪曰大功曰中殤七月由三時而殺之則二時之喪曰小功夫二時也而何弗六月七月也而何以謂之三時由此觀之則大功非滿九月小功非滿五月矣又殺之則總總一時之喪再月也蓋從無人道破月則天時小變矣而加隆焉則倍之三月之交也故曰二月也再倍之則小功小功五月之交也故曰五月也三倍之則中殤七月亦七月之交也由小功而倍

虛直堂文集

卷十一

十一

虛直堂文集

卷十一

十一

之則大功大功九月之交也由七月而倍之則期期十三月之交也再期無可復加矣遞殺之義如是加隆之義如是此之謂人道之至文也然則中月而禫何謂也曰再期而大祥二十五月之服終矣是日之後後月之前中間一月卜日而禫祭焉故曰中月也顧謂二十七月何也曰亦置餘日而不用也置明如指掌二十五月之餘日為二十六日出此月又置餘日而為二十七月矣今之制必滿二十七月何也曰禮時為大時王又加隆焉下則勿容倍也母之齊衰期而三年矣庶母之總而期矣禮曰從其厚而人情猶不免日趨於薄禮將何如哉是故忠信之人君子望之矣

剖分處如錐畫沙末路益復纏綿剗切具見維世自任苦衷贊山

晦純字說

族子韋請字於箕山而志在於晦命之曰晦中客
有疑其義者曰君子內文明而外闇然故曰含章
曰文在中曰欽明文思曰緝熙光明曰先覺曰昭
昭如直聰之主塞繼垂旒不欲少露其英察而哲
謀之所涵足以光天之下而有餘苟闇汶昏默豈
可以當天君之任乎而箕山顧教其晦於中也何
居予曰然君所謂知其一不知其他也夫不觀之
火乎彼灼之微至烈也而必有所鬱於中夫不觀
之日與月乎照臨之光至遠也而必有所隱於內

虛直堂文集 卷十一 十一

然則鬱也隱也所謂藏用之本而所以蓄其明
者也此不夜則不朝不冬則不春之大道非第如
老氏大智若愚大巧若拙之謂矣愚夫愚婦盡蔽
其知覺之良而皆曰予知自見為知則中之晦也
不可問矣故聖人曰吾有知乎哉予未有知惟其
厚有所斂斯其廣有所發形著之光顯充其極至
於上下四表無弗被而究之聖人之心則猶然赤
子之純木嘗有毫髮之增益也由斯言之君子第
忠其晦之不純耳而思其晦於中乎哉韋曰晦中
之義善矣然曾大父行有字樂中者不嫌於同歟

予曰烏可同易中為純可也晦之能純則庶無求
於明之效無闕於憂之遠無間於初終顯微存發
之一致斯為己之密也酌之詩曰遵養時晦時純
熙矣韋也苟純其晦則亦無慮有不純其熙之時
也夫

論思崇閎也鄙言所未發 箕山

虛直堂文集 卷十一

十四

字侯最說

姪孫侯最請字最日出也書曰寅賓出日字之曰寅朝進最而曉其義曰寅敬也人心不敬則肆無中立兩可之界敬則日疆而進於君子肆則日偷而淪於小人塗轍之攸判惟視吾心之收放存亡耳收而存德日上而無難放而亡流愈下而甚易成人之方有造之要舍此無由也曰朝者何以一日言則晨最而昏曠一日皆情氣也以一生言則幼幼而荒嬉一生皆情氣也女不幸早孤保身寧家在此時養正端蒙在此時庶幾謹身敬業毅然

虛直堂文集

卷十一

五

乘其朝氣而勉之乎雖然君子終日乾乾夕惕若匪獨朝也故昔於日之納又言寅餞最也苟能慎始則他日保終之道其亦由此加密已矣或曰最之從父字朝宗無嫌於字畫之同歟曰禮不諱嫌名二名不偏諱名之嫌與偏且無諱而字又何有穆伯之子號文伯義之之子名獻之古今無有非之者而况夫音與義之俱別也哉

詞嚴義正而指畫明晰是示幼學文字

管山

宥貓說

有貓焉遇鼠而不殺家人稱之曰慈貓雖引雞而遊輒避之人謂其果慈也而不之防乃再日而啖五雜家人於是怒其貪且虐也將引用張湯獻鼠之律予曰寬乎哉問有說乎曰彼反其常而若顧慈之彼率其天而若顧磔之其寬不亦甚乎夫先王迎貓而祭授其職於鼠也而不鼠之問使早中其溺職之罪律以容奸縱盜而戮之無赦渠亦何辭顧舍其大而誅其細抑未矣環顧吾世何地而無食黍食麥也者今貓號然以怒趨然以攫奮然而不以惜物為名是殆振迅有為之機未必不藉此五德之雛示威於碩鼠而將修其觸邪禁暴之職以復天性之本然而顧乃罪之乎家人曰如李義府之志獨在善類何予笑曰不如是則不貓矣卒宥之

虛直堂文集

卷十一

去

託慨觸藉而筆亦蒼涼

管山

半翁說

劉生客豫章自號曰半翁或曰君以長者臨人乎何翁也曰予杖於家四年矣而幡然以衰雖耆耄者不過焉猶復不得為翁乎哉曰君子亦欲為全人於天下耳而半也何居曰予惟不能全故不敢掩其半也請詳其義曰聽期於達予自襁褓中病右耳到今如無有也則半聰矣六年以來日暈眩在朝烟暮靄中短檠下蠅頭欺人不肯以形見所存者又半明耳生而塞於口聽他人懸河滾滾益怯不能發一字即言及之而欲默不得者亦猶半

虛直堂文集 卷十一 七

宜半納焉天君喜遊如周穆紛八駿之影方駢而又馳其凝然以安主人之位者幾幾乎不得其半矣以是學也無成行焉多咎歲月悠悠恒深半塗之懼而天資又鈍弱千百其功猶恐不及况動息相半乎遠稽乎古人予之不似者半近瞻乎今人予之似者又半此予之不取以全自欺也雖然予從無強記之能而今益善忘朝之聞不能留于夕讀姚江先生語曰只要醒得那要記得不覺鳴掌大喜曰半翁乃亦得先儒之半矣

自謙自嘲嬉戲成文然都是內省返觀非同閒

筆浪墨 敬仲

殊有披瀝 賈山

虛直堂文集 卷十一

大

雜說一

天地鬼神皆尚謙故老氏竊之功有所不居名有所不立退焉而不敢進無焉而不欲有似也然而有老子甚確不勝其私矣有兩人業工於肆甲進一能必驕於人得一利必銜於衆而乙則若無能也慮與甲爭其能而能不必勝寧無爭以勝之也若無得也慮與甲角其得而得不能掩寧無角以掩之也其師乃兩薄之他日盜至乙少出所有而盜輒釋甲傾其橐盜弗信也工於人甲之爲可矣曰未也乙猶是也曰不意若之能至是也然後知有之而自鳴得意不如其若無有也顧其師乃兩薄焉何也曰作僞者日拙小喜者無成學莫先立其誠志莫先去其矜

虛直堂文集

卷十一

九

筆極曲論極精 箕山

雜說二

萬物之所怯也鬼神之怒士師之法白刃之銛洪濤之洶與夫威獸之吞噬毒蟲之螫傷耳顧常有欺百神爲無靈冒三尺而不死徒手以乘鋒鏑蹇裳而凌巨浸上山禽猛虎下山取蝮蛇者若是乎天下固無之而可怯也而謂有可怯之愈於此者轉換最有力吾不信也然而夫人之用勇異也謂不可櫻則銳而前謂不可不承則怯其怯也樂而受甚於怒實而禮甚於刑言相入也甚於利鋒行相引也甚於洶波望而若有落膽之威嘗而若有喪身之毒也

虛直堂文集

卷十一

十

自棄者甘死禍如飴而引以中正之道則畏懼掩耳而走說來真可悲可笑 張長人

萬物莫不畏天而天之威寄於雷霆非雷霆之果不爽也非摘發於人寰而無所遺也非日相尋而恐之也偶一中焉或無一中焉而天下卒凜凜者天之意不可測也然而不專寄於雷霆也無雷霆而修吉悖凶自若也愚者畏其不可測智者正畏其有定衡焉無定而不可測是狂喜也狂怒也不可測而握定衡於中萬物斯無敢倖之矣後世指天誓日朝誠暮誥而民不信斧鑕鞭箠雖民如草而民益無所忌古則有不言而化不刑而自畏者

虛直堂文集

卷十二

三

何也將非為治不在多言而齊民不恃繁刑乎雖然不刑而刑有定不言而意不可測也是故君子之養德威也如天有淡雋之味 箕山

商丘劉 榛山蔚著

睢州田蘭芳箕山選

論議

友論

友道之淪喪也非一日矣古之為友者曰講習口

責善曰輔仁曰樂羣取友曰信曰斷金而其始合

也曰同聲相應同氣相求其要厥終也日久敬日

終和且平蓋古之重厥友也與君臣父子兄弟夫

婦共列而為倫謂君臣父子兄弟夫婦之道相資

以講明者繁惟若人是賴也是故一言之未合一

行之未當無不有規切引翼之責而經緯於四倫

之中身心性命所由依託焉所謂講習所謂責善

輔仁所謂樂羣取友蓋如是矣而今之朋友則不

然一室之密常有萬里之隔焉雖一文藝之往來

議論之觸發心知其非而故贊之而姑然而陰

訾之而宣揚以姍笑之猶且詡譎然託講習之空

名稱樂羣之雅會也豈不異哉夫惟古人深知友

道之重也故擇而不敢輕合合而不可復離平居

則道德相砥礪患難則生死相委付形迹不存初

虛直堂文集

卷十二

一

終不渝夫然後謂之信夫然後謂之斷金夫然後謂之久敬謂之終和且平今則以狎爲親以敬爲疏矣以信爲迂以欺爲恒矣無事則飲食言笑相徵逐有事則漠然矣匪徒漠然而因以利之甚且因以擠之或一言之失則疑而忌焉一事之利則背而賣焉亦何有於斷金亦何有於和平乎甚矣友道之淪喪也間嘗窮其弊源則皆輕之過也始則輕於合而不知擇繼則輕於處而不知道終則輕於離而不知惜總則輕其友之名而不知所關之親以切也其去古道日遠宜哉且夫友不可託

虛直堂文集

卷十二

二

而名也戰國之俠士輕其生以酬一日之知則客氣已耳東都之黨人冒其死以爭百世之名則習氣已耳而友不與焉夫友不必皆淪洽而無間也朱陸之同異有害於交游之情亦不必皆朝夕而與處也山川之修阻亦可以相觀而善不然則無寧尙友焉已矣且人之所與異情也有鄉焉有故焉有恩焉有友焉滑而處之必失其宜與爲鄉則泛泛焉耳矣與爲故則無失舊好焉耳矣與爲恩則酬報焉感激焉耳矣凡此者胥不可以言友孔子之書於朋友屢示訓焉誠見夫友之至重而切

不欲如世之甚輕而泛也奈何友道之淪喪日濶於古昔也嗚呼今之日滴於古昔者又獨友道乎哉

正反開闔曲盡其意論交無逾此者可勒金石
遇黃

淋漓警痛刺骨驚魂山蔚篤於氣誼宜其言之
親切乃爾 陳其年

虛直堂文集

卷十二

三

女史母德傳論

母與父同稱嚴君蓋正位乎內者莫尊於母也故
父理陽道而治外母理陰道而治內謂之匹敵且
夫女子之生也漸漬磨礱於閨闈之中動靜語默
惟母是型淑焉從而淑慝焉從而慝女復有女其
流益遠母德之基厥惟重矣不寧此也自夫人一
氣而受一形而分本乎陽者無上。論。然。實。至。理。近父本乎陰者近母
豈不尤有得於未生之先者乎是故晉武帝之婚
太子也曰衛家種賢賈家種妒則女之賢不肖其
所由來非但染習之故矣文王生而聖也詩人溯
其本於母曰摯仲氏任自彼殷商來嫁于周曰嬪
于京因述其胎教之實曰乃及王季維德之行太
任有身生此文王由是觀之分明受氣之初固已
得之異也然則誰非人母可弗慎於德行哉

高視闊步無一毫瞻顧之色 贊山

虛直堂文集 卷十一 四

女史孝行傳論

孔子行在孝經而曰事父未能然則孝者聖人不
敢自信而欲以責婦人女子不亦難哉雖然世豈
無感發之至情求於學士大夫而不得者閨閣之
中莫知其所以然而然豈必聞天經地義之說乎
是故雖有愚奴悍婢蠢焉罔覺而當父母疾痛存
亡之際未有不愛戀涕泣者此所謂天性非耶天
人不生於空桑誰不屬毛而離裏惟有以蔽之而
無所觀法提撕則其心乍明而還昧耳脫使察其
蔽吾心者而祛之有深理。察其所以不容已於吾心者而
益充之則其油然而以生詎遂無手舞而足蹈也哉
世不知髮膚皆父母之軀君子有全歸之義而或
刳股斫肌以毀傷為孝行予亦未嘗不悲焉而不
敢取以為訓也嗚呼世教無聞民莫與行所以示
觀法提撕於斯編者又獨為道鐸于閨閣已哉
又深。等。

蕭散中有沈著氣骨原自不同 贊山

虛直堂文集 卷十二 五

女史賢淑傳論

婦人之義貞順而已矣不必有奇節異行也蓋陰以柔為德匪柔則悍焉而不正位於內故王順然柔而不正則狐媚苟且墮身喪名庸詎知愈於乘陽剛而肆者故王貞德之四蓋言貞也從之三蓋言順也夫以太妃之聖何嫌不具而歌詠者特以幽閉貞靜形之曰窈窕已耳故知有非常之智術非閨門之福也寡庸常之悔吝即淑慎之選也夫女子息心盡分恂恂於無攸遂之常宜爾家室非事之至安者乎而又復有榮名之施焉彼鷄鳴之女一言微勉於牀第之間到今淑風照人耳目孰謂女子有行不可千古哉易曰柔順利貞君子攸行其闈閣之藝訓也夫

以淡勝箕山

虛直堂文集卷十一 六

女史貞一傳論

歐陽子取王凝之妻以論焉道何其善愧天下之學士大夫也夫自古一節者嘗少而轉移自便者嘗多豈富貴安榮貧賤憂戚之際固有難淡於中者乎何其有志者之鮮也士君子儼然讀書考道嘗不免有墮志氣失身名之日則其為婦人女子者宜不可以靡他相賈矣而乃往往發一日之天懷持畢生之高節豈不傑然與古志士相上下哉蓋臣無二事婦無再醮廉恥之心原於天命無如嗜慾牽於前憂疑迫於後弱氣易靡初心難固所謂婦人之貞吉或反凶終良可痛惜也雖然善惡惡原非此明而彼昧而顧反面改容苟且以偷一旦反之羞惡本懷其獨何以自解乎或曰勢有無如何時有弗獲已夫不遇情事之至難而貞之又惡足以明其素心也哉

曲折有逸致箕山

虛直堂文集卷十一 七

女史節烈傳論

天地之氣厥賦惟均正者尤獨鍾于人則人之用其氣者宜有道矣顧一朝之激憤常自經於溝瀆而莫悔及大節攸存則幡然而有變志也豈其偏用之則伸而正用之獨絀哉何匹夫匹婦逞其血氣則有餘而忠臣烈女配乎道義則不足也顧人之死生亦大矣苟有變故必期天下以死而後即安則逡巡而有難色獨非人情也乎然惟人情但知重死而相與忍恥喪心乾坤之正氣幾息於此而能伸一日之志保百年之名者豈不毅然丈夫

虛直堂文集論

卷十一

八

操行哉而得之于巾幗之中其尤異矣然則道義之氣果不擇人而具當其慷慨自許之頃智者不必得愚者不必失一念之消長向背而已夫人而知此其亦善用乎一日之氣也哉

淋漓滿志氣盛故也 寶山

女史義烈傳論

乾道成男陽剛之象也坤道成女陰柔之象也故語曰生男如狼猶恐其羊生女如鼠猶恐其虎若男子而乘陰柔之位則闕觀可醜女子而襲陽剛之權則牝晨為索矣雖然天地之氣亦往往賦受攸殊非健順之常經所能限制者豈非忠孝至性不擇人而具雖在閨闈亦不欲關茸隱忍而偷一日之生哉顧禮有之曰男子居外女子居內深宮固門闈寺守之易之家人曰無攸遂在中饋貞吉誠如經訓苟非家國之難萬不容已無寧安柔履順守坤道之常然足矣嗟乎彼儼然鬚眉身為臣子一日變故當前而鼠奔兔伏苟延旦夕之命者其視此又何如耶

虛直堂文集論

卷十一

九

章法最變幻轉宕抑揚處使人不測 寶山

女史哲慧傳論

聰明特達之用何人而可少哉雖曰知之非艱行之惟艱倘知且未至俛俛焉又烏從而行乎且女子生長深閨閱歷不及戶外見聞不過一家無所謂經遠之諫詩書之悟而徒任一己偏倚之私履凶蹈危貿然於事幾之紛投幾幾乎不可與知矣故作提放假使多智而善慮豈其不為宜家之助者然而知幾之哲君子難之謂易覲於巾幗間哉昔孟母有言曰婦人有閨門之修而無境外之志由此言之則非常之智慮又非女德之所急也顧世亦有物

虛直堂文集

卷十二

十

補偏救弊論必不苟 實山

至而心通機生而悟遠天性之穎睿或非鬚眉之所及者即不無出位之嫌然亦良足多矣雖然聰明之用必有義理以相資若穿鑿小智蕩廢繩檢而肆然以逞非分之才又寧若蚩蚩者安其愚而無自用之失哉哲婦傾城詩有明戒讀是篇者亦善法其意可爾 為世苦心

女史才藝傳論

大頭腦天地之氣鬱勃變化而文生焉使非有所以厚其藏則所謂文者亦索然而已矣人受天地之氣以生既不能自然而文則養其鬱勃學其變化藏之深而發之自盛不然則亦索然而已矣雖然發越者陽之職也斂閉者陰之職也秋冬之氣不洩則蔚然而文宜非女子事矣且賢人君子養其鬱勃而學其變化已不徒為文章璀璨之觀而况荒酒食之議鬪藻績之華雖工亦何急哉每見才愈豐者德愈畜文愈美者行愈愈卒至身毀名惜並其

虛直堂文集

卷十二

十

議論有本末而提放整嚴 實山

女史妒媚傳論

二南諸什讀之令人有餘感也蓋婦之不德未有不託言妾媵之愆者然而膠木之愛戴何獨深蠡斯之慶慰何獨至乎謂卑之敢於亢尊也則小星之分安調下之有以怨上也則江汜之情可以觀矣嗚呼不明靜好之義苟據專房之寵蔑禮喪德其恥孰加而甚者合德斬漢成之嗣昭信滅臨川之國婦也至此不可言矣雖然善非一日之積惡亦非一日之養無乃母教虧之於先而夫道失之於後歟膝下觀摩不聞和厚之德則妒種成矣房

虛直堂文集 卷十一 七

閨顧戀漸假驕縱之權則乾綱絀矣語曰女無美惡入宮見妒士無賢不肖入朝見嫉倘夫為賢夫婦雖妒將不得逞君為明君臣雖嫉又何能為乎噫吾願於剝之六五日占其貫魚之利也

曾層逼入擒王手也 寶山

女史傾邪傳論

女子與小人並稱有以哉其陰儉詭佞亂人家國固一轍也夫女子之道以順為正寧朴愚而自守毋巧智以惑人其口如簧其家速亡其才愈大身名愈敗詩不云乎懿厥哲婦為梟為鴟婦有長舌維厲之階亂匪降自天生自婦人嗚呼生自婦人固也而成婦人之亂者誰乎舜禹之朝不聞嬖孽築紂之君同罹女禍曩使貴德賤色以端正己之化以防邪亂之幾雖有長舌庸能施哉蓋自古房閨之禍無非隱忍愛惜以成之始則傾耳而聽惟恐傷其意及釀為患害至于國亡身死而不救則禍人者適以自禍而縱其人以成其禍者雖終悔偏聽之奸亦已晚矣然則夫夫婦婦而正家道者可不預閉於此哉

虛直堂文集 卷十一 七

探禍源而立論機到神流 寶山

女史淫亂傳論

傳曰男有室女有家無柘賣也謂之有禮司馬遷曰禮之用惟昏姻為兢兢甚矣禮以節慾慾不可長禮以敦耻耻不可亡也夫禮叔嫂不通問諸母不激裳已嫁而反兄弟弗與同席而坐弗與同器而食先王制禮其何為如是苛嚴哉誠所以杜漸而防微也蓋女子之守身如持盈孟稍有蹉跌畢世莫可掩其醜雖懷羸文姬猶不足齒而况乎其桑間濮上哉家人之初九曰閑有家悔亡象曰閑有家志未變也夫當婦志未變之時而不知所以閑之則嘻嘻之漸其可長乎故婦人之長其慾者不知恥也其不知恥也無禮以閑之也故曰禮者所以別嫌明微又曰禮不可斯須去身嘻可不慎哉

虛直堂文集

論

卷十一

古

五

以禮字作主得大頭腦寶山

女史逆惡傳論

嗚呼羿莽操卓豈必盡丈夫哉女子亦有之矣夫女色之禍人家國何代無之至於身謀弑逆無所顧畏而盜竊南面之權稱帝制改國號奪天下以為己私逆天至此不可言矣然豈一朝一夕之故乎夫始則色以固愛宴溺失防檢之權既則愛以生畏驕悍持鉗制之柄終則畏以養亂滋蔓成僭逆之禍及其牀第之間寇敵頓起今日之仇讎詎非前日之歡寵乎嗟嗟養癰遺患者誰乎至此尙堪悔哉吾聞君子不死婦人之手耻其有兒女之情也况以巍然宇宙之共主婉轉於婦人女子之掌握而卒罹其兇殘如漢成帝唐中宗其恥又孰甚焉凡耽情內寵而不知檢制者盍亦鑒諸此哉

虛直堂文集

論

卷十一

古

五

有勁采寶山

士君子立身行己自有法度論

天下之道有兩是乎曰無也兩是者不可以為道
有可託於近似之迹者乎曰不可也託於近似之
迹者必甚害於道何言之堯舜之為道曰中孔子
之為道曰時中而委蛇於兩可之間其心亦曰我
學堯舜孔子者也而即大戾於堯舜孔子之道何
也中者聖人之化也非如此而然如彼而又然者
也模稜者烏可以倖而竊也孟子於楊墨之邪辭
而闢之而尤痛絕乎鄉愿豈不以楊墨之禍所中
者猶天下好高喜異之士而鄉愿則塗飾彌縫之

虛直堂文集 卷十一 六

巧無人不迷惑以為中道之歸則害人心而敗風
俗將不胥化為軟熟便辟之天下不已乎然則若
子奈何曰君子自有正乎內方乎外之常經守死
而不移所謂立身行己之大閑也天下之大閑三
尺所不及嚴者士君子自嚴之士君子之大閑一
世所不及責者千秋共責之豈非士君子之身天
下萬世之大經大法所由係而不容有一日一事
之苟以自放於法度之外哉善乎黃勉齋先生之
論陳太丘也曰士君子立身行己自有法度夫太
丘固君子之流非甘與嬖閹權璫為伍者而獨於

張讓之葬身往會之豈不曰少委蛇焉以平其怒

俾其悔禍於吾儕亦不已甚之中道乎其後讓念
太丘之德而保其善類人果謂太丘枉少直多屈
一身而庇眾賢士君子固不可丰稜過峻激小人
以無所容而自取禍害也若太丘者可謂中道矣
嗚呼此所謂浮沈流俗之見而亂德之甚者也夫
禍福利害之機聖賢非固欲嘗試其難也蓋一隱
忍委曲於其際則縱果免於禍果免於害而非義
之辱即三典九章已設於厥躬而不可宥何也堯
舜孔子之法度不如是也後世亂臣賊子自文其

虛直堂文集 卷十二 七

逆天戮倫之罪莫不竊聖人近似之迹曰反經而
行權夫衡有兩重而輕軒焉然後權之不兩立者
何權之與有彼支屋而自折其棟矣尚欲庇人乎
彼操舟而自失其舳矣尚欲濟同舟乎是故學聖
人之權無寧學聖人之經而已矣正內方外之常
經所謂堯舜孔子之法度也然亦非堯舜孔子之
法度也人人所命於天而莫不固有之法度也而
胡容決其防也明熹宗時乾兒義孫充滿朝著原
其始亦不過隱忍委曲於一日一事之間以為禍
福利害之趨避而不知其身敗名滅一至此極也

東漢之君子固不能知堯舜孔子之道而法度之無兩是太丘亦宜聞之顧奈何委蛇浮沈而欲託於近似之迹也雖然太丘固君子流也不君子不足責之矣

經綵確正可以立懦 黃山

虛直堂文集論

六

西江詩派論

帝王之於天下聖賢之於道皆相繼以統統也者同也無外之辭也猶之水行於地匯於歸壑而總為天一之所生非支流別派之所得偏據以為名也至於四瀆百川之既分分而溢溢而溯其所由出然後稱派以別之派者蓋一流之餘也是故王者無一天下之權斯有竊其土疆而割據者聖人之道不明異學始因張其說以遊於世然七國雖強魏吳雖大終不得上僭一王之緒黃老盛於漢佛盛於唐亦卒不能易聖人開繼之常經者何也

虛直堂文集論 卷十二 九

統大而派小統正而派異也詩之統與派亦猶是矣何謂詩之統性情是也性情之所寓有帝王之尊焉故曰天君為聖賢之本焉故曰理此天一之所以統萬派也由是而志以言由是而歌以永酌古今之正變而宣我情文之蘊無倚無矯放而之焉則亦水之無所不行而無可不匯也第淫辭以逞而戾於溫柔敦厚之教則雖於天下之新闢古今之奇而不可以謂詩何也非性情之物也猶之汗瀆非水之本然也是故詩之統關王之統與世運為盛衰也詩之統關聖之統與道為明晦也趙

宋之運昌矣千餘年之絕學光如日星故其時之詩亦能闢數百年未開之境而發天地未洩之機其詩人之最著者曰蘇黃黃巧於思備於氣輿於辭岸然自成一家言而當時學者多祖之於是呂居仁圖陳履常以下二十五人爲山谷法嗣名之曰西江詩派夫浮屠氏以彼法私於其徒若一家之父予以區區廩畜田廬相承代也而他家之所

虛直堂文集卷十二

三

有則望而不得干故有法嗣之自由此言之居仁之名山谷蓋以支流別派小之非尊之也而自附於一流之餘抑又自小之甚矣夫人莫不欲自尊而尊其師而顧小之者何也蓋未嘗循流而溯源去人之見而求諸已也夫我自有性我自有情我自能本吾性而達吾情雖稽古居今無人不可取以自助而要隨乎我之遇動乎我之天發乎我之所欲白而不容已之隱而卒成乎我之言猶吾面之不能與人同也而奈何謂他人父哉且夫人無真是非於已無定志定力於已而碌碌因人如影之隨如響之答於已無益而未必爲人所樂受彼二十五人者之廂山谷其似山谷有幾也傳者已不似而湮沒無一言之存者或更不止不似山谷

矣而強稱山谷山豈許之乎甚矣居仁之多事而不智也夫山谷史稱性至孝又有識濂溪先生之明是二事者山谷性情之正而詩之所由以爲統也居仁不此之學而獨欲似續於其詩曰派也派也不得其派之所由恐終沒於斷港絕澗已矣然則何派不可以尋源也哉

予以此題試西江殊無一當人意者得山蔚高識老筆縱橫出奇遂成千古定論不可移易一字

論發處極精極密極大極盡是一篇無罅隙文字

虛直堂文集卷十二

三

字實山

祀孔子誕辰議

學宮李先生折柬召劉生兩周生諭曰先師誕辰不可無祀開之聖蹟圖蓋八月二十有七日也坊間之書有云九月之中生議何從即襄斯舉焉劉生退而議曰九月云云市井不根之談不足信也然嘗考之經史雖聖蹟圖亦不能無疑焉春秋穀梁傳於襄公二十一年經書九月庚戌朔日食十月庚辰朔日食之下曰庚子孔子生公羊傳雖同此年則謂十一月庚子夫十月既為庚辰朔則十一月烏得有庚子哉左傳家語既皆失載而胡傳之述乃用公羊不知何見若夫史記則謂二十二年通鑑前編祖之遂於是年大書十一月庚子孔子生且曰二十一年日再食決非生聖之年是亦荒唐臆度之論非確見也諸史傳皆以孔子之卒為七十有三孔子卒於哀十六年由今數之則襄二十一年是已而史記既謂生於二十二年而卒亦云七十有三得非自相刺盾耶且諸書俱云卒於四月巳丑而杜氏以長曆推之則曰四月無巳丑是卒之月日亦有誤也不獨誕辰矣昔孔子作春秋曰所見異辭所聞異辭所傳聞異辭蓋事非

虛直堂文集

卷十二

五

五

耳目所及而欲其言之不異難矣又曰信以傳信疑以傳疑天下事固不能執一見以為必然類如此也公穀皆謂授經於子夏而兩傳之異同正自不少況史遷又遠出數百年之後而謂其言顧可盡信歟難者曰史遷不可信而朱子於魯論之首胡以錄之曰是亦傳疑而已假如有以年月日質疑於朱子而朱子當亦不敢據以為然也第以無關於大遂亦因仍其舊焉爾難者曰聖蹟圖衍聖公所著也其月日亦有誤乎曰事在數千年之上雖衍聖公亦烏得而知之其曰八月二十有七日者周之十月二十有一日也夫二十七日之合否未可知第云十月是從穀梁也若穀梁為是則即不得云二十二年不識年從史遷月日從穀梁一聖人之生而可以調停兩用之乎然則衍聖公之言正亦難為定案矣難者曰此典顧可終闕歟曰孔子固欲人以闕疑闕殆也曰不祀其可乎曰不祀可也祀之非禮也祀誕辰者異端之所以奔走愚夫愚婦也孔子可以無誕辰之祀而春秋兩祀外可以不私祀誕辰也是故祭義曰祭不欲數數則煩煩則不敬祭之所以致敬而乃以不敬終之

虛直堂文集

卷十二

五

五

敢乎哉。大凡事之創行者必理無可疑。義無可議。而後庶幾也。不然則寧不創之為愈矣。且吾聞之。崇聖人之道者不在虛文。為聖人之徒者原有實事。苟無愧其實。雖或略其文可也。東家之子克肯堂構。西家之子徒具家盛。則兩父之為欣為戚。可以意卜矣。兩切收在力有子鈞大史傳既無可信之日而祭義。又有煩數之戒。故曰不祀可也。祀之非禮也。謹議。

考辨已極詳核。斷定更是名論。必傳之作。題黃

議論引據間雜。成文微波。淡宕老筆。犀利文之

能事盡矣。贊山

虛直堂文集議

卷十二

五

父妾無子服制議

予甥候方至。喪其父。無子之妾徐氏者。問禮於徐子邇黃。恭士宋子介山及予邇黃。據呂司寇四禮疑曰。母之名生於父。不生於子。有子與否。皆庶母也。當服期方至。難之邇黃。堅其議。恭士介山不對。而去。聞者多奉邇黃之說。以為然。予既寡。聞見不足。以言禮而邇黃又長者。不敢與面爭。雖然。明辯固聖人之所許也。因退而議曰。母之名生於父。不生於子。似也。然考之儀禮。總麻三月。曰士為庶母。註曰。士為有子者。服總無子。則已。朱子家禮。祖之

虛直堂文集議

卷十二

五

曰。士為庶母。總麻。謂父妾之有子者也。明制改服期會典。八母圖曰。父有子。妾本朝律曰。父妾無子。不得以母稱矣。蓋謂有子始得正乎母之名。為其子之母者。斯嫡子。眾子因而庶母焉。耳。是母之名雖生於父。而所以得母之名。則實由於其子也。無子。則何母之有。喪服小記曰。士妾有子者。而為之總無子。則已。夫妾必有子者。服總。則父妾必有子者。服期。義愈明也。無子者。不足以當君之總。則無子者。必不足以當嫡子。眾子之期。義愈明也。或曰。妾為君。斯矣。為君之父母。期矣。為女君。與嫡子。眾

子皆期矣未嘗別有子無子也而無子者獨薄於
 人情安乎予曰大夫於貴妾不問子之有無皆服
 總可知此乃聖人所以抑其賤而尤防夫寵溺者
 之得以行其私也是故以有子為斷禮固非施報
 之常情所能齊矣或曰徐氏有子而殤非已正乎
 母之名者歟予曰子未下殤而歿安在其為有子
 也譬如王公貴人既削其籍矣仍得以王公之禮
 葬之乎或曰君子過於厚即不可期降焉者不可
 以義起歟予曰先王制禮正名而定分必使過者
 俯而就不至者跂而及蓋曰不容有自行其意者
 人各自行其意亂孰甚焉或曰呂司寇之疑也非
 乎予曰謂之疑關焉可爾夫必有子而後為服者
 本於經著於律天下古今之所共由以一人之疑
 而遽廢焉敢乎哉或曰徐氏之節可敬也卒無容
 以少厚乎予曰厚其殮葬可也禮為出母嫁母齊
 衰杖期而為父後者無服心喪而已夫心喪云者
 本無服而不忍已於心不忍已於心而終不容為
 之服故孔子之喪顏淵子路也若喪子而無服孔
 子沒諸弟子亦若喪父而無服以此例之若喪庶
 母而無服而心喪以終其月焉亦足以報徐氏矣

虛直堂文集

卷十二

三

顧可輕為服乎哉

辨博宏暢惜不令呂司寇見之

介山

虛直堂文集

卷十二

三





答問

答鳩居問

新安曹生謁予曰吾里葉生者舊結廬於盤田之野方落成有鳩來巢於梁生怪之曰其詩之所謂鵲巢鳩居者乎惡而去焉久之復廬於盤田居三日又有鳩巢於梁生益怪之作鳩居問質於予曰如詩所云必非其祥矣不然鳩聚也是宜聚族於此也且聞之五鳩鳩民者也或祥也予疑於對願賜一言以答吾友之請而釋其惑劉子曰妖祥微應聖人不言也盡其在而我而已董仲舒劉向之徒始言變異驗之事應而委曲為之辭至有不能盡然者則支離遷就矯強傳會以求其必合是亦無稽已耳顧妖祥之見雖聖人有所不敢忽而微應之推則聖人有所不敢知其不敢忽也聖人盡人而畏天其不敢知也聖人不誣天以惑人如是焉已矣夫鳩雖拙亦能自為巢者巢於樹其常也巢於屋亦時有也吾廬適而成則鳩適而巢無足異

虛直堂文集卷十三

一

也吾廬又適而成則鳩又適而巢亦無足異也其居於鵲巢者或然者也非常也且安知我之不為鳩也詩之取興又美也斯何所疑乎哉曰聚之解其庶幾乎然則必於梁焉又何說也此強為訓詁者曰鄭子言祝鳩司徒也司徒掌教意者微示以名教之樂而為論升之地乎曰此巧為勉者然而稱引亦已遠矣吾聞之賈生曰天不可預慮兮道不可預謀言未然之微應不當計也又曰愚士繫俗兮窘若囚拘至人遺物兮獨與道俱眾人惑惑兮好惡積德真人恬淡兮獨與道息言妖祥之不足為動自有可恃而不疑者道也夫生以疑鳩之故殷殷千里而問之可謂勤矣倘移疑鳩之心而以聖人之道自疑移問鳩之勤而以聖人之道為問吾見生之日益也何鳩之足云藉謂箕子之聖亦言休咎然天事之徵人事之得失而已不愾人事而徒言瑞徵則如五代之蜀豈不麟鳳龜龍騁真之類舉萃於其國哉

虛直堂文集卷十三

二

論思確正可破世俗之疑

答顏子食埃墨問

問家語記陳蔡之厄顏子取埃墨之飯食之子貢
疑其竊告於孔子孔子託以夢欲進飯而祭然後
知其非竊也信乎曰是誣大聖大賢下同於閭里
之村婦小兒也夫以顏子之仁猶不能見信於師
若友何以爲顏子以子貢之智猶不足以知顏子
何以爲子貢以孔子之聖猶不能堅信顏子之無
他又何以爲孔子夫埃墨之飯當無多也棄之不
忍亦其情也常人稍知義理必無先師而食者稍
知愧恥必無竊取而食者而顧疑於顏子卽其疑

虛直堂文集 卷十三 三

之士有爭友何妨面責而乃屑屑然往白於師是
村塾童蒙幸同儕之有過而傾之也且孔子召而
問焉就事言之亦胡不可顧乃假於夢詭於祭曲
辭隱義曾何殊於世之以言餽人者至得其情矣
乃詡詡然顧謂二三子曰吾之信回也非待今日
也夫非待今日則其夢與祭也不亦多乎又曰二
三子由此乃服之豈前此二三子猶有所不服乎
漢人假託傳會鄙陋無稽之談大率多此類也曰
家語半載於禮經亦有不可盡信者乎曰禮經固
多漢人之言不可盡信者也曰後之學者亦安辯

其爲聖人之書而信之曰求之於理而已得其理
者真也失其理者僞也曰讀書亦敢不信於經乎
曰孟子曰吾於武成取二三策而已矣武成固聖
人之經也

以理求古人是讀書大欄柵山豹殊有辯才
顧庵

虛直堂文集 卷十三 四

答昏禮問一

客問娶妻不娶同姓何謂也曰先儒云為其近禽獸也禽獸不知嫌微之別人焉可無別也客曰異姓其皆無嫌乎曰外姻為昏有以姦論者矣客曰雖然中表之行近世上大夫皆用之或猶可許也曰在律昏姑舅兩姨姊妹者杖八十離異安在其可哉先王制禮遠嫌而養恥又立之科條以防不然蓋所以扶進斯民於人道者至嚴而不可犯矣夫所謂同姓者猶無親之稱耳若吾父姊妹之子不猶之兄弟之子乎吾母兄弟姊妹之子不猶之吾父兄弟姊妹之子乎人知同姓兄弟之子不可昏而不知異姓兄弟姊妹之子不可昏其何異置鳥喙而啖側子耶客曰彼世昏者皆非歟曰疏而無服者可也姑舅兩姨兄弟姊妹相為服總麻乃亂之以昏姻而期且斬焉如禮何客曰吾黨有女養於他人謂可解中表之跡而昏之然歟曰買妾不知其姓則卜之不知者猶卜知而假人以免夫誰欺客曰舉世行之未聞有用離異之律者或居今而亦可從俗也曰俗之可從事之無害於義爾敦倫敗禮相率而畔於人祥可乎盜微倖而未發

虛直堂文集 卷十三 五

曰未見有律盜者盜額可為乎哉

禮教不明於人心律令不申於官府或明知其非而蹈之若罔然也讀此其無悚惕也夫 石廬

虛直堂文集 卷十三 六

答昏禮問二

客曰盟昏於禴祿可歟曰無悔焉可也曰何悔曰山川之或阻也官骸之或傷也或家落而見羞或行非而相覓也皆悔也古人六禮之行率無違期故詩曰雛雛鳴鴈旭日始旦士如歸妻迨冰未泮冰未泮而納采桃始華而御輪故不至有他端之變詒悔悵而生釁端也客曰禮女子二十而嫁男子三十而娶不已稽歟曰昏重禮也上以事宗廟而下以繼後世婚媾童幼茫不知成人之道烏足以刑妻宜家為人父而為人母者况血氣未定亦

虛直堂文集 卷十三 七

非所以養壽命之源也客曰有故則二十三歲而嫁禮也今有因喪而歸者何歟曰此禽獸之行傷教亂化之甚者百杖不足以蔽其罪矣客曰昏者身已從吉而至昏者或可少假乎曰在律居父母舅姑及夫喪而與應嫁娶人主昏者杖八十薄於自昏無幾也殺人者死而至殺者寧未減哉客曰男女及期而家幸無故顧又不輒得吉卜而行也將奈何曰陰陽禁忌之說鄙倍而不足信也古之昏者皆仲春蓋萬物於此而生故人倫於此而始古之人法天未聞有不祥今之人信術未見果無

困咎也智者可以知所從事矣曰古六禮不病於繁乎曰禮所以敬夫婦之始而勿容苟也故召南之女雖致於獄而謂室家之禮不備終不之從焉然朱子家禮已去問名納吉請期以從俗矣夫古人問名而卜卜吉則納吉否則他采他問焉今一言之定便不可易故此二禮為可省請期一節好禮者猶有行之減六而四而三不得更從簡陋也曰貧者苦于不能具奈何曰豐儉從有無之便誠貧也一禽一果何讓焉今俗有空函往復并納采而亦廢者斯亦不敬其始也哉

虛直堂文集 卷十三 八

人情天理了了都盡此謂辭達

答昏禮問三

客曰古者晁而親迎今或不往何也曰二氣感應以相與以艮之少男下於兌之少女得感應之正故取女吉不然則奔而已矣物不可以苟合妻妾之別以此也客曰昏昏以為期俗或行於朝義無害歟曰陽之來也而往焉陰之往也而來焉是逆天也父一家之天也不敢為父之逆子天下之父也而敢為天之逆子哉夫使用昕所以致虔也婿用昏所以順時也婿冒使者以行事悖矣而於人情又豈為便乎客曰古六禮皆用鴈今則獨於親迎焉未為闕歟曰先王之制皆有精義而後世則苟簡焉苟不盡沒其禮意亦可矣尺寸爭之難勝也客曰婿奠鴈拜主人不答拜朱子曰彼為奠鴈而拜自不應答拜何解也曰非拜主人也肅禮也納采使者至主人迎於門外再拜賓不答拜曰不當盛禮也盛禮已不答况非拜主人者乎客曰婦至宜何禮曰交拜而合卷外此皆陋俗也客曰婦甫來而婿即詣婦家以拜無乃亟乎曰少陵新婚別云此身未分明何以拜姑嫜婦不及見舅姑之期尚未可以拜舅姑夫未得於婦而何有於婦

虛直堂文集 卷十三 九

之父。母乎。不率新婦見父母而汲汲於歸家則是遺親而已矣。

文行吟韻幽香 黃山

虛直堂文集 卷十三 十

答喪禮問一

聞既遷尸而號於廟何禮也曰此禱復而失其禮意者也禮禱於五祀十則於門於行耳復者升屋北面招以衣曰臯某復三求之天地四方也魂氣無不之也而於廟焉惑矣始死奠脯醢於尸東陽位也未忍死之也傾漿於廟門不但死其親矣主人未成服弔者入門子弟出見之曰以未成服不敢出見使某拜禮也而被髮跣足行於塗何歎曰陰陽家言有所謂殃者信乎曰親而忍加以殃各不孝之罪過於天矣夫殃何物也由俗所云猶之

虛直堂文集 卷十三 十一

乎其魂也魂與氣非二也氣散而魂獨留魂去而殃猶在乎殃之為義禍也罰也死者又何惡於其家而降之禍罰耶果其親之靈至此而始去則求一見乎其位聞乎其容聲而不可得乃避而遠之何心哉凡此至陋而害理而世卒無有非而黜之者不可解矣曰父母兩不存稱孤哀子若為繼母之子其無嫌歟曰嫡重矣嫌繼母則何以處嫡母哉且儀禮於筮宅十日之類皆稱曰哀子某哀固不專於母也况可嫌於繼母之故而不哀乎曰繼母之子於嫡稱前母禮歟曰非禮也八母無前母

之名繼以言乎繼嫡也不以為嫡何繼焉前於繼亦猶然乎其嫡也
痛快實山

虛直堂文集 卷十三

十一

各喪禮問二

問主之制曰伊川先生言之悉矣高下厚薄皆有取象不可意為也曰世用有爵者黜朱而覆以墨禮歟曰非禮也親故之能書者題之足矣必乞於有爵亦所以崇其事也而朱焉則無謂矣且服官者簿書教令皆用朱以下行上焉者弗敢也人子於父母而使人肆然下臨之又豈所以尊之乎曰父在母之主宜何書曰從夫而稱子不得以妣名也日子之主則從父而稱乎曰然曰有孫者書考不可乎曰嫌於無祖也曰無孫之子有泛稱公者非歟曰誰公之是於其家了無繫屬也曰立主以祀之似不宜施於早曰非然也本尊則尊奉之本早則早畜之魂之所依猶之其在耳蓋家必有主而統屬於尊也曰禮無明文於何而徵之曰或問乎朱子曰夫在妻之主宜書何人奉祀朱子曰奉祀施於所尊以下則不必書也由此觀之則夫在稱亡室父在稱亡男古之人無不然者而第或人之所疑蓋以旁書其子之名奉祀或亦無害不知尊者在早者不得干也禮為人子者居不主與坐不中席行不中道立不中門皆所以避尊者也

虛直堂文集 卷十三 三

而於主乃敢自名而無所避哉曰父沒然後滌而改書歟曰然

詳明簡確發從來所未發 贊山

虛直堂文集 卷十三 十四

答喪禮問三

問先生作喪服說言置餘日耐不用而總功亦然於何知之曰考禮文而知之矣禮以倍而加隆期則天地四時已變易服亦可從而變易矣其恩厚者弗忍已而倍之則再期故曰再期之喪三年也再期之喪何以謂三年也曰二十五月耐各二年得乎曰再期何以名二十五月也曰三見其死之日則不可數於二十四月也曰胡不實以三年也曰加隆之義止矣夫一年天時之大變也倍之則斬衰一月天時之小變也倍之則總麻斬衰再期

虛直堂文集 卷十三 十一

而稱三年可知總麻再月而為一時之喪也小功再月之倍者也故五月焉二時之喪而五月則總麻之為再月義愈明也大功九月猶之謂總麻三月云爾由小功四月之又一日而倍之則八月之又一日為三時之喪義愈明也倍於中殤七月則期期再見其死之日故曰期之喪二年也此所謂人道之至文引伸而會之歷歷可見非臆度也又曰古中月而禫今三月焉義何居曰所謂中月者除前祥之日為二十五月之數除後免服之日為二十七之數中間則名二十六月實二十五月

之餘日耳今必滿三月而又一日始即吉則二十八月矣非古也雖然不汲汲飲酒食肉而復寢亦厚矣哉

世人讀書不仔細古人之意隱者多矣忽經說出聞之若剝試一體會則天造地設原來如此具此識解然後可與窮理 節庵

虛直堂文集 卷十三

十一

答喪禮問四

問王制大夫士庶人三月而葬左氏曰大夫三月
 士踰月宜何從曰檀弓引子思之言三月而葬凡
 附於棺者必誠必信勿之有悔焉耳矣不言大夫
 也蓋三月亦通禮矣曰今之人以速葬為愆於親
 何也曰非也喪服小記曰報音赴葬者報虞報急疾
 也不待三月而葬先王且許之又何愆之與有曰
 貧者不備物奈何曰子游問喪具子曰稱家之有
 亡日有亡惡乎齊曰有無過禮荷亡矣斂首足形
 還葬縣棺而封人豈有非之者哉蓋豐齊有分固
 無咎於不備也成公三年二月乙亥葬宋文公胡
 氏曰國家安靖外無危難曷為越禮踰時逮乎七
 月而後克襄葬事哉左氏曰文公卒始厚葬益車
 馬重器備君子謂華元樂舉於是乎不臣夫苟過
 乎時厚葬其君父祇重其罪而已矣爾雅曰鬼之
 為言歸也不歸於土猶之旅人不歸於家其不歸
 親以安可知也是故在律惑於風水及託故停柩
 在家經年暴露不葬者杖八十出禮入律人子不
 可怙然懼乎曰禮無二斬既畢服而又服其服以
 葬得無嫌於二斬歟曰喪服小記曰久而不葬者

虛直堂文集 卷十三 七

至葬者不除服故晏子有云生者不得安命之日
 蓄髮死者不得葬命之日蓄哀蓄哀云者有故而
 不得葬其情常如括喪時也今則泰然從吉曠歲
 年而若無事焉是則棄親而已矣故釋名曰葬不
 如禮曰埋不得埋曰棄又曰喪葬用佛事亦可從
 俗歟曰烏乎可律文居喪之家修齋設醮家長杖
 八十蓋亦與不葬其親者同罪也
 洗發攻擊極盡可以正人道之失而為後世章
 程矣 黃山

虛直堂文集 卷十三 六

答愛人問

則契違則仁子曰愛人然則愛人者即謂之仁乎
曰非然也由仁而發則愛雖不愛亦愛也由愛而
發則非仁愛適成其不愛也曰何言之曰人得天
地不忍之心仁之本體具焉故不忍人之寒餓而
不食之不忍人之疾苦顛連而憂恤之不忍人之
善不進也而用休以戒不忍人之惡不悛也而用
威以誡皆愛也雖不愛亦愛也此所謂由仁而發
者也世人不達此義但以不刑殺為愛煦煦然善
不善而一視之天下不知為不善者之非無可矜

虛直堂文集 卷十三 九

無可疑者而胥免焉天下不知三尺之法之可畏
教無所弼而小人之道益長譬情農置鋤耨而不
施則秀稂茂矣苗必無幸焉此所謂由愛而發愛
適成其不愛而非仁也曰史稱皋陶殺之三堯宥
之三舜宥過無大罪疑惟輕與其殺不辜寧失不
經非慮刑之妨乎愛歟曰無刑者聖人之心而不
能無刑者天下之勢不恃刑以虐天下者上有化
民之本不弛刑以縱天下者下有執法之吏其所
宥者過耳其所輕者疑耳其所不殺者不辜耳帝
王之德威不振則天下亂天地之肅殺不嚴則生

物之氣且窮是故無制而長好不可以言寬姑息
而縱民不可以言仁肢體之痿痺不仁於身也弛
焉廢棄其法度則不仁於國可知矣曰不刑殺人
者謂將邀陰陽之福何說也曰惑之甚也按洪範
注陰陽也陽定也當刑而不刑當殺而不殺即非
天默然中有定之義而何福之與有有馬蹄且羶
群之良者哀鳴不勝而斃人若無聞焉主人必且
咎之而曰吾鞭策之不忍將以邀愛馬之賞也必
不然矣

洞見聖人心事 箕山

虛直堂文集 卷十三 十

答稱謂問

客言習俗益滿人心益偽而諛佞之風益長即稱謂亦有不可解者矣古諱名今且諱官古二名不偏諱今二字亦偏諱而率加以老敢問何說也劉子曰此不可一視之也在受之者之自體焉耳夫古之人有舉其姓而加之者矣曰老彭尊其年與德也曰老杜尊其文也加於字曰老聃猶之乎尊老彭也我有其年我有其德我有其文則果尊我者也不然虎也鷹也鵬也能害物而物畏皆老之抑聲之不祥也如鴉陰竊潛蠹而不知止也如鼠人惡焉又皆老之然則我果無仁聲我果無廉德我果有害於物則人之老我者無乃畏我者乎無乃惡我者乎春秋同一書字同一書名而褒譏頓殊故曰不可一視之也在乎受之者之自體焉耳夫詩人之忠厚言之者無罪而聞者足以戒然則今茲之稱謂又將不得謂忠厚乎哉

亦諧亦莊足令人惕然自省 箕山

虛直堂文集 卷十三

三

虛直堂文集卷十四

商丘劉 榛山蔚著

睢州田蘭芳箕山選

墓誌銘

靖憲先生墓誌銘

庚戌春正月先生病將革予與箕山問榻前先生談笑相訣予謂藏之惟恐不密者先生之節善之惟恐不彰者朋友之義也箕山業為先生立傳而後日銘先生之墓其許我乎先生莞然自身後名非予志也而墓中石又非貧兒能辦雖然即於吾

虛直堂文集 卷十四

一

未死時就草令吾尙得聞之亦一快事矣嗚呼先生儼然在世而予忍為之銘耶然而先生固不以死生為懷者又重違先生命謹即予所聞見約略以誌曰先生山西蒲州人諱廷立字亭立姓李氏或曰非李氏號華海又曰蓉懷以父號蓉江居士故也王父玉湖公舉嘉靖壬子孝廉歷官四川叅政宦蹟詩名嘗與嵯嶺張司馬並傳母楊太君生先生於萬曆乙巳王母趙淑人甚愛之自為課蒙稍長學於伯父繡江公勤力問學尤重氣節嘗奮然有當世之志已邇洛陽張公其瑾取中式以觸

廢忌乙之未幾應明經選甲中李自成陷蒲得先生欲官焉先生以死拒之既脫秦母潛居南山下不復欲爲世用矣清興攝政王傳檄到蒲按籍授官非其好也求人竊削其籍穴居首陽山中采藥自活已丑好事者偕亂於晉強以一官迫先生先生復多方以免凡此屢瀕於死輾轉遁逃而終不欲少屈以圖微倖至於今耿耿如一印也辛卯授徒於宋久之於郡西南之郭村買田一區築舍數楹遂家焉喜爲詩間作古文詞略不規規前人而敏華返朴自成一家言其間繞樹無棲啞血

虛直堂文集 卷十四

母與夫鼓盆之慟羸博之感其心常戚然有不解之憂者無不於詩文發之其姓字不欲人知嘗因事自名曰離山子懷首陽也曰尺夔生以屈爲伸也平居博衣危冠端方自持不欲接見時人與之遇則坦白樂易無不洞見肝膈然於人之挑達說佞服飾新異者若將覓焉用是人亦爭惡先生有面侮者有竊笑者有見其詩若文怒而毀之者先生習而安焉不少動也晚年盲於目因號西河瞎叟然猶日取書令其季子馭誦而聽之默識其妙其發爲文章詩歌則口授於馭而書之即甲夜有

得亦必呼馭起藁火濡筆雖老病憊甚不倦也有憐而止之者曰吾之生機獨賴此耳先生既病貌瘁而色彌和言悞而志逾壯其鬱然也若其中有餘痛而不可伸其陶然也若於心有獨得而不可易作自別自餞自舍自弔絕筆諸詩治命不作佛事婦女不近喪無從晉宋俗儀先生嘗自號了了此生至是人皆曰先生真了了者也配史氏或曰非史氏男三驥馭駛遺文若干卷其友田蘭芳議私謚曰靖慈先生銘曰

虛直堂文集 卷十四

疇則生兮先生云天篤先生兮斯世之光潏潏水峩峩首陽乃如之人優游徜徉先生來兮宋之疆先生去兮白雲鄉志彌貞兮身晦身彌晦兮道彰知先生者誰竟其蘊不知先生者止惡其老而踽踽盲也偃偃昏將隕兮少微慘漸近兮北印銘生前兮創典垂千秋兮永芳

眞能寫能繪手披讀一過如再見先生撫今追昔淚迸於紙 贊山

奉直大夫刑部員外郎呂公墓誌銘代湯侍讀

予再入史館得論述故明一代人物而於理學之精純者必以薛文清胡敬齋呂司寇三先生為最三先生或出或處名德大業皆足以興起百世而司寇先生與予尤密邇桑梓相去數十年之間讀其書聽其故老所傳聞一言一動彷彿在目予自垂髫時蓋已心焉慕之其後復見司寇先生之孫比部公蒞官之蹟居鄉行己之法益歎司寇先生之論謀與比部公之繩武舉非偶然也比部公既卒二年卜厝于司寇隧道之陽其嗣應菊請銘焉

虛直堂文集誌銘卷十四四

公司寇先生之孫而又政事行誼炳炳人寰予固樂得而述也謹按狀公諱慎多字減之號蓮舟少小即能恪守司寇先生家訓澹泊自持司寇先生甚器之中順治三年進士授湖廣德安府推官一遵司寇先生襄垣大同之政稱廉恕焉攝太守篆舊有魚茶諸課前守胥充私豪公不受吏曰此舊規也公曰此宿弊耳蠲之當自我始大吏聞而異之曰廉吏哉不愧名儒之裔也從直指使者按行郡縣核倉庾讞囚徒必詳且愼戊子分校楚關所拔皆宿學士如曹公本榮者尤名儒也滿秩天

予召公將內川先是直指使者惡一令欲中傷之命公文致其獄公察其人無罪狀喟然太息曰殺人以媚人吾不為也不報直指怒遂誣劾公寢其召久之乃擢刑部主事遷員外郎多開釋無辜大司寇劉公有疑獄必屬公決曰呂司官有家學非臆斷者而公所決之獄即無所平反人亦無憾言曰法如是公莫如何也公終身為刑官哀敬之志未嘗一日懈然淡於勲名固上疏乞休及歸則杜門卻掃未嘗問戶外事每星輶往來求一接見顏色而不可得遠邇聞風歎慕曰真司寇先生家風也

虛直堂文集誌銘卷十四五

也公生平孝友慈仁能承顏悅志於庭闈之間兄弟和樂始終無間言惇睦族姓情聯而分肅寡言笑危坐終日無怠容懸車二十四載郡縣延公行鄉飲酒禮者凡二十有二焉公先世為弘農人始遷於寧陵者洛來公也至公之大父坤中隆慶辛未進士累官刑部左侍郎贈尚書世所稱司寇先生者家始顯司寇生奉政公知思以廕歷官戶部郎中子二公長也康熙十八年十月初九日卒年八十配贈孺人阮氏繼封孺人王氏皆先卒嗣子應菊太學生娶王氏段。淋。形。痛。快。真。足。廉。孤。立。儒。司寇先生修於家行於朝啟

佑於後世。其所以垂為家法。固無弗備。而世之乃
逸。乃諺侮昔之人。無聞知者。又豈少哉。公獨率祖
儉。行終身無愆。蓋其難矣。然公猶未得大用於
世。稍稍出其祖之餘緒。已稱名德於大壤。有能學
司寇先生之學。而充極其脩身善世之分。則其
成就。又當何如。吾黨蓋可與也已。銘曰

謂學有益乎世人。皆學治不登。謂學無益乎淵源。
有本大厥聲。將非君子有用之業。不在乎麗藻之
揆。口說之騰。嗚呼。典刑皆具於今古。而獨讓公以
祖述之能起。儒頑視斯銘。

虛直堂文集

卷十四

六

以司寇公作針線縉紳帶如善將者設伏建

壘首尾無懈可乘 田雪龕

白處士墓誌銘

生而顯榮。死則沒沒焉。可勝道哉。而或有闕述其
一事二事。傳之將來。則要惟得所託矣。若夫溷跡
白屋。僅修其行於一鄉。一曲之間。而復託之乎草
野之文辭。欲附古隱逸。獨行之士。垂於無窮。不基
難乎。異哉。先生之請銘於榛也。先生曰。幸為之。吾
父終身晦。不敢假顯者。以挫先志。既不獲辭。謹按

虛直堂文集

卷十四

七

先生自狀曰。公石關處士也。其父建洛公。生二子。
公仲也。孝友敦行。有膽略。建洛公亡。公七齡。耳辨
聾。哀慕如成人。又八年。侍母疾。親嘗藥。餌須臾不
離。側夜則焚香。籲天求以身代。及卒。兄弟自輦轎
輓以葬。公既孤。事兄如父。兄亦雅念。鞠子哀。稱孔
懷焉。當明思宗之末。流寇李自成作亂。蹂躪鞏洛
之間。石關被圍。其兄先出。公獨提長矛。且戰且行。
當者皆辟易。卒保其嫂。妻二女。走河朔。已而偵賊
去。偕其兄歸。有從父死於難。二人抱遺骸。哭適賊
邏騎。還與戰。久之。賊不勝。曳戈馳去。乃徐覆壁土。
瘞焉。聞者莫不壯之。公性喜飲酒。飲輒醉。然不及
於亂。立身方嚴。而與人則寬厚。能容其子嘗為人
欺。不平。公曰。彼欺爾。讓欺將自己。苟相角。誰其堪。

之石關去鞏古道紆回有蹊焉介然成路矣公獨弗由也其子問故公曰子羔子羽非乎行必由正寧路也而舍旃與其兄安志隴畝而課子以學卒之日進諸子而訣之無私囑惟曰慎本分勤耕讀而已公諱蘊秀姓白氏字仲顯別號小洛先世晉之夏縣人明初諱時先者判嵩明州因卜於鞏之石關家焉十二傳而及公配李繼蘇蘇生四男恩惠恕愈恩歸德府儒學訓導所謂先生者也將母來遊母戒之曰位無卑尊皆天工之所寄母容曠也後公五年卒歸葬於石關之故阡銘曰

虛直堂文集

卷十四

八

學士大夫其何如千秋行誼在耕漁庶幾聞風憶

古初

其蒼如松其瘦如鶴出入其間令人形貌自古

質山

勸兒曠誌

嗚呼吾兒杳然何往檢兒之衣襜如其若未著身也檢兒之書棧如其若未觸手也殉之而瘞於其母墓之陽猶之置於懷也悲矣夫吾兒生於康熙癸卯十二月初四日殤於辛亥八月十七日得年九歲耳生數月黃州別駕宋公犖謁選歸過予見婢子襁兒出異其貌卽以女許字焉明年五月其母沈氏卒兒生纔十有八月小字起兒其母彌留之囑獨在起兒起兒三四歲見賓客揖拜有儀授以詩輒能誦其兄背塾師戲卽請父母讓之言笑

虛直堂文集

卷十四

九

無嬉戲容其兄初授講未喻兒已從旁能道師說七歲出從外傳名勸書一過成誦凝然端拱如成人宗黨內外異之雖田夫奴隸皆嘖嘖稱貴器也予亦竊喜自負曰庶亢吾宗無何病癖百瘵不應雖億猶時時思就館學或索書朗誦氣莫能續麻止予時困甚假侯氏別墅居之中秋不能致瓜餅兒對月跌坐戲索清水一盃置小几上仰首笑視日月乎請向吾家漱他家食越二日遂亡嗚呼天乎吾兒遂已矣乎同祖兄棧爲吾支小宗止一女妻吳伯肩無子禮當嗣方擬勝衣冠而行事天遽

奪之嗚呼獨吾之不幸也乎悲矣夫

本色語不用呼槍而悲思無窮實山

虛直堂文集

誌銘
卷十四

十

宋介山墓誌銘

距宋城西南二里許宋文康公之賜兆在焉而吾
亡友介山將藏於其側其孤學奉其世父僉事公
之狀愴然稽顙來請銘予辭學曰此世父命也世
父詔不孝孤曰古人之為言傳信而已世之降也
必假託乎名位而名位之家又必假託乎名位之
尤者世之人亦共知夫言之假託也而不信是故
位去名滅而其言亦與之為飄風逝水反以湮吉
人碩士之行者不少也銘若父必託之乎傳信之
人而傳信之人無 先生焉先生其卒賜一言以

虛直堂文集

誌銘
卷十四

十一

信後世而破習俗之情又稽顙嗚咽予悲其懇誠
不敢自薄以負僉事公之命而失賢者之實傷孝
子之心謹序而誌之曰介山初字介子名炳商丘
人為太子太保國史院大學士贈少保謚文康公
權之子山東福山縣知縣贈資政大夫國史院大
學士公沾之孫而整飭直隸通薊永平道山東按
察司僉事公舉工部虞衡清吏司郎中公斫之弟
也母劉一品夫人幼以廕為國子生康熙十六年
授內閣中書待次於里封徵仕郎生母郝封太孺
人初聘兵部尚書劉公餘祐女孀妻山東提督學

道按察司僉事梁公遂女封孺人中康熙二十年
 順天鄉試式又二在卒年四十一遺孤二娶諸生
 葉公元溥女者學也聘前錦衣衛千戶葉公元滋
 女者壻也介山於親能孝方十歲居文康公喪如
 辰人克恭兩兄終身無間言兄然亦然兄否亦否
 性藹易遇人承以謙雖婢僕未嘗厲容聲人有言
 怒難持者介山曰吾自覺無可怒事不知其難也
 平居渾渾無圭角多謔笑而至於判疑定是非則
 往往莊論劃然尚公認質器具服食取賤品曰惟此
 亦堪何事乎華後遇富兒衞裘馬於道作詩刺之
 兩兄喜聚古法物名畫介山尤精於鑑別佳者流
 連摩挲竟日不去手然終不之購也泊然無宦情
 掃一室文翰自娛樂少不為詩一日去長安四十
 餘日歸而出其詩詩輒工其後益與僉事兄講討
 往復律稱細焉間為小詞麗而則濡筆為丹青識
 者輒衡較於古之人蓋所謂天授者矣介山既盛
 門第復多才而恂恂益下人好學不矜行事無細
 大必慎謀惟恐失也有請詩若畫者率遜謝不自
 信築西涓時相羊於荒蘆斷港間馴鶴澗花無雜
 質之擾而與予往來文字獨密有所為必相印實

虛直堂文集 卷十四 七

雖怒雨嚴更不為間嘗夜聞剝啄響亟呼婢囊燈
 火曰將以答介山也啟門果然一字求其安或上
 三四焉曉夫以介山之虛受何學不益而獨奪其
 年之早也惜哉介山自少耽杯酒後飛揚詼嘲
 人多愛其有晉代風流而予所悲而取者蓋尤在
 乎其大矣苟假以年介山抑又何如哉嗚呼足可
 銘也已銘曰
 於天得厚於人得虛維道之輿於韜得豐於施得
 齋維數之塞下從文康一咏一觴厥德弗爽于斯
 萬年考君之賢視此珉珉
 世系行誼叙得俱有約法約難言矣不潔不老
 始未能也 恭士
 參差古淡直入老境較前雋潔文字尤覺居上
 節貫山

虛直堂文集 卷十四 七

奉政大夫工部虞衡司郎中宋公墓誌銘

予既哭中翰公而銘之矣不數月又哭虞部公而銘之嗚呼何天不憖遺賢者而奪之遽耶不但傷與處之私矣顧其兄僉事公交納滿天下凡負大位而具顯名者不難得其言以榮之也而獨命申翰公之孤學請銘於予僉事公可謂無俗情之繫矣而虞部公之孤王政君起又已珥筆含香出入清近之班凡負大位而具顯名者亦不難得其言以為榮也而顧假紹介具幣懷刺稽顙而請於予日惟先生知先大人深非先生銘先大人將有憾

虛直堂文集 誌銘 卷十四

古

嗟乎王政君又何能無俗情之繫如此哉夫予固誠知公者曷容辭憶文康公之罷相而歸也公方十一路叙次俱著文康公教之嚴未敢出接賓客予已望其端凝而心儀之矣未幾文康公薨太夫人教之嚴猶未敢出接賓客然予嘗問字於其師賈靜子先生而僉事公又教予為詩公隨其師若兄之後與予氣誼遂日篤而重之以姻盟嘗側聞文康公訓公曰吾薄庸祖父業無所益以貽女而門資又不足恃惟有彊勉問學以之自立不然將與傭夫市兒等其師與兒亦時時舉文康公之訓以為言公

虛直堂文集 誌銘 卷十四

五

本朴淳無他尚因是益奮於舉子業初寒溽暑弗為間其為文不依違習好而究心先正法嘗繙其几案間累纒縹緗皆震川鹿門正希諸大家之文丹鉛不遺而嗒然大誦聲喧庭震閭巷或惜其勞日樂此不為疲也試於鄉不第雖既承磨猶持一卷誦不懈或勸之仕曰吾要當以科名自進徒恃任子哉且少不諳國政將無阻越以貽先澤羞謁試京師或疑之曰薄綸閣而就棘闈豈有故乎自是公不敢復請試矣予論文往往不合於人而公獨然之予不遇人往往竊相哂公獨曰堅君志毋以挫自銓曹以憂歸聯族黨子弟修文社而甲乙之褒刺惟嚴雖其塾師與之未嘗假借也有時操觚自為輒大笑示予曰君不謂我心煩而技痒哉蓋僉事公之於詩公之於文中翰公之於畫論者謂各得其一絕云公補中書科中書舍人遷吏部稽勳司主事改補戶部陝西司主事協理正紅旗司事務監督大通橋漕糧遷本部廣東司員外郎封奉政大夫監督蕪湖戶工兩關稅轉工部虞衡司郎中分司內河其中書省也充會試收掌試卷官辦職詳且慎大司農梁玉立先生深嘉異之

曰君才當肩大任何但優游西掖哉在吏曹試諸
明經授官冢宰分卷於諸司疑公世官不嫻文曰
弗暇可他屬公受卷即於冢宰前抽毫濡墨闕立
竟呈之冢宰大驚異咨嗟示羣屬曰吾知宋司官
不盡也已而為司農屬值逆藩之變軍興諸道告
梗而權關者率無足稅國用不充上命六卿各
以才能舉為使人司農曰臣曩於收掌試卷知員
外郎臣宋斯才於是公得權蕪湖關前至察度衡
之不平即日復之牙僧多說攝商貨而償已負歲
月待不予直白輒痛繩以法有謂工關稅包籠而
蔡獨無增則千金可益也公叱曰亂法病商吾豈
為之哉又有例外稅其布而自以為功者公懲之
曰應權猶不忍况乃無藝誅求乎賈人以是聞風
爭出其塗而稅以浮額少司農魏環極先生稱清
高無私交於公獨接待溫然教以蒞官制行之方
論事公或直曰不然應如此也少司農徐思舉手
謝曰君言是於虞部事任尤劇凡內傳有所供應
無不畧刻立辦六月疏玉泉水道炎蒸暴烈日中
賦一陰而息不可得已而見二三老衲披襟徜徉
於松風夜月之下悠然動泉石想及以疾謝政歸

虛直堂文集 卷十四 七

蒔花灌樹日招尋故人涉園林置酒談讌意
也性純孝爽直天真如赤子爛然喜愠輒形於言
色而以深心厚貌為恥太夫人甚愛之亦並愛其
配王宜人嘗曰是兒是婦真能悅親者也生平落
落寡結納於朝獨從王阮亭湖方山兩先生游於
里喜交徐子恭士及予曰四子知我心洞如重門
我亦知四子智如清風白月也公神貌類文康公
而厚於體潤願豐膺常風左日微闕愛着短裳善
飯必肥蔽大纒以為快喜飲酒飲輒急累十數巨
頰然而先醉自出使蕪湖尤善睡於疾播繁吹時
睡尤安往往齟齬聲與鼙鼓爭勝座客有言亦輒
能嚙答也人謂夏侯隱美睡莫能及公矣意者二
豎之入其從茲深也歟甲子人日會飲於予舍公
睡益加心竊愛其德明日集葉生所言笑食飲終
筵無倦容座客皆稱慰漏盡二鼓去公猶期予於
道曰吾逢青園梅獨佳話朝幸過探乃歸而飯飯
而喘喘數刻而卒矣嗚呼公乎天實為之乎以公
之位不過為郡以公之年不及中壽吾莫知其故
也已公諱炳字子昭姓宋氏吏部尚書謚莊敏公
纒為其伯曾祖廬山縣知縣贈國史院大學士公

虛直堂文集 卷十四 七

清爲其祖太子太保國史院大學士贈少保謚文

康公權爲其父母劉封一品夫人趙贈太恭人太

恭人生二子長今整飭直隸通薊永平道山東按

察司僉事公舉次即公也配監察御史王公應昌

女封孺人贈宜人有婦德宜家之聲無間於外內

先公十六年卒繼馬宜人子達即與予爲姻盟者

爲起今內閣試撰文中書候補主事超庠生王宜

人出竣馬宜人出卒之明年八月某日啟王宜人

之殯合穴於文康公賜兆之右側當太恭人之載

風也此作徐改又抄文康公見一僧趨而入逐之而公生因以僧

爲小字其事近怪然僉事公實爲予言云銘曰

世其衷勤其業進而難退以決何慮何思枉曲折

公慈歸來酒猶熱乘風忽作千秋別猶疑黑甜一

費三蕉葉兩晉開想風烈

寫其人即肖其人方爲實錄方爲直筆方爲傳

神稍一失真則他人矣如君乃紀事律度也至

於行文嚴毅中淋漓滿志更爲難得銘亦不失

于瞻興致

徐恭士墓誌銘

予友徐孝廉恭士諱作肅世爲河南之商丘人商

丘之族無有甚遠之世而徐氏則自唐以來代有

顯者宋南渡時多從高宗遷臨安去其不去者復

昌於明而最著於朝野遠邇聞者則正人公也予

幼於寇亂後走南門之衢見有木落而石斲者曰

徐正人坊或指坊北之第曰正人之裔在焉其後

漸長始知正人者諱永達明宣廟時爲山西按察

使而坊北之第則霖蒼居也予不及見雪園人文

之盛猶聞人稱徐吳侯劉津津焉徐即霖蒼先生

君兄也君與朝宗靜子邇黃牧仲及其兄子世琛

爲六子社時予年方十七一日朝宗季父輔之置

酒所召皆一時名流宿士予與參末坐嘿視坐中

客無不爲朝宗緇者靜子號雄辨朝宗每折其鋒

靜子則俯首而笑最後到者精悍之色溢於眉宇

抵掌高談朝宗唯唯稱善問之蓋即君也君以霖

蒼爲師垂髫即隨其兄後修社事與諸君子角逐

上下然不刻苦不帷日從人游燕爲歡嘗於酒酣

奪兒兒鳳尾紫檀槽親撥之切切然爲滑鶯嬌語

人稱謝仁祖風流於今再見也後強之終不復作

虛直堂文集 卷十四 九

書自必較分而歸歸則篝燈吟誦至漏盡不倦每
爲文社中人輒怪之曰何從得也吳伯齋訪知之
大矣曰幾爲偷讀書人所瞞流寇既陷郡城霖蒼
與社中諸君子多以死殉君退耕於城南之野無
意當世事有勸駕者笑謝之順治辛卯朝宗密與
陳將軍謀誘之出喉數人掖擁而趨強入闈遂薦
賢書副主試祠部張公擬第一人未果常爲君惜
之君色正紫目雖不及遠顧盼熒熒光常射人幹
軀在中下間然雄姿英發勃勃飛揚不可羈而孤
高自命世一切謂可驚可懾者至君舉夷然不屑

虛直堂文集 卷十四 三

也丁於書求者多不可得更無敢以詩若文請者
間爲之則刻意沈思屢濡筆欲落旋止或竟日不
就一言文出亦輒刻峭方王荆公辨議有根據意
氣風生妮妮必得其伸而後已朝宗嘗曰靜子老
於法恭士精於論然苟非所素詳則雖問亦不對
曰吾不能強置吾喙也所與遊必賢豪才士非其
人亢不與接所得掃榻而數晨夕者計甫草陳其
年二人而已每公車至都門名卿貴人爭欲致之
君置不與通畢試輒鞭一羸而歸未幾亦遂高卧
不復出矣君嘗與修都邑志有以私干者拒之嚴

其後書既成其子世際取讀君奪而擲之曰此非
吾筆之舊尙奚觀哉里人有賂別駕而求傳其訟
者別駕致金於君君笑曰吾豈可污獄貨哉立爲
書却之別駕感君言亦不受其賂而屈者得直郡
守閔公欲延君主書院不可得乃以課試文求定
於其家雖第之最下者無敢尤焉而有一言之幾
於道則亦獎譽之不去口每當春時輒往舊所謂
城南之野蒔花種樹灌畦刈蔬以自娛夏或深閉
重關竟日偃仰一榻上恥造公庭有方面大吏又
宿所識君者駐節郵亭與君纔一垣隔邀君往君

虛直堂文集 卷十四 三

終不往君舉止落落若岸然高自位置者而久與
處則益謙其所著述欲然嘗不自足也酒後間出
詠語醉則持觴而笑無失容牧仲嘗企羨曰吾雖
馳王事於四方然恭士躡赤烏衣淺翠白鬚飄飄
未嘗一日不在吾目也康熙二十三年十月二十
三日晨起步至中庭默坐移時而卒年六十九曾
大父周大父廣皆不仕父正顏湖廣襄陽縣學教
諭母楊氏繼余氏楊生子三宗偉宗仁宗益宗仁
邑庠生世琛之父也余生子二作霖卽所謂霖蒼
先生也崇禎庚午舉河南鄉試第一次君也配庠

生賈公耀女男二世際群學生娶工部廣德司郎
中宋公焯女世徵爲作霖後娶江南鳳陽府通判
曹公大生女俱李氏出女二適卓王李公嘉于卓
生眉者賈出也適考授州同宋公煇子貢生之壻
者李出也孫男能昌世際出聘辛酉科舉人候補
內閣中書宋公焯子序生學女能承世徵出孫女
世際出者一世徵出者一嗚呼中行純德之士不
世有而文雅風流有卓犖進取之才介然不汚於
塵俗蓋亦古狂狷之流而聖人所思欲見之者也
恭士之亡寧獨其文采堪惜也哉某年月日卜葬

虛直堂文集

卷十四

墓

於某原其孤世際來請銘銘曰

於惟徐氏其系孔遠白唐嗣聖有功已顯宋之學
士處仁有聲縣縣衣冠益續於明鉞毅晟會各典
名城謙作朕虞達明五刑仕有茂績處有佳士烈
烈奕奕先兄後弟世軟如縣君骨如鐵灑然清風
皎然白月士足千秋豈關處出後有聞風懦焉可
立

叙述恭士生平精神奕奕而以大雅之筆運寫
生之手其風流峻邁無不畢現恭士不死也

山

宋母郝太孺人墓誌銘

康熙二十四年正月初八日太子太保國史院大
學士贈少保光祿大夫謚文康宋公之御室內閣
中書焯之母太孺人郝氏卒又二年十二月十四
日啟文康公之 賜兆附焉其受重孫壘持其世
父方伯公之狀來請銘榛聞母氏稱太孺人頽然
靜淑無華麗飾言朴而誠容和而莊動止閒雅而
有儀其子婦依依樂洽婢媪戴慈仁終身而不忍
去登其堂藹若春溫疑天地淳和之氣獨在太孺
人門宇也榛自與中翰公游未嘗見有嚴師之督

虛直堂文集

卷十四

墓

責而倪首問學無暇逸未嘗無物交之堪引而寧
心淡志無他好尚事兩兄敬而順與人接謙退而
不驕擇所處而不濫畢世未嘗有厲色加人心疑
中翰貴公子又早孤何以能然久之而知漸於太
孺人之慈訓深也劉中壘稱太任能胎教中翰之
於太孺人當亦不徒襲磨於膝下矣丁巳中翰之
兄虞部公權蕪關榛實從之見其迎養太孺人也
報太孺人詰日至虞部公喜動於色經營戒內外
鷄再鳴不寢旦早起疾行十餘里肅朝衣冠候道
旁太孺人鳴謝雷飛蓋蔽日公趨而進長跽稟

迎太孺人命之起過然後起問道先歸拱立署門
外太孺人至親扶板輿導而入父老士女觀者雲
合蟻聚嘖嘖稱虞部公之有禮歎太孺人之榮而
不知虞部公非所出也方伯公由顛復命聞太
孺人疾爲購黃腸之木紆道歸省奉百金上壽流
連而不忍離方伯公亦非所出也夫其得於非所
出者如此則太孺人之母德何如哉是固榛之所
樂爲銘也謹按狀太孺人姓郝氏順天人父郝翁
有二女相皆貴長歸大司寇宛平劉公司寇與宋
文康公同朝相善也因與言郝翁女次者尤賢文
康公遂委幣納焉文康公之母丁太夫人與其嫡
劉夫人雅重之曰若殊有婦德文康公既薨其子
玠方十歲教之費兩兄讀父書卒有成以子貴封
太孺人太孺人歸自蕪陰途有覆車之恐遂疾越
七年卒不瘳命矣夫太孺人之懿行見於方伯公
狀者不復襲書榛所聞見一二則太孺人之全德
可想矣子玠內閣中書辛酉科舉人初聘少保兼
太子太保刑部尚書劉公徐祐女即所謂宛平司
寇也娶貴州糧驛道按察司僉事梁公遂女封孺
人女適少傅兼太子太傅工部尚書劉公昌子鄧

虛直堂文集 誌銘 卷十四 五

川州知州士元孫學貢生娶庠生葉公元溥女塋
聘前錦衣衛千戶葉公元滋女曾孫繡虎聘予兄
子武安縣儒學教諭勤孫女監生德至女曾孫女
二一許字舉人徐公作蕭孫庠生世際子能昌俱
學出銘曰

陰教昌維德行古泰和結婺光魂洋洋珮鏘鏘復
含笑從文康令子侍在一方石可泐名永芳

層層生發蕪關一段尤饒彩色法類歸熙甫 黃山

虛直堂文集 誌銘 卷十四 五

宋景先行狀

君姓宋氏諱煥字景先世為河南商丘人明吏部尚書贈榮祿大夫太子太保謚莊敏公繹為其曾王父奉直大夫刑部員外郎治為其王父太學生枏為其父枏生四子君季也母武氏君生二歲而孤又六年其三兄輒異鼎而食君獨依其母事之謹母以君之能事已也眷愛亦益加而不忍離壬午之亂君俘於賊賊見其愿拙無所能笑縱之君得脫即奔求其母負而渡河遁於曹南之野終母之身益與君相依也傳曰養則致其樂君顧有所

虛直堂文集 行狀 卷十四 三

隱忍謂之日早起戒內外僮僕授執事操籌按籍親筦籥衝準之出入夜矻無虛咎與人言則傷人事而悲天時鬱然常若有不平於中者然朴直無機變能飲酒有申之以酒政則曰我不能為是屑屑者公等行公法吾自飲吾酒耳用諸生貢太學授州同知與鄉飲酒禮康熙乙丑某月日卒得年七十有二男之陞知縣未任卒之塋貢生女一孫男六孫女三明年九月十六日卜葬於三靈臺莊敏公賜兆之左其受重孫鉉來請狀夫君內能得親而外能平其與取以恢本富之才而不溢於分

虛直堂文集 行狀 卷十四 三

是固當狀且予嘗讀書君家而之陞又與予兒子允孚疊有姻盟不容以固陋辭故為次其生平之概如右

叙次極老亦復生動多姿 黃山

王夫人行狀

吾友田蘭芳贊山先生之配王夫人柘城人其父
邑學生心寧以貴甲一縣娶張十餘年止一女愛
之史記禮法不使知烹紉事年十五歸先生是時天下喪亂
李自成決黃河灌大梁杞唯之間森然巨浸先生
之田廬蛟魚盡據之稍定又以訟飽官欲而家遂
落驟責夫人以井曰勉為之無怨尤或至寒餒非
人所堪無徧諭言先生有節俸盡出以養翁姑僕
賓客津逮羣叔之乏不自名一錢性孝而介知大
義婉善循分甘勞苦如嘗學問能知道者繼姑嚴

虛直堂文集 行狀 卷十四

王

一食一飲或扶掖抑搔稍不中意即怒諸婢求溫
顏不可得往往累及於叔長跼終宵弗能免夫人
獨能告無過焉姑臥病五年夫人夜不解衣侍藉
一薦於前常不及爇姑亡每見手澤之遺未嘗不
沾巾也收其叔之子科昂養之如己子為娶婦而
愛之如己子之婦先生割其田廬而中分之夫人
亦不以為過也士多從先生遊雖炎暑常一日數
親釜竈不厭先生刻厲學道夫人尤能助之見先
生色不平輒解曰得無曾留怒乎問知意所忤
曰可以情恕母徒子子病人也里有問遺先生率

不受家人疑其矯夫人曰非也受而不能報則氣

為之弱不受正所以善養之耳一子頗清羸極憐

之而先生督以學即苦夫人不之止先生外王父

銀臺李公無嗣夫人嘗勉先生視其松楸曰姑無

他兄弟不可及君身使其父母為餒鬼夫人素孱

弱既有喪女之傷又連遭翁姑大故銜哀服勞遂

成痼疾以至於卒卒之日無一世俗永訣可憐語

嗚呼士君子際艱難困苦時或氣不能勝志不能

堅頹然喪棄其生平而捨地呼天怨誓憤尤不可

以終日非熟於體道精於處義命固未易坦然固

虛直堂文集 行狀 卷十四

王

窮畢生而長貞其操者乃夫人於閨閣中能之顧
不難哉然則夫人之賢其天性乎抑亦觀刑之效
也於以相先生稱令匹不愧矣夫人生於天啟某
年月日卒於康熙某年月日得壽六十一子王略
孫獲女四所婚皆士族予時客豫章聞赴而悲之
為件繫其行如右方

行文潔清高老最得廬陵手法 張長人

虛直堂文集卷十五

商丘劉 榛山蔚著

睢州田蘭芳箕山選

祭文

祭族子允孚文

嗚呼彼蒼者天何不恫禍於吾宗而益肆其慘也
 君於汝不禁但焉以悲情焉以疑而又怙焉以感
 也彼老而耄者獨何人斯而汝僅三十有一淹忽
 而與世長辭也當其未離襁褓而惻然孤兒也未
 及舞象而病骨支離也迄今纔及壯齒而邈乎莫
 追也睡寤其母慟以悽也哀哀其婦孺以微也孱
 孱其兒蹶以啼也此吾之所以悲也然而竊有疑
 也疑夫太芝所以禍而禍者奈何其不平降無端
 之酷罰而至於斯也憶吾家於辛巳之疫壬午之
 亂凋零衰謝長年者莫存其一也所遺者吾五六
 弱息也今幸各行其嗣方欲各崇其德長養訓迪
 以復其盛於一日也不謂十五年來復先降虐而
 又奪吾兩姪也嗚呼天實為之謂之何哉吾安能
 已於感痛而揮泣也荒原漠漠將爾裁也凄風颯
 颯惟白楊也廣柳為分魂翔翔也夜臺幽兮恣爾

虛直堂文集 祭文 卷十五

虛直堂文集 祭文 卷十五

祥也春林綠兮秋草黃也朝友颺颺兮暮糜靡也
 來洋洋也去踰踰也鑿我淚浪浪也汝其安於命
 數不必顧人世而心傷也

無一飾詞而字句之間血淚欲迸祭十二郎文
 以實此以虛實易工虛難構 箕山

祭翁慈先生文

先生既往余將安仰憶余與先生之交永逾十載其間聚散招尋皆歷歷而可想大抵板長者之車轍不過六七而訪幽人之庭戶惟有三兩雖君子之交固如其淡成由今悔之猶以不能日聚為快快蓋余與先生跡則甚疎情則甚篤間往來夫筆札必殷勤乎忠告可以存既息之古道而挽薄俗之徵遂矣先生既病予問榻前貌則瘁也神則閒焉言笑從容如平昔然曾未匝月再登其堂而止見夫慘淡之凡筵夫人有所乘而生則當有所抱而卒芸芸之死其真死矣生之理為已滅也又在死矣生之事為未竭也先生聞道有素謀身以潔必矜細行獨挺大節其與物同化者形軀而道德之餘輝將且爭光於日月嗚呼一日之間判今古歟西山薇蕨匪故土歟魂其徂歟夷齊伍歟若然雖日招之不我許矣抑微子之墟擇而來居風清三徑烟鎖做蘆灼灼者花油油者蔬戶有遺杖案有遺書廿年於茲豈其愬如陰風黯澹先生歸歟嗚呼先生之化於無有者先生之自然而不能如太上之忘情者尙鑒吾哽咽而歎歎耶

虛直堂文集

祭文

卷十五

三

酸情峭致翻然言外

贊山

虛直堂文集

祭文

卷十五

四

祭族子千之文

吁嗟乎子之亡也三十四年骨其朽乎名則灼然
子之歿時予齒方毀不能記子之鬚眉言笑而猶
彷彿其容止惟前一載來哭予父執予之手淚灑
無數而拜而行蹒跚若跛由後問之知傷於火予
至今往來於胷中而子於夜臺之上屈指族黨或
亦喜乎有我子之文章海內爭知檢有遺笥洵不
我欺吁嗟乎彼擔簦曳屣組惡勢乘權與鳥獸草木
而同腐者不知其為誰也而於今東西朔南往來
予那者無不亟問乎千之是人遇於一時而子遇

虛直堂文集卷十五 祭文 五

於千秋兮雖死矣其焉悲吁嗟乎見人之智益思
子之愚見人之巧益思子之拙聞子才慧不及中
人而子之取重正不在乎一切世無孔子不得廁
弟子之列而逃禪自喜亦命也夫予尤欽其死生
之大節聞城既陷端坐一榻賊怪而問瞋目不答
怒截其耳微哂而已賊眾齊驚疑神疑鬼已而起
立衣冠肅整俯仰長歎乃投於井惜見之者止能
述其大略如此而其衷之慷慨激烈已如日星之
炳炳吁嗟乎吾見壽考者矣曾不堪其一省

千人亦見萬人亦見之文○其氣概似祭石曼

聊文 恭士

虛直堂文集卷十五 祭文 六

祭丘太守文

吁嗟公乎命止於斯茫茫大塊其何以知公生巴
西來守宋土潔不為染剛不為俯循良之徵於何
而信由後思前公德益峻我公既來五袴與歌我
公既去無襦奈何我公既來虎度於津我公既去
猛虎噬人廉吏可為而不可為如公者眾知公者
誰聞公之揀笑公自苦見公之行謂公為腐眾濁
獨清怨謫之府彈而去之亦公自取公綏既解道
阨無家買田一區茲焉種瓜同時卜居公特其一
獨驅我公不能終日昨歲公來矍然而喘遠道艱
辛慮公不免慮公不免不幸而中九邑之人習聲
一慟矧予小子益感舊知拔於眾中厚以為期期
莫能副蕭索自憐庶幾報公不自棄焉公愛我里
魂其復來招之不見謂之何哉

憫時病俗撫今追昔音節猶在變雅之間黃山

虛直堂文集卷十五 七

祭張貌容先生文

嗚呼先生遂沒以寧斯世之悲斯道之榮人口先
生胡命之屯予曰先生亨莫與倫其屯其亨匪貴
匪貧獨有先生求仁得仁鼎革之會攀鱗附翼皆
其曩者臯夔契稷言采其薇言蹈其海日磨月銷
幡然而改三十六年傾果獨存不撓不倚樟乾柱
坤何以能然惟性之定歷久彌堅遠養之證遠養
惟何周情孔思至敬之熱心坦氣夷潛身河湫不
及郡國聞則有矣見不可得遠聖窮村講帷或下
闢危明微知焉蓋茅茨數椽雨風不蔽藜藿兩
餐鼎錯時賸幅巾竹杖鶉衣芒屨何思何慮雲淨
大廓會心之徵收視反聽惟公自知豈佛之佞回
憶平生恨疎遊蹤幸從茂叔南坐春風木菱山頽
全而歸矣聞風者興先生不死來弔西山生芻一
束羹藜匪遂乃慳私淑

語語精實直是一篇高士傳不知為有韻之文也黃山

虛直堂文集卷十五 八

祭王生文

嗟乎生兮遂天天年其年伊何纔及子淵淵之好
學夙乎千古惟爾有志奮興亦苦予之知生從遊
於徐通篝燈旅館一身無餘以生之勤方讓積薪
乃推糠秕虛以下詢昨日鴈足連篇累牘半為生
文陸離在目豈惟文辭遠大為期方見其進奄忽
何之奄忽何之吾見遐齡為福為極難問天庭天
不可問淚雨濺濺於野於寢不暇計焉伐木之雅
僅得三秋停雲之望乃忽一丘斯道如土知音者
希獨操流水中心怛兮中心怛兮魂招不來天實
為之謂之何哉

虛直堂文集祭文卷十五 九

清轉如說話正是情至文字王生得此可以含
笑矣

祭徐通黃先生文

嗚呼先生於世長捐尚有典刑亦遂杳然嗟此何
時乎陷溺之人心益逐逝川彼談經膠庠分職內
外曾莫解其何為也而但云利藪與名淵疇察天
命於希微疇體人道於眇絲既往之緒孰以承將
來之任孰以肩先生獨奮然其有志也而實自得
於鄒魯之遺編悔少壯之豪邁危日月之推遷矢
孤特而不倚憤遲暮而彌堅下璞羞鬻馬帳常懸
執經而來者如數家珍聞道而去者如醒醉眠薄
聲華於藻績辯毫髮於儒禪蓋味日用之菽粟而
已得千聖之秘傳雖惡先生者或追乎既改或毀
乎求全而至論當世之經明行修亦不能不惟先
生而是賢予少聞夫緒論已願為之執鞭迨其後
誼辱和平年忘後先相期者彌厚相求者彌專往
往有不敢言於他人者而特為予乎一宣吁嗟哉
予方望其朝提父命庶幾相予一日而有聞也而
乃奄忽其歸於原泉誰為予引其善誰為予匡其
愆積疑慮而誰釋望迷途而誰前明月之梁猶疑
光齋春風之座忽變荒煙先生之全而歸者願受
之常吾之不能已已者蓋為斯道而涕漣

虛直堂文集祭文卷十五 十

許與稱情而無限悲思悉在文句參差中見之

虛直堂文集 祭文 卷十五

十一

祭京口張夫子文

起、哭、元、亦、清、楚

嗚呼世莫我知於我何傷其有知者德固難忘憐予小子幼失義方長徒自奮一往俛仰學古無獲於時多妨入迷庭戶出鮮舟梁譬如行者莫指康莊譬如獲者皆棄秀稂豈期丙午遭逢之慶夫子聿來校士中邦明於皎月肅於秋霜拔幽剔隱有美必彰不才如榛學步跟踰未馳鞭影纔就遊韉冀北一顧空羣謬當那云千里尙爾服箱長鳴奮鬣感舊激昂昔有北鴈通問鱣堂蕪文附致教思殊望昨遊于越金山繫航擬叩龍門疑懼未遑邦之珍瘁人忽云亡存順沒寧夫子之常惟予小子株守墨莊類復有吝莊敬難強文之焉用念也猶在仰賀帥門慚沮徬徨哀詞無緒炙鷄莫將憑此尺幅寄淚千行

感激奮迅志苦情深而文氣容與卻有風正帆懸之趣 寶鏡修

虛直堂文集 祭文 卷十五

十一

嗚呼生無負於生則死無憾於死氣之散也其常
而歸之全也有幾公剛方以自信立介特而無倚
視世之脂韋齷齪化百鍊而統指者不翅心腑之
痲市朝之恥方公之少也橫一經而侍兄輒出入
乎應社角先後而走鴻名迨老成之既謝僅碩果
之有存雄六子以重結公精悍而特尊朝宗嘗曰
徐精於論賈老於法聽娓娓之雄辯誠可關天下
之口觀森森之筆陣又非徒於孫吳暗合者也薄
好爵而不出杜衡門以自喜畫怡神於縹緗幕舍

虛直堂文集

祭文

古

情於麴米遊李元禮之門者擬九天之難升乞韋
貫之之銘者雖萬縑亦徒爾威不可劫利不可誘
羣非獨然羣然獨否稜稜乎清白持巖巖乎高目
負學者苟能獨往獨來而如公然後可肩斯道而
不苟也。榛漸後起謬辱忘年不惜齒牙而推引俯
降鞭弭以周旋或關險而次韻或角勝以稱觴或
拳飛乎老興或歌頌夫醉吮卓然南州之高士曠
然晉代之風流宜天命而純信君子之吉修何
典型之頓失曾無患而無災方朝起而磨鉛濡藥
遽端坐正棟折山頽目必有夜朔必有駢死非人

之所惡也而在生平無遺行之累公沈沈於長夜
雖千年而不朝意嚴氣之所發猶上摩乎斗杓蒿
里不足賦楚些不必招想天上乎差樂或三山兮
遊遨雖然亦難慰我綰帶之情望西州而長號也
頓跌流暢能得先生頰毛

贊山

虛直堂文集

祭文

古

古

祭侯司徒文

嗚呼公之薨也二十九年聲容言笑宛乎目前公之歸也厥土一丘榮名定論付之千秋昔我仲舅典禮太常棧嶽嶽東林之望濟以司成握玉操冰公於其間立如鼎鑑有倡斯和有開斯承清流之禍危擬墜併匪惟疑之亦孔擠之匪惟忌之亦孔噬之後先八載迤邐請室安知死灰有然之日而卒悠然碩果不食正命全歸亦非人力公始相臺輒攻首輔直聲之振怨讟之府按黔論功方晉卿貳寺人秉鈞一麾而陞復起昌平旋拜司徒又

虛直堂文集 祭文 卷十五 五

輓什之幾不免夫及以司馬部署七軍已傾天柱其何能伸亞夫持重計在委乘梁則委矣公亦已僵鼎革既遭角巾故國關圍城南翔翔自得榛昔相過萬花如繡丘有神工壑疑天就何不愁遺忽謝厥世而公諸子更先公逝馬鬣新阡種瓜舊圃彼此一時恐不可視榛黍葭苒言執其紉緬想平生涕如霰隕煙鎖雲封從茲寧處叔子匪造為我寄語謂其弟補之

飄蕭自得中含無限曲折 黃山

祭湯潛庵先生文

嗚呼斯道之寄厥惟斯人斯人之負厥重萬鈞九死不難難堅其節要如日月雖怵不威九死不難難貞厥終要如江河雖折必東於哉先生巖巖秦嶽性成直方志明淡泊早致亨途讀書中秘出歷藩垣輒決去志拂衣之歲方壯未彊柴車草屨守雖葆光從師蘇門虛衷若谷朝講夕稽敬密義熟樂之不易將終厥身豈期一日迫上蒲輪再登史席渥承 寵眷訓義談經言必稱善明良一德如天信時為寒為燠知無有私他人之陳謀其否可

虛直堂文集 祭文 卷十五 六

先生曰然遂行以果不次引擢殿閣崇階吳撫任重日惟汝諧 儲貳聖功尤關於大旋晉秩宗憲陶保艾正叔之後坐講未聞特許先生古道復敦天下喁喁瞻傳望伊且夕秉國興治匡時 天子日都汝掌邦士勇退未容孤蹤良若居高易危行方則闕人然我否宜為世怪論付千秋知感 五位一日溘然普天喪氣榛也不才同聲幸附緒論特承霽矚破霧仰道之行不翅於已彈指十年而卒如此期歸故園重謀志學先生曾有宣義明仁志學會約興闢起洛乃乘箕尾去也何鄉天不可問杳杳茫

茫先生於世如川之航既鑿而沈濟將何望先生
於道如舟之舳既拔而去其何不覆魂兮歸來北
印不惡悠然泰然無愧無忤無愧無忤雖亡未亡
千秋萬世山高水長

已盡先生生平呼捨之情出以醞藉尤見詩人
之音賀山

虛直堂文集祭文卷十五 十七

虛直堂文集卷十六

商丘劉 榛山蔚著

睢州田蘭芳貧山選

雜著

約族人墓祭啟

伏以雨濡露降必生怵惕之心春禱秋嘗常順陰
陽之義鬱寒林而在望啼徹哀猿俯落日以興懷
情深逝水凡厥孫子請念本源恭惟吾族派衍梁
園宗分桐栢積仁累澤十餘世甘苦難忘負耒橫
經三百年續承有賴丘陵伊邇松蒼栢古罔聞三

虛直堂文集雜著卷十六 一

獻之勤謙牒雖亡親物盡服終執非一父之子自辛

已降疫鬼之虐可憐伯父仲兄復壬午肆圍俗作

聲寇之威償刺童孫幼子鄉來之伶仃困阨方佑

累世之神靈幸今之長養生成可斬四時之俎豆

雖割牲沃鬯不為薄於所親而冷雨凄風未免忘

乎其始蓋爾為爾我為我各渙其情遂春復春秋

復秋竟遺斯舉若敬木之禮終闕則篤親之望何

從榛明發有懷聿修實忝慟劬勞之莫報廢矣蓼

義念蕭愴之有聞歎焉益益且道存南北曾無一

阮之留爾樓峙東西空結百尺之恨短笛遙憑牛

青入吹殘夜月之魂古木爭傷樵斧來聲震春風
之隴愁雲凝白日漫訝穴走廳殿衰草閉黃昏祇
教林歸狐兔陳以黍陳以稷尙書雖日非馨祀其
始祀其先家禮於焉可據花榮春暮定傷風雨之
晨木落天空難掩秋冬之淚伏願孝懷祖德誼篤
孫謀終年而饋祀兩羞豈不力焉可繼竟月而介
逸一用亦復費也無多濟濟人來情可聯於一室
赫赫神降祭方備乎十倫將見肅乎其容復爾愉
乎其色或者死而能敬因之生而能親庶三十年
墓古丘荒載饗今時之裸獻而千百世子孝孫睦

虛直堂文集 雜著 卷十六

永奉斯日之典型矣

情生文耶文生情耶字裏行間都是聲淚孝子
哉對偶之精麗又不必言矣 適黃

約刻逸德軒文集啟

道以言宣自古貴孔彰之跡書以窮著於今見行
遠之文銜才而張能闢然之所惡也合英而吐秀
隱者寧焉用乎大璞有必剖之期各山無終其之
理竊以簣山先生精心考道餘力操觚或大言或
小言發悉原於自得若長咏若短咏旨皆要以無
邪一生之冷煖自知固不期於問世斯理之源流
公共豈容靳以傳人彼攫東而拾西雜然燕石爲
實此舍雅而取鄭貿焉瓦缶爭鳴亂術業而害人
心才士所不免也闢幽光而扶文運我輩可無意

虛直堂文集 雜著 卷十六

歟古無毫楮之需尚自刀之於版策今有棗梨之
便豈容闕之以篋箱念寒素無能自爲於道義合
當人助雖聲名之顯晦無足爲若人之重輕而朋
友則有責焉况文章之精英可以啟斯文之聲譽
而後生則有待也嘗一匙而美猶憐有不飢之人
得片紙而欣忍委於將蝕之蠹慨五十年之甘苦
無一日與於天下僅此空言發二三子之俠豪俾
數卷流於人間亦誠佳事雖云玉在石珠在蚌光
終不掩於山川何如戶有誦家有傳書早大行於
中外積多於寡將伯乎齊來化私爲公探囊兮勿

悵捐朝夕之奉惟其力之能堪流奕葉之光亦且
名焉得附伏願恕推一體誼篤千秋以成美之殷
報我石交可以愧醜酒肥豕之速以解惑之羶垂
茲玉版還以啟知人論世之資蓋猶是天下之珍
取以公諸天下庶不謂楚人之弓但許得之楚人
矣謹啟

真是佳事文亦清麗流暢排儷之痕欲化張子

虛直堂文集雜著卷十六

四

約傳盛社刻前輩詩文啟

竊以有代之賢人君子祇憑故籍以長存千秋之
道德文章每鬱幽光而待闡器之久焉易毀雖當
日珠珍玉重輒銷亡於無何有之鄉物之散也難
收卽有人海網山羅或遺棄於不可知之地前輩
之嘔心瀝血吾竊惜之將來之論世知人誰無意
也况梁苑風流文雅蔚今古之才名而宋土腹結
心蟠涵乾坤之膺德考遺文於昔何千百幾無存
乎接芳跡於今幸一二猶未亡耳書不必聖經賢
傳苟無畔道皆可爲遠稽近考之資人無分贊獨

虛直堂文集雜著卷十六

五

高明凡有嘉言靡不生共井同鄉之色雖度包宇
宙誼莫先父母之邦矧穀貽子孫法當厚詩書之
氣彼失學者既視爲閒筆浪墨擲同已謝之春葩
而食貧者縱欲其傳後法今邈若難攀之天界故
彙英賢而修社事圖儲備以命梓人計一年有用
之貲財多少糜於無用念四時無名之宴樂曾否
勝此有名醜酒無奢期陳八簋醜錢有限特拔一
毛發潛德於其先固所稱慈孫孝子布大公而無
我尤足見物與民胞采見道之語言要堪益世求
無邪之風雅必不徇人蠹魚之吐葉拾來作者已

散之精華好自我而光天耀地嘍蚪之馨香流出
學者待興之志氣將無人不冲漢凌雲伏願義振
俠腸力扶文運體求仁之恕慨慷不悒錙銖廣教
善之忠次第謀登梨棗庶前言之不墜先民慶知
已之遭且後世之有聞諸公附榮名而遠倘樂以
文之會請司執耳之盟

流麗曲折暢兼六朝趙宋之長黃山

虛直堂文集雜著

六

祀竈文

維康熙庚戌立春之前一夕商丘劉榛灑酒再拜
祀於竈神曰惟神五祀之一古者大夫祭之榛其
僭乎然近制士庶人皆有事亦其分也嘗考月令
祀神於孟夏今則版未盡之七日焉世傳臘日神
嘗以形見有以黃羊祀者遂暴富豈其妄人希福
因相沿而未察歟往祀神於次夕或謂詰朝神覲
天庭祀將不及誕也而榛亦用之所謂無害於義
者從俗可爾願其祀也融飴塗釜門曰將以閉神
之口而毋道過舉於上帝也糞孰甚焉夫神之分
職而臨也宜若令尉不聞令尉之賞罰必上裒於
九重而神豈災祥不能自已降必積一歲之喜怒
假手於彼蒼耶脫使脂車秣馬凌霄漢排闥闢敷
奏述職悉陳人世之臧否而命討惟天亦臣之無
有作福作威者也若然神之知榛不若榛之自知
神之糾榛以顯過不若榛能自糾其隱惡神若摘
伏發奸以請不善之罰榛自指瑕索贖以代白簡
之奏可乎其詞曰角亢之野微子之國姓以漢著
名從山得將三秋而見惡曾五戰而皆北方憤排
以承圖忽蹉跎而自賊盜問巷之虛聲覩屋漏之

虛直堂文集雜著

七

顏色過已成而方悔已明知而莫克行不掩言淑
不蓋惡志以貧累智以愁寒譬若情農未嘗不願
苗之蔥蔚而曾不力去其蟻蝻落落交游沾沾輸
墨學則未豐才尤見書詩六義而井觀文兩京而
蠡測觀觀乎作者之堂依違乎大雅之則智不達
乎時務力不謀乎稼穡道欲行而實疎業雖受而
多惑半世之攻勤皆屬玩物終身之悠忽豈不心
惻思多出位動卽爲忒不勤小物終累大德爾且
擲劍垂於數世甘蓬轉於孤村怪鵲巢而鳩居復
東移而西奔責逋假笑謂之容質錢脫犢鼻之禪

虛直堂文集 雜著 卷十六 八

結鷄露肘頑鈍而不恥守雌隱霧矯強以鳴尊侍
母未恆烏哺問妻徒有舌存突寒朝饜釜歎又歎
有日曾調菜羹經年不見鷄豚人交謫而良苦神
冷落而奚論動忍矣而安所增益衰颯焉而徒愧
家門凡此諸愆耳聞目覩懲罰彼加允惟自取天
威不違照臨下士笑彼兒女猶口奚補

借世俗事檢點自己想見其憂勤惕厲無時不
然處豈是尋常弄筆 通黃

田烈婦誄

維康熙丁未夏六月壬辰睢陽田烈婦孫氏死嗚
呼哀哉烈婦於歸實維舊族遵家不造載鞠閔凶
幾載食貧十指盡蠅穗稔一行作婦雙親違背庭
闈廣桃天之章宜家有舉頌頌人之賦百男惟艱
命也不辰夫焉殞溺黃鶴既寡空多曾女之歌白
露先晞何暇展禽之誄恨魚腹之獨葬淚溢清波
甘雉經以同歸情愜荒冢於是談笑治殮慷慨投
纒可謂殺身成仁舍生取義者也烈婦之夫雲龍
吾友梁紫之再從兄也爲予道其事予嘉其節而

虛直堂文集 雜著 卷十六 九

誄之曰

於惟季女毓德名門赫赫遠祖發祥惠孫爰及苗
裔代存典刑懿厥皇父遂顯一經虺蛇告吉聿嬪
於田入厨三日執手百年德耀有匹豈厭食貧儲
恭南畝績照東隣鳧子弋蘋藻妾采鐘鼓之樂
於今幾載墜乎田生馮夷有怒公竟渡河篋篋安
訴薰風變兮朔氣迴芳蕙焚兮泰山頽葬江魚兮
何辜駕蒼龍兮不回劍一別兮水滸浚俯延津兮
涕泗漣怨巫陽兮無術問靈均兮何天恨離羣兮
馬自哀欲見君兮夢不來比翼兮乍分並蒂兮先

摧飄素帷兮。凄風撫鏡臺。兮恨重顧。微軀兮影獨。
或泉下兮相逢。嗚呼哀哉。雖徒四壁。尙足雙棺已。
矣。嗚呼。逝也。孤鸞鄰母。驚心猶子。啼血援袂。牽裳。
矢。允。彌。切。淹。朝。及。暮。破。涕。爲。歡。月。明。漏。盡。人。倦。燈。
殘。蛾。眉。掃。綠。宮。額。添。黃。徘徊。舊。室。檢。點。新。妝。拜。遙。
天。兮。辭。父。母。理。素。纒。兮。尋。故。偶。從。容。兮。若。歸。追。隨。
兮。攜。手。訊。驚。濤。兮。傷。心。曲。述。畫。梁。兮。淚。滲。漉。借。老。
兮。雖。非。同。穴。兮。已。足。嗚呼。哀哉。雙魂俱邈。一室空。
煙。衣。虛。冥。座。燈。慘。素。筵。驚。庭。柯。而。鴉。墜。冷。繡。戶。以。
蛛。聯。是。耶。非。耶。芳。容。宛。若。音。響。消。歇。跡。跡。約。畧。嗚。
呼。哀哉。元。憲。告。吉。雙。輜。離。庭。觀。者。太。息。送。者。拊。膺。

虛直堂文集 雜著 卷十六 十一

昔揮血而雨降。袂雪涕而雲興。魂遊兮今宵。林薄兮道遙。想無恙兮琴瑟。猶髮髻兮鳳簫。嗚呼哀哉。隨道陰兮愁雲。漫白楊。悵兮六月寒。狐鳴兮白晝。猿啼兮夜闌。埋玉兮有銘。憑弔兮警。桓請私。謚兮僉曰。烈身已朽。兮名不滅。激揚兮千秋。爭光兮日月。嗚呼哀哉。

字字血淚千載下。可以招魂復起。 通黃

書椰子厚賀王參元失火書後

嗟夫。世變不可問也。王參元失火。椰子厚賀之日。參元有積貨士之好。廉名者皆畏忌。而不敢道其善。今幸爲天火之所盪滌。參元之才能。乃可以顯白於天下。嗚呼。椰子厚之時。何時耶。當唐之中葉。其去古有道之世。亦已遠矣。而在位之人。猶有好廉名。而知畏忌者。其參元之不得顯也。以其富也。失參元之富者。以其火也。賀參元之將顯者。以其火而貧也。嗚呼。亦大異矣。今之時。抑又何時耶。好廉名。而知畏忌者。猶繁有徒耶。其富也。猶不得顯耶。而人之失其富者。猶必以火耶。及其貧矣。猶得顯名耶。嗟夫。世變不可問也。予三年前有鬼訟。喪其業里中。親若故弔之。或曰。子可以賀矣。不見參元之於火乎。予曰。噫。嘻。處參元於今日。則不待火而貧。貧則賤。棄而不齒矣。雖然。予幸猶存。負郭田七百畝。以律古之恒產。不但倍之上。不失救水之養。下不。下。坤。候。其。妻。子。雖。不。足。賀。亦。不。必。弔。也。且。前此。身。家。之。慮。輕。嘗。多。出。位。之。思。今。則。一。切。斷。絕。得。以。靜。求。無。欲。之。天。易。困。之。上。六。曰。動。悔。有。悔。征。吉。否。之。上。九。曰。先。否。後。喜。由。此。觀。之。或。天。之。假。此。厄。

虛直堂文集 雜著 卷十六 十一

塞以相。我於有成。未可知也。子厚未足以知此矣。
雖然以此自勉。又益增世人之賤棄。而不齒耳。嗟
夫世變不可問也。

圖暢有法度。所謂不煩繩削而自合。殆熟脫之
候也。 恭士

虛直堂文集 雜著 卷十六 十一

書楊椒山先生年譜後

嗚呼。權奸必能制主。而忠鯁必至受禍。何千古一
轍哉。夫人於死生禍福之臨。未有不擇而就者。而
况覆車方起。又肯自蹈焉。而不疑乎。嘗怪王章既
忤石顯。而幸免矣。及為京兆。輒復言王鳳之專卒
為鳳誣。以死。豈章固愚人也哉。何甘死。禍如飴也。
今讀楊椒山先生自著年譜。則又知先生之心。先
生之遇與章如符節。同而其患害慘酷。章之幸。尤
多矣。當分宜之秉國也。不第王鳳之專。先生豈不
知言出而死。隨之矧馬市之獄。幾不免尙復可

虛直堂文集 雜著 卷十六 十一

仰首青蒲。拔權奸牢固之根株。而冀轉圜於萬一。
哉。迨其百毒備嘗。七尺不保。皆先生於水光燭影
之下。默思起草之時。所早見而稔料之。第不容已
於方寸之臣心。一日之主知也。嗚呼。君臣之義。天
命之死生之義。君主之在己。不容有毫髮顧愛之
私者。定分也。彼高者。沾直以希名。卑者。卷舌以避
患。豈足以語於此哉。王章非知道之士。猶且能盡
分。捐生宜先生。肉糜骨化而不悔也。顧班史論章
剛直守節。不量輕重。以陷刑戮。夫國政旁落。權臣
跋扈。猶謂為天下之輕事乎。如必量其不陷刑戮。

而後言則又何者其爲披肝瀝血之日也嗚呼如先生者斯其謂盡君臣死生之定分者也孟堅蓋未聞此矣

著論不磨而文亦雄剛奔放奕奕動人 賈山

虛直堂文集 雜著 卷十六 古

跋徐氏新阡圖記卷

此朱襄王長穎大令卜藏徐恭士孝廉宅兆也知者皆曰龍真而穴正水有情而砂有餘氣長穎之神而徐氏之幸矣劉子曰然非也吾不知青烏術見天下之相士者矣至司歲得士得者不必佳而佳者不必得其得之於不意也則驚其神其爲所得於不意也則稱其幸使其有明者出得所必得不得所不必得是得之有定衡也何神之有而爲所得者得其必得非得其不必得是爲所得之有定價也何幸之有惟天下有識者之鮮而妄邀於非分者之多也則彼焉疑其神而此焉微其幸天下之定理茫然矣夫此牛眠之區不知挾術而來相者經幾百輩而獨長穎得之非長穎之神也衆人之不明長穎之明耳願長穎不爲他人得而獨爲徐氏得豈非徐氏代有令德而孝廉又金玉自式無釋行於生平自當藏有善地寧體魄而昌後人非徐氏之幸也徐氏之分耳有孝廉之定價遇長穎之定衡此所謂天下之定理未盡茫然於兩間也哉康熙丁卯旣申旣放歸出此圖請跋故爲通之於相士如此非激也

虛直堂文集 雜著 卷十六 十七

無中生有論却極平 寶山

虛直堂文集

雜著 卷十六

六

書侯叔岱壽冊

禱祝非古也然臣有用之於君焉天保之詩是也
民有用之於君焉七月之詩是也未嘗聞有用於
鄉黨朋友間者夫鄉黨朋友古有相友相助相規
相勸已矣今其道日寢以微而棄之如土則獨祈
年稱壽相與進媚諛之詞有加而不殺無乃自薄
而薄人也耶顧此冊之於叔岱則有異何也叔岱
詩人也叔岱之年自得於天猶夫叔岱之詩自得
於情得於天者非其人有以承之則天將不私眷
得於情者非鄉黨朋友之能言者有以啟之則情
亦有時而闕焉矣且夫心樂則氣順氣順則體康
體康則所以承於天者彌有其力諸君子彬彬其
辭蓋欲啟叔岱樂順之機而發其情之所欲宜耳
豈同夫所謂媚諛之薄者哉故予之迂愚亦敢附
諸君子後續其聲而歌曰君子樂胥受天之祐叔
岱訢然拈其霜鬚曰叔兮伯兮倡予和汝

意境超逸 寶山

虛直堂文集

雜著 卷十六

十九

書侯敷文冊

古人之學必有師授授之而不能習者有矣無所授之而克自名家雖在小道亦必天下聰明嚚特非常之人未可求之一鄉一國也矧陋鈍如予者乎予學制舉文於蔡上虞先生十戰輒北學詩於宋牧仲鄭石廊學古文於田質山學詞於陳其年詩古文詞不與制舉與亦曳兵靡旗之技也所稱授之而不能習者非乎至如書則益厭臨摹之困而未承指授之法間讀朱子之銘曰放意則荒取妍則惑因勉欲寧心息氣率中書君規旋而矩折然躁浮之故態輒發於不及持幸不能妍卒不免放每一濡研漸汗之下涇涇也不謂近有張子白先生者以書法自命而顧噴噴許予聞之方蓋過情而敷文又以冊屬書吁嗟異矣豈予之技習焉者而不工工焉者而不必習乎若是則教予荒業矣無乃不習於此之荒猶差勝夫習於彼之荒乎若是則予知所勉矣書以並求子白先生教我

神來之調 質山

敬慎齋銘

吾婿王紫客以敬慎名齋曰竊有志也蓋為我銘之予曰唯唯久之復請焉予曰唯唯又久之曰終不為我銘乎予曰予志在銘焉已耶抑將實欲踐也果踐焉安用銘不然銘焉已耳於子何有哉且夫古之為學也曰主敬曰慎獨蓋千聖相傳之心法兼動靜徹始終之極致也子遽言之無乃易乎天易於言者必無意於行者也予又何敢易為子銘雖然今日者禮教衰息踰閑蕩檢以疎放為泰筭以斂約為迂鄙直內思永之旨久不講於人間矣紫客方英少乃獨夙然有志乎異矣哉吾安得不為子銘銘曰敬爾業慎爾修聖在界放與收孰則安肆益偷帝臨日鑒凜哉無休轉節最陡極平實語而光彩爛然作者又何事乎他求 質山

虛直堂文集 卷十六 主

樂箴 有序

勞仲先生開府西江招予讀書於其署會先生之
老友張子長人年八十亦自楚來先生不以家隨
也長人得徧閣廨舍之變與見委於蟲網鼠跡者
什九而先生之寢堂亦蕭然立四壁焉乃鳴掌大
笑曰吾固知先生之操不謂先生一至此也吾頃
聞先生之清風於道路猶不謂先生果至此也吾
疑遇先生於西方氏之廬或煮石茹芝之仙窟而
但粥不鼓竈不丹耳而顧先生之署乎哉不謂先
生其遂至此也予知先生不盡愧先生先生曰嘻

虛直堂文集 卷十六 至

今 天子聖明予謬承異數一歲之中三遷而界
此鉅任予日夜兢兢惟懼露飲霞餐尤不足以答
主上之知而况敢萌自潤之私夫多欲則多營多
營則多慮多慮則多憂彼戚戚者其得有一夢之
安乎予簿書之暇攤書長吟或與賓客分題刻燭
發吾性之所自得泊乎蓋有餘樂云榛聞之撫几
而歎曰有是哉先生知所樂也學者窮年問道常
欲識其趣而弗能而先生得之先生何遽得之耶
蓋必有養乎樂之原者久而後樂可見也養乎樂
之原者何即先生所謂兢兢以懼是也先儒嘗令

學者尋孔顏樂處夫孔顏之樂何尋其無欲之
心而已無欲之心何致養以戒懼慎獨之功而已
先生之樂非先生之懼為之乎懼無數則樂何窮
榛請為先生獻樂箴益為先生保懼志焉其詞曰
吾生本天天本無憂吾學本天天又何求人
之有求蓋陷且鑿匪蠅而營匪隼而攫相彼隼矣猶
於飽相彼蠅矣猶饜於小惟人之欲谿壑何盈
筭中夜搖心如旌苟淡厥志憂復安乘譬彼塢坊
一簣而清君子之操非如異學不見不亂見亦已
奪惟紛其來如董莫茹一介非微萬鍾何與其胡

虛直堂文集 卷十六 至

能堅惟戒惟懼惟寅斯清惟清斯恕寅以養之恕
以強之希聖希天率此長之天君泰定百物不役
神暇氣和云胡不適澄如秋潭潔如霜月以經以
綸如川之洩優游俯仰作愧兩無融融而樂與天
為徒樂徹於下民恬物若樂徹於上喜起交作樂
還於天仍歸淡漠惟懼勿忘吾從公學
從懼得樂精思實義直扶魯鄒洛閩之秘不但
文辭之清潤老勁也予敢不永佩誨言 牧仲

司夜傳

可夜者其先西旅人也其俗好鬪爭貪養而善盜捕狐兔以為業無長幼之序無男女之別無室廬衣服之制雖父子兄弟相遇輒動聲色即稍合亦不能終日焉其始祖曰黎瓠有勇力以殺戎將功高辛氏妻以女割會稽東南海中田三百里封焉祖癸慕中國之盛內徙於鎬召公疾之不得用於世其後仕晉為靈公逐趙盾提彌明搏而殺之公惜焉同時昆弟盧仕於韓鵠仕於宋亦皆有聲而癸最著癸四子一居蜀一居越漢初皆為舞陽侯

虛直堂文集 卷十六 吉

樊哈所殺一從淮南王入雲中不知所終司夜父最少初與司馬相如同名長事漢武帝為楊得意所扼乃走昌邑為王監門遷執金吾以冠方天冠罷職久之落冕失意隨陸機於洛陽更名黃耳為機致書於吳卒報機德之其死也以已故大都督蓋寵其葬世所謂黃耳冢者是也司夜生而備軀幹有大志嘗曰人生最耻為碌碌富貴子若丁謚何宴鄧颺輩真苟祿耳我得志弗為也遊於梁謁董園公董園公壯其貌棲以數椽之廬朝夕廩食焉或惡之曰西旅之徒非我族類勿容也董園公

曰不然昔太和中共徒有從楊生遊者拯於焚援於溺視世之共安樂而背忠難者其賢不肖正有辨矣且余亦豈望報者窮來依我不可棄也司夜善走性疾奸宄即非所素善者必追呼遠逐昏夜尤不敢暇逸董園公曰子能勤於夜者也可即以司夜名之由是終歲之警備悉以賴焉闕十年謹愿無過愆一日飽食而卒司夜之初依董園公也一夕聞風聲而大噪董園公責之司夜曰劉寵不為守吾安知其為風聲耶董園公憮然歎之至是卒董園公瘞於海鴈橋之右與黃耳冢相望云

虛直堂文集 卷十六 吉

論曰西旅氏之於世人多賤而不齒顧李斯為秦丞相至欲與同出上蔡東門而不可得則又何也觀黎瓠以來世篤忠義人有不效西旅者亦可矣或曰司夜者諸葛誕之流劉景升兒不及也通篇點次頓放無一不老其絕老處即是絕頂風神朝宗窺千里傳在予論之詳矣此何並踞其勝也山蔚涉筆便如此豈非天授異才恭士此山蔚少時游戲之文毛穎而外不可



賦

悔賦

邈發祥於厥初兮。邈不知其何自。緊胥宇於微封。兮。背復陽而七世肇釋。戈而于耜兮。率肝賦於齒。舍鍾伯氏之靈芳兮。迺崛起於詩書。慟昊天。之莫予弔兮。哀罔極而未訖。繫三世之如綫兮。悼半生之困頓。彼蒼蒼者之降予。必有故兮。容戲淪以相

虛直堂文集賦卷十七

承光耀。靈之莫可。揮而返兮。殊悵。憑以填膺。晝撫心而自叩兮。宵揮袂而三起步。逡巡於閭闔兮。屋漏告我。以多恥。神恟恟而不啟。回首兮。志志忘而若摧。疏狂惡而莫贖兮。益悚惕乎將來。念舞勺之已潛放兮。何若刻於痛。傅嘉穀擲之。豪舉兮。豔謝賂之。押雀乍喧。雉以擬。雷兮。忽得虛而無聲。智毛公之嘉遯兮。雄劇孟之俠名。旋洞五白之堪鄙兮。傲烏曹之故倚。延翅生而納交兮。笑夏王之不足與謀。壯六旬之阮飲兮。快十日於秦約。伶荷鍾而如歸兮。荒滅燭而實樂。何狂藥之辱名兮。允達者



之長物。憫靈均之獨醒兮。曾終身不得其髣髴。柳信陵之不永命兮。赤帝旋已改節。縱婦言之不可聽兮。請德將而禮。聚時三杯而油油兮。誇騰驥其掣電。託死生於峻坂兮。爭後先於鳥翰。接南山之雉於一駟兮。拾東郭之貌於一俯。聘落日而汗馭。馭兮。歸猶沒鐵於石虎。鑑枯木朽株之盡為敵兮。乃攬轡而改轍。囑丹花紅樹之誘吾情兮。羌探幽而攜客。醉秋芳於蘭臯兮。摘春葩於藥圃。擊鮮載伎而隨遊。屨兮。援東山之風流而與伍。惡朝榮而暮瘁兮。矧樂極而哀生。恥蕩遊之損吾豪兮。將移

虛直堂文集賦卷十七

神於嬰。嗚樂應水之不乏兮。託肝膈而號德。鄰愛徵逐。場來之無間兮。晒翟公之無人。乃蘭臭以方親兮。忽鄙寄而賣矣。危人情之不可燭兮。胡如盡上絕交之書而自快矣。既出門而無交兮。乃風蕻以相牽。誰有情而能持兮。況舜英之穠鮮。揚柔蕘於秦箏兮。轉清歌於鶯脣。迴陽阿之妙舞兮。意婉變而堪親。悟彼姝之雖妓兮。正伐性之斧也。復纏頭之易耗兮。將別圖以補也。愛巴婦之足智兮。慕錢神之有靈。戎持籌而稱賢兮。場億中於孔庭。然吾才之所絀兮。彌經營而益拙。世澤之銷鑠而莫

保兮又何事乎一切貴適以媒富兮試揣摩而從
時信捷徑之可循兮已見夫僥倖而得之何我技
之不售兮擔登躡屨而頽休豈大器之相誤兮俟
天命而奚求過羗鬱鬱而不得志兮勉藻績以自娛
角才名於建安兮攀鮑庚以並驅抽相如之秘思
兮雖諷一而勸百齊李杜之文章兮亦萬丈之光
赫戴日月之經天兮誤燭火以為明鄙月露與風
雲兮曾何足以成名擲鉛槧以寧神兮聊卒歲以
曠逸憐拮据其自愚兮占得願而貞吉醜昏昏其
若夢兮云行尸而走肉耽宴安之鳩毒兮猛內省
而多慙悼錄此求而不合兮嗟轉計而愈失茫天涯
之紛途兮吾徬徨而何適悻前辜之擢髮兮汗淫
淫而難欺顛穹窿而自詎兮雖千悔其焉追擬舫
遊於廣津兮飄颻風而無岸抑步傾於險壑兮牽
弱荔而欲斷盼八荒而獨危兮憚不知其何終披
九霄而大叫兮問誰憫予厄窮跡穀林而乞援兮
既荒忽而無路轉蒼梧而拜禱兮復棄捐而不顧
乃俛俛而漫之兮過會稽而空哀還吾駕而近求
兮迷毫都於歸來更脂車而西向兮儼鄩郢之在
目問赤烏之已往兮邈何道而追逐登尼丘而遐

虛直堂文集 卷十七

三

眺兮依稀示我以周行惜交淺而莫與深謀兮猶
若憐我之皇皇方投足而欲就兮迺假道於鄒邦
艱獨往之無伴兮訪伊洛之雙雙已沿途而無岐
兮由八閩以遠入惟轍軻其多端兮企前軌之難
及請叱馭而加策兮敢畏難而誓已期所造之必
達兮何憚乎一日而千里汲乘時而邁征兮已良
辰而輕誤即此畧而命駕兮猶恐蹉跎躑躅而漫
無歸宿於日暮憾我馬之悲憤兮竭馳驟而無力
雖頭顱其必在兮肯中道而息息固行路之云難
兮極跋涉而當至迨一往而揚遂於靈室兮吾不
知景況之為何似亂曰悔吾生兮多愆莽自問兮
難宜追曩謀兮悉乖撫今日兮茫然欲奮策兮棘
迷途哀巨人兮掖吾孤願破釜兮奔騁追倚馬兮
踟躕匪天遠兮可登尙山高兮可升請尾勉兮從
事豈艱大兮獨可勝
歷叙昨非卒歸今是感慨纏綿情深不已而其
格調變化頓挫尤瀾灑乎直追屈宋矣湯潛庵
此乃是痛癢自覺冷煖自知之言但願益堅斃
而後已之念耳適貴
高人之賦麗以淫此能免夫充此志也雖與日

虛直堂文集 卷十七

四

月爭光可也不然卽法言太玄猶雕蟲耳 寶山

虛直堂文集 卷十七 五

白鸚鵡賦 有序

比部大夫宋君牧仲者奉使度南歌皇華於萬里言旋莫北歸鳥巷於一朝垂豪無黃金數畜對大夫之富開籠有白鳥振衣訝使者之奇髮束而頭角崢嶸額被而金花燦爛坦懷無懼好語時聞大夫顧而樂之於是授簡於予恍惚而爲之賦其辭曰

惟靈鳥之何來聞闈婆而萬里登上國之欲觀乃扶搖而至止啞好惡之無常率綠衣兮黃裏獨初服之不移羌澡雪以自喜覽輝銀漢瀾跡白雲翔

虛直堂文集 卷十七 六

焉不下誰託其身顧使節之炬赫溯白馬而實親訪信美之吾土又園雪之如新遂留八境臺之影而爲宋大夫之賓維時陪大夫而來也辭塵外躋白茅倚玉樹濯冰濤薄金臺而榮馬骨樂兔苑以附霜毫於焉山人白衣儼然貞素皎日爲懷溫玉其度逢人憑狎乎海鷗而得時自班乎鸚鵡且其斂文章之外著擅坤德而含章偶異采之煥發卜元吉兮黃裳擬秋英而陶採戲送酒以插航儼護花之多藥實樹背而非堂綸衣本乎西極宮額象夫中央方疑降太白之宿忽錯喚黃頭之郎爾迺

有懷欲吐顧名自憐如羞奉半訥半宜寧太尉
之艾艾鄙嗇夫之編編在時言而不厭幸尤寡而
身全奈何陪程程於曲禮辱臊陀於梵書豈隴客
之素質果變化於黃魚乎客有怪而詰之曰結遼
傳乎唐史乾臯著於師曠爾是耶與非耶請自供
其名狀敏心經之授受荒殘博以披猖悅玉環之
姊妹詔天寶之君王痛禍亂之莫救徒問安於上
皇耶抑長舌之階厲讒賊獲於張華迨請君而入
甕又何智之堪誇惟豪貴之是結而躋黃太守之
堂豈詞賦之能解而速禍處士之亡乎言之未已

虛直堂文集卷十七 七

帶怒銜悲若含若吐彷彿有辭世憑耳以為視久
名實之全非彼假聲而竊貌終非類之難欺乃若
趁昭陽之寵幸供媚佞於群姨惑天王之明聖希
容悅於一時縱有行之而得意予竊恥焉而弗為
也況夫承恩於安樂而妻主於亂離誰忍情而出
此予素心之難違抑多言多敗感實自詒如瓶以
守何辱之罹且恃才而尚氣將焉往而不危儘筆
點之不加又何補於數奇慨文人之無行恒自蹈
乎禍機弔孤洲於萬古乃信知己之相依也於是
客乃聞乎不聞悔前言之猖狂肅然起敬惻然意

傷手擊唾壺口發清商乃歌曰爾之潔兮不可涅
兮下白玉之京而沐廣寒之月兮爾之文兮秋蘭
紉兮時見時隱而非人之徇兮言則可聽兮韻以
清兮志則寧兮夫何物之能驚兮又歌曰金鎖兮
玉籠鳳閣兮珠宮乾坤兮頓窄稅駕兮何終仰九
霄兮冥飛鴻鍛素羽兮泣秋風豈不懷歸兮逍遙
雲海之中

瑰璋陸離中別具清新俊逸之氣足使正平避
席摩詰退舍 錢介維

去宋調而入漢室其在漢也蓋司馬班揚以云

虛直堂文集卷十七 八

正平真覺率易 恭士

以京都鴻筆為賦物小品一往皆經緯宮商珠
璣錯落而粹理精言尤非月露風雲之比 牧仲
骨法意法不當以駢麗相免 贊山

梁園雪賦 應學憲林潛

亭先生教

太平少世可想

粵若漢封之盛也文德茂民俗康怨平寒暑叙備
 兩揚懿親溺寶景之寵勲名際吳楚之亡於是駢
 生侈樂易荒創東苑廣睢陽小文圃規模之隘大
 平臺驅騁之疆四十城中半別館三百里外盡獵
 場豪舉為歡乘時取適闢燕昭王之臺招魏公子
 之客听枚叟而入座暮鄒生以通籍司馬擅文墨
 之雄孫羊濫佞幸之席翠華遙指警趨森傳驂乘
 矜寵陪輦取妍逐狡婉於莽野問寒榮於林泉是
 時也顛項王令修熙佐時陰凝曦閉務積雲垂
 朔風而橫至導稷霰以先飛既而聯翩散漫紛糅
 透迤浮浮灑灑裊裊離離乍莊蝶而撲面忽謝絮
 以脫枝輕盈鬪夫燕舞迷漫妒乎梅辭風回范雲
 之狀花點謝莊之衣既徘徊而欲下又進退而多
 疑蓋婆娑之態皎潔之姿王已顧而樂之矣迨其
 久也玉龍罷戰銀象涵光着喬林而森玉樹滯平
 巒而晃崑岡彌天編素隨物圓方鑿者盡瑤池築
 焉皆玉堂下迷鷺立上失鴻翔衣奪山人之色粉
 欺嬪御之妝王騰之馬山陶穀之茶嘗瑩兮砌白
 壁於中原微望舒懸桂闕爛乎碾朱提之天下

虛直堂文集

賦卷十七

九

虛直堂文集

賦卷十七

十

莫猜義馭賦秋霜嵇中散之山頽有待鄭歇後之
 詩思無量於焉王授簡客抽思賦其滂之句或
 咏相彼之詞灑陽春以度曲合幽蘭而鼓之羊羔
 薄醉鶴斃閒移王於此際樂不可支曾幾何時也
 而谷遷陵變往事茫茫忘憂之館廢清冷之池荒
 嘉賓罕至公讎莫張誰遺梁孝之絹羅罰安國之
 觴依然立陰之澗互不改滕六之飛揚東郭之履
 無那袁安之臥徒儂倘有憐白屋之下當必為黃
 竹之傷矣而今也一陽言復六花呈瑞深伊川之
 門陪游揚之侍豐年可期灌湯有志將益奮乎孫
 康之書敢薄視乎嶰山之味也乃為歌曰鴻泥兮
 匪幻霜冰兮可鑒白不容緇兮素不必絢虛受兮
 彌增真積兮何盈灑然以釋兮然後知還造物之
 無形

自然典麗斧鑿無痕其曲終雅奏尤有妙理是
 以宋儒而操班揚之筆也 林潛亭先生
 清風肆好逸氣旁流筆墨之外尤堪令人咀味
 質山

金在鎔賦

繫二氣之變合兮生初一之班班鬱素質於厚載
 今行商氣於重玄地四申厥箕疇兮昂三志於禹
 貢螢林邑而多怪兮冷蚩尤而有用神夏鼎之三
 三兮蠶秦人之六六入九府而有靈兮化虎子而
 惟辱信委隨而不可自主兮惟搏挽之有力聽頑
 鈍之白為成就兮將銷蝕毀敗而何極翫天地之
 為鑪兮緒攸灼於陰陽奔耀靈而追望舒兮熾兩
 丸之炭光飛廉鼓舞以吹噓兮謝仙振斧以助威
 四帝遞驗夫火候兮熟兩間變化之緘機流澄液
 而惟賢兮溷濁滓而為愚疑定質之不可改兮實
 融煉之在予嘉歐冶之有功兮亦天然而顧德曾
 矯戾之不能終日兮又自為政焉而不得戶封固
 亦吾徒兮二帝擅鼓鑄之奇直行豈自成俗兮三
 王能補造化之不齊悲夏日之欲墜兮受昏德而
 穢彰詎破模而毀範兮胥癩瘼而盈邦雜制度於
 漢家兮鼓風教而未醇鍊氣節於東京兮甘骨銷
 形化而有人痛典午之猖狂兮鼎折汞流而不可
 收拾也啟南北之煎熬兮化為繞指而不知所立
 也唐型之失兮益鍛鍊而多事宋範之端兮蔚陶

虛直堂文集

賦卷十七

十一

十一

鑄以文思鑿前模之不爽兮雖百世其可知悟因

任之不可兮雖起爐作竈而何疑柔勁質以相從

今即屈曲而如縣裁邪枉以復性兮亦猶然直道

之天果風德之足偃兮大造儼其在手方惟矩而

員惟規兮不能先而亦不敢後知握機之惟我兮

君子惕然其自省敢更化之無本兮俾天下恕形

而咎影生幸託於化國兮飽詩書之陶鎔愧如金

而如錫兮敢躍冶以稱雄笑郭况之穴兮薄嵇康

之鍛盡牀頭而無色兮獨有志乎金石之貫守先

聖之遺模兮悚不知其器之何成漸銷鑠其故習

兮何日融自然以流行噫吁噉危哉兮將無負造

物之為形

虛直堂文集

賦卷十七

十一

十一

點染映帶具見匠心而結處尤非人思議能及

寶山

南湖賦

白雲守移文讓南湖公曰君為澎湃王僕分縹緲
 天此疆爾界各有攸屬也而奈何萃逋逃之藪淵
 有物一足大於商羊躍躍趨趨顧盼翱翔慕予德
 而聿來蓋不翅覽輝之鳳凰也一日者蠅矢告玷
 風鶴致疑突然竄夫封豕督爾杳乎斷霓謂必影
 蔽扶桑形潛弱水梗斷遼海殼縮越嶠顧遁遁芒
 碭之山神叱鬼逐返而伏海鴈之橋既信且宿僕
 昔固已瞻烏爰止於君之屋矣迨夫逐客令下黃
 緣南邦繞樹三市枝借朱襄朱襄氏曰咄吾不可
 以招亡納畔而啟覺於隣疆遠者且然而况乎阡
 聯陌接庸詎可自來而遂攘過不可貳機已再洩
 勿學海若之卑樂藏垢而納污尚效獸網之開許
 奔林而赴穴也南湖公聞之憮然曰嘻吾過矣吾
 過矣雖然吾豈利若之我依哉吾湖魚之隨波而
 上下吾湖鳥之揭來而遊飛曾未聞為何川之鱸
 鮪何洲之鷗鷺而有追亡結怨之馮夷且彼窮而
 來此口念心謀暫隨張志和之釣侶實羨陶弘景
 之嶺頭易示羣分之義詩刺摻祛之留蒼狗之變
 態既定故應仍逐白衣之悠悠也於是驅茲逋客

虛直堂文集 卷十七 賦 十四

歸爾蜃樓物各有主言無不讎乃報檄於白雲守
 曰吾客寂寞之濱湛湖光而如練雖未覩嚴釣之
 奇實竊醜卓奔之媛惟君之昔茲焉典郡充和中
 書之宿癖笑孔姑臧之莫潤勢去時移視顏猶在
 奪鴻鴈之稻梁啄雞鶩之餘喙佛背決怒僧眉鎖
 嗔包羞於已食怨於人予九死而不忍目其態也
 肯區區與爭此脫奔之獸漏網之鱗執而還之遂
 爾樂羣挹兩滌夫宿沼仗風清此閒潛鱗食泉之
 味者免口頰之汚濡濁涇之跡者絕蹇涉之循魚
 跳浪而生色龍洗甲而一新鎖水雲之如幕願言
 謝俗駕之辱低岸柳以當簪不容留塵躅之痕矣
 漆園子耳其事听然而笑抗手而長吟曰白雲英
 英兮如絮斯繁兮莽棘荆兮湖水寒且清兮饑不
 可作豆羹兮排舊庭兮理舊盟兮高高乎無欲之
 天固不情兮行兮行兮
 諛諛兩盡其致尤妙匹儷精切淡言微中 贊山

虛直堂文集 卷十七 賦 十四

大梁雨賦 以揚事罪雨
中遣興為韻

皇帝丁卯秋徵兩河敢戰之士五千人閱於大梁
勇者彌拳雄逞冠軍之力智者吐氣高談發錦之
方月開烏號電掣干將下駟與上駟五角長矛并
短挺齊攢亦既有才胥効無志肯降爭窺大將之
壇坫而或賈餘勇於戰場矣爾迺旗鼓相持凱歌
未試雲抹漆濃雨梳髮細果從龍之有占殊淋鈴
而不寐天機長織簷珠密綴靈霰囊囊漸瀝溶瀾
漏天滲疎未有試嫺皇之才銀漢傾散固難為神
禹之智豈其雷老手風梧而欲濯鮮色於高枝或
者山昏乎豹霧而使澤奇文於晚歲乎未陰足防
作霖弗計榻瀟灑以高眠胷洗滌而無事慨焉今
古悟茲消息苗興於沛然終有隨公子之車貌肅
而時若亦將潤監門之色煙縱久埋良嶽峯虹終
一吐吹臺日何有雲密於郊而不月離於畢也於
是樂商羊之跳甌石燕之舞恍身逐酢時以立雪
而神融淵濤之化雨流微韻兮紙牕空送薄寒兮
畫簾風香漸紛兮桂底氣爛清兮秋中亭喜良多
詩催難緩方直下乎蛛絲又亂抽乎蠶繭去不可
扼而近來不可推而遣意澤物之有乘時而潤身

虛直堂文集 賦 卷十七 五

之當自勉矣商聲悚聽爰興我詠其詞曰暮之行
今誰為政意遲遲今飛不定若有人兮冰雪性秋
水澄兮秋風勁支願當天雨脚橫問天髮鬚天為
應應日豆花細雨開相贈不為洗兵賀戰勝息心
莫與天相競吾主吾命爾遣爾興

骨力勁聲調圓巧思宏物相與組織直如天孫
雲錦 贊山

既清以遠復麗以則漢人少其理宋賢遜其詞
何叔獻

虛直堂文集 賦 卷十七 六

蓬青園賦 有序

梁王臺吟無恙風流虞部子園中依然春色納蓬
青於舊圃周公子尙憶嘉名蓬青園乃周氏故物
收虛白於開亭宋王政虞部頗懷野趣穠桃豔李
不嫌白髮之侵舊燕新鶯足動青衫之感爰乘醺
而作賦實觸景以懷人其辭曰

青帝矜新紅英鬪豔春疑有私園能先占付拾翠
於佳人羞擷芳於暮景抱一室之幽枯儼三秋之
清迴江都未解縱目而窺園彭澤徒能以形而贈
影蓋每翫物華而含思未嘗歎健步而無騁也雞

虛直堂文集賦卷十七 七

舌仙郎烏衣公子輒虛無忌之車乃設穆生之醴
蠟屐閒登青藜笑倚載遊載遨且行且止踏與與
之翠崎迎飄飄之浪蕊陸羽趁茶煙而翺翔節田
何下虎皮而迤邐山柳絲遙岸祭少蘊之中纓子
野圃繁香護子京之筵綺喜起危橋屐步曲徑披
烟謾謾龍鱗涸泉流而奏響我峩黛色晃樹杪以
刻痕紅杏倚朱梅弄態辛夷並郁李矜妍適香國
今叩書城胡都伯題其堂泛瑤海兮入武陵宜南
宮書第一之山空揭米南宮墨本而原父咏無雙
之亭爾迺陽晴巒以遐眺俯清壑而興懷昔追隨

乎黃髮靜放浪乎青鞵曾幾何時而王隨春易
寶共花摧謝者必有代表焉斯以興賦午橋而幾

度鴈綠野之干瓶庾嶺之枝欲折而羅浮之夢不
醒子昭方期進青蓋已荏苒五年於茲不堪向西
州而涕零也曠陳跡之猶存續舊盟而足慰千邑

陸離萬芳鋪綴豁然開城外之觀幽矣盡山中之
致洞仙或采藥而來花神當逢時而醉克家固有
別方而肯構亦其一事招必名流談有曠義玉椀
潑甕頭之春哥窑薦熊蹯之味吳兒小隊鄧雪新
聲摘阮之嬌鳴故緩參差之嫩囀彌清忽倚馬之

虛直堂文集賦卷十七 六

才發早驚人之句成節庵先成春韻角險而惟穉
思彌上而益精時焉不再樂也何勝愧予鈍而獨
後嗣彼美以相賡廢日春又新兮人非故花方朝
今日已暮無藥兮駐顏何天兮披霧狂欲喚兮古
人危獨遊兮末路宜驕兮任風花狎盟兮屬鷗鷺
好樂兮無荒芳辰兮莫誤

妍麗婁婉合蕪城思逝而爲一 箕山

木香賦

維崑崙之異種入函夏以何年原密香之肇錫竊氣味之宛然按本草原胡逃名而易姓號五木於

人間訛有五木既名賓之莫副久矣夫微實而無

端裊裊依依無骨可立有上必授無板不力隨天

棘以蔓延甘女蘿之屈抑獻婉變之柔情嬌媚媚

之弱質乍升木而學猱忽騰天以蔽日不知者若

厦屋之岬嶮而藉爲風雨之宴息矣當其杏呈冶

態桃倚新妝謝三春而不占讓百族以爭芳迨廣

陵有乘權之婢洛下無擅政之王而迺弄何郎之

厚粉扇賈午之餘香細鋪玉錢之影亂剪雪嶺之

光想脫簪於蟬鬢偷惹芬於蜂房壽陽之額不似

林甫之口適當望之且憐骨醉觸焉無非棘芒蓋

濃薰以襲人早暗刺而可防曾幾日之穠鮮候颯

然而萎落玉質化乎泥沙蕪澤歸夫冥寞扶持者

已矣立觀其傾覆之災凋傷也可憐全露其包藏

之惡矣顧龍門之百尺挺孤標而不倚淡馨臭之

兩無老秋色而自喜花不足以綴雲鬢實不可以

充寶珥高不容攀於人直不肯枉諸已寧至爲萎

下之焦終莫掩絃上之理試問乎丹穴之靈雛其

虛直堂文集賦卷十七

志將在彼而在此

刻畫極工聲調復鏗然有餘韻小賦之神品。

木香無端遭此惡罵可想其滿肚牢騷無發洩

處寶山

虛直堂文集賦卷十七

後木香賦

劉子既賦密香而寢穠穠苾苾入吾幽龕聞而微
咀中邊皆甘若有人兮喚生怒舍自稱木華責予
過談曰吾族何負於子而銜之深也嘲譏嫂罵其
誰能堪夫弱者道之用直者伐而先吾鑒剛齒之
搖落故慕神龍之蜿蜒人之遊歷也上蘭臺而入
芝房我之蔭榭也架瑤室而構香山白弗爲緇素
不以絢飄山人之衣存書生之面彼華競而各先
吾德讓而獨殿笑柳絮之狂飛髮華之懶慢論
翻粉氈焜煌瑤瑤髮醉簪遺坡吟雪戰或五五而

虛直堂文集賦卷十七

三

三三。三。小星之疎散畏厭浥之難行懷鋒鏑而自
扞苟。毫。色。而。不。親。何。切。膚。之。有。患。蜂。粘。香。而。自。疑
蝶。翻。粉。而。不。見。近。輒。臭。味。之。相。投。久。且。素。心。而。不
變。春。羞。乎。庾。嶺。橫。枝。兩。悔。乎。梨。花。別。院。吾。知。永。叔
必。改。花。譜。而。蔚。宗。將。焚。香。傳。矣。爾。迺。美。嶧。陽。之。孤
幹。稱。攀。附。而。無。從。早。剪。根。而。碎。株。徒。調。響。而。音。工
豈。若。群。芳。之。長。豔。而。散。材。之。有。終。哉。子。不。海。上。何
惡。馨。香。明。德。之。薦。尚。其。無。荒。人。有。而。我。忌。心。非。而
口。強。知。吾。子。之。所。不。爲。也。而。何。處。乎。前。語。之。荒。唐
晨。鐘。一。擊。其。言。以。竟。未。謂。其。然。亦。多。其。反。對。後。燭

而述之付君子之論定

其辨不窮不數談天多轍矣而雅人深致尤難
於今人見之箕山

虛直堂文集賦卷十七

三

三

振衣千仞賦 有片

予讀宋中丞課吳士諸篇秀奪春葩麗爭雲錦第
多狙於原句而為招隱遊仙之辭豈其忘厥稱詩
而有斷章取義之用錮百世之胷襟難祛二氏窮
千里之眼界須上一層慚枯管而無華謬倚聲而
相和敢曰學山有至聊以嚼屠自怡云爾

鴻濛初破百動紛紛類從上下橫目特尊蓋已奠
乎物上俯瞰羣分矣黃農絕縹緲之巔姚姒盡羣
玉之岫子洗喬嶽以流光姬踐高山而獨壽由斯
以降登轉峰低跟踰頓跌雲霧煙迷或步蹉於棘

虛直堂文集 賦 卷十七 七

莽或途誤於紛岐憐因循而不返競壯存以趨危
難。駢滑踪漸隕丹梯壑森矛劍潭怒蛟螭羌風翻
而雨墜恬弗顧而弗疑將不知衰落何底胥溺何
其也。知道者慘祛而莫從來道夫先路而不信提
淖足語我輩當此以笑沈浮攀澗藤而傲濡沁非不曰吾置身
其已隆矣而且不堪臥於麓者之一瞬角崇莫臨
於甲法上須極於峻彼綴綠妝花雕龍吐鳳曾繡
結而錦張舌簧調而鶯啣飲萬丈之霞光壽名山
而絃誦卓矣高標其誰與共顧有嗤之者曰字不
足充枵餓文不足潤單寒詎若穴橫况金山溢漚

錢筋騎十萬黛倚三千魯褒雅頌其靈朱提固無

不致朝焉橐發夕焉綬繫聳畫戟以刺天股絳駟
而震地冠整摩乎霄漢唾落駭乎人世志得身崇
於斯極矣下觀芸苔渺如粒矣然亦有薄之而不
居也曰多藏多害益進益愚璧叢匹夫之罪微慘
宗廟之需稅糠軒冕焄膏腴挂一瓢而自得翹

五嶽以選徂各恥流於史管迹甘絕夫人區孤行
一意迴乎尙歎二氏笑之則以為未聞道也爾乃
空萬有淨六塵秘丹訣葆玄真或履攜於慈嶺或
鶴馭於崑崙皆超超乎蟬蛻世界坑塹入羣也巍

虛直堂文集 賦 卷十七 七

矣尊矣蔑等倫矣豈尚有擬其高妙扳其嶙峋者
哉而孰知白日當中羣陰爭掃左叱山中之臞右
逐蒲團之稿莫棄理以任心何逆天而却老乾坤
之正氣獨持性命之太原自討深植仁義之基遠
擴明誠之道實履殷勤版築堅好功益積而益隆
心彌謙而彌少地軸莫其傾天柱扶其倒夜晦而
燭世汚以澡樓低百尺之上臺隘九層之表俯泰
岱以蹴雲開閭闔而放曉揖歷山而拱岐陽捫葛
天而就太昊千峰侍兒孫之早萬國黠蟻蟻之小
列宿羅霄羅靈在抱振衣一振風清月皎非絕人

以層級之不可尋而誰其奮健步於及早哉亂曰
振吾策兮曳吾屨兮九天之蹤可躡兮誰適也兮
誰逡巡兮拂薜荔而猶帶世塵兮悵自詢兮固不
於太冲司塗津兮

吐詞大雅登義高卓足以翻湘纍之苦調破栗
老之嘆聲箕山

虛直堂文集卷十七
五

虛直堂文集卷十八

商丘劉 榛山詩著

同里宋 筆牧仲

睢州田蘭芳箕山 評

瑤圃詩起丁酉
說丁巳

感懷四首以下丁酉
戊戌作

黃河下崑崙千折東入海氣盛有歎薄往往亦別
匯我欲求津梁虛舟無人在嘿嘿含遠思蘭皋倪
自采

種花須種蘭栽樹須栽竹種蘭有餘馨栽竹有餘

綠君子慎因依澹泊兩情足素心不可期揮雲閉

空谷

蒼蒼駕不息悠悠人自閒將無松枝塵可掃百事
艱胼胝夏不苦風流晉何耽夷甫牆下魂或時起
長歎

萬山推無遺一幹青不了由來禁歲寒乃信能壽
考豺狼自難羣榮名非所寶不見顏平原孤懷獨

矯矯

箕山曰四詩淡而
雋使人咀之味遠

田家

困家淡無營柴門閉春草村煙縈暮寒漁火綠林
小風雨二三月花落深不掃有容傳壺觴粲然達
清曉功名豐沛多詞賦梁苑好何如箕山人悠悠
以終老董文友曰得儲王之勝

弔侯朝宗

不必論遭際文章已擅名夷門昨日過終是歎侯
生

芭蕉

歲月從舒卷幽情讓爾多却嫌風雨夜偏向枕邊
過

虛直堂文集卷十八

箕山曰兩絕是唐人家法

登闕伯臺

望古生幽興登高意未降亂雲埋小檻疎樹點晴
臆地敞盤蛇徑清麗天空插繡幢有陵皆變谷獨此歷

鴻雁

賈靜子曰清思雅調直躋盛唐

雨際東沈季醇

奔雷挾怒雨當午驟炎歊為思高文通有麥當已

漂冠皆受漢溺字只堪秦燒腹茹十萬卷捫之依

舊枵何如中山酌就我眠于朝石扉曰澗甌之音令我睡壺欲碎

懷蔡上虞先生

清笳吹未闌寒碓又復起競為斷腸聲來侵愁人
耳計日數宿泊逢人訊江汜不識南國路盈盈隔
秋水箕山曰短節若調似孟東野

夢兒子仲彥

數載離羣淚蒼茫入夢時依然存病骨曾否憶孤
兒達盡生前酒貧存死後誰可憐明月夜砌蛩似
人悲徐恭士曰情至語自別

大梁三首

兩河一夕黃雲起白日風生跳山鬼持重條侯纜

欲眠毒波已殺蒼龍子

繁華不必念疇昔猶幸今朝荒萊關牛足顛時翻

欄體鋤頭礙處拾金盤

閉心欲拜信陵墓青草黃花迷去路日夕經過博

浪沙棲烏啼殺白楊樹

李容懷曰三詩刻味清聲讀之愴然生感

贈牧仲八韻

何處見濃春花明照錦茵樽移開閣地車過抱關
人鄴下推公子日邊憶近臣韋賢真有後王翰好
為隣乙夜同披卷十年獨飲醇筆子新氣象客數

舊昏長暫爾怡丹壑能無戀 紫宸莫尋優孟去

少王倍情親魏竟林先 生日穩

孫生草堂歌

堂上何所積零亂縹緗高三尺堂下何所有嫋嫋
常風鬱一柳孫生孫生穩棲遲饑死不能謀升斗
立家有壁皆題詩種秫無田却呼酒聞爾狂名亦
已人人皆謂狂我獨否鬼飲何妨十日豪塞隱室 戶大盆
置酒與其弟子喬生 禁聲牛吸名曰鬼飲 書澣可免千年垢 借人書有 不快意者 入水澣洗 而濟以杵時陪步兵哭亦得急趨圯上人待久志
氣尋常輕劍俠慷慨忽然弄七首嗚呼孫生可奈

何空將軀命埋巖阿惟爾起舞我長歌歌曰君不

見西塘有蟲長如梭一線困屈盤鱗窩昨日雷斧

劈殘荷蹴雲一縱滄海波嗚呼爾我今如此長嘯

且采山中芷石廊日歌中之歌 尤妙有不盡之味

元日懷上虞先生以下辛 丑作

韶景開芳甸晴光轉碧霄畏人辭郡郭避地狎漁

樵剪燕群爲戲傳觴興正饒忽看梁苑雪却憶浙

江湖九十春陰始三千水驛遙一官憐賈誼雙鳥

念王喬政劇才初展官甲罪易招途窮哭定起家

遠恨難消自古傷銷骨從今悔折腰書空知咄咄

看髮可蕭蕭書已勞鴻鴈客還傲黑貂懸知鄉夢

切逐夜費歸橈曹顧庵先生曰官 甲一語今古同恨

重過侯司徒園二首拾得 秋字

大隱耽幽趣名園想勝遊兩行花倚檻一半竹侵
樓庭敞偏留月林清不借秋如何樵唱入正續雪
兒謔

老草繁烟濕孤花受雨愁都迷三逕迹別具一園

秋桂苑歸樵斧鶴軒出牧牛多情鳧渚上獨戀幾

沙鷗

賀山日敗與處說 得舒柔是以可愛

虛直堂文集瑤圃詩 卷十八 五

秋原三首

秋思逐夜生不解人多少月明亂杵寒風斷哀鴻

杳

出門欲采菽高隴咽秋水不必怨穹蒼舉網得魴

鯉

河來樹已無河去灘猶出去來何足言白骨高一

尺

陳其年曰古喻 槎五絕聖境

東余雪崖寅作

西山尚有采薇徒吞吐雲霞與不孤終是韓康名

字在可知請節去來殊落花禁向前溪出短權欣
從遠岸呼開道君家繁澗好等閒肯繪輞川圖

哭賈靜子三首

昨日壺觴快與同玄談似舊障川東百年有志終
書怪半世為文盡送窮只擬青牛歸貝闕靜子嘗學仙

却教白馬弔秋風無端杖履逢迎處一夜清霜鴈
影空

猖狂已悔少年行却復中原失主盟定以玉樓邀

賈至可從泉路覓侯羸胡宗傳經未遂青藜閣彈鈇

空歸細柳營靜子嘗入東平侯劉澤清幕莫怪文章半謾墓也

虛直堂文集卷十八六

憐八口誤平生其年日結語尤為悲慨

一夕從容訣故知身名不悔棄當時自從鄴下無

王粲誰復天中說項斯薤上果然清露散林間無

那晚風悲編茅尙是先生墅兩雪新添墮淚碑

牧仲曰惻惻不堪多讀

飲葉芋仲寒香亭醉歌兼呈荃伯

寒香亭葡萄酒歌新詞酌大斗人生樂意無百年

蒼狗白衣皆何有夜漫漫月娟娟挹芬芳於蘭徑

聽潺湲兮流泉或按劔而太息或解衣而盤旋折

筍續碧澗之羹炮鼉薦白玉之盤但歌將進酒休

歌行路難酒不厭冽花不厭殘月明中夜有懷無

端金吾門外莫嘆詞吾醉欲眠君奈何亭邊不畏

故將軍荃伯嘗為錦衣將軍座上誰拋金叵羅放自喜

寶刀歌酬牧仲以下祭

寶刀來自天子都疑是干將或錕鏐神氣陵空

不可觸鋒鏃十丈戒人目昔聞此物脫呂虔何以

識予豪氣偏三尺青蛇辱相贈萬卷黑蠅將盡捐

佩服恨不出上方盡誅人間豺虎復已許山鬼驕

白日何須冰鏢流輝光掩却輝光莫盡露生平羞

為游俠誤持此明日過延津不信真能有所遇

虛直堂文集卷十八七

恭士曰雄思英發

拜墓五首括得秋字

霜風惻惻送清秋衰草寒林變古丘豈必蓼莪堪

下淚可憐雨露總生愁杜鵑叫處雲常結乳燕飛

來水自流七歲孤兒今幸壯却教對越鬱深憂

狐鳴鬼火亂中州劔血從容寶婺休于年先慈以節死事詳郡

縣志到橋時悲陸續難從社日慰王修山河有淚

冰魂冷天地無情壠樹愁莫道英靈榮汗史貞心

原不為千秋

潦草從開土一杯烽煙出沒幾重憂孤城暫得黃

巾散落日難爲白馬留飛雨霑濡元助淚葬時細雨廉纖

驚鴻歷亂不關秋蒼黃弱子經營處亂離中竟得先慈遺骸遂

與先大人舍卒同葬時余方八齡也腸斷山猿慟未休

飄零一櫂瀉長流亂後行藏可奈愁痛哭巾車疑

姓阮驚魂鐵馬竟依劉葬事甫畢烽火又熾遂無渡河依侯輔之於曹南無

家忍望雲山疊異地遙傷稷黍秋可怪歸來迷故

里蓬蒿深處覓荒丘

回首塵氛二十秋終天有淚幾時休稱棺未及防

侵蝕耐穴何堪悔謬悠戎馬之餘無從治柳既不

迫脅故合穴反有柳柳成禮而葬未幾庶母卒以且高出於考妣之上大志欲營韓信地何人肯

與曼卿舟祇今泉路應無恙不見新亭不淚流

其年曰五詩言言血淚如開峽猿夜叫隴鳥春啼令人心碎

夢侯輔之以下甲辰作

魂去魂來如飛電華胥國裏突相見把臂牽裳是

耶非意態猶然昔繼絕畫棟刻楠非故宅棨戟排

門氣象赫簷頭鸚鵡嬌扇朱池上仙鶴舞袖白兩

行青衣侍綺筵盤飧非可求人間顧盼歛歛將

啟遲回若防屬垣耳排闥無端一老僧長揖不復

通姓名彷彿有人呼董生生何爲者發狂喜手向

大羅天上指牽予出門看姓名只有扁胸寒鷄無

侯子吁嗟乎青雲自分空悠悠白月可憐尙爾爾

寶山日境甚幻筆能副之

過侯叔岱別業時寶山館此

排雲直覓水西村柳影招搖處士門苔蘚新綠羊

仲關瓜田舊仰仰平尊花風撲座紅初落竹雨當

庭綠正屯莫謂仙源長寂寞有人一櫂破黃昏

石廡曰雅麗非脂粉色

贈曹顧庵先生

半世才名震海隅軒車落落窮途風流舊仰曹

公子憔悴今逢屈大夫賦就平臺春乍老夢回橋

李月還孤先生勿倦遊梁興邂逅如今有酒徒

送牧仲判黃州

君到臨臯日吾能揣宦情出門寒碧館對岸武昌

城何遜元同調舊司理何道岑先子瞻嘗有盟昔生爲黃州太守

寫于瞻像而以牧仲配者今判黃績子瞻後亦一奇矣興來搵彩筆風雨一

時驚寶山日只如說話是五律妙境

次韻和介山遊東園二首

春去今餘幾花殘更一過水神君灑灑製我姿

姿三爵傳金谷九年紀永和閨情灰冷盡聊試撥

陰何

尙憶東園竹追隨一徑過排雲天辟易掃徑雨婆
娑杯竿輕袁紹綸竿傲志和更能清興發陳迹問
如何

上虞先生日
押字不苟

西山蕩平喜寄牧仲

機槍夜落楚天空露布爭傳大將功殺氣舊連衡
嶽白捷旗新閃洞庭紅身分項羽江臯上兵盡田
橫海島中却念征輸連十載中澤何以慰哀鴻

其年日高
調似空同

臨蔡道中口號

是年十二月
遊黃州

虛直堂文集

卷十八

十

墟落積荒烟風塵夕照邊狐隨人跡後雉突馬蹄
前駭汗逢歸獵傷心入暮天不知賢守宰何日議

屯田

汝陽道中苦風暮宿三橋店

烈風捲羊角四顧失行旅沙暝大地愁坳壑丘壑
阻驚疑響林末微茫辨人語袖薄呵凍脣道迷躡
荒渚咄嗟顧老僕慘淡剩予汝陰霾天易昏行行
歸何所馬首就犬聲三橋出荒墅籬落六七家到
門還相拒所恨拙言詞含愁空延佇拱立不我憐
探囊出賜予豈敢望盤飧所求無村醅敷芻下衾

褊販賈相對處草根小偷勤一夜起三禦嗚呼久
承平此地獨如許天明趨前途殘煙絕禾黍

恭士曰老確處
如古柏岬然

楚山行

楚山之高天與齊迎面沾濕流翠微上山已拚蛇
徑絕出入千層還四圍偃腰振衣氣正急乳虎憑
陵對澗立路轉峰回疲馬驚強抽寶劍不能執更
是山猿聲聲頻一聲一淚挑愁人愁人乍閃疊巒
外又阻潺湲古溪津有愁不似凍溪淺有恨常隨
石徑遠千山雪盡滄江明一嘯風急白日晚

虛直堂文集

卷十八

十一

其年日縹緲合離若斷
若續最見太白神境

登黃州城樓

黃州城裏層巒出黃州城外萬帆疾山城半不藏
人煙江水全如淨練匹尺寸接連赤嶼陡蒼茫遙
對樊山口古今形勝還眼前魏武周郎獨何有山
自轟轟水自流荒涼空歎古黃州樓下人指猛虎
跡城邊時見麋鹿遊風物處處供愁惱况是輪轉
西山道一身禍患那足言欲爲蒼生叫有昊

牧仲曰鬱然有深情
非閒閒憑乎襟期

僧舍對雨柬牧仲

何物增愁緒孤城受雨痕草分千嶂濕嵐鎖一江

昏乞米勞僧飯賒魚佐客罇曾知乘輿權已到戴

遠門徵仲日三四
寫兩極工

春來以下乙

黃州何處見春來江上梅花一夜開家鄉亦解迎

春日說道春回人未回

彭士報相鄉魏相國客也遇於黃州宋別駕

署中賦贈

珠履何來漢水濱振衣却帶帝京塵漫誇楚國三

千客敢笑平原十九人鄉背亂帆風雨暮榻分羈

館夢魂親幾時復上孫弘閣莫怪門前灑掃新

崑林先生曰山蕭黃州諸詩恍惚之
餘出以溫麗可謂詩人之蘊藉者

山中早發是年秋
遊金陵

宵行三十里山色散平明石磴千盤出沙泉百道

鳴雲爭當面起鳥解近人驚客路憑消受西風萬

木聲

九日雨花臺次侯朝宗舊韻五首

茱萸此際插清秋獨倚晴巒孰與儔自是沈烟消

王氣猶然綺日麗皇州幽憂亦對千頭菊形勢翻

憐百尺樓閣向遊人聽往事六朝次第說風流

西風俯仰最蕭森剩有白雲鎖暮岑到處淚痕孤

容憤况堪秋色大江深羣山鬱鬱霜鴻影斜日荒

荒翠殿陰顧盼牢蟻天地濶雨花臺上費高吟

天花不信下珠龕但見僧雛戲小庵非為青山懷

古佛已憑白眼謝華簪疎風落處媽紅樹好鳥歸

時濕翠嵐選勝莫言龍虎壯憂心拍拍起如悒

高秋那處不凄清一嘯平臨白下城有意輕霞驕

暮色無端亂杵颺歸情三都記室空留賦五斗參

軍正解醒莫笑花前真落帽澄江趁取濯吾纓

登臨盡日俯磨出過眼全收萬里帆遠浦寒光朔

水國他鄉苦典寄雲巖廬陵果是秋生樹司馬生

教淚滿衫却是關情新月上長于兀坐玉觥衝

牧仲曰五詩悲壯雄渾
觀先倡有積薪之歎

酬沈一儒餽白秫仁以下丙午
丁未作

聞爾窮愁愁心悄長鏡黃精艱一飽何處奇種偏

分人顆顆勻圓稷雪皎伏波空貪薏苡多合浦真

還明月小滌鑄細煮充夕飧浮浮香生老瓦盆豈

有胡麻能勝此敢誇安期驕羨門推食食我情已

篤况復佐以郢中曲澤畔人誰謀鴈梁樹頭欲共

填蟬腹君不見少陵日糴太倉米男呻女吟饑不

起我今亦已四壁空何意充腹多且旨昨夜滕六
蜚霧穿冰頭尙餘一甕雲人生安有興盡時願爾
快我楚然聞介山曰風調何減少陵

賦得白松

曾見白松圖白松得似無平臨嵩嶽迴低壓石樓
孤漢月還相照秦封未可汗依稀千丈雪長與夢
魂俱寶山曰是送賦神理

賦得平臺晚眺

自從客散孝王城獨倚平臺別有情月色還疑留
積雪風光只好問飛英幾行倦鳥求林急一片歸
雲過眼輕凝望不須悲往事到今枚馬總浮名

石廊曰清側

賦得菊潭

果是潭中水菊花引壽長可憐漢武帝空自覓仙
方

松巢野叟歌贈田雪龕

種松自稱松巢叟有松爭似彭澤柳五柳猶嫌後
世聞叟也逃名志已久歸去來兮春復春相對只
有老龍鱗清濤飛時原不斷白雲掛處尤相親四
載松巢予舊過柴門白晝封烟蘿相見不復他問

訊主人呼酒我長歌長歌一聲日已暮簌簌風花
榜人度同時鄭郎石稱最歡爛醉笑倚松巢樹松
巢如今似舊無同人爭繪松巢圖清骨好陪陶隱
士占色莫呼秦大夫昨日讀君松巢賦依稀煙霞
生竹素明日還擬事幽探一字一杯相關酣松巢
松巢堪不堪其年曰極得支離叟之神可云兀弄

豈謂

豈謂黃農沒還存太古民行藏蓋世好迂拙恣天
眞髮逐霜華樞人隨酒氣醉逢時元有技不必怨
沈淪落機曰結語最是解人

虛直堂文集瑤圃詩卷十八 五

過侯敷文別業以下戊中作

過眼林光變東風次第催悠然清興發遂爾踏春
來白月窺書幌丹霞落酒杯無勞陳樹下便此臥
莓苔張宛客先生曰一氣流轉有自得之趣

謝陳其年源韻印用送別

一笑纔臨白板扉當筵却唱惜分飛孤村落絮辭
春色辭徑殘花戀夕暉擅袖風生搖筆健轉頭日
落亂山圍知君去去轅還非豈老江南薜荔衣
落落

落落不得志蹢蹢歎此身那知邂逅處却遭意中

人阮嵇非真達荀揚寧大醇相視只相笑披懷難

具陳徐邈黃先生曰何人當此清鑒使我動淵淵之想

次牧仲雪中見懷韻以下已酉至丙辰八年

感君相問訊何以度冰天鴉結曾無恙鵲巢亦好

遷病將辭酒聖才獨讓詩仙為報燒燈候準移訪

戴船實山曰如此清穩何厭其平

石公之母歌

石公之母八十秋四十餘年廢柏舟繼續艱辛燭
借壁桑海閣歷霜盈頭大兒膝下能力田小兒髡

虛直堂文集陸圖詩卷十八 七

髮逃於禪家住苕溪雲山壯早暮飛歸葡萄杖一

指禪機吾已知陟彼岵兮秘密藏學雖云佛生者

母袞袞颺作斑斕舞青鳥翩翩虎溪風天花鏡鏡

瑤池兩青鳥天花何有無油油一本念髮膚無源

必竭無根枯復之不遠其來乎

牧仲曰持議既大筆鋒尤可辟易萬夫

呂公堂

亂水環臚渚荒祠帶夕煙崩崖無去徑破壁自何
年草護仙人竈門停醉客船鍊師如有意為我奏

虞絃有道士能彈琴

贈張玉標

文章論當世久矣柄與鑿自君來平臺愛者慘不

樂言我鼓瑟徒終年滯丘壑何如工齊竽一吹驚

燕雀再吹鵬翼起三吹入遼廊塞耳君不聞與吾

別有約相視快莫逆意趣競騰躍前年君見收國

人盡錯愕今年又見知幡然問所學一時蜚大名

紙貴三都作君詎有異授觀者輒非昨俯仰天壤

間捧腹發大噱汴水秋風清上林春不惡從茲慰

彈冠吾道豈索莫一二故人來濁醪相對酌酌罷

復長嘯夜月澹籬落有客發狂言富貴非所託努

虛直堂文集陸圖詩卷十八 七

力崇素期素期益不薄石廊曰人情自堪一笑筆能曲曲寫出

送曹生歸新安

幾日秋風便憶尊別筵笑語亦傷神片帆指點黃

山舊孤客淒涼白髮新倉扁寧甘稱藝士曹劉止

好作詩人果然不負重來約願促梅花報早春

還一上人書

自從飛錫到柴關又復長吟數月閑鳥許簾邊窺

翰墨春憑雨底變塵寰終年木榻心將稿數卷箒

燈手尚刪聞道禪家無罣礙可忘卷帙寄人間

示侯甥方至

當春色色媚華筵，況復蘭陵酒似泉。舞舞偏撩銀燭後，珠歌恰倚鳳笙前。爭知歲月容行樂，誰信蓬瀛別有仙。義馭匆匆須自問，功成鄧禹是今年。是年二十四

聞張匏客先生棄家入寺賦此柬之

兩度相逢三十春，幅巾錫杖出風塵。山中日月閒無恙，筆底雲烟舊有神。先生曾以春日園寄詩三章見寄

身聊古佛行藏，千載老頑民。傳知穩臥招提境，可許人間問避秦。

柬侯子力

虛直堂文集 卷十八 圖詩 大

自有拈髭與奚囊，近若何積薪容爾。上刻燭許誰過，照眼花枝麗縈橋。雨雪多，昨宵扶醉去幾度費吟哦。

畫竹酬以詩

半世王猷癖年來，失此君一時。羅篔簹千尺插煙雲，淇澳風全受。湘江雨乍分，慚無酬永好。五字寄殷勤。

宿州道中二首 以下丁巳遊蕪湖作

迷離殘雪曉山色，近人開不識符離道。但看積翠

春寒不肯收，隨意倒村甌。白雪能生與青常不掛愁。

遲宋子昭使君不至

殘雪遠山明，停鞭古宿城。出門三百里，望眼二千里。程破壁寒爭入，孤杯悶又傾。北來多少客，不見使君旌。

醉翁亭

疊疊山不窮，一峰插山外。小橋僅勝人，孤亭聳如蓋。澗幽窄逾鳴，鳥嬌紛無賴。石磴流澗滑，林聲碎瀟灑。悠然思醉翁，醉翁不我待。攀藤謁荒祠，森凜似翁在。千秋文章伯，憑弔堪一拜。翠屏遮不礙，徑蛇盤還闕。陵空披濕嵐，排雲踏天界。樵兒小如拳，春光嬌於黛。千壑羅几席，萬象收盼睐。下臨叅天竹，拂拂巖石礙。翁所手植梅，杈枒半已壞。陵谷凡幾更，橫斜尚保艾。疎蕊星宿光，老枝虬龍怪。折枯試小嗅，幽蘭謝醞醑。盈盈鑿瓢泉，潺潺疏微派。放杯清淺流，曲折相介賚。劇飲誰最酣，區區先為憊。睥睨宋使君，子昭頽然亦有態。脫冠戴危峰，解衣覆荒萊。不知環滁境，細記醉鄉概。出門莽四顧，一笠歌欲敗。往酌六一泉，觸手牽蒼葦。灑灑浸骨清，陶陶

虛直堂文集 卷十八 圖詩 九

陶陶

胸披襟快徘徊戀名勝俯仰發感慨世人空乾死
醉殊身名泰雖薄阮籍狂好笑屈平監能醉豈
人到今獨翁愛謀身又可思無令醒者戒

黃山曰無言不老無旨
不深結歸醉意尤警

四懷詩

匏客

我所懷兮河之湄高風直接陳希夷幅巾錫杖憑
支離絕迹人寰好自得花流未有漁郎測藏身一
笑西王國

我庵

虛直堂文集卷十八 詩

我所懷兮我庵生油油一卷潛身名岸然不問人
間情古調不彈亦已久廣陵聲在人知否等閒爲
我一招手

潛庵

我所懷兮潛庵公懸車高臥蓬蒿中河嶽星雲羅
一胷人生志氣豈有極先生別有陵天翼我欲從
之未可即

箕山

我所懷兮逸德軒涉江浮海探淵源數奇虬髯落
霜繁家無僮儲心自泰引我常於文字外孤松似

與伊人對

恭士曰用四愁發端
而旨趣非平子能知

葉井叔先生舟次話別三首

小港孤帆快溯洄萍踪莫漫逐風開客情不及江
皇鷺一霎分飛又復來

相逢草草又西東千尺澄江結恨同欸乃一聲雙
櫂失宿雲縹緲亂流中

我尚淹留異國秋解維不厭語綉繆雙魚易得閒
來往西望樊山是上游

黃山曰冷妙王
李家法盡此

虛直堂文集卷十八 詩

嘍磯

大江之衝磯如削危壁虛巖踏欲落下有神蛟萬
丈穴蓄怒噴激潭面惡昨聞風雨驕真形奔雷掣
電劈山角頭枕層樓吐暖霧尾谷洶流注遠壑出
沒濃護水雲黑光怪駭人看不得祇今風靜波浪
平靈氣猶使心悚仄簫鼓畫船使君來湜湜清江
足氣色其中有人出沙漠鋪編相對跌雙腳酌得
銀椀首半稽盈盈自獻香乳酪離豕羔羊齊列陳
金爐鐵筋手炙灼兩奴抽刀跪向前脆齠肥臠供
大嚼我復乘杯壯懷生起倚春風望寥廓隔岸人

煙羅萬家依稀歷海樓與閣遠下亂帆漂似鳧濕

疑翠靄覆如暮日去雲濤幾時回風流淘盡我安

託我安託今蘭櫂發長笛一聲江水咽醉擬乘風

到采石又有狂生敢弄月箕山曰神

子略曰鋪網相對一段非山蔚筆不能形容曲至而通體尤是清蓮風致

識舟亭同周雪客賦

巋然一笠俯長流萬點征帆次第收牕外水雲封

曉夜樞邊濤雪疊陵丘春扶野色侵亭暖山擁晴

花入座幽莫怪銜觴豪興發長江滌盡古今愁

石廊曰壯麗

虛直堂文集

卷八

主

蕪陰宋分司署中應朱鶴門先生教先生舊河南學

者使

當年一顧有餘榮況復江頭愛客情杳靄湖山供

授簡飛揚管籥媚傳航蠹魚自分從書朽衰草無

端為雨清莫道萍踪容易別從今笑語在牆羹

虛直堂文集卷十九

商丘劉榛山蔚著

同里宋犖牧仲

睢州田蘭芳箕山詩

鈴語集起戊午訖甲子

贈徐季畏以下戊午作

滄溟不可測出沒羨錦鱗錦鱗知何屬爭來投絲

緝我亦攘臂者追隨四千人四千誰尤勇徐仲其

敬適等倫左手塞蠅窟右手轉地垠海若笑而謝

毒龍醒而馴飲買高樹勇常發項籍噴彊者服其

虛直堂文集

鈴語集卷十九

一

力智者恆其神惟予亦甘讓何況同氣親回首視

季子縮頸求遠巡逡巡仲氏後聊試問水濱忽然

巨鯨出拾之若輕塵相顧皆喪氣仲亦歎積薪由

來尺蠖屈乃以得大伸蹉跎仲與我鬢絲將化銀

屢求無一當雙眉恥長鬢一二坐觀者微聞太息

頰寄言羨魚客要乘壯志新壯志容易遂笑人何

苦辛恭士曰控縱仲縮深情老法

弔周蘊香三韓周爾茂詩集之女事詳貞女傳

周家女兒名蘊香紅絲久已聯金郎金郎東粵口

血乾求凰又向他入彈誰謂河廣一葦杭薄倖豈

以道阻長薄倖辭以道阻長雙魚如何來睢陽擲
書鳴嗚背人哭羞對天桃燦春旭由來烈女止從
一鴻鴈尙知有定匪定匪何妨明一死實見沒寧
勝忍恥欲死人前死不得閉口不食情脉脉脉脉
此情孰與訴西樓日影頻回顧忽起梳髮試靚妝
自言移晷登冥路決絕爺娘別姊兄果然玉碎萎
香蘅翻雲覆雨從難定不怨薄情怨薄命薄命獨
知凜大節烈烈肝腸光日月儒臣名將滿邊疆反
面自誇明且哲正氣乾坤有幾許不在男兒偏在
女嗚呼不在男兒偏在女寶山日音

虛直堂文集 卷十九

示侯甥

不勞園野望春色在芳筵餘暖分花底新聲落酒
邊貂還容我做鞭已讓而先明日金臺上莫云似

男賢侯第仕

送于生以下已未作

東風吹遊子飄然出門庭問君將何適燕山覓詞
聲麗寄一賣友杵臼如浮萍驢疲日易晚鷄促忘
不明少年負壯志談笑離別輕有人折楊柳遲回
短長亭一觴春陰移嚙嚙別有情仰觀隨陽鳥黍
時知邁征明日楊花飛九十誰與爭班馬驕欲

行人豪氣橫意薄二千里未堪壯行旌一室坐消
歇何若逐浪萍腐史擅文藻亦因遊覽生言辭足
慷慨意與殊崢嶸知爾不可留揮手各自營計日
迂歸裝好懷爲我傾寶山日結

介山日筆如神龍
天矯出沒不測

贈樊奕文先生二首

當世論聲氣生平恥與聞汨然存故我迨爾一逢
君賦愛枚夫子官憐鄭廣文秉鐸無邊慷慨意悉
付龜頭雲

已幸心期合還兼故里親先生家桐柏不知梁苑

虛直堂文集 卷十九

雪可似石門春牛耳當持世舉比那讓人往來乘
輿權莫厭幾千巡笑文日不知梁苑雪可似

戲東雪上人

南湖三月花似錦高陽舊徒清與引飛檄先報山
僧知孤負春光公何忍錫下白雲寺名將三秋攬眉
蓮社誰綢繆悶繙貝葉十萬卷那如隨分酒一甌
闢公說法空復空茶鑑酒壘將無同若忍杯杓便
生天西方何用枯喉翁枯喉枵腹云苦行多恐斷
滅本來性天地何寬自拘束胡不曠達我爲政紛
紛俗子言喧騰向朋高致當毋聽公家之法心爲

本矯飾無乃非其情憶昔耳熱三杯後豪狂氣欲
吞宇宙但飽牀頭一甕雲不似形骸如今瘦憐公
辱辱老病身欲飲不飲笑殺人明日出郊共被袂
要公一醉還天真牧仲曰嬉笑成
文大似蘊玉局

用前韻上已修禊西湄遲雪上人不至

近水風花鋪雲錦有客濯纓牽復引岸葦新抽五
寸肥暮天數席踏不忍滌消之風羞千秋蘭亭曲
水堪綢繆分題限韻懸約法依舊金谷浮三甌老
將壽豪氣摩青空弄筆熟與弄劍同孝廉恭
士舍人
山分堅壘詞鋒能敵浣花翁南湖老僧狂者行常

虛直堂文集卷十九四

憑杯酒見真性忽然藏頭如縮龜嘲之者誰劉子
政白鴨沒水黑鴨騰漁榔權歌總堪聽小雨浙瀝
潤春色灑然益長丘壑情君不見滇黔閩粵烽煙
後轉餉徵兵哭宇宙秋風慘惡春風腥弱者溝中
壯者瘦且得一日偷安身肯許洞口花笑人擬倩
丹青繪狂迹其誰能寫歡情真

箕山曰宋人每以押韻見奇愈
出愈妙山蔚於今可不愧古人

弔劉學憲四首以下庚
申作

燕臺昨日下賓鴻指點湖山趣與同關上幾疑飄
紫氣江頭早見挹清風蠟成謝客登山屐彈取中

郎入樊桐何意浮雲多變態御從箕尾問長空出
都門
而卒

自甘伏櫪老餘生不向人前振鬚鳴西極無端徵
汗血南天欲共采芳蘅香疑滿袖辭金闕魂已營
毫賦玉京極日雲山無使節只令風雨拜銘旌

兩度平臺結隊游如今但見水東流朝煙寂歷迎
孤櫬夜雨陰森護一丘夢裏皇華還故國風前白
馬弔清秋九原若遇王司李巖為道功名只贅疣

朝承使命夕黃泉剩有閒愁付杜鵑豈謂百年無
盡日不堪一瞬散荒煙環中好信乘除數世上難
期備強天檢點餘生饒闕略誰容長晝坐遷延

箕山曰結尾無
聯語卻有警發

雪中校士歌和田箕山韻應吳學憲教

袁安穩臥冬將半久無心情悲素練使君梁苑鎖
關開恰復滕六索白戰特呼幽人踏蹬來虬髯髯
衣光片片羨君如遊廣寒月憐君能唱郢中雪已
見三都傳洛陽還當子虛遠 丹闕大雅之堂久

寂寥一日名轟長安陌惟予亦陪賦雪臺豈憑浮
藻追鄒枚願與同堅歲寒志不然羞殺空羣才

李了金
日結篇

太守胡公署中玉蘭秋放

別有春風自玉張不須白帝妒東皇
潛來雪花曾無色移上蘭皋不辨香
苗著殘時餘粉白戎葵放處失金
黃花神欲媚風流守故遣繁葩鬪
曉霜

恭十日丁
於賦物

栢鄉魏相君以演連珠五十首見寄賦謝

謝政多餘暇含毫逞秘思孤懷元莫
盡約旨總堪惟事業經天熟文章
衛道奇屑將霏灑灑珠實貫纍纍
藻采陵班固風流奪賈遠丹書當
有獻大寶許相規始信談言中况
兼絕妙詞銀河雙鯉下甌

虛直堂文集卷十九

編一函披陸學休稱海匡詩果解
願止襟三誦過想像古阜夔

敬仲曰莊雅
中氣自流逸

過侯輔之墓

不覺君夢稀但見松楸老回頃野
烟迷莽莽西風曉介山日悲情
語不在多

次恭士賞玉蘭韻

孤負東皇甚尋芳勉一過出來開
徑好獨此貯春多積雪裁仙佩濃
香盪月波怡情吾不盡欲問夜
如何

次恭士韻賞玉蘭之明日大風憶王人

園中何以遣此

且留春在眼陡起如花風雪想飛
將盡蝶知亂同誰容標素質吾欲
泣芳叢借問夷門老王人侯
子力也幾回感慨中恭十日
寫風花入神

贈湯潛庵先生

自從勸駕脂蒲輪香雷雲山三四
春呼嶸嶸納登麒麟手搖彤管力
萬鈞大書特書懼亂臣傳疑傳
信傳其人天子曰都格汝斌腐史
餘才何足伸爾道淵源洙泗濼操
冰握玉醇乎醇大義微言久鬱湮
高者聲華甲貨珍詹詹邪淫瀾聖
眞星日晦

虛直堂文集卷十九

蝕光燭燐惟汝披雲指漢津道氣
帷幄薰蒸晨杆下親承王綉綸日
橫遺經颺喉唇侃侃今古恣披陳
嘉納謀猷欣不與炙手可熱秉國
均招之不來偏強身天子一日從
容詢侍講湯某誰之倫稽首豐沛
老舊臣曰臣未曾接笑顙但聞高
誼空儒紳衾影兢兢不染塵天子
曰爾誠忱恂朕固知之道德純文
章衰靡氣不振疇磨朗鑒精搜掄
況是大國浙江漚在哉汝諧休遯
巡手劈南山分玉珉追琢圭璋貢
紫宸天子勞之卿苦辛美秩崇階
九遷頻美秩崇階九遷頻一節終
始瞻嶙峋

領略春風侍文茵，促膝抵掌誨諄諄。從此畔岸能
漸臻，遭際何悲時，命屯人生動如參與辰。良會幾
得相依，因殘雪百里馳，憐麟幸及先生車。未巾大
醉劇歡，忘主賓，其誰狂歌劉生榛。潛庵先生曰：神似昌黎。

元夜讌集以下壬戌作

煙花欺白月，笙鼓溷清宵。醪酒元無厭，得朋不用

招仙常吟杜甫在座八人，酌肯諒寬饒。冠蓋逢迎，瓊盤

餼次第消，狂知韓尹怒。謂別駕丁公至，醉許灌侯驕。謂周恭戎

小隊遲聲，媚儂燈碎影，嬌狎遊渾欲舞。逸典漫爲

誼賒，取承平象，晨雞儘徹霄。

虛直堂文集卷十九

送石廊人鎮安幕

中土之民畏行役，兒女閨房步踟躕。百里縮首，羸
羊腸千里，咋舌愁馬跡。忽聞毅熟，鄭郎遊粵西險
巖萬里，輕航梯洞庭之波，洵不測况。復灑江鱷魚
溪，伏波銅柱界中外。此行直入南交，內日午炎蒸
不可當。蛟蛇縱橫，尋人害瘴烟之發，無時期穢氣
入鼻藏。已遲，樵榔爲飯口流血，猩拂與隣人作糜
其不可遊歷也。如此何如安耕穩耨，梁王苑一旦
投身荒微絕域，欲何爲。山蔚聞之笑啞啞，井中焉
與言。游船丈夫生而弧矢射四方，奈何束縛自老。

陵天翻鄭郎少小心，英雄要從管樂爭。勳庸五十
躡蹠諸生籍，拊髀自憐無。遭逢遭逢何大小，知已

天涯少有人，新開蓮花幕。禮幣爲羅上，遠道人生

富貴功名天，斬之窮愁著。書自主持君，不見龍門

客。浣花翁遊覽能教文字雄，鄭郎鄭郎壯哉此行

閱歷見聞，闢艱虞神智生。覆此一觴，君徑去區區

鄉關何足繫，客情晉山日頓挫雄警盡情文之美

盧溝道中是年秋遊京師作

蕭蕭南去馬，轉轉北來車。深陷平沙軟，滑箝子石

疎市迷黃霧，後人亂黑風。初控轡長橋上，息心念

傲廬

王阮亭先生見招限秋菊有佳色句爲韻同

馮大木蔣京少錢介維各賦五首

雨餘澹清曉，虛館集百憂。疎葉驚自下，吟蟲驕不

休。由來旅魂黯，殊對籬花羞。抖擻發老興，大白醉

素秋

側聞岱宗雄，五雲噴其腹。我家莽隰原，千里徒極

目。歛然蠟雙屐，引納躋大麓。靈怪不可窮，含情擷

霜菊黃山日此與妙合

無恙黃金臺，招致原不偶。欲謁牛耳尊，其如

朽湖林化新榮，射叅勝耦自顧令德，懶浮名悵。

何有

漸老悟詩律，尺繩懼違乖。巨人關靈境，一筆清氛。

鍾上下千年間，豁然勞鐵鞵。時序陳者謝，物華新。

自佳。奉士曰清音於於

駕言歸敝廬，了予場中稽。隕毒吹急風，聚合那易。

得滿酌滌鬱，愁雄談破狂。感明朝憐回，首朔雲橫。

秋色。

牧仲曰五詩淡味可咀

枯松歎

虛直堂文集卷十九 十

慈仁寺松不記年，奇形怪質人爭傳。我來長安亟。

相覓，僅有存者一二焉。枯枝不勝風，雨如朽幹窳。

從猶叅天誰為好，事植廣嗣龍吟鶴舞，書如椽雙。

翼欲舉，復低彈矯首月明還。依然靜聽乃獨寒，無。

聲立盡。西風誰為憐，嗚呼盛衰榮枯只如此。矜華。

關艷空新鮮，昨日之陵今日谷。今朝之海明朝田。

人生營營苦不已，光陰彈指歸原泉。北邙山頭盡。

豪貴與松同化，為飛煙。志士胡不蚤，永圖坐令後。

人悲從前。實山曰寄託深覺

施愚山先生招飲

我生滯窮谷，攀拘無見聞。一朝奮遊屐，來眺燕山。

雲嵯峨，盛氣象繁華。結氤氳，新聲競相奏。宮徵流。

奇芬何獨上，陳榻操絃殊。所云古調一再彈，如聆。

典與墳，豈其堅高卧。而以張孤軍，大道元有託。小。

子焉用文，太息累巨觴。留連遲夜分，歸來振衣袂。

濃覺道氣薰。愚山先生曰清思矯矯風雅在是矣

黃俞邵見訪

聞知闕下徵三長，中有褐衣趨。鵷行紙背欲蒸紫。

海氣筆鋒直，奪紅曦芒者。宿久已聾吾聽，何所聞。

今到短徑會撥軟塵，二十丈去問君家。三千乘。俞邵

虛直堂文集卷十九 十一

藏書最富

實山曰進止合度

孫靜紫相訪，兩不值。

何緣知我踏緇塵，一刺先來問故人。卻笑浮踪如。

弱水東流西去，總難親。

謝方山先生席上言別阮亭先生以菊垂今

秋花句分韻得菊字

驪駒且忍僕夫促，一舉十觴未云足。人生聚散如。

浮雲，要須飄然還山曲。我已淚盡嗣宗車，君莫擊。

破漸離筑黃金臺上，秋氣森滿眼蕭蕭。正落木樗。

散元非慕折腰心事無端浪脂軸長安貴人爭相
憐畫有招呼夜有卜其中何人情最親謝傳風流
酒自漉分題書徧南牕蕉爛醉摘殘東籬菊莫怨
東籬花早殘花殘不似人別速長亭短亭難久淹
揮手齊放黯然目黯然瘦日照馬鞭回首霜風響
斷續

次韻謝方山送別

古人自有千秋垂今人只見言而卮俯仰依違我
無王但以韓娥爲歡悲天運人情日不振大勇其
誰如熊羆我來長安見謝客授簡刻燭相追隨抽

虛直堂文集卷十九 七

思自欲織雲錦煉語直堪補天維纍纍牙籤連百
屋滿貯腹笥無能窺昨日聞權崇文門不知自潤
皆云癡相君授鑑四十萬詔買御用憑發施人見
金如見日芒不敢仰視跪承之員外當庭立不動
夷然四顧拈吟髭或問君何獨爾爾曰義不受商
人嗔立呼羣商相君前明白瓜分如列眉垂袖出
門上馬去觀歎爭如傾陽葵曾懷落落了無欲定
有獨好美如飴濁世得君不偶然欲更相人心已
疲舉鞭不上郭隗臺落日聊揖梁公祠時倚清秋
共餐英况辱別筵還摘詞一時風雅快聚合十千

聽我如繩澗此後聞聲好相慰不獨妙傳千爲詩
石塘日特取一事寫謝先
生身分是史公列傳手法

次韻謝大木送別

相逢一笑輒復休盈腔都是蕭瑟秋楚人火弓楚
不釋求復墓
田未遂燕山留人何須留君吐豪氣三千丈
已陵漢家二百州收攝鋒鏖了不露怡然三爵而
油油言語嘔啞笑鸚鵡衣裳濟楚憐野癖奏筆如
刀若然快目中自來無全牛邂逅長安辱愛惜不
是當今稱應求贈我纍纍珠相貫愧無巧喙鳴相
酬况復連營皆勁師謂方山京
少介維支持傲賦無從接

虛直堂文集卷十九 七

文叔常矜大敵勇今欲高壘還深溝歸去十年習
訓練不敢輕作雲夢遊上馬南行將東折舉鞭直
問尼山丘我意不欲成孤往逼近君里有意不
家德把杯且極今夕歡不必悲聽雍門周

介山日一氣豪
宕脩然自遠

次韻謝京少送別

太陰之窟深餘劄竊藥金蟾爬其沙八萬二千供
脩鑿瓊樓玉宇懸清嘉我昔聞之不敢信今日親
到玉皇家千羞萬珍見不鮮世味只堪於陵哇少
壯龜從海岸蚌冀俸五色吞其華回首底事空已

矣。老景疾于馳驅，豈知有人生奇絕，隻手能運
望舒車。大步直追青雲走，笑殺唐廐拳毛騮。齒牙
曾無烟火氣，夕餐沆瀣朝流霞。相見問我來何爲，
自悔眞如添足蛇。酒後齊奏韶韻護嘈嘈，亦許彈
箏。芭生長窮野，陋無聞纔向銀漢求津涯。歸去秋
水清無滓，廢圃亦饒彼茁。葭此後山中有問訊，小
溪未必流桃花。簣山曰：斧鑿無痕，自然新雅，得阮亭先生之秘傳矣。

留別牧仲

權關使者辭朝堂，有命改卜才猷長。紛紛忙殺尙
書郎，君獨假請眠匡牀。蜂蝶蝶憑披猖一枝寒，

虛直堂文集

卷十九

古

瘦遲孤芳，我去無能贈言昌。但願常酌廉泉香，君

不見潛庵湯牧仲曰：一枝寒瘦，敢不拜嘉。

清江浦遲張使君不至以下癸亥遊越作

兩雨風風兩不休，印須浦上苦淹留。疎編草壁寒
長劇濕結江村霧，莫收有酒何堪消。漏箭逢人且
喜話方州，誰知昨夜三更夢已傍。乘槎漢使遊

浦上卽事

閑行無定處，來往狎河流。好趁青帘下，兼之畫舫
頭。捉魚生落鼎，學蟹嫩臨甌。俯仰春風岸，醞醞未
解愁。毛李蓮曰：捉魚何新附。

上已大風獨遊清江北岸不渡而歸三首
纔到江皋便欲回，春光幾許耐風摧。有人笑鯨雙
鬚去，贏得羅衫兩袖開。

無聊沙岸漫徘徊，覓取黃壚酒一杯。爲客不知逢
上巳，見人雙插杏花來。簣山曰：開筵。

老來強作踏春行，溱洧風流此日情。須信雪濤三
百丈，爲噴霜鬢數千莖。

編蘆歎

竟豫之區河爲殃，繞岸千里無枯楊。借問茅茨何
承藉，束粘密密聊排張。河淮交處民益巧，編蘆如

虛直堂文集

卷十九

古

簞，樽爲房綯索上下相聯綴。一色波紋疎容光，我
來棲留當三月，四壁常苦春風颺。往歲劇寒井亦
結，哀此民命胡能當。詎獨無有一人陶不然，版杵
還差強。父老歛歛前致詞，如君憐我其誰行。君知
其一不知二，昨夏回祿尤悲傷。星飛日墜火龍驚，
地黑天赤霹靂狂。一然百燎撲不得，爛膚焦毛煎
腎腸。餘喘復此插葭葦，豈其覆轍吾儕。忘人間何
處覓樂國，忍死姑守舊井。瀛貧家從無百年計，苟
且爲之遮雨暘。河伯怒比閼伯甚，往往洶濤如堵
牆。破堤直同灌蟻封，堅砌厚築安遮滅。更是夜來

殺塵毒不如籬落猶輕揚我行聽此三歎息恨不生逢文命王無事之行今已矣束縛焉得不潰防回首萬夫方塵塞誰惜脂膏填汪洋

雙南日厚力堅光波翻起滅可敵少陵兵馬行哀江頭諸詩

謝介山言送別

從今莫言枚與鄒由來小宋多風流六義淵源有秘授說詩豈但匡之儔唐鑿劍閣未盡開明泛揚寸只刻舟戛戛陳言務盡去軋軋秘思期新抽臭腐昔鄙元與宋豈知神奇當冥搜君屢言吾半疑信昨日特作長安遊杯酒側聞阮亭論驪珠始知

虛直堂文集卷十九詩集七

君先收我生既苦鈍且拙過時又復霜盈頭偶着遊屐下吳越浪迹殊為年華憂新製卻勞裁雙壁陸離統扇光銀鉤黯然具見知已情懷袖出入無時休靜諷微吟求其似果是子瞻別子由二宋詩俱用子由韻古音鏗鏘不可得學步嘗向邯鄲愁清江蒲上暫維楫苦相思憶聊為誦此道君須亟倡引旗鼓能讓他人不惟我亦欲強解事相期犄角於來秋

實山日鍊字琢句愈生愈老如此便是自得又日磨鑿劍閣明泛揚子二語道盡詩界

蒲上寒食二首拈得

我來蒲上時一寸剪春韭春韭照眼發倍之忽八九義馭無乃忙春光欲去陡旅魂不知時村婦插楊柳陌上歸人多隴上紙錢有松楸獨不見臨風空回首

出門將奚之晚煙籠釣叟一舉躍白鱗再舉摘巨口欣然采吾願呼奴折新柳杖頭盡捐予潑潑雙貫走將覓杏花村果見青帘有行行古渡邊壚在無人守艤舟若相識欸乃連招手含笑謝舟子人涉叩還否雙南日開情磊落

兩真知時節傾盆薄暮陡憑陵茅茨殘狎侮籬落荷疎疎旁苦仗垂垂上復有牀移再還三衣流十已九當檻泛野見入甕沈老缶有懷情難言大明衆壑吼

虛直堂文集卷十九詩集七

實山日二詩所謂漸近自然

無聊

無聊

只是無聊賴東皇怨不窮奈何愁客雨還助如春風花已悲流水人寧愛轉蓬姑將羈旅意收拾付鄂筒

題壁

誰知孤容易因循只是風欺雨妒辰魂夢暗教三

月去今年祇算二分春

喜晴

忽見朝暾白迎人爽氣鮮。鳴飛濺宿水。燕舞破新煙。春解生明媚。山能變秀妍。豁然煩慮釋。別是旅中天。雙南曰：曠而逸。

見月

昔我辭鄉月清輝。特地圓泉頭。還似舊。今是照誰邊。雙南曰：古意。

贈張晴峰先生

有女五十貞。不字髮髮兩鬢雪。華綴朝牽蘿蔓補。

虛直堂文集鈴語集卷十九六

茅屋暮借隣燈。紡機緯朝朝暮暮。銷青春閨閣。幸不侵。風塵織出錦字。將誰寄。繡成鴛鴦。怕見人錦字。鴛鴦俱兒戲。抱影空房。老棄置。有志羞說。悅已容此身。不嫁輕薄。婿何所聞。兮諧蹇。脩何所見。兮結綢繆。明璫髮髻多。羞澀入厨。三日羹湯愁。高樓此際。觀羅敷夫婿。雍容。且都乍辭。閨闔黃金闕。去檢合浦。明月珠。伯樂之廐。下和。匱天下非常。盡羅致。御取無鹽。充下陳。來與牛女。耿纏次首分野。歸妹。出來歸。有時琴瑟。鐘鼓快相隨。何以葑菲。仰答君要。保德音。終世芬。

晴峰先生曰。三唐之精華。撮六朝之風韻。而身分之高。尤有振衣千仞之概。

嚴先生釣臺

富春江上峙雙臺。臺下長江去不回。星間聊憑澆酒去。羊裘那更有人來。無心釣侶風雲薄。得意山靈錦繡開。山號錦峰。繡嶺。多少興亡安足道。千秋獨此足徘徊。雙南曰：一氣渾淪。

感興三首

登高望不極。手揮白雲翔。白雲籠疎竹。中棲孤鳳凰。鳳凰從何來。言自淇水旁。淇閨未蕪盡。一二留蒼食。離離正結實。亦堪飽其腸。無端奮高翼。遠隔

虛直堂文集鈴語集卷十九七

瀟湘。湘水蕭艾榮。荳蘭不芬芳。千仞歘然下。栖栖徒苦傷。

昔過豫讓橋。嗚咽橋邊水。水流尙有情。何怪壯士死。臨風發三歎。千古誰知已。國士固難。不遇亦

其理。箕山曰。所謂裁縫。厥盡針線迹矣。

西北有汗血。丰稜具瘦骨。千人過不觀。無求極自伏。一朝牽引來。首宿飽相牧。自謂良造。逢追風。騁其足。朝從北海發。暮逐西日宿。豈期鹽車下。棄置獨自服。會當僨轆去。無能自拘束。

雙南曰。三詩。獨澹。歷落神味。通真。漢魏。

衢州登樓有感二首

形勢三衢險功名一將奇李大司馬舊署依然存陣壘還

復慟瘡痍樓敵收淒雨山空走餓糜懸知司馬去

細報 兀重知

登樓聊望遠倚劍獨含思萬樹銜山翠孤城掛雨

絲依劉生事拙說項故人私故國天涯外浮踪只

自嗤

宿縉雲

無城無郭亂山中翠壁陰森一徑通倚巘殘民星

落落窺人乳虎草莪梯憐老鼠堪迎寇芝溪翁俗名老

鼠嶺怯丫頭又轉蓬馮公嶺俗名丫頭嶺冷廨終宵渾不寐

嵐光雨氣兩迷蒙寶山日窺人句妙甚所謂寫難寫之境如在目前也

度桃花隘二首

那曾景色見蒼穹此日攀緣到太空界可想俯陰雲繚

繞上忽驚瀚海混茫中休將劔閣形天險徒笑桃

花費鬼工閩嶠前朝來戰馬踏騰那見怯龍從

龍從萬仞五丁開回首茫茫絕世埃危拚復輿大

上坐滑兼石磴雨中來峯巒尚復星辰逼草樹今

無士馬猜出險黃昏休浪喜鬼燐滿地晃蒿萊

石廊曰二詩沈雄處何讓古人

處州秋夜和雙南

西風又到括蒼城一夜淒其動客情已厭羣山擗

去夢况兼細雨濕殘更鷄聲膈膈催君起盡語呻

吟勸我行同是天涯鄉思異中州有母潤州兒

晴峯曰啓響清圓是錢劉妙境

秋夕和雙南

纔到秋來便可憐况兼秋雨更秋煙天涯自分多

秋思不是秋光亦黯然

將回錢唐

一棹輕身事遠遊歷江甌海費洄游倚闌白髮朝

還暮陽肥青鞵夏復秋歸興已隨雲岫發旅懷長

似浪花浮漸從東浙回西浙好上揚州問宋州

留別幕中諸公二十韻

掃迹梁王苑斑衣樂有餘浮名非所好壯志已全

虛道不因人枉世甘笑我疎那生千里翼徒破幾

行書不謂燕臺遠乃逢黍谷噓鄰生聊入幕馮客

得乘車性癖文章舊情投水乳初簞揚慚老大登

涉歎崎嶇揚子江心權桃花嶺背輿乍驚甌海關

還怨浙濤紆秋訝歸林早雲看入壑徐越難窮勝

榮宋固有精廬夢遠三更苦愁非一醉除高堂紫

曉暮孤客惕居諸風歇蓬毬定焚開鳥翅舒銷魂
悲爾賦遵路謝吾祛別緒絲爭亂歸帆隼不如來
方抽草甲去已落芙蓉莞爾鋤荒徑悠然慰倚閭
我家河岸近時望下雙魚實山曰
渾成

七月二十日欲歸不果

仍滯陳蕃榻歸期可奈何雲還愁裏望家只夢中
過野鳥驕輕翅游鱗傲遠波暫爲今夕永終是去
懷多

古研歌酬雙南

古研追琢自何年潤氣欲流露珠鮮良工取之粵

虛直堂文集卷十九 三

東淵老坑新坑失其妍閱歷陵谷幾變遷斑駁老
瘦彌蒼堅恍如君心貞且專結交不移石不穿天
星湖上歸櫂適厥手不惜先人傳見者疑來銀漢
邊光怪親得支機就惟君書法陵張顛我徒何爲
枕之眠持此羞草子雲玄世上缺殘非故天靈物
將憑補其全陸林屋曰古色
堅質上追退之

次韻謝同幕諸公橋李送別

天涯何事竊棲久日倚南天望北斗拂袖高歌歸
去來一朝折盡越江柳自憐白髮違素心碌碌直
如喪家狗滿眼秋色歸意濃細雨誰堪更重九霧

豹端宜遠山眠蟄龍何用出波吼悠悠白雲自在
翔片片落楓大如手維駒爲君再一酣聚散人生
歎不偶烟雨樓中西風涼旅魂夜夜歸非堂但使
斑爛得自慰那問松菊比舊荒三策已倦天之北
十畝甘老河之陽靜觀盈虛消息數牙籤差堪怡
朝暮獨有離思將奈何屋梁明月耿回顧南朔東
西重聚難贏得銷魂黯竹素君不見鴛湖落日故
遲遲歸鴉野性投高枝回頭細憶今日別秋老霜
苦又一行實山曰
穩

弔方邵村御史

虛直堂文集卷十九 三

前年遊讌赭山頭此日招魂土一丘盤礴墨裙今
夢寐飛揚玉塵昔風流爭憐鳴綠江邊賦曾講
兼外難
問鷄鳴嶺上秋居金
陵料是天庭無闕政繡衣還得
遂優游實山曰舉
止大雅

贈李仲斯以下甲
子作

李生見我我少年我見李生白髮鮮少年亦已華
其顛白髮蕭蕭今依然昨日天子徵遺賢南山
北海爭着鞭少微獨於殺熟懸下有人今甘棄捐
閉門著書研欲穿非是虞卿窮愁篇獨得不與人
間傳有時墨光浮齒箋折釵筋骨非世妍我欲求

之未敢宣豪興八十還飛鷺何用山中尋僮僕靜
把秋光北牕眠蕭瑟不受西風憐

寶山日淺淺出落
亦有老氣無敵

題峽蝶圖

蹁躑萬舞足風流直向漆園夢裏求
依戀花時香未散沾濡露底粉
還留深宮恥逐明皇幸暖日偏
邀謝逸謳多少人間輕薄態滕王畫出使人羞

哭上虞先生

悲風五月起牙檣家家菰米夜
清湘湘水東流去不返到今水馬徒
皇皇招魂東西復南非四方都

虛直堂文集詩卷十九

惡任不得吾師自少立修名謀身原不後
正則五十僅得墨綬繫備強不知事大吏
兩載烹鮮行處難一彈留犢歸來易歸來
之貧貧加初往往渴喉

酒不繼衰暮已復奪晴光摸索猶作西河商
脯脩童家幾許供饑臥常憐袁安僵欲從彭咸
固夙志

一夕縹緲白雲鄉榛也自昔侍臯比異數
迴出同舍兒生我者父成我師九辯不忍為
哀詞蕭艾恒

榮蘭不芳鸞鳳無食鴟飽翔仰叩闔闔不可
問此意萬古終茫茫此意萬古終茫茫文燄
空並騷恨

長奕文曰古
調蒼涼

卷終

胡烈婦

朝步北邙坂纍繫陳死人人生俱朝露志氣胡不
伸此名豈華岱彼軀賤蟻蝨不見王疑妻羞殺馮
道臣由來鬚眉士大義讓幘巾巾幘何人婦綸城
胡子珣十七締鴛匹十五慟不辰延津容易合娥
眉安足擗呱呱掌上女棄如路旁塵引纒隨夫子
同樂夜臺春夜臺豈必樂鴛鴦豈必親隱忍生而
恥不如死成仁二心莫敢懷此義誰復論俯仰起
三歎多恐明哲嗔

虛直堂文集詩卷十九

五

乙丙詩成咤客曰先生何喋喋也予曰然兒之幾

也必號泉之咽也益響草木變衰而秋聲繁洞谷

幽窮而虛籟答蓋莫非自然之天機必然之觸發

雖欲已之而不能者也而獨我怪乎哉夫彼履順

率休筋弛骨惰有叩之而不欲言言之而不欲盡

考矣至於憂凶慮危潦倒無聊而呼天搶地不自

知其觸緒紛來也顧誰能忍嘿以終日乎乙丑雲

霖六十餘日百稼俱沒丙寅復陽亢者半載涼暘

幾於焦灼結杞人之憂而呻吟焉謂非情之不容

已歟客曰然則先生之詩又不皆愁霖悼嘆也何

居予曰噫一縷之雲而巒峰百狀一觴之濫而滂

沆于岐山水之情蓋亦有發無闕已矣一其迹而

求之無乃滯乎是故予之饑焉而號咽焉而響也

此天時此人事也予之別成其秋聲之繁虛籟之

答也亦此天時此人事也雖然鳳鳴徵一世之祥

而烏啼嚙萬夫之齒予於詩未有深得而躁焉以

鳴不足為祥音於斯世蓋亦徒叢多言之愧也已

康熙丙寅大暑前二日自題

虛直堂文集卷二十

商丘劉 榛山蔚著

同里宋 華牧仲 評

睢州田蘭芳贊山

乙丙詩

次韻謝贊山贈兒錢 以下乙丑作

世人喜結納不知鮑肆臭自吾與君遊獨幸采三

秀身名有依歸巖處庇雲構泉源瀦素習為我瀉

懸溜遭窮趣逾真迫暮修益茂匍匐步莫追耿耿

我心疚大兒鈍還疎殊孤雙丸走譬若痿不起仗

君引手救細聲斥淫哇大雅道廉肉將期還清寧

詎但刺紋繡且小寧馨兒而叨先生壽煌煌百赤

仄探出老褐袖陸離有餘光重之新詩侑意厚兒

難承辭深吾將扣歷年姑拜嘉 來詩云數百當歷

慚愧無啟佑乃翁已如此所慮小兒又材質本帝

天功名付宇宙昨者扑縣庭八十稱齒胃豈不貴

術業及早辨妍陋山積如鄧吳不願承此祝是宵

上清童夢來肆大詭赫赫主絳行吾豈落入後舍

笑為遜謝有言不敢復裁詩兩存之兒長審何就

贊山曰諧戲中皆有至理

深衷而押韻更極天然

吾黨八憶以下之先
後為次第

朝宗

朝宗早能文才名走南北精悍呈眉睚懸河沛曾
臆狂陵白日暝氣壓羣動息四座逢君來往往攝
影匿予時冠將加猶未厚學殖根柢雖莫窮梗槩
略能識駢辭鬪月露大雅拋莽棘君獨回俗轍揚
鞭逐愈軾山空花為明風薄江自湜忽然薦南烹
亦易別藿食所以倡一人和以千萬億晚從我庵
生捫花將求實假使忍死學詎不厭窺測浮聲既
相誤前路復陘塞鬱鬱二十年所餘此篆刻掩卷

虛直堂文集乙丙詩卷二十
三

三歎吁吾因惕所得石廊日意確詞也
言外復逸韻翻關

靜子

賈生老逾狂吾嘗侍几杖雄談決孟津萬派肆滂
瀆堯嗶徒囚拘晉嫌未豪放轍迹羞人循行藏自
我創萬象矜收羅百家恣背向或遭承人給或喫
秃丁棒謀生失故橐嘗藥得新恙隆準瘦鶴形儂
身饑焉颺一口東復西講壇四三上自吾與論交
洛閩已悔謗使其早幡然豈不得一當吾初幕語
言嘔啞無善狀君即拜散卒而期以上將日相勉
經術戒予昔孟浪臨死訣友朋從容見達曠哀哉

鄧伯道斬絕天不相昨朝聞君婦賣書了米帳

牧仲曰為賈先生鬚眉俱動而
古韻鏗鏘能探宋人之橐與

輔之

天地坼無主吾身眇何託寡母將孤雛如風颺隕
稔先烈示梅園梅園先慈盡節處輔餘喘遊河朔
赴曹南肅爾戒儻豆自吾未升角言必陳險艱
動輒引架夔雖勇即易狎而未嘗嘲諢為卜從遊
賢為發文字藥如箴偈以填古音寄淡泊少年輩
異聲老大甘拓落瓜侯兼舊銜花王拜新爵行即
紅紫踈坐皆芳菲閣榮落供靜玩醒醉有真樂食

虛直堂文集乙丙詩卷二十
三

曾孟莫勝力果鷄不縛念昔逃黨獄何以斬纆索
而復不中壽忽如化霜雹此其王伊誰吾將問寥
廓遺文再四讀呼之若可作勿復華表歸人間舉
非昨實山曰筆力迅矯如龍騰
虎攫不可窺其鱗爪之跡

蓉懷

誰其知君者君固不欲知老歌無家別投身商丘
西士貧易陵賤况其鄉縣非強顏申師說偷淚和
黍離布肅寬博舊氈聳章甫遺初逢渭陽宅在舅
公之驚為天下奇聞者祭而諱疑予狂復癡文章
似人朴古法流天機詩求近代似楊誠齋無疑出

口人大罵不但笑與譏慚無重君力焉有論定時
晚節兩睚眦俚俚百憂罹朝讀以其耳暮書以其
願忍死了不倦口手忙殺兒檢笥得遺札悵眼藥
石辭此道久如土豈止梵音稀宿選嘉木陰根抵
隱莫窺世皆鹿爲馬又誰辨黃驪悠然觸懷抱驚
葉飄高枝

贊山曰春懷晉產容死於宋名跡深自晦世無
所知之者讀此詩性情舉止冠裳形貌一一活
現先生將不得
。朝光於後世矣

匏客

陳圖南之後落落七百年誰其嗣響者厥有匏客

虛直堂文集乙丙詩四

焉讀書博一舉棄置如礫輒足跡問城市至死未

曾然甲申乙酉際髡頭逃於禪幅巾蝶栩栩深衣
鶉翩翩長齋菽不飽靜諷膝以穿偶爲軒車摩揮

風掃霞烟世亂肆邪說詭朱笑伊川往往村小兒

註傳抹不全獨挹銀漢水而洗素月圓八十健如

犢疾步疑騰騫不知者諱曰佛果真有傳天心兩

何本吾姑未深研貞守死不移固已光坤乾小子

辱顧盼璣珠流篋箋豈其有鬼物鹿已下蕉邊

曾書一扇一箋
昔轉眼逸去
牧仲曰高
調入雲何怪遺世身飄若三島仙

我庵

天高空無枉惟人自攀榜由來大勇者樹身殊亭
亭前不必有倡後不必有虞聞聲趨而附或多非
其情毅然奮孤起不觀我庵生搖袖拂塵霧引手
摘日星上帝親與語欲宣無人聽觚方本有角見
者羣譏許曰若踽踽者迂癡自拘紉持一破瓦缶
縛足當世鳴何從神仙窟而求紫鸞笙先生笑而
受堅與鐵石盟獨進小子榛微言屢丁寧春葩爛
如錦何如晚彫榮一寸懷素月慎無闕其明大帶
垂曉暮時發怵惕驚六年不可見仰首問紫清

虛直堂文集乙丙詩五

寶數脩日知之深言之
微詞華新警又其餘事

介山

天地不愛才吾生在有哭莠茅何芘芘嘉禾不得
熟蘭早摧華堂櫟壽殊未足矯首問司命司命笑
而復頑留石千年明煎膏一宿於物固盡然於人
何能不勢難空兩間一二存所欲不見褚彥回晚
死却非福聆此嗟介山宜其奪之速言笑生玉溫
文章揚風穆幽思湛盈盈高標挺獨獨五陵貴家
相不堪一趾蹴揚鑣昆仲間江淮濟分濱結髮投
紵縞兩合如夾轂糠粃謬見推予未敢弟畜銜杯

想流風問字慟遺牘悵惘南中還予自越還介山已下四關月矣
殘秋到宰木箕山日章法奇幻

恭士

世人愛圓軟繞指無勁骨竹杖盡力規流鶯作意滑
恭士獨矯然稜稜鎮傲兀清如月際鶴健似霜後
鶻脊鐵無俯仰口鋒有排突苟非心所平嗒然怒
以癢苟非意所傾仰天自枉笏免毫擬威鳳千
仞翔超忽斬惜不一下下欲入立窟往往燭再更
笑寧受杯罰異物固難售卞和未終別人苦信不
堅高步豈必蹶在昔盛文侶君礪為新發予起君
已老晨星倏全沒壯氣歸沉瀝清風散林樾濯雨
橫孤雲洗露推素月舉頭疑見君介特坐天闕
牧仲曰骨清氣悍便如恭士生平
箕山曰八詩新奇圓潔無一語不警無一意不切無一字不穩為其人便其人生氣勃然絕構也

為箕山攝學政

一日先生下臯比揖予曰某將西之學子三月收
放馳樊鳥豈不懷高飛遐矚鋤夫烝炎曦左荒汗
雨不暇揮秀刷稗斲了不遺午曝一過焦而萎幾
日不來雨灑畦餘蓼旋復如初滋豈其芸無深

施根株十丈潛生機不得已今放鋤歸多恐即塞
山徑蹊十日煩君相護持敷播尤慎於新舊交親
君兒比吾兒姊孫又與吾孫齊謂侯川忱兒奔逸如子
初銜羈關心骨肉皆何辭五月二十五早時居然
推戴為神師東面居攝先生惟畫一初守先生規
欲引尺繩心先疑班輪來時將無誤正
吾伊回首頗念年華非箕山日章
用前韻示不忱兒

詹雀未動鐘聲北空館已昏先生之年少不慮
陰馳縱得鴻鵠盈腔飛轉目便下虞淵美
虛直堂文集乙丙詩卷二十七

為長戈揮大鳴小鳴幸無遺雨膏過處蘇枯萎始
知先生如夏畦我何為者徒汗滋貧家燈火隣人
施何以承之樂羊機言無虛設事有歸康莊原未
紛多蹊師如督杖須自持疆畝先在勤數菑不然
人易景升兒賤視且與犬豕齊騏驎不得脫繫羈
驚駘鞭策將奚辭發憤正及老泉時不忱時年二十七
復田何為之師不徒橫經質絳帷營坎坐起胥繩
規我久誤爾爾勿疑看我衰白只堪嗤從此津漸
涸洛伊塞耳莫聽旁人非箕山日句多新妙而通體潤潔如玉

蘇蘇雨

絲絲雨織愁不成空作縷四月線車二月賣此日
杼袖誰其予由來老蛟之窟不堪煮崩騰噴起黑
雲舞抖擻甲片收微涼散作人間清如許市城正
厭吹器塵孰蕪輕帚灑庭戶蠅晝斂迹蚊暮潛拂
拂差勝長尾塵物色隔簾無真靚淺烟淡靄紛頭
緒只疑新鑿小漏天細飾銀漢飛綿綿寄語世人
趁爽眠安得煩苦長洗滌

無厭雨

無厭雨翻轉天河天不王大如傾甕細撒穀急如
建瓴緩抽緒三千毒龍莽奔騰一萬癡蛟勇鼓舞

虛直堂文集乙丙詩卷二十一 八

掣炬炫殺電姥鏡崩天驚爛雷公斧檐瀉龍子萬
丈湫庭匯女兒百尺浦西隣礪砧仆屋牆東家謹
壤漂甌釜老子今年麥半困人立其旁肩不隱上
漏漬之數寸肥下水旋侵一尺粉前已傳言菽盡
沒今定林亦難入吻城外舴艋容與多砌下鼃龜
逍遙儘赤脚寒裳墮戶忙拆籬蕪火謀食窘嗚呼
一身生計無足惜四野蒼黎天何忍噴怨銜愁翹
首陳秀滯亂聒天不聞

寶山日二詩奇附
惟廣懷集有之

次林屋紀夢五十韻

如何收末路好悔失東隅獨耽文賦興常寄酒
墟悠然雲影瀉已矣歲華徂自是吾無策那關世
好竿息心聊井牧放意亦江湖何處堪粘懶有懷
惕蹠徒斗符非算士章句豈稱儒蓬自亡根蒂人
誰信範模艱難培蕙草容易茂荆蕪向背寧南朔
壤霄係案銖狂休思月弄技不在龍屠復也初無
遠慎之久則淪此聞如冷燠他道總崎嶇一任皆
規杖獨存未破觚燧人鑽故火象罔得非珠二氏
言徒幻千秋業亦誣向來空粉飾是後別丹塗閃
閃涵龍鏡悠悠望帝梧於今雙鬢短念昔七齡孤
肉已強爭食口還遠自餽夢邊猶越擢耳際慣與
飲物態年年變民風郡郡殊何方山不瘦是處草
將枯欲作吹灰管其如伏櫪駒倦歸同燕鴈晚臥
此粉榆案儘攤墳素圃全廡蔓于嬰嬰思故侶切
切步高衢况有長吟妙如聞壯士吁風流花簇簇
意象隼瞿瞿幸我陪槐國林屋在彭城得君紀鼠
鬚蝶能相上下山亦好盤紆夢與予共遊梁迥非
真有吳門得似無林屋舊飛峰驚地脈斷嶺接城
閣但願華胥樂又何幸我誅非云矜筆戰試妄解
兵圖夢云吾郡苦無山今得此不思江南烽燧東

虛直堂文集乙丙詩卷二十一 九

南烈瘡痍老幼扶難堪門監畫焉避藥翁壺掠叫
兒兼女饑啼曉到哺巉巖惟釀禍移置敢勞愚縱
少幽奇趣猶稱靖穩區其然三寸舌無那百年軀
且復談風雅而憑示轍途相逢甘避舍終退亦非
夫賦索憐羸卒市驅昧伍符淮陰多自善南越竊
為娛字畏鋒霜白行驚劍血朱此邦無後勁惟汝
縱長驅秦識鈞天奏曹容吏舍呼擲金聽彷彿籠
錦玩模糊遲久相訓報知牽上灑桴

贊山曰力量大轉折陡自
然蒼健典雅古今傑作

題周壽岱畫像

虛直堂文集

乙丙詩

十

林下於今見一叟隆準龐眉科其首少年英氣知
何如老骨棱棱露八九青衫領緣益復青縫揆寬
博到眼生羊欣之裙鄭崇履白練流光赤雲起敲
坐怪石長松間隱隱飛濤聽流水一童立杖如偃
龍一童爨茶蒸篆風一鶴去去顧欲鳴一月垂垂
千岳清精神風貌似相識有客曰君試思憶可是
吾友周將軍衆皆鼓掌獎目力將軍疆場經百戰
忽脫兜鍪擲鐵箭功成一笑歸去來手中猶持舊
羽扇凝神不語含清思定發老興裁新詩頰上渥
丹見尤慣詩腸早已三杯灌安得此境幽無塵隨

君長賦白石爛

石爛日灑麗自
得一字一珠

苦雨六絕

滄溟盡裹黑雲濃雲裏辛勤幾百龍乍看不知愁
意味只欣瀑布下廬峯

碎憑屋瓦破憑廳一日漂沈變此邦高眺川原何

所以分明昨歲泛三江

沿城決盡舊階隄樹杪烟波晃斷霓却得老農閒

暇甚破茅屋角橫鏽犁

無擾無驚雨亦佳炊休愁米爨愁柴在撐破壁纒

高臥又點東山運石差

時有輦石
修闢之役

虛直堂文集

乙丙詩

十一

中原生命浪花拋三匝無棲羨鳥巢北野人家安
穩甚堤頭斜柱一重茅

當時采菽健牛驂此日誰曾摘滿籃搔首風前秋

乍霽白雲紅樹綠波涵

贊山曰言外卷
然苦味可嚼

子昭挽歌

昨年哭介山今年哭恭士於中君逐晨星沒且復
正當疆而仕爐扇相易幾何時西風取次凋霜枝
三更綺席醉不歸人影散後還依依四更忽乘陵
風翼冉冉雲天不可識世上屈曲如羊腸獨有君

心切而直出入華近尚書郎憑將朴拙酬 君王

一日稱疾辭禁闕四時攜客探幽芳幽芳有窮與

無歇朝未日紅暮落日藥鋪酒轉隨車行醜杯肥

筋痠身輕梅花明日殊關情漏下三鼓散葉生席

青園柳獨佳詩朝幸過探歸而死矣松風隴上何凄清生平已見幽

宮石寫君活現亦何益丞相墳邊淚波赤佳城開

側墓之只得來往一聲人嗟惜實山日

義不為傭歌

義不為傭傭子拙傭子之友何獨爾實山自號

白謂拙傭傭原不應拙者當我拙更無拙者比若

道拙亦不免傭三寸禿管無窮通不見貴人使令

供可知陵賤專於儂身非魚不知魚樂他人情事

我安度他人又復投他人轉轉相假情無直曠不

與接如越秦何處摸索傳其神慶祝哀誅俱兒戲

明是置子優俳例雕篆壯夫且不為何況碌碌從

人指揮笑還涕衛大將軍自此誓翻身不為人奴

隸賤我幸勿傷我義林屋日硬筆足

和實山

一竿釣叟費絲緡引手誇無縱擊鱗却得癡龍雙

穩睡憑人認作犬羊身

題沈石川茉莉

鬢華采采滿筠籃羞上閨中綠鬢替此內馨香每

不得還從荷令自身探實山日

萱杖老人牡丹圖

只是風光想洛都臙脂那肯素毫汚老人自笑無

聊賴却把花王着意圖在廊日

戲東葉子岩

牛腰翻載薛濤箋為問風人若箇先商代却疑纔

五頌刪詩不信只三千

讀徐彌勒公傳以下兩

世人滑轉如脂轂南北東西奔馳逐但逢險阻却

不前勉強相驅偵且覆輪扁惡之為其方推之不

去牽不將稜稜特自立周行於世不行夫何妨君

不見彌勒之守睢陽徐生平負氣人不如直鑄真

鋼為勁骨那藉泰山磨廉隅初為山郎登帝京穢

巷薰人餐不能下令者禁纔相矜立毀榜文寧臭

蒸再倅窮州遊滇南出入百險中情甘豈無善地

乞可得疾首傲兀非所堪狐火狼烽焚四起天下

土崩明社圯是時公守彌勒州城破殺人如刈草

南面堂皇疑土偶一聲罵賊賊却走可惜聞者不

及詳想像髮立血嚼口朝著若使有公等誰爲賊
開門延請獨挺大節無人知魄沈當化金鐵
從簣山見其子手丸踰糜饑欲死僵屍破寺存家
風半屑未肯向人啟吁嗟乎脂韋於今名大智仰
天笑公冠墮地羞惡由來世所輕遷固文筆徒多
事爲之傳者

簣山也
實山日詩亦直錄
眞綱爲勁骨矣

侯川如齋賞牡丹和簣山韻

無意譜花王悠然對靚妝
臙脂空有畫欄檻自餘
香促坐憐佳色顏顏恥
豔章油油三爵後隨例發

虛直堂文集乙丙詩
卷二十
古

清狂

宋城東門外有孔子習禮處漢梁孝王賓客
枚馬之徒觴遊倡和於此因復有文雅之
臺縣大夫趙松伍先生新之林屋首唱繁
和感而作歌呈簣山石廊

我去聖居三百里恨不移家就洙水
猶幸環堵依

原思原子故
宋人不溺沈洋蒙城裏朝出東門東望春

登高還有梁王賓其誰飛揚賦先奏小陸清思如

有神枚馬散後臺猶新文雅著聲詔後人世上浮

情趨浮文宜艷風流迂道眞此地昔經先師轍斯

須不忘習不鞞司馬接踵聖跡絕於今獨有古時
月荒荒月度寒塘空天影高懸有無中我來弔古
古滿目想像雍容禮意足回頭顧問鄭子眞蒼顏
莽步將誰逐田何日吁其來復

實山日本道德以發論而變化
出奇只覺新意濯濯筆清故也

用潘河陽韻爲士報悼三首

悲風東方來吹我牀頭易啟易試占之一陰殊乖
隔乖隔念故人傷心曾何益老境迫雙九半爲貧
賤役白頭笑不吟青山讓飽歷飽歷四十年到處
有行跡冷厨餘孤影昏續仗隣壁歸來餽南畝盤

虛直堂文集乙丙詩
卷二十
古

飧日夕惕誰爲驚雙鴛欵然刺一隻誰爲折並蒂
若然成離析哀鳥相顧鳴淚雨感時滴中懷比太
倉陳憂自此積積憂發怨歌唾壺爲爾擊

有人驅離憂集我霜毫端霜毫重難持淚濕烏絲
闌昨宵牛衣雙今朝鴈影單傳言上桂闕無乃高
處寒寒光此夜同缺月見臙臙臙臙若有意鑿茲
總帳空永宵不可寐衾寬入凄風謝花念餘芬塵
奩想舊容舊容是耶非姍姍帶人胃胃滯愁不已
線車絲絲起懿筐在眼前誰忍顧卷耳予昔方壯
年銜悲如吾子永懷鬱不開於今已兩紀願君割

百慮莫似予夷鄙

去者不復還來者又已逝生如頃刻花司命何
厲麟麟轆轤鞋發悠悠銘旌翳長此狐兔窟共彼松
栢歲松栢終為薪狐兔誰為制伏肉割不多聊從
西隣祭仰頭見海蜃低頭樓臺盡參辰幾許間土
壤無丈引流水有情咽啼鵑中心愍登高莽四顧
歛歛繁紅隕紅隕淚爭多哀思譜珩軫彈來中斷
絕鸞續誰復忍忍情肯丘墟去去還脚踟孤城淡
落照乃各天一隅人民幸未改華表其來無來應
雙鳳翮飛空駕天車天車勿遽返夫君思有餘

虛直堂文集卷乙丙詩

七

實山曰三詩確是晉人風調哀
詠中多淡艷之句尤為難得

白雲篇送林屋司訓蘭陽蘭陽有白雲山相
傳子房辟穀處

白雲山不移白雲自來去古洞千丈幽昔有赤松
據留侯往從之餐雲穀不御至今白雲翔獨與靜
者具宜林屋先生而得歷其處先生如雲閱志與
雲競素無心偶出山臯比巋然踞勿謂客氐寒風
常留春任勿謂借盤空文字飽如蠹悠然白雲悅
細識白雲趣白雲晚益蒸英英閭闔度好語雲中
客暮雲為我賦

石廡曰雅淡安閒有韋柳性情而異其
聲格魏晉三唐趙宋之外立一都者

實山曰淡觀中有
送石廊之三水幕

誰是知己者八紘邈以廓抱影守荒原投老羞嬰
鏢一室醉復吟此生了退託有時攬明鏡仰天發
大喙忽然報柴關彷彿有剝啄言是三水令禮幣
相羅攫掉臂出門庭兒女牽不却從此五千里如
風颺一稔一稔颺天風百越東復東溪灘豈不險
壘蛇豈不兇况從懸魚吏自分囊同空感激國士
知上馬意氣雄君到崑都山或復望鄉關鄉關那
足思君回無幾時不見湯秩宗言招早旋歸是年
濟庵

虛直堂文集卷乙丙詩

七

寄奕文明府二首

驅車遠行邁落日離思縈印須問何處言在許昌
城許昌三四舍渺渺無修翎而况五千里山高雲
與平行人日以遠居者空復情君到珠江上應對
秋月明秋月亦相照秋思祇自生實山曰蕭然備
澹一往情深
偶然步衢巷哀哀聞兒啼問兒啼何苦兒言母去
關母在知兒寒母在知兒饑有母固兒恃無母將

何依隣媪親生兒日夕傷鞭笞矧其陌路人豈堪
假託之東南紛竹馬來迓杜母慈願君速行役兒
啼已多時賈山曰一邊寫兩邊俱見煞是妙筆
而一氣渾成似沈與興別范安成作

隆羸三首

狂塵掃行人夕陽掠空樹歸懷棲息耽搖鞭縱馳
驚虛響元足疑流影果成誤惛惛了不知先生臥
塵路

少時夜飛馳一蹙折馬肋再蹙雙齒搖騰身無悔
色老骨難再堪衰情只自憫始信淵與冰君子有
悚人

虛直堂文集乙丙詩卷二十一 九

覆舟無伯夷覆車無仲尼三復起長歎愧彼儲光
義當機不容悔將伯孰與持此中有矜肆世途無
險夷

賈山曰善於立
戒此之謂道氣

送邑侯趙松伍先生

蘭陵夫子天下奇視國如視身家私私謀人還疎
不周強欲明作心先疲夫子鑄骨疑金鐵五年瘁
苦如一時鷄人報籌眼未倦虞淵吞日節尙違法
峙秦嶽不可撼吏縮蝸殼無能欺德威棧校懸皎
日水神濯濯流清颺美政如春燦羣芳豈可一一

指陳之治行奏上 帝曰咨胡不朝夕來輔白亟
下尺一徵之去生奪慈母懷中兒兒有母在了不
覺母去然後多辛悲萬物誰不戀春榮而况蕭瑟
加秋思其中尤有鍛羽鶴霜毛衰颯笑鳩鷲成鳳
獨憐聲清約常與相期在寥廓鳳兮一飛上九霄
老鶴仰首鳴酸騷

夏日雜詩拈淡往孤無伴清歸笑不言爲韻

十首

虛館晚氣清人靜暑風淺流光了不惜繁聲餞蛙
坎我生多鬱懷如秋老斯淡月明揭玉盤露白天

虛直堂文集乙丙詩卷二十一 九

淨澣喀然披幽襟餘生遂茲懶
疎雨過柴門灑然散清響帶草榮幽姿絮雲情獨
行眼底百物新塵外一身爽笑彼老鶴孤長天結
空想

豁然也懷抱不知暑何祛要有此一時清風滿吾
廬大心不可見明月只自孤忽霑露華滴百物會
且蘇

白日森碧落黑風飄短狐肆然沙相射影不問有
無炎帝顧之笑祝融付一吁相讓司長夏夏長長
苦殊

山靈振清威，弱肉食不敢羣。發怵惕驚朝，夕疑莫免。祝之去，遙天仰頭舒其喘。豈意餓豺出凶喙，無擇啖始悟。畏友存兢兢，乃良伴。

老耳日三洗，百事不欲聽。聽亦不相信，信亦不相。驚萬物生一氣，安有蠢與靈。能言驕自貴，蠢者殊不平。相質吾莫決，指與問紫清。

大道付何所，書卷了不知。儒冠不足溺，吟誦空爾為。天自崑尤觸，到今日。破危仰視連錢鳥，後先故飛。乃知人羣外，幾希原有歸。

民怨何時平，今年又苦燥。百尺架高壇，二八侍窈窕。窈窕得畢星，喜兼博天公。笑生靈自有託，玄冥固可召。豈若鈴閣深，苦聲莫能叫。

天地本優裕，人心苦局促。動言出世去，去將何歸宿。深山未有仙，蠶屨未便俗。神恬千慮銷，道融百態淑。有人他相招，搖首笑而不。

日月自臨照，小大自變蕃。詩書特附慶，文章枉招魂。吾生如春鳥，婉轉多語言。儀舌何足有，淹筆徒爾煩。合情北牕下，一笑歸義軒。

晉山曰：前後四章，篇篇自得中。六詩，凶事與刺，又復感慨情深。
和人近體三首

直似前年見，淇園昔雨時。回風掠危石，驚擗弄新枝。啼果千痕濕，饑將百畝思。情齋森氣象，要與鳳凰期。

何須飄泊向天涯，那是樂郊那是家。差可容身聊結構，孰將好語信周遮。興衰已盡，竭來眼聚散才如開。謝花幸共故人棲，託穩不隨莊蝶逐風斜。

舉頭如故舊，落落散晨光。只有金波影，還歸薜荔牆。魄涵清露濕，桂落曉風香。莫道餘輝淡，貽人滿意涼。

和箕山用眼前無俗物，多病也身輕。為韻示川如十首。孤危同一絲，裊風幸不斷。寶玉我所私，操之不遑喘。何獨七尺遺，投棄似湯蘭。三風原肘後，一慎薄盧扁。願言長兢兢，前車況在眼。

憂樂一原出，相爭祇後先。魚遊釜中水，那得辭煮煎。所欲非獨惡，智者却不前。斧斤挂口吻，螻蟻藏衾氈。誰可一嘗試，君子防未然。

伯倫行荷鍤，土磔輕其軀。果然直一死死復得酒，無油油奉禮。飲抑抑慎德，隅百年露薄。醉長計亦

有餘信陵豈云達文命豈云愚曲木驚傷鳥長揖

謝酒徒

婢約謝屐邊婀娜馬帷曲冷眼不堪窺還愁亂化
俗而况非若人鹵莽縱百欲盈耳嬌玉笙帶情醉
金屋繡榻白日迷華燭清漏促為問南山松能禁
幾回斲

華堂羅羶腥饒蠅不可拂鳳凰翔雲霄豈能收網
罟從此函閉關退然學蠖屈蘭芽着意培桃枝盡
力破盤滌夙昔曾要使洞無物

甘苦不親歷人言終是訛一夕迫患害雖悔又奈

虛直堂文集 乙丙詩 卷二十 圭

何昨朝出鬼物鑿湖揚酒波驅人沒不出醉骨歸
橫駝到門呼酒伴呻吟謝沈疴清風飄開榻樂意
亦孔多

三折方成醫百年我半病甘口皆鳩碗放步即機
穿鍼破無可加參苓嘗不應頃者夢軒黃靈藥為
我贈熟焉性益和明之味無竟為爾洩天機單方
只一敬

古人養病方一死何曾頭寫日夕惕此心誰是自戕
者百年如四時春去才及夏盛氣昌今茲戀棧非
良馬新德急自謀故態須盡捨出入告越王君其

忘與也

有無了不係奚為貴斯人人生各有業端不出四
民嬉嬉窮日夜悠悠闕秋春多恐天壤內無用此
閉身逍遙不足信無逸聊具陳爾其慎自愛勿為
造物噴

尺寸貴實効那徒守虛榮果腹始云飽繡蘭終不
馨而且縹緗帙非為制舉應傳家有鄴架前身寧
酒星萬金發良藥莫作敗紙輕

寶山曰十詩詞直情殷纏綿懇摯非
誰肯發此苦口不但川如當常日在
宴逸而忘患害之切體
者皆宜書一通於座右

虛直堂文集 乙丙詩 圭

丙寅秋九月至戊辰春三月

客曰櫛弓言人喜則斯陶陶斯陶

安在而其音又不盡發以

之奮於地乎氣激而不得不洩不必定和平之響

子才只泉之出於山乎過坎而不得不流亦何辭

嗚咽之嗚然則人情之不滯於一亦若是已矣夫

業啟期之三樂予將盡有之何為而不喜顧有時

感物觸事亦或生平子之四愁固不妨於兩存也

惟是積於中則鬱鬱於中則發無憂無喜常覺如

陶者之衝突壘天莫可遏止故用以為名耳倘必

如豫之初六微倖一日之富貴得意而鳴豫焉則

君子有鄙其窮凶耳矣又何喜之足云予雖未能

有介石之德庶幾勉安中正之分陶斯咏斯暢夙

夜之鬱積有聞吾嘒緩廉直之音謂我心則喜可

也有聞吾嘒殺哀怨之音謂如有隱憂亦可也而

予固不自知也夏至後五日自題

虛直堂文集卷二十一

商立劉 榛山蔚著

同里 宋 華牧仲 評

陸鍾呂節庵

睢州田蘭芳箕山選

陶斯編起丙寅秋 訖戊辰夏

秋杪見紅梅以下丙寅作

搖落憑時會幽情只自妍歛然春漏洩不受物推

遷丹葉籠朝旭絳霞傲晚烟莫嫌秋淡泊穠色醜

無邊

虛直堂文集陶斯編卷二十一

芻中元化 莫草草看

吊李襄水

蜻蟠蝸縮巧退藏一事誰肯身擔當爾膏爾脂爭

自潤如萼如瞽尸堂皇天下齊聲發一笑獨有多

事李當陽官至令長如蹄涔層累而上淮河江駕

風堪達要路津塞衣那敢凌汪洋國事何如身事

切悍然不顧王公旁纔得襦奪踰蹙歸前辛彭又

復彌掌遊巖疆青霄無容椽柱石弱水寧可浮舟

航劉生聞之不敢言噓天涕淚沾衣裳西極龍媒

老空死按圖之駿紛跳梁穆王雅有四海志選虞

誰上紫遊韜。一丘鬱鬱悲風涼。豪氣還結九天長。

豪傑磊砢
足配當陽

引彭士報二首

死別尋常事於君恨獨深。饑吟昏未火冷夢老無
余厭筮家人封甘收俠客心。九京人世異或可覓
知音。

四方遊歷倦壯士果無顏。欲寄江南信常羞竹管
班吳門潘雙南寄金來候士報羞
以空兩湖而卒未能答其禮名將隨爾沒詩
欲倩誰刪不忍春東望森森栢滿山。

和箕山雙槍堂詩而謬以鉅鹿之戰見許再

虛直堂文集陶斯編卷二十一

二

用原韻奉酬

止矣節節季子觀敢將瓦缶助君歡。相從幸許心
源合此道徒勞舌本乾。有節制兵操勝易無安排
陣出奇難項王雄力今全屈何事楚歌尙未關

自然
癩奇

白雲寺訪雪上人憶云友恭士介山以下丁
卯作

入春九日氣輒溫馬首全消舊雪痕。好逐雙飛饒
鵲翅來獻一片老僧門。懶將野際眠春色饒向
籬邊問菜根。忽憶前年遊宴客白雲定有未招魂。

清
答

念前輩遺文零落糾里中喜事者月醮金錢

積付剗厠田箕山錫其名曰傅盛社是日

雨中宴集宋山言首倡一律為次其韻

文章合續萬年名那忍悠悠逐落英。許我風流收
藝苑得君鼓舞狎齊盟。春知意氣相隨暖雨為才
華徹底清自此中原傳盛蹟名山孰與較崎嶇

事佳句
亦豪宕

哭侯甥方至八首

人生終死別於爾有餘悲。昔已哀無父今還念有
兒。人民隨世改鷄犬上天疑却怪臨池柳青青颺

虛直堂文集陶斯編卷二十一

三

舊絲

五六用事別有
感慨下句尤奇

慎疾非方藥神農且誤人。弓蛇疑鬪眼疑前醫
不用刀

七入新脣有誤投
之劑海遂吞紅日春空吐豔辰。可憐

鑄竈火猶自沸酸辛。

五六
哀麗

身世從何說願張四盼時有巢憐燕背何石補天
維茶苦寧全噉鼻酸好自知昨宵閒入夢還只聚
雙眉

畫出用如
可憐情態

六尺青箱繫丁寧不厭頻蒙求慚到我日好料理
粲授幸逢人有黃山濁浪排難定屈強強自伸無
堪言報稱維繫付嘉賓

談笑成長別東風暮雨大呼兄餘悵望叔岱河似
舅只孤屏深計拈毫禿自書開情問榻懸誰知雷
電發忽赴玉樓邊雷電大

翹翹風雨際巢鳳苦方雛清夜提文葆紅絲罔掌
珠出三甥孫現求鄭蘭開暢茂禹鼎折須臾後九
亦為訊呱呱者隨而地下無日現

我孤曾有託予幼孤時方至父爾死愧難酬磨切
虛直堂文集陶斯編卷二十一
期雙壁艱難報九秋亂風迷樹底初月想山頭漆
室元多慮如今益累愁

亂風二語多少酸情苦心
依舊山樓敞春明但可憐杯殘賢聖酒花墮杏桃
天散靄虛巒壑翠石為回風怪管絃開家伶猶
生豪舉處都迴淚濺濺有試歌者平

八詩語語出自肺腑若肝腸
自然無飾而雅藉甚厚
周介山餽藥酒雙壺答謝
自得逢君便飲醇况外滴滴小槽新嫩浮琥珀光
無定濃瀉椒蘭氣正勺人已難尋詩伯仲謂宋介

我殊欲訪藥君臣長房識破壺中趣笑謝先生中
聖人

熊節母

天裁二氣宜勻停陰何多鬱陽多零晝摘紅日填
滄海鰲足齊折無人榜疇能煉石補缺缺重關大
地光離明新鄴熊母二十二夫死不死含悲情小
兒未出蚌蛤胎大兒纔學虎豹行萬縷烽煙燒斷
續四山觸體拋縱橫手披荆棘支茅屋冷釜求熱
常不能繙書教兒燭下淚續綿度夜鷄傳更果然
鷄雛翼養成一鳴一飛人皆驚我母亦與同艱貞
虛直堂文集陶斯編卷二十一
四十七年千愁經於何能圖慰所生

如開三
映猿啼
贈張子白先生

有人西河來為問西河水湍瀾深不測一往絕塵
滓吞日漾彩虹飄風結文綺依稀道氣流暫於沙
隨止時司教淵源多士探遺經發微旨由來千年
後又見卜商子餘技染霜毫義獻走腕指百家愧
專長細巧皆妙理藝游非等閒精求有原委昨見
考亭書揮汗錄千紙不才去一舍落落孤自喜先
生引手接許與采芳芷芳芷不在遠並無尺與咫

一笑兩塔然。清風披如洗。

清味可咀

贈馬刺史

弱草淺託根。舍芳不及遠。青青潤秀稂。甘受牧芻
剪書帶。冒嘉名。長此伴蠹卷。艾蕭讓其榮。樛同
其散。依倚茂叔。廳山。樂意幸不減。一朝蓬萊上
天仙下。冉冉提籠俯顧之。采入大藥選。從茲辱丹
竈。相煩定幾轉。白石尚可煮。仙家妙離坎。久久得
化融。或可益遐算。遐算仙自有。薄質徒譙譙。深山
草木心。都恨遇人晚。

一結于古同概

虛直堂文集陶斯編卷二十一

六

妙在步步是草風華掩映奇思橫溢

次宋山言大梁夜雨韻二首

細雨歎寒色。輕雷殷遠車。孤蹤千慮寂。老興一尊
除。聲儘生秋樹。人隨試筆花。明朝身外事。未足喜
還嗟。

夷門聽雨。慣十度賦無車。名姓勞人識。襟懷許我

除茶能分夜。籟字苦暗燈。花碌碌從英。妙回頭付

一嗟

真

大梁步葉子岩韻

何有人生不朽三。且將風月兩肩擔。雨添密霧連
秋白。天破行雲濕翠藍。差可關心柔落涕。忽然倦
眼黑。甜甘玄黃血戰。渾閒事古岸。幽花共爾探。

老境如是

再疊前韻東宋山言

自曳長裾二十三。於今白首倚簷擔。龍泉果是揮
來赤。縫掖何愁化去藍。鷄許啼深聲不惡。菜都嚼
老味。偏甘我生大業原。無際細帙紅燈。且好探

五六雄老有老味

三疊前韻東何叔獻

魏客三千又復三。是年入關歲六千人知誰好爵出頭擔。
無戀爾。貂常黑。慎莫從人面。亦藍得意毫端。忘愛
惡淡懷。眼底笑肥甘。憐君睡起無聊賴。竹片泥神

試一探。叔獻求籤故戲及之

出門便愁錯脚詩中何等忠告

四疊前韻東張玉標

行年半百又加三。遠道千鈞強自擔。幸不人前驚
寵辱。那須事後辨。青藍身心有分勞。還苦聲氣無
多淡。益甘此際消閒。遂問訊秋光。幾許費幽探。

險韻偏有穩句是盤馬驤封之技燕見巧妙

五疊前韻呈同下第諸公

三戰由來北亦三。筠籃書罷笑還擔。事雖未濟憐
濡尾。歸却如期慰采藍。世上應無天作合。人間別
有味。回甘即今改轍鳴鞭去。月窟星槎許遠探。

筠籃書罷笑還擔。畫出一幅頑鈍下第圖。

六疊前韻呈蘭陽陸林屋廣文

學成須得折肱三。從此息心弛負擔。餘興偏雜浮
大白。閒情好與寫雲藍。莫愁宦邸同秋冷。差不朋
簪似體甘。却趁白雲山下路。快隨蠟屐一回探。

五六似有規風

虛直堂文集陶斯編卷二十一 八

七疊前韻呈田賓山

一憑暮因與朝三。且理今生臂上擔。漸覺新機光
太素。要將舊染洗深藍。荷明晚景霜華潔。蟬飽精
秋玉露甘。鷄肋會當從爾棄。贊山前已棄諸生籍大川各巖
恣遊探

醉深

八疊前韻東鄭石廊

穩臥秋原藉徑三。是年石廊不赴試羞人劔篋往來擔。陶
潛有興還鋤菊。楊震能貧只種藍。志已遙隨霜葉
變。夢殊熱向雨廳甘。同君打疊馮婦勇。笑讓他人

虎穴探

鼎鑪丹成鷄犬皆化。固應有此妙境。

八詩言言穩妙如繭抽絲而不盡之緒愈奇。

九日謝宋山言兒贈韻

籬花淡宜人。秋色觸遠思。下帷銷林煙。授衣裁薛
荔。不知戲馬臺。果有羣兒戲。多君五陵豪。偏不罷
講肄。風流咆吟詩。殷勤虛問字。由來一日醒。勝人
百年醉。欲覓康莊途。願竭老馬智。力能張吾軍。但
防奪吾帥。疾日劇風馳。轉頭堆雪刺。乘時有深期。
志亦不可。立易哉。慎立志。

步步用意足見接引婆心

虛直堂文集陶斯編卷二十一 九

山言秋行感懷詩有矜看南飛鴈應無鐵羽

嗟之句因為八韻以廣其志

西郊張羅罽。百鳥各自猜。丹穴出雙翼。上下同翔
迴。韶疑徹天奏。桐疑倚雲栽。高懸竹實。何阿闕招
以來。豈知弋人慕。殊非鳳凰臺。培風自有樂。回頭
笑。鳩媒翎羽了。無損冥冥飛。九陔高岡好。鳴和莫
為楚狂哀。

自足為已學者所見

和葉子岩秋日獨坐傷王李二同學懷毅熟

鄭石廊兼用見投之作用原韻

端居了無管孤斟試蕉葉出岫嫌雲忤升木讓猿
捷強項人世間那復仰眉睫老錦藏我琴瘦日發
吾笈秋煙鎖開關市塵迎不接文章任毀譽才猷
已打疊獨有夙夜心露常畏浥厭刁斗不自嚴敵
騎早相切要知切身憂不在騰口頰葉生棘穢推
交情久周浹稜稜豪氣橫嵩華失岌業好古樂不
移耽吟矢自愜當其得意時栩栩似莊蝶願與咏
淇奧無徒賦校獵寸陰不吾留零落傷莫莢王李
其已矣如電掣燁燁石廊老向秋空驟萬卷篋近
頗返岐途俛首商大業天壤一主翁羣流盡僕妾

虛直堂文集 陶斯編 卷二十一 十

人恒去望望吾豈敢喋喋少矜千里馳今方兩耳
帖乘壯鼓朝氣直前戒惟怯神謀無二三決機須
專輒已破長卿城還誓祖生楫苟欲尊前路即今
起蹀躞幽韻飄然不
獨字句工穩

步此險韻能左衝右突
如組如舞吾服其神力

和宋觀察西陂雜咏六首用原韻

淶波村

往來淶波村相待淶波久公非淶波人獨有淶波
友淶波照開門絲絲涵疎柳

迴環搖曳
有別味

釣家

釣絲立千尺獨垂無人境雲深老羊裘月開入筇
箸奇言羨魚翁秋潭妙晚景

緯蕭草堂

水村蒼葦葭連霜并刀截疎影期自藏天寒手未
輟有遡烟波來莫誣漁人說

和松庵

龍鱗幽自吟飛濤下寒山數椽迫汀浦遠近齊潺
湲請助嘯與咏長此贈答間

芟梁

虛直堂文集 陶斯編 卷二十一 十一

采采軟角菱溪雲濕我步悠然狎飛絮長虹飲荷
露願言製秋衣高臥趁佳樹

放鴨亭

亭影濯清沼鴨痕破圓沙無猜自來去海翁堪與
誇莫放俗權入騰身潛莖葭

六詩清有餘妍
不可摘句相賞

題葉夢符冊

君家司馬名德崇呼吸上與九天通天摘巫峽十
二峰齊置司馬夢懷中峭岸直比中嶽嵩化作蘭
孫皆似公一一筆鋤不雷同少司馬青來先生夢
神授以十二絲各

竟不急燒銀燭紅龍蛇掛出老腕雄如吹嶰管十
二宮第一嘉名爲黃鍾夢晉爲司馬象襲將奏之
天九重以莫不增次第隆皆以夢符念祖存深
衷葉改字夢符念祖也我欲從訪聿脩功

奇願
突兀

謝陸林屋別後見懷用原韻

笑別夷山又一回追隨好就白雲隈行藏只似喪
家狗文字元堪劫火灰落葉連天秋竟老嫩香遍
座酒初開到今細憶傳經閣悔逐西風馬陣來

清灑

虛直堂文集陶斯編卷二十一

挽侯大司徒

一荒瓜圃馬橋灣三十年來認故山名字全家歸
漢黨風霜片石誌殷頑天庭履過仍誰識華表人
非漫自還同首相從採几處南湖老淚助潺湲

示沈甥

皇帝二十六載冬猛士四方招大風風虎何人快
相從沈郎手提兩石弓騰身飛上玉花驄電馳星
流箭不空下馬甲兵吐其胃豪氣凌天如白虹兩
河少年千夫雄辟易莫敢爭其鋒名奏天子長
楊官好慰疆場有折衝回首大笑涓陽翁滿頭白

髮飄如蓬憑仗禿管寸莛同年年無能發巨鐘得
爾一出放遭逢立身莫愧祖德崇不見千尺祖徠
松磊落不在大夫封

聲響
清壯

冬興八首用杜工部秋興韻

荒荒瘦日掛寒林朔氣憑陵相影森不信有人回
賸谷空憐巾地閉重陰書生易下窮途淚大造當
知晚節心多少閒愁排不去孤懸歷亂更清礎
得狂滕六逞風斜一色迷離誤歲華果有春生冰
雪窟何無客泛斗牛棧山邊落照銜孤鶴城上愁

虛直堂文集陶斯編卷二十一

雲急暮笳此際巡檐誰索笑寒香不復駐庭花
黃綿實戀此朝暉其奈寒深酒力微老樹徒勞撐
暮色凍鴻未許遂冥飛方元海外驚聞見道豈人
間論合違擁被孤斟無可說呼奴且進蟹螯肥
不平勿復怪彈棋觸迂當前總足悲一枕鴉鷺莊
夢後三更客論楚驂時鑰知斂微侵寒劇海苦沈
輝放曉遲輾轉嚴宵頭白盡疎櫺落月見愁思
幽枯莫漫惜深山安穩耕桑臥此間非我惡登金
馬籍嗟誰生入玉門關齊吹笛裏梅花曲甘損壯
頭壯士顏獨步庭階還四顧恐人笑指腐儒班

何處崢嶸見歲功。只將榮落付環中。孤情誤起袁
安雪。寒色難回滿。畚風雲已。經時籠片黑。花看幾
日。長紅靜從眼底。觀消息。欲賀人聞。失馬翁。
變幻光陰。一轉頭。難從蟪蛄問。春秋虹梁斷。處誰
通。涉肆。幸橫時。那掃愁。雪盡泥無前。日爪沙空。夢
有舊時。鷓鴣道。遂不怨年華。迫遠上青天。隘九州。
何須大道事。透迤仙杖。元堪化葛陂。瑤海荒唐千
歲果。家園蒼蔚。萬年枝。暖煨。榴。抽。青。精。飽。倦。枕。纒。
緜。白日移。拚得餘生無。顧慮。讓。人。竹。帛。世。空。垂。

寄託深琢鍊工然有
痛世別腸閱世別眼

虛直堂文集 陶斯編 卷二十一 古

那是冬典詩只當
一篇第屈平賦讀

哭大司空湯潛庵先生三十韻

振古論遭際。明良幾見之。功元卑管樂。道實寄臯
夔。聖業非徒爾。天心欲付誰。由來川岳氣。特有帝
工師。雖水流芬日。金臺啟蟄時。少年參侍從。兩路
起。瘡。瘳。方。壯。投。簪。綬。尋。源。溯。洛。伊。息。心。明。潛。泊。與
世。久。參。差。却。復。因。各。累。歛。然。慶。主。知。殷。勤。傾。獻
納。料。擬。奮。下。維。形。管。三。更。靜。經。筵。午。日。移。宣。勞
崇。殿。開。出。使。煥。綸。絲。霜。鏡。森。森。赫。赫。春。膏。脈。脈。滋
練。江。廉。汲。甕。鎖。院。飽。烹。葵。遊。女。荒。金。地。歌。船。冷。玉

厄髮從民命。自身拚浪花。危。帝。顧。前。星。重。臣。求

少。洊。資。吳。車。攀。萬。于。燕。驛。感。雙。眉。地。厚。蒼。多。恐。天

雁。石。自。疑。學。知。明。傳。說。坐。復。見。程。願。三。禮。寅。清。典

七。情。敬。義。持。喁。喁。端。揆。切。矻。矻。考。工。疲。獨。樹。風。全

撼。幽。芳。雨。易。披。雲。寧。容。舊。壑。荷。已。敗。空。池。餘。魄。歸

山。樂。孤。心。戀。闕。癡。死。元。當。裏。革。世。只。付。彈。棋。莊

蝶。飄。翩。夢。峴。山。痛。楚。碑。何。天。終。黯。淡。此。道。忽。凌。夷

澹。我。琴。無。賞。哭。君。淚。不。私。巖。巖。懸。氣。象。千。載。繫。人

思。亦。自。可。稱。詩。史。字。字。的。實。聲。聲。鳴。咽。言。外。之。慟。彌。深

虛直堂文集 陶斯編 卷二十一 五

立春日歸自西村陸主客示以訪雪上人詩

二章率步原韻兼示雪笠以下戊辰作

言訪春來處。平林日已西。無能窮蟻磨。徒自費霜

帝。門。且。勞。雲。鎖。檐。還。任。鳥。棲。忽。聞。高。唱。發。定。是。浣

花溪

深山何必去。道只在園。屢。春色榮前陌。梅花笑晚

天。尋。僧。詩。自。得。弄。竹。月。無。邊。願。假。雙。尊。酒。請。叅。一

指禪。

再疊前韻呈節庵二首

日見江河下。誰從弱水西。悠然聞管坎。不覺釋笈

日見江河下。誰從弱水西。悠然聞管坎。不覺釋笈

歸世甘雌伏一枝近鳳棲往來無俗駕即是武陵溪

有分安耕稼取禾不計屢願追夸父日各補女媧天春動新林際風融舊水邊舉頭皆可會那用野狐禪

工穩而押韻無迹次章尤堪銘之座右

陸節庵愁春不雨為二律見示是夜瀟瀟濛濛若解慰詩人之意者而天明復杲杲出日矣先後用次原韻

得爾呼靈雨飄翻石燕驕濕披紅杏蕊潤立綠畦
虛直堂文集陶斯編卷二十一

苗漉酒陪檐滴愁心帶燭銷好期霑足後流水訪春橋

三四新翠欲滴

屏翳官何曠廉纖輒復休澤寧天欲竭寒忍戶長留挹淚滋青隴凌風懸黑裘可憐春漸老惟有髮先秋

節庵以連月不雨憂形於詩而遂風靈頓息靈雨輒降曰可無喜雨之句以答造物之

奇乎又次原韻二章

雨絲欣若織雲幕那須裁頓爾肥青甲油然繡紫

且來 昔天知憐筆健甕好就春開老興堪同發衝泥去

吾生常莫保何怪鬱煩憂糴賤還無那農貧况不收城光流宿潤麥影弄新柔願續幽風關知難報有秋

五六麗而雅

節庵不飲酒而喜雨詩稱醉作戲相嘲問顏笑靈均只自醒那如身世付沈冥先生未解書蕉葉此日何云倒玉瓶春意細歸榆筴雨風流新築醉翁亭有人慷慨三杯後願侍霜毫注酒經

虛直堂文集陶斯編卷二十一

情婉風流

再疊前韻答節庵

果然孔顛勝人醒一曲新歌入窈冥光酸無能分玉版粗豪只欲丐銀瓶仙郎醉作閒居賦造物名歸喜雨亭可做君家桑芋子渴喉至死誤茶經

沈棟頓性撮王李之勝

又疊前韻謝節庵注存

伏枕連朝喚不醒杏花孤負雨冥冥病闌好闌詩千首興起還澆酒一瓶醫世其誰來畫省知音獨我近柯亭感君顧盼渾無已定有孫陽相馬經

雷來確見懷以詩而高相推許愧不敢承次

原韻答之

元音世所希此道久汨陳罕缶互鳴聒洗耳寂寞
濱豈謂孤吹發遂得儼伶倫鈞天有異奏縹緲銀
漢津欲聞苦無由合愁長自輦所期探要眇無徒
話謔諄願隨緜山上吹笙辭世塵

以冲初之懷道
眞實之語故佳

讀來確詩疊前韻勉之

詩不在漢魏何有於梁陳心源一寸潤南山北海
濱高調發逸響繁促無奪倫波翻蛟龍窟安柁據
古津新色收耳目佳趣隨笑輦取精只淡淡乘閒
或諄諄觸景覓靈異期無留點塵

說詩
精選

送鄭石廊之江寧

珠江萬里乍停橈又泛秦淮弔六朝老典偏隨遊
屐駐閒情總仗客樽消幾回眼冷春天樹數寸囊
收海月潮文雅臺邊剛折柳斷鴻無際影脩脩

聲光
片

春日同節庵簣山子岩維豐謙宋王政遙青

園步節庵韻四首

下馬衝花陣當溪蘸柳絲由來春好事偏是烏欄
知香已迷雙屐人還弄一枝謀歡良不易那肯負
佳時

塵緣將謝盡贏得此投閒但趁牆邊蝶無煩世外
山梅疎方目補竹老不嫌剛幽意撩人切連鑿足
解顏

昔日周公子移峰帶榿籬遙青尋舊色大白醉新
奇晚沼翻魚沫落花冒兔絲耳邊笙管歇偏解續
黃鸝

檐藥禁疑玉階苦步有錢欲牽柔葛蔓長繫豔桃
天陳迹憐今在清歌憶昔傳此生多感慨觸到
人偏

俯仰今昔
無限深情

節庵喜予遙青園賦而形於詩依韻奉酬并

述鄙懷

衡業誰堪嗣古風莫徒賦草許人工騰蠱枉使春
陰費過眼將無浪蕊同我復何心消白墮君當有
石補青空浮沈半世求歸宿恨未千川障使東

同簣山訪侯叔岱於水墅予先言歸憶簣山

獨留之况

桃花夾路可憐紅。春色因循又復空。柳邊遊雲開
度水恰當涼。燕晚驚風。籃供野蔞香。何似巾流名
酷嫩不同却憶人。留陳榻上定多好句答焦桐。

善
澗然
清曠

節庵示幽蘭詩用原韻奉答

急風飄白日。人境殊蕭瑟。鬱鬱五十年。我生何自
聊行藥。或南圃采蘭之東。臯顧瞻松下人。一卧不
復朝。過時勉自奮。流俗堅無挫。濯茲滄浪纓。瀾彼
谷口無有懷。元堪適非隱。何須招把舵。往來輕風

虛直堂文集 陶斯編 卷二十一 三

帆信所遭枕書。邀清夢。剪蔬從老饗。幸有素心客
淡結君子交。情洽無預酒。言深常卜宵。偶然發慷慨
慨。虛盡碎還獻。君戶設雀羅。吾門掃埃蕪。霜華兩
相映。鬢髮各飄蕭。誰初遠。均佩忽。書懷素蕉如聞
黃初上。落落聲調高。別摘千歲實。笑付五石瓢。大
雅有遺響。不徒在劉曹。先生倘不信。願同問參寥。
古音淡泊而風韻
流逸足稱國香

和節庵喜雨用原韻

落落寡交結。幸卜王翰隣。得句即相示。奇葩日鮮
新。是時愛春雨。洋洋發大真。毫端雅俗韻。如農爭

掘耘前朝慘霜。電殺禾痛。斯民繁紅。盡枯落無存

一枝春猶幸。知時雨。倏然獻此君。挾風度小院。爲

洗元規塵側耳。受檐溜支願。汪山雲。過午漸霽。蒲

當宵益。氣氳勢疑翻。銀漢快人夢。中間一犁想。已

足千緒。其無紛不敢送。窮鬼聊同祭。詩神明日踏

南嶺。果否綠復勻。門前索租吏。次第來。手巡我愧

無可應。彼難怪。其與有言中山酒。一醉能百旬。邀

我連百醉。直隔此世人。此言不足聽。此生當苦辛

羣。饑我安飽羣。遂我自勤。要於兩大內。不慙鼎三

分。感君收糶散。三沐而三薰。清論多道妙。往來忘

王賓。綵筆不吝借。羊欣剛有裙。

亦自羅
羅清疎

餞春步節庵韻十首

年年餞君歸。試問君歸處。東皇笑不言。潛逐飛花

去。

紅樓春自媚。人偏樓上愁。笑人春去後。愁空結滿

樓。

春來不可見。春去留春跡。春原無去來。樹底藏消

息。 謾謾輕講起。春風別老松。松枝閒自得。又聞一番

風

桃李花間蝶飄然去不來那知雙燕子正復耐徘徊

春歸春便歸莫更扳春任回首五十年煩惱春相

誤

春歸春徑歸歸亦有餘情還從清夢底喚我樹頭

鶯

一夜胭脂雨東風颺海棠繁華知易歇那復艷齊

梁

願隨沙際鴈不逐泥中絮悠然獨往還常在春中

任

長亭一杯酒不必問輪蹄春歸定不遠村西若耶

溪

節庵居

有淡語有深語都耐人思索不盡

春訓聲前韻十首

君問我何歸我問君來處來者不厭來去者何愁

去

和亭日送客相送輒相愁誰似來年燕還尋此日

樓

飛紅滿人間何處覓踪跡三更靜無言君已得消

息

油油原上草亭亭澗底松淡泊終自好在殺落花

風

有愁不帶去無愁何送來倚欄癡兒女落月尙徘徊

徊

歸莫喚吾速誰是百年任雙丸跳不停問君堪幾

誤

一聲聞折柳都起旅人情且向綠深處息心聽好

鶯

何須生紅怨請贈以青棠繁香元易散君自有都

梁

春餘猶自寒爲人遺飛絮可憐賦無衣恨不章臺

任

罷君黃金盞翻我碧玉蹄明年來相訪先到白午

溪

意義深微正索解人不得

和箕山夜坐自嘲用元韻

不向人前覓愛憎相親每夜有青燈鏡殘蠹版偏

如失赦免霜毫且未能玉已千番難信楚香還一

瓣好依曾老來却喜閒愁少數盞垂頭睡氣騰

三四悔
悟真鏡

再疊前韻

何消自髮鏡中憎。照我還勞太乙燈。鷄到五更渾
有意。鳳寧千仞謝無能。逢流枕耳非關許。高詠臨
風直是曾却笑。狂夫狂到老。終教鷄鶩傲鸞騰。

逸興
欲飛

夏日小集兼葭浦和節庵韻五首

有人關靈境。俯臨千尺潭。山花互照耀。白雲相吐
含。只疑前年夢。蠟屐行江南。俯仰慨陳迹。懷主人
侯方至
柳。植依舊。摛

虛直堂文集 陶斯編 卷二十一

五

祝融煽大冶。那有清涼人。散髮借素侶。濯纓佩泉
紳。風囊放悠颺。魚梭擲鮮新。麗然絕塵慮。莫辭掌

中醇

隨分取逸休。買山何須遠。忘欲希葛懷。濫情薄嵇
阮。浮瓜脆寒冰。冷淘美禁鱗。淡泊味可多。先生試

一飯

不勞賦。呼蜩已自遊。逍遙矚子。趁荷入橫。維綠楊
橋。愁仗松塵掃。吟助魚榔。敲我生幸無累。乘風隨

鄭樵

暮雨其誰行。灑茲平泉樹。卷著蕭爽流。送我歸詠

趣。扶滑上小舟。櫂盪還欲住。白鷗有餘閒。浮家結

同寓

五詩有新
色古趣

山前近詩道。眼前之真色。鏡言外之遠韻。充
于有自得之趣矣。若夫調警而語雋。猶是其他
能

虛直堂文集 陶斯編 卷二十一

五

秋屏草者予客宋中丞幕府而作也豫章之陰故
 有秋屏閣曾子固所謂可盡西山勝覽者而今化
 爲僧廬牧場蕩然無可問之迹矣顧無而撥其空
 名何也曰天下何物而爲常有於兩間者哉秦宮
 漢殿唐苑隋樓莫不悲銅駝而長荆棘况無榮不
 枯有息必消凡物之變態無一非秋屏觀也而必
 孰有以爲有則有不終有而有之累於心者其勝
 措滌也乎予破宮亭之雪浪挹敷淺原之翠微洪
 崖探仙靈之窟椒丘弔興亡陵谷之變或當景而
 寄閒情或因事而發寤歎有其感也不能不鬱有
 其鬱也不能不形於短詠長歌情如是矣然則是
 草也苟一日不澌滅銷蝕於人間而好事索隱者
 或采以徵南浦之故實何遠不可謂秋屏之百尺
 猶靈光而無恙不然雲散風飄則詩與閣正同壽
 於無何有之鄉矣夫指顧斷煙杳靄間非鹿洞鵝
 湖之歸然者乎然在今亦不過空名之姑懸而於
 秋屏乎何有然則予之詩又何惜其爲秋屏之無
 有也哉康熙戊辰半翁自題

秋屏草自序 卷二十二

虛直堂文集卷二十二

商丘劉 榛山蔚著

同里宋 榮牧仲

睢州田蘭芳贊山 評

秋屏草上 戊辰 夏秋

次韻謝陸節庵送別二首

陽關莫奏短長亭刺水殘山我慣經揮手頓憐茅
 店月別筵寧赦醉鄉瓶天邊浪雪迎飛鷺江上蛟
 雷護繫舲堪笑萍蹤真碌碌枉君折斷柳條青
 志氣尋常監九州却教蠟屐但依劉滕王閣上邀

虛直堂文集 秋屏草

狂蹟徐孺亭邊授旅愁才藻羞人稱記室身名許
 我付滄洲天南候鴈猶能到會奇相思庾亮樓

二詩安 隱中流

陳太丘廢祠

廢祠立半壁鼯鼠窺蒿蓬行人拂斷石驚言陳仲
 弓牛鼻翻古瓦樵柯振陰風道南闕佛宇陶煙徹
 天濃

結更好 悲好笑

固鎮夜雨念箕山未及言別悵然口占

驅暑連朝仗雨絲滂沱到枕益多時念君歸轡當

今夜定補從前送客詩

聞楚變

訛聞江夏信真見羽書飛豈有螳螂怒能消解牙
威傳言湖廣撫軍死之遊魂飄燕幕奪魄閃龍旂敢請長纆
狂功成掉臂歸

合肥苦蚊

夜宿金斗城滿枕颺城柝暑煩心如煎苦睡終未
著小扇倦強搖輕雷殷其作聲勢堪負山回翔肆
兇虐鼓掌怒殺之密益雪霰若鉞鋒苦相投蜂陣
堅不却無聊學齊桓憐饑予大嚼含驚費爬搔帶

虛直堂文集 秋屏草 卷二十二 二

痛笑班駁摩膚中謝詞猶非高郵惡

謹情 老格

過桐城弔何道岑先生

古奩封厚埃疎棄無人照其有拂拭之能不同悲
笑賤子孤自持百難歷壯少人誰引手援先生惠
而好煦噢憐互寒咨嗟提泥淖一往三十年靈臺
塑道貌龍眠蔚深林伊人呼不覺歎歎酌清觴倚
山發狂叫感彼隴畔人牽衣爲我告死者固其常
陳人豈勝弔此言亦達觀長揖謝荷篠蒼煙落日
深去去復何道

小孤山

小孤之山天下奇棱厲剪削駢坤維怒浪洶濤古
摧折四面受之危不敵遠鷺玉笋插突兀近挹翡
翠光迷離鼓柁盤旋絕逕路細覓一線通透迤鐵
鎖攀陟如猿猱膽寒氣促凌巖高閣危從山腰
結雕甍畫壁雲霞飛絕頂苦無濟勝具便有健步
將安施振衣欲仰排闥闔飄飄兩腋生清颺一拳
直莫龍蟻窟孤情萬古無因依吾生動爲物所撼
何不屹立長如斯

便是先生自贊

虛直堂文集 秋屏草 卷二十二 三

過彭澤憶故令李襄水

城堞隨巒壑人煙亂浦汀當風春女笑獨樹打魚
腥秫種曾何地襄水有種林堂琴彈定此亭寧知強項令
墓已似山青

輕婉中含 悲無限

石鐘山

鬼斧剗削百仞立下有老龍千年蟄駭浪飲激到
耳清似於長樂來鏗鉤銷盡銅山勞晉平曠涓先
後笑不聽何如馮夷無寸筵清濁高下總和聲我
心匪石慚愧生叩大叩小未能鳴聲聞果如湖山

承上鐘下鐘發深省湖中之左爲上鐘右爲下鐘

鞋山

濯足元當萬里流飛雲各果共水雲浮休防刺史
偷將去試問尙書識得不黃石無端逢我墜大人
有跡爲誰留祇須踏穩風波裏何愛仙臯帝里遊

蝦蟆石

雲根突然出奇形蹲踞諸泐泐大湖庶不拘於
墟緘口謝鼓吹側頭望匡廬不知鬼工意官私何
用渠激浪代鳴吼濕雲作衣裾定知廣寒路悠然
歸望舒

雅
虛直堂文集秋屏草卷二十二四

南康

翠壁左無天雪波右吞地一灣藏人煙星渚鬱佳
氣少女苦尼人竹索長日繫谷簾當頭淋香爐靚
面出不知蓮花峰還復有人未落落水雲窟草草
成位置何偏臨大儒日月照相繼抖擻覓古踪煩
潯病腸胃招手進土人可知昔年吏濂溪宅何存
紫陽祠與廢上人笑致辭不解君所謂仰怪何王
官離離簪金翠危矜懸繡徒滿簾眉市味云有宰
官來懸佛傳法諦荒涼五老旁白鹿洞門閉御

書徒高懸今上陽學達性天扁額儒生誰庶佩蒼鼠戲屋梁
絲繡繡庭砌安得兩先生重起修廢墜願於青牛
谷結茅小如髻風雨一經餘長歌采幽蕙

亭次點綴全似洗花翁中插訪土人一段尤有景色

中丞三異歌三首

二十七載夏六月中承來建西江節維時羽書馳
隣疆飛權溯洄逐鷹鷹度絃正當歌南薰湖口千
舟久繫櫂是日十五海月騰欸乃人愁波弄雪欸
然一帆助北風夢覺吳城漏未歇嗟我詰朝追後
塵八日彭蠡旋還折巖疆安危爭呼吸此異當與

王勃別
虛直堂文集秋屏草卷二十二五

健院

出拆冰紋禾焦枯西江家泣鮫人珠十日五日澤
不究烏獸將起乘風呼中丞飛舸如掣電氣未遑
息下信符詰旦與民掃壇遺親顯山川百神徂乖
龍卽夜忤抖擻玄冥屏翳齊奔趨銀河翻懸雷斧
折三日滂沱千苗蔚天心原無尺寸隔誰是中有
盈缶乎我爲援毫書二異欲廢鄭洪隨車圖
狼烽密邇燒臨臯江夏節鉞煙中銷蠹蠹豫章不
自寧竊相招納傳紙條期誓明朝乘新洲一闕豕

突鳴弓刀於特晴烏已西下中丞忽起命賊曹潛
授渠魁雙姓名如捉棲雞無煩勞手取匣中上方
劍立梟轅門懸高標治亂中間無容髮聲色不動
羣陰消於歲三異異如此中卒區區安足齒

贈宋山言

我昨一帆溯彭蠡新翠滴入蓬牕裏西望峻嶒失
青天知是五老峰第幾匡家兄弟一結茅令名直
與入地齒由來百物榮於人要須稜稜立身俾吾
黨獨奇宋仲子家學泳游滄溟水磊落嶽崑凌斗
星世人高標培塿耳但願倪首益孳孳萬仞只從
一簣起莫道積行知者難中丞遇 王今如此

結最
合拍

聞楚捷

小蠢憐何意闕然肆楚疆立鬚蝦用武排穴蟻稱
王果費長纓繫堪凌短劍銜秋山汗巖處淨滌漢
流長

秋夜步山言韻

只似深山臥嗒然萬慮休三更方挹月一葉又驚
秋漱石芬巢葉摘星墜若榴冰盞消受處那更覓
清幽

莫怪

莫怪寒蟬靜不鳴羞人百轉學流鶯知音惟有香
山老解道無聲勝有聲

石鼓歌

青穹完好煩嫺皇雲根餘剩拋岐陽或疑天傾列
宿滑勻圓下瀉羅山崩風滌雨沐人不識數千年
待周宣王宣王中興武威盛吉日大獵旌旂張疎
疎遙看蹲虎豹箭簇不入聲琅璫天數地數各得
五形似征聲加煌煌吉甫方奏成功頌王曰史籀
書之良石鼓奇質來天授差勝响嶮磨礪方琴侯

虛直堂文集

秋屏草

卷二十二

七

重鼎不重此過而問者曾誰行祖龍一炬天地黑
神呵鬼護潛陳倉兩漢儒者網羅漏土花厚結苔
痕蒼嗜古惟有昌黎子彙駝欲致尼山堂餘慶原
來稱解事元祐又復搜遺云車攻馬同強辯識龍
驚峻闢森戈鏖一獨仰孟九覆釜曾化玉白歸裴
航九既剝落一無字刪後何必求詩章金源裏載
渡易水元明到今留宮牆學人好事考金石疑信
千般窮毫芒近或薄爲後周物遠復侈稱西伯昌
魯壁汲冢寧無傷大戴小戴多荒唐文字陸離有
旨趣摩挲便足心飛揚君不見中郎石經空爾爾

古味淡泊誰其嘗

松區奇奇茶然
古色可絕昌黎

得黃安姚生札却寄

故人二十二年平臺雄辨決百川故人二十二年後雙魚問我江之右可信人生遭遇難名璞今始聞一售計君冠已歷曉霜我復衰老多眩瞽駢日無戈歲月虛逢時有命文章壽惟予雄懷同灰寒息駕不復矜馳驟夢回粗糲飽無求芳潤悠然默自漱中丞折簡招我來憑高鬱鬱懷朋舊回首黃安指顧聞暮烟如織秋江嫩來日已少去日多

虛直堂文集 秋屏草 卷二十二 八

寄語身名強共愁

次丁景呂韻五首

天涯猶復存者舊水署俄聞誦好篇觸近愁人清夢破秋聲恰落午廳前

蓬茅自古能容拙引手候門了不須今日便逢賢太守能教孺子就人無原個有若教孺子生今日太守還能下榻無之句

可知就人者終非孺子一輩人

小阮才名存舊耳景呂同吾中原後起屬新開可

憐白髮遙相照獨省腰肢折似君景呂曾為獲鹿令

多少曲折

懸河衝口潭無齒采藥臨流淨洗塵好是洪崖當

日容漫堂中丞不駐此時人

鵬湖鹿洞今何似芒屨筇枝苦未酬若不烟霞逢道侶旅魂枉煞在江州

以朴鈍生姿是蘇黃法

中秋

依舊秋蟾魄團圓照此鄉荷蘭醞古蓋是日飲荷安石壁新瓢冷抹山椒碧疎銜佛手黃遙思小兒女瓜餅拜清光

燈花二首

虛直堂文集 秋屏草 卷二十二 九

何勞綴葉與妝枝焯燦孤檠夜放時落處生驚僂

豆羹蟲名采來可笑誤蛾兒輝輝照眼三更秀閃閃

驚心一穗岐不許東皇拘管得殘編濁酒是花期青帝如今禪祝融九枝爛熳關春叢果然淚有真

珠落寧道蓮無烈火烘歛薄蘭膏聞夢後飄搖玉蕊客應中幾番浪喜輕彈去散作秋螢滿地紅

未四語只是

和宋中丞遊北蘭寺原韻四首

定采千頭菊全初九晚蘭文甘韜微帶命只耐驚

湍妒石泉宜咽吟秋葉未安却教宋開府先我踏

煙巒

吟秋葉未安
何特新警

箒領渾無撥排雲到馬堂紅扶霜樹直綠染水天
長停節光諸佛凌巖叩彼蒼僧門新雨後作意弄
清涼

寺寂街松壑香寒抱桂林堪迎康樂屐欲進廣陵
琴幻識雲間岫孤生物外心空王不須問吾已辨
升沈

夢訪秋屏閣神遊孺子亭秋烘山氣紫露綻蘚痕
青會且招林月寧遑惱鬢星閒從人境外粥鼓亦

堪聽

虛直堂文集秋屏草卷二十二
十

臨川湯弓庵秀琦著讀易近解春秋志求方

伯學使者壽梨未果又攜而呈之開府感

賦

皇天賦才不賦力著書窮愁老圭華瓦繁禿管殘
煙汗得意擁鼻搖吟膝絲絲如鬱蠶胸臆古經今
緯時抽出雲錦天孫能自織只應自服安且吉皇
皇衣被非吾職日中一罌如雲密持錢各有營汲
汲大聲疾呼亦何必湯生湯生抱兩帙心血滴滴
字行濕自謂畫前得消息側目親睨素王筆後儒

傳經經愈失江都輔耐敢斥錫金刀濶切鳳雙翼
不為饒兒供肉食腐齏殘多蠅爭集玉液金膏棄
不恤胡不搗之深山入徐俟千秋有人識十果人
生難按抑我亦強顏喜作述從今委棄任蠹蝕與
爾同謀息心術

可歌
可泣

桂枝無瓶注戲以詩返之山言

叢桂折小山何人在空谷西風散奇芬為我伴幽

獨鬼斧信吳剛仙名賜金粟果然清夢餘如到廣

寒宿漬酒興可乘挈瓶智未足數枝辱長鬚爛然

虛直堂文集秋屏草卷二十二
十一

空高束旅齋如水清或可堪浸沃不然歸古窰免
使炊煙速

石書歌

宋中丞得石書額曰胸中丘壑懸而觀之

蒼然古瘦疑有墨淋漓瀉焉蓋擲山石而

碎之箝於粉板以為字亦異技矣為之作

歌

雲根磊何摩星躔直劈橫剝戲頑仙選白熟煮青
碎擲大棧小片聊鋪攢或疑奇偶畫中得或疑戰
陣圖中看秋蛇春蚓走屈曲驚龍怒蛟飛蛇艇赤

帝斬斷且跳脫公孫舞罷猶踟躕嗟呀不同伏波
米揮灑直是元琳椽未許斂折猜玉碎更晒屋漏
徒痕斑森森摩有劔光冷浮浮帶得雲氣殘由來
丘壑胸中物却復丘壑堂上懸吾聞書法貴有骨
骨相千古稱公權豈知瘦硬欺老筆石書稜厲彌
蒼堅中山狡兔可免殺弘農陶泓當投閒不用斧
鑿天呈巧浪濡墨汁入空顛點點堪承南宮拜畫
畫應驅秦皇鞭便使他年磨滅岸為谷猶與秦碑
漢碣堪同傳

生新似
眉山

虛直堂文集 秋屏草 卷二十二 三

題張長人先生藕灣文集

百川各異原百派各異日原復有大原派亦同歸
宿世人莽論文曰此其某屬人固自有真詎可假
皮肉况候非其倫冒昧指馬鹿一笑為平反庶幾
無冤獄藕灣志遠遊柳州發其足時假昌黎途欲
脂周秦鞞究之為藕灣其可名誰孰或稱由歸安
聿來從承叔二公定笑曰此客非我速為政有主
翁古人盡臣僕特為我驅馳而寧彼拘束未聞織
天孫從誰授機袖倘成文不亂同工而異曲予嘗
持此議人驚舌不縮傳之輕薄兒既罵還捧腹試

質藕灣翁藕灣其然不

議藕灣翁
今文人之秘

滕玉閣

章江門外章江水水雲橫入人煙裏高閣蘊蘊枕
江流星漢平來飛檐倚當年孤鶯還飛來歌舞一
往終已矣青山鬱有萬古愁紅樹凝結一時綺指
顧風煙幾變更點點丘墟猶遺壘陰林夜鬼哭千
村白日妖狐掉九尾戰艘去羅鷄鳴豚歸來滿貯
兒女子十年民氣復幾分昨日震鄰又欲死日窮
人世總蒼涼况是蕭索秋若此落葉如蝶去復回
熟柰連霜墜不起高風策策流深寒緇袍一振粟
生體吾生懷抱易牢騷狂歌一聲樓欲圮隗焉干
尊澆不平長絲且釣驚波鯉

虛直堂文集 秋屏草 卷二十二 圭

悲涼激
楚之音

樹蘭

瑣瑣繁金蕊開香怪楚臣只堪從月折形似何以
冒秋紉人有相如慕花非隱谷真知君羞待女
如兒夢
故名得花
挺特凡吾身

南浦雜興八首

一縷何飄飄白雲白於綿不信白雲下蓬蓬真故

山上山秋正好下山秋已老西風苦無情一夕長
林掃請看燕子肩猶是王孫草

古樂府
遺音

朝弄章水煙暮挹西山翠月明洗高岑秋聲落遠
樹此中定有人茹芝紉荷芰灑然沐清寒塵襟發
雲氣

森森黃葉下言是澹臺墓亭亭友教堂宋轉運副
使置大昌
建。千年如可昭老瓦垂陶甄疎鐸響韶護可憐明
帝窮幾入大盈庫天啟末關人魏忠賢擅國斥賣
郡國書院坊木衡錢是祠亦在
賣中會恩宗
卽位乃免

虛直堂文集 秋屏草 卷二十二 四

步出望仙門靈壽西風倚一丘牛足中猶題漢高
士清風飄蒼烟舊有清
風堂殘礫發綠芷瓣香傲南豐
從乎東湖汜曾文定作徐高士祠記言蕭子故宅
在東湖南小洲上而墓失其地蓋宋
南渡後南昌尉
張敬之始得之

散襟入西山餘衍不可測古洞結幽寒名秦
人洞窅然
雲氣黑聞有避秦人深藏樂稼穡隨處有桃源而
我何偏仄不必聽鷓鴣行行當自得

零雨從西來洗我齋前柚秋草忍初寒上階挺夕
秀疏絲織鵲橋貫珠絡檐溜嗒然諸慮清一觴引
自壽

端居淡無營仰翫芙蓉天焱風挾騷憂歛然集眉
端漆女心枉結杞人祇自煎何如一杯酒靜任推
與遷尋寒了不計吾生愧枯禱

西北發盲風列坐不可御東南湧狂濤鬚鬣驕蝦
鮒而我滯遠天一葦不可渡渡頭倦欲眠驚鴉隆
相呼倚杖望秋山雲歸晚如絮

送秋用范石湖西風滿天地孤芳照塵沙句
為韻十首

憑將一杯酒相送夕陽西誰為弄搖落荒荒瘦日
妻

虛直堂文集 秋屏草 卷二十二 五

芙蓉今已老都怨鯉魚風多恐前山葉還思此日
紅

秋聲自西來秋色從何返聽絕鬱閉悲有懷容易
滿

寒杵家家月哀鴻夜夜煙言歸歸不早奈此菊花
天

秋蟲惜秋別莫盡留秋計商風一陣回叫殺霜華
地

有天皆傳舍何日返歸途大笑長亭外且消客夢
孤

零落元非偶，凄清枉自傷。論功前浦上，丹樹屋春芳。

過眼流景光，陳跡輒堪弔。疎毫淡墨天，雲林爲寫照。

去去茫無跡，曾能帶一塵。可憐鑄釜熟，何處問勞薪。

秋風元易散，如手放搏沙。香山詩：風如搏沙放于還自散。

有淡永之味

虛直堂文集 秋屏草 卷二十三 十六

虛直堂文集卷二十三

商丘劉 榛山蔚著

同里宋 犖牧神評

睢州田蘭芳 贊山

秋屏草下 起戊辰秋 訖己巳夏

何用

何用才名與世爭，窮愁似老真。卿狂蹤自笑，無聊賴浪墨閒。毫過此生。

訓陸節庵見懷原韻

江鄉細雨繡苔階，一葉驚風入晚齋。有意碁催山

虛直堂文集 秋屏草 卷二十三 一

月上無聊，鴈向浦雲排。秋隨萬籟爭飛，越夢遠三更。渺際涯，況得仙郎天上曲，青燈白酒觸幽懷。

和宋山言夜飲韻二首

花時足勸兩眉開，况復章江夜雨來。莫笑先生枉就榻，黑甜甜似掌中杯。戲其酒甜

儘爾高呼鸚鵡杯，鄉心澆散會重來。驚秋簌簌風前葉，鞭殺奚奴掃不開。山言思歸

卽席賦得江月滿江城限城字平首

島嶼金波溢輝輝，丙夜清江榜驚濕。鳧霜柝冷巖城盡，天無色風高。鴈有聲却憐南浦上，還弄故

鄉明

漸轉波心月團圓挂太清露華飄萬戶水色潑孤
城後夜星光直閒陰閣影橫醉餘行處怯疑泛晚
潮平

寫出片夜真
境語語高老

滕王閣曉望

南浦朝煙凍不開鄉心况復送人來冥濛近遠山
全失排突虛無鴈自回官渡披籠提蟹脚市兒繞
岸捉魚顯江干好景偏相觸帝子閣前又早梅

章江岸頭送張長人二首

虛直堂文集秋屏草卷二十三

送君章水頭章水咽還流霜樹昏相亂江煙低故

稍

隔水望巾車白雲絮不如山腰斜度處是否轉窺

予

二詩可
以鋪魂

拜徐孺子墓

人煙斷處愁煙蒼煙濕廢圃菘含霜池枯三寸妾
魚縮泥翻一丈荷根僵斷堰偏仄款段怯耳前足
後如牽羊長鬚扶持披草棘多露不惜沾衣裳版
杵登登數堵直駕瓦鱗鱗三間荒入門屢最插古

礪劍蝕不可求偏旁回頭大書漢高士一片橫

青苔牆誰截雲根琴樣闌圓砌如笠肩與長濁酒

一杯首一俯微聞似有清骨香吁嗟乎不幸士無

樂行會惟有泉石堪徜徉先生固非烟霞癖不爽

不惠屯休光肯使殘礫生寂寞中承復起清風堂

人生何為多浪擲千秋獨讓名德昌

品格在少陵
眉山之間

陳司徒

陳司徒何為乎二千石來人人佩虎符部下寧獨

一士無薦羔魚酌清醑古屋虛片榻孤瑟瑟霜風

疎羅羅江月鋪呼之可應高士廬仲舉祠距孺荷

衣蕙帶其來歎子墓不數武荷

氣調落而
義蘊無盡

東湖曲

躍龍橋名龍老腰肢折龍帶驚波龍吟咽寒藻青分

石上苔勞魚蘋比霜中葉踏得魚舠小似杯一篙

直破湖心月湖心月破復圓湖心鷺去復還蘇亭

空自結濕煙煙染湖光鳴頂綠扣舷高唱東湖曲

東湖擬卜水一方摘荷連露裁為裳釣雨樵風幽

趣長

致有選

澹臺墓

東湖之東疑陶甃殘碑如人敬欲什雲窟探時維
起羣草痕破處狐藏竇先生自來江之濱道氣長
務南州春孺子宜從墓邊宅墓西乃徐孺子故宅先是武城
楊上人

遊北蘭寺再次宋中丞韻四首

別緒無聊賴出送張長人選幽到北蘭寒輕圍近郭響

急送飛湍倚檻花如病迎人竹不安迷濛煙景異
一抹舊山巒

虛直堂文集

秋屏草

四

逐逐門前客新詩和漫堂中丞牛腰藏稱重蠅脚

上箋長人闕山容綠吾分柏影蒼隨聲如砌蚓滿
意作秋涼

百轉雲根屋千垂棟子林僧難長過膝柴簾抱如

琴老欲藏丹壑幽元結素心行吟塵境外清磬一

聲沈

漸破煙中色全收列岫亭江圖于里白山寫一痕

青薺色蟠疑繡橘光綴若星霜風明日發江吼再

來聽

詩清調老
是沈化翁家法

答僧問姓字

粗豪晚浦走花驄誤踏君家嶺上慈姓字不鈔相
問訊黃河南岸董圍公

漫堂咏物次韻六首

靈壁小研山

奇峰森然削利鋒出劔匣黑雲凍如膏冰結十二
峽靈氣傍管城風雨知不乏

宣銅鹿書鎮

風應小鹿蹲宣冶經百鍊嫩膚潮氣蒸古色殷紅
絢問誰耽縹緗補牘當爾薦

虛直堂文集

秋屏草

五

大食索耳杯

何來海國陶色奪過雨天雪藤讓輕薄玉繩垂兩
肩微彈清磬發襄擊無乃然

小華道人一池春綠墨

窮老弄松滋如秋濁於奕安得小國侯執此玄玉
壁春江漸退潮銷磨亦可惜

何雪漁凍章

春蚓結籀文雪漁巧為政膏潤有含光粟溫見真
性莫信越使臣給人指疵病

倭漆桃香盒

海國三千歲仙實結有黃浸入墨江水親向龍宮
分請試開而視中有龍涎云

奇思似松陵而去其微
閉情似輞川而加之厚

題錢舜舉三蔬圖

菘

野人嚼斷干畦青連月開殺折足鎔采采堪調香
齋羹沙甌無用緩頰說沙隨呂司寇冠董園自不寒

幽蘭

笋

籜龍一迸春園綠土花紅襯錦綉束老饕欲試芒

虛直堂文集秋屏草卷二十三

臙躄不遇與可便應休誰知萬丈藏寒玉

菜蕨

辛性借作遠從神農譜采葑借作使者辨國土得

君鬱鬱堪一吐却笑吾生一飽艱敲定不患銷腸

本草注言種芋食穀種
菜蕨費穀謂其能銷也

於嬉戲

山言笑予研有積墨拱起賦此示之

莫怪峰巒起毫端本不儘從靈壁得山言有靈壁小研山

何似小華生心惜共闕爾形忌別有盟肯容雪堂

下黑菊一吞輕相傳黃州蘇子瞻
沈墨池魚翁畫黑

母氏壽辰不能歸而上觴北望拜賦以志罪

愆二十韻

丹葉零如雨白雲緩若綿蒼茫空防岬蔥鬱想開
筵籟急迭繁吹泉幽恍素絃紫霞應澹澹青鳥定
翩翩客孰申岡阜母曾闔海田危哉孤火世艱也
栢舟篇荻已為巖父熊徒助斷編苦辛兒齒嚼喜
懼子心鑄碌碌無堪慰迢迢更自憐祝眉方八十
離膝且三千瞻北泥濡首倚南斗掛肩循堂思茂
草對食憶長年強醉邀鄉夢銜愁弄筆椽梅新除
驛路山遠淡霜天烏解投昏樹風能促旅船章江
虛直堂文集秋屏草卷二十三七
晨夜下膝閣歲時牽靜頗生清悟默殊發惕乾舞
萊今夕闕差季此衷煎無恙書頰報有方眼亦懸
東皇早飛絮一權破春煙

工穩寫得
情事出

除夕呈宋中丞

可惜年華只浪拋東皇又且逼山郊無端送我頭
邊艾却許為君架上匏取次尊前詩餞臘生憎樹
底鳥尋巢高堂此際撥商陸遮莫寒更眼未交

宋中丞宣銅琴壇即席限冷字三十韻

當今張茂先佳甌常盈榻燕火稱宣皇懸河論撥

蠟十二經鍊錘二百開曆英精摹焦桐奇暗點金
徽匠神鬱潤益生絃無趣不之善價準露毫得意
出竇匣沈水祇自添纖指許誰狎無聲勝有聲若
離妙若合鮮色恍栗披嫩膚防蚊嚼連血刻龍肝
帶水斲文甲異彩閃若流膩骨嬌可招疑化質爲
柔直恐觸而磕一彈常有情三車何用壓叩當吐
商音玩爭側白恰堪薦老龍涎肅佐聖主裕不然
伴書劍無容襄閩閭活火養不寒輕筋勤爲夾篆
挾古氣浮匙并寶光插觚稜四面峭約略三寸狹
四足高時香幸荀令依酌思劉郎叩歸耕吾欲操
如架橋梁

虛直堂文集 秋屏草 卷二十三 八

在銛君有法念昔時盛隆皇心荒以雜鑄物不鑄
人一傳幾不臘周鼎重亦移秦人銷且渣巧製垂
於今言觀動嗚吧焚薰常懶疎操緜未洞洽聽人
躍冶鳴獨自橫膝塔真絃古有懷廬峰今全納韻
事得偶聞迂情無可答愧少鑒賞識徒爲要盟歎
曲盡形容面
寄概尤大

正月三日雪傲歐陽體呈宋中丞兼示同幕

諸子禁體物語凡鶴鷺鴈馬梨梅絮綿鹽
練玉銀之類并白皓素潔飛舞字俱
不許用

入春三日雲氣揚一夜滕六過章江幕府清寒水

堪結霏霏况復三尺疆家在梁園舊與狎風流文
雅名還未荒搖筆一弄郢人曲敢叱司馬驚鄒陽
於今志氣甘消傲徒擁破被高眠僵公念故人下
折簡聿來南浦同寒光陵曉山郊莽四顧續紛直
似平臺鄉不遠廬陵存遺令寸鐵尺筆毋容將肩
山昔遵如蕭律我亦三申懸罰觴莫盡掃烹蟹眼
銚且須留充驢背囊我聞此地二十載陰蝕寒剝
羣生傷但知三時剗肉赤誰聽一聲歌竹黃公吹
葭灰溫百物又感麥瑞來千倉喜極頻將穿履跡
團取還作解醒膏嘗似嫌山甜且香願賦既飽十

虛直堂文集 秋屏草 卷二十三 九

三邦
淡淡設色中
有詩制之音

再傲歐陽體即次永叔韻

五出試驗春來莠鴛瓦初承紙樣薄疎疎枯葉零
亂鳴灑灑空城次第作漸壓巡竹強榜擊不辨雲
山莽寥廓深壑偏容風來填清江更比日能燦身
若栩栩在廣寒世已漫漫連碧落何處覓得三窟
窺果然溷作一丘貉佳人自會茶鐺掃小兒戲爲
粉糝攫累積有時折凍松翎迴無地啄餓雀謝莊
原不侈美衣東郭何妨少完履惟我來分銷金暖

與公琪鬪拈髭樂大地精華足探搜兒女塗抹盡
滌淪老與雪時愈驚騰本邑風光歸淡漠堅陣要
防攻偏師對壘不容持短架孫武徒將粉黛驅不
堪白戰將軍發一咳東坡詩白戰不許持寸鐵

意卓越而醞藉氣清勁而旁礴絕構也

三傲歐陽體次蘇子瞻韻

天女剪花不剪葉散作人間一夜雪無枝無蒂故
斜橫欲前欲却嗟清絕老屋疎橋偏覓尋迴峰斷
嶺隨曲折獅子座成兒手皺鷓鴣斑到客裘滅怒
發土囊掃不開濃垂天幕誰忽掣三戰賈勇奮赤
拳十觴薄醉暈紅纈令甲縱不自昔懸妝綴原非
士所屑世上營營同此看才有旋無只一瞥深積
妙化別堪思拘方泥象又何說一卷且映不對寒
我臂長有涼如鐵

精於體物而復寄託何等

雪中和多玉巖滕王閣韻呈宋中丞

白雪連空茫無界惟有洶流走滂湃亂片疑寫蛺
蝶圖長吟爭譁西江派帝子千秋尚憶滕厭原一
區思封介高閣未改朝雲飛彩筆誰復清風快當
年雕組豔春葩過眼繁華成土芥區區賦草終何

益紛紛陣壘都堪敗每讀佳句却有情曾受讜言
未能戒徐過黃先生嘗有書戒予為詩詞北望不把斗中漿南來
為拔兒邊薤君歌知有黃竹愁予懷肯讓青天隘
忽得瀛海發慨慷遂令洪都出光怪正欲三緘學
守瓶不覺一痒如搔疥鴻爪姑為再印痕雕蟲要
須終破械投毫俯仰有餘思莫儼別有乾坤債

以深湛縹緲之思運於縱抑揚之筆不知其押韻之險也

和山言雨中思歸韻

鬱鬱想天愁絲絲不肯休薄寒飄五夜雜緒入千
頭春不催歸燕雨空鎖畫樓章江新漲後妒殺北
行舟

虛直堂文集秋屏草卷三十一

閩上已夜同袁士旦和宋中丞雨後小飲用

范石湖姑蘇臺避暑韻

天亦惜春歸故遣東皇閨妒雨飛乍停殘紅飄以
進時乎再為難願續蘭膏燼况公猶領清揮臺如
鵬運已避叱詫鋒又逢東南俊謂士旦氣勢兩相如
峻峭仰萬仞長卿無堅城條侯閉空陣壁觀已多
時老興忽一振前雖鄙鄭采屐堪從謝印更袂章
真流滌我平生愠餘芳徽架披晚樽藥欄近柳開
舊眼青月畫新眉最未肯移星杓忍遽發車軻宵

靜楚天高江濤颯遠韻

警

疊前韻戲呈士旦

我生忽已老惜不年華問望古頗有懷如鴛鴦不
進便便腹負吾湯茗咸陽燼且自慚遺軀寧能答
熙運智羅萬斛愁才讓千人俊駕言訪西山抖擻
凌百仞有人踞上頭橫梁結堅陣袁劉勢不齊軍
容強自振可笑雨後苔莫藏亂撇印敢就君子營
復奮螳螂慍犄角羸卒持幽燕大轟近謂中三北
慣所經不作羞纈暈摩壘試鼓旗追鋒走轂勅願

虛直堂文集秋屏草卷二十三

十一

學古戰法捷凱揚清韻

士旦口一鼓作氣精銳
無前議退三舍以避

訓袁士旦送別原韻六首

翩翩雙紫燕呢喃尋故樓白雲掠樓角直北飛悠
悠撫時傷遊子眷言懷故丘離別豈云易洪崖挂
千憂
之子流盛名雄吟傾公讎灼灼芙蓉花涉江誰不
眷江水逝莫停行人風椅便相期歲寒心嚴霜不
可變
虛舟了不繫何曾有觸迂涼風託羲皇悠然快平

素今日南浦花明日隋堤樹隋堤鬱濃烟常能結

遠慕

迢迢遠行役嗟季想北堂潑潑貫江鯉言歸佐霞
觴况經匡君廬許我却老方此行足慰藉其如黠
然腸

幸無封侯骨逍遙放岩林藜藿耐舍咀詩書許泆
淫要期百年內保此三古心憐君尤不羈關世寧
無深

四山助行色紅雨飄春華回首念高閣有人聯巾
車往來囑候鴈河沙及江沙天遠暮雲起情結終

虛直堂文集秋屏草卷二十三

十一

無涯

纏綿真摯一往情深不羈
漢魏一字神於漢魏者也

疊前韻留別宋中丞六首

一權楚江水上君明月樓樓前春陰綠鄉思悠悠
悠由來野麋性合不忘林丘別巵行三勅揮手集
百憂
不才託葭葦笙簧日歡讌久枯北風枝輒受東皇
眷春意本盈谷一吹郊原便樂觀楚山深次第繁
華變
臨風彈古調俗耳多乖迂獨若皎月懷照我清霜

素朝挹澗底流夕倚雲中樹深長卓笠情望古有
遐慕

無求政自暇吟思結漫堂中宵不遑寐分題申罰

觴何來杜宇聲惱人天一方風正鼓颿席行行迫

中腸

折柳拜南浦班馬嘶平林山吐澗聲激天銜虹氣

注詎知經年客早懸并州心晚節期修竹託根深

復深

豈不感維繫陟屺念歲華歲華且易轉何容滯行

車駕言尋歸路江濤吞岸沙頭強延佇離懷兩

無涯

古調新聲言

盡而意不盡

已賦別矣又維繫不得行作呈士旦

江郎賦就枉銷魂又脫征衫臥畫軒客已無從雙

覓轉酒還有意一留髡開循月儘三更立細雨詩

徒五夜論數到瓜期瓜正熟何堪白髮望衡門

洲宋中丞送別原韻四首

深山深不厭與世慎從違獨捧明公檄悠然遠興

飛霜清新鎖院露冷舊漁磯忽整歸林翮回翔有

戀依

一箸無能借終朝讀我書方消狐火候輒飽澤鴻
餘暖雨披蘭早薰風促權初別魂殊黯淡幾度摻
行裾

披懷無可道脈脈悵離分酒且加行色衣還惹德

薰清風孤白月絕嶺變蒼雲穩下章江水停橈只

念君

後四語有
味其言

多時疎子舍去意豈容留况有鴉啼血而兼汝漲

舟雲璈仙奏發瓦缶祖筵酬後夜開公讌西園少

一劉

虛直堂文集

秋屏草
卷二十三

雲水蒼茫一鴈臣別情直付酒千巡朝帆逐網收

魚婢晚泊驚雷厭黍民有夢清齋莎徑關署中新
關讀書

臺無愁白髮荔裳紉穠香十丈西陂藕西陂似
齊別業

擲寧能待主人

歸至皖城再疊前韻報宋中丞

一挂蒲颿雨飄然宴笑違過隄山翠動驚櫂水滌

飛蟹舍藏疎葦鳧翁狎脫磯蒼涼棲未穩回首只

依依

公欲知歸况裁詩作報書湖平煙織後酒醒樵歌

餘水歎承筐嫩髮華照盎初還憐香藕渡故故襲
人裙

陰霖迷六日客路割三分寒得饒蚊斂濕勤睡鴨
薰纔開蓬浦樹亂卷隔山雲繫纜聞蠻婦時平解
頌君

歛然陳迹過鴻爪幾何留離合文梁燕榻來暑雨
舟漁榔清不散秧唱遞想酬偏有忘機鳥却迎前
度劉

虛直堂文集

秋肝草
卷二十三

六

匡廬之下無所謂濂溪也周先生不忘其故引江
水而假名之蓋跡寄南康而心未嘗一日不繫於
祖宗丘墓之區雖然豈獨人之賢者有是心哉子
規之啼必北鷓鴣之雉常南其依依戀慕之私卽
禽鳥亦具其性矣予於今僦屋而棲安有所謂董
園也者念昔小築於西南別墅取江都不窺園以
自勵蓋累世祖宗綢繆之所而三百年之丘墓在
焉及予學詞於乙巳而是園已爲勢家所有至積
詞成帙而仍以董園假名之非敢上希周先生而
襲取其義蓋子規之啼鷓鴣之雉有不自知其情
之所向耳若夫考聲按律翻巧生新區區之小技
不足以濡壯夫之毫端然而發情止義不敢畔大
雅之歸而宣其注蕩則亦未始不可陶咏而附於
興樂言志之餘雖然我庵先生嘗誡我矣則又敢
肯死友乎哉康熙己未冬自題

董園詞自序

卷二十三

一

虛直堂文集卷二十四

南丘劉 榛山蔚著

同里宋 榮牧仲 評

睢州山蘭芳賀山 評

董園詞 起乙巳 訖巳未

十六字令

雨

休暮雨絲絲惹畫樓。誰消受。分付可憐秋。

荷葉盃

旅夜夢石廊

虛直堂文集詞 卷二十四

笑倚一株香棟。真見明月曉鷄時。家鄉路遠又何之。思摩思。思摩思。

桂殿秋

得其年書

言試家或日即為試機所迫投鉛

耳惟足下知我且隣我耳感賦小詞用寄一概

魂黯澹。鴈殷勤。數行老淚寄愁人。情知白髮難承寵。誤放朱顏不戀春。介山日白髮亦竟承寵矣又何有乎朱顏之慕

如夢令

秋葵

嬌趁西牕秋淺。香傲東籬先展。欲借洞庭春來酌。

虛郎金盃。天晚天晚。秦女衣裳輕卷。

敬作日天然香情 清真集中不多有

芭蕉

心事一生難盡。愛把綠羅偷遞。禁受雨痕多來送。小牕秋信。休問休問。隔夜。惱人還恁。

贊山曰極刻畫之巧却 不失雅人深致故佳

夜雨

疎雨聲聲何意。只在枕頭邊際。放下繡帷惟。傷秋滋味。慚愧慚愧。心與芭蕉俱碎。

醉太平

虛直堂文集詞 卷二十四

瓶桂

媚秋一枝濃香異姿。月中幾許繁滋。乃居然欲之。浸吾酒卮。簪吾髮絲。錯呼金粟名兒。博花蕊笑。

時石廊曰自然清 雅俗削無痕

戀情深

送春

纔得春來春又去。歸將何處。忍教風雨報花殘。倦闌珊。人生安許寸陰閒。九十已難攀。欲問別時情緒。看眉端。其年日字字撮備 真所謂本色當行

愁倚欄令

秋意

秋初老菊初花。雨初零。濃情白雲封巷戶。省逢迎。
小牕吟思。凄清好句。引蟋蟀相賡。誰遣落桐來。
按拍打簾旌。

不寐

三更雨。四更雞。五更鐘。斷送愁人推不去。鳳帷中。
鴈兒却解。憐儂。忍悽楚。略叫西風多謝行雲辜。
負也。曉巫峯。牧仲日瘦硬之筆寫借婉之詞風神自異

菩薩蠻

閨子昭納妾戲贈

虛直堂文集詞卷二十四
燕姬十五春風面。隔牆宋玉初相見。不解是佳期。
羞推合卷卮。纔從銀漢渡。定傍薇垣怖。子昭官中書省
珍重近黃昏。恐還向月奔。

其二

牀頭銀燭窺人切。卸裙雙露纖纖月。莫怪玉顏紅。
眞郎太侮儂。高唐容易曉。恰種宜男草。九錫到。
檀郎休憑塵尾長。其年日古樂府云當日近前面發紅此同其機麗

減字木蘭花

懷其年

三春又了。滿地落紅休便掃。去歲如今把酒臨風。

別恨深。幾番相見兩夢荒唐。都不戀。彷彿虬髯。
昨夜霜華似更添。

採桑子

九日寄懷子昭

西風若解寬離恨。直到儂家。放了黃花。遠道濃將暮靄遮。
暮靄遮。西風若故添離恨。直到儂家。放了黃花。遠道濃將暮靄遮。

其二

登高走馬當年也。秋色凄迷。豆雨霏微。共向風前唱大堤。
登高走馬今年也。秋色凄迷。豆雨霏微。共向風前唱大堤。

虛直堂文集詞卷二十四

徒向風前認大堤。

黃山日語境恰化此之謂自得

浣陽春

綠牡丹

藥底春光全掩。風來微。門檀郎輕薄。畫眉梢。戲并粉頰齊染。
雲錦天孫。親剪翠。腹不淺。沈香亭畔。未相逢。萼綠仙人初。貶。牧仲日妙想天開

其二

襟襟一枝低放。風流別况移來。切莫近章臺。柳色模糊難望。
狡獪花神情狀。天香新創。石崇樓下。

予芳魂恍見那人無恙其年日繪水繪風不數黃荃花鳥

其三

百寶欄中春足青霞一簇明君自恨點汚塵玉體

鴨江新浴蝶蝶蜂蜂迷目尋香亂逐隴山鸚鵡

悄無言飛入芳叢深伏介山日風華秀絕

其四

改樣衣衫妝點丰神澹遠江南有意鬪新妝天水

宮娥爭染結綠一堆香頓媚人春晚瑤階夜雨

上苔痕試比芳容深淺

簫山日慧心靈腕字字鏤刻而意態風流不爲篇章繩尺拘束真足奪古人之席

虛直堂文集

卷二十四

五

憶秦娥

雪上人乞酒戲侑以詞

香冽恁小槽滴滴珊瑚嫩珊瑚嫩十千一斗有人

無分持瓢解索枯喉潤劉伶荷鍾遙相問遙相

問西天何若酒泉之郡

其二

荔枝綠公能飲也公之福公之福豈如公者佛能

拘束酒星照寺明於燭醺醺笑殺人間禿人間

禿誰叅杯裏堪澆葵足上人字英額名大足別號雪立

用前韻代雪公解嘲

盈尊恁洞庭春色浮浮嫩浮浮嫩畢生爲益老僧
安分糟丘願似黃河潤長鯨吞盡休來問休來
問還將托鉢槐安之郡

其二

杯中綠大家藉作容容福容容福百篇一斗受君

要束老來羞滅留髡燭季孫一笑同吾禿同吾

禿蟹螯相讓禪門知足

牧仲四詞詼笑風流妙極自然此之謂天成

阮郎歸

戲送陳其年

虛直堂文集

卷二十四

六

一聲折柳不堪聞長途誰伴君六郎憔悴益丰神

深閨當妒人無恙月有分春冤隨去馬塵今朝

先比舊細裙來時寬幾分其年留妾南下時有錢郎相隨

其年日羊解婉約美成之遺

唐多令

雨隄遣懷

夜色雨痕霑憑陵欲度簾斂秋思儘上眉尖不是

空悲搖落也將訴說恐人嫌強起探牙籤禿毫

又懶拈暈青燈紅豆空占欲問愁懷多少積如落

葉滿塔添

漁家傲

有感

莫恨一錐無。可立紛紛好笑禪。中蠶間架索錢何處。匿瀟灑極。那曾要我泉刀一。尤快衡門安作息。廟犧豈得為吾匹。履畝加征。渠自出吾不恤。閉門穩睡。清秋日。時以兵餉征房稅又職官

石廊日我輩亦有快意時貧賤驕人不可信耶

定風波

野趣

謝盡塵緣野趣長。柴門靜鎖白雲鄉。自在行吟籬

虛直堂文集詞卷二十四

七

菊畔欣見鵝黃小。綻飽含香。旭日黃綿真欲獻。

休厭攀藤摘豆落清霜。臺榭西風蕭爽甚。還恁瓜

兒。茄子媚秋光。簣山日本色好語

行香子

其年貯姬梁園飄然南下。比其來也。見已五

齡矣。匆匆買舟攜歸。戲贈以詞。

潛貯阿嬌翠髻雲。翹種宜男。一夜根苗自君出矣。水遠山遙待君來也。兒玉樹似猿猱。烏衣舊巷。隨爺歸去。不須仗桂栴蘭。曉秋江千里。直破河濤。休困黃卷。羞白髮。似吾曹。身嚴日調笑賦。離草堂佳構也。

陳躬一攜閔徐二生過飲

花外鳴驪來踏清秋。小槽紅足了千甌。高陽朋類同氣相求。莫曠談塵。寬酒政。冷詩籌。一聲畫角。兩河鐵馬。看驚心浴鷺眠鷗。時有大兵渡河南下茅堂曲徑。月爽風幽。正顏堪破。懷好放悶。當勾。

恭七日最老癖又最自然此境不易到

湯關引

送其年

搖落秋容老。慘澹霜華曉。遊梁倦客歸思切。離筵悄。問鷄聲茅店。此夜情多少。便自今。明月兩地隔。

虛直堂文集詞卷二十四

八

江表。愛爾駕風舸。攜窈窕。想人猜說。鴟夷子。泛湖了。看匝天烽火。後會當須早。休故人消息。但向

鴈行討。介山日情詞凄淡

千秋歲

次韻和潛庵先生八月十六夜翫月

謝莊振綺。又與月華起。地遷到。飾花細。略殘丹桂影。微倦嫦娥睡。休負也。一年幾得連宵醉。好悟人生寄。圓缺難相倚。秋乍老。雲如洗。清飄隣舍杵。寒浸當樓袂。依舊似。剪裁萬頃吳江水。

粉蝶兒

謝牧仲餽菊

多少秋光。大都彭澤籬下。肯分我金英無價。一枝
枝幽香暗。襟懷滿惹似花神。故逞風流文雅。傲
骨陵霜不隨他家開謝。恁清疎。羅羅如畫。念多情
來伴我金尊玉斝。細端相人淡如君誰也。

牧仲曰詞淡如君誰也

傳言玉女

銅雀臺

兒女情愚。枉殺高樓總帳。幾行紅粉。淚眼遙相向。
疑塚徧野。那是西陵堪望。斷煙衰草。雀臺無恙。

虛直堂文集詞卷二十四 九

千古英雄到頭來共惆悵。榮名厚實。總如斯佳況。

漁陽搗搗。贏得遊人高唱。一聲聲道老。瞞無狀。

其年曰漳水東流。銅臺高揭。一聲。吊古。滿目悲涼。令我輒喚奈何也。

鳳樓春

送牧仲入京

暗柳嫩鶯啼。攀折驚飛短亭西。畫橋流水草萋萋。
人去也。晚煙迷。今夜雞聲茅店月。有隻影相隨。
泛餘醺。不醉何為縱饒。天下人皆知爾。其如此地。
分離。禁闥重登。不須北鴈說相思。家鄉路熟。有夢
堪期。

祝英臺近

宿州元夜

雪闌珊。春池邈。燈火他鄉醉。多少愁人強吐。太平
氣也。虧霽月清風。隔牆簫鼓。解相慰客中滋味。
聽長喟。說當年好風光。蓋山闌佳麗。豔舞妖歌。驕
殺遊兒意。可憐澤國殘魂。王師過處。只消受米珠
薪桂。恭士曰滿目蕭然誰復念此

最高樓

九日飲牧仲振衣樓

疎懶久為爾。一登臨秋色。恁蕭森。西風遙送千林

虛直堂文集詞卷二十四 十

眼。東籬強被二毛侵。問聲聲何處。笛那家砧。目

不管煙燒秦月黑。耳不管笳吹衡嶽圻。歡樂也。且

如今孟嘉自分元無帽。陶潛何必果能琴。夜初長。

歌再發。酒重斟。其年曰音節短勁如秋空鶴唳響徹雲霄

蕙蘭芳引

雪中邀躬一恭士介山小飲

纔說春歸。却因甚。柳花飄滿。看裊裊輕輕。偏逞舞
容嬌。緩春愁多少。一片片啼痕。清泫想。向人索句。
白雪東皇先撰。不改當年風流佳景。放點梁苑。
况枚叟。鄒生依舊。都堪授簡。金盃盈甕。玉梅照眼。

齊到來春色與君分管

法曲獻仙音

示不忱兒

乍跳雙丸。那年弧矢，屈指已經十八。中下之間，樂安身分，還兼虎頭。癡點吾自不嫌。遲鈍而莫愛挑。達甘龕糲，要敲定菜根滋味。然後好圖箇身之。察察堪笑薛家婆。只自矜年少。塗抹萬里康莊。定乘時秣馬脂牽。鑒爾父秋霜坐待。鬢邊先撒。

寶山曰其旨厚其情深

滿江紅

虛直堂文集

卷二十四

十一

柬箕山用曹顧菴先生韻

寄語田郎。肯辜負雪融溪漲。問兩月詩思多少。別來無恙。五鬼未驅。荒徼外。一琴迭奏。高山上。霜風寒。自起摘園蔬。遲相餉。清夢月。憐相漾。停雲句。愁相唱。况梅開新蕊。甕存餘釀。指顧函關當有氣。徘徊剡水空扶杖。想爾時。閉戶傲真卿。窮愁狀。

用前韻懷雪上人

雨意因循添多少。南湖新漲。想幽寂佛燈明滅。老僧無恙。得趣能游文字外。息機欲槁蒲團上。問買山。幾斗得田家來。半餉。捕魚艇。隨風漾。采蓮曲。

迎人唱。想詩懷正渴。鉢盂清釀。有夢只同杯渡醉。何緣長侍瞿曇杖。對秋容。嘿嘿念伊人。清狂狀。

紀兵用牙巖韻

雄武王師。逢迎處家清戶潔。便仗此先聲震世。三苗當格。萬井煙消。軍幕壓。兩河鞭斷。陣雲結。令森嚴。雞大靜。無譁將軍悅。馬磬控旗。搖曳。刀掣電。弓開月。愁清笳對壘。一聲凄絕。卷地正騰征戰氣。長天莫辨風塵色。又傳道。後隊益桓。桓何消得。

其年日中天懸明月令嚴慘不驕是如氣象耶

次韻和潛庵先生千葉蓮

虛直堂文集

卷二十四

十一

嫩綠田田。禁多少風高波漲。想消受珠圓玉潤。亭亭無恙。照水新妝。明鏡裏。含情微步。清波上。太液池。解語正堪羞。風流狀。采蓮權。誰為漾。隔浦曲。誰和唱。我欲餐秀色。榜門受餉。玉貌偏憐當兩泣。芳冤莫便傷秋宕。問幾時。分製野人衣。吾之望。

滿庭芳 秋日閒居和潛庵先生韻

望古典懷。攤書自喜。笑予大嚼屠門。寒燠掃迹。獨許入朝。瞰眼看荷錢枯了。自無分開邸西園。還堪慰。白雲紅樹。爭與媚山村。休論身外事。榮名厚。

實匪我思存。儘覆雲翻雨。錯節盤根。贏得閒愁盡。
去采秋菊好。薦盤飧。陶陶也。林頭桂釀。還是了黃昏。
致麗然自得

金菊對芙蓉

九日和牧仲韻留其年

木葉飄零。登高四顧。已堪宋玉悲秋。况黯然別恨。
更上眉頭。憐君四載無消息。望天涯。遂轉如毬菊。
花開處。陽關一曲。誰忍輕謳。才藻獨擅風流。振

唱酬抵掌。共老糟丘。豈茂陵有女。願與同遊。許長
塵尾。催班馬能消。受卷書清。幽庾樓皓月。梁園修

竹。差可淹留。黃山曰詠嘲。殊有雅趣。

解語花

南歸見盆開並蒂蓮戲作

江煙湖雨夕。翠朝紅看。徧天南。色小桃初摘。時光
媚頓觸。去年鄉國。摩天健翮。追不上。牙檣金勒。三
徑荒松菊。依然霧鎖先生宅。何故藕花雙拆。雖
過時零落。房苒堪擘。東阡西陌。人都向小益。一歸
時刻。天乖地隔。偏巷外。馬鳴車迫。笑負他多事。花
神孤樹。棲衰白。

玉燭新

丙午元宵有感

微雲籠皓月。正燈火千門。上元佳節。看多少。珠嬌
翠豔。笑把繡簾高揭。遊兒歸去。當不至。鳳衾寒怯。
憐我也。踏徧芳塵。誰知頓成愁結。去年楚國。今
宵念千里。刀頭深閨望切。幾回圓缺。斷腸是轉盼。
香消蘭折。憂來難絕。忍見翠帷空設。算只有。潘岳
多情。好同悲咽。其年日足抵安仁一賦

正月十六夜雪

怪東皇忒如。問細剪瓊瑤。擲來何故。想今夜。繡妝
粉飾。欲賽銀蟾玉兔。梁園布景。終不似。廣陵遊處。
儘人望。燈火黃昏。却教羅襪休步。因知桂殿嬌
娥。爲乍缺冰輪。羞臨下土。深藏何所。止落得。片片
淚痕。堪數。催歌勸舞。正有麴生爲侶也。虧殺點綴
殘宵。寒花如許。

念奴嬌

次韻和牧仲遊龍泉寺

東華塵滿。怪君行。徧選風流詞客。選勝龍泉豪詠。
處。想像山蒼水碧。旅鴈回時。停雲望斷。杳杳關河
隔。故人若問。兔園穩守。殘冊也。解賦月鵲花吾
儕多事。過眼皆陳迹。但共良朋幽意。愜還欲焚膏

繼夕采菊西園探梅東圃樂事爭如昔倡予和汝
天涯如逐遊屐

七月初八日雨中戲作

昨宵天上果然是隔歲人兒相就
靈霄陰雲遮暝色聊展別離時候
送巧工夫渡河情事淚雨絲絲
瘦淒涼一陣飛來偏惹襟袖
久矣兒女癡懷冰銷灰冷
不似當時幼却怪幽歡容易散
故故把人嘲逗往事休題
佳期縱到難得天無晝留些
淚眼明年今日還又
介山曰風流諧趣可入詞的

讀宋名家詞

虛直堂文集詞卷二十四

五

詩二騷變下梢到蕩子尖
新詞曲冶綠妖紅爭抹
飾那是男兒氣骨風月多情
柳郎第一開卷羞人目
相思譜就可憐癡恨千斛
儒雅本色風流稼軒吾友
還後山吾族太史文章工部詩
箇裏游行元足下令詞壇
爲劉左袒爲柳長戈逐管城
先拜義辭巾幘之辱
其年日飛揚豪健居然幸劉

遊識舟亭步周雪客韻

草茵花徑莫匆匆踏破人間車馬
觸處風光爭媚客引惹
曾懷瀟灑應接春山
憑陵烟水一笠亭如畫
倚欄收盡權歌多少
啞啞眼見今古銷磨長

江不返何論閱臺榭好景撩人
偏愛惜酒盡花籌齊下
哀鴈橫來嫩鶯低出
若逗興亡話有人能賦
定知含恨多者

榆錢

漢家泉府不知朽多少無名緝貫
拋向人間無吝惜那數何曾十萬
鴉眼圓開縵環輕颺小字人爭
羨每年三月富儲阿堵無算
且莫隨例呼兄却愁輕薄
去買春閨怨羞澀囊中穿不得
空借章臺金線粉社風光
收之晚景饒有黃齋伴
笑摩雙肘學人滿貯千申
寶山曰雕鏤處自然工妙直奪天巧

虛直堂文集詞卷二十四

六

萬年歡

丙辰自壽

一夜涼颺又清秋到也
先生初度烏兔無情不念
美人遲暮四十二年輕誤
俯清沼低徊自顧帽邊
誰遣漸星星將偕心曲
爭素此生何務却贏得
夕餐菊蕊朝飲蘭露
本分行藏好語同盟鷗鷺省
却歸來草賦儘消受南山
煙霧看三島獻壽人來
先教雨洗塵路
石廊曰雙九如樓七尺竟老令人撫然生歡

水龍吟

次韻和壽岱咏雪

誰教細柳營中。欵然落絮。侵油幕。嬌翻蝶粉。香零
梅玉。臨風婉約。欲逗春光。恐嘲鬢色。乍前遽却。怪
梁園景物。依然在眼。詞賦客。歸冥冥。好是袁安
臥。慣那思量。銷金行樂。門殘白板。房疎老瓦。齊飛
花萼。野竹休扶。閒階休掃。幽情堪託。儘從今不厭
橋頭驢背。爾酬予醉。牧仲曰。豪邁淋。

綺羅香

同邇黃介山雪笠飲恭士紅梅花下步介山

韻

無厭陰寒。欺花困柳。霽景恰纔偷曙。索笑巡檐。綠

虛直堂文集

卷二十四

七

質陵風競吐。寄情人。驛使難逢。點嬌額。宮娥當妬。
好春光。強半匆匆。須防一夜飛紅雨。風流肯負
今夕。正酒傾何署。詩催曹步。僧興翩翩。象外尤多
佳句。弄玉笛休令花驚。臥疎影。要攀春。任狂醉也。
夢斷羅浮。却憐卿不去。

送入我門來

答牧仲論詞

累牘連篇。高談何綺。恍如玉塵。親承牛耳。詞壇仔
細論新聲。君真頌酒吟花手。念我拙風雲。屬露形。
游戲也。聊亦噴胸吐臆。寫興排情。最愛風流本

色。那知析宗別派。依尺循繩。覆柏傾槽。偏強恨平
生。羞爲怨綠。愁紅態更笑。謝騷人。韻士名。嗟疎狂
自命。筌蹄忘矣。所得何曾。

黃山曰。真是本色風。
流有獨往獨來之樂。

永遇樂

柳絮和牧仲

蕩蕩飄飄。依依颺颺。亂人情緒。蝶使都迷。蜂媒枉
趁。那是堪歸處。綠條不綰。紅英相襯。日晚隨風。無
據。怪多情。恁般留戀。何不挽春。同住。章臺人老。
隋隄曲冷。又拚一年。輕恨。芳草連天。狂踪無定。空

虛直堂文集

卷二十四

大

惹。王孫路。梁王苑。裏。謝娘庭。畔。彷彿那時相遇。休
流落。無情。燕背連泥。銜去。

牧仲曰。骨節珊珊如貌。
姑仙子未食人間烟火。

涼州令

壽岱望雪猴於几未終筵而銷戲賦

欲呼王孫起。却怪一寒如此。冰肌玉骨。倚黃昏。移
燈微照。新沐蘭湯。體暮三朝。四休相詭。臣也。心如
水。試詢名爵。居里穆王管。內稱君子。方寸人爭
擬羨。他湛寧如彼。自從擇木。恥窮奔。緋袍供奉。一
讓君王喜。梁園妝點。風流幾好。翫炎涼。理可憐。一

羹金爐畔先生烏有公云是

贊山曰典麗而自然生動
真可與其年並驅一時

春齋

壽岱卜雨不應代恭士戲束索負

九十流光將次歇。愁懷萬種如砌。北郭尋花西渭。看鶴故作一春活計。望雲徧野。天心不管人心碎。須倩我高唱數聲驚起神龍睡。也虧細柳老將螺紋算。知谷風習習陰濟。儘同人登高四望。單星果送滂沱未。眼見巫山昏白。閉息壤盟在好教脣。鯉邀朋傳觴分賦。共消春齋。

虛直堂文集

卷二十四

五

又用前韻戲東介山協力索負

爲愛西湄煙水上。天然山色高砌。徐幹恭風流葉。顛子豪邁。共作留春佳計。吳兒解事。新聲不惜檀痕碎。只拚得花下一番潦倒。胸胸睡。彷彿曾記大樹將軍。招指前知陽倡陰濟。想濛濛無邊靈雨。他方有分吾偏未。臺榭莫教闌草閉。君亦消得一紙傳檄。招邀傾盤倒盞。重澆清齋。

恭七日極老極
趣兼之良難

傾杯樂

月止五日同弟一恭士牧仲介山攜尊訪雪

上人不遇

幾日東風春光已滿南湖之浹。便聯轡尋芳去也。清煙微暖。僧門深閉。兩行岸柳新抽翠。一花開。一花謝。一春須醉雪。公應在試問宿醒醒未。入其室闕無人。爾空悵恨。圖書盈案。几大都是好景良朋。易逢造物之忌。醉倒也無聊賴耳。重過也已非今矣。徒倚處暮靄橫。盈盈春水。恭士曰縱筆自如都城絕調

風流子

遊其年梁紫牧仲雪笠小飲

重陽雖已度。東籬畔菊蕊正飛香。東神父宋登史才陳壽。虎溪惠遠。京兆田郎。高軒過白蓮。重結社。清夜對稱觴。促膝論文。分籌索賦。不嫌人醉。越愛信狂。薄霜侵素月。卷珠箔送來一座微涼。正是雅談深處。悲慨飛揚。又雞鳴到耳。劍光射目。數聲橫笛。一曲清商。知道來年何似。此會休忘。

虛直堂文集

卷二十四

三

贊山曰清
響博雲

沁園春

題其年烏絲詞

游泳詞源。縱橫筆陣。泣鬼雄才。似海濤洶。越雙蛟疾。關陣雲深。結萬戟森排。醞籍風流。悲壯裏豈備

御窮途潦倒哉。雖小道亦入神超聖。繼往開來。

分明盛時鼓吹。宜薦郊廟。雅頌齊諧。何江身霧。

隱裳裁薜荔。天涯蓬轉。雪上紫懸。空博浮名千百。

世說十六英雄。君與偕。期有十六家詞。吟諷下當。

漸離擊筑。曼倩詠俳。

賀山曰此亦入神超聖矣

其年日恍惚激昂沈雄頓挫此先生自言所得耳若以似謔人則何敢當

賀新郎

次韻和牙巖秋思

河朔能消暑。況西風迎人瀟灑。送來疎雨。醉裏歸

虛直堂文集

卷二十四

三

鴻傳書信。來自錦囊洲。恍相對。王郎談塵。大地

風光群領。略有有心人。偏繪清秋。蕭瑟意堪。吾語

舉頭。霽月還如許。也應知。江東渭北。兩情都苦。

唧唧寒蛩。似喚道。冷落范張雞黍。又早逼重陽佳

序。五柳閉門籬菊。靜問騷人。若箇同探取。寂寞殺

吾書圖。其年日稼軒耶後村耶頓挫感激直是公孫大娘渾脫舞

次韻和潛庵先生秋思

搖落何時了。待從今。兩眉舊恨。一齊都掃。古去今

來。須臾耳。那論紅衰綠老。可惜費。闌愁多少。無恙

西風吹斷。鴈送秋聲。一片歸縹緲。乘爽氣。豁襟抱。

尊鱸此際。家鄉好。問有誰。由由林下。亭亭物表。

彼美人兮。睢之渙。能挽狂瀾。既倒。莫漫說。天空路

杳。一日看君。千里足。願執鞭。追逐。如飛鳥。箇裏意

應前草。賀山曰一往神行何處追其超逸之迹

次韻和徐方虎太史燈下菊影

夜色屏山卷。就疎燈。香翫弄影。一回消遣。剛到重

陽。偏恨雨。故故背人。含泣。羞圖上。剡藤蜀繭。憐我

文園。空壁立。把青錢。滿座拋。深淺。看遠近。許那展

迎風。越越精神顯。濁歌筵。釵光斜橫。杯痕圓扁。

點綴。韓家村。景媚。趁是有人。學犬。愛秀色。欲餐還

免。意態模糊。疑月際。夏侯姬。并把簾衣。典雲錦。碎

天孫剪。

其二

寂寞湘簾卷。問黃花。同人清苦。如何排遣。已拚東

籬。形影弔。却笑蘭膏。淚泣。傲秋色。甘隨水。蕪不信

曹劉。堪摸索。恁虛懷。略露風流。淺疎散態。幽情展

莫猜。淡墨淋漓。顯恍澄波。萍蹤牽。亂荷錢。勻扁

到眼。乾坤皆幻影。不見白雲。蒼大。着色相。庶乎其

免。真假憑人。看仔細。差勝如渣滓。留墳典。歸烏有

錢釵剪。

其三

獨夜羅幃卷。飽經秋一懷。蕭索與花同遣。纔近短
檠。憐瘦質。瓶膽先為。凄恹。不須上義之蠶。蘭。山谷
潭邊。曾寫照。漾幾痕。疎橫。清淺。看不盡。更籌展。
雲屏笑倚手。神顯。是陶家白衣。未至黃英。採扁
骨節。珊珊仙欲化。當伴桃源雞犬。餐書餅靈。均應
免。誰妬徐吾。遮壁罅。鱗煞。風光初犯。論輕典。紅穗暗
休忙剪。

牧仲曰押韻穩妙奇思煥發
堪與浙西六家並譽齊擊

簣山曰山蔚之於詞真有自得之趣與摹擬雕
飾者生死不同我庵先生惜其耗精神於無用

虛直堂文集

詞卷二十四

五

也上書誠之而即絕
意不復為亦勇矣夫

〔清〕曾燦撰

六松堂集十四卷

清鈔本

序

予幼與曾止山比戶



止山方習制藝時好

為詩諸詩餘歌曲靡

而居長又同學自年

不習日與予伯子唱

十三四輒以古朋友

和為咲樂余未能也

相望責故於易堂諸

余既放廢山中嘗好

子中於止山最久且

論止山及吾季弟詩

篤也止山以兄事予

彭躬菴咲而視予曰

有小過每面折之其

予亦姑舍是乎又十

為文自制藝及古文

年予稍肆力於四五

辭則必使予論定而言古詩旁及近體躬

菴又以為工而序之鄉里又能以死生任
而乃今而予得序止大事故年二十時清
山之詩止山為人愿江楊文正公有古大
謹篤摯然少負才華臣之目及不得志或
以風流相尚所為詩自課耕以食其所獲
工美多艷及遭世變或浮沈乞食於江湖
更歷患難日趨於老歷世益久其詩益雜
樸止山為貴公子裘出而相為工予嘗與
馬自喜好慷慨緩急易堂諸子論昌黎送
人未嘗一以聲勢加李愿文愿親為平西

子勲業富貴天下莫必以貴介而賢抑其
敢望一旦脫屣於盤詩工拙之故蓋亦有
谷為人情所甚難而在乎此也予於律詩
昌黎為文未嘗一語心無所自得乃止山
及其家世若與送貧則亦必強予論之世
賤之士之文無以異之貴人名士多所歎
此以知古人之所期譽終必以予言為斷
者大而其文為甚高其篤信之過三十年
今予叙止山詩不能如一日陸清河言作
不及其貴介豈止山文輒自云佳年時間

復捐棄之止山好學序

深思其詩將久而益詩餘為詩之別派與
工予所以叙止山者樂府歌曲為源流者
又不足為定論也易也詩之義不專主於
堂友兄魏禧序怨而非怨者不能工

其說蓋莫詳於六一居士之論梅聖俞也
至詩餘則作者大率多出於春花秋月閨
房怨恨之辭諸如東

野之寒閨僊之瘦梅皆領袖詞塲世終以
翁之清絕使屈而為為詞之最工者蓋必
之或反有骨形牙磬自怨生子友曾青藜
之病故予常欲反居則非有二人之遇者
士之言謂必達者而其所為詩餘工妍綽
後工也如予所心喜約亦多近晏寇歐陽
晏同叔寇平叔歐陽諸家至其悲怨之音
永叔之詞是也然秦蓋往往有焉予乃謂
淮海辛稼軒或以處詩詞皆有自然之款
身流俗憂時鬱切而曲得之於心者應之

於手口雖作者不得閨房之情致母亦在
而自知苟以其窮達有意無意之間而已
而實其工拙之所在豈必盡達者之言耶
無有是處也且夫天子觀青藜之詞其意
下有可怨者不必在葢復如是恐世以其
饑寒困阨之所遭方遇之未必窮而遂悅
晏寇諸公所作怨恨其詞漫焉不復覽其
等詞必有以寫其中意故為叙之如此易
之難言而道宣其湮堂友兄邱維屏撰
鬱其於花月之形容

序

又同獨予慚老客久

乙丙之際易堂之出益枯落自閉一室而

而圖者惟予同曾止止山簪力方剛行千

山寄托不效死同後里不賫糧能自達則

遊同歸也繼遠遊同予不逮止山遠甚其

其好遊輒有友有山志固無不同也止山

水古今人物遂有詩貧而好遊無具獨能

詩於遊為多又同近以其詩見當世之大

同農而耕耕無田同人先生暨名下士而

傭人之田田有詩則予之詩遠不逮止山

不敢以請，僅得言其市逢市，卒乞食，人願
生平同止山者，如是無賤賤，并亦不復知
止山居山中六年，今有幾人書而鹿田蜂
復出自章貢，以適吳山，聽雨分晴，今莫識
越計寒食，必可達舊，其處其亦有告之者
京，其有以一盂麥飯乎？止山但取以為詩
望橋山而灑涕者乎？必尤異，以視其少年
進而飲京口酒，子鵝豪舉之所為。及予髮
炙，可與則一食，不與種種徒死甕牖，夫亦
亦勿憾。又進而之吳井中之語，東海也。請

北面止山自予始奚
其同南昌彭士望書
於梅川之樹廬

序

癸巳秋止山訪予江
村予方看花雙溪未
歸止山留十日遲予
相見時蓋儼然兩頭
陀也別六年矣中間
一得止山書云方築
六松居課耕為業而
予躬耕大折閱因盡
賣牛具來白下為諸

小師講易以餬其口之喜止山漸不為人
會僧禁正嚴諸長老所識也乃止山復好
勸予易緇為素小師遊遂以遊名其詩且
輩多咲之今年有人欲刻其詩出示人其
遇止山於長干市倉意又豈惟恐人不知
粹不相識止山追而有曾止山耶予讀其
語之曰我曾止山也詩然後知止山之固
其人熟視良久乃悟不欲人知之也世有
蓋止山亦既易緇為不為人知者逃方之
素又貌益魁梧予聞深山托之詩歌以寄

其悲憤使人因其詩復知為曾止山哉予
以想見其為人以此經年不作詩不知有
求為人不幾得乎是詩時視止山何如然
故山不可深也跡不予往歲瓢笠行江上
可竒也詩尤不可悲令兄庭聞一見相持
也止山既悟潛龍遁而泣因有鬚眉猶使
甲之旨其為詩直追故人驚之句蓋自悔
太祝龍標咏嘆性情也以是知予不如止
而已未嘗以少陵見山遠甚即詩又可知
志也以此示人即誰矣同學弟錢秉鐙序

序

山發章貢道金陵訪

曾子止山偕彭子躬

予躬菴天若二子貽

菴力田山中閱六年

予書述止山疇曩頗

乃者出遊吳越間世

詳因念予先是獲交

咸謂止山工詩歌好

止山同邑楊一水先

遊顧予即其人讀其

生一水為予言止山

所著詩古文竊嘆止

少負材承厥家學服

山之志深以遠也嗟

古勵行里閤所並推

夫止山豈徒好遊工

止山蓋執經北面一

詩歌者哉今年春止

水先生者以故知止

山獨深壬辰止山伯升降醇疵之變皆不
子庭聞復與子締縞謀而同語次予喟然
帶交予繇庭聞愈益曰士所樹立無他守
知止山嗟乎止山豈正俟命耳外榮辱誹
徒好遊工詩歌者哉譽不求世知耳昔之
一日予過止山旅寓人不幸而遭亂世或
見止山氣專容寂權以抗節著或以齋志
衡當世無絲髮阿附歿如漢譙玄唐元正
意上下歷代盛衰得兩君子秉誼卓犖史
失之故汨今古學術氏乃詳載然兩君子

初不求知卒亦未嘗質予曰生平詩不止
泯滅無聞况末流喜是所刪存僅十之一
同憎異諸趨舍軒輊二冀覽者哀其志豈
頗失實罕折衷大義求知於世哉予卒業
藉兩君子處今日求亟示及門二三子曰
自知而已遑他恤哉是詩也殆黍離麥秀
故予謂止山是時雖之遐思卜居天問之
出遊視向者力田山遺響也止山不樂以
中無以異此惟止山詩自見詩亦不足以
自知耳止山乃出詩盡止山世概謂止山

好遊工詩歌非也子序

意止山遊而歸歸而詩之為教固以陶淑

力田如初田與遊皆性情使悉歸於中和

有詩詩宜日富後世而教天下以忠厚長

必有知者復何憾躬者之道也自昔之能

菴一水天若諸子抑詩者間亦有狂誕不

知鍾山之陽有垂老近人情之處後之學

隸農終其身耕三古者所稟不純習其狂

石田不種秫而甘誕而益為詭隨於是

窮餓者乎非止山目感憤恣睢使酒罵座

見其誰信之杜弟張

之風橫出而不止人自持無叫號佻達之
有議之者輒曰某時陋者也其詩則言必
其人亦若是也吾又由衷情致綿縵悃悃
何傷乎吾嘗觀天下款款沁人肝脾若止
人材一托於風雅大山者不足為時賢矜
率入於無用是亦斯式乎予不見止山五
世之大憂也寧都曾年矣今自吳門載其
君止山以詩名天下文稿若干過武林示
與予交十四年矣予予曰予髮之種種今
見止山之為人恂恂惟彙平生著述以示

後人子其為我序之
經畫矣向見南蘭政
予適有天中之役匆
牘一書其於人情世
匆束裝不及竟其全
變纖悉靡遺用法平
編即子文公叔荆軻
允嘆為用世之才友
卓茂諸論平易正直
人云此曾止山先生
可戒可師此豈不近
筆也嗟夫止山而豈
人情傲睨一世者所
今之詩人哉然有止
可彷彿耶讀止山之
山之為人則有止山
詩可以得其性情讀
之用世之學詩者不
止山之文可以得其
甘為無用當讀止山

之文始知止山之為序

人而益知止山之詩予與青藜交垂四十

為不可及也已歲丁載乙丙之間予方壯

夕陽月望日錢塘同年意氣甚勇每搯擊

學弟秦雲爽拜撰慷慨指畫當世之務

聽者以為狂青藜甫

弱冠嘗單騎入賊壘

撫定數萬之衆成盟

而還予嘗以語徐復

菴嘆為竒才然是時

兩人初未識面越八共子守歲馴象門外
年予戢影江村有緇矮簷破壁中酒盡爐
而直造吾廬者不通寒淒涼可念也改歲
姓字予遠曰此寧都三日沈仲連邀同流
曾青藜也惟時予亦寓諸子團揖於顧與
緇相持大慟因置酒治家分韻言別既別
脯飲噉縱談旁觀者各東西散去然自是
大駭留數日而去又兩人者皆以謀食遠
八年相遇長干爾乃遊不復緇矣又十八
驚濤初定人有戒心年過吳門訪君於鄧

尉寓居信宿而返今志何其壯也今皆貧
又八年矣君更移寓困如此白頭槁頂所
城南予過之復留榻求升斗到處覓人顏
數夕其窮愁殆勝於色跼蹐偷生誠足悲
寓鄧尉時出其壬癸矣然思四十年來向
兩年詩屬予序之其時與我兩人共事者
詩甚悲予今年七十屈指誰在皆已血化
三君亦六十矣回憶青燐骨委蔓草獨吾
四十年前躍馬論兵兩人猶得以哀殘貧
慨然有天下已任之賤之軀東西遊走既

已悲亦以幸也君詩序
久行於世大抵皆幽止山先生年未弱冠
憂悱惻之音予不具為詩輒工一時耆年
論獨叙與君交遊之尊宿負重望者見先
始末聚散之情事則生詩未嘗不驚且異
知君之詩固有不容曰有是哉其才如是
不悲者乎田間同學乃元黃易位山川泪
弟錢澄之漫題

陳先生欲歌欲泣流
離患難展轉於車塵
馬足間殆不知老之

將至歲甲子予先生自證古今指利病則臣
吳門走燕趙還過家方壯耳然則老壯固
山南指嶺粵撫膺嘆不以年哉先生詩意
曰予始生乙丑至今指雄沈音律朗潤使
六十年猶視息人世得時而駕盡更其憂
燭之武曰臣之壯也貧嘆老之什為鼓吹
猶不如人今老矣無休明之詞則甲子詩
能為也已而或者曰具在其視少年諸作
使求臣於馳驅追逐與數十年中閱歷變
則臣且朽矣如使臣遷諸咏其同不同必

有能辨之者或曰先生詩無美不具而得力處似在唐人中晚間或曰先生包數代以立言其於三唐殆得其神理而遺其形似者也今海內能詩之家多矣先生之詩其稱道於世也抑又久矣予不能詩且不

知詩而何以定先生之詩哉時丁卯長至日宛溪友弟顧祖禹謹序

序

營逐逐而兩先生者

寧都曾子止山繡水

獨微吟豪飲捐棄一

陳子潛夫皆以能詩

切非中有真樂者不

聞於世其才相埒而

能夫既梁肉者悅蔬

境遇亦同每論詩竟

茹嘗蔬食者慕膏梁

日幾不知有世間榮

皆無所得於真樂樂

辱得喪事今卯冬之

之真者無常境而有

暮偶集東臯草堂聯

定志於兩先生窺其

句得若干首寒風獵

微矣豈僅吟咏之工

獵冰雪載途人或營

弟為足快哉平江同學

序

讀其詩又不三四首

元次山當開寶間撰寥寥短章無有過十
篋中集獨取吳興沈餘韻者古人自信之
千運謂其獨挺於流篤往往如此詩至今
俗之中崛起於已溺日為極盛幾於家李
之後凡所為文皆與白而戶杜甫矣而予
時異其孟雲卿王季獨得三人焉三人者
友六人特以其類於何曰益都孫仲愚寶
沈而附之則是篋中侗也同郡楊潛夫炤
一集專為沈作也乃也暨吾寧都止山曾

先生也益都公子卓篋中後集而坎壈變
犖驚人別得竒徑潛故十年播遷皮骨空
夫清真樸老漸近自存不復屬意於斯文
然止山沈鬱雅淡當而三子者仲愚年最
其極處能揜二子之少不滿五十而死方
長三人之詩不同其病時猶寓書屬予定
為與時異而卓然自其文集而道遠子幼
名一家則同也往予再三往索其遺文不
欲取三子之詩擇其得今已宿草矣潛夫
尤高者各百篇撰為則於庚申夏予初返

里時為定其乙酉以山長予一歲才情橫
後三十餘年之詩得溢意氣不少挫其金
八百餘首為懷古堂石堂詩數種鋟板行
集今春乃始得為止世名滿天下而又以
山論定其壬癸子丑過日一集網羅當世
寅卯六年之詩而以名卿鉅公之詩而撰
三度嶺南詩屬予為次之故其名尤著於
序嗟乎仲愚已矣潛公卿間則是三子中
夫年七十餘龍鍾老止山於詩為最昌乃
公自屏荒江之側止十餘年來挾其詩以

遊長安者數矣不特正直而無祿位皆以
不得與於承明著作忠信而久貧賤皆以
之列竟未有能迓長仁讓而至沈淪是篋
江於閣中出襄陽於中所重又不獨以詩
床下者而令其飢寒也予於止山及二子
貫貧奔走海隅粵嶠亦云嗟夫使止山策
之間僅侈江山之助高足據要津乘時富
於詩章悽惋不重可貴予又安得而序之
慨矣乎次山之詩不哉雖然止山之詩何
云乎沈公以下皆以所待於予序故粗述

予之傾倒於止山而序

及仲愚潛夫者猶元六松草堂何取其僅

氏之志也夫戊辰夏六松焉而草堂適蔭

五吳郡同學弟徐柯是以名夫天地之大

拜手撰川嶽之廣鳥獸豸蟲魚

草木之繁而以六松

名其間是籊籊天地

也予見夫竒草嘉卉

倏而菜矣雕楹刻棟

文題之屬倏而為墟

矣昔之喬木環山青以詩六松老人止山
葱而鬱勃者亦倏而自叙

童矣六松獨挺然與
人之富貴貧賤死生
患難相推移而不哀
豈其中亦有故焉存
乎否耶予幸六松之
獨存而私之又懼六
松之不為予所私而
亟亟以名之也遂繫

序

倪六歲時先君即出

往來東粵視家如傳
舍命倪執贄進也楊

遠遊至乙卯先大母

先生門攻帖括僻處

謝世時兵戈擾攘先

深山裹足不履城市

君冒艱險匍匐奔喪

冀倪之造就有成而

不半載又他適迨庚

荏苒歲月殊負先君

申倪同長兄趨侍吳

之志不幸旋遭大故

門歷三年然朝吳暮

先君捐館於京師倪

越終不得長依膝下

兄弟遠隔萬里終天

歲乙丑先君還里復

之痛無有已時迨旅

觀歸日於散帙中得無能剗剔後日縱有
遺稿數冊檢閱之下歐陽子其人者亦何
觸目心傷念先君一從識之敝簾敗紙中
生心力具在文史嘗取而一表彰之乎嗚
菟緝當代名人所為呼是可慨已先君所
詩選成過日一集價著集名不一有吟中
重雞林數十年傳播草遊草西崦草堂集
海內其表微闡幽藉壬癸集甲子詩三度
先君以稱於時者不嶺南詩皆紀地編年
少而身之遺稿殘編不無多寡未免錯雜

今分其類而編次之松堂所錄僅十之三
釐為十四卷總名六四至末年所作一無
松堂詩文集以先君存不知遺失何處倪
昔日歸耕於此自撰學問無所得虛擲光
有詩叙故也攷唐之陰顛毛種種日坐窮
李杜宋之蘇陸詩體山饘粥不繼兒輩荷
格最多總欲志其忠鋤食力家聲隕墜無
孝節義之概與其生以報先君於地下惟
平之所閱歷瑕瑜並日夜於先人手澤繕
見亦不厭其多耳六錄裝潢以備世之採

擇猶宛睹六松策杖
行吟時也戊戌夏四
月次男倪謹識

六松堂詩集目錄

男尚侃尚倪編次

卷之一

雜言

維石九章

壽謝中菴六十一詩 坤銘

短兵篇為羅孝子靈最作

夜坐吟

戰城南

蔣埴之小像

題鮑子韶獨醉圖

曾青菴文集 目錄

題錢均歷小影

題程晉錫小影

題姜勉中思嗜圖

題梅聖占小影

題石濂觀象圖

題程耳臣小像

題趙天羽小影

題陸梯霞耕漁圖

為龔羽士題像

維山四章題汪叔奇小影

端溪硯銘

王山長三教女樂圖

題王孝思獨坐圖

又題讀書圖

題陳震方獨飲圖

卷之二

五言古

翠微峯同諸子坐雪分得後字

無家 誌感

遣悶 望翠微峰

陳不盈過訪是夜留宿五峰山挑燈快談因

示子丙戌貽書愧而作此奉贈限水字韵

同不盈坐潭上限五韵

遠火新月限火字

曾青來詩集 目錄

同諸子烏谷月飲得不字

錢塘江夢魏凝叔二首

蘭花 嚴先生釣臺

哭葉薊縊二首 偶興

偏側行 秋風

秋日得長兄壬辰臘月詩

田家即事 彭躬菴植松草堂詩

三嶽送林確齋挈家返南昌

感憤詩 壽楊一水先生

苦旱

田家 春日山莊即事

綏安李又玄書至念陳不盈旅觀未歸感賦

却寄

輓黃元裳先生 漳州旅舍

病中哭亡僕

送蔡立先歸九江并東廖去門萬叔介諸子

送謝元一還綏安

壽臨川陳大士年伯母八袞詩

曾青來詩集 目錄

送任道爰同諸子幼剛歸九江兼懷令兄仲

望

癸巳秋遊石門遇廖去門邀宿草堂感此却

寄

戊戌三峰嘯拜先大夫忌日兼示五弟輝

出門別山中同志

崇德縣有萬鴉巢城東古寺感賦

同長兄庭開放舟淨慈寺訪秦吉生歸步蘇

公堤至西冷橋

送別萬扶滄北上

送譚蘧懷歸京口兼懷令弟長益

庚子暢月八夜聞雷同余生生張崑承魏和

公葉鍾麟限雨字

海上值和公誕日作此為壽

張崑承朱德先邀予飲余生寓限酒字

寓寶安聞魏和公赴海南却寄

春日飲溫山民園亭賦贈

和公從羊城來輒別去悒悒不能已作詩之

曾青藜詩集 目錄

五

旅舍值先大夫辛丑初度不得展拜

喜雨美鄭明府 行路難為胡韶先作

返里留別莞中諸子 夏日萍社宴集

留別陳季良 呈周計百司李

題張曲江小像 月夜渡淮

淮陰釣臺 望黃河

黃河雜詩 加口

早發嶧山湖

仲家淺謁仲由廟兼貽魏叔子

東昌舟次

萬山觀樓上值雪

題贈彭天若隱居

五石菴值雪

壽湯惕菴

望江樓觀春漲作

贈汪舟次兼寄吳楚人

立秋日贈別徐仲內 長沙雜興

過濟陰

曾青藜詩集

目錄

五

九月二日程周量計部招同陸集生王墨錢

礎日彭古晉朱錫堯李武曾張維隱冒毅

梁陳緯雲蔡竹濤宴集賦贈

邵漆夫趙元毓沈孝瑟陳益受小集寓亭看

雪得上字

祝半塘端如上人初度

奇祝施尚白憲副

戊午夏日張黼章招同錢宮聲蔡九霞朱綵

章汪先于暨令弟扶九令坦李平原飲雅

涵堂諸公方檇蒲角勝予拈平原扇頭韻

用呈諸公以博一笑

冬日送汪扶晨還新安營堊

壬戌春日王璞菴蔡九霞右宣過鄧尉徐長

民載酒同姜奉世諸子至余山看梅得中

字

病起飲酒詩

讀何相公如明府桐署集次少陵春陵行韻

仲夏丁泰巖方伯從長安覲歸予亦由吳門

曾青藜詩集

目錄

六

返里賦此留別

笑贈吳孟舉即次原韻

移居黃鸝巷笑朱悔人吳孟舉贈詩再疊前

韻

贈朱悔人三疊前韻

吳孟舉過訪寓齋留同唐鑄萬朱悔人小飲

四疊前韻

吳孟舉寓吳閩數日買妾即歸悵未得別作

此東之五疊前韻

吳閩秋懷同朱悔人同李端水國葉黃時洞

庭霜落夜為韻東贈悔人增我長既

林天友明府招同朱悔人陳蕊宮唐鑄萬蔣

大鴻顧梁汾吳孟舉漢槎高淡游方共樞

顧迂客虎邱讌集得路字

答贈顧迂客六疊前韻

寄贈譚左羽明府

歲暮言懷用陸放翁貧堅志士節病長高人

情為韻

曾青藜詩集

目錄

七

甲子上元雨集

補祝陸其清四十詩次蘇長公榮字原韻

贈顧輿山太守

偶讀東坡谷林堂古今正自同歲月何必書

之句次韻贈俞蓀雷山居讀書詩

東阿道上

過桐城縣懷方素伯諸子

寄錢幼光

寄潘蜀藻

寄方有懷

夏日贈汪交臣少叅

題王山長釣魚圖

夢中作五言六句一首中有夜坐寂無人孤
燈鼠蒼鼠之句醒時空階滴瀝似秋雨聲
續成自遣

六松堂詩集卷一

寧都曾 燦青藜著

男尚侃 編次

雜言

維石九章

維石昂霄維天次寥之子於室相彼綢繆連寒切
石則昂霄天則次寥之子於室心則切切豈曰切切
我有父母也勿勞

豈繫無父豈繫無母豈無父母疊瓶是沮

曾青藜詩集

卷一

一

父母云何維鞠維育邦之瘁矣懼此凶鞠懼此凶鞠
終焉焚獨

邦之瘁矣懼此凶鞠古之聖人移孝作忠豈翅不能
忠母則依於舅父則托諸朋達

涉彼叱咄言采其薇采其薇矣亦孔之悲彼飛者隼
載集於枝永完巢兮何招尤夷兮

天蒼蒼兮石昂昂兮我有父母兮不可徜徉兮瞻彼
首陽兮弟與兄荒兮

露則霜只草則黃只父母哀只不可忘只予心傷只

南山歧歧白雲巖依韞稱瞻彼周道荆棘其基父兮
母兮曷將疇依心紆軫兮惟名節之不可虧

坤銘

我生之初厥惟父母鞠養瞿瞿是懷是哺

吁嗟父兮生之成之吁嗟母兮鞠之育之既生既成

既鞠既育仁孝謂何我身不淑

秋風發兮不可遏兮我有母兮情未達兮

母氏惟賢既嚴且裕不勞瘁於汝不詬誶於汝

吁嗟母兮汝有悖言母則恕之汝有悖行母則諭之

曾青藜詩集

卷一

二

是恕是諭是用念汝

天地無對父母至尊父母既尊既恕既諭伊何人斯

夫焉中沮

父兮母兮昊天罔極父兮追思如不可得母兮慕思

莫敢違息誠哉慎旃毋有過慝

壽謝中卷六十一詩

維山而鞠維水而以先生德只以焉專先生之

德先生之曷以疾御氣六十一矣不讒其言因而

向方注之酌之先生葆光日月旻燭一狀孰孰觀

彼寒厂如春如霰 寧漠其居雖亮亦壺所一者心

故顏色濟 漆園櫻寧收物而生花間鳥定不知林

口 確務之山若木扶時天地無私因德者廬芳

艸多白雲乾乾先生之屬有生無殺

短兵篇為羅孝子靈最作

秋風滴射劍鳴霜夜防君子身不以柄借毒之茵腊

寸錢是握鷓鴣瑩光玄礪淬鏑百鍊之器折則不回

苟非大故納鞘勿開厥有君子父病呼天剝肉佐雖

奏刀駐然一夫兩心技刺不深惟其專一豈費沈吟

曾青藜詩集

卷一

三

上古之孝續竹為彈繫惟今人弋見與鴈

夜坐吟

夜坐可以當酒長歌可以當隣星光欲轉四壁無人

欲食厨無煙游子正苦饑欲渡川無梁游子不得歸

蔣埴之小像

上不見天下不見地日注玄冥憂來無際 葛陂化

龍在手一握安得長房縮斷五嶽 黃雀哀老愁向

日哭紺馬周回食不飽腹 中淺袍深寒無一門煮

羊脚熟天下皆春

戰城南

戰城南。日暮悲風起。城上驚傳鑰。壯開黑雲陣。鼓壓聲死。南兵出。北兵入。子弟三千人。猶向城南短兵接。十月霜風寒。白骨高於山。上有烏鳶啄人肉。下有黃犬食人鬬。黃犬何信信。食盡死骨噬生人。死者不足惜。生者良可矜。彎弓挾矢城南轉。不射烏鳶射黃犬。

題鮑子韶獨醉圖

一琴一書。一邱一壑。既撫松以長吟。復擊杯而獨酌。噫。黃鍾棄瓦釜。鳴蒼狗。變陵烏。樂子之獨醉而不醒。曾青藜詩集 卷一 豈非不美人之清。而反受世之濁乎。

題錢均歷小影

均歷精。混沌既闢。文字始繁。亂人心曲。乃在筆端。議論日多。機械日出。深文殺人。甚於盜賊。君知其故。疑筆揣摩。穗書烏篆。點畫無訛。日如邱斤。日如歐劍。治國有餘。資身何憾。

題程晉錫小影

不能佩玉鳴騶。且自臨風據石。目至平五嶽之天心。游乎八紘之域。聖人之道。一龍一蛇。志士藏身一語。

一默。吾不知天地之大。兵戈之中。生死之間。孰孰。吉。獨悲乎胸藏晒日之書。手握凌雲之筆。而乃與却。起。衣虎輩。同其儔匹者乎。

題姜勉中思嗜圖

峰壑巉巖。林木蒼翠。方塘一區。亭臺雜置。徑仄橋欹。前軒後榭。如在深山。窈馬幽邃。曰有隱君。卜居此地。北園數株。為手所植。結子成陰。朱櫻丹荔。自公棄捐。風流廢墜。後嗣修之。翦除芒刺。因樹為楹。臨風灑涕。曾暫嗜。棗屈到嗜。芟以孝子心。乃傳所嗜。

曾青藜詩集

卷一

五

題梅聖占小影

是耶非耶。蒲團坐者誰耶。其墮臙而醒。抑化鶴而歸。耶。蒼蒼者天。吾不知其為高。廣廣者地。吾不知其無。涯。吾但欲馳八駿而駮六螭。又安事幅巾方袍。而有。似乎鵬者。噫。是耶非耶。蒲團坐者誰耶。

題石濂觀象圖

象緯歷歷。莫知其極。仰而視之。東方已白。

題程耳臣小像

上有蒼松兮。下白鶴。天一握兮。雲兩角。左琴右書兮。

將焉托鍊子心兮歸索實蒼松兮亭亭白鶴舞兮無
聲爐烟靜而生寒白日臨於朱楹超道遙兮真無營
充淡蕩兮神愈清不見羲農兮見此遺民延壽考兮
保安貞

題趙天羽小影

天地凌陰草木未豁獨此亭亭蔓竹紫脫至道無言
會心天末四海雖曠魚則能隨五嶽雖高鳥則能飛
神明所注山海可移慧以靜成理以忘得廓此靈暉
守我淵默露頂趺坐憺然緬域抱道獨處藏器太虛
曾青藜詩集 卷一 六

題陸梯霞耕漁圖

陸君梯霞為年伯夢雀先生之第三子也記
崇君丙子予就童子試於螺川年伯官吉水
予得展拜牀下歲辛巳先大夫督餉里門過
庭之時語次年伯文章風采不得見用於世
為之敬歎太息不十年國家多故先大夫見
背予以避禍僑吳閩過西冷梯霞出耕漁圖
於予吾聞之泰之有否革之必凶感哀之故

自然之理也呂望以釣南陽以耕梯霞縱欲
長隱其能以耕漁老乎則斯圖也亦足以卜
梯霞之用舍矣繫以詩曰

鳥兔飛麒麟莫問征誅與禪授庭無人兮市有虎
荷鋤戴笠歸何後池出丹魚木出秀四野茫茫風草
吼吾當與子守其舊

為龔羽士題像

不與物競不隨時趨神清骨澁貌澤形癯心遊廣莫
氣混太虛將烟翼乎天地或歛落於江湖吾不知其
曾青藜詩集 卷一 七

為北溟魚為即都為樞株為莊周之蝴蝶為王喬之
仙鳧抑將為薊子訓摩挲銅狄而志平五百年之居
諸

維山四章題汪叔奇小影

維山蒺蒺維水鄰鄰不聞其聲但見其人

其二

維山葉葉維水深深人見其貌我見其心

其三

蒼松矯矯白石濯濯清茗一壺清風一握

其四

書能移性琴可通靈試彈一曲山水宵冥

端溪硯銘

水之精石之神葆蓄其天真是謂磨而不磷

王山長三教女樂圖

棄黃鐘鳴瓦釜舉世茫茫無可語無可語友鵬看親
木羽且聽歌與舞莫闕龍與鼠

題王孝思獨坐圖

靜者不靜動乃見靜如水斯澄如夢斯醒夢亦非夢

曾青藜詩集

卷一

八

水亦非水一醒一澄吾心如此

又題讀書圖

簪何短帶何長據石坐天地荒左攤書思良苦神明
居翹魁怒高柳數株庇其下童子抱膝卧林莽窮蓬
在天誰為主安貧樂道師尼父

題陳震方獨飲圖

眇其目瞠其腹袒衣獨坐飲自足不畏熱與冷不分
清與濁興至何妨對三鷗渴來似欲吞四瀆陳子愛
酒持蝦螯俱酒器酒未飲時興亦豪曾見讀書浮大白

又見濡首揮彩毫飲酒看君亦溫克何為對酒先酒
逃震方遇飲青松之下風颼颼流泉澌澌生秋濤醉
彈一曲何年驂如今不飲非吾曹百年無如沈醉高

曾青藜詩集

卷一

九

六松堂詩集卷二

寧



青藜著
倪編次

五言古

翠微峰同諸子坐雪分得後字

草木發重光照我十八九我得醉春遊春風偏我後
酒醒不成吟天地忽白首

何處是雲天雲天光欲透萬木自含情千山還不舊

西方有美人歸期無乃後

曾青藜詩集

卷二

一

此雪但逢春春工何太後豈知雪有情雪亦為春誘
他人固何為而我情獨厚

無家

西風一片飛獨立寒山暮鴻鴈不歸來天涯棲何處
丈夫志未伸骨肉恩已負受日自流觀仰天淚如注

誌感

前者不可及後者不可期天地自決泚吾身何所之
鷓鴣求食去老馬泣路歧試問生前事斯文安在茲

遺閣

丈夫自有情何必效兒女氣概走風雲死生同草莽

豪放豈一時孤身應千古漠漠望山川愁懷安足數

海宇自茫茫知音曾獨少朝煙飲木蘭夕渚塞芳草

立馬望河山停雲依海島浮生嘆轉逢天地容孤鳥

望翠微峰

遙望翠微峰草光春氣綠低雲一鳥飛薄霧千山足
天地自晨昏川原無斷續何堪眼中人搔首成幽獨

陳不盈過訪是夜宿五峰山挑燈快談因示予

丙戌貽書愧而作此奉贈限水字韻

曾青藜詩集

卷二

二

獨處止淒淒淒淒清冷得子子問予所學愧予經與史
經史久不明乾坤日崩圯吾其見天心豈同草木死
子示予以書開予聖賢旨披對自生慚三年胡不砥
於今念厥躬慙謬層如壘夜靜一燈青樓高千嶂起
嗟予力不支匡救當無諱與子意氣交一夕成知己
山颺蕩松聲瑟瑟寒吹几沈吟各有思默識心相似
吾心復何如海天同一水

同不盈坐潭上限五韻

朔風吹獨樹日落寒潭暮獨坐忘歸來山光迷去路

松杉隱險石魚鳥藏深處萬物靜無言吾心同一故

遠火新月限火字

夜響如彈箏門開山磊砢溟溟更濛濛新月與遠火
寒霜樹欲明野燒花千朵自有會心人不必月亦可

同諸子烏谷月飲得不字

小飲坐寒鐙溟濛光欲出相歡樂素心與子酬烏窟
鐘響石縫開天空雲影沒寥寥夜已深問有春風不

錢塘江夢槐凝叔二首

髻髮反垂冠從未別經載喪亂勢驅人友生日以殆
曾青藜詩集 卷二

故人不我親夢魂豈久待聊浪江湖間中情時見悔
敝衣可蔽寒乘珠難醫餒豈無意氣交繩糾不相逮
我有尺素書寄君長不至日望秋蕭蕭空江木葉墜
此夜獨君逢欲言無一字可知遵子情無容欺夢寐

蘭花

蘭花淡淡香東風欲摧折幽影薄闌干寒心冷素雪
花遲隱芳菲春泉鳴咽視彼連理枝愛此同心結
花香猶可挹芳夢殊難覓風塵勞我憂山川終隔絕
如何復如何相思空切切

嚴先生釣臺

一身在天地隱者自輕名日落寒波靜空山有釣聲
披裘平臺上無乃感聖明

真人不世出垂老坐寒流絕迹豈吾願况非商與周
至今臺下草年年生廢邱

哭葉劄紲二首

蹉跎五載餘烽火隔江石鳩茲聞訃音疑信未分割
與君莫來遊道此別離久詎意渡杭來但得見子九
劄紲 劄紲人問良可辭苦為傷朋友

曾青藜詩集

卷二

從來天性人不肯負知己感子忠孝心從親入江涘
劄紲從尊人殉難 人愛後死身反為病所使噫嘻葉
入水家人救之 劄紲作善不可恃

偶興

詩書秦火後千載張吾徒剽竊失其真率為利名區
所以蒙莊言發塚求遺珠道路貴苟得蕞然已故吾
車馬金鑿續紈綺列堂隅食客非珠履不向門庭趨
守貧果下士直為聖人愚

羨醴已凋殘乃容覆中暮青蟲亦何心媒媒蚩車轢

世士競聰明畏讒不畏瀉何如醉魄遺採松從宗測
漉米亦有瀉吹管亦有聲何以今之世相見但無情
卓哉瑰偉士化為狐與騃醜譽不自知安事服左行
有雲謝飛鳥莫為千里鳴

人生貴自狂終年走逆旅踵借却傍徨主人色先沮
自悔不愛惜反為世人語江湖縱賊死無乃勝刀俎
陶公無酒飲沿村去乞食如何坐見招不作江州客
古人亦愛酒愛之不必得始知素心人終竟憑胸臆

偏側行

曾青藜詩集

卷二

五

偏側復偏側晨風吹不息但聞扣門聲真成乏奇策
轉貸道孔多開口語反塞縣釜豈一朝典粥亦已極
吾家骨肉人相告豈不得公私既膠轕生涯亦傾仄
于斯何更忍復令求者亟

農家逢歲稔鼓吹慶豐年道路何狼戾斗米貴百錢
我亦世家子釜炊何不然鄉人負米來相勸暫通權
飯石豈不多視直如杯棬冗食滿堂戶踟躕不可捐
僮僕日有職役使尚拘攣况有老親在豈能獨擅專
古人愛貧賤財多反足累家門日蕭蕩乃復令人指

官吏入門來得意豈蓋言咲本違心逡巡忍詬恥
豈不欲名高憂患乃生理冢君既遠行一家復誰委
子弟豈不賢無如內顧耳艱難苦支持豈遑恤妻子

秋風

秋風獨夜驚寒氣亦何早萬山發衆響林木歛如掃
獨立蕭以唳忽忽滿懷抱夜月起寒高輕霜中哀草
人生太多情亦足傷壽考

秋日得長兄壬辰臘月詩

曾青藜詩集

卷二

六

翩翩歸鳥夕集我舊庭除游子行當久音信似全疎
長策骨肉念不知舟與車驚傳萬里札又是隔年書
消息到故里行者無定居

庭前石榴樹蔚然成高林結子何累累采之不同心
我有雙燕子其名為珍禽出入相與俱好聲相與吟
故巢一旦毀別去久無音一在嶺之北一在漢之南
遠方有客至遺我數行詩征夫懷路遠道此當書辭
未及行李苦先言長相思徘徊不能讀揜卷涕淚滋
出門即吳越安問萬里期行子豈曠達不愁寒與飢
家鄉日寥落殷勤視江水江水濶且深沅湘非彭蠡

二水既分流，滙之亦千里。上有高堂親，下有雙楫子。
仰視浮雲行，迢迢更何止。西風不能言，安能為我使。
去日但已遠，來日不漸緩。父母生我時，荏苒苦日短。
嗟此濁垢衣，誰人忘洗滌。千載有榮名，死生安足限。
有鳥從北飛，孤鳴天之半。無為入者心，增繳不能辨。

田家即事

數里挑溪水，悠悠下晚晴。我來自翠微，乃知秋色生。
溪上有人家，顧我啟柴荆。牛羊薄暮歸，雞犬相迎鳴。
稚子盥濯畢，拱手道姓名。雖則無禮數，中心亦至誠。

曾青藜詩集

卷二

七

彭躬菴植松草堂詩

山空來萬慮，冥然草木豁。草堂因以深，孤心寄奇兀。
官人^山名有青松，幽色特秀發。衡門日相親，空聲濯元
髮。援鳥閱清寒，垂藤映流沫。雖不托陰翳，亦足資曠
達。人生當流離，觸目成慘怛。所值倘自然，即可慰飢
渴。

三峽送林確齋挈家返南昌

昔年君遠去，別君不為悲。知君有家室，終當來翠微。
君今踐茲路，雖來難久遲。

山上別君行，山下行不止。獨立愛餘光，悠然見吾子。
不知春草生，明年青如此。

感憤詩

山後撼秋風，南窓忽振響。衆壑何杳冥，林木出颯颯。
寒暑忽就移，生殺在俯仰。所以曠士懷，登高非一想。
大道日已傾，陰陽相剝蝕。坐聽采樵人，歌聲出阡陌。
不復知唐虞，安問今與昔。慨然念汝情，中心愴以默。
梧桐百尺樹，生在山之腰。結子亦可食，中棄而為茅。
昔有楚太子，以其寔秦梟。豈不冀鳳鳴，性生不可撓。

曾青藜詩集

卷二

八

蟪蛄及秋死，木槿向朝榮。生者不漸息，殺機遂已萌。
總總斯弛子，僂僂趁驕盈。人無百年壽，何以貴榮名。
壽楊一水先生

吾家通籍士，後先半及門。而我先君子，早得遊其藩。
皇皇天啟間，制藝又一翻。怪誕勳諸子，如水失真源。
斯時惟我師，卓卓立名言。臨川陳大士，歡然讓為昆。
我時誠樸樾，亦依桃李園。文章閱世運，變亂日以樊。
先子伏草土，南北兵雲屯。一出罕成事，已矣勿復論。
夫子至今日，巍然齒德尊。所以詩取士，李杜未騰鶩。

苦旱

天心何仁愛八月乃苦旱農家告歲成皇皇夕與旦
浮雲時在天水枯石欲爛縣官事祈求齋戒言侃侃
出入勤禮數小民孰敢慢薄暮向沙渚仰見星與漢
夜深風露多使我成蕭散

鯉奮江

泊舟澄潭下水落山苗萃孤村四五家高樹氣蕭瑟
游魚滄滄來不畏網罟密我時當午食投之以餘粒
大者遠來吞小者遂相失汝本無機心饑來即倉卒

曾青藜詩集

卷二

九

田家雜詩

惰氣足致厲龜勉勤東菑我未學老農常帶土宜
耕作在先春積雨沒川坻不歷農家事安知憂天時
少年愛意氣恥為衣食資所用失其道自取寒與饑
貧賤無善地十年劇兩荒我憂未有涯耕鑿安可忘
僕子朝出門牽牛踰層岡春深氣已茁茅堦三尺強
庶草借地力因柔而致剛所患去不早資我歲月忙
二月開新圃四月未繁殖雖以天旱乾人亦曠厥職
專絃不可聽水濟不可食原上葑菲生可以助稼穡

方塘注隴水高下引溝洫地勢得自然不資桔槔力

春日山莊即事

暮春日色佳新苗氣漸舒農夫相開顏朝起事耕鋤
高田作水塍低田發新畬高下不同作用力無密疎
挈饑餉農夫食者不肯餘歸來喜顏色我心亦已愉
綏安李又玄書至念陳不盈旅櫬未歸感賦却

寄

昔我出門時綏安發初步昔我結交時李君如我素
別來七八年不辨綏安路我昔到草堂李君年及暮

曾青藜詩集

卷二

十

拮据具盤飧不忍食雞鶩聯牀數晨夕一別竟阻誤
山川何多艱君書適我願怵然感予心洗削慚悃悻
昔為陳子言君老病且痼以我風波人餘生不足慕
精力汝猶強可以見志趣如今我與君歧路猶無故
悲反在陳子繫繫江上墓同為後死人非隔何足懼

挽黃元裳先生

使君刺潮陽乃在崇禎後中原竟陸沈盜賊實禍首
潮陽濱海區殺人同雞狗使君乘傳至戡暴見仁厚
所以乙丙間人呼嶺南走仙霞解嚴戍天興遂不守

奄至山與海寸土非我有使君秉亮節棄官歸田畝
余亦流離人喪亂未分割農泥來平西識君巖山口
風雪滿天陰楫拙然戶牖蹲鴟三五個煨燼及申酉
謂我時多艱寸心無所取奄忽老且至遂令平生負
殷勤送我別霜葉紅於酒三年雖契濶必問平安否
何意中夏初奪君以期壽夜獵貫廬江懸火照大阜
攀髯斯志遂豈必論遲久

漳州旅舍

暑風無日夜吹我羈旅時敲蒸氣鬱塞行止一不宜

曾青藜詩集

卷二

十一

我聞近海居四海恆如斯况復當盛夏矮屋覆茅茨
牀上鼠出入牀下作雞埒門外晨光動枕簟生微颺
僕子場窻火為我作朝炊問汝能從容可忍須臾饑

病中哭亡僕

我來汝尚健我歸骨在傍自傷衣食故致汝死異鄉
役及三十載勤劬能汝忘在昔亂離來後先化豺狼
惟汝日左右中情懼弗將一月住漳海我心如貞劍
茅屋罕人過寢食惟一牀汝又棄我去藥裹益蒼黃
十年窮途哭念此摧肝腸

送蔡立先歸九江并東廖去門萬叔介諸子

匡廬攢翠峯似擁兒孫立陰谷覆水涯下有龍蛇蟄
蔡子生潯陽雲霞時可拾童孩值亂離隨父到吾邑
遂未匡廬遊荏苒近三十僑居冠石中奇峰互出入
因之懷匡廬嘗敬如父執我記癸巳冬壬子忽來集
挈我上危巔雪壓鬚眉濕上嶺下嶺難无機當芒屨
蘆林逢老僧殷勤飯香粒予今歸故鄉得無衣食急
親戚滿路衢半是新相識以我交遊多而有凍餒色
寄語匡廬人別來何所得

送謝元一還綏安

曾青藜詩集

卷二

十二

仲夏走衣食載過李又元寓言屬吾子筆秋來梅川
為我大母老歷歷卜新阡五月七八月每食曾不咽
自計必客死望此骨月全何期六月九大母竟永捐
伏枕哭無力積血成湧泉伯兄挈我歸還我到綏安
稽首拜吾子敢以當筵筭子來未幾日擇龍精西偏
我茔必祖側大母昔有言龍鬚雖善壤不如近郊原
子請還相視祖壙屏風間鑽土石擲出五色文蟬聯
卜以孟冬朔執紼涕泗漣悲風自北來寒郊生暮烟
將子立層岡蕭蕭墓與田

壽臨川陳大士年伯母八袞詩

記予未生時海內尊四氏甫翁崇楨間得名進士
先君甫同籍予為年家子不及見甫翁猶幸母儀在
甫翁少賤貧講塾托閭里母恆自察綫于繭獨斂臬
推食食家人自漱以澹澹及貴如平生衣食無他紀
至今年八十清強視昔履母時更闕觀人倫覽臧否
忽見短後人儀刀擁匏齒問此貴者誰知為公族仕
富貴豈不願無玷前人耳長君本豐下次君悲髀裏
慷慨在少游擊筑過燕市天地如秋蓬河清終可俟

曾青藜詩集

卷二

五

五芝出金精采之佐簋簋

送任道爰同諸子幼剛過九江兼懷令兄仲望

空堂蟋蟀鳴子當千里歸荷擔就道路送者心恻悲
皇皇三百年君家世旌麾第宅連高雲冠帶何提提
行矣望故鄉城郭當未非

剋石出奇雲草湖多嘉卉其中有高人彭君與林子
感子方少年個儻一無累荷鋤而帶經長歌動潭水
豈無凌風翼所心在知已

飄零昔京口倏忽彭君值子仲與之偕結交從此始

一時意氣真各寫胸中事同我至南昌遇子獨顯穎
竟偕諸子來歲月成遷次獨自三嶽峰仲遂不再至
湖水寒蕭蕭使我增累敬

癸巳秋遊石門過廖去門邀宿草堂感此却寄

憶登石門時夕暉散寒木人間秋氣清未至心已足
澗水流野香村煙點疎竹君自山中來袍深結巾幘
相見無他辭各道姓名熟手指此半峰即為我家屋
向鄰乞濁醪牽衣轉山麓月光垂薜蘿却疑路不屬
數折到門前箕帚命僮僕抗談及平生崢嶸列燈燭

曾青藜詩集

卷二

五

知我情飢寒山厨羅雞鶩忻然營一飽不暇計晚肉
於時有故人文章驚流俗高義何艱難一飯當珠玉
可知杜少陵感恩非口腹

戊戌三嶽峰拜先大夫忌日兼示五弟輝

夙興瞻光靈悲涕不能止閔子愆戾身兄弟多轉徙
丁亥降鞠函同居將一紀盥手羅酒漿歲時偕拜跪
去年大母殂從此離析始我父生六人傷哉兩弟死
伯兄愛遠遊焰又留綿水獨予三嶽峰安得不念介
才盡身足危勉旃無遺雁

出門別山中同志

十年一孤舟天涯亦庭戶如何謀出門冬春不得去
顧我昏慵資通勉事煦嫗彌縫抱苦心翻為指摘路
遠遊非不艱耳目省馳騫江左有故人貽我一尺素
中言五嶽遊訣絕誓邱墓此事儻誠然逞恤稼與圃

崇德縣有萬鵝巢城東古寺感賦

鬱鬱城東樹日暮萬鵝集結巢不能穩飛出復飛入
樓高與樹齊攀折手能及眾皆喧不驚高下若等級
鳥性愛清曠此獨巢城邑山樹雲木深湖田夏水急
曾青藜詩集 卷二 五

乃知稻梁謀使人無獨立

同長兄庭開放舟淨慈寺訪秦吉生歸步蘇公

堤至西冷橋

宿雨暮林密湖光邈難辨觸景多異思懷新重所踐
一舟棹微茫隱盼歷幾轉魚鳥瞰空明片藻組清淺
遙見湖南峰奄忽霧初卷下有幽人居襟期足虛緬
碌碌十年間饑寒仍不免萬事傷人懷以茲山水遣
池塘長新荷涼風生婉孌停舟堤上行感慨成偃蹇

德城南樓再送董无休歸里

海水盪輕舟凄風吹斷續桅檣高下移草色秋仍綠

為子愛高樓天涯入吾目浮雲日多陰徙移闌干曲
相此彈丸中如挾東西軸况復各江海波流不相屬
人生天地間自知有幽獨所幸勿蹉跎豈必長麋鹿
亦有魯仲連亦有管幼安蹈海不帝秦穿榻避子桓
即此二三子都非世所歡屋門空灑翰日夕騰波瀾
此海更何為徒成行路難

送別萬扶滄北上

豈不欲歸去道路多苦辛菑蟲繁膠木豈云托無因
曾青藜詩集 卷二 去

此日坐惆悵寒山如早春使君上京都游子滯海濱

願君無復念長此流落人

寒風天外來海城聞金柝自顧衣裳單不足供藜藿

乞貧作生涯典粥恣搜索逢人見顏色欲厚翻為薄

古人愛客遊令我然疑作三十六州鎮鑄之不成錯

送譚遠懷歸京口兼懷令弟長益

昔人遊嶺南稱為珠玉國今我一來斯日夜走衣食
駭駭鞍馬馳交遊皆上客豈無垂手人驕矜自勢力
握手平生歡中情如絕域譚君天下士亦復罹此厄

三年游閩漳五年阻海北蛟螭夜攫人海風翻浪黑
巖巖北固臺可以寫胸臆知君兄弟好良辰共登陟
予當在天涯懷思不可得

庚子暢月八夜聞雷同余生張崑承魏和公

葉鍾麟限雨字

時當仲冬月樓頭日日雨良友三五人挑燈酌寒醕
驟聞窓外聲裂裂如破柱疑此發巨礮將無鳴賊鼓
吁嗟群陰伏諸蟄死下土占年為兵荒斯雷成自古
猶記去年臘雷聲震江澌至今春復來南北如安堵

曾青藜詩集

卷二

七

亂世天難信毋為自勞苦

海上值和公誕日作此為壽

去年君初度予獨江之濱今年同君遊海上值君辰
年年走窮途何但越與秦所持知已歡忘我客中貧
與君三世誼交厚惟吾身朋友在哀季輕薄如颼塵
君仲植道義於予最能真予時有紕繆鉅株及其根
予時有文章窟易無一存予性極劣下初若車轆輪
仲力能十反條析而縷分至今二十年逾於骨月親
同堂君獨少卓卓越人群苦勁過挺之時聞樂石言

視仲友而師視君弟而弟嘗愛劉君長罵人人不嗔
又愛周公瑾坐對如飲醇君今果能爾蓬戶足風雲
恨君不能飲何以慰殷勤

張崑承朱德先邀予飲余生寓限酒字

十日不得飲高樓兀坐久于時結層陰履聲到前後
主人不踟躕開尊飲諸友招余下斯樓肯共斟酌否
命僕且別酌為余畏偏酒橄欖問黃柑盤殮雜鞋非
諸公起或歌手勢迭勝負酒力雖多予獨予酌以斗
大餅既已傾復向樓中取予自成上頓狂奴態時有

曾青藜詩集

卷二

六

不見魏生詩曲意寓犀醜

寓寶安聞魏和公赴海南却寄

日落牆頭陰燕子歸來暮人生嘗乖離多為衣食故
貧賤難自由終日坐悔誤海水何茫茫秦蒙不可渡
故人發濠梁將無行且住
別去無幾日奄忽春將深芳草滿道周慨然成古今
依人良云難况復遊海南人情愛新懼久乃知苦心
天涯有歸路為子聽春禽

春日飲溫山民園亭賦贈

落日散園亭春風入花竹主人池上閒招予著新綠
層軒俯流水碧砌耀寒玉桂香拂人衣盤石峰相屬
位置竟天然不覺萬山曲酒酣上露臺人烟動坤軸
羅浮沒半規俄頃出林麓我懷非一端萬古開眺矚
引客下階除張燈向濠濮溫君信多才氣概邁流俗
曾出數萬錢為人完骨肉是知至性人乃能事幽篁

和公從羊城來輒別去悵悵不能已作詩寄之

烏鵲枝上噪故人立青苔一月不得信我心久已灰
斯時但歡心不暇生徘徊何當片帆急今日乘潮開
曾青藜詩集 卷二 九

既知難長聚子曾不復來

同汝嶺南春一行一旦止中復有行者千里訪仲氏
時道爰往陽春天涯無幾人一朝或遠徙嘆我在窮
見仲望消息途衣食不能繼致子勞他人默然生愧恥明月出枝
頭照見庭前水忽忽從中來我憂自此始

旅舍值先大夫辛丑初度不得展拜作此紀恨
嗟予違親顏一紀倏已逾世亂罕善謀終歲走窮途
茲今值初度心目空矍矍料知陳几筵拜跪中無余
生時少膝下此日復天隅長年三十七親於予何須

人誰不生子生我不如無

喜雨美鄭明府

仲春久不雨春田不可薈我方在行旅饑飽隨所遭
煩鬱苦不舒披襟向城濠漠漠浮雲合雷聲轟怒號
池渠一時滿其勢如奔濤問此何以致使君能清操
所食但蕙芥所衣但布袍所居但四壁結構多不牢
雖有催科煩不以損秋毫至今犴狴中蕭條生蓬蒿
齋後方二日即已溢東臯豈惟滌煩襟我饑漸可逃
往者百里嵩行部雨如膏其人已千載令我心鬱陶
曾青藜詩集 卷二 廿

行路難為胡韶先作

草木迪霜雪始覺天地寒人不逢亂世安知道路難
子昔提雄劍直欲斬樓蘭風雲一為合血肉生羽翰
十年值陰雨后土曾不乾水辭蒼梧去陸經牂牁還
向時親與故死亡亦已殫向時琴與劍棄捐不復彈
從來禦魑魅安得身獨完日聞北風來故人作達官
一身各有托歧路非所嘆烏當養青鸞客當結任安
瞻彼無終子流涕辭曹瞞

返里留別亮中諸子

老馬戀空棧倦客羨歸羽江頭聽棹歌停舟若有悟
此行雖賤貧得與諸君過涼風天外來明月在高樹
客久終當還豈曰懷往路

憶昔閩粵區鳴珂交長道朝廷自海隅猶然事征討
歎息十年間冠裳歛如掃所見皆通臣不敢抒懷抱
持此一寸心桑榆慎自保

夏日萍社宴集

草木當新晴衆鳥欣欣出聞君多素心停舟造君室
聞君花下筵所集皆俊逸語默各分殊會心為儔匹

曾青藜詩集

卷二

廿

輕風吹庭除悄然如落日游好自天成不覺忘倉卒

留別陳季長

聞名在疇昔眷言心相知促席曾幾何又復當乖離
山川入竒懷努力看朝曦見子容專寂足為良友資
翻彼求友鳥交交鳴樹枝真情抱羈旅貧賤復何辭
我今正歸去子留當向誰

呈周計百司李

夏畦如涼風敗絮如朝暉游子行無所心知知已恩
顧我謝州府躑躅走風塵前年邗江上今年越海濱

相彼綿蠻鳥垂翼困邱園時無長風發安得凌高雲
軒軒周夫子聲名諫中原受命理我邦降典析我民
謂我伯氏才念我瑣尾身嘆息韓昌黎呼號大江濱
我慚非怪物乃逢有力人

題張曲江小像

南豐謝先生甘肅曰吾師乾坤兩腐儒世安用此為
張君為今日經營願見之此事久絕響舉動成群疑
王宏齋酒具姚善辟車旗我今見君像下拜復何辭
月夜渡淮寄懷魏東房

曾青藜詩集

卷二

廿

孤舟夜趁風微波濕星漢四望無一山乃知南北判
天水搖空蒼新月出西岬開卧抱竒情幽姿苦獨玩
故人在蕪陰別來已月半

二月君離家四月予方北南浦再逢君悲喜動顏色
月光浮夜潮萬里生胸臆仰視星斗行一枕天河直
此行由他人待君非我力

淮陰釣臺

漢高櫟釜羹劉毅子鵠矣古人恩與仇遂乃在飲食
至今漂母祠朱費耀霜日

誰謂越石賢，恩反為怨府。淮陰固長貧，飯者亦多所。
何以千兩金，只聞報漂母。

望黃河遂拜金龍王廟

王姓謝名緒，宋末以諸生死難誓曰：黃河割流。

即戎報仇之日

羈跡生煩憂，悠悠步高壑。落日下秋空，長河接天湧。
波濤忽杳杳，無風亦頌洞。乃知蒼茫區，物象非一種。
人生負志氣，天地不為動。夫子陸沈中，屹然見大勇。

黃河雜詩

五日住清河，十日到崔鎮。問舟何太遲，舟重風不順。

曾青藜詩集

卷二

十三

嗟此東南漕，微歛無饑饉。州府下急符，六月已報盡。
百舟驅千夫，并力資前進。膏髓既已竭，飛輓敢不慎。
將使送客歸，暑氣漸清澈。梳櫓忽動搖，乾坤欲倒折。
黑風起寒蛟，衾席走列缺。獨坐人語中，萬家寂以滅。
吳城數十家家無，一二丁縣牒。日日至僉夫，送王程。
船尾列旗戟，舳頭吹竽笙。廝卒跨弓刀，紫色鬚髯猙。
腰囊數文錢，搜取無遺贏。無錢不得食，安能千里行。
黑索繫我頸，白梃交我膺。流血赤日下，河水如煎烹。
大官送方歸，又聞滿州兵。

濁水偏多魚，魚多固乃賤。勸鹽博一筐，升未得數串。
舟子無晨昏，每計必飽饌。神農久不作，風教無一善。
何獨遺網罟，害生術日徧。

秋氣生微涼，蕭然動遠水。明月光在帆，一行三十里。
隱隱出城郭，懸燈波濤裡。篙師惜夜闌，乘風奔如駛。
緬想高皇初，河流忽倒起。天地所效順，百靈秉其理。
北斗落我牀，歌聲變為徵。揮杯勸何人，荆卿與高子。
河水日噴射，河隄日傾欹。人家立隄岸，性命如懸絲。
朝廷議修築，急於防邊陲。歲費百鉅萬，原不累有司。

曾青藜詩集

卷二

十四

今者驅民貸官，自沒其貲。錢財亦以竭，筋力苦難為。
屬薪無晝夜，薪盡命亦隨。困卧濕薪中，束縛投淤泥。
死者不足惜，生者鞭撻之。河潰尚可避，河復不可支。
不如訴河伯，殺我無子遺。

洳口

秋天風日清，征帆多佳色。如見江南山，竟忘身在北。
舟日隨山轉，初疑路不直。不知平楚間，千里如尋墨。
落照暖孤村，高雲隱歸翼。對物移我情，遠延悼旅食。

早發嶧山湖

日出天宇低秋光散流沫晨起一憑窓湖天在目末
嶧山列右屏赤山眺左閨隱隱出遠峰不知湖幾澗
夫君久不來樛木冒長葛飲以菖蒲花舞以踏渾脫
楓葉落河邊相思路超豁

仲家淺謁仲由廟兼貽魏叔子

一入鄒魯鄉怵惕生俯仰廣廟臨東臬松柏走閭兩
巋然見古人氣肅心神朗夕陽時在庭秋光落餘響
平生負過愆敝衣行薜蘿祛除恃友生安能成獨往
天德無旁貸勇足資直養耳不聞惡言先師有奇賞

曾青藜詩集

卷二

廿五

至今千載下凜凜露精爽

東昌舟次

有女坐隣舟日自惜眉黛香風入我窓好色豈不愛
男兒事馳驅安敢蹈尤悔

八月桂花開秋香圍檣櫓美人殊不來零落在江澗
挑燈抱寒衾獨坐怨風雨

此地經秦項郊原多草萊山川自終古日黑生黃埃
獨向層樓望派鴻千里來

燕師久絕援書入城乃潰卓爾魯連子背君還教誨

有城亦可屠仁哉曹武惠

少年游俠子擊劍生銅花手懸烏號弓石勒黃金騶
一或不中意談笑屠其家

在昔趙遼西破鹵身亦死唯不失忠臣乃克全孝子
終身不入蜀徐庶非志士

趙苞東昌武城人

過嚴灘釣臺

赭石轟寒陰風泉接異響亭臺降之西落日散林莽
峽深狹子鳴川靜寒魚廣漢室既中興山水足孤賞
古人愛登臨不特成獨往

曾青藜詩集

卷二

廿六

萬山觀樓上值雪

觀在嚴州城內

約性安窮居蕭條遠計垂垂天欲寒敗瓦窳風細
坐久竟無聲萬物森然侍凍雲壓孤烟城堞出衣袂
真如坐深山四角琉璃墜大叫欲吞之實足資卒歲

壽黃黃山七十詩

我從萬里歸登峰晤魏子不及道平安為道黃山氏
昔在甲午中高名為人指紫衣數十群顛預盡齟齬
徽纒著其身見者毛髭起君謂紫衣人洵洵何為爾
我能出阿堵致汝無生理群卒俯聽言遠巡皆鞠脛

須臾捧一盤皎文雜麟趾群卒直分之一一為驅使
愛君不自悔同難脫乃已至今又十年偃息向城市
從義三化居子范何足比側聞君臯月七十周更始
赤榴花滿庭張仲自千里慚予走俗狀坐隔秦鄰水

題贈彭天若隱居

鑿牖看雲生群峰互出沒風雨懼良辰衆草芳不歇
遠壑憩松杉近垣闢笋蕨既足資幽人謂可春新月
濡毫發幽隱聞令疑殆闕鑿齒疾覲覲都紹甘沈汨
俯仰心易孤淺深資屬揭彭有勳史詩

曾青藜詩集

卷二

七

夜坐

絡緯鳴殘燈秋寒人未寢今夕夜何長思君心獨甚
高天浮露華清沼見魚滄幽意向誰言暗香上衾枕

五石菴值雪

披衾上繩牀肅肅冷風射僕子晨起憲為報天欲夜
蒨菊忽低垂樹枝亂交架陰氣結空濛冰雪稜稜下
掃葉向寒爐防火易哀謝獨坐無人來聞與老僧話
老僧雖不言聊以當杯筭

日暮凍雲飛青天濯水鏡寒鐘夜半來不畏朔風動

山深屋溜垂月出霜枝映對此百感生况復饑寒併
沈君邁新喪謂方徐子常多病謂方悲嘆助苦吟坎
垌傷至性楚然空谷音誰與共嘯咏

留別劉海門世伯

東風平旦開城南散游騎君自虔南過言從粵東至
虔州是吾鄉三年歸不易非是愛遠遊都為衣食累
前歲在茗溪主人獨見棄良友豈不多懷私各自媚
惟君抱深情欣然出一刺曰有馮君賢餘不乏長吏
屬為嫻嫻親斯人良足寄冬氣方凌寒風雪滿天墜
曾青藜詩集 卷二 六

跼踖依短蓬白晝如夢寐踈篁壓重陰暫棲五石寺
是時漕務殷荷牒紛如織馮君簿責停漏下已三四
投隙開華筵列燭羅甘載不使羈客孤兼金即分遺
歲暮得言旋與君不相值君往遊粵東予尚阻吳地
蹉跎貧病中脯費日已匱我有舊朱榻玉池新裝治
雖不善臨摹展玩心所醉廣以書校讐詳以朱音識
賤典供旅食果然成煮字叔子時來吳出案任此費
臘月離吳越青谿訪同志泥塗走問君消息苦尚異
邂逅見長公餉予以薪糲燦也流離人喪亂多顛躓

君獨一門中層雲見高義今欲買舟回春山正蒼翠
私喜復見君得悉故鄉事知君粵東行歸裝亦未遂
况予山中人安能一快意貧賤分所甘受恩轉多媿

壽湯楊菴年伯

我曾游長安再客邗江水相逢期耆人盡說湯司李
所食惟蕪菁所着惟敝履事久論靡定於時廿年矣
又嘗宦嶺海下車發奸宄海波不敢揚東顧慰天子
嗟子生也晚喪亂多轉徙雖同事馳驅不獲執鞭弭
幸從先司馬同籍維敬梓愛弟方弱齡見公在京邸
曾青藜詩集 卷二 元

除草

春風日已遠春氣日已滋我來未一月苔草沿參差
日出百務生不暇步清埽好花牆上過疎竹雨中垂
園林足散賞奔走負良期清晨因病因扶杖一棧遲
曉露濕襦履藤蔓纏枯枝紛然出芒刺鬱我萬重思
呼童急翦伐庶使神情怡天下方未靖日夕見瘡痍

望江樓觀春漲作

高樓瞰大江俯檻起新漲春氣結層陰雨勢連天上
衆壑聚一流孤城夾千嶂陽侯斬玉虹百里江聲壯
魑魅黑嘯風魚龍白吹浪樹色與烟光呈變各異狀
日暮立此間天涯在俯仰古人不可作乘風已絕唱
對酒發浩歌七尺少推讓惜哉天步艱豈曰志不廣

小三疊 在青山

孤夢愛山幽寒鐘冒禪榻侵晨起披衣言尋小三疊
萬壑風颼颼雲霧忽然合澗聲與雨聲噌吰互相答
曾青藜詩集 卷二 辛

奉二

無師言此泉開闢自老衲舊為猛虎居樵斧不敢入
絕壁垂枯藤山空響鞞鞞記昔游匡廬冰雪紛雜還
是時三疊泉飛瀑空中立流沫濺鬚眉蛟龍爭吐納
我友同躋攀足窮肩代給依稀此行遊勿勿過四十
今日聞師言挈杖欣然急不意猛虎威豈顧衣裳濕
咄咄多病身筋力恐不及乃知山水緣亦有時命集

贈汪舟次兼寄吳楚人

大儒惜口珠群蟻慕適由竊名因竊釣殺身苦不足
釀成盜賊區甘受排牆戮汪君獨愴懷讀書破萬斛

倚柱二十年雙趺猶在目名動公卿間紫荊滿華轂
槐坂企林宗草屏羨元叔直視如等夷不以愧幽獨
于時有高士寄居淮海曲身不入州府何從及榮辱
唯君能與遊素交久彌篤唱和盈百篇一一歸老樸
君為揚花之裝潢連卷軸吁嗟今之人尊香紛相逐
但食五侯鮪安知貴菽粟

立秋日贈別徐仲內

昨夜夏雨過蕭條生秋風西郵有徐子孤如落葉桐
亦知澗水濱蒼翠蔭長松廿年愛學道程山懷過從

曾青藜詩集

卷二

世

因以交易堂而予處樂籠舉世盡煬暑白汗走要衝
穆然見斯人如出湯火中黃鳥綿蠻鳴京華路不通
因緣載後車頓使羽翮豐自此天南北促席何時同

長沙雜興

賦鵬憂賈生懷沙沈屈子古來放逐臣傷心在湘水
我獨何為者崎嶇亦到此朝看落葉飛暮聽秋風起
離憂日日生不知何所始昔人曾有言山水多窮士
少披瀟湘圖但覺烟雲出今我來瀟湘山隘水流疾
秋高天宇清雲靜氣蕭瑟極目俯城闔賞心竟無一

乃知八景臺都是詞人筆嗟哉遷固文好華恐失實
西北有城基四面盡高阜荒涼臺殿空白日狐狸走
誰為喪亂階寧南實禍首養寇以怙權刈奪到雞狗
遂使九廟墟況此神明後宮瓦沒榛蕪令辟埋已久
至今長沙民猶向王城取

燕京既失守權臣亂國柄半壁好家居一朝遂歸命
赫赫向瀟湘長沙發號令招徠闔獻徒專閫恣驕橫
事敗身亦死不以黃冠請是時江廣朋叛將號反正
義旗方東向北師已歷境中原化陸沈兵寇兩大病

曾青藜詩集

卷二

世

幾見碭山民能使殘唐競

吾聞李少卿步卒五千眾血戰觀江山兵敗鼓音凍
屈首單于庭終身不為用錫爵右枝王偏能見倚重
君看起舞歌至今有餘痛

數起續殘燈夜長不能寐析聲四面高坐如聞邊吹

壯士入高秋摩抄千將利欲報明主恩慚無千里驎

鵝鴨喧秋池遙想蔡州事

時池內多鵝鴨

府治半茅茨民窮不足恠偏有楚王宮金銀成世界
天道釀殺機對面為狡獪開以功德門反使人心壞

忠臣有李希廉更有唐介何處是公祠甘心下一拜
秋江風日清有客招遊宴捨舟過町畦鹿起書院
金雀何嗟峨云是先師殿扁額書先師殿四拜肅然興起敬
復起羨問誰修葺之中丞并官椽瓦甍取窰戶轉輸
取村佃庶民真子來椽堯三月徧即此吏稱賢惶恤
工價賤

東偏君子堂椽棟加丹楹但見中丞公姓字光閃鏢
斯堂崇名儒豈復論官爵如何踞中央虎皮等羊羶
先生苟有靈相見應昭愕

曾青藜詩集

卷三

世三

衡嶽七二峰茲山亦其數墜道雖崎嶇極目見湘渚
上有祖師宮藤蘿掛石戶緬懷洪水時峰壑徧橋櫓
相傳烏篆碑紀功立茲土陷人以榮名禍首乃神禹
何怪後世人交交勒銅柱

賈生際承平年少被知遇言雖未見行官亦至太傅
何以入長沙日以死為懼貧夫為利驅烈士因名誤
賈生亦有言乃不辨其故

新月起東窻蟋蟀鳴秋草懷人夜未闌歸夢亦何早
憶昔少年時結友豈情好悲哀不足論况在管與鮑

如何三十年志氣日枯槁遂使金石交反不如年少
離群而索居鬱鬱傷懷抱

吾家金精峰山水自清暇作客三十年家山如傳舍
老母已及耆兒女未婚嫁硤田三百斛歲收半穰極
官稅不足完一切都報罷忍恥事他人終年不息駕
秋山多青雲故人在其下所憂何多方輾轉怨長夜

過濟陰晤劉文迪如甫翁毅可五十作此遙祝
泊舟濟陰城忽與令子值晴旭蕩春熙烟光結林翠
執手道路間便問君來未言自去年秋住此經三季

曾青藜詩集

卷二

高

訪友向北行侵晨方整轡予記與君別三過蕪關地
俱不得見君思深出夢寐令子每來從道君念予亟
殷勤具盤殮旅食頻相餽雖屬令子賢而能承父志
如何及今日對面成遷次君有白玉姿皎潔澹深致
君有衣美髯濯如春柳墜君有石澗琴令德發清吹
夜靜林壑生天高風雨至契濶既已深誰識此中意
聞君當五十顏色尚無異可知素心人乃能養貞粹
澹澹峰頭雲悠悠江上思日月看升恆賔筵羅酒載
安得澆葛中再作虔州醉

九月二日程周量計部招同陸集生玉壘錢礎

日彭古晉朱錫鬯李武曾張離隱冒毅梁陳

緯雲蔡竹滿宴集賦贈

夕氣生微涼秋齊雨方豁風輕塵不飛木葉高欲脫

坐來景色佳夢隔清砧發折蘭喜見招綺筵開華闈

程君天下士風流亦超越寄跡金馬門會心在寥闊

識君二十年今得慰饑渴捲簾秋雲生孤鴻起天末

邵漆夫趙元毓沈孝慈陳益受小集寓亭看雪

得上字

曾青黎詩集

卷二

五

曉起披衣避寒光逼紙帳樹靜雲亦低千村成一望

茅屋似無人炊煙不得上短檐烏雀棲淺水見鴨漾

邂逅二三子權坐恣酬唱雖多素心侶而苦無家釀

時或談齊諧

元毓談佛經怪事

豈問真與妄時或起清歌高

飲不滿量倒看夕陽生忽然出晴嶂境轉物自和神

清氣逾旺乃知造化心不與時俯仰

祝半塘端如上人初度

游殿半東南幽棲托禪友半塘山寺深流水通橋右

喬木三五株棲遲日月久與君成相知乃在烽火後

不為禍患驅不為利名誘靜坐對溪山樂與羲皇偶

海田皆鹿蕉天地一魚筍每過話前因流涕看鍾阜

揭來三十年亦覺成白首富貴願已空此心堅且厚

但期我與君日飲中山酒

寄祝施尚白憲副

聖域嘆榛蕪雅頌輟已久卓哉施夫子振起大江右

誠令既不煩獄訟復何有折股坐青原童冠來恐後

清風匝寰區時雨徧林藪豈知未十年烽火到雞狗

蒼生雖倒懸說尹猶在口天心眷明德泰否一援手

曾青黎詩集

卷二

五

畢竟起東山况未成老叟燦也檣櫟安南北中風走

每讀使君詩霜鐘清夜扣一從經品題千金享敝帚

情親隔江湖寤寐見山斗寄語敬亭雲莫只怡尊酒

戊午夏日張黼章招同錢宮聲蔡九霞朱綵章

汪先于暨令弟扶九令坦李平原飲推涵堂

諸公方榜蒲角勝予拈平原扇頭韻用呈諸

公以博一笑

高樹蔽寒綠陰峭出峰頂池塘盡日間闢茗煮雙井

風來花自香雨過衣先冷活火發新泉雖動理亦靜

乾坤迭勝負雜坐無人省揖讓與干戈志乃在九鼎
暫乞此時清枵然萬慮屏吾將適深山肅傲從箕顛
吾聞古張顛醉後輒露頂我本羈旅人一醉忘鄉井
駝峯翠釜濃魚鱸銀絲冷主人雅好客招邀愛幽靜
山川出庭除觸處發深省坐久已忘言寒煙篆寶鼎
深杯本不辭白髮何由屏慚無靈運詩灑氣入苦頰

冬日送汪扶晨還新安

平生不易歡將老畏離別君今將遠歸朔風冷如鐵
記同吳門遊寒暑語偏熱鷓鴣托一枝情為旅人結
曾青藜詩集 卷二 三

不意二年間死生竟異轍君廬北堂憂我鼓蘭陵柶
誰為舊衣冠寢邱能繼絕君能敦古義素車下江北

沈痛力經營募金補折閱高蒼巖太守遺欠幣古道

金扶晨山贖募補

無人行哀烏啼不歇白楊風蕭蕭流水聲嗚咽卜筮
在嚴冬歸心正慘切負土成高墳流淚立碑碣友誼
尚不忘子道詎肯缺悲子愆戾身慈母失永訣一從
窀穸後五載未展謁君行重予心天地日流血歸計
應何時空江滿風雪

壬戌辰日王璞菴蔡九霞右宣過鄧尉徐長民

載酒同姜奉世諸子至佘山看梅得中字

晨曦暖林岫花氣含冲融不知身世裡住此梅花叢
頻年走衣食到眼輒成空有時得乘暇又以筋力慵
今日天色佳客來訪舊踪欲探梅花勝因之緣路窮
陟嶺踰層岡隱隱見遠峰左挹姑射仙右邀浮邱翁
花光與水光蒼茫萬頃同主人雅好客載具相過從
肴核何盤俎家醕置卮筒舉杯舉山靈人生能幾逢
兵革雖暫息饑寒日見攻况予哀朽質聚散如飛蓬
古來賢達士尺蠖與神龍一望憂思集乾坤有無中
曾青藜詩集 卷二 七

病起飲酒詩

朋友子所喜飲酒予所歡病起初學飲一杯已眉攢
憶昔強健日呼朋聚春盤白日醉眼過不知夜已殘
今日與斯會興致殊闌珊先畏酒力厚慘水入壺端
先福買酒論 方擎杯在手兩杯取次完三杯復四杯
端不論勸 欲飲先愁乾酌酒至五六面日起峰巒頽然形欲睡
不計客飢寒平生惡甜酒如惡曹馬奸手內常苦賦

口中常苦酸獨愛味酷烈勸客不為難何為今日裏
無復舊時看嗟予少定力身世如波瀾愛憎隨俯仰
喜怒任識彈始悟本來理不為憂患干

讀何相如明府桐署集次少陵春陵行韵

憶昔甲乙交東南禍亂嬰焚燒及城郭盜賊公然行
捩火至東浙師出鮮一成軍需頻告匱徵稅無定名
間架并徭役輒挂盡餘生恣索到鰥寡誰能通下情
使君金馬客久為邦之楨哀鴻蒼中澤流離目所經
兵寇與官吏貪殘日交橫豈無賢守令仰視若晨星
曾青藜詩集 卷二 覽

使君饑溺心抗志出戶庭辭榮就卑秩縮以銅綬青
瘡痍雖未起閩粵漸銷兵吏人抱積至丹筆頌神明
殺賊如磔鼠不必請長纓所以閭巷中雞犬夜不驚
馴鶴日多暇懸魚政自清至今三異著標名在闕廷
何為爪期及猶自守派城琴書垂壁牖天地托檐楹
摘文浮大白坐對甌山傾巢父不洗耳令德何由聽

仲夏丁泰巖方伯從長安覲歸子亦由吳門返

里賦此留別

嚴冬上長安四月返吳會春草隨旅程悠悠此行旆

畿輔視東南拱翼如襟帶一自軍興來微舒盡民害
持牒下有司於此課殿最公力能幹旋急迫見寬大
冰雪耀寒威雨露感濡霈人情厭兵戈天宇結春靄
欲因上計書危言發深慨流涕陳瘡痍臣心不敢昧
前席動宸衷褒語忽嘉賚江南多宿逋例不以才貸
乃今三異名車服示無外可知直道行非獨在三代
神龍天上行扶桑或頓轡千里能追風鼓車困騏驎
名垂三十年奮此雲霄翅胸羅蚪蚪文筆走龍蛇字
顛氣橫九州眼濶視天地南北當要衝川原盡烽燧
曾青藜詩集 卷二 甲

廟廊方倚公獨使諸艱試海宇漸昇平朝廷日無事
同事奉職人皆膺節鉞出公共經濟才而反為例累
吾聞東西陝周召分藩衛父師任保釐天子尊崇異
輓近有分職方伯堯會計雖多經國猷割斷由大吏
鵬作垂天雲麟為王者瑞苟可澤斯民平生志已遂
上客如梁鷹下士如蒼蠅侯門日噂沓識者辨其能
少者恥干謁槐柳畏同型非欲慕名高久嫌與物競
念昔托華胄交游盡五陵過人露懷抱順物無陵憎
一朝志氣合千金何足憑丈夫貴曠達不遂人愛憎

崑崙作邱垤江海當滄澗摩挲三尺劍萬里將騰凌
下與蛟龍鬪年徂力不勝爾來嗟老大髮白見鬚髯
世味冷如糝交道薄如冰長安滿冠蓋強半如友朋
錄事草堂資欲寄嘆何曾終年困羈旅誦書而約繩
浮家十餘日托命青山層我實慚徐孺公真比李膺
愛士先饑渴才名動見稱所以龍門士高人爭欲登
徘徊憐涸鮒活我以斗升安知非怪物噴薄風雲騰
顧瞻氣鬱勃遠近紅霞蒸輕裝趨故里草色掩行滕
湖山知漸遠公德知漸宏東南一回首日月空環絳

曾青琴詩集

卷二

四

答贈吳孟贈舉即次原韻

一身如輕舟飄泊亦云久衣食寡良謀逢人愧顏厚
一自禦兒溪邁此歲寒友每過必解推天涯常念某
世事任波瀾乾坤化培塿日行蓬藿中誰肯一援手
自傷廡下人面目生塵垢貧賤分所甘安能托槐柳
仰看浮雲馳與君且飲酒

移居黃鸝巷答朱悔人吳孟舉贈詩再疊前韻

十年八易居淹留正苦久親知日在門誰薄誰為厚
怒焉感予懷因念平生友天心困羈旅慨豈獨在某

深本因川澤高自借培塿為力既因人况予亦雙手
資君鏡裏花刮我眼中垢不見支離叔左肘忽生柳
鼠壤有餘蔬吾樂吾尊酒

贈朱悔人三疊前韻

薄游不辭頻逆旅應覺久與君同此情天意獨誰厚
愛此好溪山日夕相為友一病卧匡床何人更問某
君來訪我廬如山壓培塿學自無機心藥知不龜手
抗談析古今一洗生平垢西風下庭除落日映疎柳
晨昏得過從敢惜墻頭酒

曾青琴詩集

卷二

三

吳孟舉過訪寓齋留同唐鐫萬朱悔人小飲四

疊前韻

霜氣積庭陰秋光入簾久叩門剝啄聲屐破苔蘚厚
倒屣方出迎喜見同心友剪燭具盤飧招邀惟某某
嗟峨松柏姿豈肯植培塿能令匠石心常縮揮斤手
予也江湖人行藏不可垢空為老大悲安心托蒲柳
聚散亦何常莫負尊中酒

吳孟舉寓吳閩數日買妾即歸悵未得別作此

東之五疊前韻

放舟來吳閫信宿不為久挑燈夜話深窓外露華厚
十年知己中只此二三友人生會合難所見記誰某
羨子氣凌雲嵩華等培塿千金買娉婷歌板出纖手
坐聆清妙音繞梁蕩塵垢如何載之歸不許人折柳
倘得子重過來試雙柑酒

吳閫秋懷同朱悔人用李端水國葉黃時洞庭
霜落夜為韻東贈悔人增我長嘅

畏靜不住山畏喧不居市作客憐客心同此長江水
越禽向日照胡馬望風起

曾青藜詩集

卷二

四

盍旦啼長夜陵烏苦日及我欲駕長風安能有羽翼
爽氣來西山傷心在故國

欲采芙蓉花清江不可涉天涯有彼美纖手理蘭楫
夕陽西嶺生何人歌落葉

鳳鳥久不至吾思吾楚狂天地不閉塞日月終無光
易馳而蔡赭載歌君馬黃

楚狂不可作風流乃在茲顛氣發精銳眼光大如箕
人生貴適意何必學逢時

千尺金琅玕高節自空洞萬里聲蒼蒼衡山有朱鳳

欲分竹實甘雨露不為用

莫惜坐孤旅且隨醉與醒莫惜搢雙眼無分白與青
鈞天有九奏吹不到空庭

斥鴳笑鵬翼飛上檜榆枋洵河嚇孤燕銜泥落空梁
巖巖泰岱松豈畏雪與霜

亂葉舞天雞誰知歲華落軒車滿路衢冠蓋皆白著
黃金爾何物送足移海嶽

十年家吳閫所居如傳舍今從鄧尉來儼屋臯橋下
斯人苟可逢且自守長夜

曾青藜詩集

卷二

四

林天友明府招同朱悔人陳蕊宮唐鑄萬蔣大
鴻顧梁汾吳孟舉漢槎高澹游方共樞領迂
客虎邱燕集得路字

白日下清溪秋聲在高樹林侯冰雪安放艇作懼聚
座客皆賢豪強半是流寓文季有深情謂悔人辟疆無

外慕迂客牆壁起潛龍遊文章走飛兔萬梁溪擅填詞
汾長白工作賦漢投轄有陳遵處開徑來蒞詡鴻大吳

質建安才每出驚人句孟方叔燕趙士力當猛虎步
共惜予為朽株安使匠石顧何期預斯會肌尊廢杖

履瑣細戒篙師循溪向北路山塘風日清暫藏虎邱
住花竹隱埠垣樓臺雜煙霧忽然霖雨過幽抱生遠
趣人生一世間聚散如朝露歲月為誰留魯戈安得
駐紛紛車馬馳日出自多故半是浮名驅半為衣食
誤誰似老夫閒銜杯謝知過高歌發林樾晚景灼寒
素路轉桐橋西夕陽掛城戍且盡主人懽莫驚年歲
暮

答贈顧迂客六疊前韻

貧賤無好懷崎嶇歷已久叩門多愧辭一斛情何厚
曾青藜詩集 卷二 四
屢過不覺頻依園獨吾友合坐陳佳肴醉脫非獨某
知子峙千仞山外皆培塿薄俗厭風塵空悲翻覆手
乾坤當未造萬物盡瑕垢予方在少年濯濯如春柳
不厭我貧居西隣乞尊酒

寄贈譚左羽明府

弋陽會稽地與越為比鄰幅員雖不廣山水環城闔
吾鄉素儉陋此地俗更淳一自喪亂後千村無一民
閭閻出灰燼舉目皆荆榛哀鴻替中澤所賴牧伯仁
使君下車至日夕無停輪親課農桑熟不聞官吏嗔

田園無碩鼠道路少懸鶉問何能致此使君甘食貧
記得別君時計歸及秋月如何隔年來有路不能發
饑寒日困人咫尺如天末復為二豎侵衾枕落華髮
予病髮
盡落 氣盡力不勝肉瘦但存骨自分將老死無復
通契濶何意僕夫至得君慰饑渴解裝出君書高義
何齒萃上言責望深下言交情竭勉旃慎所趨古道
今人忽常怪杜陵言廣廈見哭兀此志倘可行豈論
窮與達

歲暮言懷用陸放翁貧堅志士節病長高人情

曾青藜詩集

卷二

四

為韻

達人怨命高士不言貧我獨何愁嘆空悲有此身
十年困羈旅滿目皆荆榛寒著衣裳倒糝殮併夕晨
既畏友朋誚復愁僮僕嗔蕭然環堵內何者與我親
大道貴天爵所任得自然隄堰本完固何知蟻漏穿
舉世盡湯鑊防身如防川莫為高潔行且務學苟全
漆有用而割膏以明自煎不受人磨涅豈必白與堅
曉起出蓬窓倏然無一事如何開門來耳目多怪異
烏鴉噪樹枝俵子喧肆市予本學道人甘心觸時忌

豈不忍饑寒而以欲喪志與物本無競何愁外人議
貧賤易感恩風塵少知己侯門仁義存誰復問臧否
智伯本貪夫漆身有豫子李園伎忍人陰養得死士
黃金非不雄貴乎能用耳咲彼十日卜眉塢安救死
忍饑卧胡床寒夜冷如鐵滴溼屋樞鳴紙窓亂飛雪
盜無隔宿春瘦乏香酷烈紛然萬慮來自咲生涯拙
歲月易蹉跎古人重晚節一身不暇謀違計吾足斃

時方
礙足

無趾務自全中屠安若命規智不如葵豈敢托非病

曾青琴詩集

卷二

四

兩年二豎侵如奸竊國柄玩視固非情攻急恐傷性
天道開殺機往往張陷阱吁嗟今之人蹈此終不醒
浮雲日在天游子空悒悒念我欲歸心有路不得往
豈為兒女情不作松楸想逋負苦纏身資裝誰解帶
寂寂循階除日見春草長故人不我知誦責無乃枉
三月辭鄉里七月上吳舫問汝來何遲依人隨所遭
誰無舐犢心敢惜此勛勞言歸在歲晏冰雪川路高
汝行未幾日汝僕忽見逃子留家奴在蘇未幾逃歸自傷老且賤
安能繫汝曹

兒童喜開歲咲視衣裳新不知紫鳳圻顛倒若懸鵝
常怪婦無禪范宣殊不仁裂絹亦郵事千秋見情真
傲屋黃鸝巷懷古當初春不聞攜酒者但見索逋人
旅食亦云久驚心歲屢更共此深宵坐勞勞鄉國情
七當少陽數淹及吾父兄吾父以四十七吾兄以五十七捐棄館舍今予
屈六十豈不是餘生聖賢重憂患魑魅忌驕盈倘能
測物理天地且屏營

甲子上元雨集

歲當甲子春天地造陽九斯時為上元昨夜聞雷吼

曾青琴詩集

卷二

四

寒鐙漸不花門巷無人叩時有夜禁顧子開春筵招邀盡
良友細雨過庭除冷風逼臆膈名士感舊裾高人托
林藪氣欲凌雲霄酒可吸升斗回看坐中人滄桑歷
已久漸覺雪盈巔行藏各自守嗟予歲五周明年又
乙丑天啟朋黨興閹璫正禍首誅殺盡衣冠朝堂血
肉走淪及崇禎間乾坤日解紐予時方少年不忍平
生負躑躅徧江湖鷄衣露兩肘排牆分所甘築室錮
何有今日與斯會豈獨為杯酒相逢守老蒼同在神
宗後時同集者皆庚申以後之人轉盼六十年卅角未分割揮杯

叫蒼天烏兔落吾手許我作酒狂知君意良厚

補祝陸其清四十詩次蘇長公祭字原韻

滄溟河上翁八十今始半每憶昌齡句高咏發深歎

天上青蓮花人間那得玩所有石渠書千年聚還散

美牆見古人日作空齋伴積書如積金手編繼昏旦

其清藏購奇書日夕披騰不輟冒以紫錦囊盛以青玉案陳倉石鼓

文策籀皆紛亂君獨善訪求臨摹必三盥下逮宋元

詩搜羅不少緩至理與名言疊累若珠貫春風颺柳

絲息影就新懦萬物遞相推陰陽作爐炭即今次仲

曾青藜詩集 卷二 兗

山可築燕昭館欣逢君初度泰谷忽生暖料如載後

車且誦南山祭

贈顧與山太守

滇黔發難初流禍及閩粵吾鄉亦傳烽盜賊恣馳突

川谷起黃埃郊原多白骨田園日就荒廬舍漸蕪沒

不暇計死生安能保膚髮使君下車來春氣動林樾

冰雪會清貞風霜凜鈇鉞惻然念亂民皆為吾遺子

上書達制府詞氣正愷切誅殺固所應招徠豈可忽

豺狼塞路隅蛇虺滿巢窟宥脅賊其魁鬼方成薄伐

是時赤坎間潁州地名屢為盜賊盤踞嘯聚經歲月使君奉命行

氣直理難奪山砦盡投戈生涯從此活種姓以任名

改生以因鄭設吁嗟賴南人道路見碑碣流涕述使

君逢人輒稱說

記下江南時乾坤當未造我方苦由中志氣日枯槁

使君折簡招為我開懷抱精饌具伊蒲豈惟薦片藻

為致萬金書念及家山好倏忽十年間流光如電掃

君宦去吾鄉我饑困蓬葆徹屋皋橋東依人謀昏曉

相逢盡少年誰復問管鮑親知久閉門故友埋芳草

曾青藜詩集 卷二 辛

爾卧天一隅憂心亂如擣平生豪氣多原不在温飽

往往寡遇合側目看飛鳥使君守西陵三年未傾倒

非不愛湖山而令音問杳知君事孔繁知君節彌皓

艱難懼累君堅忍茹荼蓼今春憂病餘溝壑不可保

竭屢走長安思歸欲終老苦無隔宿春安能致遠道

舍君為我謀此志殊難了粟里食常乞杜陵發屢早

念此二公詩流風尚可考

偶讀東坡谷林堂古今正自同歲月何必書之

句次韵贈俞簪雷山居讀書詩

山窓白日窄萬壑歌林疎心志苟不曠安能遂其初
靜坐視羣動溪山常起予天涯在蓬戶何必更脂車
晨曦暖林岫夕月下塘渠陰陽互明滅至理皆空虛
渾沌既已死六經皆唾餘歸來守寂寞勿用讀殘書

東阿道上

亂石夾沙路風吹衣上斑遠林倦歸翼寂寞無人還
越隴度阡陌諸峰垂髻髮夕陽下西嶺如對江南山
自從上征車一望生愁顏平楚鳥邊盡疎籬烟外閒
青天見明滅昏旦有無間故鄉不可極山空水迴環

曾青藜詩集

卷二

五

過桐城縣懷方素伯諸子

明月正中天孤燈耿夜半僕子起治裝出門風草亂
循岡過町畦道出桐溪畔曉雞寒未鳴門巷如空館
城中有方子年少事柔翰一自螺川來音書竟中斷
聞君伯氏言妍讀無昏旦鬢髮既云精彫鏤詎肯漫
思得一經過登堂恣把玩驅車歷城闈邀若河與漢
去住總由人仰天發長嘆

寄錢幼光

二月喜君來四月悵君去信宿曾幾何有求常百慮

聞君往雲間浪游成間沮從人覓顏色安得有天助
乾坤本萬物山川同沮如吾輩皆耆耄勿為境所據
志當金石堅雖老冀一過君歸向邱園懷我舊遊處
今夜宿呂亭批燈待天曙百里至樅陽殷勤托雙翫

寄潘蜀藻

記得客桐時與君游獨早相逢皆少年未得露襟抱
何意卅年間轉盼成衰老今春遠寄書贈我盈尺稿
中有北堂詩檢點付梨棗七月報君函寸心非草草
何時再見君只有夢來好

曾青藜詩集

卷二

五

寄方有懷

憶自別君來經今四五載江湖多風波何日更相對
築室深山中讀書正秉耒貴賤如浮雲衣冠盡若輩
何必程公羅方始見交態我本隱者流斯志曾不逮
但為兒女軀不覺多尤悔因人向嶺南龜勉學憤憤
曉月下西山故人家何在

夏日贈汪交臣少參

飛龍躍南津神物今當合大海滙百川何分濟與深
乾坤一鞬蘊萬物自開閤雌伏雄自飛偏能尊見盡

鼎鼎百年間交遊紛雜選漸無孺子名可下陳蕃榻
散髮披塵襟邈馬寡僑匹驅馳三十年憂患長哀疾
卜築太湖濱誓將老蓬華明明 花三月春將茁
且成康樂遊莫問鄭莊驛忽有故人書道君從覬出
仙舟過吳門寵過多隱逸記得讀君詩神交非一日
豈無願見心愧乏干人術今夏來端江維舟正倉卒
感君先我過不限往來密廣履見杜陵嵩山有石室
天下倘盡君窮愁安足述

題王山長釣魚圖

曾青藜詩集

卷二

五三

天地一虛舟何必柳陰下獨坐靜無言非真亦非假
釣不用絲綸飲不用杯斝吾心之所之可以觀造化

夢中作五言六句一首中有夜坐寂無人孤燈

竄蒼鼠之句醒時空階滴漚似秋雨聲續成

自遣

古樹搖寒風空牀對羈旅夜坐寂無人孤燈竄蒼鼠
滴漚響荒階凄切似秋雨

六松堂詩集目錄

男尚侃尚倪編次

卷之三

七言古

雪

七憂詩

同諸子游黃竹岩感興分得興字

有所思

三嶽送躬菴歸南昌

王雷輝將軍輓詩

贈別余生生歸四明

題顧東山白綾帳簷

羊城歌

曾青藜詩集

表錄

越溪舟中

贈韶州傅竹君清軍

贈周計百司理報績詩

病中送溫聞衣同周計百司李奏最京師時

予有外侮

贈闕明府

壽李儲孳七十有一

送徐受業醉親歸里

桂花

贈別姜奉世

再別姜奉世

春歸曲

贈蕭孟昉

廣陵行贈張天樞

飲酒歌為鮑子韶壽

黃河舟次

曉起披衣看積雪 贈顧同叔

贈余陳芳

雨坐無酒讀東坡送碧香酒與趙明叔詩因

次原韻以寓幽懷

典裘歌為余佷廬中丞賦

長歌送朱悔人游長安用昌黎寄盧同韻

美女行 龍章歌

長歌贈別王阮亭宮詹兼寄黃湄給諫

雪中早發 為方伯題飯牛山冊

曾青藜詩集 目錄

署中夜坐讀王阮亭宮詹蜀道感而有作

喬松雙鳥歌 短歌

題王山長觀泉圖 又題觀潮圖

潮江舟次 上杭灘行

卷之四

五言律

老莊梅集得安字 題畫

謁江東廟 遠火

感事 江上懷疑叔

思親 畫梅

感亂 窮吟

重陽 秋感

杪秋懷南都作 騎馬渡江

病中送魏凝叔之嶺 病稍愈

暮望 率四營兵援嶺

營中夜望 贈人

月夜 癸未冬避亂汀州

江樓獨坐 旅悶

曾青藜詩集 目錄

落月 夜望

賦別用霖赴行在 逆旅

聞寧都警 卜居

路傳閩廣間共立三帝感而賦此

喜及橫山 同不盈散步

溪上 夜喜煌弟至橫山

留別煌弟 別不盈歸里

即事 平西道上

哭清江楊相國死難 山中夜坐

臘月一日

遣悶

飛瀑

晴

聽雨

夜望三嶽

同確齋方崖坐蒲團

晚課

冬曉臨泉觀雨

誌感

宿禪堂

曉課

獨酌

感憤

集賢崖雨歇同確齋方崖各歸山舍

除夕立春

丁亥元日

酌酒聽雨

遣悶

曉歸坐石巖觀雨

聞行在信

別林確齋

同陳不盈登從姑

章門

春望

寄內

將次南昌湖內作

曉望

金精道上

南昌感興

哭陳不盈

內訟

春日

憶舊

黃石公給諫招飲秦淮舟中

曾青藜詩集

目錄

四

曾青藜詩集

目錄

五

山漲

中秋感興 齊雲山落照 朝烟 溪夜

立夏

夜宿烏窟

夜次新安縣 日暮 歲暮慰陶峻餘病

獨坐

悶

別葉子九往京口 京口春懷次玉山瞿

久雨別林用霖歸省

從金精獨歸翠微

無燈 贈王惕若 海角亭喜晤余元星

過曾田埠

坐山閣遣興

宿電白縣 雨至 端友過訪朱子暇草堂

自西山走蒲仙壇

西竺寺苦雨

舟中七夕 過贛州故居 高座洞梅杓看

蒲仙壇乞食轉入碧雲寺喜吳竟魯先至

旅次

暮歸

再遲幼光不至 欲雪 敷淺原

乙丑元三日送別吳金同

集賢崖

九奇峰訪老僧匡雲 過淵明先生墓道

王川門訪亦菴不遇 夜坐慟亡兒

送任仲望入粵兼東曹素臣李茂貽諸子

秋夜 酒後看月有懷 別確齋下盱江

歸耕烏石壠作 雨後自城入六松

送賈孚遠歸晉陽 閩行別李雲田

尤溪舟行 樓上再候家信不至

中秋前夕 中秋 過樟源嶺

已亥立春前同咸齋中叔散步望翠微三魏

山中雨夜 白門路值胡君渥邀歸草堂

曾青藜詩集 目錄

初秋僑毛映芝宅上候南都信不得

寓畦身壹鬱鹿草堂賦贈 遣悶

倪道徵招同畦身壹素御僊登茅峰夜宿上

宮次日冒雨各歸悵然成四首

乾元觀經道士張克符故居

鄧孝威貽酒肴見餉坐談移日

靈巖叅繼公喜遇西音上人

別張相巨歸里兼寓書長兄庭聞

同身壹坐貫時蘊真館欲雪限韻

留別貫同限途字

徐貫時飲別畦身壹喜計彥昭至次聯句韻

身壹同舟至丹陽言別得舟字

臘月望前一夕同錢幼光過孫易公園蘊看

雪共用十蒸 同錢幼光守歲

將次南康縣 贈金公綸

期張崑承萬眉仙九日登高雨阻次眉仙韻

余生生朱德仙芝園葉鍾麟寓樓小集

臘月一日同諸子飲余生生寓限片字

曾青藜詩集 目錄

辛丑人日後一日周問公招同林穉穎李東

一飲溫宅園 遙送葉鍾麟還湖口

寶安間清明日為余生生誕作此壽之

曉夢 贈陳熊飛 春夜懷和公往瓊海

夜雨懷人 任道爰往陽春 午日感懷

寶菴喜晤顧東山 送師子上人遊羅浮

病中送白敲上人 佛山與胡韶先別

虔州送別方爾止 雩都峽口

魏東房先發贛江 送無言山人歸黃山

附故人舟北上 望黃河 舟泊濟寧

題太白酒樓 楊村驛 曉渡錢塘

從嚴州上新安作 新安舟中

程昌伯館中除夕

謝嚴山招同李遠之吳五一萬旭如鮑子韶

季子麗天夜集分得輝字

鮑子招同靜弁齋話 汀暑送曹鹿野

阻風青山鎮 奉贈周櫟園侍郎

雲溪月夜韓叔夜白孟新過寓齋言別留同

曾青藜詩集 目錄

程宏執張龍友小飲 初到德清縣

曉登玉塵山 臨溪歲暮遣懷十首

秋日訪顧修遠 病夜懷孫仲愚 寒烟

送高念祖遊琴溪 酬范小范 由望江

道悶 即席送洪暉之往楚 贈毛卓人

贈賴尉侯梅仙 青原山訪無大師

南州于周伯衡先生座上知沈方鄴從金陵

至走訪不值次日方鄴見過留同宋岸先

胡心仲小飲遂成四詩兼送羅浮之遊

舟行 遊蕪麓歸東萬靜園

送趙日上公車 暮泊洞庭湖口

卷之五

五言律

庚戌上元前一日同向黼文集揚尚賢齋頭

十六夜雨中同高蒼略集白孟新冠山草堂

登五層樓 壽徐偉公 題李武曾灌園養

別蔣公郁 贈施匪我 雨夜初宿翠閣

夜宿翠閣進人不至 送張遇侯歸秦川

曾青藜詩集 目錄

除夕同余生生高念祖長兄庭聞

甲寅開正六日為紀光韓郡伯壽

余生生張孟恭華子三劉武城寓齋小集

秦吉生雨中招飲池上即事用杜少陵五日

賜衣韻同杜于皇成二鴻張曉人容菴王

時大陳集生即席賦 題尤展成釣魚圖

往鄂江道中 贛江紀事 澄江贈侯公言

值重陽前一日命舟桐水過訪周青士汪周

士晉賢因畱飲 和涼字贈青士隱者

初入陵陽 同沈孝瑟遊魚龍洞

魚龍洞題壁

游畢姚六康明府置酒李家村昏夜方歸

送徐健菴太史赴京改補兼東立齋方虎

秋日挈舟訪李武曾暨令兄斯年令弟分虎

於長水武曾留同小飲即席

留方位白沈孝瑟小飲寓樓

明日將發舟往白孝瑟同過寓樓小飲

分得年字 泊燕子磯 過黃天蕩

曾青藜詩集 目錄

夜泊直州江口 送頓修上人之維揚鬻茶

初夏王玉公載酒招同董无休徐克家遊禹

陵并訪姜錢夫董孝欽

丙辰七月廿四病中不寐口占送吳子政返

武林并寄河渚諸子 蘇暑夜坐

送凌尉侯還廣陵兼寄同志諸子

同諸子雪夜對酒 鄧尉山中歲除

答徐松之 載酒虎邱送高山啟歸邗江

送焦韞輝歸維揚 送徐德雨入閩

贈友 秦州道中阻風同劉武城賦

立冬夜過訪汪扶晨吳楞香因留小飲

朱明僧舍次姚清爾投贈詩

題陳北山別駕小影

戊午初春同劉武城過訪張孟恭留小飲

姜勉中留同徐松之飲 寄祝楊紉芷壽

祝林天友別駕 同姜奉世舟次送春

舟至東崦遇雨 同奉世寺橋看月

江鄂上招同曹秋岳侍郎及諸子集貊其堂

曾青藜詩集 目錄

舟泊皂林同丁勗菴對酒分賦

舟過石門同徐藥菴丁勗菴各賦晚照

送陸其清尊堂七袞 送人歸新安省覲

集程山尊寓齋 過露筋廟 壬戌開正日

三月晦夕宋楫恭偶集寓樓送春即席口占

得寒字時立夏後一日 又和穉恭分韵

初冬同郭臬旭姜奉世蔡璣先登雨花臺赴

旗亭小飲得來字 又得傳字 江上

金陵兵阻紆道上清河同姜奉世買舟返吳

門夜泊急水溝 天寧洲 贈別徐藝初

殘雪 癸亥元日 銜夕書懷寄妻

泊長水數日周青士頻過不值作此却寄

病中送徐遜若謁選京師

林天友招飲已用松之韵答之復限來字

清明日姜奉世招同梁藥亭蘇臨白汪學先

令弟學在虎邱小集

方艾質少叅崇祀名宦詩 張省菴輓詩

徐蕙菴從嶺南歸顧迂客招集依園

曾青藜詩集

目錄

三

依園座上送朱雪鴻遊嶺南

題丁鼎菴秋江獨釣圖

長至後二日朱悔人招同諸子話別時值誕

日次韵贈之 寄懷石濂師

甲子人日 春城

四月十一日欲挈舟往河渚補祝施贊伯六

十因水涸不能通作此却寄

依園兩集同杜于皇錢飲光姜勉中學在俞

屏月黃憲尹史蒼山諸子同用高字

賦得楊柳月中疎 集唐題馬蕃侯小影

贈張誥石

秋日同蔣前民集吳劍宜齋頭小飲 渡淮

將入黃河 清江浦開口 天妃閣

水失故道舟不得泊遂阻拜金龍王廟

入黃河 清河縣 積柳 阻風

與侄儼偶論天下事當以用人為急

次桃源縣 憎秋蠅 水急舟不得進

舟行 曉發 即事 落日 新月

曾青藜詩集

目錄

三

次宿遷縣 騎驢 徐州道上 投宿

曉起重霧 次徐州

庚戌夏六弟昭經此入都投宿旅店無病而

卒作此追哭焚紙錢以招之

八月十五夜高山口舟次

附舟者多雜選梁鷺作此自慰

十七夜捨舟宿徐氏庄

自徐州追舡夏鎮五易舟車乃得達

仲家淺不得展拜仲廟

任城贈任訥菴太守 掛劍臺 過南旺湖

過梁山 過聊城縣追悼魏伯子

東昌遣僕往濟南候紀光韓太守

臨清闕即事 曉發御河 武城縣

夾馬營 東光縣 曉發阻風興濟縣

九月初二夜靜海縣看新月

靜海縣見牛車登陸抵長安 曉發過揚青柳

開雁 獵馬 早發 犂牛負輓者甚憫之

夜宿旅店聽客談海子事甚悉 將抵長安

曾青藜詩集

目錄

古

抵京就贛州會館竟日不得停轄

次日就斗室僅可容膝而居周遭上下書冊

狼籍有力者皆置不問傷哉貧也

長至前三日王小坡邵子湘長安大集即送

邵樾公歸武林 出都次蘆溝橋

長生店早發 白溝河 趙北口 次德州

宿荏平縣 曉發 界河驛 再次徐州

夜過宿州 張橋題壁 過蘆州

舒城道中 夜宿舒城 進山 過白沙磧

出門 曉發潯山 渡江 雨過廬山下

阻雨德安縣 雪夜聞鴈 途次冰凍

南昌除夕 三曲灘月夜 進十八灘

甕園和韻 次零都縣經同楊相國屯兵處

將抵過里十八灘 題畫 端江喜過查德

丙寅夏月 題畫送馬克起入都

贈廣東王孝揚將軍 珠江喜晤張桐君

夏日從惠潮返里 夜泊石灘水口

贈侯府馬乾菴總戎次關部吳涵清韻

曾青藜詩集

目錄

五

林可符招同陳園公梁學士法藏菴讌集

重陽舟次 歲除前一日泊南康

橫江舟次 泊小溪口 丁卯元日舟次

卷之六

七言律

江眺四首 夜月 夏日遣懷 晚雨

寄懷 春望 懷內 離別 晚粧贈別

旅懷 秋夜 暮泊 江村 悲秋

秋日懷魏冰叔 壬午元日 懷妓

聞邊事孔棘 感事 贈友用前韻

抄秋哭先帝 次壁間然字

同陳不盈林用霖飲裴符剖家

符剖招飲同不盈用霖共賦聞字

同符剖白仲不盈用霖飲若卿家共賦江字

兩日 即事步杜子美諸將五首韻

雨坐磊亭 閑坐 閑坐 城居侍家人

夜坐 感亂 先塋即事 春郊 暮春

送別白堂謀耕東龍 獨坐 懷贈董石君

曾青家詩集 目錄

懷鍾聲盤伯仲 贈吳企岡 同林確齋坐

黃太僕出援江藩賦別 秋興二十首

聞警 同方唯登銀峰山遠眺

輓謝氏葉孺人 次躬菴除夕詩 夜坐

懷葉子九 別仲連 毘陵訪友不遇歸舟

舟發長干 舟次哭先子忌日 鳩茲贈別

留別沈昆銅 秋旅遣懷兼東易堂

康州道上 寒食飲何紫屏旅舍

暮春疊落訪曹素臣 春興 初入梧州

梧州別周思皇 過都陽望匡廬作

贈方爾止 秋日彭受之招同諸子晚眺

同魏石林泊舟三門灘燈下看菊

冒雨入莊 寄溫開衣 三山別伍千五

延平旅舍題壁 再過綏安留別又元

輓程大司空 輓程太常 奉贈錢牧齋伯宗

己亥七月京口贈睦咨予四十初度

中秋睦身壹招同顧泰初範五家集次範五韻

初渡淮 徐貫時招同睦身壹宿二株園飲

曾青家詩集 目錄

輓王烈婦

庚子正月一日沈仲連比部移尊顧與治齋

頭集諸子分賦

雨泊小孤同羅右我萬扶滄賦得江鳴夜雨

懸限懸字 贈萬扶滄憲副

廣州送无休還四明 贈翁念吳明府

辛丑初春朱德先將遊海南夢得月照孤帆

疎樹中句續以成之

尹式公招同陳雄飛顧東山陳天章飲園亭

哭趙僧翰 贈別尹式公 式公招看競渡

荔枝 送畢仲青清軍 邗江喜晤孫豹人

恭謁金龍王廟 黃江贈別馭遠出塞

過南旺謁宋尚書廟

鮑子韶招同彭受之吳五一萬旭如謝巖山

金六哥季子麗天集一粟軒

同盟諸子讌集時有美人在坐

送靜弁謁藥地和尚 送劉毅可歸江南

曾省之入粵東何不借兼壽母夫人七十

曾青藜詩集

目錄

六

吳六益趙若木方位白溫聞衣楊叅未舍弟

麗天夜集蕭寺次六益元韵

度中留別吳六益次先韵

已別周計百司理歸里 阻風左蠡

奉呈大司寇龔芝鹿 汝陰喜晤唐祖命

乙巳九日淝水同左子直張公上沈馨聞杜

蒼略攜尊登楊將軍廟訪閩古古而袁擇

菴亦移酒肴至限重陽登高四韵

曹集孔楊嘉樹小飲長干寓樓感賦

丙午秋抄胡鏡菴招同蔣植之左子直楊嘉

樹小飲草堂兼懷令兄星卿

胡信公楊嘉樹劉民長寓魚小集

月夜楊嘉樹馬永公黃子直左子直釀集寓

中作別賦得塔中燈照遠僧歸

與子直同至京口言別兼懷令弟子厚

沈方平給諫招同吳方輿宋禹王移尊五石

菴見訪賦贈 沈給諫偕夏人移尊再過

徐方虎從武林歸偕令嗣子政投詩見訪

曾青藜詩集

目錄

七

丁未仲春同諸子遊白雀寺

周勿弁劉子常民長釀金集方龔山中

贈別姚子雲 贈別程宏執井 贈李石臺

二株園 吳門病中送鄭次公虞部展假

寄送程崑崙 秋日顧茂倫從吳江見訪

贈固子佩 贈吳梅村 病中送石潭歸

贈別孫仲愚 青谿除夕 除夕同云

壽方爾止 贈鶴田 贈雷水吳在中明府

己酉春日張天樞招同諸子登八境臺

雨中獨坐 贈別虞臣 壽士先廣

贈方素伯 端陽前二日舟泊螺川

寄懷李元圃 送鄭去非楚游 贈徐偉

重陽前一夜不寐東萬靜園

送萬靜園遂南州 登晴川閣

卷之七

七言律

庚戌元夕同楊商賢道思向黼文集王孝綽

滄勝閣 早春雨中 喜晤松三秦淮樓酒

曾青菴詩集

目錄

題贈張虞山草堂 八月八日為伯紫壽

送儀吉師祝其尊人壽 贈姚際斯僉憲

東巖就思殿撰 九日為陳東日壽

九日龔芝鹿宗伯招同諸子黑窩廠登高

九月雪後喜晤仲連 壽許友孫

祝程周量 別蔣別石

龔宗伯初度闕古古用少陵秋興八首韵為

詩同人共和 贈別白仲調

題巖既方太翁嗜退菴

張螺浮給諫夢得十年霜雪老黃門句醒後

足成一律 祝鄭次公 贈毛錦來

送胡擎天 寒食日集蔡殊菴園亭賦贈

送周計百觀畢返大同兼大原新命

長安喜晤周雪客 別李斯年

龔宗伯移尊真空寺為閻古古作餞時同紀

伯紫何昭侯顧遙集即席限韵

贈郭快菴 留別張遠公 夏日將歸省祝

杜湘草四十初度 仲夏病中送柯翰周

曾青菴詩集

目錄

贈張青菴 送王楠叟還滇南并寄同志詩

甲寅夏五雨中懷伯成 聽松堂詩

送止菴之任虔州 梁谿喜值吳蘇嶺奉答

送劉夢錫 送彭子載 舟過萬安縣

乙卯秋日董元休張南士錢去病毛大

侯公言五十壽詩 壽徐武子八十詩

楊嘉樹招同諸子衙齋看雪 酬石埭姚

贈紹興何崑學 贈姜定菴 題宋射陵園

靖江贈陳不退 病中送射陵還鹽城

贈蘇州高蒼巖太守 寒夜與山農對酒月

蘇署長至次桑楚胡 送林武林清軍漳浦

丁巳春初送吳伯成觀察入閩

題陳伯駒送別圖 徐允成招飲草堂

題孫赤崖聚樂圖 贈趙山子 贈別李相

送星客歸嶺 吳門喜遇錢幼光

吳門紀遇詩 高蒼巖從西山至

贈楊來井 贈金觀察 偕諸子尚儼度歲

贈別石濂上人

曾青藜詩集 目錄

戊午暮春徐長民招同諸子夜飲先春堂

蘭陵署中寄輓高蒼巖兼唁湘毅森萬山啟

己未中秋喜晤呂御青招飲舟次

立冬日汪栗亭招同諸子集梅旅山房

同諸公讌集

程葛川招同諸子旗亭小飲時有小史度曲

諸子移尊曹秋岳先生寓齋共用留字是夜劇

飲大頓諸子作詩嘲予故未及之

冬日同徐藥菴崔兔牀錢馭少丁葛菴訪烟雨

樓道址 浙署除夕

庚申花朝前五日同王勤中姜奉世集棧華

送丁葛菴返金陵 壽宋既度六十

中秋後三日余從越東歸徐藥菴挈舟過訪

值其四十初度 汝君喜廣文殉節詩

雪中過訪陳堯夫留飲聯句

辛酉送春日山塘送呂御青之燕

七月同葉星期周青山張繩其俞屏月集汪

周士晉賢雅涵堂 贈徐翁七十初度

曾青藜詩集 目錄

贈劉介菴 邢江冬夜集程山尊寓齋

贈俞水文 題范汝受小影 輓呂生伯

贈朱錫鬯簡討 雪中贈沈心仲五十

為汪晉賢新築題畫 寄贈堯夫六十初度

壽陳子木 贈南康呂隣秩 輓呂旦先

贈盩城賈子英

潘若谷招同宋穉恭王次詰翼園雅集

壬戌冬至前五日過婁東別王不菴由浙東

返里時不菴亦歸營壘 送呂隣秩入粵

長至前三日僑西城橋嬰奇疾頭大如斲不

辨晨昏者久廿九日扶入小舟還鄧尉坐

卧一小樓燈火熒熒申旦不寐悄然四壁

萬慮俱來口占得七律二十首雖多嚙語

用遣憂懷 贈周次叔 病中哭吳瓶菴

值除夕 吳門送呂御青往廣陵

林天友僑興福菴見招以病不能赴

春日同徐松之冒雪還山留宿西崦草堂

移寓半塘寺端公房 壽陳幼木教授

曾青藜詩集

目錄

五

初秋顧迂客招同諸子依園雅集

秋日送徐長民同蕪菴入都作此并寄蕪菴

長至壽蔡太君八十初度

贛南丁鴈水憲副先辱瑤函見訊

寄懷石濂師 寄東權閔吳意輔

甲子元旦遣興 卧疾

開歲五日顧迂客招集依園予以疾足未赴

高澹游鶴臘五十初度作此補祝

春日過訪陳堯夫移尊小舟同宋懼聞夜飲

夢中贈友一律醒時憶得有玩世不如容世

好謀生更覺衛生忙二句口占續成

正月廿二日汪異三折簡見招

送徐松之 送顧俠君 題暢軒

題王介眉聽松堂詩 贈無錫令

過惠山訪湘侯 留別泰澄巖

秋暑 雨牕夜坐 曉起 送友 冬夜

吳巢徽比部見招以病未赴贈詩有名士由

來聲價重之句作此答之并次元韻

曾青藜詩集

目錄

七

冬日同袁公葭司馬赴廣州任 贈廖南暉

贈王薛澱 遣僕并寓書吳門

阻雪桃山驛遂拜岳武穆廟 過新豐

過鳳陽 定遠道中 潛山道上次袁稽亭韻

太湖道上 次黃梅縣 東林雨中

天凍路滑車馬陸泥中 除日南昌道中雨值

乙丑元日立春 壽郭衍鴻八十

潘廷和招同謝晝也潘梅洲小飲話別

壽潘梅洲 輓郭石元死節 壽梁太夫人

祝施署篆壽 湯敦實初度

臧介子移尊七星巖 贈吳西李編修

天凝寺贈真際師 送叅領馬克起扶觀入都

贈驛鹽道楊荆湖叅憲 送閔爾榮往贛行益

贈江芾斯提舉 朱式金構新亭珠江上

贈別周又康 惠州懷何不佞 贈呂文亭

贈彭秋水

丙寅七月十三日陳園公良可招同吳易菴

湖山小飲

曾青藜詩集 目錄

秋日林阜公招同張次崖彭秋水家而郁登

嶺山恭謁文公祠 又拜陸秀夫先生祠

答玉山長見懷詩 秋日集同諸子游黃氏廢園

中秋前一日馬乾菴總戎集同林武林太守

吳涵清闕部看演月宮雜劇

中秋日林武林太守招同吳涵清張次崖彭

秋水諸子讌集 湖陽寄壽湯惕菴

寄贈劉映菴 贈管縣令 贈王擎菴

贈楊六逸 丁卯正月十六夜獨坐

春日喜值巖蓀友詹允于羊城次予假原韻

奉別

卷之八

五言排律

自杭州至桐廬縣感懷得十韻 梁安峽值雨

臘月僑青溪蕭寺劉石潭樞部以遷謫出遊

遣使分金感贈十四韻 鬱孤臺懷古

送汪舟次簡討冊封琉球

送丁泰巖中丞開府湖南用李義山上杜僕

曾青藜詩集

目錄

其

射五言述德抒情四十韻

壽潮陽林武林太守五十韻

卷之九

五言絕

紀夢 方山子盤谷圖 渡澗 種瓜圃

伴顏菴 題倪雲林山水 觀別者 紫門

擣衣 閨思 過種山 金陵道上

七言絕

壬午元旦 落花 放船 弔諸勳戚

弔馬素修先生 弔金一箴先生

夢中得尾二句續成 田歌 偶題

訪一葦上人未晤 欲歸東徼虛上人

初冬過桃花 次確齋聞鐘元韻 濂署

中元弔所思 重陽後一日口占問魏石菊

舟過洞庭湖 祭風臺 和龔宗伯秋蘭詩

署中寄所思 為汪周士題寄生畧

和吳孟舉種菜詩 又和

題徐用王靈壁石圖 夜坐

曾青藜詩集 目錄 共

代題美人畫水仙 題陳鳴文落木寒泉圖

題喬宇五讀書圖 題黃拳石小影

周雨邨以賞牡丹清平調四絕見示口占奉

答時方讀先子篆草焚餘并以東姜奉世

徐長民 題韓海湄小影 平山堂弔古

虞山署中看月 題呂隣秩小影 題人小影

徐松之留齋頭數日夜因病起不能出作此

東寄 贈妓 贈仙壇施駿臣

二十里舖題壁次原韵呈袁稽亭司馬

管仲三歸臺

東平州道傍古堊壁先朝勅堊者碑碣卧芳

草中為之三嘆 題畫

店舖見余不遠詩句題壁 題董克灌小影

題林果菴從凝圖

卷之十

詩餘

望江南 江城子 添字浣溪沙半

河傳 西江月 青衫濕 鵲橋仙

曾青藜詩集 目錄 元

望遠行 蝶戀花 南歌子 虞美人影

風中柳 風入松 浣溪紗 菩薩蠻

相思兒令 離別難 夢揚州 望湘人

鳳凰臺上憶吹簫 前調 夜飛鵲

拜星月慢 驀山溪 帝臺春 大酺

大江乘 玉漏遲 意難忘 前調

倦尋芳 山亭柳 惜餘春慢 應天長

華胥引 西河 過秦樓 東風齊着力

別銀鐙 夏雲峰 高陽臺 祝英臺近

念奴嬌 尉遲盃 虞美人 摸魚兒

前調 滿江紅 前調 水調歌頭

漁家傲 瑞龍吟 齊天樂 沁園春

百字令 少年遊 賀新郎 前調

臨江仙 青玉案 謁金門

六松堂詩集卷三

七言古

雪

雪映中庭光絃玉花摧香隕誰家屋飛絮梨雲吹又
來近林斜對疎疎竹千山山山白長天流水光
無色大漠高寒起重陰一夜江樓凍成碧

七憂詩

曾青藜詩集

卷三

憂鬱憂鬱復憂鬱九月九日虔州客滿院風吹梧葉
黃寒江浪擁蘆花白天涯遊人各一方病子何須空
斷腸吾今為汝嗟離別何以報之歸來疾

憂鬱憂鬱復憂鬱楓林夜嘯魂何極明月無緣照海
棠西風有淚辭棠棣十六年來不可違天涯異地各
相依人生憂樂皆如此何必區區問生死

憂鬱憂鬱復憂鬱但見干戈與盜賊犬羊天下已成
羣狐鼠如今終滿國一片山頭一片雲飄然何處可
藏身老此一生無山水寧堪草木同腐死



曾青藜著
尚侃編次

憂鬱憂鬱復憂鬱徧地戈矛成荆棘中原胡馬涵波
濤挽盡天河洗不得東方君子旌旗開西南田野尚
澆萊聞說聖人今在上社稷安危將與相

憂鬱憂鬱復憂鬱吾母悲傷更何極一聲阿子病何
如枕上淚痕破顏色父母恩深終難報蒼天有恨同
秋草紛紛世界盡亂離安得一邱借親老

憂鬱憂鬱復憂鬱吾病輾轉心悲戚曉吹紙帳顫霜
寒夜破西窓冷風逼勞勞踐跋鬢已星天心不解病
愁人豈知一世皆由命追思往事空經營

曾青藜詩集

卷三

二

憂鬱憂鬱復憂鬱寒雨蕭蕭枯樹濕天地猶然有晦
明人間了不知南北胡為我悲傷人生如寄空
傍徨哀哀廬墓年年在松柏豈有千歲長

同諸子游黃竹岩感興分得興字

黃竹截天高萬仞巉巖削出雲生登三年烽火未曾
休一代亭臺不肯勝燕雀悲春戀故枝援屨依草迷
深徑可憐瓦礫葬黃金松柏依然起後興

有所思

此首宜
入雜言

悲風蕭蕭吹廣庭階前落葉相依鳴懷人山夜夜無

聲枝有寒霜天有星何以遺之心惺惺

三嶽峰送彭躬巷歸南昌

峰頭望城城歷歷烟波蒼茫動寒石昨夜風雨破山
牕江水至今深幾尺可憐放棹此中行作客不歸歸
似客篙師借問去者心愧我指囷與推宅

王電輝將軍輓詩

延秋城門啼白鳥辛卯之歲來蒼梧天子親駕驂
駒倉皇出狩焚燬都百官咋舌聲舍胡誰肯獨為王
前驅降域將盡山海隅大者為官小者奴將軍慷慨
曾青藜詩集 卷三 三

建祀姑手提屬鏤振鐔于恩平千里山鬱紆猶是中
國聖人區自從十載握銅符銜騎不敢長觀覲李衛
爭蹈通天幸八月浮江過鴈湖嬰圍一載庚癸呼誰
是辛讜能轉輸將軍脫下青珊瑚熊湘閣上空踟躕
自言布衣荷天衢貂冠間珞明光珠天子錫之弓矢
旅專征豈敢愛其軀衣冠容與挈妻孥南面稽顙臣
當誅黃疏白硝紛堂除應時火舉雷電趨發屋飛棟
蟠太虛瓦甍紛擊雜頭顱嗚呼世間忠義事多有不
見夫婦一十八人死與俱

贈別余生歸四明

勇士不怯死智者不倍時丈夫作事豈因人寧可磨
劍不磨鉏君為肅敏之孫子乾元宮殿承恩旨入執
金吾出諸生或文或武真奇士陰靈晝晦蝕日月棄
官浮家來東浙我聞節義在此方欲往從之路阻絕
何意同君嶺之南君年乃過五十三氣豪不覺老將
至一飲百杯酒乃酣醉繞椽圍大呼急忽上高樓蹀
颼立欵欵跳躑能千迴座中少年皆不及興畫更闌
各分賦君遂先成龍鳳句 生生有座曉 龍鳳商詩如聞壯士刀
曾青藜詩集 卷三

題顧東山白綾帳簷

咫尺忽然生秋水照見堂前三子機上流黃初織
成齊紈魯縞不能比亂世能為天下惜中乏綃帳哀
多美明月江風掠骨寒衾裯如在雲中起安汝神明
息汝躬天地閑披多與子董生蛟龍已唾餘莊周蝴
蝶亦塵滓君今飲酒咲且歌劍弛懸纓斷棄几裂帳

分作袴與襦請從今日四十始東山值四月初度

羊城歌

羊城樓上鼓聲急羊城樓下兵馬入西風刁斗徹夜
驚滿城兒女皆垂泣一望烟塵晝不開火光風勢如
崩雷馬上折筵跨寶刀一騎驅鹵百人來白梧黑索
滿阡陌男在東頭女在北但聞男兒號哭聲不見婦
人惟悴色可憐妻子屬他人更苦無錢贖一身田園
園去作王莊草屋一朝成灰塵艱難留得餘生在甌
石已空賦不改正供錢穀萬難輸官吏私派百十倍
曾青藜詩集 卷三

越溪舟中

蕭山縣裡一舟渡衰草寒城天欲暮為語篙師且忍
飢我欲黃昏望翠微十年心愛山陰道滅燭看山識
山好川橋行路凡幾灣夜盡無人獨往還

贈詔州傅竹軍

鳳凰一毛落天上曲江側雲浪浪春風又向金城

吹使君兩地爭相望潮陽海鄉物多怪惡溪鱷魚昔
所載豈知起陸編魚羊比來食人恣吞噬衙推沈文
原不識槌鼓戩市勢無力解免乞取費殷勤幸借隣
丞二千石徵書日下牛毛集吏統走藏男女泣忽聞
府牒下免征散聲却較馬蹄急丈夫一為蒼生耳濡
焚出溺情如此何事澣風吹且長便徹東南嶺北水
故人為返武頭麓欲借官槽騎四足憑君旅店市鳥
鄉奴飯馬駕堪陸績嗟予風塵絕潦倒欲上赤巖採
芝草長揖起辭謝區區先為朝民珍重好

曾青菴詩集

卷三

贈周計百司理報詩

延津美人騎赤豹繡節花旌發嶺嶠稻芒千里無沈
寃鏡柱我冠絕鷹鷄下車犴草藍蕪燭龍照天銷
夜哭亭疑繫令掠蒲鞭十二城碑口歷錄曾憶橫浦
歸來日利頭諸嶠淵藪密按韵比聲作謳歌角寒霜
重月欲出長寧响蠻感沙走路埋渠谷截山谷背草
凌風駐柘桑短翎已着敵人手裂布作旗高播鼓桃
花縹甲溪頭舞漆灰骨末赤焜焜百里鬼鑿魚寒土
山狒飛沙巉巖立官軍殺伐不得入獨有使君騎馬

來稅介幕講伏鞍泣公未來時我作賊公既來時天
與宜健犢春田事土膏山墾已見稻花碧嗚呼宣德
孔鏞事聞寂獨追驃騎固恒赫

病中送溫聞衣同周計百司理奏最京師時予

有外侮

我從燕趙歸君從燕趙去荒山日夕狐狸嗥何當作
客掃門路不畏太行山雪盛短簾內手坐凌統不畏
黃河冰川塞面起峰嶽中塞嘿橫琴在膝病難彈野
雀群欺噪未乾青絲絡頭黃金勒聞君走馬向長安

曾青菴詩集

卷三

主人挈客朝京日雒陽治平原第一少年未便害東
陽鬼神早欲論宣室朝辭筵宴五侯家暮宿平康趨
落花忽聽城烏啼曉日陳遵相索去投車吁嗟溫生
意氣何所負不須擊憤高墜地謾行酒早過市頭為
我問屠狗頗憶菰蘆窮士不鼓刀鳴鞘試施取何如
借我床頭莫令鬼夜吼

贈關明府

君不見春陵守官能退賊徵求失限甘詔責又不見
鄴城巫祝治齋宮西河變俗簪筆中冰玉為心鏡作

骨不罪而化鷹鷂空使君下車無幾日獄能鉤天
宵宅山頭吹火陰風鳴觸體無寬銷夜泣倪寬原不
急民租牛車擔負未曾餘始知天下神明宰不言不
動直何如

壽李儲孕先生七十有一

少年翁號文章伯諸弟相從聲烜赫五十六天步
艱弟能遵晦凡能恤百里荒田公稅逋官吏到門恣
誅索當時十室九室空翁獨一身任怨責我於翁誼
忝南宮艸角以來承問席惟翁進德如白圭我願師
曾青藜詩集 卷三

送徐受果辭親歸里

城頭藜藜攜曉鼓雞人傳報天欲曙堂上披衣起戒
裝僕夫張望行人苦江南投垢日不休煮炙大豪如
磔鼠至今徒仗為鸞麟日見詩書雙塵土鄖江之水
清復清鑑人毛髮濯心腑鳴琴剛麈靜無言白日高
高照官署羨君文章似韓陵羨君騷賦真屈楚君家
門閭似于公君家兄弟稱繡虎我來三月秋風寒牕

外桂花落如雨此地幸無官家程何為拜別高堂去

桂花

汀署有老桂數株花開時香聞數里一夕風
雨大作零落委土壤中及霽復發更盛於曩
昔復為採花人持斧伐其幹
花遂盡撫余追昔感慨係之

萬里天青懸素練蟾光銷玉垂空碾綠葉桂花團露
寒纖阿美人開芳殿皓腕明眸金雀釵銀泥玉暈蚨
蛸堆忽聞鶯佩迎風入知是壽靈壇上來壇上如今
桂子落蒼苔月浸秋容醉獨留一樹在人間千年不
上蝦蟇背點點黃雲似織星天香斷續排空庭涼風
曾青藜詩集 卷三

鴈叫湘神遠酌酒天南曼玉笙白雀銜書黑蛟舞卧
龍山下搖官署滿地落花視苔錢誰遣香魂墜塵土
雲散雨收天色光桂花又發淋池傍其氣直可上天
去豈特十里聞空香滄海微塵何足數興亡原自如
機杼牆外丁丁伐木聲白日吳剛動刀斧

贈別姜奉世

西風瑟瑟吹庭院卧病寒牕對書卷與子雖然隔一
城似無三日不相見二月扁舟到蘇臺桃花飛盡藕
花開至今梧桐看又落游子何曾歸去來

再別姜奉世

天涯夜夜看貂裘
精汝殷勤慰我愁
記得汝陰握手日
蕭蕭白髮又經秋
秋水多煙樹
落日征帆從此去
珍重年來作客心
莫令愁殺江南路

春歸曲

雨漬落花紅
熠熠青膚曉
感燕脂濕倚
徧闌干
香霧濃
藍蔞柳色鶯聲入
三月雙江
琴尾春江頭
新漲斷行人
有客蕭條不得去
馬如蒼狗
衣如鶉去年今日
螺川道今年除盡東園草
年年春光是故人不見春

曾青藜詩集

卷三

+

贈蕭孟昉

昔游春浮園不知亭臺
今有幾累石為橋
疊斷山方塘
注入小溪水
記得維舟太平時
樓船歌吹風參差
柳溪雲墩車馬客
炫服新粧遊冶兒
君家奉嘗與余
先子稱莫逆
先後文章名赫奕
余時年少愧終軍
美蓉池上遂虛席
三十年前繁華春
三十年後寂寥人
羨君猶能繩祖武
遯園築與春浮隣
庭有奇花徑無

草十載種松松合抱
人生真能奪化工
鑿池為湖春

浩浩湖中畜魚魚不知
小者育育大揚鬐
游人不盡濠梁興
逝者偏生川上思
亂來種畜非一日
百畝茶園千樹橘
何異南陽諸葛桑
空傳西苑秦王栗
意氣豪華軼衆才
高樓百尺春風開
取予然諾義聲起
翁伯朱家何足猜
爾時文罔多鈞鉅
升斗田園皆重賦
君能出極代捐金
棘林祇有烏棲樹
君不見金谷園中石
季倫明珠但買交州人
又不見暖寒會上王元寶
一遇春來跡便掃
世間富貴亦多有
如君能得幾

曾青藜詩集

卷三

±

廣陵行贈張天樞

廣陵自昔繁華區
楚客吳姬貂襜褕
毘毘吹香聞象
板
梁恩逗日移金鋪
自從一人阿摩
摩南北羽書日夜送
可憐丞相困圍城
十請援師無一動
廷議撤兵控上游
不爭成敗爭恩仇
大旗五丈魚尤死
惟有凍雀鳴山頭
恨予與子年方少
學劍未成空學道
秦中孺子說難行
城下王孫飯不飽
記得親提一旅師
隔

江射殺羽林兒，豈知白日遂西墜。鼓角無聲戰馬嘶，
世事悠悠等傾覆。龍蛇見血麒麟闕，一領飛鷄百結
衣。中風終日成狂走，君是邳州橋下人。浮家看盡五
陵春，今來從軍作記室。躡屩侯門本為貧，志大不愁
湖海量。數竒豈為封侯相，醉中擊碎珊瑚枝。灌夫雖
死猶強項，君客粵中我吳門。黑貂裘敝誰承恩，人生
安能當前一快意。手擲百萬何足論，飲君酒，擊銅斗。
廣陵舊事君知否，殺賊不殺孔熙先。讀書不讀陳彭
年，誰人才過子桓真。十倍似我與君悲，歌細草，徒茫

曾青菴詩集

卷三

五

然吁嗟乎廣陵風土，今如故。歌舞樓船自朝暮，君今
且食五侯鯖，讓我山中看桂樹。

飲酒歌為鮑子韶

時飲羅冠
卿寓中

久不見鮑生意，氣象不須飲酒興亦高。莫難博得秦
宮喜，檀板吹笙響雲璈。低拍停歌聲斷續，和者巴人
下里曲。越羅小袖春風生，日映池塘芳草綠。霍家奴
子二九年，綠幘傅鞞熱。甲煎鮑生忽然心欲墮，履烏
交錯空纏綿。一時大叫酒重至，主人逡巡客退避。月
轉高樓已五更，醉卧還趨不肯睡。鮑生未醉好作歌，

鮑生既醉舞僮婦，人醉酒原非英雄得意事。鮑生
潦倒復如何，且酌尊前酒奉觴。為君壽，但願眼中之
人皆白首。昔年酒酣拔劍斫地歌，今日鮑生無時無
不有。

黃河舟次

黃河水轟浪花急，白日倒飛黑蛟立。好風日夜上春
帆，行來路不上三千上。刻飛龍下刻戈吹簫擊鼓起，
高歌傍人盡指官舡樂官舡不行可奈何。

曉起披衣看積雪

曾青菴詩集

卷三

五

雪壓千山萬山曉，樹枝低亞夾村小。長橋路斷不見
人，沙岸江清驚過鳥。乍起披衣寒逼軀，眼花搖亂光
模糊。看來大叫真奇絕，子久安能作此圖。

贈顧同叔

君不見王次仲，策籊變作金隸格。秦皇三詔不就徵，
化為大烏落雙翮。古人一技見精靈，何必黃金與白
璧。足知相如返趙心，寧死不為強秦得。顧君待詔金
馬門，雲鬢蟬揚過特迹。誰知世運際滄桑，流落江湖
竟失職。有田一區不得耕，有屋半間不得息。布衣短

褐任蹉跎時或從人覓顏色平生至交者為誰恥菴
山癯王于一吾兄去歲渡江來與君握手成莫逆髯
髮蕭條形影孤骨月交情死生隔我來痛哭崇川濱
紅蓼白蘋皆成血但得見君如故人使我破涕開胸
臆宮中不聞奏雲門天下朋友始膠漆

贈俞陳芳

君不見服子慎竊聽春秋甘賃作又不見劉彥和載
就雕龍候沈約讀書萬卷亦何常委曲從人恣討索
江河原不擇細流撮土即可成高邱古人好學師蟻
曹青藜詩集 卷三 古

馬何況今古皆良籌六尺方牀容獨卧雙趺磚上石
痕破志氣堪與天地爭文章不受鬼神挫學問淵源
自有真春風百尺讓誰人尋章摘句固非是畔道離
經豈足倫古人眼光大如斗不肯依傍他人走割裂
詩書今者誰聖歎居前子能後謂徐子能四十年來劫火
飛文字干矛釀殺機王弼原為康成死彌衡空受阿
瞞非古來豪傑消磨盡流水至今空接軫不使聲名
讓古人豈知道路成鷹隼富貴貧賤誰為賢搔首只
可問青天拔劍酬歌未發與君對酒多茫然隴西碑

徂徠篆深意奇文非杜撰碑篆皆陳芳續著雙眸看盡蘇州
煙隻手掀開芙蓉嶽君才自是過人多霜露雷霆奈
若何不惜千金買駿骨自有千里馬來過滿損謙尊
何所似炙背可以獻天子勸君快讀古人書如此雕
蟲皆小技

兩坐無酒請東坡送碧香酒與趙明叔詩因次

原韻以寓憂懷

盜跖不死顏回天豈是當年真骨相早知壽夭自有
命何不日日傾家釀鈎蛇水中能食人青蠅閣上足
曹青藜詩集 卷三 古

生謗微蟲蠕蠕爾何如萬里干戈起衾帳撞鐘飲酒
行樂歌媽紅落粉流春盞高樓細雨亂雲生飽看春
山遠相餉

侏儒飽食漢家粟始信舉肥今之相皇天不哀志氣
人焦草已亡誰善釀十年奔走道途間身如喪家日
遭謗烟消冷突靜寒春風裂紙窓吹破帳却憶山中
兩饋頭墻牀頭屋漏接盆盞欲持斗酒叫蒼昊安得
白衣人見餉

曲表歌為余佷廬中丞賦

燕犀冀馬闕南來，結鼓樓船天上開。千里驅風紅浪
催，鳴鏡起唱凱歌回。其時中丞歸自淮，狐裘雲擁坐
毡毼。榜人兩岸聲喧，衣無完體，炊無柴，不見于戈。
化楚棘，估船那得相沿。洞中丞觸目心悲哀，括搜清
橐無餘財。欲向有司喻此懷，私貸直愁生厲階。脫裘
質買廣陵街，得錢分給歡如雷。有如挾纊收煨台，暖
氣散作雲霞堆。又如裂帳成剪裁，三軍襦袴約筋骸。
記得下車初，落梅高田麥浪綠。於酷五雨十雨生，穉
孩桃花春米白。皚皚租吏不到山巖隈，村中雞犬靜

曾青藜詩集

卷三

十六

無猜燦也席庇在天涯，無衣無褐如寒灰。日與野老
樂銜杯，說尹不覺傾樽壘。吁嗟一裘何足為，公示解
推。即此可見天地之胚胎，并州二月走童孩。竹馬騎
來千百迴，道旁觀者何有哉。百尺春風起草萊，安得
天下盡如中丞德兼材。九州之被恆規恢，人人扶杖
登春臺。

長歌送朱悔人游長安用昌黎盧同韵

白頭坐向燈明裏，眼中但見人老矣。昔年文彩千雲
霄，今年饑寒落牙齒。齷齪小兒項領成人間，誰是真

男子于戈合沓，歷幾霜。湖海飄零將數紀，不覺空懸
嫠婦憂。何曾一洗魯連恥，目望松楸不得歸。羔膏已
缺歲時祀，故鄉良友歸山邱。碩果止存二三耳，天涯
邂逅少同心。吹簫擊筑，咲在士君來晨夕，共悲歌。相
逢却在吳越里，揚眉昂首叫蒼天。西風獵獵鬚鬢起，
雄談能驅雷霆開。揮毫動若鬼神使，公卿折節二十
年。自謂天下皆知已，宮名碣石為行開。臺作黃金從
隗始，如何躑躅來三吳。破帽青鞵走無已，枝上腐鼠
嚇鴟鴞。天外藍車駕騶駟，自知不合與時趨。欲築東

曾青藜詩集

卷三

十七

浦學耘籽每有東浦耦耕圖，好客不憐作客心。如車無輔耕
無招，長安一片軟紅塵。半是少年初筮仕，與臺奴隸
盡高官。棗傑聖賢安足恃，跼跼飛鳶墮水中。銅柱至
今在交趾，少年慎勿欺老翁。忠孝原非世所擬，文章
事業豈等閒。古來賢達何人似，少陵卜築浣花莊。德
公高隱鹿門趾，耆舊風流今尚存。泰岱巖巖惟仰止，
歲華一去不留情。開口但咲良有以，十丈瓦屋蓬作
欄。河清人壽終難俟，伐毛三指見東方。恃寵一朝成
海市，富貴貧賤如轉環。失者勿憂得，勿喜吾儕遇合

信有天何必區區論常理朝將采薇上山巔暮欲垂
竿釣江溪左手持螯右持杯向甘浮生號酒史我自
龍鍾困異鄉君今歲晏束行李且盡尊前酒一卮愧
無息鹽與繪經

美人行贈梁樂亭

樂亭有志士也為秋闈第一人十上公車
老而不售城眉感損錯嫁王昌可歎也已

南海女龍十年寡雲軒欲騁天河下百尺箏絃纏蘆
心卷起長江波如瀉勾闌弔月啼螭姑西風吹斷金
蟾蜍秦絲楚管夜調曲香氣吹蘭侵玉膚芙蓉寶髻

曾青藜詩集

卷三

九

樛雲髮清臚寒浸層波月錦衾翠被繡鴛鴦待郎不
來星欲沒星光閃閃搖天曙蠟燭啼紅滴寒露玉筋
瀾千損翠蛾宮鴛泣盡西陵樹雌鳳孤飛年復年韶
華一去如春烟春梭拋擲無人至一夜花開吹木棉
高樓獨坐嬌無力腰肢嫋嫋墮香澤金帖彩虬白石
郎愁看嶺南與嶺北同是空閨未字身閑山路遠愁
殺人當時却怪漢天子忍使王媵去和親

龍章歌為周子佩八十壽

先生生在神宗乙巳年中原邊輔無烽煙聖人御極

賢者出粟米流脂貫朽錢從此太平歷一紀洛陽地
陷蒼鵠起人情對面生波瀾白日長天走蛇豕寶幢
御座孤來升漢世奸閹黨禍興卿相甘心作伊鹿衣
冠側目愁蒼鷹是時大臣盡韜筆誅殺皆由中旨出
鍛鍊頻施犢子車深文曲致婁官律朝陽之鳳半東
南直聲爭與天地參豺狼塞路麟在野義兒乳媪何
耽耽蓼洲公時久家食撫膺對客長嘆息京師更有
告密人緹騎一朝下江北金閨城外塵飛揚金閨門
裏宣詔章百官拜舞羣趨蹌觀者排列如堵牆勅使

曾青藜詩集

卷三

九

開讀聲未徧瓦甃泥沙飛撲面裂詔不知功令嚴殺
官一旦人心變欲奪公去歸私第滿城幾作燎原勢
公能解慰勿令他故生自上銀鑄就拘繫何地不開
棘林鴉鳥鳴何日不聞園扉蕙楚聲捷擬拗頭關木
索肢膚但有空骨撐人生大節惟忠孝今古日月常
相照一自下公比時王恭厥地成泥淖可知人心
即天心烈皇龍飛鴉草音大者文章加竄殛小者落
籍聲名沈先生年當二十四刺血上書動天意請誅
毛倪兩賊臣下筆一字一流淚先皇覽書生悲哀溫

旨褒嘉親手裁官贈太常諡忠介殊恩三代為君開
龍章繡蔽真華冢孔賜湯盤皆有本玉軸牙籤氣象
新焜煌御璽出宮壺自此永當為世寶何期寇來如
電掃生民板蕩化為魚金陵宮闕埋芳草乙丙之間
君四十踉蹌避地離城邑資裝一日屬他人獨抱龍
章空涕泣三卷祇餘一卷存歸來還自憶空村雞鳴
巷陌日方曉忽有短衣騎馬來叩門上云身隸湖州
城守之騎卒得君誥命聞不聞遠來親致忠臣裔願
以寶之示子孫下云少年從軍非得已腰跨寶刀挽

曾青藜詩集

卷三

干

弓矢誰無忠臣義士心嘆盡人間齷齪之餘子先生
亂後無多金搜篋僅足供行李揮手出門不復言臨
江節士知誰是大孝真能格蒼昊至誠真可通鬼神
能使龍章散復合從來至寶必為造物珍茲當甲子
上巳日正值先生八十之誕辰河上翁持青蓮花健
如四十無停輪聞道鳳凰出泗濱開道黃河清更直
太平天子不世出但見後車載取熊羆入夢之老人
八十年來一轉瞬乾坤誰許容雙鬢摩挲銅狄看滄
桑大笑墮驢今益信

長歌贈別王阮亭官詹兼寄黃酒給諫

吾聞青宮本為國之表致治成康貴有道乾坤以後
即屯蒙欲養聖功須在早當日杜荀樂隱居太子執
經就參考為霖為楫資股肱古人所以重師保前代
風流久已無典型誰復問更老先生博洽貫天人典
墳仰索恣探討川嶽雄文發異光日星彩筆拔奇藻
園橋觀者如堵墻列坐春風殊浩浩但聞絳帳集諸
生不識笙簫有何好金鐘大鏞懸西清宛矣天球列
朱鳥至今側席正求賢紫谷舍英年尚少寶嬰貴戚

曾青藜詩集

卷三

主

寧足論下壺夙裁庶可紹臺築黃金日就荒觀微白
虎望誰造長安卿相鳴八鷗杜門却客客如掃不聞
逢掖起謳歌空有屠沽坐昏曉誰似先生愛客深每
逢佳士輒傾倒官貧常自典鷓鴣家食止知茹荼蓼
如予頭白困天涯亦得上君芙蓉沼竟日開尊注炳
轟滿堂盡醉失晴昊黓鼓隆隆打二更他鄉不覺開
懷抱鳴珂道上有故人減刺無由見面新肯念王孫
供一飯天涯歲晏衣如鶉西風浙漉刮人骨嚴裝起
視星河漫海水關天吹玉虹思君不見落華髮戎狄

跨鶴去求仙，貧賤富貴成。何有胡為空，向人乞憐。邈
邈先生十四年，滄海幾變為桑田。先生宅，撥任方專。
廊廟名與日月懸，嗟予落拓江湖邊。依人謀食學苟
全，何時乞得買山錢。著書空老翠微巔。金精十
二峯名新詩
忠我千百篇，高歌山澗聲。潺湲聞君奉使出南海，圭
壁元纒來告虔。一朝兄弟相後先，王黃滔給諫
典試粵東暑雨
炎風萬里舡，恨不逢之同周旋。

雪中早發

屋角天黑雞未啼，行人催起如追逃。撼牕裂瓦風怒

曾青藜詩集

卷三

三

號開門亂雪飛，銀濤布衾藉草臥。方牢但聽耳邊聲，
噉嘈咲謂行人毋乃勞。何為不待東方高。

為張方伯題羅飯牛畫山水冊

千林萬樹亂山曲，不見居人見茅屋。茅屋參差高復
低，小橋瀉入湖天綠。萬里湖天散作雲，水光却與山
光分。遠山縹緲雲欲下，恍疑身在具區濱。七十二峰
香難辨，淡烟疎雨來吹面。此中茅屋坐者誰，似與古
人重相見。予向家
鄧尉披圖如聞山水音，何人能繼倪雲
林。吾友羅子重，豪素為公寫作湖山陰。

署中夜坐讀王阮亭宮詹蜀道集感而有作

海水翻風射窓黑，老蛟起舞陰雲逼。荒署無人門半
扁，檐花滴破蒼苔色。嶺南三月不知春，枕椰寒雨愁
殺人。獨夜挑燈理青簡，好山好水來相親。新城美人
騎彩鳳，朱竿翠電金絲鞵。道路已傳天地心，文章時
入蛟龍夢。地勢由來稱蜀險，劍門使制東西陝。瞿塘
歸峽控荆襄，日月但從空中閃。年來盜賊多嘯聚，前
有毒蛇後猛虎。甲乙之間幾變更，蕭條閭巷無乾土。
興廢存亡日在眼，大江滾滾流何限。君臣一代永安

曾青藜詩集

卷三

三

宮山川十里連，雲棧愛君高致讀。君詩少陵舊里三
蘇祠，且將馮弔寄杯酒。欲向天涯一買絲，日落風高
常接軫。千峰萬壑都收領，坐聽荒雞作卧遊。不知未
縛守孤影。

喬松雙鳥歌為李允公太守壽

華山絕頂五粒松，十年化作虬與龍。栽培不畏風霜
勁，覆載能施造化功。屈鐵蟠枝結根大，綠波浸葉青
浮蓋。精靈却與神明通，日月風雲皆際會。憶昔貞元
進白鳥，羽毛光潔紛華腴。珊瑚織籠獻天子，一夜春

風開畫圖壽靈壇桂閣苑柏三見桑田起朔汐雙鳥
飛來相對鳴世上那知烏頭黑廟廊今日資梁棟川
谷奇材出為用控地寧堪嘆鸞鳩高技真可宿鸞鳳
章貢之水清復清崆峒之山高層層懸煙千尺松濤
起更許何人來攀登

短歌題來式金家慶圖

君不見汾陽九子十三孫象笏魚緋填里門又不見
宋氏諸郎盡英傑各承家學稱奇絕君家閨閣著蜚
聲忠孝舊傳征播名小就災方非得已家貧聊以代
曾青藜詩集 卷三

躬耕梧桐別院西風下獨理琴書意瀟灑大兒眸似
秋水明小兒奕奕殊清雅吾聞積善之家家必興滿
堂珠玉真層層生子當如李亞子薛鳳荀龍何足稱

題王山長觀泉圖

山人畫山不畫峰屈曲藤蘿纏孤松高岡急峽藏虎
豹馳波跳沫吞蛟龍披襟散髮坐松下百尺流泉仰
面瀉稜稜冰雪生寒陰獨坐且忘冬與夏

又題觀潮圖

黑風吹浪海神怒蕩颺影沙起烟霧巨鰲戴地忽動

搖帝遣天吳縛烏兔何處不聞旬磔聲何人不起滄
浪情海門溟濤天輪轉却道人間五嶽傾王君來作
神明宰浪靜波恬今不改獨立峰頭看潮生置身天
地更何在夕陽如赭凝遠空煇炭重燔陰火紅阿戎
咲指當時事觸髀顧骨高穹窿昔日荒陬今樂土閭
閻日日聞砧杵郊犬村雞夜不驚何須海上稱檀鼓

潮江舟次


千溪只在萬山曲溪上人家種黃竹不知雲向山頭
青但覺舟入水中綠舉頭一望山崔嵬複道盤渦山
曾青藜詩集 卷三

莫開此路胡為太局促令人心事空填灰

上杭灘行

亂石嶮沅灘路狹舟行只可容一葉急浪欲飲老蚌
珠怒飛似奮雙龍鬣船尾在水船頭高步步盡亞洪
波濤長年用苦平生力跳石攀藤如猿猴

六松堂詩集卷四



寧
尚
倪
編
次

五言律

老莊梅集得姿字

梅花先臘發偏與臘爭奇不欲勞春夢多為出世姿
青天空露羽素手折霜鞋芳信年年香東風知未知

題畫

鬱鬱煙中樹悠悠雲外嵐茅堂壓水際風磴歌山龕
曾青藜詩集 卷四

謁江東廟

巍堂春肅肅高閣日曛曛古木雙虬結秋風萬劍空
天青垂匹練山翠起長虹莫道無神異鐘山有燭龍

遠火

遠火燒山徑青青淡碧雲孤舟常作客多病獨隨身
江上千重閉煙中一線痕愁心應未極離鴈落孤村

感事

人間無樂地何處可藏身天地塵中事山川世外人

丹心向皎日青眼看浮雲此際有誰問寧為蘇子貧

其二

感懷今古事積怨一生多吾道云休矣蒼生可奈何
峴山誰墮淚楚水但興歌嗟予世無侶朝煙與夕波

其三

知己稱三影欲為識者稀英雄千古恨游子一生悲
海底老龍泣山中猛虎饑丈夫原駝體寧惜此貂皮

其四

磊落屬吾輩如今嘆厚顏有如荆棘碍寧謂地天寬
曾青藜詩集 卷四

其五

抱恨已半世文章何所求有情憑歲暮無計但悲秋
投筆賦鸚鵡彈冠笑沐猴清剛知絕俗吾道竟誰尤

江上懷疑叔

一棹浮波急三溪合水流西風吹落葉細雨閉孤秋
寒影橫江暮灘聲動客愁故人今獨處遙望在江樓

其六

別久杳無問斯情殊未安青楓催岸雨紅蓼上江寒

鵝向客心噪，鴈同秋色殘。屋梁天末共，知有夢中看。

思親

莫北豈云遠，高堂夢不親。懷忠寧執役，為子願從軍。
鼙鼓仍三塞，風波此一身。衡門有止水，春酒特逡巡。

畫梅

我素愛梅者，聊將梅問人。春風淡作骨，秋水寒為神。
玉浹沾芳砌，香魂隔遠村。畫圖如可見，相望挹清塵。

感亂

聞道神京變，興亡事若何。丹心哀血詔，白眼望流波。
曾青藜詩集 卷四 三
虎豹中原滿，豺狼道路多。誰無淵明志，呼酒且高歌。

窮吟

靜聽簾泉水，冷冷石瀨間。將心臨皓魄，窺影失朱顏。
霜冷侵衣濕，燈清徹夜殘。一生何所惜，不必問艱難。

其二

獨坐頻窺戶，深房冷月明。秋衣凝夜露，古樹挂寒星。
高士身先死，丈夫耳欲清。孤燈空自照，余影浹波橫。

其三

文章不殉世，俯仰自無慚。寂寂山川古，悠悠日月淹。

誰聞哀有七，聊與影為三。予階庭下寒，霜冷碧潭。

重陽

秋色重陽夜，天風傍影來。孤燈生暗壁，寒月落疎苔。
梧葉飄牕冷，空泉喚夢回。愁心應未展，遙夜鬱孤臺。

秋感

孤舟城郭近，津鼓一聲悲。樹冷江煙渺，日斜風景移。
寒濤生石瀨，暮色帶川坵。裘敝今何在，蕭然問阿誰。

其二

日落寒無主，飄飄信短蓬。浪浮孤嶂裡，權急碎花中。
曾青藜詩集 卷四 四
入淚聽秋響，停思歛晚虹。愁來不可問，江上有歸鴻。

其三

坐看江流急，風翻浪似銀。垂楊低斷岸，衰草隱前村。
作客憐青鬢，懷親看白雲。天涯應念絕，此際待殷勤。

其四

天涯何寂寞，年少自蹉跎。綠水眼前去，秋風江上多。
孤村銜夕照，遠巖動漁歌。顧影頻相問，寒深夜奈何。

其五

江水分山色，疎林挂遠星。秋寒人自冷，淚落夜為情。

宿鳥棲還起漁燈暗復明淒然長寂寞心寄望鄉亭

杪秋懷南都作

倏忽杪秋夜寒燈影漸微白雲連寺隱黃葉帶風吹
讀古撫長劍悲歌視短衣故宮勞夢寐寧使壯心違

其二

瑟瑟風偏勁明明夜欲霜百年煙霧氣萬里水雲鄉
劍客鬚髯結將軍戰伐忙殷勤勞聖主何日下秦涼

其三

十古文章事風雲自有期亂離經出處榮辱愧界兒
曾青藜詩集 卷四 五

蕤蕤終吾老功名莫我知當途空春戀長吟一聲悲

其四

西風吹小徑殘夜動悲鳴憂患千年病傷心萬古情
霜清悔瘦影葉落出寒星長嘆應無盡呼誰問此生

騎馬渡江

江水青青去秋風渡馬來霜蹄連浪剪駿骨劃山開
可與死生共寧堪道路哀十年朝夕淚于汝獨徘徊

病中送認凝叔之贛

舟去更何似江聲不忍聞病哀聊托命世亂但離羣

道路干戈滿秋山風雨分可知他日夢猶為汝殷勤

病稍愈

兩月餘秋病吾知病亦窮病來顏色改病去夢魂通
獨坐聽寒雨孤聽動曉風少年愁不償憔悴有誰同

暮望

俯視山河壯天涯日暮塵寒煙空漠漠野樹盡昏昏
望眼浮今古憂心問漢秦吾將天下事歸卧水雲村

率四營兵援贛

此日愁無已其如虎豹何三軍誰轉戰百里不聞歌
曾青藜詩集 卷四 六

落日關山冷淒風草木多所懷鄉井異寧敢怨干戈

營中夜望

寒意迎霜發螢光近露浮雲高千嶂落水靜一江愁
鈴杵驚長夜干戈接素秋天涯猶在眼努力事封侯

贈人

千峰驚獨立天塹屹然開鳥跡藤蘿古後枝石暹迴
長空浮日月虛氣泛樓臺試問山靈者安知夫子來

月夜

寂寞更將盡中宵坐此亭可憐今夕月不是故鄉情

玉鏡寒如水清秋夜有聲聞中應不寐移步看雙星

癸丑冬避亂汀州今費捧再至

憶昔僑居地樓身尚水樓山川今未改盜賊幾時休
雲迴三冬色城高萬里秋皇皇憑驛使槎遠望牽牛

江樓獨坐

有客正獨坐高樓水氣中山雲連粉堞岸草急秋風
排悶翻書短會愁望眼窮此生逢世亂寂寞對青楓

其二

不惜他鄉淚空悲故國音浮雲遠隱見流水自深沈

曾青藜詩集

卷四

七

千里豈吾意三秋只此心亂離甘獨處古樹倍蕭森

旅悶

眾人驚客久予豈憚驅馳輦鼓雲天接羽書日月遲
無謀逢亂世多難報君時觸日生愁事孤忠只自知

落月

月落涼於水秋光入小亭低枝浮淺露遠岫出寒星
去住渾無累行藏必自經異鄉今夕夢惟有一鐙青

夜望

經今于役久獨望憶長遊異地兵戈滿故人雲水愁

風吹千嶂碧木落一亭秋何處堪留日天涯橫釣舟

賦別用森赴行在

古人惜一別之子意何勞闕地猶禾黍江關未草茅
文章成豹隱功業事龍韜多少英雄淚何須嘆傲貂

其二

知己天涯重斯人事遠遊元黃剛一戰砧杵正三秋
北極當書劔南天動斗牛風雲瞻氣色遑計爾封侯

逆旅

奉使遲于役經今八月時秋辭涼燕去葉落暮蟬悲

曾青藜詩集

卷四

八

飄泊唯耽酒佯狂但索詩不堪長此會烽火障天涯

聞寧都警

驚聞梅水信此日尚舊符宿霧開荆棘寒煙障荻蘆
山中惟少婦郊外有先廬迢遞愁今日臨風憶舊途

卜居

何處無芳草靈氛已見招逃名嫌術短避世感途遙
四野秋風壯三年胡虜驕卜居如得遂甘自托鷓鴣

路傳閩廣間共立三帝感而賦此

徒嗟離亂日書劍自飄零鼎足三分勢天涯一小亭

干戈淹舊國榛棘托浮生不惜迢遙意誅茅請屈平

喜入橫山晤不盈喬梓

喜入橫山裡橫山秋氣佳千山叢灌木萬壑帶流霞
劔吼歸雙匣星明聚百家疎林堪對酒江水即生涯

同不盈散步

循澗穿山徑林花非一原鳴泉下石瀨落日留雲根
地圻人煙小天寒草木昏亂離今已極知我老何村

溪上

去去行行路江邊日暮時美人誰可作逝者已如斯

曹青葵詩集 卷四

濯足雲生磴乘跌鳥息飛咏歌聞自適不必問仇池

夜喜煌弟至橫山

待汝橫山久羈棲只獨看天高鴻鴈唳夜靜鶴鴒寒
東北騰兵氣郊原慎羽翰批燈今夕坐雙照淚漫漫

留別煌弟

一夜何能再言歸共此心他時應見汝此別即難禁
况復遶多難自然空好音楓林紅欲盡為我舊愁深

其二

分手登車去東西南北人深慚君子德恐負少年身

旅食風兼竹寄懷水與雲起居從一慎為汝特諄諄

別不盈歸里

躡屩求山隱入山空手歸先生高隱者流水有清輝
藏壑人思負翔林鳥定機還期成十畝桑落看雲飛

即事

上天不厭亂胡馬任奔馳君子韜藏日英雄割據時
才疎謀自短命蹇事皆非王佐能無學歸山下董帷

平西道上

何事窮君子撫心自不慚龍蛇同蟄一鳥獸與人三

曹青葵詩集 卷四

瘴癘橫江北煙雲積水南英雄當此際速蹇亦何堪

哭清江楊相國死節

降旗出江戍千里暮雲昏獨有楊夫子提戈章水源
孤城嬰六月四望絕諸援痛哭丹心在豈因成敗論

其二

世獨悲生死吾應惜去留風塵辭故國江漢失同舟
一水魚龍夜三軍糜鹿秋淮東稱國士負此淚長流

其三

江水流無盡祇今恨不衰天高黃鶴遠日暮白雲垂

三輔原如此五坡未有期先生先我死後死難其誰

山中夜坐

翻卷甘獨坐文章亦奈何寒後逢夜泣山鬼畏人多
讀史撫長劍感懷學短歌平生堪此際偃蹇老東柯

臘月一日

今日知何日山中不計年寒風輕放蕊細雨重香煙
草木悲春換衣冠值歲還天涯有消息辛向苦飛鳶

遣悶

世亂多蕭索三冬慰此心祇應今古淡空作短長吟
曾青藜詩集 卷四 土

聽雨

兩過茅茨溼山高雲霧深丈夫衰謝色貧病更相侵
兀坐愁聽雨澎澎石瀨流寒聲驅萬馬波影亂羣鷗
用舍英雄色行藏識者羞病中思未已長嘆拭吳鉤

夜望三嶽

喪亂棲無定悲來強自寬雲開千里濶月照一亭寒
多病知親老無家見面難不成長夜寐應未淚痕乾

冬曉臨泉觀雨

兩路衆山曉寒泉石上多天峰分薄霧野壑合流波

難與濤聲亂人隨木杪過歸來呼婦飲不問酒顏醜

誌感

松柏悲君子由來識歲寒蒼天終浩渺吾道竟艱難
形影冷如夢山川恨不寬去從千古事祇有寸心看

獨酌

杯酒何能酌酒多愁亦多悲風連木葉疎箔落星河
天地鏗前夢江山醉後過少年戎馬老飄泊夜如何

感憤

交道千金重斯文尚昔賢此人還自內知我但其天
曾青藜詩集 卷四 土

除夕立春

鏗花何爛熳知是歲將除夜雨送殘臘春風來綺疎
別離青酒重骨月白雲疏喪亂詩篇事誰知今到余

其二

守歲家家滿山中今夜情人非因酒醉花自遇春明
天地仍成藝豺狼未息爭高皇舊基葉祇見一鏗橫

其三

兄弟東西處天涯共此時團圞追往昔聚散異愁思

梅着燈前小書翻架上遊那堪今夕樂雷淚裏新詩

丁亥元日

非是因離亂昂霄天一輪山川仍有命花草解宜春
北斗迴新歲東風識主人椒花聊對酒應愧百年身

曉歸坐石巖觀雨

春山明復暗遠樹密難開草徑霑衣溼寒巖聽雨來
干戈侵鬢髮日月落塵埃為問桃源路誰人採藥回

聞行在信

望絕嶺南信何年却我愁生涯如落葉國事正東流
曾青藜詩集 卷四

血洗兵戈服魂吹闕塞秋安危同社稷身死未為憂

其二

國破身何屬山深家僅存無由供麥飯竟自避桃源
關驛生春草江天起暮魂萬方牢落盡崩哭望前村

章門

聞道章門事圍城出固山鼓聲連壁壘獵火貫江關
踐土幾時事屏藩又一班朝廷行薄伐吾豈得生還

其二

落落復落落山堂自寂寥天生惟我輩門靜謝知友

挂壁圖書冷批燈夜夢招不才應見棄何必淚痕飄

其三

岑寂悲今日春光細雨中有情誰解賦無語任飄蓬
俗薄疑神鬼交疎識去從愁來吟不斷獨坐嘯東風

其四

日暮千山暗笳吹萬里聲平生都似夢何日不關情
守死惟貧賤全軀仗父兄虎頭今在否心折向東征

春望

孤城千嶂裏野樹萬煙中飄泊生涯異寒愁是處同
曾青藜詩集 卷四

春辭榆莢雨鳥倦落花風入暮偏多思天邊竟斷鴻

曉望

曉淨山如洗雨光萬里中春田依草綠江岸倚霞紅
鶯燕時相亂漁樵各自通病來清興少見此已融融

金精道上

寒氣偏宜早山光獨自春猶聞啼樹鳥應恨伐枚人
暗水穿崖過空香着雨新不知亭子上閱歷幾風塵

其二

厭盡金精道何年樹客心花飛千澗滿日落萬山深

黃鳥啼空樹玄後失舊林忽驚雙鬢落知與物華侵

內訟

世事已淪沒蕭條影自寒全生山水僻削迹地天寬
野鶴依雲石翔禽仗羽翰敢言長隱者幽意獨漫漫

其二

喪亂魂無定登峰悵遠思狼煙飛古道微火出清溪
社稷已如此安危未可期此生殊昧昧寧與後人迷

其三

有恨窮天地無聊問古今北堂萱草冷東陌暮雲深

曾青藜詩集

卷四

五

春雨愁桑梓秋風輟瑟琴南箕何所適遙誦白頭吟

其四

三年由屬耳千古痛關弓天地成人性江山帶恨容
疊瓶思克子鞠育顙蒼穹際此艱難日寧遑恤我躬

春日

寂寂花生戶離離畫掩門病來惟倚枕愁絕似空村
斷壁窺高鳥踈籬走小豚頻將書意思應愧采蘋蓂

山漲

水勢成天湧波流蹴地平紫崖千尺白碧徑萬行青

後坎啼深穴蛟龍亂遠汀感懷難自勝吾道付浮萍

夜宿鳥窠

浩浩寒鶯醒澎澎雨勢催怒號爭轉石空響急奔雷
洞古雲光滿天長夜影迴石門司擊柝未許夢魂歸

立夏

陰木南風正山庭夏氣來春從今日過夢入故園哀
高柳紅飛薄晴雲翠抹開却憐苔徑滑遲步且徘徊

悶

閒來吟屈子蕭瑟氣如秋不惜窮箕髮應知法楚囚

曾青藜詩集

卷四

六

山昏斜日薄天遠暮雲收行于小溪畔誰容走上頭

獨坐

門對一林樹溪流欲斷青涼風吹病骨踈日暗山高
猿子暗相引鶯聲初可聽園葵護籬滿足此慰飄零

從金精獨歸翠微

涼影蕭蕭暮高齋獨步歸隔林樵唱遠一水故人稀
鳥帶踈鐘入山餘落照飛柴門眠小犬覺汝更忘機

久別雨林用霖歸省

瘴雨日不歇中天未有奇江波深一渺吾子竟何之

劍氣沈滄海，暮光隱翠微。丈夫原翫離，莫令酒酣時。

其二

病愁兼清雨，即此別多艱。故國生涯少，長江煙水閒。
海田瞻舊物，冠劔拭新顏。天地愁如此，君當萬里還。

其三

大江千里去，送子到洪都。城郭爭愁眼，山川入畫圖。
放歌高士重，把酒故人疎。別後西風起，登高待一呼。

坐山閣遣興

秋裡寒泉出，春光石上多。誰將招隱賦，竟作采薇歌。
曾青藜詩集 卷四 文

雲海如奔馬，天峰似裊螺。鹿門佳興在，我欲老如何。

其二

愛彼林泉好，涓涓不斷流。月池含碧潤，石壑漱青幽。
巢許雖非願，黃虞詎可求。吾將身世隱，采藥徧神州。

其三

高閣遲匡坐，清香天外聞。疎花邀斷壁，短桁掛晴曛。
心弱情隨足，人間畫莫分。行歌心意得，土鼓尚紛紛。

其四

吾欲采山隱，采山未有奇。世人徒咄咄，汝獨何為。

春草露新色，風花散故枝。優悠天地外，灑落更忘飢。

其五

正欲謝車馬，溪山乃起余。高吟春鳥靜，朗照野人居。
萬里身難到，三年志不如。無才甘歛落，豈曰返其初。

其六

春日明人眼，東風入樹香。山茶移影綠，野菜界圍黃。
峰靜雲初轉，亭虛鳥欲忘。忽聞泉石激，憂憂似宮商。

其七

明王不可作，之子意何勞。土厚龍蛇蟄，風吹燕雀高。
曾青藜詩集 卷四 文

求時心已熅，憂國淚如濤。俛仰悲吾事，相期在草茅。

其八

不入明王夢，空懷作者林。山川猶未改，胡羯已如今。
國亂愁朱紱，才疎感素心。哀絲千古後，遺恨絕知音。

其九

此地何多勝，春雲截萬山。人來頻未厭，鳥倦亦知還。
架上書千帙，堂中水一灣。逍遙看世態，珍重在艱難。

其十

默坐悲今昔，飄搖世事空。全生非無路，樂道在此中。

細草沿溪綠，疎花映水紅。羲皇如未起，撫瑟正從容。

其十一

寂寞衡門下，神清耳亦清。傷心甘放棄，安坐得身名。
倚枕尋書懶，扶筇信步行。敢忘賢者力，搔首愧平生。

其十二

載道干戈盛，其知避者誰。浮雲隨地出，細雨傍花吹。
魏闕丹心破，章門白首違。鷓鴣如有托，吾意且徘徊。

其十三

一石潛通境，逃秦但數家。天台路非昔，高閣望無涯。

曾青藜詩集

卷四

九

雲捲環山暗，風吹帶樹斜。歸來正春穩，流水濯胡麻。

過曾田埤

行過曾田埤，春雲匝樹齊。石花低壓面，澗草潤濡衣。
引水看春邁，驅車動鳥啼。猶懷馬首淚，轉戰虎頭溪。

其二

萬嶂流雲度，千章次水門。自知慚綺季，應欲慕田文。
湖道御成乳，山光虎鏡奔。客情誰得問，回首出孤村。

西竺寺苦雨

何代黃金寺，人來覺地偏。綠沾高礎溼，紅委小池鮮。

古屋生雲霧，春江走歲年。不因兵革至，盡日但啼鵑。

其二

求羊因失馬，擾虎信防人。三日干戈暮，雙江道路新。
揭竿村鼓急，候火塞雲屯。坐久愁多雨，田疇半未畇。

其三

雨勢成潮湧，山花接地荒。一身荆棘路，萬死虎狼鄉。
鐘磬文多綠，亭臺氣尚蒼。驅車今駐此，知有道途長。

自西山走蕭仙壇不得食夜飲水可一斛

寄命在深莽，已知非此生。千山聞一哭，萬甲靜無聲。

曾青藜詩集

卷四

十

帶雨穿林過，尋煙遠瀾行。早來不得食，羨向井泉清。

蕭仙壇乞食轉入碧雲寺喜吳竟魯先至

乞食向朝火，厨煙吹正繁。饑來誰一飯，亂極死多門。
別却黃沙路，潛通碧水源。竹谿聲到耳，驚我故人存。

旅次

逆旅愁長夜，天空待月明。疑將東影白，還望北山青。
夢入家鄉遠，時乖棘路生。何嘗依枕穩，蟪曲到深更。

暮歸

行行歸去來，春風漸漸催。田園荒草地，樵牧幾人回。

晚照清無盡寒江響易哀南州消息杳遲步且徘徊

己丑元三日送別吳企岡

不謂開元日斯人獨遠征臨歧容易別把酒更難憑
兩過園蔬綠春悲江柳青未堪愁歲月腸斷子規聲

集賢崖

叢棘通山路登臨耐爾芟天心成小草吾意托長鏡
石影雲千樹春光雨一巖舊題賢者去感此溼青衫

飛瀑

危坐驚聞瀑空聲急斷絲疑將煙雨亂故作水雲飛
曾青藜詩集 卷四

春氣多龍虎山光尚魑魅重門高倚杖挹水濯新衣

晴

茅檐留宿雨遠樹見新晴雞犬日中靜山川雲外生
野花遙接水春鳥乍聞聲念汝無拘束年年空復情

同確齋方崖坐蒲團

澄影棲寒壁蒲團坐夕崖三人同此境一靜自忘懷
竹數流泉響草堂帶月垂何年深閉戶與君樂道歸

晚課

夜靜鳴鐘磬幽巖梵語深聞聲遠自顧默對但沈吟

石闕澄金像風幡挂玉林階前瞻氣色應愧野人心

宿禪堂

夜夢憑誰入令人心境寬泉聲驚過雨衾影獨疑寒
面壁思趺坐藏舟憶釣竿禪堂今寂寂幽意自迷漫

曉課

朦朧高枕上忽聽曉鐘過篆鼎香無際敲魚意若何
憂心漸道淺苦行識僧多不寐愁牕外春風動薜蘿

集賢崖兩款同確齋方崖各歸山舍

出谷飛雲片歸心破雨痕遙將千里月竟接萬家春
曾青藜詩集 卷四

草屨何妨溼蓬顏半似醺子虛無乃近惆悵不能分

酌酒聽雨

酌酒遣愁魔愁深奈若何鐘寒聲雜雨山響夜懸波
有病勞參朮無家托萬蘿看書今不寐發憤起長歌

遣悶

長夜何曾睡愁心怨五更半牕迎曉影一枕落松聲
愚昧行多拙貧窮志不清從今甘獨處搔首問生平

別林確齋

欲去行還住春山細雨時將遲今日路莫慰北堂悲

生死憑身世干戈動別離茫茫天地濶獨念竟何之

其二

知是今何日一身事苟全別嗟生計晚愁滿落花天
禰性嫌同俗逃名恥獨賢無端樵悴甚風雨晴前川

同陳不盈登從姑

危石壓樓臺春風積翠苔路紆人不剉影靜鳥無猜
曲磴排空入雙江向北來何時忘歲月高卧白雲隈

寄內

小閣棲影鏗空閨起夢思寧知當亂日不是惜家時

曾青藜詩集

卷四

廿

月冷春凝鬢花香霧壓眉他年歸未晚應莫怨凄其

將次南昌湖內作

野水深猶淺天雲隱復開江波連嶺樹影挂帆來
鷗鷺灘邊宿牛羊嶺上回美人如可望臨湖且徘徊

南昌感興

落日沈寒甲春風出舞裙管絃花外動戰伐夢中分
萬里誰為作虞歌久不聞匈奴原未滅空憶霍將軍

哭陳不盈

同作他鄉客如君付逝波身名今已矣煙雨奈愁何

空有友朋淚竟無妻子過人生偏見此江鳥夜聞多

憶舊

何事愁今日風塵老友朋近郊多獵火遠夢出漁罾
激烈多新鬼飄流半老僧茫茫春復盡江上苦誰憑

黃石公給諫招飲秦淮舟中

秉燭遊偏勝秦淮夜可憐橋沈千岸火樹隱一湖煙
玉杓鸕鷀美冰盤鱖蟹鮮向來歌舞地處處有啼鴉

中秋感興

月明殘雨後蕭寺遺誰俱衣薄風偏勁寒深酒竟無

曾青藜詩集

卷四

卅

屋梁懷李白道路泣楊朱迢遞雲中影空悲秋色徂

齊雲山落照

蘿衣挂石壁倚杖瞰平原日落秋無盡峰高天半吞
牛羊歸近牧星火閉寒村真子歌來晚相呼入洞門

朔煙

開門花葉落煙色自晴陰岸岸隨寒水村村破曉林
啼鴉飛不到稚子語方深念此庭前樹蕭條空汝音

溪夜

溪水平於月蕭然入暮寒為貧因客久一病及秋殘

野碓聲偏急，漁舟夜自安。流離無遠夢，越信到家難。

夜次新安縣

明月寒波裏，孤舟信此行。長橋沈鏡鎖，列戍起銅鉏。
酒入客橫梨，年徂愧請纓。亂離難識路，努力泊江城。

日暮

北風吹落日，游子發深思。一鳥入雲沒，孤舟信岸移。
但看芳草處，不與昔年期。坐久向流水，感君無已時。

歲暮感陶峻餘病

陰雨霑帷幔，寒鐺火不紅。歲難將病去，世竟與貧同。

曾青菴詩集

卷四

其

山鬼窺深夜，隣雞起朔風。須知寥落意，淚盡亦途窮。

別葉子九往京口

離別無佳日，况當欲暮年。布帆從此去，江水正蒼然。
貧賤生涯路，風波亂後天。夕陽多少淚，難與故人傳。

京口春懷次王山瞿八首

一身嫌尚在，忍向衆爭名。獨坐聊終日，窮途過此生。
閑山驅老馬，風雨送殘鶯。忽望中庭晚，愁來未敢明。

其二

年少飄零慣，身名老未曾。春猶隨斗轉，石莫補天崩。

移蓋懷京洛，橫戈望秣陵。可憐悲憤意，今盡付孤鐙。

其三

誰云天地廣，俯仰豈繇吾。有意憐芳杜，無聊托槁梧。
才疎隨世棄，客久見形孤。築室應嫌暮，山中何所須。

其四

天末人何處，空來澤畔吟。路遮芳草沒，門掩落花深。
圖史增新淚，陵園失舊林。歸魂知未穩，梅斷夜如今。

其五

鼓柝三更急，風花二月多。篝燈寒碎影，屋霑夜沈波。

曾青菴詩集

卷四

其

鴻鴈歸無自，蛟龍鬪若何。年來唯嗜酒，不醉不成歌。

其六

敵愾今何似，長征念采薇。山城荒古戍，江水上寒磯。
鏡騎魂猶斷，銅駝淚已非。封侯慚骨相，食肉敢云飛。

其七

雙江春漲急，歸夢向誰留。入世隨雞肋，圍城憶虎頭。
愁誰天共老，生值國多憂。舊跡文山在，羞登王粲樓。

其八

天涯孤劍在，龍去憶延津。出處非無意，安危未有因。

繁花迷蛺蝶細草偃麒麟莫問游人跡江皋又晚春

無證

寒風輕落葉哀響發清歌簾幙無人至秋庭夜色多
蟲吟苔草穩鼠向竹牀過好夢天涯去如君不寐何

贈王惕若

寒蘭秋水之上子意何如執手道平昔涼風吹素裾
時危堪倚托身在莫躊躇共有家貧累無緣老蠹魚

海南亭喜晤余元星

不知身至此見汝即情深野草連天沒邊風薄夕陰

曾青藜詩集

卷四

途窮愁過客鄉語入歸心海角亭前望悠悠淚滿襟

宿電白縣

一旬猶電白千里但高峰月影沈寒杳朝聲度晚鐘
平沙嘗見鴈旅枕又鳴蛩海上多雲氣明明是遠峰

兩至

故園千里外獨自上苔荒茂霧迷徑空山煙斷橋
亂蓬雙鬢短蔓草一身遥渺渺前村路春風又度潮

端友過訪朱子暇先生草堂

畏人屏跡久築舍近青郊天地如萍梗文章竟草茅

寒雲籠樹曲春日動花梢酌酒檐泥落低徊舊燕巢

其二

柳色池塘細烏聲隔院過行吟春水靜歸客晚山多
日暮悲江漢天寒製芰荷更聞戎馬急鼓角出滄波

時蓋營出
攻瓊州

舟中七夕

少年高會夜蕭鼓動江樓共此半輪月蕭然成獨遊
水風吹入袂鐙火畏聞秋莫惜維舟晚前溪林木幽

過贛州故居

曾青藜詩集

卷四

艾

一衲猶多累休為廬舍傷全生今瓦礫
予家以屋毀
方歸亭都
過眼即滄桑不記扣扉路難求避世牆主人非故舊
歸燕向誰忙

高座同梅杓司看月拈無字

分明枝上月莫向嶺頭孤夜夢催歸去秋聲到有無
是夜
立秋
遠天雲欲盡寒樹鳥爭趨松徑坐來久清光非
一途

其二

日日江頭客年華向夢徂可憐孤照裡消得幾人俱

風折吹何急霜鐘聽已無欲來憑樹語防有夜啼鳥

舟次

一葉信如此橫流何處安故交多忌諱長路竟艱難
湖水三更壯秋風六月寒莫將今夜露酒作淚痕看

初冬訪錢幼光不值令嗣孝則留宿遲之

萬里驚亡命孤踪返故園醉聞風弄竹卧見月當門
欲記昔年路還停何處村避人憑一杖吾意在桃源

其二

亂極已今日坐還非舊名無家猶有子多難賴諸兄
曾青藜詩集 卷四 元

瓢笠因時製風霜帶夜行念君閒勝我洗耳聽江聲

其三

待汝更何日秋來又入冬客衣艱夜絮旅食乏晨春
自信江湖老多令雲水供樅川楓葉盡遲步到青峰
再遲幼光不至

一徑日將暮雙溪人不來清聲低宿嶂寒色着空苔
掃葉防爐冷撫松聽客哀重雲紅又黑似欲放山梅

欲雪

爐火竟無色高寒欲雪時密雲隨地合細雨着堦遲

冥冷巖枝穗垣頽雞樹悲不知朔風急亦向旅人吹

敷淺源

敷淺源聞久相傳路近紆到江猶阻縣隔嶺不通湖
禹鑿從巫峽神功擁帝都應龍何所畫疏淪向方隅

九奇峰訪老僧匡雲

一折復一折乃知山路長崖隨藤作杖門以石為梁
遠壑故多色野花迎亂香老僧知睡足莫問客何方

過淵明先生墓道

只有青峰在能逃亂世名江河消酒力天地托鐘聲
曾青藜詩集 卷四 辛

彭澤官三月柴桑老一生為傷孤竹子何以不躬耕

玉川門訪亦菴不遇

山勢穿風磴泉聲出谷門幽人何處去白日又黃昏
木落龍溪小天開獅子尊杖頭苔蘚在留與護雲根

夜坐慟亡兒

十年無一快書到信方真背父經三月撫兒只七旬
吾難將世老汝更向誰親滴瀝檐前雨翻來驚夢頻

其二

深寒猶數起擁被幾曾溫爾死無他恨其如何母恩

家貧聊壁立世亂但生存三十尚孤影愁懷安足論

送任仲望入粵兼柬曹素臣李我貽諸子

聞說桂林信西風動地來如何陽湖鴈不到鬱孤臺
久客生還遂憂時老大催蘆生長夜響莫作故園哀

秋夜

風清鐙欲落開戶衆峰沈夜色一何滿霜中秋夜深
遠天失寒羽幽壑多淒音瑟瑟空階下誰知獨處心

酒後看月有懷

月亦何為者但向旅中來獨坐憐光滿羈情入夜哀

曹青菴詩集

卷四

二

酒無知己飲夢但故鄉回莫羨霜前葉偏令客思催

別確齋下盱江

平生重相見畏此別離時况復寒江上悠悠楓樹悲
交當頃蓋得難與素心期明夜一尊酒天涯空汝思

歸耕烏石壠作呈長兄庭聞

嘯歌天地外樵牧豈吾徒即此平生願豈為妻子驅
畏人懷小草憂世茹新茶敢學於陵士寒山不覺蘇

雨後自城入六松

到莊不覺暮却自少塵氛獨念如吾少偏難絕世羣

花催初過雨鳥倦欲歸雲川水茫茫下新田正未耘

送賈孚遠歸晉陽

客此亦云久所圖知盍非憐君不得意故爾欲言歸
解肉嗟何晚江山夢已稀當時屠釣在漫與說商徽

閔行別李雲田時偕諸子集水莊

道路真容易君來我又行別從相見重貧與出門輕
意氣先風雨文章後友生翻憐閩水上剪燭憶溪聲

尤溪舟行

萬石容雙槳千山只一流却疑雲接處已是水行舟

曹青菴詩集

卷四

二

過樹急啼鳥防灘驚浪鷗安危今未定動我十年愁

樓上再候家信不至

海水無情甚來潮不到灘如何高極目空對數峰寒
一夜偏難曙三旬未及餐時聞鄉語似不覺出門看

中秋前夕

不知今夕月又欲到中秋千嶂夜當戶三更人倚樓
西風吹病冷落葉下寒流煩悶已無極清光偏自幽

中秋

病來不看月畏更重鄉愁隔戶笙歌動蕭蕭江水流

家山何處夢骨月正如秋夜冷擁衾卧寒衣在建州

過樟源嶺

宿霧猶亭午樟源路正殷山從雲裡合人在雨中分

秋色松杉暗寒香橘柚開單車穿石澗流水自紛紛

己亥立春前同李咸齋彭中叔散步望翠微三

魏

羣動各有息茲遊成我閒草知深淺處春到有無間

寒石自流水夕陽多遠山離離林下屋時見鳥飛還

山中雨夜

曾青藜詩集

卷四

三

澗水坐來急山牕吹雨斜門前綠苔徑應落紅桃花

作牕也又起也

鐘動石留響夜深燈不華頻年知別苦明日又天涯

白門路值胡君渥邀歸草堂賦呈

忽然值此路不覺淚成行萬里一回首十年三易裝

苔花侵古堞柳色接危墻別緒難為說邀予舊草堂

初秋僑毛映芝宅上候南都信不得

不得南都信扼搗事若何傳無真羽檄疑是舊風波

勾曲山通闕雲陽嶺夾河至今車馬地猶復少人過

其二

暫托彭衙住交情自不孤流離何日免消息至今無

者舊天涯少年華客裡徂沉淪已十載獨此費踟躕

寓畦身壹鬱麓草堂賦贈

行來三十里谿壑自然深草沒村頭路風鳴寺後林

一經高隱處輒動故山心悔我勞勞者因之感蒼鬢

其二

喪亂知交少如君有幾人多方留客住能不累家貧

村酒賒仍得園蔬摘正新抗談非一事莫說向周秦

其三

曾青藜詩集

卷四

三

結廬依鬱麓耳目竟淒清與子憺無事秋山遲晚晴

百年幾暇日多難已平生自顧寒衣薄何勞蟋蟀鳴

遣悶

秋聲先客至不敢望天涯故國鴻來少長江日復斜

眼穿應有淚夢到即為家心事真愁絕又聞叫暮鴉

倪道微招同畦身壹鬱袁御僊登茅峰夜宿上宮

次日冒雨各歸悵然成詩四首

莫厭亂離日此中難泛遊夕陽深澗處雲木萬山秋

鐘遠泉初落天高夜欲浮滿懷惆悵事為汝一開愁

其二

宮殿嗟峨出連雲第幾峰人歸山下路鳥落日邊松
童子延燈火迴廊起夜春秋衣原自薄尊酒且相供

其三

各有心中事到來少所憑風雷今夜榻雨落上方鐘
無夢因邱壑閒遊賴友朋蕭條衣杖履感我欲為僧

其四

欲因晨食罷歸路好衝泥一負名山約何人復過攜
野田秋雨足村樹午煙齊執手共為別冒寒尋舊蹊
曾青藜詩集 卷四 五

乾元觀經道士張克符故居

松杉合冥莫臺殿剴然開何代白雲氣知從神廟來
遠天暮鳥下古木秋山哀真子幾時去桂香猶滿苔
乾元有 桂數株

鄧孝威貽酒肴見餉坐談移日

不惜鄉郊路聞來一看余獨攜桑落至對此菊開餘
吾道竟誰重世情多半踈君貧河復決滿屋見殘書
孝威適 遭水患

靈巖叅繼公喜遇西音上人

不知雲霧裡殿閣載湖陰石徑松濤響禪林僧梵深
為來叅柏樹喜與結蘭心日暮清霜合寒光未可尋

其二

天地皆殘夢江湖少故人十年家國淚萬死水雲身
西音昔曾與揚 萬諸公守賴 藉草聊為坐看山可當隣還將執笠
意辛苦問靈均

別張相臣歸里兼寓書長兄庭聞

海陵明月夜記得別君時此日重相見故鄉歸尚遲
荒煙交敗草落照澹流漸羈旅同賓鴈知今竟後期
曾青藜詩集 卷四 五

其二

高閣臨官渡時余寓 閣門外歸舟在此行艱難頻客旅消息
到吾兄歲晏慚生計途窮愧遠情殷勤知別後為我
聽風聲

四字

同身壹坐貫時蘊真館欲雪限韻得彈乾殘看
瑟瑟庭初靜寒牕紙夜彈雲隨苔影合風過竹聲乾
未冷衣先薄言歸歲已殘重將今夜酒且作故園看

留別貫時同限遶字

故里從春別而今雪載途思家嘗病入逢世與心殊
子獨當殘歲尊能不厭酌梅花新月夜可似在吳趨

徐貫時飲別畦身壹喜計彥昭至次聯句韻

西風高會夜莫謂客途單共此坐深燭與君懷古歡
忽當言遠別遂不及饑餐栢酒遙相憶他鄉各歲關

身壹同舟至丹陽言別得舟字

亂後重相見聯牀幾易秋可知今日別還似二株畱

身壹同在貫時二
株園言歸者數矣霜雪吳天遠闕山海霧收長年何

太速不肯緩行舟

曾青藜詩集 卷四

臘月望前一夕同錢幼光過孫易公園爐看雪

共用十蒸

只因歸未得歲晏見高朋開徑人來暮衝寒酒欲冰
爐存深夜火雪壓一堂燈蕭颯干戈裡言愁是秣陵

同錢幼光守歲

他鄉惟此夜最易白人頭寒雨不成夢明燈生遠愁
逋臣猶共汝故國竟如舟萬事從今過又來開歲憂

將次南康縣

野岸由人住天涼氣自清波流江月碎沙照夜橋明

樹色隱千嶂秋光涵一城半年辛苦路今更嶺南行

贈金公絢

知君居嶺嶠已是十年遊南越不稱帝陸生今敝裘
銅駝明遠草鐵笛動高秋月照江山在誰人賦海鷗

其二

卿才今十倍畫地夜嘗分尚自為司馬何人作護軍
風聲時在戶海氣日生雲幕府可能暇還思一到君

期張崑承萬眉仙九日登高雨阻次眉仙韻

感茲為遠望不惜與君期風雨忽來集高樓到者誰

曾青藜詩集

卷四

元

葉辭秋夢後寒上晚朝時百慮從今入怕裁重九詩

余生生朱德先芝園葉鍾麟寓樓小集得皇字

客况多風雨相逢易感傷十年新舊友共此東南鄉
酒綠寒光迸燈青夜漏長流離且莫問爛醉即羲皇

其二

同在干戈後深杯莫厭狂空遲徐孺榻德先芝園
時宿寓樓一
下褚裒觴耳熱成鴝鴒途窮媿鷓鴣愛君兄弟好隆

準想高皇

臘月一日同諸子飲余生生寓限芹字

此日鳴腰鼓空知歲月分嘗來黃麴酒更切青泥芹
世亂蟬蝦熟天高鴻鴈聞誰來猶祖臘一上越王墳

辛丑人日後一日周問公招同林稗穎李秉一

飲溫宅園次翁念吳壁間韻

愛此春郊路山山青上來不堪高會處盡是望鄉臺
久客歲華隔因君尊酒開池塘是蕭散直醉兩三迴

遙送葉鍾麟還湖口

一月少音信如今歸去無雖多收路感猶有故人俱
樹帶春潮沒櫓浮夜月孤高皇遺勝蹟珍重過鄱湖

曾青藜詩集

卷四

元

寶安聞清明日為余生誕作此壽之

百里聞君壽何由進一杯春風相過處此日踏青來
亂世猶全義今人誰愛才心知良友集能使旅顏開

其二

昔宦金吾地今居越水濱唯能忘舊業乃不愧前人
婪尾春消盡旋頭夜落新天留垂老客一望翠華塵

曉夢

庭樹不知曉惟聞鳥鷓聲人驚山半夢難報日初晴
無食因妻子多愁是甲兵迢迢春欲盡依舊越王城

贈陳雄飛

何必悲窮達都為失路人知君真意氣可爾任風塵
五畝竟無地一官今更貧平生多少恨莫負此逃遄

其二

客久無人過君來夢亦稀杖頭嘗買醉夜半竟忘歸
古道知誰重閒遊感昨非吾生猶未老忍看鷓鴣飛

春夜懷和公往瓊海

亦無多日別勅即令人思門外春潮滿天涯夜夢時
予方苦道里子復向邊陲明月應同照此心知不知

曾青藜詩集

卷四

甲

夜雨懷余生葉鍾麟

涼風吹薄袂庭雨上芭蕉燈火隔牕落故人中夜遙
他鄉勞歲月歸夢斷漁樵把酒同誰醉如余竟寂寥

任道爰往陽春訪令兄仲望久不見還甚憶之

爾去更何憑爾兄見未曾為思天外路坐斷雨中燈
久別語難盡無家歸不能應知懽聚處千里少良朋

午日感懷

簇簇人家路茫茫水國天不知瓊海裡亦有客遊舡
玉臂纏金縷綵符落翠鈿東風相過處懷想正凄然

時和公
往海南

其二

賴有廉鴻誼乃能免索居門庭懸虎帖城郭轉見車
甲士橈方動辛盤酒正初聞歌嘗慨嘆不獨為三閭

寶卷喜晤顧東山值其四十初度作此為壽

四十猶行路知為志氣人山川方一見風雨自相親
肯應鱸堂相宰悲雪窖身雞聲中夜起夫子不長貧

送師子上人遊羅浮

嶺南今兩度恨不到羅浮羨汝能行脚蕭然竟獨遊

曹青葵詩集 卷四

露涼千樹夜月出萬山秋倘一逢開士煩為滌旅愁

病中別白敲上人

何必言清淨交真道自真大都天地內不是別離人
客久遂如夢病多半為貧看君持杖去風雨愧逡巡

佛山與胡韶先別

只此須臾日逢君但醉歸樓頭聊一望天末正斜暉
道路自茲遠音書知汝稀人生真意氣長與願相違

雲都峽口

雲出波流黑江風欲報秋沙頭鳴亂草峽口出漁舟

盜賊多編戶鄉閭亦旅愁中宵長不寐獨立向寒洲

虔州遠別方爾止

蕭蕭池閣晚細雨度寒颼不意逢君日還當歲暮時
梅花風外落竹葉夜來遲一別成生死故交應問誰

其二

一自龍眠後十年三見君人生知漸老世事不堪聞
古堞分寒日高臺宿暮雲江山多感慨豈是惜離羣

其三

猶記飄零日因君到宋園爾止住宋氏舊園寒流時出釜踈

曹青葵詩集 卷四

柳恰當門斟酌新醪熟艱難古道存長干重握手夜

後接清言

其四

行止今無定憐予失所依自從還嶺嶠幾日坐庭闈
客路因多感家山恆苦饑羨君頻遠出歲晏得言歸

魏東房先發贛江作此送之

雨勢高樓重垂垂欲沒天故人明日去先發大江船
君是客中客我行年復年無勞吟苦葉相逐下金川

送無言山人歸黃山

豪傑終年路多從隱者行羨君攜杖去日暮下泉聲
生事知何限言歸免有情漸予燕市客六月正長征

附故人舟北上因贈

貧賤難為客君來肯載予十年一相見鬢髮已何如
天遠鳴風鴈隄平躑夜魚傳杯常待月直過五更初

望黃河

自此分南北登高竟奈何青天埋綠草白日下黃河
客久音書斷年荒盜賊多東風如箭急不肯嘆蹉跎

舟泊濟寧遊南池有作

曾青藜詩集

卷四

四

秋水環城郭南池舊有名古人題跡處但見石苔生
老樹今何在荒臺亦近成忽聞笳鼓作又下鎮江兵

其二

灌閘傳萬岸分流入小渠濟河通汶泗兗地界青徐
城逼牛羊夕秋生鴻鴈初我來今已暮池上有殘蘗

題太白酒樓

任城今賀知章觴太白處

秋天不可極今古此城闈落日辭官舍高樓醉故人
山分鳧嶧色風起馬牛塵一自壺觴後從今少主賓

楊村驛

秋深衰草白霜氣上征衣欲識長安路遙從獵馬歸
鴈聲行處沒山色望中微縱有冰天淡明朝不敢揮

曉渡錢塘

兩月煙波路吳江又越江朝光明遠水山色度寒臆
鳥啄今何處蛟人未盡降數驚防海卒一日過千艘

時水師移鎮寧波

從嚴州上新安作

飄泊投何處此行歲已闌漸江三百里逆水幾千灘
漁子依潭立人家傍嶺安始知風景美昔未得曾看

曾青藜詩集

卷四

四

新安舟中

偶然行至此天際識孤踪遙愛練江水東從千萬峰
山田宿夜火川路散寒春寂寞一舟上哀猿啼暮冬

程昌伯館中除夕

終歲勞朋友應慚客路難故人當此夕燒燭上春盤
尊酒情何厚鄉關夢易殘高堂知未寢猶自憶長安

謝嚴山招同李遠之吳五一萬旭如總子韶季

子麗天夜集分得輝字

春色池塘靜林花發未稀主人惜芳夜坐久不開扉

細雨輕霑慢寒燈欲落輝年來嘗伏枕酒令故多違

鮑子鮑招同靜翁齋話

正欲尋芳去相邀出郭門春江都是樹籬落竟成村
接坐誰賓主長歌當話言欲留拚一醉鼓角促黃昏

汀署送曹鹿野歸里

幾曾三月聚未別已相思夜葉落何許江風秋正吹
庭前承訓日廡下獨愁時我有一腔淚君歸應告誰

阻風青山鎮

青山吹細雨白浪戰高灘風急天如墮秋空樹欲寒

曾青藜詩集

卷四

里

人家煙火少僧寺薜蘿寬五日何妨住惟愁買酒難

奉贈周標園侍郎分司

北海初聞戰崇禎間先生曾令難難東師漸入屯可憐十罷破

獨此一城存獵火連雲暗邊笳雜鼓喧使君長猿甲
灑淚望誰援

其二

五案論功日先君簪筆初撫膺傷國事推轂見焚餘
先君有策草焚餘宋殿方聞虎吳宮忽化魚至今耆舊少相

對倍歎歎

其三

天地憑憂患生涯感雪霜百年三已任十里半家鄉
先生為同鄉人起宋陳中流寓江南洛水還司馬中山訟樂羊久知民
力苦漕轉向南方

其四

廿載長為客今秋喜見君慚無雙羽翼何以御風雲
海運鶯鳩咲天高鴻鴈分人生感意氣不獨重斯文

雪溪月夜韓叔夜白孟新過寓齋言別留同程

弘執張龍友小飲分得寒字

曾青藜詩集

卷四

里

人靜鐙初落更深酒欲闌家山千里夢溪水一天寒
世事悲浮梗吾生托考槃明朝又分手且莫惜餘權

初到德清縣即事

貧賤無長策因人到德清橋從城上過山向水邊明
官署交衰草譙樓架斷楹荒涼空極目懷刺尚屏營

其二

不知天早晚風雪正稜稜到此真無計達人亦自憎
饑寒成剝啄西日起峻嶒一見剛歸去山菴欲上鐙

登玉塵山

偶然移步出不覺上高峰
溪水分寒映人煙起暮鐘
石綠蘿徑沒山被墓門封
欲問青天去天高木可從

其二

寒為登高重人因作客聞
村村皆是水面面更多山
風息鵝相夫林昏猿未還
歸心真似汝何處是鄉關

臨溪歲暮遣懷

久客因何事多為貧賤驅
平生少知遇辛歲亦窮途
天地愁難破家山夢易孤
有懷常不寐永夜撥寒爐

其二

曾青藜詩集

卷四

四

晴川轉蕭瑟步履到門前
竹徑留殘雪松風破暝煙
山深當閉戶池凍不流泉
且喜窮居者無人索酒錢

其三

近市喧寒鼓空山聽斷笳
年來誰作客歲晚不思家
香母慚磨鏡為生愧種瓜
自從殘臘後夜夜落燈花

其四

久之計然術登高望羸山
和傅范 蘇隱北 依人嘗自悔看雪
只因聞世事詩書外生涯
遂葆間英雄今在否吾欲

一躋攀

其五

郭外寒溪曲林間落日佳
風濤常在樹山寺半依崖
擁火觀碁局挑燈讀史懷
故人在何處殘月上空階

其六

煙光開竹篠晴色上藤蘿
獨坐臨青鏡蕭蕭白髮多
霜筍狝兔出風陣鵝羈過
年少誰家子閒來一和歌

其七

舉世守名士何人是可兒
愁傷天寶日喜讀登山詩
斯內憎薇蕨邊闕換竹枝
閒過徐稱宅謂方共話太

曾青藜詩集

卷四

四

平時

其八

野日多閒暇禪牕少送迎
截蒲憑逆旅彈缺代躬耕
山為亂離重吳亮 許王 恭聘故名人於耆舊輕
頻年傷忌諱只

合老柴荆

其九

此地雖多勝愁心未肯降
有泉隣半月五石有東主 泉正隣半月
無夢到雙江日暮雞鳴巷
天寒鳥近牕流漸終不解

空自憶歸艎

其十

求食終無補此生豈得完人情何地好客路幾時安
爆竹偏宜夜梅花不送寒殷勤呼僕子歲晏莫辭難

秋日訪顧修遠適當大誕作此奉贈

天地存者舊文章讓老成承家有令子通籍半訪生
花樹參差發秋山遠近明看君遲暮意不厭故園情

病後懷孫仲愚

不見已三日思君竟可憐但聞風落葉直覺夜如年
鄉淚非因病秋心自少眠與公今獨坐吟咏是何篇

曾青藜詩集

卷四

四

寒煙

漠漠冰城閉荒荒四野連人家霜樹外古廟夕陽邊
積雪消寒色輕風破遠天誰憐彭澤老客舍久無煙

送高念祖遊琴溪

邑為念祖先人
寓公之舊治

相見無多日憐君又別離僧扉寒雪後江路早梅時
手澤存遺卷琴聲入舊碑衣冠今具在應念叔放兒

酬范小

已料難相見知君隔一城喜聞清佩至却向曉牕迎
天地容雙鬢江湖過半生吾儕都漸老莫易數歸程

由望江至宿松縣道中作

二月垂楊岸春帆日影遲方將離茗嶺又欲上松滋
旅食年頻減人情老漸知此行良不易喜與故鄉期

其二

沙洲平十里谿水漸來渾漁父梁為屋人家荻作門
腥風成小市春雨聚遙村聞說江流漲籬垣無一存

其三

昨夜雷雨過舟人報好風豈知今日裡尚在堯湖東
草色吹新浦濤聲打短蓬由來辛苦意只合訴歸鴻

曾青藜詩集

卷四

辛

其四

屋角聽鳴雞循岡過町畦桃花春水岸楊柳板橋西
遠嶂翠難合高原青欲齊蒼蒼林木晚煙起縣樓低

其五

倦極方無主當關虎豹兇奸簡稽客路征稅到漁罾
羅織知刑峻繭絲見吏能如何新詔下正月又開徵

其六

空店經年閉孤城盡日寒桑麻千隴斷煙火幾家殘
有地皆成稅無膏不作奸問誰階禍亂寇與牧民官

遣悶

寂寞無人過蕭蕭白髮稀情隨年漸減願與世俱違
細雨梨花落空梁燕子飛故鄉尚飄泊客路竟何歸
即席送洪暉之往楚訪令兄

莫負一尊酒送君千里行牕前寒燭影夜半遠鐘聲
此去風兼月相逢弟與兄我來春漸老尚滯虎頭城

贈毛卓人

總角聞君日已登作者壇如何十年內始得一微官
路遠魚鹽貴山高風雨寒從來遷謫地能有幾人安

曹青葵詩集 卷四

其二

喜得一相見同看髮漸疎名曾知白下予始遊白下即知卓人名
詩已遍黃初天地愁何極文章命不如君今有奇字
誰印子雲居

其三

積雨羣芳歇招予獨過從談詩尊自滿微令韻無重
予以乾坤二榻連孤堞雙江起萬峰官署近江樓官貧
能好客應不羨元龍

其四

久發吳門棹淹留獨不堪可憐清夢裡夜夜到江南
買夜心良苦履醅分自甘此書倘得竟千里報君函
予時以選事往吳門

贈賴尉侯梅仙

五載始相見聞君多素心雖然淪一尉久已感同岑
舍弟附雀噪落花暮筵開芳樹陰官貧能好客敢厭
在交末酒頻斟

青原山訪無大師

高松蒼翠合數里起寒聲但見溪流轉遙從殿角生
曹青葵詩集 卷四

草披空徑出石壓小橋橫剛到山門外芒屨早出迎

其二

歸雲新築閣正對倒荆開即此千年樹從師一念回
師入青原倒荆復生青山生戶牖白日下池臺到晚開清梵諸
天入座來

南州于周伯衡先生座上知沈方鄴從金陵至

走訪不值次日方鄴見過畱同宋岸先胡心
仲小飲遂成四詩兼送羅浮之遊

偶過周顛宅汝至自南畿着屐尋蕭寺高樓尚掩扉

江聲天外落山色雨中微惆悵空中去人生會面稀

其二

貧賤誰來過天涯賴汝勤夕陽方在戶談笑竟無文
世事同春水人情似夏雲莫嗟前路遠裘馬日紛紛

其三

折芟蓬羈旅飲醪愧主人不嫌兼味少應念故家貧
詞賦青箱重江湖白髮新眼中無俗物寬坐見情親

其四

海嶠三千里君行是壯遊將軍能揖客方鄴與兩夫
藩有舊

曾青藜詩集

卷四

五

峯自封侯方鄴外醫
現任海豐立馬梅花嶺留人荔子秋扶桑

看日出應獨至羅浮

其五

燕領年方壯封侯自不難如何解赤韎遂爾戴黃冠
眼落青天小路行白日寒四十還多事邱壑豈容安

舟行

未識投何處風帆信夜行山迴灘路曲月照秋江平
謀食輕千里依人過一生舟停剛就枕舟舶又催征

遊嶽麓歸東萬靜園

同作長沙客先為嶽麓遊山川殘壘後風日丰亭秋

廟祀存今古碑神辨去留驚人無謝眺寂寞對丹邱

送趙日上公車兼寓書長兄庭開

欲上長安道依人未可期遙知相見日正是看花時
水凍黃河合霜深白草悲煩將湘水淚預報子瞻知

暮泊洞庭湖口


落照沉沙浦空濤響敗蘆泊舟洞庭口正值月寒初
遠樹連飛鳥清波見躑魚東南脚縱目始覺楚天虛

曾青藜詩集

卷四

六

六松堂詩集卷五



五言律

庚戌上元前一日同向輔文集揚商賢齋頭得

年字

對此清谿月蕭條似去年同時人不見

商賢宅近谿山草堂因念

昨歲同兩止看燈愛汝獨依然擊鼓催春夜挑鐙落

酒筵欣逢良友聚爛醉草堂前

曹青藜詩集 卷五

十六夜雨中同高蒼略集白孟新冠山草堂

星橋今夕聚還復憶開元花雨初侵鬢春風直到門

臺存山下路

孟新家傍觀象臺

家傍市中村莫問南朝事羞

登廣武原

登五層樓

鼓角起城頭郊原落日愁青天平楚盡綠樹片帆收

避世懷張翰依人愧馬周鄉園歸不得獨上五層樓

壽徐偉公

去年初度日舟泊楚江濱斗酒娛長夜華鐙眷旅人

乾坤雙鬢髮風雪一冬春躑躅漸賓幕別來又數旬

其二

四十方強仕使君久著名下車羣吏服杼軸百蠻清

世傳勤桑梓官貧篤友生天心今獨切弘濟賴精誠

題李武曾灌園養母圖

水色浮青檻苔花點翠茵如何裘馬客竟作灌園人

京國誰知己庭闈有老親牀頭新甕熟取及紺牙春

其二

有夢亦多累此身無定居羨君世外意歸卧花間廬

曹青藜詩集 卷五

芳草青將合香鞋綠正初殷勤將菽水閭望正愁余

別蔣公郁

一別語難盡他年思轉親出關還策馬落日正愁人

歲月成吾老湖山入夢頻嶺頭梅爛熳應憶故園春

其二

相見無多日如何即別離逢人嘗氣短閱世輒心悲

烏道千山暮鶯花二月遲君行及南詔正我返家時

贈施匪峩

夫子聲名久相逢已白頭十年猶薄宦一室似清秋

榻自高人下車多長者留至今燕市客不必賦登樓

夜宿翠閣遲人不至

一月闔門路相思亦可哀
依闌人獨速看樹鳥俱迴
香牋羅衾在風吹綺幔開
明星當戶起猶自不歸來

其二

剪燭對孤影空牀獨理衾
老猶兒女態人少歲寒心
不卧當殘月因愁聽斷音
今宵拚一醉謝汝短長吟

雨夜初宿翠閣對晚粧而成

香閣殘粧裡相逢得意看
春風吹露深燈火上深寒

曾青藜詩集

卷五

三

鏡以烏雲亂花于翠鈿
盤夜深猶恐寐尚共倚闌干

送張過侯歸秦川即步蔡九霞韵

綠樹陰方合如何即別君
馬嘶初落月烏倦欲歸雲
執手時無幾過江路已分
客中頻送客歸思益紛紛

其二

萬里嶠函道年來夢正親
老知游興減貧與客愁新
落雁峰頭雨鳴沙塞上春
吾兄家在此莫謂異鄉人

除夕同余生生高念祖長兄庭開分賦得臺字

難盡今宵話五年未易回
友朋看漸老兄弟此啣杯

燈火圍春座寒霜逼露臺
欲隨鄉夢去不畏五更催

甲寅開正六日為紀光韓郡伯壽

斗杓驚節候三度祝君辰
元日頻開宴華堂半旅人
鸕鷀杯正起鸚鵡舞方新
即爾成佳會難忘此一春

其二

六載飄零客庭前缺綵衣
每來介春酒益復想慈闈
南國徧荆棘北山餘蕨薇
藉君雙羽翼送我故園歸

余生生張孟恭華子三劉武城寓齋小集得看

字

曾青藜詩集

卷五

四

晚樹環空翠庭陰愛薄寒
疎花餘斷砌細草護層欄
特有烏巾酒漸無白玉盤
常因閒燕會得作故園看

其二

喪亂愁今日懷歸路轉艱
不因朋友聚安得酒腸寬
庭戶留天地干戈托羽翰
故山千萬里只向白雲看

秦吉生兩中招飲池上即事用杜少陵五日賜

衣韻同杜于皇成二鴻張曉人容菴王時大

陳集生即席賦

老樹不知名庭花向晚榮
疎烟當戶出細雨着波輕

漸覺羅衣薄傳來茗椀清天涯良會好何異故鄉情

題尤展成釣魚圖

修竹垂楊下何人竟不冠晴川方落日童子正垂竿
散髮孤雲冷東風六月寒可知渭水畔不似富春灘

鄧江道中次日端陽節

垂老猶羈旅况當喪亂時草花迷驛路溪水界山陂
日落人行少村空鳥去遲吾生辛苦甚何必嘆化離

其二

忽然驚節候悽愴動征魂護草露新淚黍苗感舊恩

曾青藜詩集 卷五

五

生還同此日家祭但諸孫倘不因行役能無憶故園

賴江紀事

兩月虔州路開蓬只見山如行深屋裡不似有人還
林密鳥逾靜水清魚自閒晚涼餘枕簟將夢出江關

其二

滿目皆燧燧郊原盡閉關人家依小艇雞犬出溪灣
喪亂經寒暑飄零任去還夜闌聽共語猶說萬陽山

其三

風雨消殘暑干戈破舊顏大都諸伏莽強半恃深山

村冷餘狐兔田荒但草菅可憐膏白刃此地是鄉關

其四

沙溪通竹菁嶺路接徭蠻地僻誠難到天心豈易還
龍蛇藏巨壑虎豹隱重關且喜孤城近悠悠見遠山

澄江贈侯公言總戎

江城踰萬疊江水日千重此地誰新造春申是舊封
青天盤鸛鶴白浪走蛟龍挂笏看朝爽由來王氣鍾

其二

奇文驚虎變潑墨見鸞回自古登壇客幾人作賦才

曾青藜詩集 卷五

六

江天爭片羽日月入殘杯池上芙蓉滿如今幕府開

其三

被褐遊常慣因人歲屢更自慚無遠策五十尚儒生
耆舊年來少文章亂後成至今垂白髮忍恥事公卿

其四

不緣輕客旅安得上侯門誰結王生襪常懸阮氏禪
風塵千里夢湖海百年恩長揖能無愧深知閭外尊

送徐健菴太史赴京改補兼東立齋方虎兩學

士

堂上承歡後天涯發軔初風雲連彩鷁歌吹起游魚
官閣潮聲壯秋山晚照疎清光千萬里知入馬卿書

其二

文章輕似葉功令重於山暫受三年謗能消一日閒
朝廷思故舊剋蓋卷青班料向神京去新恩定賜環

其三

澤有哀鴻起田因碩鼠空頻年經戰伐故里徧蒿蓬
婦子俘應盡征輸日未窮講筵知久待不必鄭圖工

其四

曾青藜詩集

卷五

七

不作長安札難為賤子陳亂離猶作客老大更依人
廡下春難賃生涯甑已塵君家兄弟好應念故交貧

秋日擘舟訪李武曾暨令兄斯年令弟分虎於

長水武曾畱同小飲即席分得八庚

孤舟隨落葉百里訪柴荆燈火坐來暗秋風牕外生
酒深今夕話老愛故人情不覺身為客對君好弟兄

其二

君歸從貴竹烽火此中生亂後知誰過天涯感獨行
依人因母老避世暫躬耕惜別防深夜何妨坐到明

重陽前一日命舟桐水過訪周青士汪周士晉

賢因畱小飲分得新字

醇醪愛公理潭水羨汪倫交以聞名重人從見面新
山川歸作客天地托垂綸莫盡今宵話應慚異代身

和涼字贈青士隱者

一徑隔溪水小橋通野航門多初落葉園有欲摧桑
地僻烽煙少天高日月長相逢當亂後遮莫話秦涼

初入陵陽

一入陵陽境溪山似故園懸崖齊置屋傍嶺盡成村

曾青藜詩集

卷五

八

樹架谿橋穩泉通水碓喧思鄉頻到夢見此即消魂

同沈孝琴徐式四騎馬游魚龍洞馬上口占

曉光上晴旭朔氣似初春度嶺還騎馬循溪不見人
小橋通曲徑亂石出遙津同是勞勞客旅遊未覺貧

魚龍洞題壁

到此境已盡却從何處行燭光搖整影石乳落鐘聲
路黑走魑魅氣寒生甲兵但愁身世累不覺夢魂驚

游畢姚六康明廡置酒李家村昏夜方歸口占

二律

高館停芳騎開尊夜始歸輕風吹短鬢新月上寒衣
野火空鳴柝人家久掩扉行行何太速轉覺客心違

其二

亂後行人少况於秉燭遊到山愁路斷隔隴聽泉流
地僻無兵火天高轉斗牛不因賢令尹安得此淹留

留方位白沈孝瑟小飲寓樓同用十一真

欲去因君住相逢話正新半生多難客九死百年身

細雨圍燈小高樓對酒頻如何當歲晏尚有渡江人

位白從
桐城至

曾青藜詩集

卷五

九

明日將發舟位白孝瑟同過寓樓小飲話別

未久即言別難為行路人舟從明日發月獨異鄉親

淺飲知吾老空盤念旅貧天涯分手去莫惜寄書頻

分得年字

對酒惟今夕還家及小年祇因故人意暫繫欲歸舡
明月挂城闕遠林生晚煙亂離難握手莫厭坐霜天

泊燕子磯

江山生戰壘風雨撼危磯一自樓舡去蕭條人事非
魚龍爭窟穴鐘鼓護陵扉欲擊中流楫吾生願已違

過黃天蕩

遠帆無近路點點似浮鷗今古黃天蕩風波盡日愁
海潮時到枕戰鼓不鳴樓南宋舊勳伐空成蘆荻洲

夜泊直州江口

月黑大江西空帆晚泊迷山川催過鳥天地動寒雞

兩逼孤燈暗潮吞兩听齊殷勤呼濁酒聊以慰羈棲

夜更未深
鷄鳴如曉

送頓修上人之維揚鬻茶

如此百年內天涯容幾人雲山新客路風雨舊江春

曾青藜詩集

卷五

十

荷柳非求悟鉏茶不為貧羨君歎笠外去住一閒身

初夏王玉公載酒招同董无休徐克家遊禹陵

并訪姜錢夫董孝欽即席限陽字

風日開初夏溪山出小航故人小隱地却在禹陵旁

老樹凌天闕靈旗帶夕陽謝君能載酒坐我水雲鄉

丙辰七月廿四病中不寐口占送吳子政返武

林并寄河清諸子

一住已三月還如初到時可知當患難不是惜分離
天地愁無極饑寒困有涯開懷常賴汝汝去更依誰

其二

汝苦難為客吾哀已似僧
初涼聞落葉不寐坐挑燈
愆積因名誤逢窮到老增傷心
無限事欲語竟何曾

其三

同有終天痛如予萬事差
兩年誰泣墓一病轉思家
日月勞鄉夢風波閱歲華
不須詹尹卜憂患是生涯

其四

武林有高士卜築在河濱
汝獨能偕隱青山護好春
生平孰結客心事托何人
莽莽乾坤內憐予止一身

曾青藜詩集

卷五

十一

其五

烽煙傳故里消息至今遲
念子來吾邑天方喪亂時
蕭條空有婦四十尚無兒
此地雖云好還應計本支

其六

久客因何事寸心祇自憐
行藏難對汝生死且由天
殘月寒孤枕微風透薄綿
明朝分手去只有淚潸然

蘇署夜坐

飄搖無定處何事坐深更
夜靜燈初落天高露漸明
空牀多鼠迹破屋有蟲聲
自覺秋衾薄誰來問友生

送凌蔚侯還廣陵兼寄同志諸子

廣陵秋色好歸及菊花殘
檣櫓一時發江天生暮寒
袁閔猶築室謂移情定
九舟次貢禹正彈冠謂蛟
門欲致殷勤

意因君作羽翰

同諸子雪夜對酒得分字

共此淒涼夜閒來細語分
紙牕生積雪燈火破重雲
朔氣空相逼寒聲竟不聞
殷勤著酒瓊安得到微醺

鄧尉山中歲除

盡室依朋友同來住此山
雖知逢歲儉却喜得人間

曾青藜詩集

卷五

十一

其二

貧家無一事日暮掩柴門
小婦憐兒女寒衣補綻痕
天吳歸短褐儼鬼散荒村
不寐念明發深懷慈母恩

其三

高閣親燈火如今歲欲除
半生銷客旅一枕過居諸
兩雪爭寒夜乾坤老敝廬
新年明日是未見舊愁踈

其四

兩年闕展墓此日更誰過
有淚瞻風木何人廢蓼莪

浮生勞裡去遺恨老來多不見庭前樹新枝發舊柯

其五

家鄉烽火甚音信到來稀昨夢山中友言予不早歸
饑寒婚嫁累兵革海天遠如此風塵際安能事奮飛

其六

同時頻作客共此各為家况復分江界誰來問海涯
老年頻藥餌吾道托蟲沙且自信天去何須愁歲華

其七

杯酒何曾下懷人在武林鐙青孤廟冷雪壓一牀陰

曹青藜詩集

卷五

五

僮僕鐵來散友朋亂後深今宵愁絕處共汝憶親心

其八

歲盡惟今夕交多只旅貧思家傷老至作客見情親
尊酒慚三推春盤薦五年年年賓鴈過獨少是歸人

答徐松之

晨起雨光細春深花氣穠何人來剝啄好友忽過從
但有青精共慚無白墮供安貧吾自適不必羨遭逢

載酒虎邱送高山落邗江

綠樹高低合知今已暮春孤舟當落日芳草送行人

尊酒無辭醉盤飧豈厭貧天涯有好友莫惜寄書頻

其二

煙火滿城隈放舟虎阜來諸天鈴鐺動高寺梵鐘開
暝色歸人少歌聲宿鳥猜此行非久別端望食楊梅

送焦韞輝歸維揚

鳥與花俱靜春隨客共歸空江寒雨合遠嶂亂雲飛
吾道悲萍梗交情重巖嶽他時重過此應問到山扉

送徐德雨入閩

落日滿林邱送君千里遊離家經越地過嶺下灘舟

曹青藜詩集

卷五

五

遠樹生江路繁花照驛樓當時作客者詞賦重應劉

贈友

獨坐老孤城何如作遠征關山容涕淚天地見平生
北鴈橫戈影西風雙羽聲期君西塞上一看夕陽明

秦州道中阻風同劉式城賦得俱字

天外苦行役雨中坐老夫不須多問世強半是窮途
寒色圍鐙火愁懷逼夢孤人琴今已去冷落有誰俱

時從通州
奔兄喪歸

立冬夜過訪汪扶晨吳榜香因畱小飲得鶯鶯

二字

木葉空階響何期節序更人從鏡後至月自屋邊生
尊酒開三雅盤飧出五晴明春來鄰尉相約聽流鶯

其二

作客真無謂浮生已漸哀菊花開似汝蓬鬢老同誰
天地應難問文章莫與稽且將今夜酒共醉亂離時

朱明僧舍次姚靖爾投贈詩

世亂飄零後何期聚友生乾坤雙鬢少風雨一樓輕
莫嘆錢刀誤誰將鏡架橫余不能寐遙夜聽雞聲

曾青藜詩集

卷五

五

其二

高閣寒鐘動愁人覺夜深平生多恨事漸愧到如今
心遠思陶菊魂歸托鄧林茫茫千載上何處見同岑

題陳北山別駕小影陳時丁艱

罔極真難報天涯共此心抱哀聞榼馬負土感鳴禽
增鏜封如故醴泉湧至今自傷烏鳥恨流涕托楓林

戊午初春同劉武城過訪張孟恭畝小飲分賦

得眠字

春氣逼庭戶春花生綺筵時當烽火日人醉夕陽天

鐘磬堂前設藤蘿壁上懸心閒境自曠且學希夷眠

姜勉中留同徐松之夜飲得西字

細雨侵庭晚深鏜壓座低香來梅樹裡人在草堂西
逆旅同棲鶴屐更待舞雞高情拚盡醉不惜路歸遲

寄祝楊初芷七十壽詩

邢水維歸棹高樓得暫栖故人來嶺北親叔子時
僑樓上夫
子重闕西江海容者舊乾坤老鼓鞀羨君能下榻執
手惜分攜

其二

曾青藜詩集

卷五

五

家世三秦裡聲名萬石間人推強項裔衣重老萊斑
有子東南箭如君大小山一門看孝友真可慰哀顏

其三

健步辭携杖負暄愛早春門閉無俗客世亂有高人
落日穿雙眼浮雲庇一身枕源雞犬隱不必話周秦

其四

端居成小隱結客見真狂坦率從吾好風波閱世長
人情惜晚景天意重斜陽我欲騎雙鯉來登君子堂

祝林天友別駕

江國推循吏闕天見逸才何人能卧閣幾日不登臺
詞賦韜羣筆風雲動九垓知君驚鳳侶垂翼因塵埃

其二

天地皆戎馬郊原半澤鴻徵符三月急杼柚一時空
官久知民力田荒賴歲功長材資碩畫小試識英雄
時署長洲篆

其三

馬乳分長夜鶯花護好春使君能結客清署不言貧

下榻惟高士謂陳靜機捐金到隱淪謂黃帥先駕駘如下

曾青藜詩集 卷五

走亦獲見情親

其四

世事干戈裡人情枳棘間君當強仕日天正屬時艱
玉馬沈冰雪銅駝委草菅雞籠朝爽在可許共躋攀

同姜奉世舟次送春

綠樹千村暗青谿一水長孤舟從此去十里即橫塘
山鵬催寒雨林鴉噪夕陽與君歸秉燭共坐惜春光

其二

但覺花飛了安知又送春百年三萬日四海一孤身

閱世憑憂患全生愛賤貧歲華流水去催盡白頭人

舟至東崦遇雨同奉世作

草色沿溪綠扁舟已到門亂雲飛斷嶺細雨失前村
雞犬迎人喜魚蝦雜市喧從來高隱者豈必盡桃源

同姜奉世寺橋看月限韻

鐘鼓銷殘夜樓臺接遠天月留何代寺碑蝕犬中年
光福寺有石幢其文刻落止禹大中年號綠樹循溪合青山壓屋偏欲持
一尊酒西崦對漁眠

江郢上招同曹秋岳侍郎及諸子集猶其堂共

曾青藜詩集

卷五

用遙勒二字

日日旗亭醉不知歸路遙英雄銷酒淺天地托詩瓢
寒燭銀光散香羹錦帶飄知君能好客痛飲盡今宵

其二

北海樽常滿南皮事不羈風檐吹細雨酒陣破重雲
失路守知已消愁是異聞天涯歸夢斷賴此慰殷勤

舟泊皂林同丁最菴對酒分賦共用燈花二字

風起孤雲黑高寒似欲冰田荒生獵火溪小出漁罾
野樹看今古河橋感廢興時修皂林橋梁維舟夜寂寥共坐

對深鏡

其二

漸覺并州遠來看道路賒西風寒擊柝孤戍夜鳴笳
酒薄縈鄉思愁深怯歲華殘年歸不得無計頌椒花

舟過石門同徐集菴丁勗菴各賦晚照二首限

一東韻

客路當寒日孤帆欲挂風何人發深思不在夕陽中
遠樹涵空碧殘蘆掠淺紅石門今夜泊好夢與誰同

其二

曾青藜詩集

卷五

七

江水青於染波隨返照紅樓臺寒樹裡城闕暮煙中
老愧依人拙謀知作客窮茫茫天地濶何處送飛鴻

壽陸其清尊堂七袞

小隱開芳徑采芝養老親自為南地客知有北堂人
剪髮聞陶母遷居卜孟隣春風拂庭檻坐見綠衣新

其二

喜逢懸悅日開燕及天中滿院芳陰轉播花愛晚紅
麒麟堪作脯鸞鶴會乘風見擲麻姑米饑來乞早餐

送人歸新安省覲和程山尊韻

溪山容獨卧天地幾人歸念汝今黃海憐余客翠微
山名 幸都 親年知易老世事日全非為報庭前客殷勤愛
落暉

集程山尊寓齋得高字

不厭身為客平生愛濁醪寒風初上燭與汝共持螯
世事憐雙鬢交游見二毛醉來霜徑滑門外碧天高

過露筋廟

數株楊柳下遙見露筋祠今古皆長夜安危獨此時
高天橫翠羽寒水照蛾眉廟食已千載能無故國思

曾青藜詩集

卷五

七

壬戌開正六日顧迂客招飲分得九佳

辛盤開好日花氣逼重階但得酒常滿不知天一涯
談深看贈塵醉後見遺釵自到春風夜何曾散旅懷

三月晦夕宋稗菴偶集寓樓送春即席口占得

寒字時立夏後一日

春來原不易春去未曾難昨日無人問高樓落暮寒
自知逢世拙與汝坐更闌遙憶歸時路前村綠影攢

其二

既無兼味美復畏一杯乾城闕夜來靜軒牕星欲殘

依人勞夢寐得友感饑寒今日知何日應教花事闌

又和穉恭分韻

羈旅如孤鳥因風托遠林不因今夜酒難見舊時心

丁巳彼此往返俱不值靜坐觀羣息幽棲辨衆音吾儕神自合

何用苦招尋

其二

春歸已兩日猶作送春心何處憐芳草憑誰返舊林

雞聲迷曉夜時木夜半海氣識晴陰莫笑烹魚慣因

之好音

曹青藜詩集 卷五

初冬同郭舉旭姜奉世蔡璣先登雨花臺赴旗

亭小飲得來字

一上雨花臺愁懷不肯開江山戰畱伐鐘鼓雜莓苔

天闕凌風去旗亭載酒來不須談往事落日且銜杯

又得傳字

挈伴來游眺登高一憫然草埋鍾阜碣日散石城煙

鴈影霧中落鐘聲天外傳傷懷誰痛飲不管接離偏

江上

水氣寒如霧山光隱若雲孤舟天際去千里夢中分

風定江流穩村空葉落聞吾生行役倦安得似鷗羣

金陵兵阻紆道上清河同姜奉世買舟返吳門

夜泊急水溝

去住原無定孤舟信所安江催帆影疾風送夕陽殘

雞犬林中出家山夢裡看開懷聊共汝莫負此艱難

其二

曲折謀歸路年年作客難村猶鳴畫角天不愛漁竿

世事無終極吾生不得安兵戈何日已但覺夜漫漫

天寧洲

曹青藜詩集 卷五

茫茫天塹濶到此始言愁但見雲生處不知水盡頭

青天橫塞鴈白日舞陽侯追憶廿年事徒深宗國憂

贈別徐藝初

落照生江水門前繫遠航桐高通德里柳護讀書堂

意氣先風雨文章逼漢唐始知松柏操自不畏繁霜

其二

八載吳門客何曾一破顏心知慚老醜夢只戀家山

衣食凌人慣風霜羨鳥還他年霄漢上肯念草堂閒

殘雪

何處飄殘雪小廳似有聲病深人不到歲晏客頻驚
衣食向誰托賤貧還自輕愁心問孤影爾恨幾時平

癸亥元日

天地常陰晦難將物理推六身看歲紀三戶起人思
煙火千家動風雲萬里吹明年新甲子可是上元期

鐙夕書懷寄妾

偃蹇入春城春風日漸增良辰經眼過老病畏人憎
市近喧童子家貧少友朋門前簫鼓動知是夜催鐙

其二

曾青藜詩集

卷五

廿

五年如此夕只是歎驅馳但見鐙初轉不知月尚遲

錦柵垂絡索綠樹出琉璃癸丑上元夜正當歸汝時

癸丑正今夕約妾

泊長水數日周青士頻過不值作此却寄

日日江頭住頻過不見君風花迎細雨煙火破重雲

梅里家居少桐谿客路分同為衣食累我病更紛紛

病中送徐適若謁還京師

一上京畿道非如故里時山川塵土夢鄉國水雲思

世路多歎仄人情半險巖此行良不易勿使笑男兒

其二

戮力功名會應知在少年官因民社重清以德門傳
樂餘公書清快二字始後人喜怒無從已交游且擇賢臨歧情纏
縈慎着祖生鞭

其三

不必言離別傷懷已至今君當家破後予正病愁深
多難全身世長貧亂客心顧瞻南北路一日一沈吟
時予將還故里

林天友招飲已用松之韻答之復限來韻各成

曾青藜詩集

卷五

廿

二律

折簡招予飲消愁畏獨知不因多病入敢向故人辭
雨洗沿階草風摧上屋枝文章知汝好醉後尚臨池

其二

交道棄如土君心知不知青山那可買白髮安能辭

酒愛消千日巢慚托一枝接羅吾倒慣應憶習家池

清明日姜奉世招同梁樂亭蘇臨白汪學先令

弟學在虎邱小集分得四支十蒸

春雨日未歇鶯花漸過時老應驚節換心惜放舡遲

宿霧吞林岫輕煙上柳絲浮杯清湖畔不畏晚雨吹

其二

勝地逢佳節何妨著屐登家同上下子與奉世俱浮家野尉

人盡東南朋野菜青方甲春醅綠似澆雨深歸路遠

鐘起上方鐘

方艾質少恭崇祀名宦詩

閩粵猶烽火湖山到使君人方歌有袴天竟奪修文

鼓角春初動機槍夜已分平生多樹立此日見功勳

其二

曾青藜詩集

卷五

其

三載冰霜操千秋俎豆香斯人不可見吾意安能忘

清以懸魚著名因避烏彰春風高百尺想見舊羹墻

張省菴輓詩

楚豫烽煙起山川戰馬嘶荒城吹鼓角高屋徧蒿藜

地曠無官稅政閒有鳥啼人家當亂後町疇樂春犁

其二

孰子歌方急京華客久淹心傷蒼水使魂斷鼎湖髯

畏聖人猶祝峴山淚尚霑至今殘照裡猶見禹峰尖

徐棗菴從嶺南歸顧迂客招集依園次韻分賦

自是關情重非因見面親眼看知己少老覺故交真

湖海天涯客闕山夢裡人依園對尊酒敢惜往來頻

依園座上送朱雪鴻遊嶺南次繆念齋太史韻

依園今夕聚最喜是同岑寒月催人醉明鏡照客心

相思年復暮一別感何深遙憶長江上風霜老易侵

其二

天地皆羈旅誰為失路人友朋常念舊山水每懷新

五嶺煙霞客雙江喪亂身思歸非一日有夢不如真

題丁昂菴秋江獨釣圖

曾青藜詩集

卷五

其

縱有垂綸手扁舟下釣難普天皆巨浸何處是安瀾

楓葉青成浦蘆花白作灘不須貪得餌適意即為歡

長至後二日朱悔人招同諸子話別時值誕辰

次韻次之

普天皆雪窖何處置吾身車馬勞勞去漢山日日新

將茲歲為壽送汝心所親計及長安路千門報曉春

寄懷石濂師并次元韻

識得牛車義心旌自不同五年惟舊雨三徑想高風

鴈跼遙天裡鷓鳴落木中何時來拄杖共坐草堂東

其二

天涯無樂土嶺外少歸人
詩酒因貧得家山只夢真
心知年漸老日畏事長新
倘藉完婚嫁隨師謁後塵

甲子人日

但覺改年歲不知聞見新
山川驚窟鼠日月讓閒人
綵勝留空壁晴魚入早春
老來無一事只有病隨身

春城

但見舊飛花丹樓望似霞
關河春漸老城闕日初斜
溪水環干堞人煙散萬家
可憐佳麗處處亂啼鴉

曾青藜詩集

卷五

三

四月十一日欲挈舟往河渚補祝施贊伯六十

因水涸不能通作此

林花環曲港溪水抱狄村
自有隱君住不知人世喧
桑田催夜織麥隴愛朝暾
讀罷憑高枕臨風獨閉門

其二

無計通舟楫何由見紫芝
途窮愁路遠病久覺年衰
世道輕貧賤天心重舊耆
別來經五載但有夢相隨
依園雨集同杜于皇錢飲光姜勉中學在俞屏

月黃憲尹史蒼山諸子同用高字

細雨過林泉籃輿不憚勞
山川存故舊天地托吾曹

塔向牕中出樓從樹外高
主人能好客觴政似牛毛

賦得楊柳月中疎

千絲吹不斷只是挂藤蘿
暮色暗中見清光隱處多

樓臺寒玉宇簾箔織金梭
為憶蠻腰細臨風可奈何

集唐題馬蕃侯小影

孟浩然李端王烈杜甫
韋應物王勃方干盧象

理琴開寶篋飲酒得陶公
榮寵無心易衣冠與世同

池荷初貼水山葉自吟風
莫嘆于時晚經書滿腹中

贈張諧石

曾青藜詩集

卷五

六

雨勢逼庭階秋風散好懷
伊人在水際一似隔天涯

客久思猶楚交深酒似淮
如何咫尺內不許叩高齋

秋日同蔣前氏集吳劍宜齋頭小飲得吾字

三十年前客猶然是故吾
交因亂後少貧到世間無
雨勢全消暑秋聲已落梧
銜杯須盡醉此意有誰俱

渡淮

不須回首望吳地亦鄉關
過浦空聞水到淮不見山
遙看天欲盡但覺鳥飛還
漠漠無終古何人得暫閒

將入黃河

時泊板閘

不見黃河水安知此怒濤紅雲生巖窟綠樹聽蚋螿
天地幾微在山川氣象高臨關當夜泊驚起令如毛

清江浦關口

十年前過此安穩上淮關今日孤舟裡波濤竟似山
于文盡耶許百丈費躋攀自嘆勞勞者吾生不得閒

天妃閣

急水如強弩翻波似沸羹魚龍天外聞雷雨石中鳴
到此憑今古何人辨濁清停杯問河伯汝亦太無情

水失故道舟不得泊遂阻拜金龍王廟

曾青藜詩集

卷五

元

河水竟西流行人不得休至今當八月尚未似初秋
神鼓停村墅靈旗出殿樓平生心事在瞻望涕難收

入黃河

地自分南北天終愛陸沈乾坤留一綫日月變重陰
白髮悲年換青雲入夢深千秋祠廟在何以報初心

清河縣

時因黃水亂淮派夫開淮河遺流入
濮陽湖至安東下海父老咸稱不利

歲歲築黃河河深可奈何非關使者急自是亂流多
邑小民生困時艱法令苛又聞新牒下蕞水入湖波

積柳

沿岸積多柳行人指築堤百金供一帚十里下千犁
高雷轟雷鼓奔濤走駛颼天心苟如此似欲禍蒸黎

阻風

出口已三日曾無半日程雖因河水息却為石尤生
衣食從人乞風波向客驚自知慚跛驚到老一無成

與侄儼偶論天下事當以用人為急作此揚之

今古無長策全憑用偉人文章可經國豪傑豈謀身
笛已歸西夏桂終報亂秦世間英俊士多半在風塵

次桃源縣

曾青藜詩集

卷五

三

邑以桃源著桃源不種花重雲生殿閣細雨失人家
鼙鼓何年息薪舟盡日遐但聞饒竹石不見有桑麻

憎秋蠅

吾心常愛靜惡汝但趨炎逐逐因何事營營太不廉
寧知為食累早已見身穢微物尚如此人生應自占

其二

商氣乘時發秋蠅勢尚驕達人供一噉得食輒相招
羽翮天為助戈矛日未銷涼颼今夜起驅汝出吳船

水急舟不得

秋氣散空埃河聲動若雷亂帆天際下高鳥霧中來
地盡水雲合岸低風草迴孤舟如有待一步一遲回

舟行

河水勢連天舟行不肯前雲飄銀練出秋斷玉虹懸
貧賤凜侵侮饑寒畏受憐東風如我意明日早開舡

曉發

風勢騰空上重雲欲下難披衣脚一望秋水正闌干
霖霖侵牕冷滂朝飲客寒晨起霧久乃開日驚濤猶
在耳何日報平安

曾青藜詩集

卷五

即事

道路非容易况於濁水源行無三四里住有十餘番
去聲迴漕乘流泊齋袍挾衆喧時清艘龍舟吾生甘蹭蹬
豈敢怨章惇

落日

日落水光白風低天影黃夕涼衣覺冷似有夜來霜
高鳥隨雲下游魚躑浪忙美人在何處回首望扶桑

新月

秋色宜寒水清光似早春安知如此月不照舊時人

繞樹悲鳥鵲浮槎訪鳳麟深宵長坐慣莫笑客中貧

次宿遷縣

雲低日欲暝到岸最宜風城郭輕烟裡人家亂水中
鼓向神霄出旗懸國課雄停舡暫借問肯念客途窮

騎驢

捨舟前路去到老復騎驢貧賤無長策安危任所如
風吹塵撲面日晒汗流裾過盡垂楊道汝饑可耐予

徐州道上

長天無過鳥短柳漫藏鴉屋後農歌起門前落日斜

曾青藜詩集

卷五

五

新畬多種豆平地半栽花處處秋成熟膏粱載滿車

投宿

月光積昏曠不肯照征衣拊髀嗟吾老論心與願違
騎驢行客倦驅犢牧人歸投宿知何處前村燈火微

曉起重霧

曉起重陰積征夫不憚勞青山看一點綠樹見纖毫
人語尋煙入雞聲出屋高沾濡如霖深濕盡舊征袍

次徐州

策蹇上層岡河流割大荒過堤僅方寸急築爭微茫

水勢高於屋濤聲沸若湯行行煙火出猶未見城墻
庚戌夏六弟炤經此入都投宿旅店無病而卒

作此追哭焚紙錢以招之

汝死及庚戌正當顏子年三十二年如何涉遠道遠爾
拚重泉身世俱空幻才華竟棄捐浮生如此過吾欲
問蒼天

其二

壽夭雖有命汝死信難明旅食未曾減沈疴何處生
無言及妻子有夢返柴荆未開計之先家負郭田園
曾青藜詩集 卷五
在胡為亦遠行

其三

吾家兄弟內汝獨最多才門戶將誰託琴書久不開
老年甍後起世德賴羣推欲見知何地可能夢裡來

其四

鐙火熒熒暗開牕客影孤今宵茅店月曾照旅魂虛
始於是夜尚天地成芻狗關山聽鷓鴣此生知漸老
開牕看月
哭汝更憐吾

八月十五夜高山口舟次

雨後最宜月凄然分外寒如何今夜裡不似舊時看
村酒沽難得園蔬摘已殘他鄉貧至此應笑腐儒餐

附舟者多雜迷架鷲作此自慰

吾道同浮梗人情似薄雲龍蛇常作客鳥獸共為羣
歌反防舟漏嘆驚畏耳聞所遭無一可安得不紛紜

十七夜捨舟宿徐氏莊

停舟且就宿深夜動征魂雲散天低戶風稀月落村
人從茅屋出犬吠竹籬喧延客開門入頻將濁酒溫

自徐州追舡夏鎮五易舟車乃得達

曾青藜詩集

卷五

五

舟車已五易百里困征途道路愁難了生涯喘不蘇
暝煙停驛騎落日下橋烏借問荷鋤者前船曾到無

仲家淺不得展拜仲廟

屹屹碑樓峙我我廟貌尊西風吹急雨何以薦蘋蘩
君父豈殊致死生安足論至今甍吊者遺恨在乾坤

次濟寧州

細雨濛濛濕空濤泯泯生人家連樹暗樓閣與雲平
暮鼓初停柁寒砧不斷聲行來煙火近已泊濟寧城

任城贈任切菴太守

二十年前客翻從見面新相逢都覺老未話已傷神

歲月勞心吏闕山失路人知君能念舊風雨對情親

其二

為有逋臣淚飄零自不堪兄常家塞北我獨客江南

生死情都隔雲泥分所甘且將蓬萊意珍重報何欺

其三

竟日淹留坐停且論詩為余開舊釀把卷滌新磁俯

仰無今古文章有盛衰任侯多妙句往往發深思

其四

曾青藜詩集

卷五

五

舊日任城令傳驕起酒樓如何千載後空見水悠悠

身世悲林燕乾坤托海鷗眼看天下士誰似使君優

其五

憔悴民生日艱危任一官不知行路苦安信治河難

疲馬愁空驛

切巷治勝著
有驛站紀事孤舟怨急滿時添設三
附未果殷

勤讀新述竟作古人看

其六

治水分高下殺流界町畦自從溝洫亂日破截河隄

論極推周用功應嘆白圭談深晨酒罷正苦路歸迷

其七

未自闕西至戒厨作午炊但看香沃椀已覺滑流匙

花發黃金縷人歌白玉詞沾唇喜不厭各起故鄉思

其八

暫作天涯聚逢人祇自憐幸承蘭譜好敢說竹林賢

時因任
嚴過此細雨分秋色殘荷落暮筵歸舟良不易期我

在春天切巷約
我再過

掛劍臺

孤帆循斷岸芳草自縈迴不見徐君墓空傳掛劍臺

曾青藜詩集

卷五

六

金銀移宇宙信義重風雷文道棄如土斯人安在哉

過南旺湖

一水分南北真成造化工疏泉從汶上匯濟下淮東

雙廟日巢雀

廟中冷
落不堪孤帆天落鴻可知經國術半在

布衣中

宋尚書用白瑛策
始開汶上諸泉

過梁山

舊襟今何在梁山插暮雲從來豪傑士肯蹈虎狼羣

衆志成堅壁殊恩奪重軍衣冠皆盜賊那得更如君

過聊城縣追悼魏伯子

射矢原非策高君不慕名當時吾友去亦似魯連情
伯子因撫韓 事豈分成敗人胡異死生西風楊柳岸
大任遇害 吹起斷腸聲

東昌遣僕往濟南候紀光韓太守

青天低斷岸白露濕輕衫念舊傷多故開總理一棧
人煙生遠堞曉日上征帆遺汝臨淄去殷勤待報函

臨清關即事

三日臨清住關當虎豹區奸胥爭尺寸
紬布每尺皆有稅 征

稅到錙銖旅食有時缺愁懷何日無嗟君讀書者曾

曾青藜詩集

卷五

五

不辨賢愚

其二

國課先秋足如何報未完計人須計稅
人賦亦納稅 防客

不妨奸課銀每兩漕限期應迨漕租科官程路正難
便民船亦照丁納稅 且將新例了遑恤汝饑寒

其三

權使頻年換課程漸日增狼貪兇翼虎蠶食聚飛蠅
群議喧呶起長年詬誶興公然營一飽不復畏人憎

曉發御河

急棹催寒鼓乘風發御河輕霜秋後少遠夢曉來多
碧樹空隨影黃流漸欲波離家逾一月道路日消磨

武城縣

地屬平原郡當年魯未降青天低古堞白日下晴牕
山色微茫盡自出御河久不達山河聲淙滴撞始知絃誦處恐
未是齊邦

夾馬營

沙飛雲燧隄岸遠水洄瀾昔日宋天子曾於此地生
擁袍征北驛立馬國西營萬里皆休甲騎驢見太平

曾青藜詩集

卷五

五

東光縣漢公孫瓚破黃巾三十萬衆於此

昔日神京地狂氛報日頻村村傳烽火處處起邊塵
偏迫勞明主艱危任老臣漢時當末造曾此破黃巾

曉發阻風興濟縣

秋色起晴嵐天光散蔚藍吾心方在北風意欲歸南
縣自何年廢人今作客諳可憐惟歲月印壑幾曾耽

其二

泊舟逢渡口趨集過莊西煙樹參差出人家遠近齊
魚龍吹白浪雞犬亂青畦喜值秋成稔鄉闕少鼓鼙

九月初二夜靜海縣看新月

西郊新月出凄苦照寒衾為有此溪水空傷行客心
天高聞去鴈樹靜識棲禽日盡故鄉路誰家清夜砧

靜海縣見牛車登陸抵長安

兩月長安道仍然在畏途路偏人跡少日落鴈聲孤
身世蓬同葉乾坤一轉轡行年知老大尚自任馳驅

曉發過楊柳青

天低茅屋近露滴草珠零未入桃花口先過楊柳青
何人坐彈狹有客曉看星曉看星如明月自有關山道何時

曾青藜詩集 卷五

元

得暫停

聞鴈

旅鴈賓年至歸時正及秋多因禾黍淚曾為稻梁謀
故國人何在他鄉夢亦愁予情應似汝羨汝更無求

獵馬

秋天衰草白獵騎列重圍不見射鵬落空來擒兔歸
層雲生片羽落日帶寒暉嗟汝多亡命胡為北殺機

早發

夜長不知曉起視天朦朧語僕延燈火為余駕短蓬

牛車上荒難開世界乾鵲亂晨風遙指陵園近生涯
涕淚中

物牛負軛者甚憫之

天涯資爾力念爾獨為羣鞭撻時加背芻艾日幾文
感恩殊未厚報德亦云勤滴盡眼中淚主人聞不聞

其二

艱難今已極努力度秋賸白石歌何暮青雲老未勝
臨危防苟免荷祿愧無能念彼勞勞者何曾負景升

夜宿旅店聽客談海子事甚悉

曾青藜詩集 卷五

甲

路經南海子百里築圍城壁壘銷天地川原化甲兵
何魚堪受釣有獸不知名相傳內有獸名四不相聽客談終夜

令人百感生

將抵長安

已料京華路此生不復來難逃魑魅影怕聽角笳哀
紫貝空瞻闕黃金未築臺祇因兒女累懷抱幾時開

抵京就贛州會館竟日不得停轄

竟日就館舍如何榻尚懸低徊當日事此館先父兄頗費拮据

慚愧後人賢饑渴勞同里冠簪畏少年自嗟貧與賤

藉草暮雲天

次日就斗室僅可容膝而居周遭上下書冊狼

藉有力者皆置不問傷哉貧賤也

鄉黨推年齒文章重典型深慚陶令宅竟隔謝瞻庭
富貴非吾願升沈獨我經伊唔應月好豈敢怨飄零

長至前三日王小坡邵子湘長安大集即送邵

樾公歸武林

南國才華盛西京氣象雄繡韉看簇騎玉樹坐臨風

燕館聞名久梁園作賦工顧瞻天下士已覺馬羣空

曾青藜詩集 卷五

其二

觴列烏程酒盤登繪鯽名流傳北苑公子重南皮

歌起黃金縷人占白玉枝過江推正始頭白太平時

其三

久知詩律細觸目見琳瑯自是東南箭誰容上下床

名高通德里春照讀書堂暫爾還家去雲山已鬱蒼

其四

正是葭飛候何當惜別筵浮家煙樹曲過嶺早梅天

時予有南海役君住猶庭戶我歸尚歲年因風寄鴻鴈夢到

夕陽邊 予家吳十四年

出都次蘆溝橋

謝却長安路天心不易回銅人雖未去石馬可能來
宮闕餘寒照山川盡劫灰吾生太平日幾見此蒿萊

長生店早發

去住渾無定歸生但可傷雞聲迎曉月馬首戀寒霜
氣覺依人短貧知作客長征途從此始計日抵南昌

白溝河

明朝今古路何處是神州落日沈沙浦殘煙上驛樓

曾青藜詩集 卷五

乾坤塵土夢鄉國歲時憂為有興亡淚傷心渡白溝

李若水到此殉節

趙北口

點點落輕鳧風光似具區隄高容駐馬橋反暗通湖
草樹成籬落煙波對畫圖遙看冰雪裡但見有征夫

次德州

踈樹梳檣出霜天過德州遙憐秋八月曾此泊孤舟
曉日高城動寒煙古廟浮勞勞行色裡夢繞大刀頭

宿荏平縣

疎林餘落照點點似孤村城郭如空戶人家半掩門
室無方畝廣閣僅數椽存寒極知肌粟頻將濁酒溫

曉發

不畏朔風勁其如車馬勞老方疲道路寒更戀舊袍
意氣輸談劍英雄愧捉刀自傷生計拙五岳起波濤

界河驛

好日逢初臘郊原散作霞橋低平壓水風急亂飛沙
見嶂連千嶂那勝合萬家行行知驛近但見酒甯斜

再次徐州

曾青藜詩集

卷五

四

一年重過此總是為餓驅朔氣初侵骨寒冰欲上鬚
到河頻易渡越嶺似披圖舊路隨堤轉無勞問僕夫

從韓莊三波
河方至徐州

夜過宿州

月色寒逾白溪光夜更明河橋疑路斷郭郭少人行
異地憐家室長途賴友生前村燈火出知過宿州城

張橋題壁

久無江海志老大為身謀覓食同雞鶩呼名任馬牛
天心存趙壁世事看吳鉤莫笑依人慣生來少虎頭

過廬州不得展拜龔端毅公墓愴然有作

古刹停征騎於今廿載餘繁華猶在夢風景不如初
遠嶺空煙合荒城落日疎故人在何處旅望正愁余

其二

歲月成生死關山悵賤貧深慚磨鏡客空作扣扉人
邱隴霑新涕郊原發早春親知零落盡天末一孤身

舒城道中

天氣融和候溪山放早春林疎時見鳥風冷却宜人
車馬闕河急田園草木新晴光如有意似念旅遊貧

曾青藜詩集

卷五

四

夜宿舒城忽傳梁藥亭自嶺南至遠訊不果書

此却寄

忽報南來客驚傳足藥亭相將勞問訊不覺下階庭
度嶺真無意征途可必經題詩寄鴻鴈辛苦說君聽

進山

將次
小關

似欲絕人境偏勞行客心清泉通澗曲古木閉山深
寺有梵鐘響林多谿壑音何年婚嫁畢歸老舊園林

過白沙磧

嶺皆松
不成林

驅車上危嶺紆折見煙蘿夾道松陰合千峰鳥路多

人行深樹曲犬吠隔林坡漸覺家鄉近何須問斧柯

出門謝次呂亭嶠有懷錢飲光諸子

百里無多路入山復出山晴川寒日外高畝亂流間
望遠人將近思歸客未還明朝城外過有夢見君顏

曉發潛山

一月未安枕此身如散萍單車堆曉夢遠樹帶寒星
火氣蒸雲白山光擁髻青瞳瞳朝旭上不見暫時停

渡江

不知行路盡但見大江開遠嶂層雲合孤城細雨來

曾青藜詩集

卷五

呈

言歸須我友欲濟賴羣材萬里懷宗懋安能一溯洄

雨過廬山下

驅車微雨過路滑且從容泉響鳴空澗雲深失遠峰
不知何代石猶有六朝松曾記舊遊處吾生難再逢

阻雨德安縣

終日困羈旅安知天地寬亂雲低壓屋急雨遠鳴灘
車馬愁途滑兒童報歲闌如何鄉國近偏覺路行難

雪夜聞鴈

久知離別苦憐爾及秋歸何意當風雪甘心旅夜飛

不愁江海濶應戀稻梁肥念我勞勞客家山托翠微

途次冰凍和素稽亭韻

村煙明滅裡峰色有無中冰凍草積合雪埋山路窮
雙江家不遠兩地夢難通慚愧登樓客何曾作賦工

南昌除夕

細雨催寒臘明鐙報曉春故鄉今夜酒猶是未歸人
音問經年斷松楸入夢頻老妻應念我尚帶翠華塵

其二

吳會淹留久淒涼盡此情猶同小兒女守歲到深更

曾青藜詩集

卷五

呈

紫鳳隨朱劍彩鸞墮髻輕十年貧共汝風雨夢中生

三曲灘月夜

獨向江樓坐淒涼夜正清高樓搖樹影明月下灘聲
柝破風前夢杯深客裡情家山雖在望何日是歸程

進十八灘

不見波濤起惟聽滄音勞溜驚水從山後出舟向石中行
急峽蛟龍闕空村虎豹生故鄉如夢裡敢枕過灘聲

雙園和韻

旌節初臨日東南息戰塵亭臺陳迹在風雨異時新

地扼雙江險天開五嶺春公餘多勝事政闕見平津

其二

架上琴書靜聞中日月長園林推郭杜花竹建黃唐
綠樹當牕直紅蕖出水香笙歌嘹唳徧知有鳥聲藏

其三

劇地成幽築高樓得自怡天隨春草動雲愛夕陽遲
閱世清尊酒忘情托奕棋坐來清晝永淪茗滌新蕘

其四

靜似維摩室幽如十九泉心閒庭自曠人遠地能偏

曹青藜詩集

卷五

四

詩思非因絳琴聲不在絃迴風花亂落石髮鬪榆錢

其五

且因名士酒漫試故人茶時饋使君林
確齋製茶千里言歸客

何曾一到家感恩悲社櫟觸熱沒鉛華烏雀檐前噪

應知散晚衙

其六

交道從今薄人情到處難如君九州被隨地得林巒

畏壘經時見滄洲信獨看邱園無復念敢借一枝安

次霄都縣經同楊相國屯兵處

四十年前事都成一夢中亂煙迷故壘細雨飲殘虹
鼠竄高樓及馬嘶古廟風至今餘戰血猶染夕波紅

將抵里過十八灘

不料逐山路正當六月時日光生烈火鳥影戢高枝
人自空村出舟從亂石移喜心翻倒極舊有杜陵詩

題畫

茅屋層層出其中構小亭亂雲生暗壁空翠閉寒局
樹自牕間得泉從石上聽披襟聊一豁坐對遠山青

端江喜過查德尹兼悼令兄韜荒

曹青藜詩集

卷五

四

一別經三載孤舟不暫停鬚眉浮世白風雨隔江青
宿草傷亡友班荆坐小舫人琴今夜夢對汝淚交零

丙寅夏閏同賦介子吳西李方遐祉李禹公同

集真際師晉菴小憩得鳴字

一到深山裡泐然萬慮平小橋流水下不覺寺鐘生
闌茗烹泉細看花聽鳥鳴老僧閒話久棋子落松聲

題畫送馬克起入都

鷓夢三千里猿聲十二時江花迷去路游子發深思
作宦番秦案行歌託楚詞如何鍾鼎願忽聽北山移

贈廣東王孝揚將軍

海國風雲壯蠻天雨露長止戈番翰墨濟世見津梁

日月蕩空碧山川盤鬱蒼披襟忘夏暑揮塵坐巨擘

其二

開府三吳日將軍正妙年遙瞻小橫影近接大羅天

風起秋搏鷲沙平夜踏喬鯨鯢今已靖何用下樓舡

其三

二十年前事真成汗漫遊藩王無揖客裨將半封侯

麟趾充高棟駝峯出異儲英雄誰敵手端是屬孫劉

曾青藜詩集

卷五

見

其四

斬作依人計老知萬事空詩書牆壁上生死病貧中

世事看蕉鹿人情嘆夏蟲無筭與酒可效李元忠

珠江喜晤張桐君

各不通名姓相逢知是誰記君定交日亦客嶺南時

積髮勞貧賤乾坤畏別離今朝重握手且誦楚臣詞

其二

不能清黑白自可辨雌雄老畏人情險交憐世道窮

潮聲隨上下天意任西東愧我浮生拙輸君作賦工

夏日從惠潮返里朱式金載酒至河干招同諸

子儵儼坐月得常字

海水吞高岸城陰挂夕陽維舟待明月有客正傳觴

倚檻知天遠看山念路長他日懷舊雨此會正尋常

夜泊石灘水口

月小涼於水宵深氣似秋村無鷺夢犬浦有聚沙鷗

雲樹參差出天峯黯淡浮孤舟誰擊柝知在石灘頭

贈侯府馬乾菴總戎次閩部吳涵清韻

天紀當凋察安流屬望君猶倪教縹甲烏隼曳紅雲

曾青藜詩集

卷五

辛

坐擁蓮花幕章懸柳葉文會看鯨穴靖一似入鴉羣

其二

白骨膏中野全城賴有君銅鑼吹夜月錢騎起寒雲

論世多遺澤銘功久勒文至今三十載忠孝自超羣

泉州初破賴
公保全者多

其三

就裡覓荆凡聞來對墨君聽浮東嶺日簾挂北山雲

金山正背
是廳事
久入蛟龍夢深聲蚪蚪文公餘學問不獨

為驚羣

其四

侯門容接客旅館喜逢君廣樂來魚鳥華燈走雨雲
是夜見招鳴鐘傳鄭驛彈缺咲田文何必干旌下方
風而大作知禮絕羣

林可符招同陳園公梁擊士法藏菴謙集

野色秋逾白山光望倍青每逢風日好最喜出郊坵
促坐陳三雅傾盤列五鯖慚非何次道家釀有餘馨

重陽舟次

不知何處泊但覺路悠悠風定帆猶轉沙平水似流

曾青藜詩集

卷五

五

人家依淺渚村樹出高樓今夜對明月白衣人到不

歲除前一日泊南康縣

離鼓暮無音寒城隔夜深孤舟吹細雨何處不傷心
草木春多淚關山歲易陰自知愁未了安用短長吟

橫江舟次同諸子尚任度歲

終歲勞行旅何知是歲除人生如轉燭世事一空虛
物役甘辛苦心傷愛子虛且饒耳目靜道路即安居

其二

惠逆從凶吉賢愚卜盛衰自知生有命誰謂我無兒

野菜抽新穎江梅發舊枝吾心非草木安得不傷悲

其三

江海如庭戶勞生只自嗟孤燈吾共汝一棹客為家
村冷無年鼓樓高有暮笳今宵惟痛飲誰過頌椒花

其四

百年曾有幾最畏是今宵老但逐年改愁從何日銷
圍爐寒似淺守歲夜方遙欲乞桃符版驅于此鬱懣

泊小溪口

道路何遷次一年兩度過江湖人去少風雨夜來多

曾青藜詩集

卷五

五

鐙影寒生翳溪聲勢欲波家山雖有夢不寢更如何

丁卯元日舟次書所見

元日結重陰高寒雪欲臨風從前夜猛路自隔年深
亂石蹲孤犬清波狎小禽身閒誰似汝輒起買山心

六松堂詩集卷六

七言律

江眺

一水盈盈眼似懸
游魚洲上有寒煙
黃梅新雨流沙岸
翠柳晚風繫野船
千里雲飛藏遠嶺
半江塔影亂遙天
征鴻二月無歸信
欲泛扁舟逐浪旋

其二

曾青藜詩集

卷六


江樓目斷樹婆娑
遠影孤舟掉晚河
猶記迴文傳錦字
難將尺素托流波
巫山朝暮隨風盡
洛水往來遺恨多
久倚闌干渾不語
東山閣上望青城

其三

一江流水去何年
楊柳東風絮牽對
面依稀新草木
相思縹緲舊山川
迎風脉脉來難燕
帶雨離離咽杜鵑
江上數峯何所極
曲終人杳在南虔

其四

雲山入夜水漫漫
一曲江城煙霧殘
翠竹半簾篩影



亂黃梅四月雨聲寒
樓前燕子歸檐角
水上輕鷗激晚灘
渺渺長江天外去
東風長挂盡頭竿

夜月

燈火熒熒動昔愁
鴛鴦何日到虔州
池蛙欲動生幽壁
梁燕無聲空玉樓
數片閒花吹紫徑
半輪明月上銀鈎
相思遙夜重門閉
夢向蘇臺憶鳳洲

夏日遣懷

小院遲遲夏日長
柳陰欲動轉池塘
午雞催夢空殘榻
林鳥啼春上畫堂
抱影相看頻語鏡
懷人無計但

曾青藜詩集

卷六

窺牆淇園終日書
聲靜深掩重門憶
靚粧

晚雨

晚雨離離隔遠村
菱荷池上欲黃昏
竹垂欄檻凝珠淚
鳥跡階除印蘚痕
滿院無人花自亂
半江遶水暮雲吞
勞勞空向煙中望
柳影橫斜映華門

寄懷

獨坐高樓人未回
星光遙映晚煙開
翠飛芳草三千路
紅啣春風十二釵
明月空隨流水去
白雲偏逐暮鴻來
名園當自迷蜂蝶
可許行人望眼撐

春望

花落東風春水平
煙光渺渺遠山青
新雲一片飛輕雪
灌木千章隔晚晴
無意空懷芳草路
有情難寄杏花汀
看來未忍將花折
穩護韶顏到錦城

懷內

春瑣庭陰春夢濃
開牕斜倚小桃紅
新梅欲落渾如彈
弱柳初垂舞似弓
鴨吐寒香侵病骨
鸞分玉鏡對朝容
多情惟有梁間燕
楚水吳山路亦通

離別

曾青菴詩集

卷六

三

春光似與別離輕
執手無言春莫憑
此去畏吟風動竹
相思猶憶雨淋鈴
鈎簾穿透來新燕
牕紙輕彈折舊蠅
遠樹乍低還乍起
遙知明日客愁生

其二

章臺花色笑盈盈
欲到天涯客鬢星
今日猶逢芳草綠
他年幾見柳梢青
鏡憐瘦影春波照
樹攬離思行李并
坐久忘言風色定
崆峒山下午煙清

晚粧贈別

兩頰盈盈一點紅
別離無奈晚粧慵
風吹檻外搖春

色花傍簾前壓鬢鬆
淡掃春山生遠黛
拂開秋水改新容
少年浪跡風塵遠
為語多情到夢中

旅懷

客路迢迢望遠征
東風一刻掩柴門
晚煙縹緲會重嶺
孤鴈斜飛帶落雲
芳草剪堤催客思
田歌向夕動離魂
今宵重整相思淚
一片落花枕上痕

秋夜

客舍蕭蕭一短檠
坐來梧葉下庭輕
夢依欄檻寒如水
霜照江樓夜獨明
遠听不堪聞月上
隔鄰猶有踏歌聲

曾青菴詩集

卷六

四

美人遙在天涯近
惆悵西風別後情

暮泊

衰草連天日影斜
黃昏滿岸盡人家
歸雲擁樹迷山徑
晚渡橫流近水涯
壁照殘紅危欲墮
江寒深碧淨無沙
故鄉縱有鐙前夢
堤上垂楊已報芽

江村

柴門深閉曲江邊
馬首西風渡石泉
秋散荒難催落葉
草眠小犬吠歸船
遠峰高處疑寒霧
疎樹晴餘生晚煙
野老心知有客至
杖藜呼子網鱸編

悲秋

江漢澄清秋氣悲碧天如水白雲微城南日暮孤鴻
斷塞北風高胡馬嘶百代衣冠今作異十年漁獵豈
同時平生感憤何所事剪燭西牕讀楚詞

其二

搔首無言獨向東閒庭霜葉滿階紅兵戈不作江關
夢身世如同海上蓬漢殿朝雲繞錦樹滿湘夜雨響
梧桐十年風景長流涕故國憑窗醉眼中

秋日懷魏冰叔

曾青藜詩集 卷六

一榻西風靜掩扉蕭蕭病久與年違霜天籬落黃花
瘦暮雨池塘紅蓼肥好夢不來聞蟋蟀故人何處勸
秋衣同時芳草今如此日斷雲山日未歸

壬午元日

滿城佳氣鬱葱葱綠樹迎春餞曉紅莫北斗迴三萬
里江南雲暖一千重杯開柏葉宜年少觴泛椒花勸
老翁歲歲年年如此日遙瞻紫氣護雲龍

懷妓

春暉九十春將餘燕子漏春春信虛夢影亭亭渾不

似情思脉脉更何如風光搖翠輕朱戶花色舒紅點
玉除遙想昨宵攜手後柳絲難繫美人裾

其二

鞦韆別院日初斜門外東風第幾家良醞青浮新竹
葉繁紅感小橋花重簾依舊巢飛燕繡幌朦朧起
睡鴉此夜月明蕭鼓處珊珊魂夢綠楊街

聞邊事孔棘家大人時在兵垣焦勞備至今隔
年矣而遠耗杳然人子之心其何能已

曾青藜詩集 卷六

干戈萬里獨心傷靜夜蕭條夢帝鄉庭草幾經春色
綠梅花已報舊時容香金城鞞鼓猶秦晉玉塞風煙
尚虎狼目斷白雲何處是紫微宮闕望蒼茫

感事

攜笈度遊嘆月餘終朝何事學騎驢英雄邁志悲牛
馬游子勞心問劍書讀史堪憐眼有淚彈歌誰惜食
無魚利名淘盡生平志漫笑當時一腐儒

贈友用前韻

才華三斗富三餘詩思曾聞壩上驢今日誰憐范叔
體他年堪借郭侯書自慚謀道難攀驥應欲趁羊學

釣魚旅况寂寥逢異地不妨呼酒啖拘儒

杪秋哭先帝

仰首長空憶所天行行秋鴈入幽燕
玉魚昨日葬無地金馬同時爨有煙
日落關山吞四海烽傳宮闕照
三邊遙知此夜傷心處哭向空山弔杜鵑

其二

千騎突入禁門中誰向城頭報晚烽
一夜挑燈傳血詔三聲揮淚急晨鐘
丈夫氣概同紅日英主功名貫
白虹萬古傷心無限慟
猛然撫劍涕臨風

曾青藜詩集 卷六

其三

一紙忠經事若何未聞紳佩雜銅駝
可憐海濶蛟龍泣但看臺空麋鹿多
白帝城中巢水鶴青楓江上弔
流波五陵裘馬有誰貴憤起揮天一枕戈

其四

聞道長安似奕棋秋風戰罷不勝悲
寒鴻不下江南久征馬終為塞北遲
三尺鎧鉤誰壯士半揮戈甲執
吾師少年直節當今賤不使壯心老大違

次壁間然字

憶昔真人下潁川群雄稽首歛戈鋌
八閩車馬無消息萬里山河肯棄捐
外閩才豈推相國總戎位已極
神仙丹楓苦雨催秋暮對泣微臣各黯然

同陳不盈林用霖飲裴符剖家共賦登字

干戈此日正頻仍
仍宜轍蕭條劍氣澄自喜萍流逢阮
籍應知薪積愧孫登
餅傾綠蠹涼風細座近蒼苔暮
雨蒸時事搶攘今已極且將爛醉對高朋

符剖招飲同不盈用霖共賦聞字

豈謂天涯秋已分漫將斗酒看浮雲
遊人幾許愁難曾青藜詩集 卷六

共歸鴈無端夜獨聞涼月蘆花依檻白
晚煙斷續入山曠高懷不數庾開府
舉首長空自不群

中秋日裴白仲招同不盈用霖飲分賦孫字

未應芳艸怨王孫佳節留人尚客園
砧杵雙懸秋日落鷗鵬萬里暮雲吞
踈狂逞合東坡意雅好何妨北海樽
此夕多情堪醉客却因明月動歸魂

同符剖白仲不盈用霖飲若卿家共賦江字

搖落悲秋氣未降
條經風雨暗西牕
兵戈不息愁千斛
詩酒無聊淚一腔
細入爐煙沈小苑
速聽漁棹下

寒江何須明月如前夕為汝高情倒玉缸

兩日

秋日橫空氣益高忽驚風雨灑荒郊元黃乍鬪魚龍
泣水土相搏虎豹號穉子妄疑天意絕征夫敢惜馬
蹄勞星源任挽洗兵甲鞭石何妨駕海濤

即事步杜子美諸將五首韻

獨立昂霄萬仞山臨風悵望向虔闕一聲戍鼓歸何
處八月烽煙息此間龜角城樓新鬼哭虎頭峰頂片
雲殷可憐日暮雙江水汗馬忠臣淚滿顏

曾青藜詩集

卷六

九

其二

千騎爭銳賴江城又向寧陽什漢旌壯士恨無三尺
劍將軍空有一枝兵新亭舉目山河異濠水何年日
月清我輩衣冠今盡此丈夫寧不愧生平

其三

憶昔延津報晚烽秋聲入夜恨千重煙消百里馬蹄
絕淚灑孤雲草色封補袞當年誰稱職案牘今日幾
人供此身應愧從王願去國迢遙學老農

其四

山居不為懼名標胡羯腥羶氣未銷一望旌旗心默
默萬方刁斗夜寥寥天高木落悲黃鶻風薄霜寒怨
黑貂海上田橫今已死自知俛仰愧先朝

其五

啾啾陰雨暗吹來鼓角風悲萬國哀海宇幾時曾息
戰王師何日更登臺視短衣視劍愁千斛長淚當歌
酒一杯多少英雄增感慨嫖姚原不是犀材

雨坐磊亭

風雨蕭疎坐磊亭芙蓉池畔水冷冷檐邊疎竹方爭

曾青藜詩集

卷六

響壁上奇峰欲斷青卧病人當秋八月無家夜没戶
三星又傳盜賊從東下鼓角城隍不可聽

閨坐

空閨暮雨正淒涼坐對鈞簾恨未央蒼鼠趨趨窺淺
穴疎雞寂寞上深堂夜欺褥子號鐙火寒薄愁人典
驢驢蘇子年來甘自賤安貧何必論行藏

悶坐

梧桐小雨上琅玕滴滴檐花浣玉盤貧賤催人徒按
劍豺狼變俗任彈冠愁看北闕朝煙淡坐聽西風夜

漏寒黑髮如今顛，頓極青衫何日淚痕乾。

城居侍家大人病，因東易堂諸子。

南窓落葉起秋秋，日夕烽煙已白頭。憔悴高堂覓樂
草飄搖故國，托萍流山中舊俗存。天地世土從人問，
馬牛歷歷雨聲驚。不斷翠微峰有幾人愁。

夜坐

燈火籠煙上絳紗，雨光吹散一簾花。爐依瑣闥寒猶
暖，葉著屏風直更斜。親老三秋今病裡，憂來五夜即
生涯。如今藥餌尋常事，坐守雞鳴只自嗟。

曾青藜詩集

卷六

士

感亂

群兎夜走湖東道，胡騎長驅梅水城。十里蕭然煙火
絕，千山落盡暮雲橫。傷心社稷誰為戰，束手乾坤未
有生。引望瀾瀾腥四海，空餘血淚照青萍。

先塋即事

春風洒淚上高墳，兩岸桃花刺眼新。時序應多千古
恨，死生孰與百年身。天涯弔影瞻風木，澧浦瞻懷泣
水雲。四顧茫然西日照，南方何處更招魂。

春郊

春郊處處罷春犁，黃草依然尚淺堤。興至不知身是
雪，傷多豈惜醉如泥。干戈落日橫牛背，百戰餘塵中
馬蹄。何事干戈今二月，故鄉猶自獨悲悽。

暮春紆道贛州觀兩鎮圍城遂死舊死事者

贛南城闕出芙蓉，徑仄山迴歷萬重。舊日旌旗今未
改，故人車馬已無踪。雲連壁壘愁飛鳥，日射春江起
蟄龍。白骨沙場猶在否，知君含笑向高峰。

送別自堂先生謀耕東龍

一時景况正堪悲，旅食寒山尚蕨薇。餓渴驅人今異
地，安危俟命有餘師。學從爾室求無愧，道在此中力
與持。吾黨寥寥誰自信，疾風勁草更相思。

獨坐

高齋蕭瑟嘆離居，夜影棲燈照玉除。獨有知貧懷鮑
子，豈堪按劍說陳餘。擁衾危坐寒聽雨，把酒沈吟靜
對書。自愧生平多不足，西風吹草意何如。

懷贈董石君

迢迢江國路艱難，千里飄蓬識近顏。樵採不應傳姓
字，萍踪可許托溪山。春風燕子啣泥落，暮雨餓鷹趁

食還自古韓彭多慷慨奇君已在笑談間

懷鍾聲盤伯仲

十年飛夢到滄州故國生涯煙水愁嶺外梅花已放
盡江間風雨未曾收平生坎坷為官日老學沈雄報
國欲寄懷思無異路蔡光照滿讀書樓

贈吳企岡

翠石經寒松柏青先生高躅自難評應知舍己方為
善可信能疑不是明漢祖從來多霸氣荆公原屬遠
人情深慚學力輸先哲但取芻蕘答至誠

曾青藜詩集

卷六

三

同林確齋夜坐

一夜春風起石臺高寒十里萬峰開遠林野火斷還
續何處山鐘吹欲來細水暗流花下響疎鐘靜向曲
中哀彈琴新月低將出與子無聲坐綠苔

黃太僕出援江藩賦別

三年不見鳳凰班奉節奇君自輦還嶺海風雲連鏡
駟樓舡笳鼓下金山上元白著東南盡甲子黃巾道
路艱幕府書生今過半獨勞綬結出江關

黃子丙戌
同子在清

江暮

秋興二十首次舒魯齋有序

時當初秋忽爾中虛寒冰熱火迸出神酸念

我生之不辰痛逢世之多難囊頭蕭瑟坐聞

落葉吹風門內淒涼愁聽敗蕉透雨徒使英

雄短氣並令病子增懷時吟秋興之詩劍寒

霜夜獨遣愁思而和鐙暗竹窓知一病其神

離悲夫秋而魂悖

逢秋百感亂生平樹樹悲風暗短檠誰是濮陽生季

布不聞易水送荆卿劍鳴深夜雙龍關月出寒沙萬

曾青藜詩集

卷六

五

幕明起舞劉琨今在否九關虎豹正催更

其二

北風吹草暗中哀兩岸蘆花鴈度時美筆虛懷鸚鵡

賦宜家空負鶴鶴詩未知往事頻觀史拾得奇方且

學醫試問安危何處是漁樵谷口唱歸遲

其三

烽傳督府三秦陷師出京畿萬國傷當日赤眉猶助

漢降臣朱晃竟傾唐龍城柳色春無夢馬嵬秋風夜

斷腸先帝恩深終古少百年養士為誰忙

其四

歟稜金雀徧朱丹多少興亡夢後看狗脚久傳宮幕

羊頭半是漢庭官洛陽鐘蓋歸何日吳楚山川莽

自寒身世天涯如落葉行歌九辨強為懼

其伍

亂來天地亦多憂何必西風始白頭八代文章誰國

士五陵衣馬自名流寒江捲浪重重去暮嶺牽雲丹

冉留此日新亭無處哭可容賣樂似韓休

其六

曾青蔡詩集

卷六

五

金陵自古帝王地虎視中原起大風廷尉猶堪制狼

子跛奴尚爾畏蕭翁江淮樓堞連天黑楚漢旌旗耀

日紅指點南來無限事教人短氣在英雄

其七

烽火寒生日月陰戰場白骨淚難禁前籌已誤沙中

事直節空避雪窖心萬里風雲常入夢十年湖海盍

求簪丹楓浙漚飄殘雨天地愁來亦苦吟

其八

籬門流水滙村居叢竹橫橋晚照餘聲價難言和氏

玉風流久謝石家珠才能今古容揮塵事到安危敢

絕裾拔劍中宵徒斫地茫茫四海已空虛

其九

梧風楓雨北牕疎讀史長懷在兩都五載怕聞南北

事六朝羞見帝王圖渭濱諸葛真名士江左桓温豈

丈夫勅勒陰山風草動梅花春信有還無

其十

破屐閒來踏草行石苔深處百愁生七年鍊盡成偏

霸五夜銅丸迴直更自咲疎狂漸識短不堪憂患向

曾青蔡詩集

卷六

六

人輕讀書萬卷誠何事洛下終羞老婢聲

其十一

誰因濁世問身名原草經霜漸不生勢散纒寒知僕

嬾時哀兵火亂人耕蘇秦鼓舌言終短李賀操觚意

未成欲據檣梧忘世法雞栖犬吠半山明

其十二

竹裡衙門水上浮溪山卷盡坐中流濟川人去無歸

棹藏壑夜深欲負舟風雨窄愁千里暮江湖蕭瑟十

年秋隱君子在歸來未一望蒼蒼蘆荻洲

十三

一庭簾影樹層層
蕙帳梳風寒欲凝
催織莎雞時響
戶彈琴麈尾夜吹燈
自憐肺病秋將老
不謂途窮世
莫憑隔院鐘聲徐到耳
遙聞月上有歸僧

十四

國破山空身似存
逢人笑語作春溫
江天秋色梧桐
苑風雨寒鐙薜蘿園
不見水神呼帝子
却因供奉重
王孫如今駟馬高車者
盡在當年翟氏門

十五

曾青藜詩集 卷六 文
天定由人且隱居
小牕依舊竹林疎
日聞山鬼嫌於
我怪道女嬃不唾予
多難文章歸八斗
故人風雪讀
三餘西山畝畝好耕稼
短筵橫吹策蹇驢

十六

孫綽當年無足數
不慚顏面向人施
吳中邱壑誰高
士鄴下屠沽笑大兒
花影到牕秋欲滴
風聲過樹鳥
先知自聞筆絕西麟日
天起斯文已後時

十七

十年一別即參商
木葉聞秋落正忙
山響似憐遯笛

步月明常照讀書堂
友朋歲晚死生隔
兄弟天涯烟
水長何處寒蛩聲
不斷捲簾滿地已浮霜

十八

一榻秋山好獨藏
疎籬菜甲正相當
言貧自我顏先
改多病逢人語不長
三徑未殊干竹斂
青毡可當茶
荷囊書聲近夜柴門
穩曲枕浮雲卧北牕

十九

拓廬山頭草色空
娛年漫學祝雞翁
茶鐙響盡檐前
雨篝火寒生檻外
風病到鬪牛牀
欲動謀成營兔窟
曾青藜詩集 卷六 文
猶窮廿年人老
邈車上夜起呼天一劍雄

二十

搖落自傷短後衣
青山有路少人歸
陶潛藍輦日垂
暮張翰鱸魚秋正肥
雙鶴石灘依水宿
群鴻天漢掠
雲飛死生過處如蓬轉
鳴榔擬羊羹總一機

聞警

客枕蕭蕭夢正殘
醒來初曙報江關
天高木落寒如水
霜淨烏啼月滿山
是處雲深皆可隱
但逢身到便
多艱栖栖兵革供
遲暮贏得松風破病顏

同方壺登銀峰山遠眺

銀峰古廟影當空日暮蕭蕭落葉紅孤雁斜飛青嶂
外遠天錯出白雲中山川萬里爭愁眼松柏雙谿弔
晚風海宇干戈何日息與君長笑叩清鐘

輓謝氏葉孺人

葉孺人者諱羊之妻也避虜東山堪為
潰兵所獲挾之歸不從取佩刀自刎死

朔風吹起暮塵腥烽火山頭泣舜英似婦扶刀甘一
死慚君擁節尚全生月殘湘竹搖暮影兩暗吳楓斷

曾青藜詩集

卷六

七

杵聲從此招魂千載下衣冠豈不感榛苓

次躬菴除夕詩

五年坐嘯老邕車風景蕭然泣肆魚城郭至今為異
域乾坤已見一空廬人間憂患堪逃死馬上功名未
讀書殘蠟年年燒燭短枕流何處夢華胥

其二

鬱鬱嶺南望戰車旌旄不見換銅魚懸佩何事猶蓬
戶定鼎已輸在草廬煙火萬家山有哭風沙千里鴈
無書遙憐此夜驚魂斷把酒安能咏樂胥

夜坐

細草霏霏草閣迴深更獨坐夜寒催城樓擊柝聲何
急野寺鳴鐘夢欲回已見花飛三月後不知春老幾
人來濁醪漫使頻斟酌典盡鸛裘尚客杯

懷葉子九

蘭澤楓江客易愁相思盡日但登樓故人飄泊歸何
處杜若蒼茫水自流湖上青山今入夢眼中白髮已
如秋王家兄弟多年少獨向西風弔子猷子九令兄
劇疑已歿

別沈仲連比部渡江歸里

曾青藜詩集

卷六

十

交游何事日西東釀酒依然泣路窮青眼向人千里
合緇衣好我十年同寒江擁浪天浮白古驛霜清葉
颭紅一望茫茫天欲暮衙門應在水雲中

毘陵訪友不過歸舟獨酌感賦

雲擁孤峰夜色多秋江更奈片帆何投人未語顏先
改久客無歸夢不過遠岫寒鐙搖小柝隔船明月冷
清歌淒然獨酌魂應斷忽聽霜鐘到暮蘿

舟發長干風阻泊尤溪程蓋臣載酒過別詩以

東之

月明江冷泊江頭有客攜尊過小舟千里關山身是
夢一聲歌吹夜如秋可知痛飲成名士但得殘碑即
壯遊歲暮過憐歸去晚西風為汝不容收

舟次哭先子忌日

寒江風日黯然生稽首離雲淚已橫天末自傷千里
子人間誰有百年情抗言折檻還招黨扶病荷戈豈
為名舉世何人猶漢臘好從地下俟河清

鳩茲贈別韓茂貽

未別先愁話別深夕陽無限下庭陰長貧但有水雲

曾青藜詩集

卷六

廿

夢後死須知天地心擊楫何期看北渡操琴不改聽
南音舟過采石濤聲沸當日樓舡竟陸沈

留別沈崑銅

舉目高原何處村煙波萬里幾人存劍懸當日誰知
已酒盡他鄉欲斷魂白水不聞聊草澤青山無恙即
桃源茫茫天地憐予少亂世方知一飯恩

秋旅遣懷兼柬東易堂諸子

楓樹經霜秋色新西風山郭起黃塵排牆恥作今名
士築室嫌為舊黨人老馬僅存逸戀主敝貂猶在敢

言貧東南芳草牛羊下可許浮生老釣綸

其二

黃花秋老向愁顏疊鼓沙頭夜氣殷書劍依人嘗自
悔山川到我即多艱百年已被文章誤千里今同鴻
鴈還行處可憐明月冷幾回蕭瑟揜重關

其三

記得當年萬馬嘶虎頭城外戰聲悲關山作客同孤
貉風雨招魂半友師匣裡祇應存德祐塚邊長欲結
要離蕭蕭黃髮今何在痛哭西臺有所思

曾青藜詩集

卷六

廿三

其四

靜掩高齋日已橫西風何地不孤征天寒歲晏無車
馬親老家貧賴友生雙鬢清秋容獨卧五陵長缺向
誰鳴年年刀尺空相憶腸斷人間砧杵聲

廉州道上

歎息生涯事已非無將闕塞老征衣水流春吟濤聲
細鳥靜寒山樹影稀萬里攬槍長路見千家煙火幾
人歸揚花吹盡誰同賞原上東風草又肥

其二

凄然鼙鼓嶺雲瑞腸斷黃昏
蓬露殘入寇應知前史
誤報仇莫使後人寬
十年漁獵今無夢
百戰旌旗氣已寒
舊日山厓今尚在海天
可當一泥丸時值永和屯師瓊州

寒食飲何紫屏旅舍

愁心聊與寄清尊
剪韭春盤尚客園
萬井人煙知久斷
百年祖臘更誰存
黍餽已絕家鄉夢
麥飯難招帝子魂
一望天涯空復憶
冬青哭罷正黃昏

暮春疊滄訪曹素臣

半溪芳草遠珠籬
燕子辭春春正悲
苦雪家浮烟瘴
曾青藜詩集 卷六 廿三

外柴桑客到月明時
庭花未落風生砌
海水無人夜入池
此會與君拚一醉
杜陵傾倒在流離

其二

鼓角樓頭夢亦哀
誰人痛哭上西臺
百年得喪亂生何值一死艱
難老更催易水漫聞歌筑去素臣有入秦意聊
城無復射書來
春風過處憐芳艸
畏逐柴門莫浪開

春興

葛屨蕭蕭嘆履霜
春風鎮日坐淒涼
貪餘我輩身甘擯
亂後人生語畏狂
廣柳何年聞濮里
垂纓無夢到

山陽時聞韓茂昭計梨花夜雨門初閉
回首東城路漫漫

其二

迢迢莫問曲江濱
旅食飄零畏暮春
今日偏教鷗似虎
當年誰識鷹為麟
滄浪柢去無歸路
博浪椎空已死身
賣卜天南休再問
平生得見幾狂人

初入梧州無可大師將南歸賦呈并別

蒼梧曾記舊宮闕
當日鑿輿從此來
百道衣冠迎拜舞
一時風雨暗樓臺
并州曲使歸人淚
河上歌無聽者哀
獨有孤臣心未死
三年鐘磬不曾回
曾青藜詩集 卷六 廿三

其二

幾年客向徭蠻住
消息難真欲問誰
白帽天容歸去後
緇衣春盡老來時
久傳鸚鵡啜黃祖大師昔以文章取罪馬阮
及故難獨感龍蛇弔介推
此別盧生吹漸少
知猶君有異鄉思

梧州別周思皇由贛州返楚二首

自傷萍梗亦徒存
不謂天涯有弟昂
亡命十年知已淚
敝衣一日故人恩
蘭舟欲傍桑門隱思皇新拜無可大師門下
蓮幕誰容粟里尊時予在梧州署中
遙記高樓坐鐙火
與君

靜聽海潮喧

其二

落葉西風入暮吹
離江何事阻歸期
長貧但覺山川遠
多病偏生妻子思
桑下愁深為客日
蘆中歌正感君時
飄零莫向故鄉道
畏重倚闔人更悲

過鄱陽望匡廬作

匡公不卜廬山隱
那向千年問姓名
洗耳尚聞三疊響
振衣誰許九峰行
天留邱壑私吾黨
水入江湖憶戰聲
到處傷懷憑落照
石峻嘈下片帆輕

曾青藜詩集

卷六

廿

贈方爾止

一聞送別秦中句
未見已知意氣真
天地到今歸隱士
文章自古讓愁人
雲藏遠岫生寒色
鳥沒平川曉暮塵
此去匡廬看斷壁
知君曾不厭遊貧

秋日閒寂觀奉東熊雪堂年伯

黃鶴歸飛虛翠屏
誰家據築向林坵
山樵唱起風生谷
野稻吹來香滿庭
匹練不應吳地白
孤松還是晉時青
莫言耕耦無從問
三咲芙蓉尚可聽

年伯有田在觀側屬

予訪耕時無可問者

其二

芋衣芒屨晚霜殘
誰信懸崖撒手寬
千里鷓枝皆故舊
三生蝶夢尚艱難
看來白日黃金宅
化作青天碧玉盤
漫道六朝人已去
鳴泉猶勝數峰寒

其三

蓬葆生唯一鉢存
印山紙上乞朝暾
寒深夜衲彈霜破
餓想胡麻酌水吞
千字文雖今日事
百年身是故人思
瞿曇本亦飄零子
莫把縫裳掩淚痕

歸宗寺過須識師

曾青藜詩集

卷六

廿

蹈海相逢又一年
重來瓢笠各潸然
錢輪飛盡歸無路
玉宇寒深夜不眠
胡祝誰將花座許
吳歌漫向酒樓傳
茫茫雲水知何極
羨汝名山占我先

其二

寶殿華幢影動搖
香林稽首颯寒飈
原來多難饒三世
未許浮生乞一瓢

時有飛語疑予者

何代雲雷猶草昧

平西雪夜同諸子分賦

孤舟莫作剡溪看
卒歲山川怨夜漫
客久三秋求醉

易路偏百里欲歸難春江雪滿開新漲旅店鐙孤閉
晚寒聞說前途又烽火梅花何處語平安

除夕家北望從海上至

風入空山驚歲晚年年鼓角起愁聲青蓮家在猶冰
窖白帽人歸自海城桃版喜無新樣字椒盤還是舊
時情春光來去仍長夜愛折梅花坐到明

甲午元旦雪

不知須歷春誰紀聞到闕逢愈可傷驅厲未銷穹幕
瘴雕胡尚傍御園香雪猶散作山川色天久恥開日
曹青菴詩集 卷六

月光借問東風吹幾許鴈歸應早下衡陽

夜次頭陂懷林確齋

遙憶薄醪醉未分愁看天色正同雲風搖破屋一燈
小雨滴空階深夜聞我既有懷甘不寐子因何事苦
離羣霜寒肌粟應相念那得梅花寄與君

秋日彭受之招同斯命自謝麗山家伯子江上

晚眺飲賦時家伯子從塞北旋

不逢江上不知秋日入橫波亂暮流近听人烟離外
見遠天雲樹檻中收十年兄弟雙蓬鬢萬里關河一

葉舟相對浮杯皆再世莫令他日易今遊

同魏石林泊舟三門灘鐙下看菊

十月菊花開已殘况於江上植秋蘭與君對飲無深
醉共此一鐙清且寒暗櫓忽移兩岸樹疎星欲下三
門灘長年訪泊不相值漸到家鄉路轉難

冒雨入莊

城西村務雨初殘高屋樹雞聲出屋端松徑曾經前
日掃桃花猶共此春寒百年多難身無補四體雖勤
夢正安盜賊祇今聞竊發柴扉濁酒正艱難

曹青菴詩集

卷六

天

寄温聞衣

記得雙江秋水上偶因過客識桓伊他鄉孺子知名
姓落日懷人在水湄竹實無緣聞嘯外桑陰有愧納
涼時何從酌酒遲君坐風雨空山聽子規

三山別伍千五兼柬令舅符剖

嘗言外甥似阿舅君今顏色得無同人琴半與時俱
盡時同寓清流不風雨遂當夜正中不信生涯勞夢
蜨翻從海上送歸鴻相思莫問年來事筑自聲悲蕭

自工

延平旅舍題壁 有序

燦身逢辛螫病入膏肓嗟骨月之已遙望雲
山而流涕心周天末空慚令伯陳情期過日
中雖使太邱亦去爰以兄弟之誼致傷疾痛
之心獨坐高樓一望黃煙宿草何人旅店但
見白骨殘燈心知海上孤身死不過青蚨為
帛客目斷塞垣明月生何殊紫燕入關門情
之所鍾正在我輩愛莫能助豈伊異人

高樓病久太稜生何似天涯有弟兄木葉浮江秋水
曾青藜詩集 卷六 元

落夕陽低戶曉山清看來雙塔人皆去望裡孤舟月
半明夜靜時聞南渡鴈西風吹斷兩三聲

再過綏安留別李又玄

正喜重逢又別去相思嘗在水南樓雲生蓬徑無歸
路月落楓江已暮秋散木幾曾時見夢名山但有卧
來遊擅車人老愁多難此夜深燈未易篝

輓程大司空 公諱注字芸閣
湖廣孝感人

蕪露秋風起夢思峴山芳草轉淒其死生直道留天
地出處孤臣見盛衰北寺同歸名士獄中州半入黨

人碑沈沈九曲池邊月可似當年折檻時

輓程太常 公諱良壽字雪
應去閣仲子

鼓鼙直入洞庭東獵火都鄰貫夜紅拜母時從千騎
入荷戈人去萬山空 公起兵白
雲山被執 淚深凍雀寒歸夢歌
起回波動晚風猶喜漢家一坏土先生馬鬣在其中

奉贈錢牧齋宗伯

憶昔神宗射策初蒼生屬望在安車警言空著五千
字 錢著警言
規切時事 家食已傷三十餘寶歷朝廷日多故景
靈黨錮未全疎可憐黃閣勛名重半入京鐘告訐書
曾青藜詩集 卷六 辛

其二

北道應知少主人滹沱麥飯益沾巾詩書可卜中興
事天地還留不死身暫托柴門就地僻敢將槐板望
車塵江山廿載連烽火帳下能容賤子陳

己亥七月京口贈睦咨予四十初度是日餉予

海岳庵

挈榼晨過水竹居登臨秋色正蕭疎我來未及二三
日君誕適當四十初萬里山形皆北顧中分天整此
南徐伯符事業今猶在却望雞籠下羽書

中秋睦身壹招同顧泰初範五家集次範五韻
烽火何由到白沙南昌有白沙寺時有烽火客來有酒即為家門
前谿水落寒木籬外秋山多野花愛汝盤中新煮椽
懷人石上舊烹茶確齋冠石製茶易蕭條萬事一樽
在故國曾經月幾華

初渡淮

孤舟猶自向天涯遠樹新晴散曉壺水落平蕪方見
堰山逢斷處始知淮村空鴈絕南飛路世亂人多北
望懷借問前途津驛吏英雄可尚隱椎埋

曾青藜詩集 卷六

徐貫時招同睦身壹宿二株園飲賦得梢字

分歧已自向江暮何意重來共舊交響落風燈吹小
慢夜深鐙火出寒梢闕河遼濶多歸夢身世浮沈漫
解嘲誰似君能容我醉踈鐘一任闌霜敲

輓王烈婦

烈婦周姓妾也初周客閩帥帥掠得王周屬
目焉遂贈之周死於粵王欲殉於櫬歸之日
周妻迫令改嫁遂自經

十年烽火暗乾坤中惘偏能正氣存閱世誰為知己

死如卿真不負人思竹殘湘浦春多淚楓落吳江夜
有魂試問泉臺難識路嶺南何處哭黃昏

庚子正月一日沈仲連比部移尊顧與治齋頭

集諸子分賦次元韻

亂後飄零似野僧看花載酒夢何曾漫愁三日饒風
雨且喜聯牀見友朋屋北春將抽細草城南路已泮
層冰椒盤深醉歸來晚蠟屐衝泥我獨能

兩泊小孤同羅右戎萬扶滄賦得江鳴夜雨懸
限懸字

曾青藜詩集 卷六

此日南還是隔年茫茫春水滿湖天風吹遠岫分魚
浪江擁奇峯入客舡細雨夢中山磬濕高樓夜半佛
燈懸何時更踐匡廬約一過松門看晚煙

贈萬扶滄憲副

地接窮荒道路艱千家烟火幾人間已知鞅鞞來三
晉久有恩威著百蠻虎竹至今勞驛使梅花何日報
春還趙王臺畔生青草一尉曾教塞庾關

其二

西風江上竟飄零喜得君舡為我停書至適當春雨

暮扶滄泊金陵以貧來未許草堂局還思嶺外依劉

表豈有遼東避管寧砧杵聲聲催歲晏故人秋夜可

曾聽

廣州送董无休還四明

江天秋色一漁蓑吳越猶傳采葛歌兄弟行藏君不

愧兄弟出處子友朋生死夢嘗過時非已死五年流

寓思虞寄千里雄封失趙倪日暮歸帆鄉國近剡溪

山水更如何

贈翁念吳明府

曾青藜詩集 卷六

斷石村前社鼓催十年曾識治中才陽山一自韓公

至嶺表已多遷客來我久飄零歌下里君今衽席滿

春臺天寒為報人將北看得茱萸折取回念吳曾許寶裝家兄

公

辛丑初春朱德先將遊海南夢得月照孤帆疎

樹中句續以送之

客遊已復十餘載何事依人駕海風千里雲山隨夢

到百年花草與貧同春生故國遠天外月照孤帆疎

樹中剋日峰頭高卧足遲君歸思在牆東

尹式公招同陳雄飛顧東山陳天章飲園亭得

綾字

夏氣初來已鬱蒸一庭之樹陰層層喜與游子贈青

玉安得美人鮭紺綾裸體作歌忽大呼眼花落地不

能興雄飛醉伏於此古人痛飲成高會此夜東西南北朋

哭趙僧翰

自別江頭春欲殘思君已向故園看為嗟一死人何

易漸覺浮生路轉難同棹遂令疑作賊僧翰誤起賊舟為追兵所害

孤魂應念葬無棺他時痛哭涇陽峽莫遣哀猿到

曾青藜詩集 卷六

曲灘

贈別尹式公

庭院深深鎖夕暉主人下榻客如歸碧桃花外筵初

出青柳堤邊鳥欲飛明月當階開夜幙涼風入座拂

春衣如何更有還鄉夢直過梅川上翠微予家在金精翠微峯

式公招看競渡

簫鼓樓舡十里村風光滿日復開尊人行綠篠溪邊

路座隔紅葉水上軒士女應知捐佩玦山川真不愧

湘沅斯遊最愛君情重盃歸來日正昏端陽式公招遊數日

荔枝

十年三見荔枝新猶是當時行路人一自鮫魚同入
貢至今蜀馬不生塵羅衣手落花間落玉梳光浮雪
裡春竹籠分來千萬顆可能慰我嶺南貧

送畢仲青清軍

十八灘聲破石雲灘頭船發向斜照家貧有醋吞三
斗官久無錢揀一文赤豹文狸新刺史夜花楓葉舊
清軍路傍父老頭如雪牽袂逢人說使君

邗江喜晤孫豹人

曾青藜詩集

卷六

五

此日鬚眉尚爾同多生屈曲亂離中頻年動隔三千
里一別多成四十翁玉馬遙天開積雪銅龍深夜舞
寒虹邗江落盡隋堤柳猶有遊人弔故宮

其二

蕉葉陰陰覆石除渠小窻藤掛一牀書浮家喜近江
都相豹人宅近短巷嘗停校尉車湖裡薄田剛半頃
門前幽徑自三餘炎敲亦有行吟處日暮西風獨起
余

恭謁金龍王廟序見前

百拜遺宮此布袍敝稜斜日動旌旄山川何事增新
聖芻粟依然轉重輶萬里魚龍南去盡初秋星斗北
來高茫茫千尺黃河水不見當年起起濤

黃河贈別賈馭速出塞

亂離已後家章責此日方從識賈生旅食江南經月
路停舟河口送君行馬嘶鼓角西風急秋入旗幟北
斗橫萬里故人同出塞不堪頻上李陵城時魏東房同行

過南旺謁宋尚書廟

尚書諱文禮永樂時命開清河公始通徂棟

曾青藜詩集

卷六

五

諸泉

白馬何煩拜冕旒尚書心計漕糧舟三河半築高依
路一水中分南北流寶篆龍文眠巖巖貝宮鷗尾上
蝸牛百年廟食今凌替颯颯西風十九秋

鮑子韶招同彭受之吳五一萬旭如謝巖山金

六哥季子麗天集一粟軒分得義字

到西四峰雪霽時肯來招我聽流漸茅堂背郭隣孤
寺疎樹橫江隔一籬痛飲漫當名士酒角中長拂野
人棋重來十四年前客猶有文章見庾羲辛卯甫翁家集

同盟諸子讌集時有美人在坐分得五微

鴻鴻當筵夜欲飛玉蟲簾幙自深微知君箭盡東南

美媿我山傅大小非

李子麗天同與

蕙蕙龍雲垂寶鬘桃花

吹雨入春幃佳人一咲還歸去潦倒風前老布衣

送靜弁謁藥地老和尚

夾岸桃花春漲流故人別我上行舟長貧却向何方

去招隱遂從五老遊日月不生勞盍旦江天無路叫

鞦韆停歌莫放尊前手共破乾坤第一愁

送劉毅可歸江南

曾青藜詩集

卷六

七

芳草萋萋已暮春相逢喜在賴江濱吾生即合烏鄉

老世事還同白髮新烏路千山縈落照鶯花三月送

歸人故交相見如相問為道曾生今更貧

曾省之入粵東何不偕兼壽母夫人七十

一別故人三載餘年來髮白不堪梳慚余貧病兼多

謗知汝兵戈未寄書堂上老親懽菽水廣南荔子足

盤蔬此遊盡是賢豪處在孟相逢定不如

吳六益趙若木方位白溫開衣楊叅未舍弟麗

天夜集蕭寺次六益元韵

離離風雨滿林墟着屐尋芳客過疎寺近官衙雪樹

外春銷杯酒夜鐙初青精可是千年飯白小曾無二

寸魚羨汝才高能作賦琴心早已付相如

六益時欲納妻

度中留別吳六益次元韻

未買青山學種田知君常在五湖邊碑傳黑水難逢

世淚洒燕臺莫問天

六益有燕臺近詩

三月鶯花簾外靜一

江煙樹雨中懸他年望遠還相憶不為鱸魚始放船

已別周計百司理歸里復值信豐江口次元韻

奉呈

曾青藜詩集

卷六

八

却因負郭嘆無田三載依人鄴水邊入夢常懷投杼

日班荆又值熟梅天千山鳥影雲初落一枕江聲月

正懸倚棹臨風聞鼓吹南來知是使君船

阻風左蠡

一望平沙覆白蘋玉簾泉下帶城闌不綠貧賤長為

客安得湖山日傍人野老尋煙歸短舸寒漁趁月出

前津無端成鼓催秋夜未許鄉心入夢頻

奉吳呈大司寇龔芝麓年伯賜假歸里

浮槎嶺上動朝暉聞說尚書乞假歸豹尾三行齋路

駕鸞音五道夾輦飛傷心風木還鄉夢回首雲山隔
帝畿不為瘡痍今未起十年何事阻庭闈

其二

當日彤廷一伏蒲鳴珂春曉起嵩呼三章法盡寬綠
坐五服輸空草久道薄宦風塵消喜慍側身天地繫
艱虞遙知歸闕多封事請命無煩鄭俠圖

其三

四十餘生老敝裘門庭白日對青邱何曾落筆題鸚
鵡幾欲隨人入燕鳩愛出豈堪還墮甑感公應不羨

曾青藜詩集

卷六

元

封侯余從遺外侮
得公始解

蕭蕭楓葉征帆暮百尺樓高動九

秋

其四

落日西風起暮塵素箏濁酒向何人捉刀肯傍牀頭
滅立竈誰甘廡下貧身世波濤混月旦江山詞賦重
王臣孤蘆窮士監門子一上芙蓉愧角巾

汝陰喜晤唐祖命

一時冠蓋渡巢湖名士爭看領與厨山為徵車傳二
副碑因倚柱見雙趺園中竹篠歸何暮門外桑陰夢

易孤莫謂年來鬚髮少乾坤容得幾莖無

其二

聞君名在昔時遊不謂相逢已白頭落木孤城愁絕
塞班荆九月起高秋江山烽火猶行路今古興亡莫
上樓明日西風從此去藏舟浦外有歸舟

乙巳九日淝水同左子直張公上沈馨開杜蒼

略携尊登楊將軍廟訪閻古古而素律菴亦

移酒有至限重陽登高四韻

傷懷最畏上高峰不為幽人不過從携到盤尊誰是

曾青藜詩集

卷六

甲

客看來頭腹總為龍池塘一水深盈尺煙樹千家白
幾重極目青山蒼翠裡黯然空憶二陵松

其二

日落高臺起大荒四圍秋色望蒼涼地連江楚開淮
向天護風雲接帝鄉名士牀應分上下將軍廟久識
興亡將軍諱沂中與齊
劉倪大戰趙家坊此番盡是東南客爛醉同來
看夕陽

看夕陽

其三

蒼苔坐久冷如冰此夜開尊盡五陵落帽已忘司馬

貴知音莫使丈人稱西風雁過雲千里北極天高月
一稜絕世英雄皆際運自從廣武後誰登

其四

鼓角聲悲夜漸高藏舟猶自說孫曹藏舟浦相傳孫
權與曹操戰藏
此舟於一天星斗啼烏鵲九月秋風足蟹螯俱是異鄉

人載酒喜無新樣字題糕更深霜滑愁歸去誰向寒
溪動桔槔

曹集孔楊嘉樹小飲長干寓樓感賦

江頭夜夜聽潮聲怕近長干是帝京塔影當窓鐙火
曾青藜詩集 卷六 四

出山光入袂晚霞生他鄉編紵一杯酒舊日鱗鴻千
里情十四年前
寄書二兄南北故交零落盡廿年還向此中行

丙午秋杪胡錢菴招同蔣埴之左子直楊嘉樹

小飲草堂兼懷令兄星卿得山字

池塘千畝屋三間翠竹千竿水一灣君住園林公主
墓我來涕淚蔣侯山幾年對酒空留髮絕塞傳烽且
破顏阿大天涯曾夢否江湖秋老不知還

胡信公楊嘉樹劉民長寓魚小集時暴風大作

分得荆字

千里人來一識荆重雲黯淡壓孤城響連屋瓦天風
亂寒到庭階木葉橫莫謂持螯成樂地何妨荷鋤了
餘生傷心怕聽長干曲况是河梁別子卿時唱
此曲

月夜楊嘉樹馬永公黃子捷左子直醪集寓中
作別賦得塔中鐙照遠僧歸限歸字

欲別公釀漏漸稀醉看鐙下蚌螺飛琉璃塔挂星千
點閭闔天開月一圍山木歌來無夢到宵鐘響處識
僧歸酒闌更向橋頭立踏破霜痕見水衣

與子直同至京口言別兼懷令弟子厚

曾青藜詩集 卷六 四

一別已經十四載相思僅得數行書風波天末人非
舊涕淚年來髮漸疎千里雲山愁路斷連林鐙火對
牕虛豪華意氣今銷落只恐重逢又不如

其二

鴻鴈亦知鶯歲晚鵲鴿何事起寒聲君能有弟常將
毋我獨離家為訪兄亂後青山多賦稅天涯白首是
功名今朝定向江頭別潮打吳船夢不成

沈方平給諫招同吳方輿宋禹玉移尊五石菴

見訪賦贈

兩岸青峯夾清溪，幽人結廬在縣西。休官著書下帷
幙，邀客載酒過招提。盤已挫糟出黃雀，七能解凍分
白羝。抗談天色漸來晚，列燭松下風淒淒。

沈給諫偕令侄夏人移尊再過有作

禪門靜掩不聞鐘，坐對寒泉落晚松。翠楹重俯諸子
至，款扉但有一伴從。天嘶冰雪成奇響，樹走寒雲亂
遠峰。垂老偏能肌不粟，衝風歸去未攜筇。

徐方虎從武林歸偕令嗣子政投詩見訪奉酬

二律

曾青藜詩集

卷六

三

寒日踈篁覆短檐，班荆坐久兩無嫌。已拚白首空相
憶，猶幸青溪尚久淹。讀史何須慚半豹，投詩只可出
三縑。文章山水都將去，此地如卿那不廉。

其二

不必天涯訪弟君，能過我即為恩久。無客到開松
徑，但有風來響竹門。今日藍輦知令子，誰家屠釣重
王孫。勿嫌踈茗常乘興，共滌清蕘試水源。

丁未仲春同翁山劉子常周勿弁陳子介劉氏

長遊白雀寺分得河字

山門谿淺不通河，策杖徐徐橋畔過。夾岸松陰環古
寺，穿林樵路上層坡。空連城堞浮空出，亭接湖天入
望多。十里登臨日已晚，歸途新月似修蛾。

周勿弁劉子常民長釀金集方龠山寓中話別
共得吳字

寒雨沈牕雪載途，飄零猶喜故人俱。天涯客久春將
半月下，尊開夜不孤。杵臼交情貧與賤，關山風景越
兼吳。歸舟倘過闔門外，待汝停橈問酒徒。

贈別姚子雲

曾青藜詩集

卷六

四

小院屏開及早春，每于芳夜喜留賓。青鐙對酒踰三
月，白髮行歌媿一身。雲樹欲隨帆影去，江梅空見歲
華新。重遊此地知何日，莫惜音書寄我頻。

贈別程弘執并次

日落天寒相見初，高樓原是故人居。酒闌醉向鐙前
舞，吟罷狂添壁上書。北跡孤雲空曖曖，還家三月尚
徐徐。獨憐小艇吳江路，回首春光定不如。

奉贈李石臺少叅

龍節烏旌拂柳絲，闔閭城上五雲垂。屏藩疊出黃麻

詔里巷爭傳白傅詩
柏署寒霜聞嘆息
花封春日下
車運西河美稷都
行徧好向兒童聽
竹枝

其二

黍苗食盡嘆無依
此日逢君得所歸
十載常教神雀舞
九關獨見渚鴻飛
天涯客久懷桑梓
臺上春光列
蕪蕪田父曾招泥
飲後如今征稅吏
人稀

二株園

忽然卧病闔閭城
對鏡相看太瘦生
十日不曾開口笑
一身長以傍人輕
檐枝欹仄鴉翻
落書案橫斜鼠

曾青藜詩集

卷六

里

亂行獨守孤牕今
又暮颺颺屋瓦走
風聲

其二

斷井頽垣作比鄰
天涯客况但愁人
蕭條原不因風雨
詬許多緣是賤貧
蛙鼓新聲紛玉砌
蛛絲深夜上羅中
看來只有殘燈火
伏枕呻吟兩獨親

吳門病中送鄭次公虞部展假歸里

久傳箬筆陪鸞掖
忽爾分曹出鳳池
千古能詩何水部
半生好客鄭當時
還家豈獨思尊棗
違俗多因戀釣絲
不為故人停遠棹
如何邂逅與君期

其二

廡下年年愧丈夫
自知生計是窮途
憐予病困將逾月
羨汝囊空得去吳
檻外東風迴暮燕
雨中芳草送橋烏
此行定出嚴灘路
畱取峰巒入畫圖

寄送程崑崙自京口之任皖丞

萬里江聲動地來
錦帆蕭鼓鏡城隈
書籤漫得藏千卷
官舍何曾築一臺
黃鶴峰頭雲樹合
青山渡口荻花開
欲知程珣南安事
時把君詩讀幾迴

秋日顧茂倫從吳江見訪感贈

曾青藜詩集

卷六

吳

吳江江水正蕭疎
日思君到草廬貧
病却憐秋去半風
霜忽值棹來初
老年歌哭多辛苦
亂世文章但子虛
吾黨天涯牢落盡
可堪寒葉下前除

贈周子佩

十年一見各蒼然
芳草春風咽杜鵑
舊日樓船成夢寐
故人死隔雲天
已亥子佩同鮑倫期送衣冠多別文德橋而佳期速死
難無新製貧老孤
城為薄田羨汝獨
能敦古誼素車還
見巨卿賢
吾鄉嚴水屏死子佩不避風雨走山中宿險之

贈吳梅村先生

賜衣紫閣成詩日馬鬣三花正少年圖史久窺東觀
秘聲名早向北門傳楊彪直節因多故衛虎清談劇
可憐欲識當年辛苦淚批鐙遙夜讀君編

其二

才華西府推當代卧起東山歷幾春一自關河銷戰
代至今厨後讓誰人煙霞夢向丹邱老歲月天憐白
髮新此日具區三萬六容君憑弔是閒身梅翁今春
有游洞庭

其三

曹青藜詩集

卷六

四

擊劍操猷二十暮飄零歧路任安危常懷執殤臨江
日予少受知楊
機部先生正是西風收馬時喪亂自嗟前輩少
典型空使後人思低頭牀下傷遲暮一瓣寒香托楚

詞

其四

自悔依人術未工生涯只合在墻東何期鼠社千年
標得托龍門百尺桐老至笙歌偏涕淚亂來文字已
途窮三都若不逢元晏千載誰從識太冲時過日集
欲求梅翁

之序

病中送劉石潭歸南昌

與君聚首苦溪日水塞寒川正此時烏柏霜深鴉噪
晚丹楓葉落鴈歸遲三春促膝開尊好百里分金念
路岐自嘆年來飄泊甚西風憔悴鬢如絲

迢迢江上蓼花新計到家園尚小春愁裡難堪兼善
病客中偏送是歸人雲霄有路君能達石潭明春
擬往都門鄉
井何年夢不真游子天涯無限淚憑將遠信慰吾親

贈別孫仲愚

落木蕭蕭下水湄飄零正是泣寒時交因久客情方
曹青藜詩集 卷六 四

見貪到傷心淚尚遲但使江湖容我老何妨風雨繫
人思文章潦倒輸君久慚愧孫郎帳下兒

青谿除夕

驚心霜鬢客中催除夕他鄉又一回道路如今喧爆
竹春風似欲放寒梅殘年帝里瞻雲闕隔水吳歌近
露臺遙憶高堂倚闥望張鐙始信不歸來

除夜同顧云美集方龕山草堂

街鼓沈沈夜不喧故人招我具盤飧琴書蕭寺同為
客時予同云美
各寓僧舍星火寒塘竟似村論字始知搜永壽

永壽二年徵詩却喜憶開元酒令徵他年再聚青谿
除夕詩他年再聚青谿
即禮部碑
畔君有佳兒我有孫

壽方爾止

開正九日逢初度萬里春風到綺筵樓對鍾山雲氣
出門臨淮水草堂偏梁鴻久識傭春業玉燕新占入
夢年何幸停舟同此會東南賓主定誰賢

贈周鶴田兼送之長安

執手江城嘆索居談天說劍意何如憂貧莫種南山
豆憤世空勞北闕書楊柳晚風嘶驛馬桃花春水發

曾青藜詩集

卷六

四

河魚金臺各快平生願同子歸來賦遂初

贈雷水吳在中明府

扁舟風送一帆輕千里遥傳奏績名夾岸垂楊遮遠
道長江春雨擁孤城官閒日對詩書晚庭靜時聞琴
鶴聲喜近吾鄉彭澤令林田可許借人耕

巳酉春日張天樞招同諸子登八境臺得江字

且向花前倒玉缸東南賓主自無雙萬家煙火連千
嶂八境樓臺接兩江拔劍酣歌空斫地諸子有醉後
自起歌舞者
傷懷落日莫開牕時樓牕
皆開少年戎馬春風裡猶記圍

城不肯降

雨中獨坐

何事雙江阻客程花朝已過又清明牕前已過愁歸
夢病裡看雲愛遠行獨處喜多擔鳥宿隔樓時有寺
鐘生我來除盡東園草不見春風向晚榮

贈別方虞臣兼東汪舟次

君是歸期吾去期江頭楊柳正參差離家已值三春
暮握手偏逢多病時畫就青山容爾卧歌成白雪許
誰知螺川倘遇汪舟次為道曾生索近詩

曾青藜詩集

卷六

五

壽丁士先廣文兼懷令弟景呂

才華不數謝臨川何意雙江住四年五十喜無新白
髮一官猶是舊青氈鱣堂時雨開桃李馬帳春風散
管絃聞說阿戎今教授應知龍鳳兩湖傳景呂教
授撫州

贈方素伯

一別雙江難見面大都天地總離愁避人漫自墻東
隱騎馬曾為塞北遊白髮孤雲常在夢青原五月竟
如秋不因省覲來千里安得同君兩日留

端陽前二日舟泊螺川得晤汪舟次遂招同方

素伯虞臣羅飯牛登宜樓小飲即得雲字
正喜螺川得晤君何緣相聚復離羣一城草色浮煙
井萬里江聲入暮雲尊酒樓頭今日醉風帆天外故
鄉分無端又近蒲觴節蕭鼓沈沈不忍聞

寄懷李玄圃

陰雨迷茫竟接旬懷人天外愧逡巡為尋蘭芷思公
子却乏瓊瑤報美人緝柳書蒲當日事栽花種竹故
園春咲予何事栖栖者不信文章愛賤貧

送鄭去非楚游

曾青藜詩集

卷六

三

二十年前事遠遊至今未上岳陽樓菰蘆夢斷英雄
蹟禾黍風高帝子秋放棹正當三伏日懷人猶在百
花洲此行借汝凌雲筆寫幅湖山寄隱侯

贈徐偉

何事年年別故峰小人有母獨尸饔但思隔室分餘
火敢謂因人賃宿春槐坂初登應客羨荊州得見已
侯封冕君兩翮扶搖力一弔長安報國松

重陽前一夜不寐東萬靜園

誰家刀尺起寒聲獨擁孤衾聽不成屋裡秋鐙鐘後

落床頭蟋蟀雨中鳴客來九月還三楚夢入雙江已
四更明日登高應遠望遙知白髮向愁生
依人無計阻湘濱猶喜君來住隔鄰長日敲殘棋子
局深杯對老菊花新畏聽時事增多淚久別家山只
為貧夜靜天寒今獨坐西風木葉下來頻

送萬靜園還南州

嶽麓峯前見落霞君今故里我天涯深秋最愛惟楓
葉他日難看是菊花不信悲歌真當泣每因歸客轉
思家懸知此地誰來過叫斷秋風只暮鴉

曾青藜詩集


卷六

五

登晴川閣

高閣憑陵起霸圖丁當鈴角暮寒孤晴川萬里連江
漢落木千峯接蜀吳官岸風濤爭石馬人家煙火夾
檣烏烏林赤壁今猶在不見當年亮與瑜

六松堂詩集卷七



七言律

庚戌元夕同楊商賢道思向黼文集王孝綽

勝閣得重字

每憶王微能有幾偶因楊炯得相逢
高樓千尺人同醉寒燠雙燈月一重
簫鼓風中宣鳥雀煙花天半闌
魚龍六朝文物餘多少看盡繁華付酒鍾

曾青藜詩集 卷七

早春雨中王孝綽招同楊商賢趙浪仙沈大士

向黼文方子山飲殮勝閣同限青字時予有

北行

楊柳江頭欲報青知君為我獨開局
長途細雨借諸子小閣春風似一亭
盤已烹鮮分玉饌酒能隔水出銀餅
孝綽時為我他年躡屨重相訪敢負人占處士

星

喜晤吳菘三秦淮酒樓

執手秦淮是舊遊飄零猶見黑貂裘
百年生死雙蓬

鬢千古行藏一酒樓
庚寅同和卷仲望雲樹朝瞻陵闕外
風檣夜馳石城頭故人漫自傷離別
已過蘇卿十九秋
別菘三二

題贈張虞山草堂

石坂橋西一草堂獨餘三徑未全荒
雖無陶令當門柳却有君公避世墻
戮力但愁華髮短吟詩且共酒杯長
千金亭下多年少為問何時出射陽

八月八日為紀伯紫壽

南金竹箭世應稀愛汝文章老愈微
倚馬不推袁孝伯驚人可繼謝元暉
空懷邱懷家多累欲挽乾坤願久違
九萬扶搖誰借力秋風鴻鵠足高飛

曾青藜詩集 卷七

其二

肅肅高天爽氣催度先佳節且銜杯
廿年老友今同聚萬里清光漸欲來
耆舊誰知瞻魯殿聲名獨久重燕臺
如君傲雪凌雲志珍重人間漢代材

送趙儀吉歸祝其尊人壽

高天寒月照深枝喜得逢君又別離
作客幾經霜落後到家正是菊開時
北堂歌嘯生丹壑南國文章見

白眉萬里庭闈同在念慚予偃蹇獨歸邊

贈姚際斯僉憲

舊聞侍從冠羣英南北爭傳折檻名自是范滂思攬
鸞應教嚴助厭承明雲深六洞桑麻長煙滿三江道
里平此日臨軒除紫橐重開節鎮虎頭城

其二

使君清節凜霜寒青嶂丹溪勢鬱盤匝地獲啼搖箭
箴調天在角起峰巒三秋鷹隼迎風立九戩鱗魴望
澤寬浪跡燕臺音信斷小人有母借平安

曾青藜詩集 卷七

東巖就思殿撰

金莖秋色起寒煙環珮縱橫漢殿前每嘆元臣虛夢
卜近傳天子重經筵鷗鵬知擊三千里風雨重過四
五年屢叩楊亭問奇字如何徐榻但高懸

九日為陳東日壽

鳳城如畫映垂楊小閣臨流獨舉觴湖上久聞黃菊
園客中且製紫萸囊馬迎風色喧官路鳥帶秋陰過
女牆池滿居人心自遠况君山水足青蒼

九日龔芝鹿宗伯招同紀伯紫徐方虎白仲調

杜湘草陳康侯緯雲買穀梁黑窟厥登高共

用康侯西山韻

每懷谷口向王官旅食京華負翠巒白日倒飛千樹
影青天高並萬峰寒賓朋促坐垂金玦僕射開筵出
玉盤陣陣秋風吹短髮幾回蕭瑟倚游冠

其二

西山爽氣正開尊得共登臨即是恩霜杵數聲聞落
木塞鴻一點下空園故人子弟猶虛席名士簪纓半
在門當日韓歐曾置酒但容明允著清言

曾青藜詩集 卷七

其三

他鄉九日是登臺萬里家山一望開薄霧龍樓吹畫
角夕陽堆堞起風埃滇南音向愁中斷嶺北人從夢
裡哀細摘茱萸今共醉不知秋色為誰家來

其四

金臺自古鬱嵯峨此日能容賤子過一座清歌停夜
月九天彩筆動星河衣冠槐板人爭羨詞賦梁園客
正多沙軟霜深歸路永細毛短褐取干駝

其五

官騎夜擁路重重，高會何年得再逢。
鸚鵡青衫渾欲倦，蟹螯黃菊又相供。
高天一色沈宮漏，深幙初寒冷燭籠。
最喜山公多暇日，追陪杖履正從容。

九月雪後喜晤沈仲連先生

猶記同過顧彥先，春風細雨出芳筵。
自從白下分南北，一卧滄江幾歲年。
愁至不堪聽畫角，老來尚見手殘編。
牢騷獨有持螯酒，消盡霜華九月天。

其二

寒雲落葉正冬初，城闕蕭條風雪餘。
舊日交游今已散，長貧夫子更何如。
鄉關夢斷歸無處，賓館情深食有魚。
自嘆從人學咕嗶，李膺門外尚懸車。

曾青藜詩集

卷七

五

壽許友蓀

鳴珂帝里舊烏衣，三十功名未是遲。
結佩正當蘭芷發，懸弧喜與菊花期。
霜深虎白傳經後，日照銅龍獻賦時。
馳驟風雲年少事，至今天地讓男兒。

祝程周量

冠冕南宮正少時，人如白雪柳絲絲。
花傳上苑開文藻，名重中臺領度支。
雲影遙聞天外佩，歌聲爭識卷

頭詞春風琪樹當庭發，百尺龍門望者誰。

別蔣荆石

朔風吹向剡門西，萬瓦參差雪後齊。
詩酒何曾銷塊磊，關山原足重悲悽。
高天落日沈鴻影，哀草寒雲送馬蹄。
贈我琅玕新句好，他年懷想手重攜。

龔宗伯初度閣古古用少陵秋興八首韻為壽

同人共和詩十一月十七日

長至朔風轉上林，山川一望起寒森。
綠添宮館三微動，冰映樓臺萬疊陰。
飛潛時復發

曾青藜詩集

卷七

六

冬心王褒若有賢臣頌，何用裁詩賦藁砧。

其二

虬枝鶴幹自歌斜，金雀觚稜望翠華。
楷夫常來天外使，珊瑚自貢越中槎。
卿雲曉待銅龍漏，夜月寒聽玉塞笳。
禮署追閑封事少，宮梅又見一年花。

其三

西來山色動寒暉，脾睨凌雲遠樹微。
斗氣衝雙劍合江，天雪照一鴻飛時逢已仕人。
惟舊身繫安危願，莫違不羨神仙顏。
渥赭應知戰勝自輕肥。

其四

生事曾聞謝傅棋至今三楚有餘悲
桑麻邱隴皆烽火邑里絃歌且歲時
補衮未教簪筆久請纓猶恨棄
繻遲舊年舟過斬陽道父老牽衣說去思

其五

波濤百里駕空山匏子興歌夢寐間
白日魚龍生屋舍西風鴻鴈叫江關
憂天無路堪分病退食何時一
破顏講幄新開多侍從喜今獻納有同班

其六

曾青藜詩集 卷七
寶甲瑠弓海水頭寒冰積雪接深秋
旌旗繚繞羣雄避天地陰沈萬馬愁
未許封章停遠獵難將心事付
輕鷗老臣但為蒼生計白草黃羊亦九州

其七

久久乾坤不世功賜環迴出五雲中
金科玉律霽新露海鈔山鐔起大風
菴閣高懸星欲紫沙堤遙築日
初紅槽邱營向長千里六一先生舊醉翁

其八

宿坐春風正邈迤汪汪千頃 彼自慚鴻鶴心千

里私喜鷓鴣夢一枝日久始知交道險明趙國子
惡語及子
老來方信歲華移南豐尚就龍門祝小子名因驥尾

贈別白仲調進士

長安何事但羈棲古木蒼蒼望欲迷
津驛層冰連野潤御樓積雪入天低
人歸白草三河外家住青山十
廟西阿大今春留我宿曾於醉後一分題懷孟
新也

題嚴既方太翁嗜退菴

卜築城南宛似村筆牀茶竈傍琴軒
一灣綠水繞通徑數點青峰恰到門
亂葉風前堆柏子清秋響處聽
桐孫結廬何必逃人境邱壑輸君過謝鯤

其二

架滿書籤履滿高春風長在白樓亭
百年耕釣畝大地萬頃湖山入戶庭
阿閣今巢池上鳳太邱爭識里
中呈他年圖畫徵奇逸定上袁宏處士銘

張螺浮給諫夢得十年霜雪老黃門
句醒後足

成一律同人徵詩和之

十年霜雪老黃門歷盡艱危道愈尊
鷺鷥巢多新喜

氣鳴鴉林有舊啼痕天心萬里風雷夜直節中朝海
蘇恩滿日飛鴻遵大陸何容蘿薜戀江村

祝鄭次公

閒正穀日逢初度散暖梅花及早春北極才高題柱
客東風香趣握欄人為郎久著名三省卜紀且看歲
六身街鼓隆隆長不歇好催紫閣上星辰

贈毛錦來

西風紫橐晚會香玉樹高於百尺長四牡久淹散騎
省十年今拜尚書郎歌傳白石當星斗臺起黃金見

曾青藜詩集

卷七

九

雪霜自古文章資黼黻如何淪落在班行

其二

高天落日倚層城冰署玄言四座清喜有驚人吟謝
眺何妨濡髮醉劉伶樽前華燭分寒入簾外微霜傍
暮生潦倒長安經幾許不知今夜旅愁輕

送胡擎天還滇南

綺陌春風散紫煙故人歸向落花前名齋玉筍雲雷
動胡曾領手挽凋弓日月懸威里近推三輔貴藩封
竟與九盤連欲知滇國當時事在僑西南早拓邊

其二

英雄今古遇難酬廣武城高俯九州萬里山川回殺
運百年天地動離愁桑田久見麒麟為甫蒲海曾教虎
似鷗金馬碧雞隣漠北籌邊獨上最高樓

其三

黯蒼山色亂雲飛三十旌旄動帝畿二月花隨春騎
去五陵人向夕陽歸干戈南詔開珠履詞賦西園重
布衣此後屋梁明月夜相思偏與夢相違

其四

曾青藜詩集 卷七
十年廡下嘆離羣才盡江淹敢論文知有王門堪稅
駕況於燕市又逢君枯魚遠泣桑乾水孤鳥難飛金
齒雲親老家貧愁萬疊西風彈鋏向誰聞

寒食日集蔡殊菴園亭賦贈

九陌春風斷復連娛親郊外有林泉桃花歷亂舒紅
錦柳色迷漾上翠煙鸚鵡醉餘寒食酒鷓鴣聲起暮
雲天高懷不數庾開府好客今推張茂先

送周計百觀畢返大同兼賀太原新命

獵獵霜花繡鏡認使君來自古雲中五年改報河南

最千里人占塞北雄蟋蟀興歌成晉俗麻桑無恙識
幽風曾聞閭巷傳三異車服何煩下考工

其二

四十專城攬大荒東風軟土落花香熊羆舊日開河
曲虎竹新符領晉陽閣對青山雲氣出春深綠鬢主
恩長下車父老曾相識膏雨重來是故鄉

其三

伏馬飛狐界極邊雙旌猶帶鳳城煙班荆夜盡一杯
酒折柳春消三月天下里絃歌今尚爾公前任
翰李故人

曾青藜詩集

卷七

七

風雨各蒼然他時執手重相見白髮雲泥又幾年

長安喜晤周雪客并寄祝甫翁樸園先生

燕市黃金倦客裝悲歌只在酒人旁時從屠釣隨公
子每到登臨憶侍郎建業青山連草色秦淮流水帶
花香謝安終為蒼生計未許人間顧曲忙

其二

當年銅柱策奇勳蕙苙文犀總莫分才大自知功不
賞調高應識和空羣青牛入谷開丹井黃鶴摩天見
白雲定有神仙留退步北山何用重移文

別李斯年

正愁河弟袂初分却唱驪歌又送君一騎飛花春後
滿千村啼鳥夢中聞山川勝有秦禾淚天地終留麋
鹿羣同望家園歸未得滯人懷抱嶺頭雲

龔宗伯移尊真空寺為閩古古作餞時同紀伯

紫何昭侯顧選集即席限韻

浮雲欲合日光微騎馬同來一扣扉寺近松陰經月
住天連草色幾人歸中原射虎容高卧北海鷗鵬任
獨飛篋笛不吹燕市上難將心事賦無衣

曾青藜詩集

卷七

七

其二

蒼然白髮出人間那有丹砂可駐顏自歷滄桑成大
夢不辭杖履試諸艱一身老去空填海五嶽歸來未
買山壯志難消今古淚春風直過鴈門關

贈郭快菴編修

老向空山學采薇當時尉後事原非故人為數京華
客才子如君天下稀洵有詩篇驚絕代可無文字到
漁磯梧桐百尺春風近不出龍門定不歸

留別張遠公并贈

虎頭春色擁旌旄，握手河干夢寐勞。往事至今隨碧草，故人猶自感緇袍。西山雲滿朝裁賦，北闕星寒夜佩刀。慚愧儒生疎且拙，百年天地付顛毛。

夏日將歸省祝畱別龔芝麓年伯

澤畔行歌嘆負薪，至今躑躅走風塵。芙蓉池上垂三世，桑梓堂中見二人。白髮長懷趨侍晚，青山不厭倦游貧。只因嚙指心常動，歸向江皋理釣綸。

其二

才盡江淹鬢早枯，當筵驚見奪曦珠。郊城載酒逢春暮，霜月揮毫惜夜徂。未免有情寧叔寶，更難忘處是童烏。英才喜過成三樂，但愧人間老腐儒。

曾青藜詩集

卷七

七

其三

此別離憂未敢言，茫茫歸計轉消魂。傍山屋僅三間住，負郭田無一畝存。亂後詩書供賦稅，天涯菽水缺晨昏。承歡但有名篇在，暫博慈顏笑語溫。

其四

禁城花滿曉光寒，楊柳東風漫挂鞍。養伏近郊多反側，蒞乾中谷正艱難。遙知鍊石天能補，借得還家夢

始安江上六朝松石在不嫌，未燭後來看。

杜湘草四十初度

九衢高樹綠千層，騎馬長安問杜陵。我自飄零猶道路，君今四十看飛騰。清軒百韻驚銅鉢，白日孤松入剡藤。玉刻麒麟宮內出，不須彈鋏又擔簦。

仲夏病中送柯翰周歸里兼游吾巖

細雨涓涓不斷流，東風楊柳夾行舟。省親正值寒兼暑，送客偏多病與愁。千里關河勞遠夢，雙江草木入清秋。憐予三載猶羈旅，一夜思家竟白頭。

曾青藜詩集

卷七

古

贈張青菴憲副

年少請纓洱海頭，東南指顧望中收。銅龍射覆多奇策，金馬還家一敝裘。

張原任
滇南

榆柳青山懷舊雨，梧桐

紫閣報新秋。如君咫尺風雲去，肯向江干問馬周。

送王橘叟還滇南并寄同志諸子

赤火紅雲六月天，班荆未久唱離筵。君行萬里當三伏，我別雙江又四年。晚樹時繁邛上思，月秋風好桂洞庭。船逢人為報蘭陵客，縱賦登樓亦枉然。

甲寅夏五雨中懷吳伯成明府四首

榴花初放綠陰齊，宿雨沈綿沒路蹊。溪水亂流城郭
裡，雲峰時擁縣樓西。遙知愛客常投轄，每借看山一
命題。幾度欲來尋舊侶，闔閭城上亂烏啼。

其二

干戈滿地嘆仳離，五月炎蒸過北師。不惜捐金消夜
掠，更聞列饌佐朝炊。橋梁闕坳經時築，士馬歡騰就
日移。郡縣但能如公輩，何須盡起羽林兒。

其三

自從京闕識高名，無處西風不繫情。廡下三年漸減

曾青藜詩集

卷七

五

竈道中一日吉班荆于過無錫於舟次得晤我行淹滯原多故

君宦升沈太不平。南北戰爭今未已，安危端賴繫長

纓。

其四

依人謀食寸心違，回首雲山滿翠微。故山名游子飢寒

何日了高堂顏色，逐年非兵戈作客真無術。兄弟無

家豈當歸欲借鵬鵬程，九萬江關十里到庭闈。

聽松堂詩

近郭堂成傍古松，崔嵬如在最高峰。九天霜露盤鸞

鶴，萬壑風濤起。蟄龍靜裡空山時，發響坐來深夜若
聞鐘。羨君咫尺成干仞，可許人間一杖筇。

送顧止菴少府之任虔州

萬里孤城控上游，使君鷗首發虔州。蒹葭風起連江
岸，茉莉花開滿郡樓。地接徭蠻煩左顧，兵銷日月借
前籌。茫茫天末需才亟，司馬青衫不足憂。

其二

謀食何由整羽翰，如今烽火阻江干。家貧親老音書
斷，金盡朋疎道路難。自信蓬茅依大厦，豈無雨露到

曾青藜詩集

卷七

五

漁竿鄉關一夜思，千里歸夢隨君十八灘。

梁谿喜值莫蘇嶺少府

天涯何計破愁顏，喜值君來看慧山。杯酒能消三伏
熱，清言暫受一時閒。浮雲似我唯高枕，盡日無人但
閉關。同往水南康水北，斜陽滿屋不知還。

其二

月明風靜露初稀，坐嘯江頭一布衣。白水已傳佳氣
滿，青天未許野人歸。漸看地戶當吳越，可信天心到

蕨薇。漸愧相逢俱老大，眼中猶自見旌旂。

其三

炎天無日不埃塵宦海茫茫莫問津半世踈狂三已
矣任十年落托一官貧言愁盡是思歸客到老反為
失路人萬里江山各回首憐予白髮有慈親

送世叔劉夢錫之任諸暨

結客天涯半弟昆况予又是忝師門政閒莫負青山
好官久無忘故國恩古堞烽煙飛白羽秋原箴策動
黃昏飄零兵革何時已得上琴堂即故園

送彭子載歸寧都

曾青琴詩集

卷七

七

天涯惆悵向誰親暑雨炎風閱五旬垂老漸看家似
客離鄉喜見汝為人幾年湖海雙流涕多難乾坤百
鍊身珍重此行歸上好莫將辛苦負清貧

其二

到家未久即長違哀病心知萬事非兩世身名慚父
執五年魂夢隔慈闈通天有罪容誰遁蹈天海何人
許獨歸涕淚由來因老減西風為汝一沾衣

舟過萬安縣

江路崎嶇去復回家山烽火夢中來沙平兩岸知灘

盡帆指孤城見嶺開到此長風應破浪何人落日更
登臺可憐白髮悲無數猶是當年戰鼓催

乙卯秋日董无休張南士錢去病毛大可集寓齋分賦得殘字

雨後新涼暑氣殘相逢白髮各垂冠座中客盡為司
馬廡下人誰是伯鸞藉有詩篇成縞紵慚無雞黍出
盤餐小庭花草分秋色喜得君來一共看

侯公言總戎五十壽詩

書勛已上凌煙閣列戟新開偃月旗江海南天頻建

曾青琴詩集

卷七

八

節土田他日自分茅風吹斗帳朝馳馬潮湧戈船夜
刺蛟二十登壇今五十由來功業在方苞

壽徐武子先生八十詩

靈光魯殿尚崔嵬耆舊於今更有誰六代繁華經世
變兩朝心事少人知匣中自識雌雄劍膝下還看大
小兒八十年來如一日海天長嘯息蛟螭

楊嘉樹招同趙元毓沈孝慈翁漢律張師仲徐

式四劉佶四衙齋看雪得朱字

蠟屐衝泥竹索扶到來清暑擁寒爐飄風竄瓦冷侵

骨亂雪打窓冰上鬢熟醉自知懶阮籍歧途何用泣
楊朱江山萬里頭俱白莫笑人問老腐儒

酬石埭姚六康明府

憶昔羊城坐客軒君方百折出沈寃風波尚有餘生
在天地偏教死後存老驥當年悲魏武寒雞深夜蹴
劉琨如何萬里飛鵬志竟作鷓鴣奇襟園

其二

雪窖冰天日未乾衙齋勝似一峰寒幸無風雨吹簾
幙只有蕪菁出木盤半嶺丹傳仙令宅一溪清見使

曾青藜詩集

卷七

九

君灘政閒官冷渾無事靜對琴書至夜闌

其三

歷盡冰霜世屢更至今頭白老孤城從來縣小難為
令況此時艱止用兵輸餉千家愁歲計荷戈三戶寓
春耕烽煙過後桑麻熟方信人間名杜名

其四

久客陵陽愁轉新風光如水水如銀半生事業衣兼
食萬死艱難君與親欲去可知因歲晏此來不獨為
家貧如今烽火連江上莫恥微官老一身

贈紹興何崑亭太守

戴路輕陰綠樹齊衙齋高出衆峰西山川掩映憑虛
檻城郭回環出亂溪此地風雲餘霸業人家町疇自
春犁農桑過後絃歌發不信鄰封有鼓鼙

贈姜定菴京兆

憶昔長安作遠遊曾經懷刺識荊州天心已見虛前
席家食何期歷素秋嶺北干戈今未息桓東寇盜正
堪憂封章此日煩司隸簪紱歸來尚黑頭

題宋射陵蔬枰園

曾青藜詩集

卷七

十

禿衿短袖露方瞳手把長鏡托遠鴻芒履踏殘沙塞
赤桑田看盡夕陽紅聊將菜甲銷禾黍暫借蔬枰戰
雨風蕭艾荆榛猶在眼乾坤都付一鋤中

靖江贈陳不遐游戎

赤火紅雲捲怒濤旗門無事講龍韜岷江到此流將
盡潮水吞城勢欲高萬里山川歸鎖鑰一簾星月靜
弓刀謝君亂後能開譙楊柳臨風拂敝袍

病中送宋射陵還鹽城

夜夜西風正未休戈船波浪拍天浮三更見月頻歸

夢萬里有雲欲上樓君有田園愁泪沒我因烽火苦
淹留病中無計重來話畏聽哀笳又報秋

其二

獵火連雲世變更窮愁兀自坐孤城江東子弟推年
少天下英雄屬老成擊筑聲中無夢到鼓刀市上有
人行與君健駟扶桑去皓首橫戈看日生

贈蘇州高蒼巖太守

西連震澤東江海千古雄藩此闔閭征調人當荒敞
後袴襦歌正亂離初倪寬不急爭輸課鄭俠何勞更
曾青藜詩集 卷七 世
上書今日瘡痍應漸起知君清暑有懸魚

其二

素箏濁酒望車塵潦倒行藏是賤貧名士如君方足
貴浮雲於我似相親知歛山水成文字君入波峰山
寄題程伯建
連山每見交遊重君極周旋吳六
益沈聲聞諸子郭隗已空燕
市久黃金臺上屬何人

寒夜與陳山農對酒看山月

六載重逢鬢已皤寧知患難半消磨吾生已見同遊
少愁境偏從後會多京洛故人分出處鄉關遠事起

干戈與君漫把今宵酒坐看寒光上薜蘿

蘇署長至次桑楚執韻

飄風淒雨逢長至勿勿新添一綫愁滅竈人依暮里
下浮家路近太湖頭予家
光福半生空結三千客一錯難
銷十六州耳熱酒酣壺口缺揮戈心事老來休

送林武林清軍漳浦

亂離消息苦難真嶺外懸軍事更新只為瘡痍今未
起始知夫子不長貧黃雲草驛都成雪翠憶花旌好
待春記得與君鴈咏日湖山終讓一閒人
曾青藜詩集 卷七 世

其二

哀病蕭條看暮雲天涯何事悵離羣誰容詩酒成名
士可信英雄屬使君日月忽從愁裡過山川惟向此
中分傷心莫上高臺望鼙鼓樓舡不忍聞

丁巳春初送吳伯成觀察入關

春風花樹擁行旌旂鼓樓船落日明觀察舊為唐節
度都官原屬漢公卿雲迷嶺嶠生寒色水入海天作
兩聲澤國謳歌三異著兒童爭識使君名

其二

淹留花縣為時久此日聲名達帝畿自是君才有十
倍可知天意轉三微干戈滿地驚鴻斷城郭無人燕
子飛風雪嚴寒如絕塞海山芳草待春暉

其三

八閩舊有君家澤父老於今尚涕淚庭下柳為劉尹
植道南棠是召公遺梳櫛時見翻旗影幕府重看列
戟枝從此桑麻膏雨遍不須淚墮峴山碑

其四

數載相依情更親常因旅食累官貧夙欽諸葛真名
曾青藜詩集 卷七 三
士却愛子同是隱淪鄉國天涯愁裡過湖山春色夢
中頻遙知君去梁谿後南北交游少主人

題陳伯騶送別圖

河橋初漲柳花新落日東風執手頻天地何年容作
客山川終日送歸人愁心久斷鄉園夢絕塞空傳戰
伐塵此別不堪回首處畫圖畱取六朝春

徐允成招飲草堂

十載睽違夢寐頻偶來三徑見情親春庭霖霖吹新
雨夜幙風鐙醉故人顏色照殘千里月干戈催老百

年身今宵痛飲成高會莫計明朝客路貧

題孫赤崖聚樂圖

自從詞賦動京畿更有賢王薦陸機遼海來歸新皂
帽江天遂識舊烏衣芝蘭階允方三世松桂家山已
十圍此日且耽泉石趣定如羔鴈滿庭闈

贈趙山子廣文

曾將白眼傲豪賢三十才名老鄭虔天意半銷新白
髮家聲遠戀舊青槐高門子弟多龍鳳亂世乾坤盡
雀鷗相約澄江能醉我但愁官舍更無錢

曾青藜詩集 卷七 四

贈別李相如

楚火吳雲鳥不飛忽驚相見又相違戰船笳鼓今交
作戎馬闕河各未歸久客何知離亂苦哀年但覺世
情非長才如汝堪馳驟皓首青天駐落暉

送盧星客歸嶺兼寄北田諸子

五嶺雙江戰鼓催喜聞人自故鄉來英雄世上皆豚
犬麾節天涯半皂臺擊筑方知傭作苦操絃誰聽土
風哀藉君寄語諸同志落日還堪著死灰

吳門喜遇錢幼光

城頭畫角入秋哀，烽火天涯醉此回。
千里家山歸未得，廿年風雨夢還來。
祇今世事應難問，為有胸懷只不開。
一別自成多少恨，爭看鬢髮各相猜。

吳門紀遇詩得曾字

浮雲蒼狗總無憑，隔世人驚似老僧。
心事都緣銷客旅，乾坤只合付漁罾。
買山何地供薇蕨，採篋無錢醉友朋。
却笑當年吟白馬，誰來物色到平曾。

高蒼巖太守從西山至鄧尉，余移尊朝元閣看

桂即席得花字

曾青齋詩集

卷七

十一

十里村庄夕照斜，使君盡日放湖槎。
溪山已讓臨川履，天地還留處士家。
但許盤飧供橡栗，不教車騎誤桑麻。
朝元閣上秋深處，樵悴西風是桂花。

贈楊東井

與君同是一通臣，流落江湖三十春。
舊日龍髯空有淚，當年燕頤屬何人。
半生遺却吞吳恨，萬事銷歸念佛因。
抵掌莫論今古士，吹篴擊筑敢言貧。

贈金觀察

勝蹟當年沒草萊，平山臺為使君開。
荒邱落日堯虛

檻高閣西風散遠埃，每見文章推庾鮑。
常攜賓客盛，鄙故自慚衰。
老多愚賤得共何人，上大槐。

借諸子尚儼度歲，因憶魏叔子奔兄喪歸里

山中已度兩除夕，今夕何為更愴神。
兄弟心傷生死異，友朋禍遘亂離真。
天涯白首借諸子，夢裡黃泉半故人。
獨憶扁舟江上客，西風顛賴一孤身。

贈別石濂上人

十年湖海一孤身，天界曾參柏子因。
往事不堪回首處，此生猶自未歸人。
出門荷插非闌醉，卓地無錫可

曾青齋詩集

卷七

共

是貧與汝同游，兼惜別梨花寒食暮。
江春

戊午暮春徐長民招同周雨邨江中石姜奉世

令弟羽賓夜飲先春堂得三字

晚風吹起柳毵毵，春色已過七十三。
簾幙雙鐙開翠黛，賓朋今夜盡東南。
碧笳久釀人皆醉，紫筍初肥味正甘。
最惜酒闌歌罷後，一聲催出曉鐘鐺。

蘭陵署中寄輓高蒼巖使君兼唁湘毅森萬山

啟

聲名久著御屏間，况有恩威動百蠻。
使君曾為扶滿

但留琴鶴在心清長傍鴛鴦開莫瘴峰上聯吟後使
在東山曾降虬與鄧尉花前秉燭還使君至鄧尉風
其瘴大仙聯句東燭看桂

其二

世肖崢嶸甲第新河汾原是舊朱輪江山文藻推先
輩天地指麾托後人丹閣久知巢鷺鷥謂湖穀昆仲青箱
又見種麒麟謂令孫由來大德難為繼始信君家肇累
仁

其三

曾青蘇詩集 卷七 七
自從髮白已成樗更有何人問索居入幕纔教三月
半登樓又過一年餘中庭犢鼻真難晒安邑猪肝未
見疎今日峴山流涕後縱歌彈缺亦無魚

其四

端陽別去見何期不謂遂成永訣時一死祇因民力
累使君從桐城半生惟有彼蒼知計傳楓浦書難寄
祈禱得病使君從桐城半生惟有彼蒼知計傳楓浦書難寄
觀過蘭江哭竟遲從此西州無馬跡何堪更詠扣扉
詩

已未中秋喜晤呂御青招飲舟次得公字

沈而白沂

秋山秋水亂雲中小艇橫流沂晚風作客不知佳節
至銜杯却喜旅人同榛苓有夢西歸好禾黍無家北
望窮江國仇離今又甚墻東何處避君公

立冬日汪栗亭招同諸子集梅旅山房分得江
字

今年冬日如春日布衾單衣坐北窓三徑蕭疎多過
客一身飄泊尚邗江
壁上諸侯已
盡降爛醉不知羈旅苦天埋涯何計理歸艖

同諸公讌集共用澄字

曾青蘇詩集 卷七 七
每向高齋集友朋盤多兼味酒如灑途窮自覺歡場
少老去寧堪亂日增新月停歌休翠幌微霜入塵冒
寒澄揚州莫說繁華夢貧賤於今是五陵

程葛川招同諸子旗亭小飲時有小史度曲共
用青字

百年老友似晨星賴有程林合醉醒渤海詩篇推李
白春風歌板愛秦青銅龍夜靜停霜月金馬人歸聚
酒亭孝威時從唱盡關元天寶曲如今燕市有誰聽

諸子移尊曹秋岳先生寓齋共用留字是夜劇

飲大頓諸子作詩嘲予故未及之

路過邗江一暫留
喜看李郭得同舟
風霜人老家千
里楚漢兵銷酒
百畝燭影漫成
鵲鴿舞月光空
戀鷓鴣

冬日同徐集菴崔免床錢馭少丁勗菴訪煙雨

樓遺址

落日南湖一繫舟
四圍風景尚如秋
鐘殘荒草空餘
寺石卧寒煙未
見樓城闕天高
驚斷鳥荻蘆漁
起亂

曾青藜詩集

卷七

元

浙署除夕

靜掩高齋燈火微
風光荏苒戀寒扉
隔牆簫鼓喧街
市入夜春盤闕
薇薇無食妻孥
音斷殘年心事
海

其二

不用桃符役鬼神
亦知貧賤老逾
真檢來舊歷愁
新
歷看盡今人愛
古人亂世曾無
千日醉他鄉又
見一
年春欲知辛苦
飄殘淚三十年
猶勝此身

庚申花朝前五日同王勳中姜奉世集根華堂

得青字

高館張燈對翠屏
梅花深處醉劉
伶春風散綺千
林
綠夜雨凝寒四
壁青衰後不堪
逢喪亂人問最
苦是
飄零與君漫飲
今宵酒好友年
年散若星

送丁勗菴返金陵并次元韻

歸心不必計桑榆
只可逢人說大
都自古良醫常
怒
石至今盪寇但
監厨我來難免
添蛇足此去無
煩將
虎鬚知有蓬蒿
三徑好鹿牀烏
几待君鋪

壽宋既庭六十并次元韻

曾青藜詩集

卷七

卅

春風花雨記當年
池上芙蓉望若
仙八代文章孤
節
著百年薪火幾
人傳干戈空見
催時序邱壑豈
甘托
醉眠叢桂吹香
寒菊發莫將辛
苦怨秋天

其二

徵書一日下皇州
傳華曾聞帝夢
求經營空嗟留
絳
帳乾坤只合付
清流王門子弟
多龍鳳石氏山
川半
虎鷗世事浮雲
如嚼蠟天容高
卧醉糟邱

其三

赤側黃金豈足多
輸財卜式事如
何近傳妖鼓鳴
昏

畫忽見秋田長蔚我敢裡焦螟能再乳水邊丁子亦
水波翰君百尺高樓上看盡滄桑發浩歌

其四

白首青編任卷舒四時花鳥愛吾廬過都不揭歌魚
缺避世且有種樹書何處湖山堪結隱至今鬢髮未
全疎陰陽蝕盡麒麟閣暫向人間學邀初

中秋後三日予從越東歸徐蘗菴挈舟過訪值

其六十初度作此祝之

才華意氣似君稀結髮從軍願久違蹈海不因烽火

曾青藜詩集

卷七

累移家豈為稻梁肥百年天地容雙鬢萬里關河駐

落暉欲叩鴻濛歸混沌西風先上薜蘿衣莫菴師清虛子

其二

秦笛吳簫吹未殘江湖秋色鴈聲寒祇緣多難浮三
世欲試諸艱就一官石馬嘶風防鳥道銅人泣露走
螺盤傷心六詔歸來晚明月中天取次看

其三

天涯常敝黑貂裘結客荆高貧未休有弟壯年稱畏
友謂隣初故人今日半通侯張趙諸公皆黃金莫咲空

過眼白髮應知未上頭愧我論交逾五載至今飄泊
尚虛舟

其四

秋高月白露華滋喜爾懸弧值此期兩崦溪山歸養
畫一天星斗八景恩蓮花峰似浮霜鏡桂蕊香先到
酒卮閱盡滄桑羊脚熟與君大咲墮驢時

汝君喜廣文殉節詩

倒馬關頭控萬弦三河四塞盡烽煙村空似覺行踪

易官小方知死節骨大氣蒸騰難白日血光照耀舊

曾青藜詩集

卷七

青蘊芸香閣上塵飛後媿殺台州老鄭虔

雪中過訪陳堯夫畱飲聯句

嚴冬放棹下西冷曾竟日淹留話草亭風雪家貧三

易酒二沽酒而得良醞陳江湖人老一看星時有星異其將近事徵

休咎曾且共良宵問醉醒後會探梅期鄧尉陳春山

先我叩柴扃曾

其二

同雲朔吹氣清冷陳擁火篝燈坐夕亭遙外有天時
卧雪曾尊前對客似殘星南山豹霧歌招隱陳東海

驪珠咲獨醒莫嘆書生頭易白曾乾坤寂寞一寒高

辛酉送春日山塘送呂御青之燕分得儒字

落日旗亭問酒壚虎邱送客上京都一天風起斗牛
亂五夜春歸燈火孤欲別暫成楊子路高談且繪鄭
公圖羨君奮翮青雲去笑盡乾坤老腐儒

七月同葉星期周青士張繩其命屏月集汪周

士晉賢雅涵堂得翁字

傳說吳王避暑宮四郊地盡種梧桐芷蘭不見思公

曾青藜詩集

卷七

三

子木黍祇堪怨校堂可信乾坤真斷梗却憐身世似

飛蓬與君共對今宵酒且學當年六一翁

其二

兩年三客此堂中風景蕭疎自不同五夜天高飛過
鴈一簾秋冷亂鳴蟲庭開但見書籤滿坐久豈教酒
殘空星漢迢迢銀漏轉不知身是白頭翁

其三

簾幙霏微冷玉蟲紫羅襦覺夜寒空東南箭美推三

鳳周士三昆仲俱有文名大小山成賦八公千載行藏雖有異

葉張成進士予與同命時布衣一時心事得無同座中名輩誰雄長
萬卷還須讓老翁

其四

檐前錢馬戰秋風每至歡場萬事空蟋蟀鳴中衣自
薄琵琶聲裡曲誰工老年但覺家鄉好亂世何妨客
路窮蓬葆生涯無善策歸來漫學祝雞翁

贈徐翁七十初度

知君原是忠臣裔

清節徐公揆為光福始祖

獨爾甘為隱者流欲

保鄉閭輕一出

居於鵝草時曾出任

為全身世愛千秋事平又即歸隱

曾青藜詩集

卷七

五

家山久傍東西嶮湖海爭看百尺樓鞭撻義和推日

馭凌風直欲逼滄洲

其二

三百年中半隱淪梅花村豎喜留賓蘭亭載酒皆名
士倪雲林高季迪許耕漁蓮社談經是故人姚少師與樂餘

公為集得詩篇成譜牒翁集得諸

至交宗譜遺失已久遙知奕葉垂千禩始信君為後起身

其三

卜築橋西近市喧家貧常不計饗殮一簾風日多花

石萬春詩書半里門竈下生泉知令子庭前植柳課
諸孫堂名清慎傳來久樂餘公書清慎二
字翁顏為堂名耕鑿敢忘

祖父恩

其四

老來懷抱強為懽况復飄零感歲寒風雨愁予常下
榻溪山與爾一凭欄扶笻人愛浮蕉葉玩世天容製
籜冠自笑餘年當七十逢君渭水正垂竿翁長子
十二歲

贈劉介菴憲副

灘水雲龍氣蔚藍江山此地盡東南歌深襦袴來何
曾青藜詩集 卷七 五

暮烽起荆梁日不堪卧閣如今須汲黯徵車遙見名

曹參懸魚自是生平志獨對清光月一潭

其二

天涯常做黑貂裘彈鋏年年苦未休但覺陳群空魏
長敢云王粲獨依劉千秋蘭譜容維掖萬里萍踪托
荆緱自笑腐儒輕且賤何時得上李膺舟

邗江冬夜集程山尊寓齋同諸子話別得同字

曲巷疎簾度遠風故人尊酒坐寒空山川每恨多歧

路時山尊還新安射陵歸鹽城
命陳芳歸泰州予亦渡江日月能消一短蓬烈

士何心憐老馬高天無夢送歸鴻他時再聚邗江上
落落晨星又不同

贈俞水文

春風過處舞新衣金谷園中見後身紫綢裘為題版
客白銅鞮是惜花人英雄末路時多故老大歡場夢
未真暫借笙歌消逆旅唾壺擊鉢暗傷神

題汝受小影

林木蕭疎白日陰臨風長嘯且披襟一編詩卷留天
地萬里胸懷入古今湖海何人容獨卧山川無路可

曹青藜詩集

卷七

五

行吟茫茫誰識飄流意惟有丹青一寸心

輓呂生伯暨朱孺人詩

望斷西風何處村北邙墳上見塵昏山川空受孤臣
累天地還從一死存不負詩書供道力且將膚髮答
君恩杜鵑叫破三更血猶是當時蜀帝魄

其二

人生八十古來難况有宗支百世繁南國桑麻今屢
換北堂機杼幾曾安孤鴻久斷高天冷寶瑟初沈午
夜寒他日風雲多際會祇因會咲九泉看

贈朱錫鬯簡討

春風桃李夾朱門自是當年文恪孫
紫閣奎婁傳甲第青箱詞賦擅梁園
千秋筆待董狐久三國名慚陳壽
存今古狂瀾誰砥柱知君力可挽乾坤

其二

每憶長安別紫芝十年廡下各東西
敢云滅寇嫌因熱但覺巢林喜近栖
久客應知傷老醜故人已自隔雲泥
歲寒此日能相念莫嘆生涯路轉迷

雪中贈沈心仲五十

曹青藜詩集

卷七

三

微風拂檻曉光新喜爾懸孤值小春
鄭史但知書甲子楚騷且自避庚寅
坐來藜榻觀朝氣識得桃源結隱渝
歌桂東村聊玩世天容一老作閒人

其二

背郭疎籬屋數間高堤楊柳抱溪灣
閉門只合幽人住把卷長消白日閒
為愛持齋常綉佛不因習靜始看山
人生百歲今過半買就丹砂一駐顏

為汪晉賢新築題畫并次原韻

一畝亭園亦足多况於地僻少人過
秋生溪水落寒

木日散墻陰垂薜蘿詩俗何妨工柳下
閒情能不憶梨窩晉賢舊有歌妓天寒且誦幽居賦
翠岫相看倚竹哦

其二

踈檐仄徑傍城開帖石為橋自不墮
借境可知因樹得護籬常自見花栽
溪魚看雨浮青荇林鳥隨風啄翠苔
為報汪倫新築後芒屨時有故人來

寄贈陳堯夫六十初度

桐川兩見雪飛花小閣春梅發早芽
遙憶懸弧當歲晏應知彈鋏尚天涯
舉杯料共梁鴻案齋楹空傳張

曹青藜詩集

卷七

三

碩家近得神仙真妙訣與君勾漏覓丹砂

其二

蒼狗白雲事轉奇勞勞天地更何之
浮名不及身前酒舉世休誇帳下兒
不信深山為樂土可知大盜是良醫
堯夫應聘過盜吾生自有安閒處何必牢騷請楚詞

其三

他鄉流落歲重更風雨連牀舊友生
一棹還家猶是客三年長我即為兄
娛親膝下看霜鬢婦窓前聽雪聲
貧老雖同羈旅苦家山望斷夕陽橫

壽陳子木先生八十

當時厨後盛簪裾名士爭看郭泰車八代文章歸氣節百年心事付居諸雄劍尚藏龍氣大小兒能讀父書渭水熊羆應見夢高天弧矢指狼胥

贈南康呂隣秩明府

故人新作南康令百里花封正少年縣小但容山色到庭閒時有鳥音傳孤城日落人煙外五嶺天高俟火邊君去不須愁路遠吾家猶自隔梅川

其二

曾青藜詩集

卷七

元

歷盡崎嶇閱歲寒五陵有缺日空彈只因謀食逢人短愈覺浮生到處難風雨何年資羽翮家山無夢報平安天涯望爾成歸路六月舟過十八灘

輓呂旦先兼唁令嗣隣秩御青

浮生如夢任西東對面都為白髮翁下榻每傾家釀美分金常慰客途窮自予不見方三月於世何求只一空玩得莊周齊物論好將心事付冥鴻

其二

行行且住只因貧不謂來時已暮春何意死生消二

豈遂令天地少斯人傳家喜有琴書在綰綬空瞻姓

字新隣秩方授吾鄉南康令欲附舟歸今已矣此生應老大江濱

濱

贈鹽城賈子英游戎

故鄉回首十年春風雨曾教夢寐頻終賈忽開新幕府劉盧原屬舊嫺親龍旗閃處雲千點鼉鼓鳴時月一輪自笑儒生無善狀看君閣上畫麒麟

潘若谷招同宋楫恭王次詰翼園雅集共用山

字

曾青藜詩集

卷七

四

疎籬曲徑屋三間架上圖書手自刪斜日依然隨樹轉高人只合對花閒紅麟滄水如游沼白石叢筍可當山羨汝家貧能好客有園一畝不曾闕

壬戌冬至前五日過婁東王不巷由浙東返里

時不巷亦歸營壘

廣莫風生欲雪天江城晚色淨無煙故人共指錢塘路為數歸程各二千我返家鄉營舊宅君哀慈母卜新阡重來吳地知何日痛哭雲山但愴然

送呂隣秩明府入粵時予亦有端州之行

梅花五嶺接桃溪
道出南康頓水西
縣裡兒童看客
喜江頭定有馬
嘶隋秋舊選
蠻兵萬里降旗出時
路阻峽狹千峰古
木啼我亦欲訪安
期子北山應有
白雲梯

長至前三日僑西城
橋嬰奇疾頭大如
斃不辨
晨昏者久二十九日
扶入小舟還卸尉
坐卧
一小樓燈火熒熒
申旦不寐悄然四
壁萬慮
俱來口占得七律
二十首雖多囁語
用遣憂

懷

曾青藜詩集

卷七

二

風高霜冷歲華秋
街鼓隆隆日未休
天地都成蒼狗
夢闕山今敵黑貂
裘殘年事滿澆
孤榻多病人稀
愛
一樓最是飄零無
定處千谿萬壑任
虛舟

其二

病骨慙慙瘦似柴
瘦似高天風雨亂
空階深知舉世
逢場戲愈覺浮生
事乖邱隴松楸空
極目山川禾
黍久傷懷但能一
上家鄉路得展先
靈骨可埋

其三

柔腸寸折百憂煎
到老心知悔昔年
鸚鵡救焚今已

矣井蛙測海總徒
然消磨二萬一千
日贏得東西南
北天乞就餘生
過六十誓將努力
蓋前愆

其四

漫將芳草憶王孫
吾道於今枉自存
半世空懷知己
恨此生難報故人
恩故人謂魏禧
叔子恩也
縱令率德來多福
安得貽書向九原
良友凋零天莫問
請殘楚些好招
魂

其五

天涯牢落恨離羣
皓首湖干泣暮雲
千里賤貧僮僕
曾青藜詩集 卷七
散八年生死友朋
分何人更剪蓬蒿
徑有涕難沾宿
草墳自信孤身如
斷梗隨風吹逐大
江濱

其六

日日估船下具區
頽觀久斷數行書
鶴鶴原上死生
異鴻鴈天邊音信
疎悔不謀生權子
母喜從高隱仰
樵漁身將老矣空
慚爾願守先人一
敝廬

其七

織練織素總情深
豈為新衣棄故襟
自惜庭懸青玉
案肯教人誦白頭
吟思家誰信穿雙
眼作客難辭抱

兩心一病歲殘歸路斷祇應寤寐怨黃金

其八

胡風吹入小床幃透骨寒衾浸鐵衣人到病時方悟
道身當衰後始知非湖山是處容吾老後鶴多情戀
客歸無限傷心千古事應教魂斷在庭闈

其九

一番夢覺一番迷蝴蝶鷓鴣物自齊十日坐如騎霧
走五更醒只聽風嘶移頭就枕憐嬌女抱脚煨衾謝
小妻但有知兒頑劣性學人歡笑學人啼

曾青菴詩集

卷七

其十

生來只是不宜男無一能分老大慚自佳繙雞污至
白人啞青本出於藍讀書甲乙誰相許得食階除亦
自甘我素樂天知命者何須重向象爻探

十一

厲夜生男愛獨偏令名常冀後人傳每看兒女階庭
滿只羨人家子弟賢老去方知身是幻歸來慚與病
為緣從今不受糊猴套虎犢虎狔任自然

十二

青山白石是吾徒何用同車愛赤狄截趾誰知難適
履剖身人咲欲藏珠浮生空作馬牛走末路都為妻
子驅銳氣如今磨漸盡閒情較汝勝于無

十三

曾提一旅下雙江百萬旌旗不肯降壯志都教成夢
嚙精魄猶自戀鄉邦哀笳斷鼓月沈驛破屋頽垣風
打窓追憶諸軍同敗坳孤身誓死砥春撞

十四

空房終日擁衾裯紙帳寒鐺四壁幽自覺夢中輕似
蝶遙聞牀下鬪如牛天心未肯憐羈旅吾道應知恥
斷溝病後呻吟長不寐異鄉贏得故鄉愁

曾青菴詩集

卷七

四

十五

長鏡短缺欲何為乞食陶公自可師千慮但思千日
醉一家祇望一身支相逢車笠都如夢回首風塵只
獨知流寓十年今白髮故人誰送草堂資

十六

山深村冷斷殘更衾枕欹斜夢不成隔岸空林疑鬼
嘯小樓何處下鐘聲鼠吹燈落頻相逼難避霜寒不

肯鳴攪我愁，愁煞千萬縷。偏教夜夜望天明。

十七

患難憂愁遠近同，吾生憔悴病貧中。浮雲於我真相似，好景從今總是空。處仲志因閒閣見，陶朱才為散金雄。自知不及古人遠，雙鬢婆娑尚阿蒙。

十八

太湖一住三千日，秋有桂花春有梅。翠嶺虎橋見月上，看山元墓開鐘來。主人愛客戶常滿，上人謂徐長民好友。隔溪門對開，好友謂姜奉世。只為愁心寄歸鳥，半月風雪頻。

曾青藜詩集

卷七

五

相催

十九

自從年少歷滄桑，辛苦安知日月長。爆竹聲中驚節序，燈花夢裡識家鄉。煮殘羊腍催天曙，操到豚蹄祝歲穰。聞道兵銷烽燧靖，又看太白發光芒。足夜深更時太白經天

二十

老來只愛一身閒，不問時危與命艱。但得經營留祖澤，願將心事托靈山河魚。可信枯能泣林鳥，安知倦

欲逐四果三歸真，妙藥何人能返此重關。

贈嘉興周次叔別駕

周為真定總鎮諱球仲子也

記別雙江埃火邊，音書那復故人傳。旌旄動隔三千里，甫翁開鎮太原漢中骨月重分八九年。次叔令弟為子桂婿乙卯與姪女在朝別甘雨隨車看驥足，輕風擊水見鵬拳。天涯極目爛親少一榻，能為徐孺悲。

病中遙哭吳瓶菴

方結青山作比鄰，天涯與爾共相親。一生意氣推吾

曾青藜詩集

卷七

四

黨十載交游重，隱淪入夢常。彈亡友淚，魏叔子死瓶菴培及必弟。分金每念客途貧，如何末路成冤報。瓶菴怒遣奇禍遂以憂死欲上凌霄叩紫宸。

其二

久知聖耻未全消，欲報昊天固極勞。難以寸心酬父志，忍將一死等鴻毛。瓶菴子凌蒼開計一物而絕讀書未遂平生願，蒿目誰同冰雪操。有子能令回造化，為君不必續離騷。

其三

滿齋靜掩坐黃昏寂寞還同蟲處視到老方知諸病
入浮生能得幾人存年來楓浦斷行路醉後西州誰
叩門除却夢魂難再見安能痛哭不聲吞

除夕

獨計匡牀一月餘四山霧暗小樓居病中最畏當牕
坐愁裡還驚是歲除依子俗爭喧市巷盡鷄家見貼
門閭春風尚隔人閒路春氣已先到草廬見夜天暖

其二

高樓風靜雨蕭蕭無力挑燈夜寂寞客久長貧宜送

曾青藜詩集

卷七

里

鬼心驚多病忽聞鴉是日祀神時忽聞鴉鳴椒盤對酒食三嘆

桂炬催更魂再招正欲祈年防毀性不知此恨向誰
銷

吳門送呂御青先生獨往廣陵并東江郭上諸

子

寒梅如雪柳如絲君到正當二月時津驛風花隨路
轉春江煙樹見舡移言愁未可當名士多病還應累
故知寄語維揚各同志憐予尚爾少歸期

其二

坐向空山老歲薇謝君常自慰朝饑鄉闕入夢長流
涕貧病經春未得歸西崦何人憐藥裹東風無意到
柴扉天涯終日愁羈旅誰遣餘波上釣磯

林天友僑興福巷見招以病不能赴作此却寄

用徐松之韻

小結精廬近市廛池塘煙樹曲闌邊鶯花着雨三春
夢草閣留人二月天久病自知游屐懶多情但覺故
交賢東風憔悴蓼床日慚愧君開玳瑁筵

春日同徐松之冒雪還山留宿西崦草堂作此

曾青藜詩集

卷七

里

萬志

花亂春山水蘼堤寺橋楊柳過舡低微風吹雪柴門
晚細雨圍燈草閣西酒薄家貧無宿釀厨荒煙斷不
只寒蘆蕭然一榻淹佳客從此何人說剡溪

移寓半塘寺端公房

八載前曾宿半塘柳花初放菜花香小牕草色荒三
徑柔櫓溪聲隔一堵病後空慚徐孺榻生涯暫借故
贊公房賤貧但見交情薄莫向人間嘆雪霜

壽陳幼木教授

十載青毡冰雪容巖巖獨立似孤松臨池但染關東
絹看月時聞夜半鐘燈火傳經非虎豹文章入夢是
蛟龍生來天上麒麟石秀骨還應出五峰

初秋顧迂客招同蔣大鴻徐蘂菴朱悔人唐錡

萬顧梁汾高澹游黃憲尹金莖文依園雅集

得程字

辟疆亭館自秋清木葉蕭疎過雨聲翠水寒菱浮枕
動白鷗新粟出盤輕時因好友成高會天為閒人放
晚晴爛醉不知明月上岸邊風露促歸程

曾青藜詩集

卷七

四

秋日送徐長民同蘂菴入都作此并寄蘂菴

丹楓紅蓼片帆輕何事勞勞急遠征旅夢增分江鴈
色高天欲下塞鴻聲青山舊業多風雨白首長途有
弟兄料汝還家應歲晏愁予尚自滯孤城

長至壽蔡太君八十初度

寶婺星傳八十春亂離三見海揚塵乾坤大節垂青
史川嶽竒光動紫宸精饌名成天下士清談坐見帳
中人從來提福歸忠孝始見君家肇累仁

其二

六珈象服玉交垂鍾郝千秋是母師壽祉正當長至
日天心已見復來時可知桃李成三世漫採蘋蘩進
一卮羈旅十年今白髮辨香猶得拜瑶池

贛南丁鴈水憲副先辱瑤函見訊作此答贈

十八灘高水接天雙江城下玉虹懸山川戰壘全消

甲乳郭人家盡種田庭靜稀無重賦官清訟簡少餘

錢故鄉書札頻來往只道溫陵節使賢

其二

華髮文章雜謝顏聲名常在海天間讀書不數朱公

曾青藜詩集

卷七

辛

叔作賦何煩庾子山長日芸牕簾箔靜東風草閣管

絃閒夕陽未下爐煙細檢點詩篇手自刪

其三

昔年簪筆動公卿畫省爭聆玉佩聲只為瘡痍勞執

法豈因溫飽厭承明歌襦久托九州被露冕足傳三

異名自是閭閻冰雪後春風日徧虎頭城

其四

白鳳當年夢裡來遙知司寇鑄顏回溪山每出驚人

句忠孝原歸命世才不愧謝庭吟柳絮公愛女豈敢

梁國誚楊梅公子皆應龍門百尺雲霄路更許何人
上大槐

其五

草閣經年抱采薪西風鬢髮白如銀已拚土梗笑餘
子忽枉瑤華寄遠人促膝何曾親擇虱捉襟誰復念
鸚鵡故交滿眼長安道那似君先泰谷春

其六

歲月驚心過異稜吹簫擊筑自蒼涼家山久托東西
崦子浮家卸尉九載湖海難消上下牀半世行藏同畫餅十

曹青藜詩集

卷七

三

年踪跡類投荒藉君好客過嚴鄭不比虞且郵許棠

寄懷石濂師并次元韻

天寒歲暮賦無衣坐嘯湖天久息機繞樹空憐烏鵲
叫培風應咲鴛鴦飛百年家國人何在萬里關河夢
不歸獨有吾師能卓錫魚山清梵看斜暉

寄東樵關吳意輔

一別動經四五年吾家久住在梅川關河空自懸書
劍嶺海遙聞起管絃豈有三縑文字報曾無一紙信
音傳名場久困誰相郵文道於今竟棄捐

甲子元旦遣興

晴旭天開是上元吾生誰復望騰鶩貢廷不見重明
鳥朝廟應來五日後蠻觸風前遺故壘鷓鴣枝上識
中原自從萬里無家後愁絕江天何處村

卧疾

卧疾蓬牕萬慮輕閉門無事倚檐楹晴和似覺經三
月沈醉且看過半生歌枕窺書渾欲睡扶藜晒藥苦
難行牆邊老樹知人意漸遠東風發早榮

開歲五日韻迂客招集依園予以病足未赴分
曹青藜詩集 卷七 三

得十三元十一真

病衰經時久閉門謝君折柬欲開尊蕭臆但見友朋
少達徑能教天地存綠柳牆邊春氣動紫藤架上鳥
聲繁遙知今日成高會應念深居獨負暄

其二

玉瑄頻驚節候新風光坐嘯夔頭春世方驅我為羈
旅天不容予作酒人倚樹空傳壑白說飄蓬且逐軟
紅塵予時有長安行摩挲銅狄催吾老醉裡乾坤夢裡身

高澹游舊臘五十初度作此補祝

門巷幽深靜者居澹游白著 數株老樹影扶疎常將

邱壑消愁壘欲借雲山作隱廬澹游著 坐久呼童烹

茗枕家貧餉客煎園蔬世間萬事皆蕉鹿那似先生

盡掃除

其二

懸冰五十道初臘雪窖冰天夢未安半月應知開甲

子君誕四日距十九立 六身還紀獲鄭臆漫將莫羨

占時泰且頌椒花傲歲寒長汝十年空自愧浮生辜

負釣魚竿

曹青黎詩集

卷七

五

春日過訪陳堯夫移尊小舟同宋懼聞夜飲限

經字

隔年不到子雲亭溪水山花一樣青舉世漸看吾輩

少孤舟暫為故人停移尊合醉賢兼聖燒燭雄談史

與經時與堯夫辨古 爾戎行藏俱老大且將心事付

滄溟

夢中贈友一律醒時憶得有玩世不如容世好

謀生更覺衛生忙二句口占續成

誰謂人間日月長鏡中但見鬢毛蒼每嘆任較羞山

隱莫嘆公榮作酒狂玩世不如容世好謀生更覺衛

生忙丹砂得駐哀顏久願乞神仙辟穀方

正月廿二日汪異三折柬見招時有西陵之行

不克赴作此酬之

病後龍鍾手一棹朝饑無計荷長鏡君方折簡成高

會我已移裝上去帆畫棹遙知春盡永遠山但見夕

陽街人生勞接惟衣食慚愧王倫白玉函

送徐松之往廣陵

煙樹迷離一葉舟夕陽猶挂大江樓我方無處謀朝

曹青黎詩集

卷七

五

食君復經春作遠遊相國衣冠多鞠草謂史帝王宮

闕盡荒邱但能載入詩篇去管取風光滿杖頭

送顧俠君就婚山左

木蘭舟上聽鳴榔照眼榴花送客裝公子漫吟行兩

賦玉人應贈鎖雲囊天河迢遞瞻牛女山嶽嶙峋占

鳳凰此去定知他有耀西風庭樹報秋香

題暢軒

數畝園亭路徑紆堂開落日樹扶疎六朝煙雨新桐

酒萬里雲山一草廬海上喜看驅白馬瓮中聞說出

丹魚此時痛飲藤花下始覺平生志願舒

題王介眉聽松堂詩堂因思親得名

疎林芳草正蒙茸落日門前對萬峰小院却疑初過
雨空山似覺遠聞鐘百年流涕瞻風木五夜圍燈指
柏松獨我飄零邱墓隔東南悵望白雲封

贈無錫令

十載曾經此地遊惠山深醉碧簫秋故人官已垂朱
紱謂吳甯村也游子貧今到白頭藉有尺書來北海可無
尊酒過江州君能好客如前尹下榻應為十日留

曾青黎詩集

卷七

五

過惠山訪秦湘侯并壽其六十

三徑荒蕪未掃除扁舟偶過子雲居溪山漫托雙蓬
鬢天地終歸一草廬愁裡無心隨野馬人間何處覓
車魚閉門莫嘆英雄老消盡光陰只讀書

其二

懸弧與汝喜同庚記得當年尚太平可信千秋誰是
我敢云一日長為兄予長湖侯一日天心似欲輕貧賤世事
何勞問濁清共坐尊前須痛飲空山莫負月華明

雷別秦澄巖

時予假館雲曲堂

乞食頻教觸熱行炎風暑雨夢魂驚感君假館舒三

伏魏我窮逢過一生揮塵莫言當日事銜杯却見故

人情閒憲不得淹留久安邑慚無仲叔名

日月銷沉四十春偶留我輩話前因清談畏作排牆

士舊學甘為割席人鏡裡山河長在夢壺中天地可

藏身自知德業輸君後讓我江湖號酒民

秋暑值長安之役停舟邦上過訪張山未作此

贈別

秋暑炎蒸作遠遊却因訪舊一停舟三年客久知名

曾青黎詩集

卷六

五

姓萬里天應念去留家學人文曉月旦詩壇酒幟擅

風流蹉跎不為長貧計安得來登百尺樓

浮家泛宅十年餘風雨雞鳴畏索居祇為江湖鴻雁

香遂令天地友朋疎故人樂聚資扶掖余生生甚感山未資助

長路衣裝賴拮据此去雲山千萬里知君不惜北來

書

雨窓夜坐次韵答門人龔適種

十年踪跡舊遊稀夢寐何曾與汝違斗室乾坤客半

榻孤燈風雨鬢殘暉車魚應笑人彈缺蟋蟀焉知客

典衣老大長安難問世漢陰空愧丈人機

曉起見原唱暉字再和酬答

蠟屐衝泥客到稀相逢似與夢相違高談揮麈聽寒
雨列坐開尊駐落暉南國當年知有賦北門應自念
無衣濕灰已盡漸天壤敢說先生杜德機

送友歸祝母夫人壽

纔得班荆又賦歸百年心事在庭闈家山白石供歌
嘯風雨青燈照杼機作客尚留鐘底飯居官不換舞
時衣人生膝下為真樂何必鸞封降紫薇

曾青藜詩集

卷七

七

冬夜李客齋少宰招飲分賦

華筵開處敞幽軒地近崇城鼓角喧斗柄中天瞻鳳
闕星源萬里赴龍門雪留銀瓦簾光厚燭賦銅盤夜
影繁坐對春風高百尺敢云徐孺下陳蕃

其二

裴公玉立見清姿冰鑑人倫衆所推名士咸歸王
葆榭舊遊原是蔡充兒當筵下筆龍蛇走入夜傾尊星
斗移十四年前頭白客如今重上碧荷池

吳巢薇比部見招以病未赴贈詩有名士由來

聲價重之句作此答之并次元韻

力學何曾納百川天涯遇合信奇緣文章許我輸三
舍老病娛人守一編痛飲方成名士酒予時病不能飲清言
誰見孝廉舡黃金臺上如君少擊筑吹簫也枉然

冬日同袁公葭司馬赴廣州任

寒雲朔氣壓車塵暫借分符出海濱風雪六飛遺鴉
路樓舡萬里識鮫人蕭齋夜聽枕柳雨黍谷天開草
木春此去應知舒驥足會看雙鹿夾朱輪

其二

曾青藜詩集

卷七

七

羊城曾記舊遊處二十年來空鼓鼙嗚憤山川容嘯
咏托身天地學羈栖千行雲樹瞻鴻影一路霜花印
馬蹄今日藉君過故里虎頭畏有鷓鴣啼

贈嶺南廖南暉

飄零曾記嶺南遊戰鼓鳴鏡日未休知有王門堪稅
駕何當官署獨登樓予時入雷百年意氣雙龍劍萬
里風塵一鹿裘與汝同庚慚驥尾登堂可是勝封侯

贈王薛澂庶常

大雅文章識典型竹齋花與草元亭八埒日射黃金

勝三殿春開白玉屏對雷洞門朝作賦燃燈天祿夜
談經荀龍薛鳳由來少太史應占聚德星

遣僕并寓書吳門

冰天雪窖日光微車馬勞勞路未稀僕欺人無足
恃山川愛我却言歸平生自咲功名薄老大空傷志
願違貧賤何須愁汝去附書可得慰朝餓

阻雪桃山驛遂拜岳武穆廟

石磴崎嶇怨路漫滿天風雪駐征鞍板橋溪靜水雲
凍野店人稀煙火寒歲晏不愁無夢到年哀方見欲

曹青藜詩集

卷七

无

歸難柴門斜對精忠廟殺氣猶令髮上冠

其二

百尺穹碑氣象高遺宮但見雜蓬蒿精光忠發千秋

鏡廟中有石碑光可鑑人先戰血流空萬里濤不忍

君臣同狗脚或有各武穆不當受金牌名者于謂大

已肯將天地等鴻毛可憐南宋偏安地尚有軍書北

伐勞

過新豐

曉色曠曠雪後山高石路香難攀崇岡疊嶂雲千

頃破廟荒村水一灣長樂鼓鐘開夢裡新豐雞犬在
人閒高皇舊業歸何處但見林鴉日往還

過鳳陽遙望二陵

社稷功高邁漢唐天心那更問滄桑山川有意呈符
瑞伏臘何人酌酒漿百道松楸歸牧豎二陵宮闕上
牛羊傷心萬里興王地流涕西風過鳳陽

定遠道中

曉夢催人上錦鷲生涯何事日迤邐山青路滑風吹
帽草白雲稀月在天野店繁霜人跡少溪橋殘雪馬

曹青藜詩集

卷七

有

蹄懸久知此地無禾黍喜及南歸見稻田

潛山道上次袁稽亭韻

千峰過眼一回新道里全消撲面塵但見山雲迎去
路不知澗水暗通津竹邊亭子疑無主松外樵聲似
有人風日晴和冰欲泮林光草色欲生春

太湖道上再次前韻

柴門竹垞曉光新風景居然絕世塵異地漁樵來近
郭小橋沙石亂平津家貧難作買山客歲晏尚為行
路人憶過雙江歸未得梅花先報嶺南春

次黃梅縣

山川迢迢鬢毛喘聽盡邊笳復楚歌三戶成村春氣
動千峯遠郭夕陽多土風漸與家鄉近時序偏從客
邸過一自南來風日好江闊歸路更如何

東林雨中次表稽亭韻

松聲似與聲喧雲氣全將石氣吞何處寒鐘吹谷
響無邊古木插天昏亂溪樵渡雨迷徑破寺僧歸風
打門濕盡征衣泥沒蹠應愁今夜宿孤村

天凍路滑車馬半墜泥中感而有作

曹青藜詩集

卷七

五

路歌徑仄橋欲崩車馬喧呼行未能兩手攀躡上危
磴雙睛撐破坐峻嶒煙深雲黑山瑟瑟草凍天低風
稜稜高寒莫謂南北異計日春來尚層冰

除日南昌道中值雨

登車尚自雨聲長今日何時更可傷山色四圍青似
沐冰花一片白生光村墟未見懸桃葦道路真同適
莽蒼自咲浮生容易過平平只向客中忙

乙丑元日立春

百歲難逢元旦春故鄉喜見柳條新天涯去住原無

定雪後陰晴總未真裂竹不聞喧榼馬銜杯且作頌
椒人韶華過眼如羈旅占斷東風客裡身

壽郭衍鴻八十

秋氣欣逢嶽降初小山叢桂正華予天心有意憐三
戶吾道何人守一廬昇舉喜從佳子弟窺惟但樂舊
琴書知君八十成高隱漫向溪頭學釣魚

潘廷和招同謝畫也潘梅洲小飲話別

浪跡江湖四十春相逢却是異鄉人河山百戰容吾
老書劍孤踪念客貧蔓草庭深常閉戶芙蓉花發止

曹青藜詩集

卷七

三

留賓驕陽鏢石紅如火且向尊前澆葛中

壽潘梅洲六十

潘為江南人攜
有歌童列韻

紅雲赤日曉光生喜見雙江集洛英時六十初
度者數人天地
何心消逆旅文章無夢入華清志隨驥驥空千里夜
聽鷗難過五更惟有管絃能忘世應知不減謝安名

輓郭石元死節

攀髯人去鼎湖留石馬嘶風夢未休只為乾坤爭一
髮直將巖壑寄千秋家貧勉貸里閭粟庭問知貽孫
子謀他日會看羔鴈至難忘忠孝是先疇

壽梁太夫人八十初度

紫閣東風報曉春六珈翟芾正宜人築錢已見平生
志封鮭寧甘閭里貧鳳卜有媿配山嶽星占太史見
荀陳巨靈阿母知還健東望瑤池氣象新

祝施署篆壽

冰霜滿地見春暉始信天心有轉機白土舊傳除口
賦青山今許讓人歸梧桐院落秋陰靜桑柘園林雨
後肥欲效南豐香一瓣雲漱應奏鶴南飛

湯敦實初度

曾青藜詩集

卷七

七

三十年來一識荆至今皓首未通名人問忠孝多華
宵天下文章屬老成庭戶香凝芝草茂壺觴秋對菊
花明慚余百里空羈阻雲笈無由祝太清

臧介子移尊七星巖共用林宇

峭壁青蒼洞壑深亂雲如鳥聚幽林尊前忽報鼓鐘
響石上時聞風雨吟天地何年來斧鑿山川有意爰
登臨炎鄉那可逃人世到此方知誓隱心

贈吳西李編修

十年三度射陽湖曾見天涯舊酒徒山以藏書分大

小人從作賦識京都每因異地逢佳客莫指炎方屬
畏迹南北交遊凋謝盡見君欲繡竹林圖令叔孫
三也

天凝寺贈真際師

佳人暫借贊公房細雨圍燈坐上方且向靜中參造
化還從夢裡識興亡伊蒲常為幽人設游屐翻因過
客忙種得名花成小築東風吹處暗生香

送叅領馬克起扶櫬入都

高天紅日火雲催萬里人扶總帳回只為神傷啣土
淚忍教坐失濟川才雄心可奔龍盧塞至性能消灑

曾青藜詩集

卷七

七

願推此去夜烏啼不止月明空照越王臺

贈鹽道楊荆湖叅憲

十年戎馬事如何嶺表哀鴻亂後多藉有文章通島
嶼聊將雨露洗干戈邊烽息境停青轡海水攔天煮
白波自此隣封膏澤徧借君披拂到煙蘿

送閔爾榮往贛行鹽

暑雨炎風嶺路遙五羊城下繫征船帆隨峽口初回
日天入江心欲上潮治國無如山海利熬波但見雪
霜飄此行賴汝膏吾土始信管商術最饒

贈汪芾斯提舉

大雅久登作者林如何匏繫海門深自知世上東南
箭無愧人間清白箴國賦不須煩欽趾官廉何用待
輸金雙江今日驕陽甚千里資君傳說霖

朱式金構新亭於珠江上集諸客以落成顏曰

珠合作此贈之

別構新亭立海涯閒來柱笏看朝霞雲排虛檻吞青
嶂潮捲平江走白沙萬竈離離輕似霧千帆點點亂
如鴉知君好客成高會欲犯天河泛斗槎

曾青泰詩集

卷七

空

贈別周又康

邂逅天涯話正長夏雲如火促行裝逢人不欲傾筐
度沈醉何須發老狂不必聞音憐越客豈於顧曲識
周郎悲歌斫劒慚年少誰信南豐有瓣香

惠州懷何不借

重過珠江兩月餘贊公房近于雲居時聞鐘磬驚人
夢誰料山川斷鴈書老去始知愁瘴癘生涯只合事
樵漁從來痛飲無朝暮自到炎方日不如

贈呂文亭太守

雄城坐控古循州山自迴環水自流一路絃歌春後
動千家煙火雨中收遙知海近魚蝦亂不見村空虎
豹遊惟有當年鮑太守朝朝雙履訪丹邱

贈彭秋水明府

滕王閣上識荊州一別都成汗漫遊官况何須悲破
甌老年尚自賦登樓山川白眼留殘照風雨青鐙入
早秋千里飄零同作客君為龍馬我為鷗

丙寅七月十三日陳園公良可招同吳易菴湖

山小飲集次易菴扇頭韻

曾青泰詩集

卷七

空

紅蓼青蘋取次攜驅車叮嚀過前堤女媧羅列千峰
出鳥道逶迤一徑迷琥珀流雲瀾瀾亂翠恩捲雨蛤
螺啼哀年作客惟多病空負秋光到郭西

其二

暫借蒼藤待我攜青青面面護長堤到門城堞街愁
築膏斧頭顱入眼迷法鼓搖幢新鬼出陰風吹火老
鴉啼浮杯莫說當時事暗雨招魂過水西

秋日林阜公招同張次崖彭秋水家而郁登韓

山恭謁文公祠得江字

游履逢秋過海邦，良朋邀我拜旌幢。山圍萬牒天低
戶，水湧長虹日射江。虎帳衣冠垂帶佩，葷飛雲霧結
軒窓。文章百斛如君少，千載何人力可扛。

又拜陸秀夫先生祠

崎嶇崖石下流淙，遺廟嵯峨對大江。亡國尚留山色
在，斷橋但見海潮撞。寸心社稷傷多故，隻手乾坤誓
不降。酌酒天涯空洒淚，無端鼓角急歸艘。

答王山長見懷詩并次來韻

西風天末苦羈遲，顏色常懷落日詩。秋色登樓慚客
曾，青藜詩集卷七 交
賦潮聲入夜擊，人思祝難且作五湖長。吐鳳真堪百
世師，砧杵勞勞催去急。見君只有夢來時。

秋日集同陳園公心之比之吳易菴林可符游

黃氏廢園得中字

曾破千家治一宮，飛檐仄宇鬱龍蔥。畫梁不見辭巢
燕，繡戶猶留泣露蟲。亭下殘荷空颭水，池邊古木但
呼風。遙知當日笙歌地，盡在蕭蕭落照中。

其二

觚稜高閣俯秋空，一望青天駕玉虹。不必過臺思晏

子且將下若醉，山翁文章高出朱霞上。天地銷歸白
髮中，今日已知陵谷變。瞻烏誰可辯雌雄。

中秋前一日馬乾菴總戎集同林武林太守吳

涵清閣部看演月宮雜劇

明月中天萬象高，高臺如鏡見秋毫。風鏗搖曳光如
錦，簫鼓喧闐沸若濤。箭谷紫花梨釀實，燧林丹雀桂
流膏。唐時文士彤廷重，曾覆韋生蜀襜袍。公時以丰
臂見貽

其二

開元帝子愛神仙，欲駕蒼螭上九天。辰底星辰供服
曾，青藜詩集卷七 交
御雲中宮闕起，箏絃當時盛事何能再。舊日詞人已
見傳，只有文章堪萬古。秦灰燒不盡殘篇。

中秋日林武林太守招同吳涵清張次崖彭秋

水滸子讌集

翠屏龜甲織秋空，十丈銅盤綴玉蟲。高館不知明月
上，良辰却喜旅人同。烏巾醉舞成鸚鵡，絳臂清歌落
鴈鴻。長夜香魂銷一曲，問誰花底護秦宮。林有鑿
童善歌

其二

舞帳輕紈挂玉繩，使君開宴聞香燕。百年三萬六千

日此夜東西南北朋綠桂燒殘香似霧碧簪錯落酒
如灑他年再赴霓裳會明月中天得未曾

潮陽寄壽湯惕菴年伯八十

海潮終日撼乾坤稽首風濤拜曉暎萬里山川開地
戶七襄呈漢識天孫年伯大誕
值七夕漢廷耆舊年來少魯
殿靈光亂後存當日旂常銅柱在斗杓直欲指崑崙

其二

名山築室老青壇五十勲名久棄捐天地尚留雙眼
在讀書只許一鐙傳且看鑿齒春秋義不註蒙莊內

曾青藜詩集

卷七

克

外篇從此熊羆應入夢何須更祝大椿年

其三

亂後飄零起夢思十年兩度見黃眉風雲蘭譜成三
世穆葛蓬根托一枝化俗星垂顏氏訓過江人愧衛
家兒身浮韓水歸無日安得乘鳧進紫芝

寄贈劉映葵糧憲

節鉞新開十一州西風鈴閣動高秋千艘京庾通天
府萬里山川接越甌箕手無煩東國賦賓僚不作北
門憂如今膏雨桑麻地回首當年是舊遊

其二

一別天涯思不禁三江五嶺路蕭森感君肯念監門
子解囊能貽白撰金見倪粵
東荷恩兩鬢寒霜消夜缺十年
旅夢寄秋砧親朋凋落邱園廢後鶴空思返舊林

其三

何處橫流作釣徒漫將心事付菰蘆消磨歲月惟羈
旅沈醉乾坤一腐儒鶯鶯自應巢殿閣鳧只合老
江湖讀書未遂平生願欲丐鷓枝守楸株

贈管縣令

曾青藜詩集

卷七

辛

識君姓字在丹陽何幸鳴琴到故鄉自是蘓青知孟
信敢云拔薤有任棠下車已見人騎馬化俗無聞市
飲羊從此謳歌傳四野雨膏處處偏農桑

贈王擎菴協鎮

潮海初歸舊里閭旗門無事曳長裾感君志切弓旌
上好客情深老病餘軍壘遙知傳馬服天戈早已過
狼唇如今緩帶輕裘地被拂春風到草廬

贈楊六逸八十

百里山川發異光始知耆舊半巖廊文章久著東西

賦意氣誰容上下牀渭水熊羆應見夢華陰鷺鳳獨
來翔慚余一別經三紀執手無由嘆老蒼

丁卯正月十六夜獨坐

佳節偏逢到海濱無邊簫鼓動城闌一杯濁酒消羈
旅五夜寒鐙破好春擲杖不聞天上曲仗矛應見月
中人老來只有愁相對每聽笙歌輒愴神

春日喜值嚴藤友詹允于羊城次予假原韻奉

別

侍臣新換薛蘿衣祖道供張嘆世稀棋驥豈甘駑馬

曾青葵詩集

卷七

主

棧鷓鴣暫學鷓鴣飛遙思卯壑迴塵鞅欲挽乾坤付
釣磯池上東風吹綠草故園春色未全非

六松堂詩集卷八

五言排律

自杭州至桐廬縣感懷得十韻


殘月留帆影嚴更權發歌江行今又始歸夢更如何
一渚鳴寒羽千峰入曉波舟低霜壓重硤仄日斜過
水石嘗交岸人家半在阿山川僧盜賊魚鼈喜干戈
時禁濱海捕魚邏鼓鳴沙磧滄洲失釣叢西風新店路東首
曾青葵詩集 卷八

梁安峽值雨

孤蓬如夜裡小雨綠春山雞犬亦能靜人家清且閒
岸傍蘿篠密溪上石苔斑新葉移歸思桃花駐遠顏
江雲行處足煙渚釣中灣午費有餘暇農歌時暫還
紛吾諸事畢終愛此田間

臘月僑青溪蕭寺劉石潭樞部以遷謫出遊遣

使分金感贈十四韻



青葵著
倪編次

野鳥飛仍止松風響易沈感君天下士共此歲寒心
曲逕泉流暗空山葉落深負暄開半牖望遠愛遙岑
佛火龕無色厨煙笑不黔修聞使者至惠我瑤華音
二嗣傳道勁三縑重古今芳言既盈楮旅索竟分金
投分逾知已聞聲愧盍罄生涯悲斷梗煦植春微霖
事滿夢難到途窮天易陰豈知傷蕙苴遂亦老楓林
越鷺熙朝旭已後助夜吟由來岐路者誰不嘆崎嶇

鬱孤臺懷古

獨上鬱孤望登臨思渺然流鶯三月暮踈樹萬家烟
曾青藜詩集 卷八 二

浪打空城外山圍故國前女牆桑葉白官署杏花妍
旅食朝彈劔春風夜控弦茄聲生古戍日影動長旃

血戰元黃野人悲雞犬年賀蘭鬱孤舊名瞻獸闥鄧水奪

龍耕下澤鳴芳俎故宮泣杜鵑樓高金鳳起金鳳山名在城內

關鎖玉虹懸鐘鼓埋榛久牛羊踐草眠講堂槽糞

墜石碣枕芳肝玉馬關河瑞銅人過渭川興亡雙眼

落憂患一身全何處是乾土誰人有敗塚建牙斯養

宅買伎水衡錢義帳供三百駝羨費十千追通如籜

捲告密又株連鞭撻輕民命征徭任鵠拳坑來儒術

賤釋盡吏胥懲賄賂無高下詩書遂棄捐臺猶存望
闕亦鬱孤舊名亭已著廉泉李趙績何在周程名獨傳高
榕巢遠鵲平楚墮飛鷲暖氣侵衣重雲濤壓鬢偏估
車通粵嶠灘路接湖天且讀賈生賦漫揮祖述鞭升
沈如白日去住只青氈囊賸投殘筆家留嚮孟田吾
生當此際何以策高騫

送汪舟次簡討册封琉球

萬里開重驛殊方列外藩儒臣持漢節詔使出京門
視草鑿坡遠看花水驛繁闕亭逾越嶠車轍下仙源
曾青藜詩集 卷八 三

海自彭湖入舟從華嶼奔蛟涎生怒浪鰲背起高壘
日月看明滅星辰互吐吞占風隨柁轉辨色識雲屯

落滌原無島那門自有村鮫人多縹甲番女亦棄韃

守禮垂城闕琉球城門有勝曰守禮之門藏經向祇園園中藏五經於寺

名王強負弩屬國遠承恩開宴葡萄美聞香闕鏤磨

文章驚白傅博洽過張騫紙以魚牋貴書因鳥羽存

詩篇懸岫嶼姓字重璵璠劉向推磐石馬遷傳大宛

自知才本鉅遂使節彌敦威德羽干格聲靈金鼓喧

止讒無蕙苴昭信有蘋蘩龍鳳裘能動鸞蜂窠最溫

冰銷屏水大神錦敵寒暄貢賦因君重山川記事煩
風颯歸海外鄉樹見潮痕不自南天至安知中國尊

送丁泰巖中丞開府湖南用李義山上杜僕射

五言述德抒情詩四十韻

鳳闕羣螢服鸞章出帝京人間瞻國瑞天上應星精

位以才華重官因德望清髫年騰駿譽家世起鴻聲

日影分銀榜春光下繡楹詔詞看漢制壇坫主齊盟

春署思經術公以翰林改儀曹王臣作幹楨袞斜開棧閣曾任

陝西漢先道畿輔俯晴嶸轉直隸保定暫借絲綸手一銷桴鼓

曹青藜詩集 卷八 四

鳴賜車仍北向叱馭正南行公按察安微詰耶枯骨遙成揭

生肝可辨羹刑書能與占臍石自然平久著四知操

獨垂千載名流黔傳埃火閩粵忽徵兵城濮方酣戰

長平已見坑深懷在民瘼豈為厭承明時滇黔告變特簡公江蘇

籍半壁金湯固千家絃管生蕭曹勞會計虛為息紛

爭轉餉聞征鼓荷戈插羽旌帆開鵝鶴陣風聞水犀

營挾纒分餘暖投醪厭宿醒各路兵餉多取辦吳閩誘齊非一

客亡鄧是三甥士卒皆精銳湖湘盡震驚力能誅儻

怨氣可奪機槍共訝麒麟闕空憐雉免情普天蒙積

晦此日放新晴南國鳴千騎中朝重四英保釐歸左

轄襟帶寄專城車服垂三異雲旗列上卿花驄行且

止竹馬會來迎鶴澤瞻羊社麟圖重奔彭伯棠遺爰

在官柳夾溪成似我托宸宇流光過玉衛生涯常泄

杳遇合信報貞作客羞囊滯依人借筆耕老知歸馬

熟寒覺徹貂輕闕驛家千里長沙與江西比隣星霜髮幾莖

歌魚猶旅食說尹共田更道困悲麟鳳人窮恃父兄

公行戎留滯念此淚縱橫

壽湖陽林武林太守五十韻

曹青藜詩集 卷八 五

鈴閣逢初度海邦起大椿丹書方兆甲紫氣貫生申

自識殿中驥應知天上麟文章歸正氣川嶽重奇人

李白詩無敵楊雄草尚真異才誇絕代壯志邁羣倫

一自縮符出忻歌襦袴頻登封陪祀典拒叟奉明禋

藍舉東馳峻靈旗北燠新揮毫觀日浴促坐俯星陳

至道通霄漢長篇達紫宸公七古長篇皆屬御覽陟明稱上考

佐郡列南閩京闕回龍子即單返闕即聞告變滇黔斷雁臣烽

臺夜方發漆室嘯何因正樂終歸魯棄繻且出秦戈

舡鳴鼓吹甲帳聽車鞞欲擊中流楫且乘萬里津諸

軍超距石名士識綸中倚馬袁安賦筮影呂尚綠鱗

波何洽漢鱣水尚沈湮美稷人騎竹淮陽鹿夾輪配

年知有姓為德故多隣道路歸遺錦車與怒嘔相任

棠思拔薤賈誼畏燃薪圍道聽鳴鶴推恩起酒鱗政

惟驅害馬士最惜懸鵝講學思安定明經麗大春賢

祠崇棟宇騰蹟構嶙峋烏篆看碑碣羣飛動鬼神江

山環瑣闥煙火壓城闈開燕啜羊酪聽歌落鴈塵周

郎常顧曲西子不辭顰飛鶴翔天際游魚出水濱何

曾卜深夜但恐負良辰亭置鄭莊驛坐傾公瑾醉憐

曾青藜詩集 卷八

余羈旅客忝作東南賓浪跡依劉表虛名愧郝詵自

從湖上別祇有夢中親話舊嗟雙鬢立談指一困藏

書開別嶼闕若卧重茵上下除衰氣往來愛隱淪微

生窓雨露皓首失松筠邱壑慚吾願乾坤枉國均龍

頭常疑疑麟趾自振振德望看三世家聲冠八荀喜

瞻鸞鳳侶莫笑野狐身海日紅如火湖天白似銀花

能開頃刻酒不厭逡巡明月是清賞華鐙綴綵純丹

梯如可上一望浩無垠

六松堂詩集卷九

寧都曾 燦青藜著

男尚 倪編次

五言絕

紀夢

宵宵朝啼入寔寔夜夢醒可憐風景異不復泣新亭

其二

既入明王夢空懷故國憂山川遺恨在回首大刀頭

其三

曾青藜詩集 卷九

何事鳴長劔中宵夢不寬西風吹萬里灑淚正衣冠

方山子盤谷圖

盤谷仍盤谷先生白幽獨山水有知音天寒風落木

渡澗

流水去遲遲磊石渡小澗風花吹我衣日落寒光綻

種瓜圃

種豆易生種瓜瓜漸熟古之素心人於此志願足

伴顏菴

陶有乞食詩顏有乞米帖世無謝仁祖朝來且彈鉢

題倪雲林山水

亦有山水情亦有雲霞想何如倪處士披圖足幽賞

其二

畫樹畫枯枝畫山畫頑石可知高隱人削盡繁華迹

觀別者

折殘楊柳枝終日送人去不是惜分離傷心在羈旅

柴門

小橋抱流水高柳綠成陰向日柴門閉幽人何處尋

禱衣

曾青藜詩集

卷九

月落銀蟾泣秋高蟋蟀鳴西風吹不斷只有禱衣聲

閨思

寶髻墜明璫春風解綉裳望郎郎不至對枕羨鴛鴦

其二

不受連理枝不羨雙飛翼但得似春風時時到君側

過鍾山

故壘荒烟合孤城盡日閒千秋遺恨在流涕過鍾山

金陵道上

雨勢朝來重千山半是雲驅車原上過禾黍正新耘

七言絕

壬午元旦

紫氣輝煌下九天階前寶篆玉爐煙紅氍遙望風雲拜共慶春風一萬年

落花

春風無處寄離魂曲檻辭春苔上痕一片花飛如蝶蝶珊珊斜影近黃昏

其二

流水小橋春樹邊柴門深閉杏花天可憐魂夢隨風

曾青藜詩集

卷九

散梨樹梢頭泣杜鵑

其三

自別春來入夢疎佳人無計惜春餘相思今日應何限睡損海棠啼鷓鴣

其四

少女惜春空斷腸雙雙燕子在雕梁桃花自入梅鄉夢豈獨傷心杜麗娘

放船

一片孤帆落照邊江城無語正蕭然天涯似與浮鷗

近行向東流入晚煙

弔諸勲戚

慘淡西風塞上秋
劍光遍照故宮愁
界河不返當年馭
萬古傷心渡白溝

弔馬素修先生

先生臨死時家人勸以太夫人在堂先生束冠帶向南拜母曰兒身為社稷不能供養吾母遂自經

為國從來何所求
從龍應自照
嵩邱假令地下逢徐

庶傲殺當年去豫州

曾青藜詩集 卷九

弔金一箴先生

火烈城頭絳闕遙
長安萬里颯風颺
可憐魂魄歸何處
月照寒顏金水橋

夢中得尾二句續成

秋高露冷竹牕孤
一枕西風入畫圖
夜靜無人燈自落
半牀明月照流蘇

田歌

草木藍蓼夏氣蒸
炎風暑日正騰騰
農夫鋤耨何時息
猶唱田歌不住聲

偶題

執守寒牕一月餘
階前棘草未蕭疎
何年讀易聊無過
了却平生半卷書

訪一葦上人未晤

洞門開處一僧家
急雨吹泉作玉霞
不識錫飛何處去
令人終夜憶張槎

欲歸東徹虛上人

暫借高禪宿一宵
北風捲雨落江湖
老僧謾語無歸去
咲指桃花洞口遙

曾青藜詩集 卷九

初冬過桃花

冬氣方乘春氣催
梅花未放桃花開
逃秦隱者歸何處
千載漁人傍汝來

次確齋聞鐘元韻

深山古木無人至
祇有寒心伴曉鐘
離亂身名都是夢
鑿坏豈敢嘆途窮

其二

心馳自覺難為力
學到方知不易醫
曉寺鐘聲深省後
經今楓落幾重溪

次躬菴聞鐘元韻

深鐙寒徹孤雲寺落月僧敲五夜鐘枕上于于方夢醒聞聲幾度發迷濛

其二

星星夜氣瀾天地浩浩春光見性情獨惜行今日少幾番風雨幾番更

康署即事

回首飄零一劍孤梁園賓客亦窮途春風芳草無人識淚盡何年見魯朱

曾青藜詩集 卷九

中元弔所思

萬里孤忠死若回郊原深草有餘哀江南半是牛羊地剪紙招魂來不來

其二

風吹雲暗楚天昏者舊深山無一存繫繫道傍君莫惜祇今泉路是桃源

重陽後一日口占問魏石牀菊

昨日重陽今尚陰高天寒鳥報秋音問君籬下菊開未當有白衣人過尋

舟過洞庭湖

曉起檣帆出洞庭君山一點鴈邊青風迴浪急天無色到此何人鬢不星

其二

湘黔巴蜀氣氤氳萬里波濤擁楚雲極目江山皆故國漢家曾此距三分

祭風臺

江流如掌曉山開諸葛行營沒草萊舊日霸園今已矣舟人猶說祭風臺

曾青藜詩集 卷九

和龔宗伯秋蘭詩

幾年京國老風沙三五枝頭帶影斜對汝不堪長繫念客中畏見故園花

此花來自潁州

其二

西風一夜花爭放楚畹何人獨見憐但使能充君子佩不妨遲暮到秋天

其三

夾道王侯第宅新名花玉樹委輕塵幽蘭不敢思公子芳草何曾贈美人

其四

躑躅風塵那得開
到來三月未開顏
吾家未必芝蘭種
敢向人誇大小山

署中寄所思

官衙寂靜漏聲催
一夜思鄉上露臺
酒醒歌殘人去後
斷腸最是夢中來

其二

高天清曠斗橫斜
角枕錦衾燈欲華
今夜不知香夢裡
東風吹向落誰家

曾青藜詩集

卷九

為汪周士題寄生略

周士女阿金甫生時有道
嫗入庭中云此龍女也
因碎玉瓶故囁長時
勿令見大士像恐生悲

憫心立能速化
甲寅秋避亂桐鄉
母氏頓忘前言
同瞻別業像女
遂瑤時距生時
方六齡也同人
為作傳紀以紀異

日暮西風却倒吹
層峰驛上淚迷離
他鄉故國皆西土
何必傷心過退之

和吳孟舉種菜詩

鼎食何如拙養尊
藤蘿明月手堪捫
從來造化歸何處
只在空山老蕨根

其二

西風籬落半歌斜
雀羊龍葵盡發芽
我欲乘舟來訪戴
知君餉客有茶水

又和

布衣不羨五侯尊
笛可橫吹蠶可捫
却憶當年諸葛菜
南楊先已沃秋根

其二

曾青藜詩集

卷九

風正蕭疎日正斜
秦園楚畹有萌芽
讀書萬卷成何事
莫學東陵但種瓜

題徐用王靈壁石圖

靈壁天然鏤刻奇
石痕偏與墨痕宜
當年連水稱真癖
猶遜先生拜畫師

夜坐

兩滴空階夜漏斜
半牕竹影欲生花
干戈萬里無消息
有夢何曾得到家

代題美人畫水仙

庭院春深曉色秋水仙香裡襯羅襦美人欲折渾無
計不信花枝是畫圖

題陳鳴文落木寒泉圖

落日西風一杖藤芒屨踏遍嶺千層自從巢許人歸
後縱有寒泉洗未曾

題喬孚五讀書圖

暫辭故里渡江津花戀笙歌鳥戀春惟有虎邱山下
石光陰斷送六朝人

其二

曾青藜詩集 卷九

空山不愛曉雲生坐愛青峰萬點明綠滿樓臺紅滿
樹鷓鴣啼破讀書聲

其三

江南春色靜烽煙扣角高聲出遠天日日層樓頻眺
望不知看盡幾桑田

其四

一卷南華入夢長春來秋去燕飛忙蘆中人老漁歌
遠且向峰頭看夕陽

題黃拳石小影

亭榭繡中千佛珠楞嚴一卷道心孤他年得道者英
會增入香山九老圖

周雨邨以賞牡丹清平調四絕見示口占奉答

時方讀先子策草焚餘并以東姜奉世徐長
民

細雨寒鐙讀父書傷心國事在焚餘奚重持入清平
調安得開元一起余

其二

曾青藜詩集 卷九

賞遍名花徹夜闌春風薄醉透輕寒恨君高枕胡牀
去獨使羈人東燭看 先日本世移尊遂於幽軒賞壯
丹雨邨半席先寢故爾及之

其三

日日幽軒歸自遲牡丹花放兩三枝午餘折履重相
過為語東君欲醉時 謂徐
長民

題韓海酒小影

早謝朝簪托遠鴻蒼松白石坐臨風如今天地無乾
土安得逍遙寄此中

其二

露坐焚香伴寂寥欲將心事付漁樵人生但得林泉

趣何必雲山訪子喬

平山堂弔古

興氣西來積翠寒金陵千嶂見龍蟠
君王只愛聽歌舞碧水丹山不肯着

其二

荒堆古路散斜陽見說宮人墓蜀國芳草不知春去
久西風猶帶綺羅香

其三

邗溝水接兩淮平楊柳春風百丈輕誰謂君王能好

曾青藜詩集

卷九

十一

色龍舟殿脚出傾城

其四

青山渺渺水溶溶落日寒濤起晚松隋苑歌臺今已

矣空餘蕭寺一聲鐘

虞山署中看月限唐人原韻

隔鄰高樹動棲鴉燈燼寒牕欲落花一望清光千萬
里夢中那得不思家

其二

日落西風起暮鴉重陽未見菊開花但令有酒對明

月客裡何妨即當家

題呂隣秩小影

白石青松萬壑幽西風落日對輕鷗歲皇不作無人
至但有清泉石上流

題人小影

不着方袍不戴冠問誰箕踞坐漁灘蛟龍一夜凌風
去何處堪容此釣竿

徐松之留齋頭數日夜因病起不能出作此東

之

曾青藜詩集

卷九

十一

鎮日慳慳獨卧時梅花春雨上樓遲孤衾不管寒如

鏡只愛人來與病宜

其二

眼前兒女苦嚙嘈欲卧先愁歸夢遙最是無情貧與
病殢人春思過花朝

其三

八載僑居御尉居峰日無尊酒夜無春開牕只見梅
花好天不由人一杖筇

其四

雖無粵水新黃韭藉有吳江舊白醅如此嚴寒風雪
夜忍教好友獨銜杯

贈妓

鬢髮填雲點翠鬟絳黃新樣壓春山桃花自是神仙
種不許人間覩阿環

其二

柳樣官鞋窄窄新裙拖十幅稱腰身若令今日踏歌
去但見香雲不見塵

贈仙壇施駿臣

曾青藜詩集

卷九

古

碧草斜陽欵夕靡春風不上五銖衣藉君得飲三危
露一叩元扃拜紫微元君降批後嗣人各有天之句

其二

九天鸞鶴下吹笙紫府仙人舊有名羣玉山頭歌一
曲管絃不隔步虛聲駿目有小史善歌

其三

玉笈瓊籤檢道書焚香得入太清無若非久授長生
訣七十如何不白鬚

其四

鑿破金精石是斜麗英從此咲長沙子家金歸來儻
得身騎馬定訪南山夢綠華子時欲作粵遊

二十里舖題壁次原韻呈袁稽亭司馬

陰山歌起歲將餘風草吹來天北廬無數寒鴉啼落
木暫時容我一停車

其二

一住荒村三日餘天涯誰復問吾廬乾坤不識為何
物那向人間覓後車

其三

曾青藜詩集

卷九

五

天寒歲暮雪霜餘狐帽羊裘守敝廬日日主人能醉
客西風不畏上征車

其四

人生最惜是三餘老愛長閒卧一廬哀草連天冰雪
裡不知何事又脂車

管仲三歸臺

在東阿縣城外

與鳩氏去故宮非衰草荒煙土一圍日暮驅車城下
過豐碑人說是三歸

東平州道傍古塋皆先朝初墓者碑碣卧荒草

中為之三嘆

道旁疊疊見荒塋無數遺碑尚勒銘松柏亦知人事
改風霜不發舊時青

其二

鐘山山色已成童禾黍何人泣故宮馬鬣高懸君
莫惜石麒麟尚卧西風

其三

名南舊有伯棠存遺愛况於近墓門御製穹碑埋蔓
草不知誰是狄公孫

曾青藜詩集 卷九

店鋪見余不遠詩句題壁

山色溪光日日新征衣暫息馬蹄塵壁間詩字曾相
識燃火看來是故人

題畫

斷嶺疎林自一村江天吹起月黃昏孤帆欲傍煙波
宿更有何人來叩門

題董克灌小影 克灌為元
休仲子

杖頭遙挂白雲深歷徧山巔與水濤二十年來無限
事見君如見故人心

題林果巷從寧圖

刀似冰霜甲似雲曾教單騎下降軍如今千里專城
寄始信英雄屬使君

曾青藜詩集 卷九

六松堂詩餘卷十

寧都曾 燦青藜填

男尚 佩編次

詩餘

望江南 上元

元宵節春雨關寒更十里
燈花雲霧影畫堂深夜火
零零寂寂小樓人
花壺暗牕外落梅英玉漏銀餅
催酒箭并刀纖手擘新橙
相對坐無聲

江城子

曾青藜詩餘

卷十

聲聲畫角斷漁門怕黃昏
又黃昏半籠煙月無處不
銷魂故國音書雲水隔
階下葉落紛紛

添字浣溪紗半

楊柳青青江水平夕陽江上
唱歌聲回首烟波天欲

暮暮風清

河傳

恨恨愁悶鍾情無盡西去東來
陽關休問疎林倒挂
針暉遠汀瀉瀉歸天涯
蕩子依稀遠真堪怨簾幕
重重捲念玉人何處對東風
凄然淚雲天

西江月

檻外人聲悄悄梁間燕語輕輕
半灣新月透牕書
院寂寥花影何處朱樓
弄笛誰家玉指彈箏依稀
林木挂殘星空惜痴情未醒

青衫濕

碧紗影弄黃昏裡還是熟梅天
博陵江上人琴何處
夜月孤船珠簾畫棹盈盈
一片薄冰沈綿恨流雲
剪碎朱絲路腸斷誰憐

鵲橋仙 上元

曾青藜詩餘

卷十

龍樓烟霽鳳城瑞靄十里纖塵
如烘燒燈處處映參
差露萬點星趁齊擁月連
燈影風殘香霧天外翬
山高聳畫簾深殿隱晴空
問何處吹簫引鳳

前調

雪梅將盡銀花初合月滿銀河
高瀉風銷燈焰一重
春開紫禁滿城如畫千門
烟火九達風月杖引虹
橋初下錢闌金鎖徹明開
合千炬還同不夜

望遠行

遠岸梨花破曉春芳草閉柴門
迢迢人去綠楊津魂

夢喚朝雲。飛葉綠落花紅滿堤。春色瓏璵大江千
里水流東。望遠關山路幾重。勸語有情者。莫負舊時
容。

蛟戀花 花朝十首

二月花朝春過半。幾處楊花引破東風亂。春事闌珊
人意懶。流鶯堤上聲聲喚。寂寞柳塘春水漫。鎖盡
朱扉。雨打梨花綻。小院沈沈春欲晚。落花飛絮平鋪
滿。

其二

曹青藜詩餘 卷十

三

花落東風何足數。夢隔春陰流水。桃花處。春氣盈盈
寒食暮。亂雲依舊飛南浦。紅駐春粧春且住。說道
天涯芳草迷歸路。醉藉落花吹柳絮。夕陽一片藏春
塢。

其三

百尺樓高春似綺。魂斷春光。又值花朝至。風舞花鈿
紅滿地。杜鵑叫破春紅裡。困酒朝來終日醉。隔斷
音塵。一片桃花淚。愁望玉闌芳草翠。黃昏又入離人
意。

其四

滿地落花門外掃。一夜東風。惆悵清明到。芳草萋萋
春欲老。春光辜負人年少。不見佳人心似搗。客裡
風光。唱遍相思調。遙憶歸來花正好。美人獨自拈花
笑。

其五

二月芳菲春曉裡。隱映空山。照眼皆羅綺。煙霧沈沈
飛半壘。春光欲去無留意。花艷翩翩春柳美。夢到
揚花。又被鶯呼起。似洒風光凝十里。東風搖亂春花

曹青藜詩餘 卷十

四

其六

當年花陰春欲卧。蝴蝶紛紛。勾引春光破。心事如今
心上過。紅裙又被春花唾。閒看庭前花幾朵。春水
遲遲。春沼垂楊鎖。興盡歸來還似我。人生堪比風花
墮。

其七

雜沓春光芳草披。旅邸閒愁。又過花朝節。春鳥遲遲
枝上喚。落紅滿地珠簾揭。牆外鞦韆春影歇。淚上

闌干處處聞啼鴉，忽憶當年人欲別。黃昏風送歌聲

其八

簾幙東風吹宿靄，春事關心愁鎖。春眉黛，春困慳慳人未快。題詩又怕添愁債。南陌西郊花自在。少女傷春，忒殺多情態。萬苦千愁春酒解。醒來依舊愁如帶。

其九

春喚曉天，曉似繡雨打桃花。一片紅裙，綉花落東風。春不舊，春光爛，醉濃如酒。春色十分過，八九燕子歸來近。欲穿牕牖，走過章臺，堪折柳，折來又怕傷春瘦。

其十

閒坐春庭，衣懶整，滿目春光。桃李晨粧，靚春到清明。花滿徑，隔牆風動鞦韆影。小鳥噪春春不應。春事如何，春意由人病。沈醉花朝春醪，酹落紅片片搖紅嶺。

南歌子

春病正恹恹，花捲東風薄翠簾。人近春寒侵玉骨，如鑣界破春山眉黛尖。欲倦更寒添，看得情書心又嫌。水遠山長人不在，纖纖小鳥聲聲噪屋檐。

虞美人影

梨花深閉重門靜，滿院沈沈春影。小犬嗷嗷吠紫夢，覺鐘生暈。落紅春瀉蒼苔徑，憔悴今宵風景。又是鐘聲隱隱，處處教人悶。

風中柳

入靜更闌，此夜為誰相思終日無心題紅字，嬌情脉脉待欲因卿死。空樵悴，萬紅千紫。一見芳容種種心腸如刺，殘花閒影皆吾似。模糊就枕頻喚朱卿子，料芳魂是來此。

風入松

一朝風雨送殘春，流水孤村。平原十里重煙閉，柳堤綠影黃昏。滿院梨花謝也，珊珊欲近重門。別離不覺已盈旬。淚濕羅裙。杜鵑枝上三更後，鴛鴦荒塚招魂。曲徑纖纖花色，闌干點點苔痕。

浣溪紗 惜春十首

小院沈沈午夢空。殘花時捲入簾櫳。無言祇自背春風。記得去時人欲病。淚痕紅雨。燕泥封。遠情深恨為誰鍾。

其二

簾外潺潺春雨飛。終無計。秦流離。闌珊情意與誰知。動是相思千里隔。伯勞燕子自東西。依稀魂夢覺來時。

其三

燕子銜春春信虛。重陰漠漠樹扶疎。東風搖曳引裙裾。柳外黃鸝聲弄舌。畫欄干外剪平蕪。飛條亂拂翠眉舒。

曾青藜詩餘

卷十

八

其四

春水遲遲漲白汀。柳堤隔岸喚流鶯。冷冷花雨送春聲。正是銷魂今日候。愁看芳草斷溪青。落花流水兩無情。

其五

晚霧沈沈薄遠山。黃昏寂寞落花閒。西樓春意太闌珊。最是春光何處去。不知天上在人間。東風搖曳帶

痕寬

其六

亂拂春堤柳似金。東風樓外漾春深。落花片片薄羅衾。望斷天涯江水去。辭春遠樹綠陰陰。當年還憶故人心。

其七

滿院黃昏捲翠簾。聲聲燕子攪重檐。新愁舊恨為誰添。獨坐閒廳春色老。落花門外影纖纖。紅樓人靜月開奩。

曾青藜詩餘

卷十

其八

枝上啼鶯聲正和。留春不住挽春歌。幽牕輒度寒梭。不見佳人心未老。依稀雲鬢透香螺。半簾風月捲清波。

其九

春色依稀在漢皋。誰家少女解瓊瑤。鶯鶯燕燕剪紅梢。可惜玉樓人不在。碧牕閒挂鳳凰簫。天涯夢影翠雲遙。

其十

春日關心日日長，東風深透燕泥香。可憐春去惜紅
粧，暹憶去時春正好。今朝春曉破池塘，相將心事逐
瀟湘。

菩薩蠻

朱晦翁有例菩薩蠻體，各句自倒其韻。在於
首尾，善伯以為首尾其韻，讀之覺有痕痕，乃
更為全複之體，使長短不定，而却其韻於別
句中，作閨情四景，予亦倣此。

曾青藜詩餘

卷十

九

紅帶雨殘，痕空枝上血。宿鳥聲聲咽，淒涼風掃花。
晚影散紅霞。

其二

清萍水漲池橫柳，烟光晴翠樓東透。流細水紋輕，風
銷烟雨亭。畫橋長拂線，翠幕雙飛燕。斜陽夕薄扉，
紅晚隔塘西。

其三

天青遠隔門前檻，空花幽斂雲烟淡。淡淡影秋叢，漁
陽夕照波。湘江橫艤晚初度，南飛鴈烟嵐浮暮山。

秋水一江寒

其四

芳附玉落寒香冷，梅花風送枝橫影。雪重漢陰天，雲
鬆樹遠烟。飛鴻春杳夢，客鷲絲清凍。重寒深嶺雲，
遙雪欲凝津。

相思兒令

小院沈沈將晚，細雨正廉纖。春去情思如舊，還向舊
痕添。新恨壓破眉尖，難將筆寫湘簾。誰教燕子歸
來，雙雙又近重簾。

曾青藜詩餘

卷十

離別難

渺渺十里雲山，淒然日斷江關。斷腸芳草碧銷魂，流
水急，半堤楊柳，落落闌珊。花解語，鶯能舞，愁人空自
淚闌干。天欲暮，花深處，霞漸生。蚤來已是黃昏年，
少江湖老，玉人天涯，杳回眸空見殘雲。搗袖立西風，
急萋萋芳艸憶王孫。

夢揚州

晚啼鴉未識，黃昏落誰家。山色晴嵐，過看綠影參差。
輕帆外，碧雲殘照，清波半浴紅霞。簫聲細，暮舡極目。

雲沙 何處風吹落花點點疎烟動江上人家憔悴
芳容那更人在韶華玉樓朝暮難相見淚痕空濕銀
紗斷腸處揚州無夢梧葉飛芽

望湘人

暮光分平野花影輕移時時魂夢如酒香霧飄零晚
煙歸處燕子穿牕輕透山抹微雲野連芳草鳥歸林
藪記長亭門外芳菲又垂黃昏時候才了雙眉長
皺奈一番煙雨半沾紅袖淚痕空濕羅衣年少沈腰
銷瘦塵埃憔悴一生潺湲知是韶顏非久一年一夜

曾青藜詩餘

卷十

上

一相思花落東風依舊

鳳凰臺上憶吹簫

煙鎖秦樓霧飛楚岫陽牆葉落千重正金風乍起秋
雨濛濛半岸小橋流水淡烟外微響村春江樓下隨
人來去冷落梧桐 匆匆寂寥欄檻只數聲啼啞飛
燕孤鴻望葦葭遠浦一葉飄蓬幾個黃昏盡立鹿廳
近終日停蹤凝眸處依稀魂夢隔斷簾櫳

前調

桃面銷紅柳腰拖翠忽來天外佳人任風塵搖曳笑

語温存但見花留寶靨珠簾捲草點羅裙風流態始
拋蕭管重語詩文 銷魂盈盈玉色似鴛鴦影裡羅
帳停春奈輕紅減水隔斷浮雲正值多情旖旎催歸
去恨我良朋姻相思夢未如何日又到朱門

夜飛鵲

晴嵐低千嶂亂水遮灘斜暉遠墮江闊凄然目斷洪
都遠餘波空照朱顏雲掩淡天滿野探風前蕭鼓盡
角聲殘斷魂何在回睇遙憶白雲間 携手河橋深
處對面人無言情意關珊但使飄流旦夕朝雲南浦

曾青藜詩餘

卷十

上

暮雨西山東風軟透向孤村北望平川見萋萋芳艸
王孫去也獨自凭欄

拜呈月慢

風露催更星河挂幔一片湖光淒切花影橫斜何處
簫聲咽怪相遇但見流雲縹緲來去幾度明月風起
西樓暈闌檐前鏡 畫欄凭月影移霜葉高唐夢自
到陽臺關正是碧海青天悄悄人聲絕聽譙樓鼓打
三更歇傷情處燈火幾明滅奈相思一縷誰堪訴溪
山萬疊

驀山溪

湖光浩渺燕子忙忙渡草色隱流波空掩映半亭烟
樹黃昏院落對景念凄然人何處花無語回首雲天
暮無聊行旅簾捲紗牕雨奈年少風流恁奔走利
名來去天涯目斷此際向誰憐情難訴歸何路南北
東西阻

帝臺春 閨思

春色暖柳絲絲東風滿幾片飛紅幾許閑花幾番悽
惋憶得當時簷上燕一對對雙飛池館到今來風景

曾青藜詩餘 卷十

偏長情懷翻短韶光恨音信斷心事亂淚無算謾
春事關心儘黃昏也何處聲吹絃管喚起牕前皓月
照冷淒淒清風徐伴試問玉樓春愁人能沾半

大酺 春雨

春雨迷迷人煙靜野鳥爭飛南北寒風吹柳絮亂芳
菲如繡柔情無極十里青山一溪流水煙裊重門凝
碧聽印園何處數聲流鶯囀漏春消息一縷閒愁幾
年離索無端岑寂黃昏春入宅鎖花陰空照人顏
色又早深沈西院浙瀝南樓見牆頭梨花飛白故

國音書杳萬點淚痕青衫濕因念故人歸去執手無
語門外行人相逼人生何事堪惜

大江東

大江東去望水驛目斷天涯宿靄斷岸連天飛草色
十里遠山紅黛村舍生烟輕風捲浪雲逐孤帆外試
看春事如何使人心悔寥寥無住情懷春風困盡
可有人來愛此日無由歸去也楊柳風牽翠帶嘆年
年天涯人欲老欠盡江湖債為他憔悴春光終日無
聊賴

曾青藜詩餘 卷十

玉漏遲

紗牕人靜悄池塘夢起白雲如雪適值笙歌處處催
人離別苦欲如痴如醉空目斷誰憐腸結人意絕任
終日笑語依然密早知如此春心悔昔日多情蓮
塘時節入夜啼鴉叫破枝頭殘血片片落紅相送隔
牕外無聊明月聲漸咽空使寸心悽切

意難忘

春雨濛濛正春光如許愁裡千重海棠紅粉淚楊柳
翠條風江上水檻前峯燕子亂春濃望平堤天連芳

草綠樹龍蔥。堪嗟身世飄蓬。念一生如夢醒眼朦朧。故人知有恨。游子本無踪。榆莢雨。石尤風。春鳥怨飛紅。怕歸來。滿園花謝。春色蒙茸。

前調 晚泊

綠暗紅連。奈孤村寂寞。野樹含烟。播花含影。動芳草。冷孤舫。轉繡陌。過晴川。歷遍暮雲。天望水亭地。連蒼靄。何處邊延。黃昏斜照。牕軒聽青山。碧水相應。潺湲深。燈籠就月。簾幙捲風前。思悵悵。恨綿綿。對景更淒然。隔夢魂。關山萬疊。抱影無眠。

曾青藜詩餘

卷十

五

倅尋芳 春晴

桃花沁淚。楊柳垂條。隔牕寒峭。颯颯東風。吹動一簾芳草。漫倚闌干。遠望斜陽黯淡。浮雲攪。春光是何時去也。有誰知道。嘆朱顏。終朝遷次。好正良辰。荏苒過了。小院沈沈。宿鳥淒淒。鶯叫欄檻。辭春人靜後。池塘夢。春陽初曉。倩誰來問。相思送人年少。

山亭柳 有懷

柳影紛紛。鎮日鎖朱門。人來小院。黃昏滿地。落花如繡。燕泥香惹。飛塵無語。懨懨憔悴。早是傷神。佳人

笑語。渾難憶。耐情思。更自溫存。心中事。漫消魂。可惜一生年少。依稀瘦減。芳春懶把。闌干凭也。目斷行雲。

惜餘春慢

疎竹迴風。珠簾輕燕。綠影池塘。初夜乳鴉。咽盡蠅蝶。歸來滿院。梨花已謝。堪惜春光不畱。曲檻飛花亂紅。如畫。可憐春歸。又是傷心候。閒薰蘭麝。向夢寐幾訴衷情。天公若解。何必春春夏夏。慨慨玉骨。正值殘春。那更瘦來。如把春去。闌干懶倚。紅影已殘。落花狼藉。念今生。聚首難期。應存夕陽花下。

曾青藜詩餘

卷十

六

應天長

梨花橫夜。芳草沿階。滿院雨聲沈細。燕子歸來。剪語雕梁。空中起。東風困。疎簾動。花影暗。重門初閉。問今夕對酒。無言。為誰心事。閒把鐙兒背。照得離人空有。數行淚。悶坐無聊。鼙鼓沈沈。牕外細影。已隻心欲醉。翠幙冷。佳期猶未。夢中不見。度相思。愁多無寐。

華胥引

朝煙困柳。疎雨侵花。落紅遙嶺。怯怯東風。啼鴉柳外。眠未穩。但見花夢池塘。渺渺橫寒影。半掩朱門。起來

紅日相近。花隔簾櫳。悶無言。鬢鬆腰困。依依憔悴。
怕將朱顏對鏡。何處榴花初發。嫩紅嬌靚。立盡蒼苔。
倩誰扶起花邊。

西河

雲漠漠。東郊細草如錯。小橋流水近江堤。野舟閒泊。
紅塵遠。樹影參差。孤村縹緲。天角路上行人歸去。風
捲落紅。蕭索高樓。獨望禁城邊。晚霞零落。憶春歸。柳
色萋萋。依然舊日城郭。茫茫江水。何處去。隔雲山。
千里綿邈。燕子乍歸。簾幙語雙雙。應有玉樓佳約。誰
曾青藜詩餘。卷十

似離人但情薄

過秦樓

牆外飛雲。梁間輕燕。淡淡煙波初鎖。紗牕欲暗。竹影
橫斜。更有誰人輕過。相看景色蕭條。夜靜風涼。柳眠
花卧。聽蟬聲正咽。鳴蛙初起。無聊獨坐。此夜此情
病如何。鴈遙音斷。空有幾枝花。朶無邊。潤影有限。情
思黃犬。朱門高卧。耐寂寥。明月應憐我。書院暗移。鐙
火向夢中去也。忽被風聲攪破。

東風齊着力

端午

綠柳新垂。黃梅初熟。當暑流霞。江城五月。遍地落梅。
花。簫鼓紛紛。幾處畫船動。激浪揚沙。嘆今歲。因循過
了。已半年華。此際憶天涯。何堪照眼。盈盈石榴花。
玉觥滿泛。小院日初斜。更值玉樓人。曉風靜裡。楊柳
藏鴉。花深處。江樓望斷。淚弔長沙。

別銀鐙

疎雨幾聲。關砌。欄檻外。翠楊拖翠。池上鳴蛙。梁間語
燕。恬得心兒如醉。淒涼無地。東風起。紙帳輕碎。竟
是高秋天氣。漫把輕羅再試。竹外疎疎。苔前點點。偏
曾青藜詩餘。卷十

似離人珠淚相思無計。聲蟲蟲。泛流煙水。

夏雲峰

雨紛紛。曉色乍報小牕。正開門。曉起朦朧如醉。池上
波分。闌干風起。芳草暗。花遲紛紜。空寂寞。石榴深院
自銷魂。閉將蘭麝頻薰。悶無語。無人空自溫。存搖
袖小。庭佇立。倦倚朱門。醉花深處。漫行屐印蒼苔。
痕。聽畫角梅花。一弄引起朝雲。

高陽臺

晚雨新收。疎風輕透。園林柳色青青。夢破疎簾。池蛙

歷歷初鳴。高陽臺上花枝暗。拂林梢。煙淡星疎。問笙歌何處。依稀欲在東鄰。此時冷冷清清。正腰肢瘦損。可是傷神。人不歸來。空教目斷行雲。凭燈火。紗牕夜數。別期月已三更。真無計。不見飛鴻。淚濕湘裙。

祝英臺近

淡煙輕。桃葉渡。岸柳乘風促。陌上飛鴻。荒塚迎新綠。相思不奈迢遞。故人何處。眉峰缺似春山蹙。人如玉。試看花色盈盈。歸期實難卜。年少飄蓬。朝艤泛春渌。誰人情得春來。愁人不解惜春。惹下春愁熟。

曾青藜詩餘

卷十

九

念奴嬌

花陰千頃。綠楊裡。鶯燕聲聲弄巧。泛水新荷香。十里曲。逕。適深窈窕。踈影橫斜。翠羅深處。人在臨邛道。風簾半捲。問君何處來到。家住芡蘿村頭。倚闌凝望。知是愁多少。可惜少年人去也。回首空餘芳草。平野煙。畫橋流水。見亂峰斜照。歸來魂夢。但只怕巫山曉。

尉遲盃

陽關路。淡烟裡。黃昏透窗樹。路回漸轉。孤城畫角聲。聲斷處。無情短舸。向漁村。煙際迷平楚。嘆行人細繞。

長堤碧雲。殘照朱戶。因念攜手留連。門掩芳菲。剪燭夜深語。絳蠟燒殘。人靜後。都做了朝雲暮雨。如今向梅花大驛。姮娥下。西風隔南浦。欄前牕影參差。何處人聞蕭鼓。

虞美人

扁舟未上扶桑影。人在羅浮境。翠微山色海天空。但見曉峰明滅。白雲中。少年時夢羅浮好。過此人偏老。如今且自望青蒼。何日得驂鸞。馭訪軒皇。

摸魚兒 某仙堂感舊

曾青藜詩餘

卷十

十

閱當年虎頭燕頰。功成人在年少。玉關攪帳東風暖。猶念故園春好。歸路香縱十載。無歸不過窮途老。青衫破帽。看過市吹簫。游山弄笛。都是運顛倒。平生事。不覺媽然一笑。天公可也。知道三千鐵騎重圍處。但見孤村荒草。清夢曉。任古往今來。且自留殘照。高樓獨嘯。有三卷黃庭。一尊綠酒。寂寞對孤廟。

前調

坐孤城。送春歸去。如今過了。初夏階前綠樹圍。如蓋日影小。牕低亞相看乍。但得共徘徊。不問晨兼夜飛。

鷓鴣泛竿即一月淹留。高歌快論，猶自覺聊且。凌雲
筆，矗起文章聲價。應知才逼司馬，黃金築就無人至。
莫戀故園臺榭，楊柳下好待此微涼。沈醉消閒暇，孤
帆去也。料明月湖頭，西風江上，誰與唱酬者。

滿江紅

宋輝恭軋子以倫同王次詒，送予登舟別去。
城閉不得入，復回舟中，快飲良久，限一字。

欲見何期空惆悵，大江北，攜手處，離多會少，正堪
追憶。他日重來，應是夢，人生難得，惟今夕，念諸君俱
曾青藜詩餘 卷十 主

在少年時，吾頭白，燈欲起，春將息，言不盡，情非一。
見潮平，沙岸海天無色，對月休辭，深夜醉，臨風莫畏。
高寒逼，快重逢，不是閉城闔，何由得。

前調 贈潮州林武林太守

蘇小橋邊笙歌動，蘭橈初發，看兩岸青山綠水，宋家
宮闕。舊日繁華，何處是江閩烽火，連三月，且浮杯醉。
向夕陽時，湖天濶，風雨後，干戈歇，南北路，音書越。
旌麾一去也，海天如撮，鳳嶺時傳，雙燕至，鱸湖已報。
羣鷺沒，羨封侯，正在玉門中，垂勳伐。

水調歌頭 次與化縣

渡痕青似染，草色綠於油，行來水邊沙際，點點沒輕
鷗。但見夕陽西下，淒斷數聲漁笛，惹起一天愁。渺渺
孤城下，長嘯倚滄洲。莫傷懷，今古事，付長流。英雄
知在何處，且自看，吳鉤。過盡荒亭，孤驛，一任天低風
緊。帆落滿湖秋，明月停沙渚，殘夢上江樓。

漁家傲 將次繁川阻風

黯黯陰雲天似暝，人聲但與濤聲應。一葉孤舟難得
進。風不順，舟人又說繁川信。閩粵滇黔今已定，藩
曾青藜詩餘 卷一 主

兵盡撤分旗，領日日捉，艇官吏，狠天莫問，窮途又值
歸途困。

瑞龍吟 端陽感懷

端陽至，但見播火搖紅，柳風飛翠。天涯幾度芳時，何
為此日，偏多涕淚。百年事已過了，端陽節，五旬有
幾。如今即不蹉跎，銜杯但得窮愁滋味。料是光陰
如箭，老來風景，憑誰相慰。燕子不堪重來，知斷煙水
烏衣舊巷，只有空泥壘。何須羨，雙株四栝，三槐五桂。
極目斜陽裡，五絲難續，人間世，有恨長如此，應更向

江湖風波憔悴倚欄望斷故山千里

齊天樂

辦香拜祝華髮後君今又逢初度草色成茵榴花照
眼滿架蒼藤紅雨年華似汝正繡棄終軍識過文舉
世上悠悠胸中五嶽自為主高樓百尺誰共見青
箱舊業三君八顧轄可投蓮絲難綉趙且向人間箕
踞黃金塵土直手握風雲氣吞吳楚料想他年不須
慚鄧禹

沁園春 題在免床石湖烟雨圖次韻

曾青藜詩餘

卷十

三

辛苦生涯寫愁滋味何曾得閒念飛狐到馬白溝紫
塞重關疊嶂鴈去人來滿目英雄誰為吾敵欲把乾
坤一手搥頻過眼見山川改色猿鶴驚猜堪憐白
草黃埃且深夜挑燈讀史懷聽寺鐘春起林鷗晨噪
滴歌蘆管曲曲生哀有限光陰無窮血液荷插難將
心事理休悲嘆看浮雲蒼狗豈已焉哉

百字令

辛酉七月同葉星期周青士張繩其俞犀月

集汪周士晉賢雅涵堂得醉字

良宵初永最關人懷抱早秋天氣高譙張燈開畫閣
應是酒壇詩幟唾落珠璣談深風月玩盡人間世飛
來螢火看看吹上衣袂但見斗柄橫斜烏啼月轉
一任留髡醉試問當前誰痛飲便可得稱名士白眼
無情黃金有命千古傷權勢雖然如此吾生還覺多
事

少年遊 送丁芻菴回金陵四首

畫長人靜綠陰稠風雨一簾收不知終日送人歸去

心事上眉頭耳邊只是聞啼鳥閒聽得更添愁君

曾青藜詩餘

卷十

四

去多應上小舟念孤客也難留

其二

終朝無事理書籤一病正懨懨低頭對影影將心問
有口自應箝平生氣概凌人慣空壓倒在低檐今
日應知別恨添縱無語但生慙

其三

長江風送夕陽殘有夢也知還石塘灣裡太湖磯畔

正好一凭欄櫻桃紅綻珊瑚碎風蕩蕩漸生寒家

住東西崦上山應記取水晶盤

晶盤欲往光福食櫻桃

其四

人生樂事在庭闈歸來賦無衣半年風景一時花色
會笑報春暉他山他水雖羈旅應卜得鳳凰飛五
嶽應知七尺稀莫回首只言歸歸卷時有
歸卷之意

賀新郎

歷盡滄桑矣嘆人生今來古往英雄有幾錢馬金戈
看漸熟到老茫無一事莫只道河清可喜舉世誰容
青白眼笑鷹揚蟄伏何人是吾與汝更誰似終年
閉戶垂楊裡見人情高低冷暖大都無味破屋半間
曾青藜詩餘 卷十 五

前調

如此風霜逼念長途冰漸雪片亂迷孤驛最是無情
軟紅土送盡勞勞行客嘆舉世何人能識不見黃眉
三伐隨看麒麟竹帛皆塵跡天下事總難測青袍
綠緞陪鸞掖掌絲綸摘詞奪彩那堪追憶自古英雄
多薄命李廣封侯未得幸一見嵩山石室顧為明相
國所知
似我飄零三十載任彈箏酌酒誰憐惜空對鏡愧頭

白

滿江仙東坡亭瞻拜遺像

昔日僧房今廟祀文章到底稱雄可憐名窟黨人中
青城當日禍機已兆元豐何處江山長不改衣冠
百世猶同且將心事付東風先生春睡足休撞五更
鐘

青玉案過藍關

藍輿獨上藍關道但只見青青草古往今來人跡掃
一谿林木數家烟雨何處樵歸早生平但不漸蒼
曾青藜詩餘 卷十 五

吳夕暝空教亂懷抱千載爭傳佛骨表瓣香深淺午
燈明滅坐看江天曉

謁金門題王山長獨坐圖

風光潤年少才如管葛誰信文章憎命達吾愁我自
過雙眼看來天一撮只此琴書堪踞坐老蒲團山
鬼滅風吹葉脫

序

余甫踰弱冠聞江右曾子青藜與其伯氏庭聞暨易堂諸子以詩文氣節相切劘心竊慕之已而晤庭聞於湖上又二十餘年易堂諸子相繼凋謝因念青藜齒髮日衰故願見之心亦與年而俱積康熙丁卯冬旅食會城青藜忽投刺見訪初疑姓氏偶同及相見握手大喜繼以古文詞見質且屬為序舍塵事雜沓日把卷肩輿中側弁而俄至手口交倦猶不能置夫古文詞至今日而極盛亦至今日而漸衰明季文割

毛序一

裂雕繪盡掩性靈讀之氣噓近代一變而為大家之文然摩抄於神髓間枵然無物譬之塵飯土羹固不足以及于七箸而欲飲水以終飽焉得乎青藜文清真澹泊如其為人而磅礴興酣牢籠萬象讀其上論古人及盱衡時事成敗得失之故不啻洞若觀火至於友朋存歿之際纏綿悽惻區畫周詳苟息所謂死者復生生者不愧其言惟青藜庶足當之耳予向讀庭聞之文精悍射眉宇而青藜復深以學問之氣信乎其不易及也已青藜又曰年來以貧窶故寄人廡下

往往代為屬草丈夫七尺軀何至以臂指供人驅役故盡棄其藁不復存嗟夫才如青藜天故靳其名位竟以偃蹇終老即文章一道猶不使之得自行其胸臆良可嘆也予性強項自一二知己外從不欲以捉刀見待然檢篋中所存大半皆贈送敘述之作以視臂指供人驅役者相去豈有咫哉遂太息而弁其端

新定弟毛際可撰

毛序二

六松堂文集目錄

男尚侃尚倪編次

卷之十一

論書

公叔座論

卓茂律禮論

施與

上萬年伯書

與沈崑銅書

曾青藜文集 目錄

與諾上人書

與曹秋岳先生書

上龔年伯書

與兩粵總制書

卷之十二

序

金石堂詩序

張穆之詩序

張虞山閩尚集序

荆軻論

子文辭祿論

上楊年伯書

再上錢牧齋宗伯書

復李元仲書

與宋荔裳先生書

與周櫟園書

與丁鴈水觀察書

魏叔子文集序

鮑子韶詩序

汪扶晨閩鴈詩序

邵添夫山堂草序

邵其人吳趨吟序

丁勗菴鼓柝集序

石濂上人詩序

范石湖梅花詩序

汪石巖詩集序

謝晝也詩序

送王素履歸北平詩叙

贈邑人楊君序

曾青藜文集 目錄

重修飛泉洞序

講學堂序代

為吳孟舉書夢序

寧都令張封君壽序

林武林壽序代

程耳臣壽序代

邱聖與嫡母壽序代

龔琅霞詩序代

程耳臣寄園偶集序

依園七子詩序

霽園詩叙代

呂御青詩序

張文一松齋詩序

王春如詩序

送西林遊序

棋譜序

修吳季子廟序

勸立義倉序

賀吳留村中丞序

壽紀光韓太守序

程德滋壽序代

顧夫人壽序代

吳母壽序

卷之十三

說引跋

龔司馬西塞圖弁言

分閔小引

張荒小引代

修社廟前殿引

秦玉亭篆刻小引

題辭小引

高湘穀詩引

楊子鶴寫照贈言

修大士閣募疏引

題疏代

陳伯鷗和韻詩跋

吳楞香詩跋

書別彭子載詩跋

吳門錄別唱和詩跋

閩中秋詩跋

王咲亭泛菊詩跋

錄別唱和詩跋

顧有星絕句跋

曾青藜文集 目錄

三

彭躬菴與梁質人書跋

題李令貽為表重其孝子傳跋

樵蘇子清慎跋

延陵醫源跋

書周紀

書新息侯傳後

書花隱道人傳後

題張鍊橋像後

果齋說

不貸之圃說

跛者說

繫狙說

大木記

祭文代

祭王額駙文代

祭周樸園文代

祭馬蕃侯尊公文代

哭魏叔子友兄文

祭徐楨起文

先太后陳氏行狀

文學生伯呂公墓誌銘

程府君暨吳孺人墓誌銘代

歲貢生廣則溫公墓誌銘

卷之十四

尺牘

答劉石潭

與錢馭少

與謝秋水

與周計百

與龔邁種

與侃兒

曾青藜文集 目錄

四

與梁樂亭

與陳元孝

與周姪婿

與丁泰巖

復金會公

與徐健齋

與姜西溟

與李元仲

與丁鴈水

與吳留村

與林武林

與陳園公


答王山長

與馬乾公

與劉映菴

與邱貽衡

與王涓來



公叔座論

人臣為國進賢貴斷於早而其效忠於君必不能規
兩全之利甚矣公叔座之欲進賢以忠於其君而計
之失也嘗考座為魏相衛公孫鞅為中庶子有年當
時魏方多難秦取我龐矣桂林又敗於齊岌岌然困
於諸侯使得智力之士用之以強魏而却敵夫豈不

曾青菴文集

卷十一

善鞅不足有為座而不知鞅也則可座誠知鞅則當
引位固讓一不聽至再不聽至三以為鞅棄不用
不東走韓趙必西去秦以為魏患惠王必懼而用鞅
座計不出此而僅於垂死之日舉以自代又不能反
覆危言以盡其忠至於始請用之而旋請殺之亦何
怪乎王以為昏疾而不聽也哉且夫人主於豪傑已
不能用而惟恐他人用之至於殺之後已者古今多
有座之為鞅計亦左矣然使惠王聽座而殺鞅猶未
足為座過何者座請殺鞅豈非以其足為魏患哉楚

子不能留重耳而子玉請殺之韓范不能用張吳二
生縱而之夏世為宋大患忠臣之愛其君固有悖理
犯義以為之者座入言於王而出言於鞅顧何為乎
庾公抽矢去金以射子濯孺子君子譏其不忠况漏
言以遺國患重傷豪傑之心而蓄其憤恨其後鞅虜
公子印魏徙都大梁失河西之地雖惠王不聽用鞅
亦座計之失也世之欲忠於其君舉大事者毋謀兩
全謀兩全則必依違苟且如座之兩失而後已矣

曾青菴文集

卷十一

二

荆軻論

世之論荆軻者，以為刺而不中天也。其謀失於輕刺。秦王以亡燕，不待客而使秦舞陽副。吾以為不足召軻也。軻之咎在聽太子丹劫秦王反侵地之計。嗚呼！始皇何人，而丹與軻顧欲以齊桓公之所為望之耶？其亦愚矣。今夫以匹夫刳千乘之主，既去而守信不變，此古今之所無也。桓公欲藉是求天下之諸侯，非管仲猶且悔之，而以此望之始皇、李斯之徒乎？且秦之已事，亦可見矣。張儀說楚懷王北絕齊，交賂以商於之地六百里，既而曰實云六里，不聞六百里。秦昭王願以十五城易趙璧，璧至終不予地。夫與人要結交好，許地於親愛之時，不旋踵而背之，若遺跡之不足計。今乃欲刳秦王於上殿危迫之頃，而收地於雍容返國之後，雖三尺童子有以知其必不可者。使軻不聽丹計，當圖窮匕首見時，不把袖生刳王而急手以搯其喉，出縋縷之血，則秦王立死，秦王死而李斯、趙高之屬各為朋黨，以起釁於內，太子丹合六國之餘燼以攻其外，秦之為秦未可知也。吳諸樊門於巢

曾青藜文集

卷十一

三

巢牛臣隱牆而射之曰：是君也，死疆其少安。始皇死，扶蘇立，則其仁不足以夷滅諸侯，胡亥爭則亂爭而得立，則一豎子耳。荒淫之不暇，而何暇遠略？嗚呼！軻之計誠出於此，雖無客亦足成事。孫子曰：知己知彼，百戰百勝。光武輕騎，按行銅馬，而察罕以此敗。後世效郭令公以見執者比比也。夫欲謀大事，不能知敵之為人，以定其計，而妄希古人之所為，其亦殆矣。

曾青藜文集

卷十一

四

卓茂律禮論

古者先王懼人情之或變而立之法也。吏貧則罰，民奸則刑，不於其大而畧其小，不於其重而忽其輕，適以入吾法者罪之，是故吏安於上，民服於下，循循翼翼，以求避乎法律之所禁，後世惡其嚴而樂其寬，而通之以其情，遂使老奸大猾坐守其失，至於遷延滋蔓而不可救。昔卓茂為密令，民以受遺訴其亭長，茂曰：「是禮也，以通情者也，不罪民，不罪吏，而冀以感其意，此其意不可為不善。今夫民而以受遺告也，或者

曾青藜文集

卷十一

五

其吏之平日將有貪婪放恣於其下者乎？吾以為奸民之欲逞其志也，必先有阿諛媮媚以曲奉其長，懼其令之燭其奸，而又預為之辭以掩其罪，使令聽吾言，必加罪於其吏，吏他日有白於其令也，必以是為讐民之口也，而不信，此其巧賊陰猾固常欲泥乎先王之大法，而使之不能以必行，雖然，吏苟無所受於民也，則其民猶將有畏於其吏，今亭長無故而受之，而令復以為其情也，則天下法之所不得行者，而禮得而行之，天下其誰不以為情，且夫情者，聖人所能

禁，而大賢以下所不能也。有遺第五倫千里馬者，雖不受當選舉，終身不能忘其人，吾誠不知茂謂亭長於倫為何如，然使民以禮遺，而吏復以禮受，則他日苟有訟於其人於吏者，方欲究之以法，而又不待不有所依違於其間，以酬其平日餽問之勞，彼民幸其吏方且轉相徼法以快其私，而終不能執法以相懲，然則吏民同罪乎？吾又以為不可，彼其民之作奸犯科如此也，情法所不赦，不待智者而知之，而亭長冒冒然受纖悉之遺，以犯大律之所禁，雖其法不可贖

曾青藜文集

卷十一

六

而其情則不至於大惡，吾則姑從而寬之，曰：吾以觀汝之能自新與否，使其吏不至於大縱，而吾處乎吾情者，固未嘗執天下之人使之相隨而入於殺也，此則法之所得為也。

子文辭祿論

嗚呼。誰謂子文而不廉耶。當子文相楚時。有令舉王甚重之。一日出祿。而子文逃。或曰。子文廉。又曰。智哉子文。雖然。子文為楚國倚毗之臣。王所倚以膏澤楚國。楚之人所恃以為生全者也。今辭所宜受而反之。其君君之府庫。無慮不足。不過以助其宮室遊畋之費。而增其女謁燕賜種種不經之用。彼嗷嗷而待哺者。子文獨不念之乎。昔者魏公叔座與韓趙戰於滄北。禽樂祚。魏王郊迎。以賞田百萬祿之。公叔座反走。

曾青黎文集 卷十一

七

再拜讓於巴陵。爨襄。魏王嘉之。賜田各數十萬。嗚呼。天下有被恩而不見其德。有施惠而不蔽於私。子文顧不聞之耶。當日者。請於王曰。王賜臣祿。臣不敢私。願為王廣德。於是詔國中。之窮而無告者。鰥則妻之。寡則字之。孤獨則鞠養之。而又有苦於追逋。迫於官府者。則代為之輸。而請免之。且曰。王念爾民不遑寢處。其惟體王之意。以為爾百姓恤。出以至公。示以至平。無伐善施勞之心。無矯情拂俗之事。子文其廉幾乎。顧不出此。而僅僅守一甚廉之名。遠禍畏譏。以為

楚國重。豈不過哉。嗚呼。後世之人。臣專權自恣。僭君之龍位。以浚民。浚民之膏血。以奉己。又安得所謂廉者。而與之。然則子文豈不仁者耶。

曾青黎文集

卷十一

八

施與

曾青藝文集

卷十一

九

邱子曰昔冉有以粟五秉與子華之母夫子曰賜之而子貢賸人於諸侯而還其金孔子聞之曰賜失之矣自今以來魯人不復贖矣原憲辭粟而子曰毋以與爾鄰里鄉黨若惟恐其棄粟而不之取者蓋孔子之愛人也以德矣故老子曰見小曰明曾子曰非其道也非其義也一介不以與人又曰予人者不難其有恩而難於有禮此篇論也斯孔子語許之豈所謂小者耶孔子之刺遺程子於道而語終日遂再顧于路取束帛以贈之子始馬不對既曰屑然曰士不中而見女無媒而嫁君子不行也孔子曰詩不云乎野有蔓草露漙漙兮有美一人清揚婉兮邂逅相遇道我願兮今程子天下士也於是足不贈終身不見大德母踰閭小德出入可也易曰賁于邱園束帛交交詩曰素絲祝之良馬六之蓋言情也記曰孔子之衛過舊館人之喪入而哭之哀使子貢脫駟而賻之子貢曰於門人未有所脫駟於舊館母乃已重手昔顏淵死顏路請子之車以為之槨子曰鯉也死有棺而無槨以吾從大夫之後不可徒行也故曰未有所脫駟也胡氏曰葬可以無槨駟可以脫而復求大夫不可以徒行命車不可以予人而鬻諸市也然七十之徒甚眾矣有哭於中庭而受弔者未聞其如館人也夫子曰予向者入哭過於一哀而出涕予惡夫涕之無從也小子行之論語曰孰謂微生高直或乞醯焉乞諸其鄰而與之夫子言也或曰禮弓諸篇漢儒之所採集故未可信然孔子行事類諸書以傳焉者不寡矣又未可廢也昔子夏及門之賢焉信聖人而已於投則何敢孔子蓋曰疑思問愚曰學聖人而疑其愈於非聖人而疑者也敢敬以質孟子曰分人以財謂之惠於是有不當與而與者有可不必與而與者有率然與之而不中於禮者夫不

當與而與謂之矯不必與而與謂之侈率然與之而

曾青藝文集

卷十一

十

不中禮謂之急嗚呼難矣自天下之人不能損己以利人也父難求諸其子兄不能得之於其弟屑屑然銖兩必計而纖悉之必盡雖有人焉持戈鋌於其前執生死之說以喻之而猶不能不有所顧惜於其間一旦而有慷慨豪宕之士棄千金如敝屣而莫之惜使人慕其德習其風至於王公大人相與嘉尚而不敢輕忽昔者孔氏之門子貢獨以貨殖聞當其却金還魯至康也而夫子曰自今以後魯人不復贖彼子貢者知行其情而不知求為眾人可行之情殆所謂矯者非耶夫恣情而不守禮豪傑之士聖人禁之彼子之過程子於道而贈之以束帛何其急也禮曰士不中而見女無媒而嫁君子不行也今有人日求十乘之珠而不得一旦遇之於市方且屬萬金以購之程子天下士也高山仰止景行行止曾敢觀面失之哉是其所謂禮也記曰亡於禮者之禮也書曰享多儀儀不及物惟不役志於享為其不誠而近於侈也昔孔子之衛過舊館人之喪入而哭之哀命子貢脫

驂以賄之子貢曰於門人未有所脫驂脫驂於舊館
不已重乎夫孔子於二三子情深而誼重館人疏也
方其入之初子固為主賓之弔焉而已及其門見可
哀而哀焉則藉物以將之固其道也古有之曰蹶市
人之足則响辭以放驂親則已矣蓋孔子嘗以微生
高乞隣醯以應乞以為無醯之情何不可以告人而
隣人之乞於人情何如也此則與於矯之甚焉者也

上楊年伯書

其以疎賤得廁身門下退而竊自嘆古大臣風烈不
謂我馬倥傯間見之侍坐之日碌碌無所建白獨念
年伯得志行道阿衡元公復出於世宜無有不盡言
之人而尚有所遲迴不欲吐則其之過也夫國家之
禍淪胥而不可救非賄賂盡之則情面盡之盡於情
面猶可言也盡於賄賂不可言矣其以為盡於情面
而後天下之事敗壞乃極賄賂者小人所藏情面者
君子所托為小人者不足責矣天下之所推為君子

國之生民之所恃賴者而亦如是天下事尚可言哉
文法者鳥獸之機阱也情面者耳目之瓊疏也朝廷
重文法則上下相與為賊官吏奉情面則大小相與
為奸何者錮蔽隱匿前無所見後無所聞所謂垂疏
充續有耳目之名而無聰明之用也天下有賞而無
罰有恩而無威是有水而無火也天下不必火烈人
乃可畏苟為江海之水而不為濶湖則其靜也人莫
測其深惟恐其墜其動也人莫防其變而惟恐覆也
大刑不可積荒積荒則志玩恩賞不可易子易子則

願奢禮貌不可輕假。輕假則威喪而下之氣驕。然今日議者必以為賞逾於罰。愛克於威。不得已而為此。夫江海之水。人非徒畏其深且廣也。有蛟龍鯢鱷以助其洗洋之勢。使人駭目而驚心。而又畏乎未死於水。旋死於魚龍也。然則今日而欲用大刑。謹恩。實尊禮貌。則居重之勢自強之術。不可不講也。天下之事。獨斷足以距賢。旁任足以召亂。偏聽足以生奸。苟慎用之。則三者皆利。獨斷者不斷。以已斷。以理。是以一理廢。非理。非以一已廢衆人也。旁任者不謀而任之。

曾青藜文集

卷十一

古

無異。而其人乃可知。吾操賞人。爵人。刑人。罰人之權。而有人焉。犯顏而譁我。匡義而諷我。他人稱功頌德。彼獨無所諛於我。此其人以為甚賢。則真果賢矣。且吾之聰明無所不外。學問無所不內。而有人出一議。佐一籌。則皆有以益我。此其以為甚賢。又安所疑其不賢哉。夫選材於大人之門。猶投罔兩於石鏡之側也。而不肖慎言之意者。滄浪清濁。孺子歌之。而孔子亦聽之。敢陳固陋。伏惟垂察。

曾青藜文集

卷十一

古

上萬年伯書

賊寇所以伏根者由於郡縣所以緞發者由於郡縣。今日所以靖亂防變亦必由於郡縣。某請得言之。貪吏奸胥漁民自利小民喪一生矣。貧富畏貴殺人以媚人小民又喪一生矣。小民不知有生之樂而內持必死之心外行偷生之事則種種犯法亡命之難造矣。此所謂根伏於郡縣者也。庸才涖政惟耽安飽且太平數百年不見兵革儒生俗吏無敢于用兵之膽與用兵之才撫馭鮮素民皆非兵積怨已深民盡是

曾青藜文集

卷十一

主

省會京都之安安於泰山矣。執事以天下治亂為心區區方隅不足指數然執南者根本之地也。兵非不多而疲於私闢餉非不足而沒於官胥悍寇叵測。豪民貪禍所謂根伏者已見於今。緞發者將起於後使有賢有力者於此則勢可立治。念此盜賊誰非良民彼焚獨之民平日逼於豪勢莫可誰何。迄今大亂洵作出爾反爾有司既不能鋤抑豪勢以謝亂民又不能制馭亂民以全衰勢則有坐視其犯上作亂付之無可如何而已。雖然慎選郡縣之說人能言之或不

曾青藜文集

卷十一

夫

能行或銳意行之而遲遲不得其人者則又有故用人之道其難數端以名望用則偽倖者進以言語用則浮夸者進以故暱用則踈遠者不得進以資格用則貧賤者不得進是必以求賢若渴之心明示遠近吐哺握髮以延接之無或有想望顏色不得見者多方招徠天下之士無或有無援不得至者平好惡捐恩仇無或有不德在祿位有功能而廢淹者聞善如流無或有陳讜言建奇論棄置不省問者綜核名寔試可而後用無或虛譽浮言倖取官司者則請以所

聞所見之人。隸之幕府。授以事宜。觀其才能。接以朝夕。觀其心術。引以議論。觀其學問。夫人生平可知矣。然後量其才之大小。授以執事。干城腹心。幕布廊廡。畫之一定。課最之法。假以便宜。行事之權。則我之使之如慈父。使子。彼之應我。如臂指。應心。各訓其兵。各措其餉。以禦侮戢亂。我無內顧之憂。而遂得一心畢力。以謀大事。此所謂進可取。退亦不失。吾守者是已。

再上錢牧齋宗伯書

自芙蓉莊拜別。曾兩奉啟事。皆匆匆據案。未皇畧陳。悃素罪甚。罪甚。監寐之懷。十餘年所。不意再見斯事。比來早魃為虐。甚於桑林。雲漢之日。忽而山川出雲。凌雨震電。交發並作。田夫牧子。願濡頂踵。以殉甘澤。而蠖螻橫天。忽焉遂絕。然使天下知死灰之不可溺。桑林之七年可雨。而雲漢有遺民者。未嘗不在於此。於是明公定當作喜雨誅霓之文。代靈均之問。恨某方困行旅。乞食無所。咫尺舟車。不能自致。伏承賜以

詩叙時於人定。長跪展誦。涕洟交面。慚感所并。不知紀極。某少長紈袴。不識天下事。為何事。竊觀書傳。及日承師友之訓。亦知有古所謂忠義人者。而因事乘會。濫當一司。平居深惟謀人之軍敗。而不能死。謀人之邦危。而不能亡。食息居處。與恆人無異。方自恨力微。能索無以報稱。君親而茅店之役。清江公乃舍其羔裘。論其狐袖。彭子躬菴。復有葑菲之采。明公過聽。以為此世間真男子。愧矣。愧矣。雖然。知己之感。何敢不勉。諸其卒也。夫某所區區。求免於死罪。萬分之一。

者惟此心耳。然竊以為居今之世，足當天下事者，其人有二。而言心者不與焉。古今變革之際，忠臣義士抱不二之心，其人不可勝數。然無成者十之九，而成者僅十之一。何也？則以短於才而望不足之故也。所謂才者，必天下少年英偉之人，足以當之。其識足料天下之變，才足應天下之紛，強力足以無畏死，而筋骨足任天下之勞事，如王景畧、周公瑾之倫是也。所謂望者，必天下老成碩德之人，足以當之。其生平學問德業，既為天下所信服，及夫履難而志不疑，時危

曾青藜文集

卷十一

九

奔走天下之才，則明公其人已明。公遵養道，舉使天下才不才，皆有所恃。其在下風，當先驅犬馬以報知已。狂言無緒，死罪死罪。

曾青藜文集

卷十一

平

復李元仲書

今日海內讀書種子自漳浦後不得不以此坐首。推先生弟嘗竊讀諸大作及抗設集叙視數十年事如燭照數計貴卿名義林立惟先生與董司空真實有用經術膚寸可觸膏雨天下天既不造閉之窮山一室令蒼生不被其澤乃更蠅營蟻射邁茲閱函弟不肖以母老饑驅適青四至低頭就人廡下仰承鼻息每誦彈文搶心刻骨始猶為先生得消謗書狂蹶繼更值長公大驚匝地之繩羅世路同波竟毀巢室因

曾青藜文集

卷十一

廿

爭之伏枕潦倒語無倫次百維亮察

曾青藜文集

卷十一

廿

與沈崑銅書

去秋家兄歸，荷惠問兼拜賜，殊於今年八月內，乃得見也。情語懇懇，非素交不及此。某向時寄家兄，有無為弋者，心增矯，不能辨之。句益深慮，家兄不能守窮，以虛榮殉身，往者不可諫矣。歲悠道長，侈心未艾，尤藉同志力持之。今日士之推選稱達尊者，小則發遣草州，大則身家辱戮，做官不過多得錢，得錢則得禍，豈獨名節足愛，惜乎家兄天資爽朗，每能洞出理勢，但不能抑氣負屈，所以決裂至此。某嘗以危言要之。

曹青藜文集

卷十一

書

頗為首屈，祇恐車塵日遠，望息壤不可見，見擾擾耳。目間皆等輩事，又不覺奮袖低昂耳。奈何奈何！某年來窮困，殆非人理。入門見謫，外羞里人，生趣幾為衣食索盡。知此分內事，何敢辭。所恨外務紛來，一身不能自主，良深嘆涕耳。吾兄詩酒自娛，又得門內同調，倡子和汝，使某作真人天際之想，某亦於春中築小莊，定省之餘，入馬憩息，屋後植青松數樹。顏曰六松草堂。然時方多故，游泳事乃未數得也。

與諾上人書

五月內，聞大師從寶華來蓮山，蓮山為歙邑冠峯，古木蒼鬱，澗水清冷，自晉唐至今，泯沒無傳，豈遐僻之地，少有至人居之耶？某幼從先君子讀書，其間慨然太息，其後遭時不造，棄家遠遊，間辱古德長者開示，誠知木馬錢牛，何與生死，而一塵未息，萬慮紛來，以是知壯不如老，貴不如賤，有室家不如獨身之樂也。丈夫生七尺軀，立身行己，只三十年耳，悠悠人世，為日幾何，嘗記甲乙之交，某侍先君子於鬱孤，令先師曹青藜文集

卷十一

書

扶杖責止，茶再進，蔬菓錯陳，間微發宗旨，與先君子談決夕，某時少年意氣，不樂浮圖，一聞佛語，則掩耳而去。然以令先師盛名之下，不敢畧有抵牾，而亦未嘗有所發明，孰知十年之間，天地遂復多故，救時之策，正自紛拏，而令先師示寂吉州，先君子亦竟捐館。嗚呼！生死存亡之數，乃復如是耶？詩曰：雖無老成人，尚有典刑於大師，庶幾望之。

與宋荔裳先生書

拜違台從遂已再易葛衣奔走風塵中刺促不休然
每憶教指或展讀大篇頓使俗胃洗濯何啻黃魯直
讀漢書也向者過日集詩選粗有頭緒而年來饑驅
靡暇剗刷無資遂而因循前功幾墮近筆耕毘陵幕
中所得脩脯悉贖此役今功埤成矣自惟寡陋資鈍
學疎立堂下者何由辨堂上之人然準古衡今聞有
父復雖帙少費促不能使成大觀而耳目所及不敢
草次海內名篇十或備五獨是短翮之鳥必托衝風

曾青藜文集

卷十一

七

而後可以高翔無席之舟必乘順流而後可以疾下
先生文章德業振動海宇如風之博羊角鵬鸞畢舉
水之發崑崙魚龍並逝况某托在交素獲承音旨故
曾奉乞序言以光選冊亦既諾而不拒於今三年矣
竊念書成而無序譬如盛衣裳而禿其頂也序而不
得其人與文譬猶垂神佩玉赤烏朱滕而戴以敝冠
也先生收擘章甫冠冕人倫久矣其終吝此一言乎
伏知旌節泣蜀道出吳門某身為人役羈縲公署不
得一瞻馬首悵望雲氣徒有神往極知車塵多冗然

海內名人待先生而彭扣其囊底倚馬可就固不待
思索也韋布之士然諾必矜况在大人君子當無虛
此口惠耳臨啟可勝翹企

曾青藜文集

卷十一

七

與曹秋岳先生書

某自束髮受書誦讀先生之文於今三十餘年矣他日嘗遊吳越過角里之墟冀得瞻望顏色一承音旨而與旌旆動不相值自慚分薄親炙無從古人感遇良有以也先生丰采在朝廷既得聞於先君子又得悉於楊機部年伯政事在晉在粵晉粵諸知交每每道之而先生之杜德機天下人士所不及深知者某則又得之於友兄魏叔子叔子某性命肺腑之交也奉為畏友者垂四十年然其為人有比閭婚友數十

曾青藜文集 卷十一

三

年所不能知者而先生則一握手而知之古之偉人其別識天下士恆有神鑒出聖人觀由察安之表此非有法可傳也叔子又言先生東山多暇所著古文辭格力深厚直追兩漢比者某不自揣量謬有今詩過日集之選從事六七年粗告成事竊惟秋蓬委地伏在咫尺而埃風忽至則可遠而轉之百里之外舉而上之雲中此青風之施驥尾之附司馬所以三嘆也先生負人倫之望文章妙天下所以教我者不一而足故因魏叔子乞先生一言并諸冊首某筆耕况

陵郡幕身為人役如鷹在罽雖聞秋風輒思鼓翅終末樊籠之內無由親拜牀下謹托楮墨代致瞻企可勝惶恐

曾青藜文集

卷十一

共

與周櫟園書

昨歲在金陵伏承容接喜逾萬戶之封重之教訓備以大惠榮施靡復慚感何如其歸里省覲人事雜來拱揖飲食之暇畧理過日前緒謬成凡例評論數條今已登板敬奉一帙進覽竊惟君子愛人成其美而教其所不及今書未流布蕩滌瑕垢為力稍易先生風雅道立於古今詩源流得失若主伯之數家器良苦卑知其亦有以教我乎某不自村度謬為此選尚聲調而畧意格意格者詩之骨幹也去骨而附肉

曾青菴文集

卷十一

手

其何以立不敢苟同於古人不敢苟異於今人要以平生所得於師友身所經歷尋繹之故而質言之至其偏謬則不自知又見操選之家人人徵資甚或既取其資一首不登選帙毋論市井狡獪之習有玷大雅而視資升降濫觴必甚吕公之堂安得有持一錢直入上坐者乎是以其所選刻毫不敢取費其人獨是食貧既久鮮負郭五十畝而兵火之後無書可鬻行恐百里廢於九十昌黎所謂不得不呼望于有力也此後始吾鄉李石臺先生不期撤官未卒此業

欲且中輟則前勞垂成雞肋可戀亦欲使鄙人一班之見藉大君子鴻文正告於世伏惟先生海內士之主宰歷觀所撰述編次皆以表章前修闡於幽潛為已任而先生詩文卓爾大雅如奏黃鍾大呂於煩手哇聲之日登高而呼其力自倍望先生多方引手或損其清橐或虛之聞人杜子美云安得大厦千萬間大庇寒士皆懽顏是選獲竣歌咏玉汝者不獨在某一身矣

曾青菴文集

卷十一

手

上龔年伯書

某自出都後。追念負劍侍教時。如脫慈母。失所依怙。如離嚴師。懼於非辟。瞻戀之私。無日不在。老年伯左右也。某本匪材。學問淺陋。猥以承乏。橫處賓師之席。四序已周。而寸功莫效。令郎令孫。質本歧嶷。魯難無術。使底大成。方某慚顏。何止十重。錢甲老年伯不督過之。推舉之方。不遺餘力。臨歧。繼緒。譬諸繭絲。昔人稱張茂先。見人一善。必為咨嗟。今其一善。未有老年伯既咨嗟之。又從而玉成之。教誨飲食之。又從而謀

曾青藜文集

卷十一

七

其母之尸。饗室人之交。謫某何能。足以堪此。毘陵賓幕。伏荷吹植。主人以鴨呂之言。禮遇異於眾客。獨某才短事煩。辨色而興。夜燭見跋而不息。一飯輟箸。一沐輟洗手口。並作筆無乾。毫勞苦煩懣之中。忽復自咲。自此吏胥之伍。而有上相吐哺握髮之勤。無穆之之才。而有不得不五官並用之勢。又以主人雖賢疑情未免。瞻踪顧影。動多牽制。嗟乎。士幼而讀書。長不得時位。一發揮其所欲為。使功在生民。名垂後世。不得已以食貧之故。傭身人役。操作取直。瞻顏色為語。

默視跬步為進止。懷疑不釋。慄若懼罪。飲酒而甘。不敢謀醉。如此面目。自對不堪。尚堪為長者道哉。老年伯視我如子。故不覺其屑屑耳。某自結髮以來。席先人門第。得見縉紳先生。因交天下知名之士。至今三十餘年。閱人不為不多。如老年伯之坦衷厚德。日以愛育人才。利濟生民為念者。能屈指幾人。某日共周旋。竊有以窺其用心矣。向在北方。思得南歸。日以為歲。今日役簿書陰。與桁楊犴狴為伍。引領托身賓幕。時又如在上天也。覲縉之情。不能悉諸楮墨。諸惟台

曾青藜文集

卷十一

七

鑒江南六月陰雨。衣綿取暖。不知今歲北方風氣。何似寒暄之間。伏望善攝。為天下自愛。

與丁鴈水觀察書

其自二月抵贛一住十旬嗣聞楚臬之報喜懼交集
喜者執事聲望愈隆威靈愈赫從此為屏翰為股肱
皆可操為左券懼者十六州之赤子所賴以為恃恃
者一旦奪之而去何荆楚民之幸而贛南民之不幸
也意謂駕旋在即得以一繫驪駒率諸父老為攀轅
卽轍之舉忽聞台旌南下返棹無期其復牽於賤冗
不得已度嶺而南白雲在天瞻望何及竊惟執事以
大公無我之心行恩威不測之政風雷雨露皆當天

曾青藜文集

卷十一

三

心故自下車以來其介則日皎而冰寒其仁則如陽
春之煦物其勤而慎也則案無留牘而事多戒心其
知執事之治楚自不異於治吾贛雖然官有崇卑政
有寬猛若為治而一主於寬則舜不必誅四凶孔子
不必殺華士五刑之設謂何而顧可弛而不用耶且
夫治亂國如斬亂絲荆楚之地素稱剽悍其民樂於
戰鬪雖小怨不肯少挫於人昔子產謂子大叔曰火
烈而民畏故解死馬水濡弱民狎而玩之故寬實難
譬之天地春夏則萬物欣欣而向榮及夫秋冬則昆

蟲草木皆凜冽閉塞而無生氣司其時者體天地之
心行其令即民之天地也今執事所司為天之秋冬
矣其請得而陳之各案之中其最害民者無如盜賊
獲盜之日雖審有口供取有贓証亦必跡其平日之
所為與其鄉評而後定蓋捕快獲盜斷未有不先加
鍛鍊而送讞者有司利於結案勒限失主認為真賊
今雖主有反坐之條而盜案之牽誣者日益甚此無
他保甲之法不行諱盜之例太嚴也應著為今日有
司有能實行保甲者註上考所獲之盜必須廉訪其

曾青藜文集

卷十一

五

人平日之素行與本鄉之議論果為真盜雖日殺數
人亦與生人同功矣至於問理人命最忌執定成案
前讞之人或通賄賂或執意見皆未可知庭鞠之時
務必細加詳慎查對屍格與自認傷痕無異然猶不
足恃也又必察其孰為有意孰為無意蓋無意殺人
傷必不重似應稍開一面以為他日矜疑張本若果
出於有意則情當平罪殺之無怨絕之除一蝨賊即
可以安千萬人傳曰唯仁人能愛人能惡人蓋惡人
所以成其為愛人也執事明如觀火利可刺犀剛柔

寬猛之用，直可措而行之耳。所謂神而明之存乎其人。區區一得之說，反成贅疣矣。解維入粵之時，曾命豚兒趨送道左。某行年六十，奔走衣食，困於道途矣。得扁舟一上岳陽，與執事為李郭之會，是所至願。翹首嶺雲，惟有神注。

與兩粵總制書

某頓首。某駑鈍無似，將來彈智竭慮，尚恐不足仰佐良籌。苟為利弊所關，安敢不悉心以酬知己。伏思粵鹽之行，以砂大價輕，所以南贛之民一聞改食之報，如出諸湯火。然而目前有大不便者，無如未銷之淮鹽是也。夫淮鹽勢不可銷，又不能不使之銷，其不可銷者，鹽既雜以沙土，又阻輕而價重，額引既銷，私鹽源源而至，向經關部盤獲，商人重有所費，故今關部之權與府縣等，其不能不使之銷者，淮商完課在先。

載到之鹽，斷不能復令載回。若聽其發賣，誰肯舍賤而售貴？若認回代銷，必至壅積而難行。今有三議處：此粵鹽到贛，屈指當在秋中，則自正月至今已為淮商代完八月之課，是粵商鹽未行而本已先折矣。今不如竟讓二十五年之引，令其自銷。我不過虧折一季之課銀，而永享無窮之利益。所折者少，而所全者大。此為上策。商人行鹽，逐月俱有水程，或令鹽道行文各縣，細查各鄉水程，令各縣子埠查對明白，便知其每年銷引若干。未銷者，勒令本地銷完。既銷者，不

得借端壓賣水落石出淮商自應塞口無詞矣若俱不出此認回代銷則惟有照粵鹽價值四六均塔散於各處子埠有司明張告示暫令百姓勉強認銷此為下策總之淮鹽之害非一端去年寧都閉市半月今春龍南折毀縣堂豈百姓好為多事哉某前在贛時贛州太守集紳衿公議寧都未銷之鹽積至十八萬包贛縣亦十七萬他縣稱是總計贛州一府不下八九十萬包每包以七斤計之則淮商未銷之鹽不下七百萬觔今額引每年止三百一十五萬觔則

曾青藜文集

卷十一

三

是粵商竭兩年之精神物力乃能為淮商銷完此數粵商何愚而淮商何智耶今抵餉之說在粵商最為駭聽在淮商似甚近情孰知利於淮商者有限之歲月而究不害於粵商者實久遠之良圖也若舍此三議而漫受淮鹽以每觔二分之價代為售銷折閱之患有何百於全抵其餉者細思淮鹽初抵贛郡鹽價未始不輕流弊遂至於此今若不慎之於始誠恐受害更有不可言者蓋粵鹽以砂大價輕利於廣為流行蚩蚩小民誰能淡食祇因鹽價一貴爭相私販則

官商遂大困矣此欲速不達不容不亟為粵商講也伏懇閣下不鄙芻蕘與該地總商通盤打算以計萬全若贛縣一有成規則屬縣斷難轉移其誼屬桑梓不能不為未雨綢繆之計非敢出位言事以蹈罪戾也臨穎惶恐


曾青藜文集

卷十一

三

六松堂文集卷十二

金石堂詩序



其年十四五即學為詩已又為詩餘騷賦年二十益多要無足存吾伯子為詩日頗遲三十則名於天下其亦以詩聞乃不及伯子遠甚然天下往往曰曾氏兄弟能詩予有六弟炤年少負才為詩無甚久則又不及予其風調有足取者不幸客死南徐稿多散佚

曾青藜文集 卷十二

吾少時好情艷之作丙戌丁亥以後課耕六松山莊詩好清醒及出遊吳越閩廣燕齊則登臨者十三酬贈者十七欲求其工難矣而伯子詩且三變邊草塞霜多秦涼氣者為一曹歌鍾冶服青閨紅樓之作為一曹入山求道以還為一曹按其前後知其詩即以知其人也獨六弟不永年不得成所學為足深悲嗚呼詩之道難言矣或百里而無一人或千里而無一人吾兄弟六人叔季皆蚤死五弟輝專攻制舉業學詩者獨吾三人耳而炤不及予予不及伯子今聞人

言曾氏兄弟能詩則未嘗不面慚發赤色慘然而心傷也其有過日集之役伯子屬在他方未得與較定僅錄其詩又不敢以三家村語混廁黃鍾大呂之間爰命兒子侃編次別錄卷末以就政於大雅云

曾青藜文集 卷十二

魏叔子文集序

吾友魏叔子與予同學年十一歲為時文補弟子員冠其曹長而名公鉅卿年五六十者咸以等輩禮之或所執執受業師逡巡退讓稱先生而不字予意叔子及壯年時已舉名進士立朝廷上侃侃然發其所學為世名臣乃甲申乙酉來自以病放廢山中盡棄去其時文為古文辭而其所自修立與設施之方皆不獲用嗚呼其為文益工而其志益可悲也已叔子生平於吾易堂中為古文者最服膺其姊塔邱邦士

曹青菴文集

卷一二

三

凡有作必相與論定邦士雅愛歐陽文忠叔子愛蘇明允故其文特雄健而又不肯學古人專家步趨其形容摹其聲歎往往好出高論奇識凌厲古人及壬癸以來則多和平嗚咽往復而不盡又幾幾於歐陽文忠所為然其精悍之氣逼出於眉宇不可得而馴伏也予往讀洪永以來之文自宋文憲以下其最著如歸震川茅鹿門唐荆川諸先輩止足與古人相上下然斗緩時弱之調往往而有則豈以國家八股取士有以靡其氣而柔習其心乎叔子當工八股時輒

厭惡之陋其體製著制科策三篇欲廢之而易以策論故其八股多闕肆奇偉浩汗之文而乙酉丙戌所作書疏則出入賈長沙李忠定間予於叔子少一歲凡事之生平為詩文單辭隻字雖千里外必就正叔子而叔子以古義相督責子有過失每發聲徵色詆呵之如嚴師之於童子其又數往相見塞默不交一語則自十三四歲時已然矣予十年來以衣食走四方不得與叔子朝夕講業叔子學問文章如是而予鹿鹿無一有所成就是可悲也今其兄子世傑編次

曹青菴文集

卷十二

四

其文集付諸梓人請予為之評點予則何敢讓因為采諸家評論次第折衷以附其文叔子又自言吾於史漢叙事法未能得其要領而最好左氏間發其微言大義成左傳經世一書予從遠方歸每出示數則休然如震雷暴起於左右方驚魂動魄既而繹思則又如飢得食如寒得衣心安而體順始嘆此書蓋自有左氏數千餘年之所絕無而僅有者也叔子凡善伯弟和公皆與予為兄弟交並著詩文集若干卷予亦欲序而出之時甲辰立秋日

無大師無生寐序

莊周曰天無私覆地無私載天地豈私貧我嗚呼道不在天地亦窮今之天地日月變而為木石山川變而為土苴麟鳳龜龍變而為醜食願輅居其中者不變有幾予少慕無可大師為人以為世方亂不知其生且死今乃得識於麻鞋奔走間以大師之所為何求不得乃自苦如是必其枯木寒崖於世較然無情者一日得讀其無生寐又何其憤時哀命淒然以清淖然以澆徜徉而慷慨耶歐陽永叔謂詩之道窮而曾青藜文集 卷十二 五

張穆之詩序

張君穆之以瑰偉雄駿之才少負文武大略所交天下賢雋皆名公卿將相故當時咸推張君張君亦蓋有以用之也甲申乙酉之交天下士抱忠義而負才智者莫不思自奮發慨然有擊楫中流之志人以為張君必將大有所建立以效於世遂乃挂冠以去歸隱東溪一以著書為事于辛卯歲謀食嶺南方困於依人不得過從今乃見之十年後而張君則固已老矣時觀其眉宇聽其言論文章所留意者強半忠孝曾青藜文集 卷十二 六

愈工非詩之能窮人治窮者而後工也雖然大師亦何必以窮見工當少年時擊筑罵坐釀飲大呼洋洋灑灑下筆數千言織綺駢麗珠玉繽紛而興之所至憂輒隨之又似知其道之必窮者天生人以絕世之才加絕世之學乃徒托於聲歌與鳥獸蟲魚山林草木為伍而又必以悲為諱天殆為不情甚矣易曰窮則變變則通予於序大師之詩而又不能無慨然於今之富貴貧賤者也

解穉無足自以為存者又豈非莊生所謂技而進乎

道者耶

鮑子韶詩序

鮑子年未冠時以能詩名章貢間予數見其詩風雅蘊藉意其人必恂恂然溫文有餘及與之交則個儻磊落有岌然不羈之氣噫是何其不相似也詩與樂為表裡古人作樂以陶養其性情化裁氣質而作詩者亦多優游深長反覆以寓其意故曰樂而不淫怨而不怒雖其間不無蹈厲激楚之音其旨則皆原於忠厚古稱歌雅歌頌各有所宜而善讀詩者訓其所不足即可以得韋弦之效鮑子其亦有見於天下之

曾青藜文集

卷十二

八

故而為是和平之音以自克也鮑子急然諾篤朋友之義人恃為緩急非徒以詩貴而其詩固如此趙文子退然不勝衣其功名大著於晉太史公疑子房狀貌魁竒見其遺像乃如婦人好女嗚呼若鮑子之詩與其人則亦為已竒矣

曾青藜文集

卷十二

七

張廬山閩南集序

張子廬山好竒士也嘗走燕趙楚豫間於其地古今之人跡名山大川之概徘徊感嘆則必為詩寫之故廬山詩富而日竒最後同其鄉先生衛文閩南則又有閩南集往予客汀州司理見學使者所衛士文多汪洋竒拔有山水之氣知其中必有人焉相左右之今春過淮上見廬山乃知此時同在汀州恨相見晚及取閩南集讀之怪怪竒竒無所不有諸如遊玉華洞佛祖巖等作皆老致紛披樸而不俚峭而不溢予

曾青藜文集

卷十二

九

亦志得意滿厭其所求然獨疑且恨者閩南之水唯九龍灘最竒兩峰巉削水洄絕十餘丈蕩擊鏗鉤如萬輪相馳於道其上叢篁細篠蔦蘿之藤蒙蔽擁雜窅然而不見天垂目下視有石露刃怪立劍矛戈斤鱗齒上向根於水中浮舟之水僅數寸濟濟漂漂有呼吸死生之想時司理乘傳登陸予不肯舍舟出入波濤怪石中沉且浮者數數矣然未嘗不色喜意必將為詩以傳使海內能文士無不知而幸於冗雜又自愧無靈運子厚之筆久卒無所成心常闕然無以

答山靈之貺廬山詩寫形狀物如匠慶削鍾虡其入鄖江當必經此道何以獨無九龍灘詩豈別有取道抑亦且舍舟登陸而未之見耶山水得文章不經而走天下固其大幸抑如人過不遇有時命耶韓退之言伯樂一顧而馬群空非無馬也乃無良馬也噫廬山無詩則予其亦有謝九龍矣

曾青藜文集

卷十二

十

汪扶晨聞鴈詩序

丙辰八月汪子扶晨從新安謁子吳門僦居虎邱之退居菴一日以和家天木聞鴈詩示予予嘆曰甚矣扶晨之遇窮而思深也夫事有因時觸物而相感者雖一草一木鳥獸昆蟲鱗甲之微皆足以發其咨嗟慨嘆哀怨愁慕而不知其所以然莊生之所謂樂出虛蒸成菌是已扶晨以名家子當新安兵火之餘患難坎珂流離播越其抑鬱無聊不平之感往往於詩焉發之昔杜少陵遭天寶之亂棲遯山谷間與妻子負薪採柶而食及往依鄭國于成都種竹植樹結廬枕江縱酒嘯咏與田夫野老相晨夕似不知其身之在離亂中也而其咏孤雁曰誰憐一片影相失萬重雲又曰南菊再逢人卧病北書不至鴈無情以是知人之抑鬱無聊不平之感一動於中雖有詩酒田園之樂而皆不足以移其情也今扶晨聞雁詩有田似戀吳江風景好不應全為稻梁來又曰年年孤影來江上風勁霜淒總舊思扶晨之不為境遇所移其志亦可悲矣子來吳閭數年不能為扶晨築室浣花不

免有負薪採柶之嘆其媿鄭國何如則其見之詩歌以自傷其遇者又何待聞鴈而始思深也予安能不為之序

曾青藜文集

卷十二

十一

曾青藜文集

卷十二

十一

邵漆夫山堂草序

仙源邵子漆夫著有山堂草其詩篤於性情蓋多悲其親之不可見而感松菊之猶存予讀之每為流連而不能已也漆夫尊君子鎮之先生高士也予三十年間所見山林節義高蹈之士得四人焉曰南昌楊友石宣城沈耕巖嘉興巢端明蘇州徐昭法皆守死絕迹一無所求於世非古所稱朱桃椎顏闔何點之流亞歟然四君子雖不求名而世之人無不知四君子者先生自國變以來棄妻子捐僮僕卜居家山之曾青藜文集 卷十二

無賢子孫以顯其親而湮沒不傳者可勝道哉可勝道哉

曾青藜文集

卷十二

古

龔琅霞詩序代

詩之為道本於言其性情故里巷歌謠思婦征夫之言亦悉登於風雅蓋其性情有獨至則其詩為可傳也然何以古者里巷之言有當風雅而今者不然豈今之性情有異於古之性情歟則其言之文不文殊爾故詩貴性情然欲其樸至而文則必有學問之事焉里巷之言有情而無文學士大夫之言有文而無情是以皆不得其工予自服官以來交遊海內人士則知毘陵有龔子琅霞其人不獨以工制藝少年取

曾青菴文集

卷十二

五

高科也其古文詞與詩皆為一代作者與同里陳椒峯鄒程材董文友為四名家及予承乏茲土雖不能常與琅霞晉接然一見而嘆其穆然有木雞之養文米內蘊其學問為獨深蓋琅霞無書不讀又湛於經學近更究心二氏之書故為詩沉鬱渾涵於理無所不有而取氣於漢魏法調於三唐足以能工也若此予嘗以為世之為詩者皆學詩於詩學詩以為詩則其工不過詩之情與格調而止極其所造可以成一詩人要不過山人才子之能事耳古人攻一經者必

通他經之理擅一藝者必明衆藝之情是故善詩者必多讀書其取材也博其類物也精經史百家之蘊貫穿淹潤於胸中而後詩可得而成焉今觀琅霞詩有儒有釋有元皆能融液出之卓然成一家之言豈學詩於詩者所能彷彿哉予既雅好琅霞之詩遂因其請而為之序

曾青菴文集

卷十二

五

邵其人吳趨吟序

作詩者必得其性之所近。雖出入眾作，要皆自成一
家。如杜之老樸堅厚，韓李之奇崛峭厲，王孟高岑之
閒秀，莫不有規模氣度，足以軼越古人。然不能變則
又優孟衣冠，得其形似而已。故江河之水，砥旬演漾，
曲成其文。及風馬而澎湃，浩翰之勢，可吞邱山而蔽
日月，不拘於一者也。山陰邵其人，解組吳中，困不得
歸，日與一二友生放浪於山水間，其為詩皆能自道
其性情，而無所勉強。朱晦翁言天下樂事，每有一定
曾青藜文集 卷十二

程耳臣寄園偶集序

日月寄於天而明，草木寄於土而茂，鳥寄於樹，魚寄
於淵，獸寄於深山大澤，凡物之在天地間者，皆寄也。
是故以時言之，名則為寄，以壽言之，生則為寄，以身
言之，富貴為寄，以心言之，道德為寄，天地一寄也。而
又有於家與客哉。且夫楮小者不能懷大，綆短者
不能汲深，以天下寄一家，則一家困，以一家寄一身，
則一身困，垂千鈞於鳥卵之上，幾何而不見其崩裂
耶。然而鳥之飛也，必還山集谷，不還山則困，不集谷
則死，山與谷寄也，必還而必集，寄其所當寄也。耳目
寄於身，非身無以用耳目，風火寄於物，非物無以見
風火，金石熱竹匏土草木八者皆樂也，不擊之則無
異於他器，擊之則衆響雜陳，八音各別，豈果無所寄
而能然者乎。程子耳臣，其家也寄於天都，而客寄於
吳闔，其慮而周詳也，寄於處事，言而信也，寄於取友，
而其抑塞坎壈無聊不平之慨，則寄之詩歌。夫惟其
人之足用於世，而其詩乃可傳之於後，故周公之聖
以列國而寄於頌，屈原之忠，以離騷而寄以經，程子

乎豈非善寄其所當寄者乎雖然程子亦安往而不得所寄哉九州之野必有浸焉以蓄其汗漫是水之寄於江湖也猶身之不能不寄於客也一孔之颺不足以鼓大翼一泓之水不足以蓄蛟龍故問名於朝問利於市君子所不差也吳閫為都會之地賓客輻輳其傾蓋於程子者趾相錯程子乃復有長安之行而以寄園名其集鵬之徙於南溟也搏扶搖而上者九萬里去以六月息予與程子年俱五十六十雖寄身為客不能不無故山猿鶴之思程子其或以圖南

曾青藜文集

卷十二

元

為寄所當寄者乎

丁勗菴鼓柅集序

丁子勗菴負少年不羈之材遨遊於名公鉅卿間幾二十年其志蓋有用於世也及久而不過浮家秣陵思欲垂竿江潭以終老其身而先以鼓柅名其集昔屈原放於江潭漁父歌滄浪之詩鼓柅而去為漁父者哀其不遇而憫其窮三湘九澤之間偕隱可也掘泥揚波鋪糟歌醜之言胡為乎來哉且夫鳥高飛以避矰弋之害麋鼠深穴乎神邱之下以避薰鑿之患漁父以原尚不能忘情於世而樵悴枯槁齋志澤畔故欲其與世推移耶勗菴豈其忘世者而乃欲為漁父之所為哉夫舟之為物待柅以為用是柅者所以濟舟也高宗之美傳說曰若濟巨川用汝作舟楫棹楫之詩曰淠彼涇舟丞徒楫之子讀勗菴之詩半多與卿士大夫酬答贈遺之作似不能一日忘情於世者予因是而有感焉呂望之釣於周嚴陵之釣於漢出處不同而千載之名則一勗菴倘得志於時發其才以用世則將以世為舟而勗菴為楫即不幸而終老於漁父其必處陰以休影處靜以息迹其肯與世

曾青藜文集

卷十二

子

推移而慕他人之清濁醉醒乎勗菴其不以予言為河漢否

依園七子詩序

庚申八月予同山陰徐子藥菴訪顧子逸圃於依園逸圃出七子詩屬予同藥菴較讐且以問序予讀而嘆曰詩之至於今日盛矣哉蓋自王者采風而有三百篇率多忠臣孝子征夫思婦之什皆能自道其性情而無所勉強六朝三唐而下漸失其真應制有詩登眺有詩以及讌會贈答莫不有詩人擅其名家各有集至於今日舉生平未識面之人亦必以詩貽贈卿士大夫壽言輓章不論其人之能詩與否必欲乞

曾子藝文集

卷十二

三

曾子藝文集

卷十二

三

為詩歌嗚呼不喜而笑不悲而啼而欲求為真詩難矣是詩之盛盛於今日而詩之衰亦衰於今日也天道十年而一變盛極必衰衰極必盛理固有然逸圃少年為貴公子負瑰偉之才不及汲於科名而樂與貧士遊時花種竹飲酒賦詩怡然自適也夫性能閒者多獨善才有餘者欲凌人逸圃嘯咏於依園林石間與金子亦陶潘子雙南黃子憲尹曹子德培金子筮文蔡子右宣朝夕唱和觀其感遇雜詩諸篇恬淡冲融理明而氣足豈非有感於治亂盛衰之故而不

為世所推移者耶。七子皆吳中知名士，出處雖有不同，而要以敦氣誼崇風教為本，故亦陶之詩清淑雅馴，雙南之詩排昇奇峭，憲尹秀逸而幽閒，德培老樸而淳厚，孟文則氣度安詳，右宜則詞章修整，噫嘻感矣。昔嘉靖中，李于鱗、王元美、七子以詩雄一世，家絃戶誦，至今不衰。及其詩而讀之，聲調情詞如出一人之口，皆不能自標風概，自具機軸，其故何也？性情失其真耳。然且或數百里而一人，或數千里而一人，人才之難在休明之時，且然，予獨得見依園七子之

曹青菴文集

卷十二

三

石瀛上人詩序

往予與無可大師遊，得叅天界，杖人杖人主持，象教者四十餘年，而聽其緒論，無一不歸之忠孝。故其門下士，半皆文章節義魁奇磊落之人，或至有托而逃焉者。予從杖人久，因獲交其天木石湖蒲菴觀濤數君子，而往往不得與。石瀛師過石師為吾鄉九江人，少事浮屠，足跡幾遍天下，自藩王勲戚以及公卿百執事，莫不爭相折節，師視之蔑如也。而好為詩歌，清新適麗，有得於詩人諷刺之旨，常與之談當世之

曹青菴文集

卷十二

四

務娓娓不倦，蓋其自天文地理、兵陣戰鬪、象數書畫諸子百家之技，無不貫通，其原委故能挹之而不竭，取之而不窮也。予浪遊三十年，欲陰求天下之奇士，不可得，遂以為天地閉塞，舉世真無其人，而乃不出吾鄉千里之外。杖人一室之中，而有奇士如師者，斯亦異矣。天之生才，必有所遇，冥戚以飯牛歌而相齊，伍員以河上歌而報楚之二子者，其經綸事業，豈必托之語言文字，然而不免為此者，蓋有所用之也。今

石師之為詩，其老於浮屠乎，亦有托而逃焉者耶。觀

其刺飲大呼狂歌裂眦之日淋漓下筆旁若無人此
其志豈小哉然吾聞靈徹以詩遊京師緇流造飛語
激動中貴人由是得罪而無可大師近亦以文字幾
罹不測易曰不易乎世不求乎名避世無悶不見是
而無悶石師之善藏其用者當必有在矣

霽園詩序代

自陟岵北山諸篇載於風雅而知古之忠臣孝子未
有不能詩者夫古人之詩視其志之所向發於自然
不求其工而自能工故雖田夫野老閨婦游女之辭
皆可登之廟堂之上而况忠臣孝子乎漢魏以降學
者爭尚聲律屬對比事字以鍊而精句以琢而巧遂
失古人興觀羣怨之旨某嘗讀宋史經籍志見所列
詩人不下數百十家而求其風采著於朝廷孝行聞
於鄉里百不得一二焉其甚悲之豈古今之才質有

異同抑四方之風氣有升降歟蓋其作詩之志在此
而不在彼也吾師柯岸初先生遵奉庭訓色養弗懈
自成童以至服官如一日及從春陵而入為補闕又
以直諫聞於朝嘉言讜論先照史乘二十年稱名臣
者莫先生若也先生之為人純深而勁正其為詩雅
飭踈暢不斤斤於鍊字琢句而深有得於國家樂而
不淫哀而不傷之意然先生當國家新造之日宜其
馳騁班馬超軼屈宋作為雅頌以輔敷太平而乃於
晏游食息寤寐咏歌中一寫夫悲天憫人感時憤事

若有不得志者之所為其故何耶。先生受知兩朝以一身任天下之重而趨庭日闕遺恨終天故其見之詩篇如此。今以省覲太夫人得請而歸公卿大夫餞之於道。昔張曲江以母不肯去鄉里表徙桂州及加制誥數請歸養不許。天子以其弟九臯九章為嶺南刺史歲時給驛省家而杜少陵當流離播越之餘志不忘君後之人溯源其詩以為可以追躡騷雅然竊怪其自少而壯壯而老作詩十萬餘言而無一語及其親以視先生為何如。孰謂三代而下之才質風

曾青藜文集

卷十二

元

范石湖梅花詩序
古今咏梅詩子最愛鮑明遠念爾零落逐寒風徒有霜華無霜質寄托高遠有當於詩人諷刺之旨然三唐名家咏梅詩不少概見即杜少陵東亭逢早梅亦不過叙事賦情初未嘗極意摹寫也蓋古人作詩必先有所感觸非斤斤於比物賦形自宋元而下陳晞顏有和梅十篇李西崖亦數十首摹寫始極工然遂失古人寓意所在近日杜茶村詩云平生只是多慚愧逢着梅花不作詩茶村之不作亦其意無所感觸

曾青藜文集

卷十二

元

氣足以限忠臣孝子哉而惜夫古人之不及見也某被服於先生久又廁列門牆習見先生之立言行事無一不志於忠孝者故稍為次第而傳之

耶范子石湖作梅花詩有何妨孤立三更後應悔先開十月時之句蓋自况也遂多至十六咏非有所感觸何以至是高子宿東為予言石湖廣陵高士當不僅以詩著而予讀此詩益想見石湖為人他日為茶村道此知其必與然自失而發一笑也

呂御青詩序

呂子御青負瑰偉之才不屑屑於帖括而好作詩又樂與先生長者遊適館授餐無虛日故所交皆天下知名士子嘗謂人不可一日不讀書尤不可一日無朋友朋友者所以培養其性情也五倫之有朋友猶五經之有詩御青能知朋友之為可樂則知詩矣詩以道性情性情出於正雖閨房燕好贈答怨誹讖刺之言皆可登之風雅是故豪者叫者叱者吸者激者先咲後號咷者寥寥調調刁刁者有股鳴脰鳴脅鳴

曹青菴文集

卷十二

元

羽鳴者有萬馬馳驟於戰陣中戈矛劍戟相摩戛者聲之萬變無窮而性情亦雜出其中是故喜而笑悲而哭者性情之正也不悲而啼不喜而笑者性情失其常也夫惟有性情而後人之性情乃出予嘗與友人散步虎山橋畔見白日西沈遠山空碧紅霞爛若列錦下映澄波夫有真山水而後可借境於外有真性情而後可借資於朋友也此惟御青知之御青矜意氣不苟然諾又能緩急人故其為詩多訪友贈別之什情真而意篤發為文藻煥然可觀非有真性情

而能若是乎子老矣心恢漏盡不復更交天下士御青其視子為前車也可視子為他山之石也亦無不可

曹青菴文集

卷十二

辛

汪西巖詩集序

詩以道性情。然有閉戶讀書終日。呻吟而不能名一字者。有日逐於唐肆市僧中。不必精思彈慮。而下筆如出宿構者。豈天之賦稟有限。抑學問有乃拙之不同耶。汪子異三。性情倜儻。慷慨好義。樂與貧士遊。又能以暇日工為詩。詩殊清妍有致。一日出其先人西巖先生遺稿示予。予愛慕而卒讀之。而歎先生之益為不可及。先生家於歙。少時從其尊大人出賈於吳。操奇贏。講積著之術。戚友資為緩急。而性愛山水。所

曾青藜文集

卷十二

五

交如文湛持。趙凡夫。諸先輩。皆賢豪長者。每於花晨月夕。具精饌。招邀吳中名士。談讌酬酢。無虛日。年六十始學為詩。或憑弔古今。或即席分咏。清新邁麗。皆有高人逸士之致。豈非得於天者而能然歟。先生老而勤學。雖數十年出入浸淫於錢刀。駟僮而獨能自保其天真。莊子所謂在混茫之中。與一世而得淡漠焉者。是已。又聞先生善吹簫。每出必以自隨。與會所乘輒歌一曲。遂令天地宵冥。山川寂滅。詩之道與樂相表裏。古人作樂。原以調養性情。裁成氣質。而作詩

者。必使其一唱三嘆。反覆流連。而不能自止。故大舜命夔典樂。以教胄子。而必以詩言志。歌永言為本。孔子自衛反魯。樂正而雅頌各得其所。宜乎先生之必以詩著也。予因吾友徐松之。劉武城。得交異三。又因異三而得讀西巖先生之遺詩。以是知隱德韜光。非賢子孫無由表見於世。詩曰。教誨爾子。式穀似之。又曰。君子有穀。貽孫子。異三之好客。而能工於詩。有以也夫。

曾青藜文集

卷十二

世

張文一松齋詩序

六經皆聖人之言而詩獨取里巷閨幃山川風土昆蟲草木之歌謠初無關於政治禮教而聖人以為興觀羣怨可以通事父遠事君者何居蓋教化之言莊以厲歌咏之言深以長高遠者難通而婉摯者易入也古者采詩以觀民風自周以降漢魏六朝浮靡之詩時見於歌曲而美刺之義以泯然讀韋孟之諷諫東方之誡子魏武稽康之秋胡諸行未嘗不感慕興起悠然見三代之遺風焉故曰憂生而後達生達生

曾青藜文集

卷十二

三

而後哀樂得節禮樂可同誰謂詩之道不關於政治禮教哉張子文一吳中之能詩者也其為人寬易和平藹然而可親自為諸生以至服官無町畦崖岸之異雖與公卿大夫日相周旋而喜與二三貧士遊如陳均寧曹德培俞屏月諸子往來無間諸子皆與予善而為予道文一之忠於君孝於親友於兄弟朋友者不一而足偶取其松齋之詩讀之興會所至一歸風人之旨而其於天倫之間一唱三嘆徘徊流連而不能已此非有得於詩道而能然歟然予獨怪文一

身為侍從之臣乃汲汲思歸與二三貧士寄情於邱壑詩酒而為支硎春遊狼山觀海諸篇什意者其有深思乎文一堂上皆年登七十子與氏曰父母俱存兄弟無故為君子三樂之首而孝經曰顯親揚名孝之終也今文一之所以揚顯其親上自惟慳元老下至閭閻韋帶之士莫不有贈言以為親壽則其通事父遠事君者已見於松齋諸篇矣昔人求忠臣於孝子之門吾知松齋之詩之列於國風也無疑

曾青藜文集

卷十二

高

謝畫也詩序

山陰謝子畫也。少負奇偉磊落之雄才。甲乙之交。以諸生經營天下大事。思挽江河之下。而世運不可復救。其才氣固已昭然在人心目間。予時亦受知清江楊相國。出入贛軍區區之心。徒竊負於每食不忘之義。於是浪跡江湖者四十餘年。思一願結智謀英畧之士。而不可得。而畫也亦挾其詩歌。遨遊於齊魯燕趙。酒酣耳熱。淵淵出金石聲。予兩人雖神交有年。而終莫得一遇。今春予自粵歸。忽相遇於雙江。一見輒

曾青菴文集

卷十二

五

如故人。畫也因出其所為詩示予。予嘆士生而瑰奇。當流離喪亂之後。鬱鬱不自見。而僅於詩歌發其深思。可慨也。歐陽子叙梅聖俞詩。謂士之蘊其所有。而不得施於世者。多喜自放於山巔水涯之外。而今之以詩名當世。往往出於遊人名公鉅卿高山大川。相助為勝。予與畫也。生同年。行同志。遭逢隱顯之迹。又約畧相同。而其意氣拓落。才華豪邁。歌吟笑呼。不以老而少。萎予則荏苒浮沈。髮鬢皆白。昔時悲歌慷慨之志。銷落殆盡。其不逮畫也。遠甚。况予當患難之餘。

詩思荒塞。不能有所贈答。今讀畫也度遊諸詩。凜弔古今。往復流連。有足動人思者。予將買地三吳。挈家為終老之計。或與畫也收其遊藁。坐卧嘯咏於湖山江浦間。烟雲香靄。施遊覽之勝跡。相與嘖吟唱和。庶幾使人知予與畫也趨向出處之故。始終無殊。亦足以見其志矣。茲當言別為序。其詩因追憶生平。以誌吾二人今昔盛衰之感云。

曾青菴文集

卷十二

六

王春如詩序

子浮家吳閩十餘年春間始從長安返故里真有丁令威城郭如故人民已非之嘆蓋山川散於九州人情殊乎朝夕安得以一身而收其散合其殊者哉昔太史公南遊江淮上會稽探禹穴闕九嶷浮於沅湘講業齊魯之都觀孔子之遺風歸而作史記以傳於後世古今之以詩遊登作者之林者尤多今春如王公之遊粵也題識其山川而自言其情意與贈遺之什皆備其亦太史公歸而作史記之時耶嚴氏之論曹青黎文集 卷十二

送王素履歸北平詩叙

天下樂久客而輕出者莫過西北之士而吾贛處江南最僻山蟠水曲其人尤不喜遠遊王子素履將歸北平諸子為詩歌送之道其綢繆惋惻如不忍別之意率多吾贛士嗚呼朋友之情固如是吾聞王子侍其尊公作宰雩都年甚少既又僑家於贛久而不歸夫燕冀風氣雄高山川人物傑然秀出者稱於古今而又為帝王之都先君子官侍從時予每恨未嘗從遊近年以走衣食一至其地雖風景與昔不同其山川之氣與衍磅礴尤足想見古人遺烈王子去僻陋之贛而返北平愛王子者必且踴躍歌嘆以勸其行而諸子詩顧皆有惘惘可憐之色得毋非王子意且王子之歸也必將渡鄱陽望匡廬瞻金陵踰江涉河攬中州風雨之會歷鄒魯之鄉以至於燕是雖王子身所已經而王子少長於贛其歸故里宜如始遊其地予嘗自念使予生當西北都會雖足跡不出境固亦無足為意者不知王子意中其悲喜為何如耶

送西林遊序

辛丑孟秋予自海南歸有僧頌然衰衣博袖謁予於門予攝衣迎上階則予族弟西林也予族多衣冠士而西林為僧已十年所予不相見又十餘年至今猶然僧服予甚訝之西林曰吾將之四方遊名山大川一見古德求自了事請以數言為贈予曰予何能言昔予以多難避跡吳越間游天界叅浪和尚遂落髮為弟子後以省覲太夫人返里太夫人年八十五日涕泣令予返初服終人世事速太夫人即世而吾母曾青菴文集 卷十二 元

贈邑人楊君序

顛居天下郡之一山隘水射石出性素樸急少慮於節義不樂外遊其南有嶺嶺南丹砂犀瑋蜜蠟珠之屬輦載而肩擔商之出入嶺者率多會於顛故顛戶口數百萬雜土賈而六四之內戍顛被圍戶子弟環城守且更戰者六閱月十月城陷無士賈皆屠之其骨肉交道路幾與城齊犬狺狺然走嚙人骨嗚呼顛於天下百一耳其亢義激烈生藏於兵死則食於狗豕其誰過而問者吾寧都楊君亮先之舅死於是曾青菴文集 卷十二 甲

夫人又老至今飲酒食肉長子孫與世俗人無異姚少師妙云幾見一和尚不能了尚是好人予甚悔前此輕作和尚也然由此得一瓢一笠游歷名山川見諸古德聞微妙音今暹暹在塵俗醉飽中念之灑灑有得西林為僧與予異今慨然遠遊所得又當百十予矣世之僧既已捐父母妻子然日求美好衣食精廬淨几足不肯出里門而持籌操子母算或甚於世俗人者予甚悲之

母令走瘞無所得遂捐成資募人收骨而盡瘞之楊君固常以好善聞賈於鄉給貧困者衣食然未嘗饒於財間出所有為人排難使幾萬人聚不為闢今復如是豈太史公所謂好行其德者其何必以富為然詩曰凡民有喪匍匐救之若楊君者其庶幾矣或曰楊君天所以報顛人者夫顛人不顧其生死骨之瘞何報之為然楊君之賢自不可掩也予是以言

棋譜序

戲之藝圍棋最良。自費謝以下多好之。雖士大夫嘗以是廢時失事。未必盡如二公。然歸老林下及野夫逸民。用是自娛。猶勝於樗蒲蹋鞠也。往予先子好圍棋。在京師。亞國手一人。予嘗從旁觀。頗習之。不得其精。其工圍棋。輯古人成法。蓋以己所獨得者為譜。張旭觀車夫爭道。公孫大娘舞劍器。乃工草書物理之相通。因小喻大。固有然者。棋之術。政圍衝劫。其道通於兵。吾謂是譜。即以當兵書可也。

曾青藜文集

卷十二

四

重修飛泉洞序

寧都奇山石萃於西偏。飛泉洞其一也。諸峯錯落。小徑迴紆。十餘里。洞有懸泉。淙淙如敲玉聲。數丈不絕。先朝盧太常公休官之暇。嘗曳杖過此。顧望流連。不能去。乃誅蕪萊。因巖而樹之。昔之湮沒不傳者。遂得與金精諸峰相雄長。歐陽永叔曰。坐而隱者。不知巖石雲泉之妙。簡文言會心處。不必在遠。翳然林木。便自有濠濮間想。鳥獸禽魚。自來親人。夫山水羣物之情。往往與仁者心相感。故其悠然相遭。如春氣萌芽。曾青藜文集 卷十二 四

茁茁不能自止。予鎮寧治數年。戎事稍閒。輒放情山水。是秋同太常公仲孫次非。歷選飛泉諸勝。兵火之後。椽屋無存。予因山僧雪巖之請。廣諸同志。以修葺之。昔狄梁公為魏州。民立石頌功德。後以其子故。致什公碑。予庸下。愧不能如古將軍拔佩刀刺山。飛泉涌出。而次非克繩祖德。至其足音所加。廢而復起。則公之澤視狄公遠矣。遊其地者。得毋慨然而興起於。是役也乎。某日鳩工。某日竣事。凡輸財者。廬於左。

修吳季子廟序

毘陵故有吳季子祠。歲久而圯。禮曰：有其舉之，莫敢廢也。况先賢之廟，為數千年所祀事者。三吳自泰伯仲雍開國後，至季子始以賢行聞，而後世疑其讓國致亂，為季子之累。夫必以後人之爭，而歸罪前人之讓，此事後成敗之見，不可以論古人也。季子德有餘，而戡亂之才非其所長，僚與光皆陰鷙，桀傲必不肯為人下者。季子不讓，則爭或由季子之身，而季子肯為之乎？故雖光弑僚，而季子終無討也。嘗觀季子既

曾青菴文集 卷十二

四

死，孔子以延陵君子題其墓。夫群言淆亂，必折衷於聖人。使季子之讓為釀亂名禍，則聖人不當以君子稱之。以君子稱，則其非釀亂名禍明矣。且季子之於吳民，其功尤有不可忘者。嘗攷春秋哀公十年，季子年九十餘，帥師救陳，謂楚子期曰：民何罪？我請退，以為子名。於是兩軍之士，不折一矢而交綏焉。由此推之，吳之民之得免於鋒鏑者，當不一而足也。古者七十致政，雖賓客之事無與。季子有國不居，年九十乃為其君將兵，豈老而不知止者哉？誠以我辭而他命

將則吳民之死亡固不可以幸免，然則其仁吳民之心，吳之人雖數千萬年，其可以忘其德而置其廟之不問耶？夫有賢而勿崇，有典而勿舉，士大夫之恥也。詩曰：載輸爾載，將伯助予。費鉅而工多，因敢書一言以為諸君子勸。

曾青菴文集

卷十二

四

講學堂序代

蓋聞崇先賢之祀，所以報既往而風將來也。宏講學之規，所以正人心而厚風俗也。斯二者苟有闕於一端，必將竭蹶而圖之。况一舉而兩善備焉者乎？毘陵故有季子祠，歲久就圯，而是郡素稱文學之鄉，自唐裏文公與龍溪念菴諸先生，紹陽明之緒，興起絕學。士大夫蒸蒸然以誠意正心為務，今百餘年，其風少凌替矣。陸鵝湖有言：人同此心，心同此理，顧無有以興起之者耳。吳生發祥，固季子之裔孫也，承前任駱

曾青藜文集

卷十二

里

不審，誠能以先聖先賢之治其身心者，日講論而循習之，有不觀感興起，奮於善而恥為不善者乎？此講堂之設，所謂不可已也。况又以崇先賢之祠，不佞敢先吳生倡之，并數言以為諸君子勸。

曾青藜文集

卷十二

四

勸立義倉序

歲不能有豐而無荒。惟恃有救荒之策。謀之於早。則雖荒而不害。古者有常平。有社倉。近世亦多有勸民設義倉者。往往藉以濟荒年之急。消禍亂於未萌。特患上之人不以實心行。下之人不以實心應。耳。常州連歲水旱。不佞忝蒞茲土。今幸稍稍有秋。諸紳士父老深思遠計。所為備荒於無形。俾亂於不作者。止其時矣。義倉之設。人止知為貧民計。生全耳。抑思人不食則死。性命所關。何憚而不為。此時富民雖有粟。得

曾青藜文集

卷十二

四

安坐而食之乎。有玉帛子女。得閉戶而保之乎。雖飢民乘亂者。終遭刑法。而富貴家已先受其殃。故義倉者。自仁人視之。則為痛癢萬物之情。自知者視之。又為保全身家之計。况今人貧慕福報。施舍僧道。崇建寺院。不惜破產竭資。今所惠者。非我族戚。乃我隣里。即以福報論。孰有大於此者。不佞敢為常屬之紳士父老勸捐。情謀遠計。以實心舉義倉。可乎。雖然。義倉之設。其弊有四。事屬之官。則吏胥為奸。民鮮實惠。一也。事屬之民。則勸懲無法。因循廢弛。二也。地方有

公事。則為那借之說。借而不還。穀本已盡。不可復聚。三也。豪猾侵漁。莫可誰何。四也。故不佞欲以其事全委於民。量貧富而出穀。分多寡以任人。官董其成。而不得其出入之數。獎其善而罰其慳。吝侵漁之夫。汝紳士父老存心梓里。諒有仁術。其各議規例。以待不佞之折衷焉。謹序。

曾青藜文集

卷十二

四

為吳孟舉書夢序

石門吳君孟舉，慷慨好行其德，急人患難，如身之在疾，非惑於佛氏福田利益之說。蓋孟舉讀書明理，能推究古今成敗興亡之故，不肯私厚其一身，其志識有過人者。己未八月之朔，君將往崑山，裝既戒，夜夢有流星七出於橙齋之墻西北隅，從西北貫於東南，均燦如火，齊然既轉，流西北化為人，端冕垂纓，立而語。吳君曰：「君家十五夜當有火災，因君力行善事，故先告君，休然寤，遂止崑山之行。」及十二月七日，隣人

曾青藜文集

卷十二

四

蔡氏火正橙齋之西北隅也。時朔風猛甚，火氣闖入君堂，燕及西北樓，屋瓦皆飛，家人震恐。君曰：「是有命不可強也。」俄而反風，火竟止。凡近君之墻垣椽桷皆無恙。昔晉侯問於士弱曰：「吾聞之宋災，於是乎知有天道，何故？」對曰：「商主大火，商人閱其禍敗之釁，必始於火，是以曰知其有天道也。」公曰：「可必乎？」對曰：「在道，國亂無象，不可知也。夫敗禍之釁，惟人自兆，是故君子守其常而不變，道在故也。」或曰：「七星即北斗之樞，璇璣權衡，開陽瑤光也。」或又曰：「左氏載有少皞四叔

垂為勾芒，該為蓐收，修及熙為元冥，顓頊有子曰犁，為祝融，共工氏有子曰句龍，為后土，烈山氏之子曰柱，為稷，數亦居七。且祝融司火，其化為人者或在是歟。吾因是而歎神之垂示於人者至矣。然告八月十五之夕當火，乃至臘之七日何居。易臨之象曰：「臨元亨利貞，至於八月有凶。」臨者十二月之卦，故神告以八月而其應乃在十二月也。十五日之盈，數滿則將傾，故有災七日者來復之始，窮而得復，明將及矣，而不果災，故以十五告而以七日應也。夫吳君豈以

曾青藜文集

卷十二

五

神之告而始勉於為善哉。毋亦使石門之人漸漬觀摩，皆興起於善，是則神之意也乎。今三吳道殫相望，君復出米粟以資生者，給棺槨以恤死，而石門之賢士大夫又繼起而樂捐之，為四民倡。歐陽子曰：「事無不為，與夫怠而止爾，苟力行而不怠，且止。吳君雖無福田利益之心，神之貺佑，舍此安適哉。」予故樂得而書之。

賀吳留村中丞序

大中丞吳公膺師保旋鉞之重晉秩兩粵制府之四年豫章布衣士某遣其子侃謹頓首奉書謁賀公於戟門之外而誦公以辭於是進而言曰古史傳所紀勲業顯而名譽彰著其始必有過人之才蓋世之識量於治亂安危民生利害得失之故悉於心而發於事業則書勛太常邀山河帶厲之盟而福祿無窮亦豈有倖哉然非適乘其時則不多概見張良窮於下邳諸葛亮躬耕隆中之野而皆能立功天下揚名於

曹青菴文集

卷十二

五

後世使向微賤雖負奇材無以自見而勲名不立者有矣故豪傑之生時世為之轉移而屈伸顯晦亦或受轉移於時世自古迄今未之有異也若我公之乘時建白當八閩反側之際天下幾震撼矣公運奇樞一戰而亂定既定凡所以撫恤利安其民者靡不至蓋以裴晉公平蔡之風兼張方平定蜀之略千古而一過之也豈非豪傑之士而乘時者乎然公素所蓄積非特其時然也公初令於吳意計廣遠其議論具王霸之大畧嘗謂大丈夫當為國家驅除戡定成

不世勲安能循功累秩與資格相上下其本原六經凌轢百家彬雅之稱耀人耳目竊能窺公之度量器識謂當今之世為帝師為王佐舍公其誰與屬速公去吳而開府於閩又為總制於兩粵人物又安思乎翔洽則閭巷小儒窮檐婦孺莫不愛慕而想其聲容色笑如文潞公在庭外國之使仰瞻驚慄司馬入相敵國之人戒惕而飭斂某又何幸得邀一日之知辱公收之末坐乎唐鄭尚書之節度嶺南也以韓退之之豪不能不推服於鄭之文武遠畧有大體而可畏

曹青菴文集

卷十二

五

信因見古人不以貴賤為嫌以美言為佞而本乎情之所安者豈為一身計哉雖然某羈旅窮愁自分其材無以自見而不知所以為其身計亦藉公素有以知之而已或謂公其於公無王稽三亭之澤而欲干澤於相國無漂母一飯之微而欲望報於王孫誠不自量者其應之曰否不見乎陽煦之澤及茅葦乎川源之潤不擇沙磧故晏子推仁下逮執蓋公以古為期其素志然也是為序

寧都令張封君壽序

昔箕子衍洪範五福獨先於壽而古今言壽必推本於仁孝舜年百有十歲文王之年九十有七武王九十上下至君陳曾參則莫不以孝德享期頤之壽清河張氏古稱望族自張仲孝友著于周詩而後裔之以孝聞者代不乏人漢以下如霸孝昭楚昇稷元文翔志寬常浦道源輝無擇之徒皆其選也至於壽張公藝九世同居漢陽昌宗同居八世食指三萬為從來著姓所不及而今天下張氏之望則又推浙之浦

曹青菴文集

卷十二

七

邑孝友之風自約齋公以下尤盛予同鄉廬陵黎宏道先生授士於浙奇約齋公孫攝提公之文曰越士得江右風氣者唯此耳其後吾友黎博菴督浙之學政則又得攝提公之子萬資使剋諸生而餽之學宮以故予知浦邑張氏獨詳壬寅春王正月予年家子某走急足持一函詣予曰某邑君張氏仁且孝其封翁就養於寧邑君視色承志於教令靡不從故其膏澤吾寧若流泉下阪田而益之以春雨也今封君壽登七袞寧人士將合萬室之懽心往崇邑君之孝以

效於其親則以其懿行而請言於大君子子覽之作而嘆曰張氏之世興也宜哉予比年家食頗不與外事嘗從行李間竊聞寧都令有張君者甚能以德及民民歌誦之今而乃知邑君即吾博菴所首拔士其封翁即宏道所器攝提公也攝提公以孝友聞於浦邑君仁於寧而孝於封翁夫仁者人之所生孝者為人之本孝則仁仁則生生則相為生而不已故人之孝可以致其身之壽亦可以致其親之壽亦可以致衆人之欲壽於其身於其親者而合之為親之壽

曹青菴文集

卷十二

七

吾嘗讀史見張氏甚多賢吏廣陵綱單騎詣賊壘降嬰萬餘人邑君則撫寇而寇服矣廷尉歐上獄事有不可却者涕泣面封邑君則省刑輕罰矣漁陽堪守郡八年妻子寒素如一日邑君則菲食敝衣節用以愛人矣并州祥泣禱王母之廟驟雨而火滅邑君則祈雨輒應旱不為災矣華亭肆小青被濫征斥干請邑君則踈濶以御下賂賦以蘇國正色以拒私矣且夫邑君既取張氏之賢仁者而兼致之於吳寧則寧都萬室之人孰不思以其歌誦邑君者而致之於

其所孝之親吾聞封翁一門之內自萬泰以來宦江
右者五人皆稟約齋公遺教以清白著稱而封翁則
身三至封翁在寧以愛民養士為箴辭疏於邑君之
壁每聞軍興征徭繁急慨然不樂見訟簡園空則喜
而加食封翁之憂民憂樂民樂者如此而惜乎不遇
於時功業不可概見也然封翁天姿卓絕幼有文章
之譽其後以親老侍於家乃絕意進取猶身教邑君
克成大器而諸孫諸外孫則又自教之日賦詩讀書
不輟也昔張氏有學者宋淳熙元年舉進士甲科養

曾青菴文集

卷十二

五

其親不忍去左右閉戶讀書四十餘年范祖禹蘇軾
薦其高行封翁之孝德何以異是是故以封翁孝則
封翁壽以邑君孝則封翁又壽以邑君仁於寧而孝
於封翁以寧民歌誦邑君而效於封翁則封翁又壽
然則封翁之壽固方興而未艾也予他日得從鸞旂
之後誦辟雍之詩希范蘇二賢之故事三老五更非
封翁誰屬者於是因曾子之請而道之以為寧人士
祝

壽紀光韓太守序

今年正月六日毗陵郡伯紀光韓公初度之辰某適
在賓幕再拜獻一卮以祝公而為叙以侑之夫毗陵
稱吳中要地冠蓋往來吳中者舟車日不絕然非商
賈貨財之所聚其風土視吳門為貧瘠比年加以水
旱田穀不登而民各安其業無飢寒之迫而走險以
擾茲土者皆公仁以撫之靜以鎮之功也某朝夕
承事於公幾二年所公廉於物躬儉以率下敝衣菲
食絕不為嫌故屬吏部民不敢以苞苴通左右而性

曾青菴文集

卷十二

五

最仁愛每出一罪則喜動顏色入一罪則咨嗟太息
廢箸不食若其親戚鄰里之罹於法以故行徑常空
朽楊之器示法而不酷三木之傷折脛踝者非大盜
殺人與神奸巨猾輒塵封不用民樂其寬而感其誠
相率不敢為非大江以南稱良二千石恆以公為首
茲當懸弧之日毗陵縉紳士以及庶人為文為詩以
頌公之德願其壽考康強以永綏斯民者亦既詳且
備矣然猶有未盡者自士大夫高談聲氣以應接賓
友為尚每坐席未暖四方知交鄉里之媼戚脂車鼓

世不遠數千里以于恩澤肩摩接踵於其境新舊相繼互為聲援或求大吏尺一之書為不謀面之請者又往往也將拂其求乎則怨讟載道矣各給所欲而去則所以給其欲者不取之民而誰取也惟公一意字民攀援之術不以撓其守浮譽之有無不以惑其志四方之民或有至者酌情捐索而不以病民所以瘡痍凋敝之餘遂得享其不言之福此公之德所以有在於勤政恤民興利除害之外者也某以匪才孤陋謬承指使恩怨之間不無浮言之至而公坦白一

曾青藜文集

卷十二

七

心信不見疑語曰羽翮飛肉十夫撓推讒人之交張古人有所甚難而公不以三至而投杼此又感恩知己之私雖無關公之大德而於古人待士之誼豈不亦賢矣哉某敢以是為公頌且祝焉

林武林太守壽序

代

今上御極之二十五年八月既望為林君武林六十初度林君當世之賢豪也蒞潮十年勤於政而恤於民者不可僕數孝廉陳生良可林生可符梁生擊士曾為予道其所以今介京師以壽言見請予何敢辭昔周宣王命仲山甫城齊而尹吉甫作烝民之詩有曰保茲天子生仲山甫蓋國家之所以保世滋大者天必篤生賢人以輔佐之故頌僖公而推原於上帝美申伯而鍾靈乎嵩高此昌黎之所以有蜿蜒扶輿

曾青藜文集

卷十二

夫

磅礴而鬱積之嘆也林君少而穎敏為童子時出語已驚其長老及試有司不得志謁選就潮州令調山東泰安州報最陞福建漳州郡丞癸丑冬代覲京師畢返至浙西閩報日十數至當是時官軍盡擐甲操戈楯守城無休息浙之東西皆震恐而君條陳閩事上督府如燭照而龜卜皆可措諸施行會簡親王以全師入閩君獨慷慨請纓稟受方畧前鋒所至望風而靡遂收江山度仙霞嶺建寧之浦城下踞延平次福州連營數十里三軍之士雖流鎬擣操無不以

一當十奮勇先登靖逆帽伏遂銜壁面縛親造軍門乞降而八閩頓平其最後服者漳州為臺灣門戶鄭氏嬰城拒守數月不下王乃簡閱精銳之士得數千人同諸降將命軍監督師未至漳而鄭已航海宵遁矣哀鴻未集碩鼠興歌漳之民喜君之來也如赤子之望慈母方慶更生之有日而漳與潮接壤叛將劉進忠尚爾煽動隣封跋扈拒命君曰潮不靖則漳不能安於是請於王下令總兵侯馬公乾菴同君帥師入潮抵潮之日君則屏兵技進忠以書中其隱進忠

曾青藜文集

卷二

九

力不能舉令僧道廣為題募所全活幾千萬餘人歡聲動天地君不以為德見瘡痍者起之飢寒者拯之無家室者寧其幹止輕刑薄賦以哀其生嚴行保甲以靖盜賊省稅以惠商行盡以裕課而又念教化之不行也則修文廟以課士建義學以養賢重構韓陸二公之祠以作潮人忠義方正之氣時臺灣未平閩督撫方建義與師漳泉諸郡米價騰湧呼庚呼癸者日不暇給君晝夜旁皇極為省穡月漕米數萬石從海上運至軍中遂得航澎湖入臺灣克填稽首聽命

曾青藜文集

卷十二

辛

桑子之居畏壘也。子固因潮士之請而樂道之。

程德滋六十壽序代

江以南半多水鄉。其地高而四面盤互。皆山者。惟新安為最。新安山峭厲。水清而激駛。黃山白嶽之奇軼。出於巨廬。天台雁巖以上。然皆為神靈所宗。無居民。生聚之煩。貨財物產之所滋植。其山川之明秀娟媚。清澈而如鏡者。曰榆村。榆村為休寧近鄉。土沃衍。林木翳鬱。烟月花鳥雲物。諸奇勝雜出其中。故代有名。人如朱隱君之流。皆可得而數也。榆村程德滋。與隱君為比鄰。時四方多事。而新安尚富饒。多閒暇。每與

曾青藜文集

卷十二

五

曾青藜文集

卷十二

三

隱君過從時。憑弔古今興亡治亂之故。若燭照而龜卜。馬德滋落落寡合。常傲睨名公卿間。不肯沾沾為帖括業。遂挾貲遊江湖。講計然之術。以貴徵賤。以賤徵貴。薄飲食。忍嗜欲。節衣服。與同事者相苦樂。故家日富而用日饒。夫能自儉者。必不能豐於人。務自完者。必不樂廣交遊。延聲譽。而君則日與賢豪長者。講習討論。或適館授餐。或解衣推食。而未覺其有飢色也。至見人之困。則周之。遇人有難。則濟之。以及橋梁。唐肆茶藥之施。賑助殆無虛日。太史公所謂好行其

德者非耶。今天下民窮財盡，饑寒無告之民相望於道，使得如程君者百數十人，分行郡國，瘡痍其有瘳乎？予嘗謂細民窮，非國家之憂也；惟富民窮，而後乃真窮。蓋富民者，所以濟國家之所不及，惟天下之賢有司，能愛惜富民，則所以培國養脈者多矣。予忝待帷幄，每接見司牧郡縣者，諄諄以此為勗。今某月銓部汪君某為程君中表，以君之壽序見屬。君有子四人，皆明經。君明年甲子正月為六十初度，汪君介其來謁，予與程君有舊好，故知君獨詳。君不樂仕進者，曾青藜文集 卷十二

卷十二

三

有年鴻臚一官，豈君所願，固將棲遲一畝之宮，優游溪山之上，幅巾葛屨，與二三野老杯酒言歡，予倘致政而歸，將與君徘徊於榆村山水之區，咏歌聖澤於光天化日之下，將執青蓮花效王昌齡作河上老人詩以進，君當欣然為之一笑也。是為序。

程耳臣壽序

代

予讀詩至小雅伐木之篇，曰：相彼鳥矣，猶求友聲。矧伊人矣，不求友生。未嘗不掩卷而嘆，以為人之不能求友，甚於鳥之不若也。夫君臣父子之間，勢有所甚隔，情有所難通，為朋友者，宜其湮鬱而發其天良，故上之如宋曝之於張說，當呼吸存亡之秋，最以大義遂使元忠得直，而不為張易之之所誣，次亦若田盡王回，以氣節相激，勵不肯阿諛苟且，以避罪戾，此皆千古節義忠臣，非藉二三友朋之力，陳其善而閉其邪，安能聲施於後世哉？古人有言曰：朋友者，所以維繫此五倫也。自下邳翟公，死生貧賤之說起，而劉孝標有五交三釁之論，或前悴而後榮，或始泰而終約，或徇目前之利而忘舊好，或貪一日之寵而負生平，甚至有初則仰其臭息，繼則反唇而稽，以及於顛覆之後，因而排擠下石者，比比然也。嗚呼！交道至今日，難言矣。予自展假南歸，訪舊五羊七星間，與故人曾子止山邂逅最久，因言新安程君耳臣之好學思深，老而不倦，其篤於朋友，周旋窮交，及緩急人患難者，

卷十二

四

不一其事而於蘇守蒼巖高公為尤難。蒼巖公之蒞蘇也，與君交最厚。君客吳中，僦屋而居，無隔宿之儲。從不以釜庾累案牘。時軍興，旁午蒼巖公操節金以給軍需，至身後，逋欠七千餘兩，焚焚蕩，孤不遑啟處。君為之力請於後守趙公，不惜勞費經營區畫。夫當禍患危急之日，故人親知，未有不歛手而退者。君獨不避艱險，而以身力砥其間，謂非豪傑得乎。嗣後趙公被逮，君亦望入彈章，獻者屢明君無涉。君私相謂曰：趙公待我雖不若高公之厚，然不曲為之請，則

曾青菴文集

卷十二

室

趙公必不免，遂代為引咎得釋。事竟無幾，微見於顏色。粵東糧儲汪君交臣為予言：服膺君之為人，而予恨不得旦暮遇之也。嗟乎！今之人富貴則就之，貧賤則去之，求其始終不渝，至於以身任不測者，幾人哉！太史公曰：以汲鄭之賢，有勢則賓客十倍，無勢則否。况衆人乎！然則以朋友為性命者，非必其人之援青松指白石也。亦視其人之自待何如耳。予知他日君之立朝，其議論慷慨，必能行宋璟張說田疇王回之所行。區區為趙高二公排大難，解大紛，又不足為君

重矣。今年六月為君攬揆之辰，予友顧子華峰以壽言見屬。君之子一縉，即華峰之孫。年雖幼而志趣不同。君之所以為友者如此，其將臻期頤之壽以觀其後之昌大門閭以為程氏光夫又何言。

曾青菴文集

卷十二

室

顧夫人壽序代

古今之令壽者其事多在男子而婦人為罕及故凡人生紀年自男女二十冠笄之後於男子則有三十之壯四十之強而仕五十之艾而服官六十之耆而指使以至期頤無弗表焉而婦人則未之聞也豈以婦人酒食之外別無他事故稱觴介壽不過家人婦子之常而不見於典禮之文耶然常謂魯頌追誦僖公之烈內明禮樂外修征伐至於舉牧政飭學宮煌煌赫赫可謂極盛而稱魯侯之燕喜者則必取令妻

曾青藜文集

卷十二

七

壽母為特表見焉然則婦人之壽而果可傳雖詩書亦不深泯其文以為閨德之師可知矣無錫華峰顧君母太夫人以名德貞女歸樞明先生既贊先生登賢書享巨名於時矣又教成其於子亦擢巍科出入承明著作之林太夫人之以令妻而兼壽母其福德所鍾雖魯頌所載何以加此然而太夫人之福德其克自表見則又有所甚難者顧氏起家端文公以講學倡起東南百年間為朝野人倫之望其修身齊家莫不秩然有儀法既而木之先生由孝廉筦比部有

治官事如家事之譽夫以累代貴盛之後為內助者已難為功况在講學明道之家乎太夫人自婉婉以來脫令幾微不著其令儀則炫服者衆目之所指其能保厥永譽六十年如一日也哉今試稽太夫人之為婦道則翼翼然以孝聞矣為妻道則婉婉乎以順聞矣為母道則不競不綈以慈而教聞矣推之至於御下之仁服飾之儉則莫不稟於端文公之家法而載之以慎且聞太夫人神明健順將返兒齒之年其既受多祉有不必縫策而後見者昔西陵王大叅母

曾青藜文集

卷十二

七

太夫人年百有四歲飲食步履如常人而大叅以九十餘侍食問安於庭上當世以為美談予之子與顧君辱為同籍他日尚得以通家之禮請見太夫人如觀王大叅也

邱聖與嫡母壽序代

予嘗讀唐史見李景讓之母鄭氏早寡而貧墻隙得錢盈缸掩而築之曰天以先君餘慶矜其貧而賜之則願諸孤學業有成乃其志也後景讓果貴及髮斑白小有過不免筮楚予嘆景讓之能以志養而益服鄭氏之賢足以格天子休官山中有餘年所取古人高節卓行可風世道者日訓兒輩一日寧都年家子曾麗天貽予書言雩陽邱氏事甚悉且道辛丑月為聖與嫡母六十有一之辰同學諸子欲進一觴為壽

曾青藜文集 卷十二

完

請序於予予固樂聞懿行者母性堅韌多成算家貧躬執場爨晨昏無靨色年三十而寡鞠養媵子如已出日操井臼治酒醑夜則勤紡績察綫不輟時有以事侮諸孤者母力持之初勅不為屈今聖與克自成立慷慨好施鄉里以賢豪聞母之教足徵矣夫人情勞必儉儉必勤勤必飭其子弟相語以利相示以財其子弟之善者不過為嘽嘽之色不善者且以賈怨而母之訓聖與則反是豈非有得於鄭氏之風者乎古人有言曰有德者昌又曰非此其身在其子孫聖

與年未三十學日益富行將高大其間以為母慶子安能無辭以祝祝曰仲冬之月為子卦為復而音為羽也數起於一成於十母之壽未有紀也義於人者祥其神濟於舟者和於水也將塵沙其大壺涓埃其期頤也將爾昌而大爾耆而艾也子將采如何之木周文之棗韓終之李以壽母也

曾青藜文集

卷十二

半

吳母六十壽序

慨自詩書所載太妃邑姜而下如梁鴻鮑宣之妻陳
嬰陶侃李景讓之母或相其夫或教其子卓然聲施
於後世亦幾幾乎難之而况相夫以成其高教子力
學以為當時重遂能以婦道兼母道者豈非為世之
所希有而君子樂得為之表章哉予嘗客邗上與吳
子懋叔遊因得知甫翁爾世君之為人而并知其母
夫人之賢夫人姓程氏為新安巨族端莊凝重有鍾
郝風其初歸於吳也爾世君方工帖括斐然有聲謂

曾青蔡文集

卷十二

主

青雲可以立致忽念早歲而孤欲奉北堂以終老遂
棄諸生樂恬退夫人亦相與成其志親執中饋勤紡
績以佐爾世君之不逮時太君年踰七十衣服飲食
非夫人親滌手進則不悅而夫人日夕惟謹事之如
初歸之日病則親視湯藥不以煩童婢一切家政皆
親操經營內外翕然無間言所以家道日益昌大也
既爾世君見背夫人茹荼察綫執勞無飢色而延明
師以教銘貞懋叔則未嘗不豐嘗語兩子曰爾祖以
清白傳家爾父少孤奉親不樂仕進兒輩當努力讀

書奮起家聲以慰爾祖父於地下倘或隕墜予將焉

托今銘貞懋叔皆得以名諸生觀光上國諸孫巖然
克繩其祖武皆夫人庭訓之嚴有以教之也先是數
年新安屬當兵火白骨膏中野夫人聞之捐資獨為
拵器又廣陵頻年水旱飢民載道夫人出粟賑貸殆
無虛日其所以好行其德者班班可考蓋自富貴利
達之習中於人心父之誠其子凡之詔其弟比比然
也况乎婦人之見有不愛其夫之擬高科登仕籍以
希一日之貤封者乎有不私一己之財謹守儉約將

曾青蔡文集

卷十二

主

以貽其子孫者乎而夫人乃能佐爾世君之終養其
親而不以干進為念與教懋叔兄弟之力學不倦而
不私其財以為鄉里羞是可謂明大體識大義者矣
易曰至哉坤元萬物資生又曰君子以厚德載物夫
惟其德之厚乃可以資生而載物如夫人之能以婦
道兼母道者其殆生生不息悠久而无疆矣乎予時
方蒞卧君山之側吕子英白以書至知三月為夫人
六十初度之辰將欲買舟渡江以從賓朋後懋叔其
先誦吾文而踞進一觴也



龔司馬西塞圖弁言代

予出都時宗伯龔公以毛子凌雲見屬曰此不佞兩世舊文也去春凌雲就見予於牧城個儻磊落有國士風一日出司馬龔太翁所畫西塞圖屬予題之予宦遊二十餘年半在滇蜀僻壤自洞庭以涉大江皆予足跡所未到近出守毘陵始得渡楊子一覽金山曾青藜文集 卷十三

鏡甕之雄慨然想見孫吳用兵處西塞為武昌名勝扼控大江舟之上下者揚帆而去皆不得一至其地今予從尺幅中見其山水林木樓櫓檣帆猶有當年殺伐氣予作而嘆孫伯符以年少崛起江東破黃祖而有江夏西塞其始基也予不見古人而僅知古人所經歷之地以發憤其烈士暮年之壯心亦足慨已宗伯作令斬水距西塞不遠年始二十以一孤城撐柱於兵戈擾攘之秋雖伯符豈復多讓則司馬此圖又不獨為西塞傳者凌雲其知之矣

分閔小引

歲壬午予甫十八齡與長兄先諸兄弟析爨而居受分之產僅八百餘畝五年之內一廢於病再廢於兵矣記戊子歲飢斗米至二百文予奉太夫人山居食指不下數十口而家無宿春供膳而外予與汝母皆如糜是予富貴之日少而貧賤之日多也今汝兄弟生當亂離之後日見予之窮困寄人廡下手口捋茶得脩脯歸置食田七百餘畝衡門屋一所及乙丑來歸為侃典鬻殆盡嗟嗟予年過六十有三旦暮不能曾青藜文集 卷十三

保之人而使之冒暑雨祈寒走衣食以贍妻子有人心者固如此乎計侃所買田屋及粵東故人所贈何止千五六百金而他所費不與焉則侃今日雖無升斗之分分文之受亦應自食其食豈得更以口腹累爾父耶然予終以舐犢之愛情不忍姑將歲分學田五十擔給侃以大石下田五十擔給侃汝母年已向衰汝兄弟即竭力供膳為日有限復念所分之田甚薄另為設法日給以養汝母此亦不過暫時權宜之計欲以觀汝之改過與否倘能惕然修省敬以事

母儉以持身，自當為汝經營食田，以盡子為父之道。古之人有負米以養其親者，有採薪以食其力者，皆能發憤讀書，卓然成一代名臣。而汝兄弟尚不乏升斗之田，養母以自給，其立志又當何如耶？則予之少而廢產，壯而創業，又足為兄弟高矣。

賑荒小引

代

今日之時何時也。江楚閩粵之間，無地而非兵，無民而非賊。豈天心之未厭亂，亦人事之不脩也。江南為財賦之地，出關入關之兵，絡繹於道，徵夫徵匠，工役繁興，有司之供應無窮。小民之皮骨已盡，乃三春霖雨，二麥無收。入夏亢暘，秋禾不實。民之掘草根而食者，比屋皆然。嗟嗟此何時也。而使輸賦執役之民，啼饑號寒，而墜於道路，豈非為民牧者之過耶？不孝目擊心傷，賑救無術，不得不以好義急公之舉，望之

於先生長者。夫此方之飢民，朝廷輸賦執役之人，即一家之親戚鄰里佃傭工作也。桑梓之愛，誼固不容辭。烏屋之私情，復有難恕。况損有餘以資不足，天之道也。今四郊多壘，在在可虞。救此一二殘黎，為朝廷辦賦應差，為大家捍災恤患，是雖為飢民，魁目前之困，亦為地方消意外之憂。夫人孰不喜治而惡亂，懷安而畏危者。惟其無可生之路，所以有必死之心。此古人致嘆於奔鹿也。子與氏曰：富歲子弟多賴，凶歲子弟多暴。非天之降材爾殊，其所以陷溺其心者然。

也。嗟此蚩蚩之民，正當死生呼吸之頃，有不淪為盜賊、為奸宄者乎？不孝雖五日京兆，不敢自同於路人，而亦不敢自安於君子。先捐薄俸以為首倡，知先生長者自不惜餘資以為將伯之助，計畝出米，竭力輸捐。試思江楚閩粵之地，民間之廬舍田園，半皆鞠為茂草，而其母妻若子，有離散數千里之外而不得一見者，今三吳之區，烟火相望，室家相慶，雖係朝廷寬大積累之仁，而亦不可謂非邀天之幸也。詩曰：敬天之怒，毋敢戲豫，敬天之渝，無敢馳驅。惟先生長者力行善事，以答天眷，不孝當知施而不德，樂氏必大昌其後矣。

曾青藜文集

卷十三

五

修社廟前殿引

社以報土功，背村社廟所祀，相傳為里人而神之。傳稱有功德於民者，則祀如樂公、邴原諸社，人固可社，不必專后土也。背村廣縱十餘里，堡落山谷之人，每歲春秋泥飲於此，廟堂楹方十尺，以祀神，不恭以班禮，則長幼無序，日與二三君子謀，更立前殿而廣殿之，神人並福，不亦可乎？古者同井守望相助，吉凶出入相勞，今乃面目顰蹙，不相識，聲音洪纖，不相聞，甚失古同井意。爰引數言，以告鳩資者。

曾青藜文集

卷十三

六

秦玉亭篆刻小引

秦子玉亭為方伯中齋公後裔家貧力學欲承先志以奮起功名而數奇不偶遂肆力於六書篆刻筆法刀法皆在意先嗚呼此豈得志者之所為耶上古結繩而治無文字約契之繁至三代乃有誥誓之文征伐之事迨秦李斯刻為傳國璽而爭奪愈甚君子於此蓋有哀世之感焉昔王次仲變舊文為今隸書始皇三徵不至化為大鳥落二翻於大小山後世學隸書者首推次仲然次仲豈欲以書法顯哉玉亭其師曾青藜文集 卷十三 七 此意則亦可無媿於方伯公矣

題辭小引

古今之以詩餘擅名者代不數人人不數句豈音節難工抑限於字句不能暢發其性情耶宋人如蘇柳之詞尚矣然猶有譏蘇學士為關西大漢而黃叔暘孫敦立則又以柳屯田近俚俗詩餘其若斯之難也蓋天資豪放者其詞易粗而才斌媚者或至傷於流蕩二者雖皆得其性之所近要亦視其人之生平際遇耳當景祐慶歷間天下昇平委巷教坊競工歌板故屯田有風暖繁絃脆管萬家競奏新聲之句而蘇曾青藜文集 卷十三 八

學士則江村海甸皆作空花去國流離之思不勝登高望遠之感兩人之境遇不同故其詞亦自有異也沈子隆九年方弱冠負凌雲之資承其祖父青箱家學讀書之暇作為歌詞翩然有仙仙遊舉之意詞中雖多艷麗而贈友送別慷慨淋漓一唱三歎其殆蘇柳之流亞歟隆九生長富貴無衣食憂患以櫻其心又能日與賢豪長者更相唱酬才華既出天稟世事復際小康宜其詞之日富而日工也予少時亦喜作詩餘篤於情好而詞不能工國變後盡皆棄去今雖

間有所作，既不能艷，又不能豪，以視隆九何如。昔王昌齡、王渙之高適，入旗亭，賞酒有梨園伶官，擁妙妓數輩。昌齡輩私相謂曰：我輩俱有詩名，請以入歌詞之多者為優。最後雙鬟夜歌，渙之、黃河、遠上白雲間之詩，一時大相諧笑。吾知隆九之詞，亦必有二八女郎之執紅牙而拍歌也。

香音俱

曾青藜尺牘

卷十三

九

高湘毅詩引

高子湘毅工貼括，不多作詩。然每作必佳，豈非所謂取精多而用之少，則其出必精者耶？其詩淵然以清冲夷以淡，如登山臨水，幽然而深遠，有王孟高岑之遺風。則其天資固有以異乎人也。湘毅乃歉然若不足，不欲出以問世。予曰：以為足，則學有所止，以為不足，則其才為不可限也。劉春虛以十四首傳，王季友亦不過十餘篇，夫豈以多為貴哉？今人成集，往往務多，思以媚今而駕於古人，是猶積瓦礫累邱，以為寶，輕隋珠之顯也，亦惑甚矣。李杜詩為三唐極盛，使當日去瑕存瑜，當亦必為王介甫歐陽永叔所議。昔人論兵以為貴精而不貴多，推之詩文，何獨不然？劉後村曰：天地尤物，且不可得，况於佳句。湘毅以方壯之年，又有太守蒼巖公之家學，其所造何限。然予終愛湘毅之以少勝也。

曾青藜文集

卷十三

楊子鶴寫照贈言

虞山子鶴以寫照名兼擅山水花卉之勝其學傳自
虞山王石谷吾聞石谷能作山水而不為人寫照子
鶴何所師而得之伯牙聞海水汨沒山木宵冥而成
水仙操吳道元為裝畫天宮寺壁請裝為舞劍以
助揮毫夫得其道則昆蟲鳥獸之微皆可以明知其
故不得其道雖日用尋常不能以自適今子鶴乃能
通山水之理於人物豈非所謂技而進乎道者耶吾
於此可以悟讀書之法矣

曾青藜文集

卷十三

七

修大士閣募疏引代

今歲三月予以祀事過虎邱謁五賢祠見有閣散仄
欲作問之僧人曰此馬公所建大士閣也祠不能居
建閣以翼祠夫江漢汝墳之化決於人心雖在甘棠
猶恐翦伐况於祠宇即無大士閣安見其不屹然獨
立耶雖然物有相成者如車之於輔唇之於齒是也
後世尊尚佛氏死生禍福之說浸淫於天下毋論智
愚賢不肖莫不欲廣修精舍以種福田故蜂臺兔苑
靈鷲竹林之勝所在都有而祠宇館舍亦往往延僧
曾青藜文集 卷十三 七

以垂久遠先民有言曰佛者所以輔吾儒之不逮也
由此觀之大士閣一日不修則僧一日不可居僧不
可居則五賢祠亦隨之而入荒煙斷草中矣今僧特
以募修此閣來請予悲夫五賢祠之流風將墜而使
後之人之失典型也於是乎倡

題疏代

自象教設而人之見象歸心者十之八九。雖蘇明允於張益州亦且以為作州人之肅慰其思慕。豈獨釋氏為然也。像與經相表裡。像如人子孫。見其祖父之形容。經如讀祖父傳誌訓辭。二者皆不可或闕。吾鄉西安之富平縣有壇山寺者。為古來名刹。變故以來。像與經畧而弗備。住持僧祥智慨然發願募檀香水。陸聖像一堂。印請藏經一部。欲示西人以顯密之道。乞予數言為引。或謂壇山功德當富平好善者為之。

曾青藜文集

卷十三

三

陳伯騶和韵詩跋

自漢魏至盛唐詩名家。未見有次韵之詩。非古人不能作。蓋謂其牽強。傅會而難出之於自然也。昔人有劉玉為楮葉。三年而成。嘆曰。使造化之生物如是。則物之有葉者少。予謂此韵者。如劉玉之作楮葉。雖極巧而實強作。非若天之生物。因其自然而成。近日合肥龔宗伯。最喜次韵。措詞寓意。一本性情。絕不見有斧鑿痕。皮陸而下。當推為第一手。今又得之於陳子伯騶。一時風氣所變。遂欲超軼漢唐而上。嗚呼。古人之作。由性情而發。今人之作。以聲調見長。性情雖難而易。至聲調雖易而難。工伯騶之詩。可謂兼之矣。

曾青藜文集

卷十三

五

吳楞香詩跋

古今錄別詩首推蘇李然如唐人愁至願甘寢其如鄉夢何別時酒猶在已為異鄉客等句未始不入漢魏佳境以是知古人詩皆有深情綢繆鬱結而不可解成其為真唐人即其為真漢魏也今吳君鹿園送栗亭詩思深意遠一唱三嘆其涼風懷夙昔春戀衣裳單即李詩之欲因晨風發送子以賤軀也膠漆非一端中情詎可忘即蘇詩之况我連枝樹與子同一身也何嘗其不為真漢魏哉鹿園栗亭兩君皆予好曾青藜文集 卷十三 五

書別彭子載詩跋

此乙卯別阿况子載詩也今匆匆六年矣人世滄桑又經一變翻閱舊作不勝慨然春初子務隨其尊大人南下盤桓鄧尉匝兩月餘於其歸也錄原詩書扇頭誌別子務將訪阿况於長沙為予道老大窮愁之况較行脚時又過數倍見此詩當如見故人也

曾青藜文集

卷十三

六

友嘗見其矜然諾重氣節不欲僅以詩人著而其詩輒工如此予方饑困邗江偃蹇不能去讀此乃有起色歐陽公體中不康誦梅聖俞河豚詩數遍輒佳以視今日信然

吳門錄別唱和詩跋

庚申暢月於子就齋將有西江之役作詩錄別方伯
丁公同幕中諸子亦更相唱和秀麗俊逸各盡其致
或曰當此風雪凌寒扁舟西上就齋固不得已也為
饑驅也或又曰就齋三十年困守窮鄉豈今日而反
為求田問舍之計其欲遊大人以成名乎而予曰不
然夫求柴胡桔梗於罽泰梁父之陰則鄰車而載方
伯公緇衣好士怒如調饑舍燕昭而別求伯樂吾知
就齋必不為西江予故鄉如匡廬鄱陽康郎諸名勝
曾青藜文集 卷十三

文

閩中秋詩跋

庚申閏八月之二十日徐子楨起同其長君彥通移
尊於吳子瓶菴之遠香堂時瓶菴有兩孫戚而子友
魏叔子彥通師也適橋遠香堂同集者彭子躬菴錢
子礎日通家子吳子政瓶菴曰前中秋風不果集即
以此為閩中秋諸君賦詩紀興可乎於是諸子咸有
詩憂樂愉悌情各不同固歸於大雅予讀而悅之或
謂二十可為中秋乎予曰東坡在嶺南時重九日菊
花方蓓蕾後以十月望為重九今二十為中秋何不
可
曾青藜文集 卷十三

文

王咲亭泛菊詩跋

竹葉於人既無分菊。花從此不須開。此杜少陵九日詩也。秋色沁人骨。整肝醒古人。豈愛酒不愛菊哉。無酒以對名花。則花無色。笑請子泛菊詩。神清氣全。有悠然南山之致。其不負花如是。予兩年不見菊。無白衣人送酒。予負花。花負予乎。吟咏之餘。為之三嘆。

錄別唱和詩跋

予最不喜和詩。蓋和詩必先求落韻之穩。未有意先有詩也。歐陽永叔謂唱者發於自然。和者牽於強作。使觀今日錄別詩。當更為此言否。予因程子耳。臣得知諸子歲晏鼓棹正亟。耳臣乃強予屬和。篝燈成此。定為永叔所笑。

顏有星絕句跋

唐人絕句如長慶集最多而工而劉後村止取其二三首者似尋常最奇嘔成如容易却艱辛予謂絕句亦然顏子有星從白下來游鄧尉得絕句三十首不求工而工自存使當日後村見此既取其工復取其多能以眼毒為悔

曾青藜文集

卷十三

主

彭躬菴先生與梁質人書跋

叔子友兄之變予哭之於吳門再哭之於真州又送哭之於舟次哀慟雖深而於朋友始終之誼怛然其未盡也蓋予與叔子為性命交雖兩人而實一體學問之切磋過失之規劄數十年如一日適年境過迫於外衣食亂於內其所以負于叔子者不一而足予負叔子而叔子未負予今者嫂氏以百年之情絕食十三日而死人孰無死嫂氏之死死猶生也五倫至今日漸滅盡矣父子兄弟之間生而視為秦越人其

曾青藜文集

卷十三

三

或為仇讐者皆然嫂氏能砥頑波於陸沈之後豈得不謂之豪傑也哉予少時身受一日知遇寄托不効偷活草間及老而志氣愈下愆悔叢生遠我良朋如聾如瞶嫂氏不肯負叔子於死後而予乃忍負叔子於生前尚可得而云人乎躬菴先生寄予札既道其詳今復覽其與梁質人書為之汗流浹背予不獨愧前者之不能死而尤愧今者之何以生自今以往當益自淬勵勤於改過以不敢負于千秋者正不敢重負於死友也吳子瓶菴鐫刻以公同志雖閩江河之

日下其於子之愧心以鍼砭子者至矣詩曰匪手携
之言示之事匪面命之言提其耳子何敢忘此息壤
以再棄於知己乎

題李令貽為表重其孝子傳跋
予嘗謂老萊子戲綵與大舜孺慕同一純孝蓋此中
稍有勉強則跳舞婆娑便有許多忸怩做不出處重
其服母服衣破損遂至終身廢按摩事雖小節然非
純孝不至此乃知心到誠極即賢智愚賤其精神同
歸一致誰謂古今人之不相及乎

樵蘇子清慎跋

呂氏童蒙訓曰：居官之道有三：曰清、曰慎、曰勤。今公獨以清慎遺子孫，何哉？夫清則務損於己，慎則不敢為非，皆人所極難守者。若勤則功名才智之士，往往能之。且夫子賤彈琴而單父化，汲黯卧疾而東海大治，天下吏治固有不盡出於勤者。若夫不清不慎而加以勤，是所謂傅虎以翼者也。公以清慎貽子孫，有以哉？公姓徐，諱濟，字彥威，別號樵蘇子。元末隐居光福，洪武初擢知邵武府，丁艱服闋，改知興化府。嗚呼！

曾青藜文集 卷十三

五

延陵醫源跋

昔道士留歟與徐熙曰：君子孫當以道術救世，得二千石開之，乃扁鵲鏡經二卷。後子孫果貴，今文正伯清公太常少熙公皆以醫道顯，而兩金亦遵守家法，徧訪名醫，下而合丹救人，上而刺血事母，精誠所至，內外必孚。予嘗謂技術之家，惟醫最可學，而最不可學。最可學者，利澤及人一身，功效足垂十世，不可學者，卜筮陰陽諸藝，皆不係人死生，而作醫則記問須博，閱歷須深，反是則未有不至於殺人者。草木金石之藥，一入膏肓，雖有扁鵲俞跗，其何能濟？予嘗謂教子孫，最不宜以醫道傳。蓋賢者少而愚者多，治生之事，非一而或至於殺人，似非貽厥孫謀之道。兩金乃能世其業，而勿墜意者，其必有異人秘傳，如道士留歟與熙者乎？予將執此以問兩金之信然否耶。

曾青藜文集 卷十三

卷十三

五

書周紀

周之祖為農官。生養天下。其德邁於夏殷。故祚過其
歷。食報亦最長。然自不窟以來。竄狄失世官。至太王
而重。鬻通處為患。其後囚羑里。伯邑考死。閔千歲福
祿始集。然則天非特故遲之。故厄之也。且夫天故祚
之。而故遲且厄之者。將以觀其信天與否耳。周之先
王。於失官竄狄流離播遷之時。而稍有世德不昌之
憾。以致疑於天。則其進德也必不力。進德也不力。則
天且曰。此故嘗小試。急近功者。吾之報之也。可以不
曾青藜文集 卷十三 三
長。然則天之厄之者。誠故有以祚之也。嗚呼。為善者
可以信矣。

書新息侯傳後示六弟

馬援當少年時。慷慨有大畧。亡命北地。役屬數百家。
而其誠。兄子者如此。古今人往往以才毒其身。夫才
必驕。驕必敗。才者豈父兄所不願哉。此少游平生語
可念也。雖然。援能誠兄子。不能自速於護。竟以取敗。
何歟。向使援少年時。伯兄况無朱勃從。汝稟學之語。
以驕其心。則松雖通家子。亦自有朝廷貴戚之禮。何
其過也。由此言之。况之為父兄亦過矣。

曾青藜文集

卷十三

三

書花隱道人傳後

高公旦先生少負氣節矜然諾急人患難捐千金不惜故其家日貧而其志不衰時當變故江之南北開牙建轟者爭欲致之幕下先生識時務明事機掉頭不顧隱於黃子湖中幅巾方袍怡然自適今之坐松下拄頤以望朝暾者是也又喜種菊菊不一名自號曰花隱道人嗟乎先生豈樂以花隱著哉當其有為之時濟人之危扶人之困日與賢不肖雜處而不悔及事勢一去雖王公大人欲識其面不可得易稱進曾青藜文集 卷十三 元

退存亡而不失其正者先生近之矣予少時辟亂至邗曾識之於姚佺期座上知為非常人惜予草草渡江不及從先生遊歲乙卯獲與令子宿東天木交展拜先生遺像不勝邦國珍瘁之感嗚呼使先生而有期頤之壽視今日民生其肯築室種花而以花隱老哉

題張鍊橋像後

庚子歲予客東莞交鍊橋先生嘗飲其東溪草堂酒酣耳熱道當日少壯時事輒欲擊劍起舞予曾作詩序以寓其生平豪邁壯健之氣今忽忽越三庚復相遇於吳門先生年踰七十尚能日行數十里登黃山絕頂又於暑雨中徧歷天台鴈巖其氣概豈在馬伏波據鞍顧盼下秋抄言歸予過別出四像扁題語予十年後當再遊吳門昔蒞子訓與一老翁摩抄銅狄云見鑄已五百歲先生視此銅狄當作何觀其肯終曾青藜文集 卷十三 辛

老山中乎予得為此老翁與先生再一摩抄足矣

果齋說

易堂諸子取名曰某齋蓋將借諸齋堂之名而以寓其損過益不及之意吾堂中惟楊子兩三年最少性未定故義不可以名古者年十五而入大學今楊子逾四期焉是不可不有以名之楊子賦質多柔進退若無所據而每每以任重道遠為憂予嘗舉周子果而確之語曰道何限於剛柔也子其勉之無懼焉於是為之名名曰果齋今夫樹之有花也非不甚美而燁然其可觀也然樹之能花而不能果者良場師棄

曾青藜文集

卷十三

五

之惡乎其不適於用也蓋果之為言實也天下之物不實則不可用是故虛言千不若實言之一也虛行千不若實行之一也為臣而不忠為子而不孝為弟朋友而不友且信此皆物之不實者也物之不實者為朽木為腐草不特不可以用也久之而并其所謂木與草者消亡泯滅而不復有其形中庸所謂不誠無物也且夫實則堅堅則銳實於內者勇於外是故果無不敢敢之為言知其一而不復知其二於是乎無所瞻慮却顧之意古聖賢之造乎道也果焉如寒

之必得乎衣也怒焉如饑之必得乎食也夫寒必得衣饑必得食則人將擔簦躡屨日窮數十里之鄉而有所不惜至於道則以為有之而不見其益無之而不見其損是何其重于形骸而輕於性命也楊子乎其毋為衆人之所為也聖人之道在於明理而去欲理不明欲不去則雖日求乎道而道不可得吾觀學者日未始不有以明乎理而卒不能行欲未始不能去去之而不能絕此無他不果故也吾於是而嘆果之義大矣哉或謂天下之欲志聖人之道者無不當用其果而何獨一楊子哉孔子曰果能此道矣雖愚必明雖柔必強

曾青藜文集

卷十三

五

不貸之圃說

曾子既虛於翠微之枝山，於是蒐土作堵以為厨，又疏厨之右為圃，植麻蔬焉。右手拮蔬，則左手置釜。曾子與客遊於圃上，喟然嘆曰：此真莊周所謂不貸之圃也。客曰：子之厨貸圃，圃貸蔬，蔬貸地，地貸天，時惡乎不貸？曾子曰：豈惟圃哉？是以有求而不應，有數取之而窮，貸珠於海，不知海之與珠也；貸玉於山，不知山之與玉也。客曰：豈唯珠玉？曾子曰：君貸之富，君能貧之，君貸之貴，君能賤之。朝貸而夕誅，其適吾何利？

曾青藜文集

卷十三

三

馬客曰：豈惟富貴？曾子曰：父母貸血氣，有吾身，父母不能壽，天地貸陰陽，生人或遭厲災，殄而至死，且夫天下之求在外者皆貸也。子歸而返之於內，有圃焉。客曰：敢問治圃之道。曾子曰：難言哉！夫治圃必勤於去蕪菜，精以播蔬種，卑以受潤澤，靜以息生機，留有餘以養地，加用之以禮，以無棄其物，烹飪膏滑之，以順物宜。客曰：請言其故。曾子曰：天下之物，純則生，雜則死，邪以雜，正則正，敗故先之去蕪菜，蔬有助人者，有不助人者，有美觀有美食者，採之是半蕪也，故貴

精高則亢，亢則不能受澤，故貴卑日擾而偃之生機不遂，故貴靜，地力竭，生氣薄，不足發也，故貴有餘，未熟而取之，則味不果而損人，故貴時，水火五味不齊，有嘉蔬不用也，故終以和焉。客大悅。曾子拮蔬置釜，淪而食之，各飽所欲而去。

曾青藜文集

卷十三

三

跛者說

曾子之里有跛者焉。有弓脇磬唇鼻裂臂拳曲不能伸足。踣而蹙。曾子就而問之。跛者曰。夫天其將刑我耶。曾子曰。惡至是。曰。吾嘗坐高厦。若忘其形。棟或摧折。吾之有。行於市。過隣。閱者趨而覘之。隣人憎焉。而挫其膊。又嘗與巷人遊。遇猛虎。予揚袂奮臂。怒而搏之。不幸而蹶。吾足。今吾之有。非故吾之有。吾之脇。非故吾之脇也。吾之足。非故吾之足。而不為我用也。此人見有垣人焉。蹴予。予辭焉。而懼。更失夫故。吾

曾青藜文集

卷十三

五

繫狙說

客有繫狙。雜於三獸之室者。曾子問之曰。客何獲。曰。田有狗。殺母而獲其子。吾繫之。以為戲。曾子見其形甚悲。聞其聲。若有求而不得者。憐而欲釋之。曰。嗟乎。夫物固各順其性而已。今殺其母而繫其子。不仁孰甚。客曰。彼物之害於人也。大古者仁人必先除惡。然則非然矣乎。曾子曰。惡彼固自樂其山林耳。食吾知其為果。飲吾知其為泉。澗其跳踉也。吾知其為懸。崑怪石於人乎。何與焉。客曰。子知其一。而不知其二。也。今夫狙之為物。威鬪。熒目。夢唇。其臂輪然。其足趨然。始也。不敢當乎徑路。竊食於溪草山實之間。既也。招朋引類。齊樵。豎而為伍。吾嘗休乎田。見彼之營營者。禾既茁。日一伺焉。穀實再一伺焉。獲三馬四焉。而伺之。不知所止。方田者之至止也。跳躍乎泉澗。而登於崑石。不知其所往也。及其行也。則呼羣。醜挈老幼。攘臂而下。而盡折甲而去也。是欺人於不及覺。而巧取利者也。子不見夫吳王之狙乎。狙無害於王。而第以伐巧死也。又况伐巧而有害於人者乎。吾方欲盡

曾青藜文集

卷十三

五

其類而子乃欲於得者醜之不幾德狙而仇田者耶
曾子慨然曰嗟乎彼狙之巧於貪利而不知身之死
之隨其後也而不知其子之為人繫而戲而幾於死
也彼儼然齒為人者其飲食跳踉已勝於果蓏泉澗
崑石而其巧於取利又不僅在釜庾升斗之間也則
其為禍又何可勝道

大木記

西疇之榭有大木陰翳蒙結下可賴數百十人吐納
風雨隱日而息月有場人焉荒地為圃惡其根又妬
其枝而不克翦也寓其事於顯者顯者過而驚曰有
是哉吾之園有亭亭多大樹蔽亭而缺一角吾為汝
遷之問汝圃且藉吾亭於是撮工而營之舉鋤披土
則盤紆拳曲而難下根之所庇百有餘尺力而軸之
道顯者之家壞墻垣析序舍廣地而疏之遇大風則
拂棟折椽碎屋瓦暴雨雨注於亭亭几案書籍器玩
皆敗亭下佳木珍卉失其蔭樹亦易故土宜日就黃
落曾子聞而弔之曰某聞之江南之橘植於江北則
為枳今大木蟠生乎西疇之榭地滋而天沃之風雨
之不摧霜雪所不能折日長月引以至於今者不知
其幾百年也場人惡焉而使棄其土災木而累顯者
之家嗚呼此大江南之橘也他日曾子出西門過故
榭愴然四望纍纍焉而場人之圃已屋

祭文代

嗚呼天遂不慈遺一老耶使我小子仰泰山而莫見
視梁木而懼摧耶夫子之道德經術文章繼先公於
千世之後海內莫不私淑其典型况予小子之荷知
遇而列門墻者耶而且師母夫人以閨中之彥令儀
夙著某侍函丈竊得聞其懿範方期夫子以名德著
功於寰宇夫人以母儀風化於閨幃而豈意天之奪
之遽驟鸞鳳以上征耶某自聞訃以來怒焉心傷隕
涕如雨生芻跪奠永結私衷而道里遙遠世務相牽
曾青藜文集 卷十三 无

今乃得一造靈牀而慟哭也嗚呼群匹喪失反巡故
鄉雖燕雀之微猶有回翔啁啾之頃况知己感恩如
某之於夫子者今且入其都邑升其堂廡瞻其帷帳
撫其几筵欲負劍以聽辟呬之詔而無從欲趨庭以
請籜茀之見而不得其拊心哀慟而嘆造化之不仁
者又當何如耶雖然夫子歿而文章在天下也功名
在朝廷也德業在學士大夫之口也而振振麟趾方
興未艾則所以繼夫子未盡之志而闡夫人閭德之
幽者不待逢策而可知矣此予小子所以萬一釋其

哀慟而即所以慰夫子於九京乎敬陳明水其尚歆
之

曾青藜文集

卷十三

甲

祭王額駙文代

嗚呼惟公世閥之胄東國之英幼負奇質夙著令名
俠追二季賢擬四君嘉賓倒屣珠履盈庭班荆折芰
信宿平生南路北路蒼鶩魚弘瞻其風采盤草朱纓
銜其仁澤圭竇華門斯有德之宜壽胡為靳其遐齡
又乃恂恂博雅徵奇好古周鼎商彝售絕賈鄭虔
三絕周敞二鼓繁露夢蛟靈臺辨鼠畫苑法書羅於
堂廡寔從如雲飲御無斃季倫吹蠟景文列炬駝羹
一甌牛乳干杵已醉二參而忘歸去忽然日昃樂寂

曾青藜文集

卷十三

四

不鼓此名流所以欲傷而過客悲其無主夫貴則驕
盈仕慕公卿長傲干進乃人之情惟公塵視軒冕棄
土冠纓山水寄傲擊岳彈琴以公之為王家貴壻也
而折節於友生以公之取高牙大纛如出諸懷中也
而退然不希爵祿之榮此其意豈世俗之所知而有
以答先公於九京某也藉附同里誼忝通家受知最
久感分無涯悵音徽之如昨惜談讌猶未遐忽聞訃
而心摧竟輟食以痛嗟念邗江其在望數俗吏之交
加既侘傺以抑鬱復紆軫而紛拏柎几無由總惟遙

春謹率僚屬陳此薄奠生芻一束明水空薦庶其歆
之德音如見

曾青藜文集

卷十三

四

祭周櫟園文代

嗚呼何昊天之不弔而不慈遺此一老耶使天下傷哲人之既萎而後學之無以造耶先生之德業在天壤文章在古今雖一旦捐館舍棄賓客固無損於先生之壽考耶然期頤者世未嘗少而顧吝於先生豈其亟於天上之修文而顧奪此人間之師表耶自先生之以不起聞也未交者知名而悼嘆從遊者涕泗之紛紜况予小子獲承謦咳而親奉儀型者耶先生淵源吾鄉理學之會發跡中州淑清之美歷盤錯於曾青藜文集 卷十三

之孔道軒舟絡繹多賢豪之奇跡悼惜之言如出一口梁木之痛益切五衷獨羈身於廡下瞻素旒其無從遠致生芻於楚几聊申哀誄於悲悰惟先生之來格庶一誠之可通

曾青藜文集

卷十三

四

祭馬蕃侯尊公文代

嗚呼。人生多壽考。多福澤。莫不曰。有命存焉。然其積功累行。培養漸漬。所以貴植乎人者。又不得獨歸之於天。此非有堅白之操。櫻寧之守。慷慨俠烈之氣。孰能污其身。以陰行其善。使人咨嗟涕淚。而稱賢乎公。當萬歷全盛之時。讀書雖不得志。其所以計口而就食者。何功之不可圖。何利之不可專。乃小就一椽。不惜降志辱身。以獲贏餘。豈特上供高堂之菽水。下資妻子之粥饘。其意以為濟人利物之事。非公家不足

曾青黎文集

卷十三

五

以有為。故見人之或窮。或因。或愁。嘆變熱。或大冤抑。不得伸。遂至於晝夜經營。傍徨奔逐。如負疾在身。而不知其所以然。是雖天性淳厚。質行敦樸。而其立身砥志。勇於為善。而惟日不足者。必欲使啟後而先。先今嗣君蕃侯。文章德業。聲施海內。一時通顯名流。莫不爭相倒屣。而願為之執鞭。而公仲子及孫。亦復蒸蒸蔚起。克振家聲。於以光大於公之門者。正自不愆。惜公未見其成。而享其全耳。嗚呼。公壽考在一身。福澤在後嗣。濟三事而列五鼎。傾州里而振宗祏。天之

報施善人者。其信然矣。予與蕃侯舊有婚媾之議。而嗣孫蚤夭。秦晉未諧。幸得與蕃侯生同里。長同遊。老同氣。誼乃得親炙公之懿行。而不覺其泣涕之漣漣也。不腆之奠。敬陳几筵。靈其來斯。其有感於吾言。

曾青黎文集

卷十三

五

哭魏叔子友兄文

嗚呼朋友終始之誼。豈易言哉。往弟與凡比鄰而居。十歲為師塾。文章德業。皆吾兄之造就而成者也。弟時席先人庇蔭。賓客輻輳。庭無虛日。而所托以為性命者。恃兄一人。故至有一顰一笑。一言一動。父母妻子所不及知者。兄能知之。記兄復予札云。吾輩德業相勗。無兒女態。豈至誼所結。自有一種貫金石齊生死。不可磨滅處。是兄欲以死友期弟也。而孰知天地變更。流離奔竄。離羣索居。謹言無聞。乃不免為境遇

曾青藜文集

卷十三

四

所奪。世俗所移。以故學日疎。過日積。而交情亦日以見薄也。嗚呼痛哉。弟嘗有詩云。桃李不足論。豈在管與鮑。又云。遂使金石交。反不如年少。蓋自傷于兩人之始合而終乖也。兄豈肯自處於薄哉。亦日夜望于之改過。而終以死友相期許也。比至甲寅。老母之變。弟以烽火阻隔。抱恨終天。雖得於兵燹擾攘之際。匍匐來歸。一裹葬事。而罪已不可贖矣。而弟之見絕於吾兄亦誠不可挽矣。雖然。兄之心又何嘗一日忘弟哉。當弟以喪畢入翠微。相持慟哭。幾至失聲。遂不能

成禮而退。嗣後出門遠遊。兄就別於三墩。勤勤屬弟早歸。勉力修省。以克蓋前愆。每宵不寐。念先人之墳墓。妻子之飢寒。門戶之凋零。未嘗不泣然涕下。而牽於世故。卒不能稍自振拔。以副故人之望。是豈吾兄之欲絕於弟。而弟故自絕於吾兄矣。嗚呼痛哉。去夏兄與躬兄先後同來鄜尉。相繼而病。兄嘗語弟以躬兄年老不歸。恐終為旅人。累而躬兄亦念吾兄肌體。疴羸。不欲其去。昌閣而就揚州。八月兩兄少瘥。而弟亦旋病。自悲夫老之將至。世愈窮而途愈蹙也。楓橋

曾青藜文集

卷十三

四

聯床之夕。酒酣耳熱。慷慨言天下事。弟以愛惜軀命。早圖還山。以待上元。勿徒以貧賤困阨為戚。今言猶在耳。而兄遂不得而見矣。嗚呼。兄與躬兄先後同至鄜尉。復先後同別於楓橋。不三月間。而歸者歸。死者死。使弟焚芻四顧。而無所依也。豈不痛哉。計兄捐館真州。即予發棹西冷之日。雖兒輩歸裝未束。經營拮据。心血為枯。而讎設寢處。猶自若也。古人有臨終而見夢於數千里之外者。今大江南北。所隔止此一水。乃何以音問杳然。竟至越歸入門之頃。而始聞吾

兄之計也。豈兄之不以死友相許而精誠遂不能感
召乎。抑弟之不能改過而果見絕於吾兄乎。嗚呼。吾
兄往矣。兄之氣節貫日月。文章垂天壤。雖經綸才畧
未得稍展。其生平而天下後世孰不知。寧都有魏叔
子其人者。吾兄其可以無憾矣乎。而吾獨不禁聞計
而神傷者。蓋以弟年日衰。志日下。後雖有過而不自
知。知之而不能改。改之而不能似。吾兄之全始而全
終也。豈不痛哉。

曾青藜文集

卷十三

兄

祭徐楨起文

嗚呼。富貴壽考命也。文章聲名亦命也。然命之權存
乎天。而其所以處命者操乎我。古之至人不與天地
爭氣數。而與萬世爭生平。豈非命不可強。理有足恃
歟。吾友徐君楨起。負俊偉之才。工帖括。少時即能驚
其長老。與令弟綬。祉。齊名當世。初為錢吉士所識。復
受知於文肅公。再見知於錢虞山。宗伯。海內之人
無不欲折節爭交。問字。履相錯也。國變後。棄諸
生。絕意進取。編集秦漢六朝唐宋諸大家詩古文。鑽

曾青藜文集

卷十三

祭

研揣摩。雖執不肯休。丁未予同吾兄庭聞遊吳門。得
交君於吳趨二株園。君時年五十餘。予亦四十有三。
激昂慷慨。淵淵出金石聲。迨甲寅乙卯。四方鼎沸。予
奔走衣食。日有患難。死亡之憂。遂避地居大湖濱。不
得與君抵掌論文。如曩時。先民有言曰。人生有三不
朽。立德立功立言。君生當末造。竄伏於山。築水。滋間。
其不欲以功著也。明甚。而性至孝。事曾大母。不以存
亡遠近易其心。時綬祉諸仲季。比年病殞。無以娛親。
膝下歡。日召里中故舊。為耆英會。家貧教授湖口。所

得束脯皆以供甘旨。即嫂夫人病亦未嘗以饋肉進也。君游覽經史家無藏書常於友人借抄快讀編蒲緝柳日夕無間。故著述不下十萬餘言。詩導三唐復能出入於漢魏六朝。諸樂府奇崛排奐如周呂商彝不可窮詰。君之立德立言固已昭日星而重河嶽矣。予聞之世所謂天下士者或以孝或以才或以廉節有一於此皆可以化行天下。君乃兼而有之宜乎富貴壽考文章聲名之彌久而彌篤也。嗚呼孰謂君溘然而長逝耶。雖古稀之年人所罕有立雪之迹門庭曾青藜文集 卷十三 五

先大母陳氏太安人行狀

先大母太安人姓陳氏。大父職方公諱建勳繼室也。先是大父副室劉生子應遠及四年生先大夫應遠。初大父善病以購藥千金產日落大母躬執湯爨自食糜以率家人。故業復振先大夫十二歲而孤宗黨中或以爭貲構二孤者。大母盡推與之鞠先伯父如已出遣先大夫執贄楊一水先生門。饌必豐謹曰欲子賢安不重師。先大夫補縣諸生嘗讀書蓮華山以亡酒夜半歸大母怒曰汝父遺我以孤我屈辱十餘年正望汝成立如此我將安托痛哭不止先大夫亦痛哭請受杖自後遂不復飲雖強飲不至醉也。自崇禎甲戌成進士至壬午督江粵餉尊養始益備大母率如諸生時食必設菜羹相服必布曰毋忘貧賤嘗戒子孫盛榮者哀辱之梯謹猶懼墮况驕且奢乎。有間道微時事不置家人軌法雖小故教子孫勿赦親戚賢不肖皆先識之使諸孫擇所任諸孫有小故輒然不食至終日南都之變先大夫遷家贛州為亂民燒燬焚杼家人或怨先大母曰未始非福返寧都

賴城不五月果失守。先大夫既即世，竅伏山谷，家益落。大母復茹蔬飲糜，不以盛衰為戚。督諸婢勤績紡，諸孫請休，輒曰：吾平生操作樂如是，且汝輩生理幾盡，恐溘逝，貽汝憂也。大母故有胸中氣，丁酉六月疾漸革，延醫近，箚視內面語諸孫曰：吾婦人也，毋使醫就我，箚言畢而逝。嗚呼痛哉！大母考希深，妣賴氏，南闕人。年二十歸，大父以先大父累封太安人，生大明隆慶己巳年五月二十二日辰時歿。順治丁酉年六月初九日申時享年八十有九，殯萬斛里屏風嶺祖。

曾青藜文集

卷十三

三

旁之原伯父應遠貢生，生子男傳璋、玳、玳女適歲貢生蘇衡，傷邑庠生王錫溫，應明先大夫應遠甲戌進士官兵部右侍郎兼都察院右僉都御史，生子男傳燈、燦、煌、煜、輝、焰，長女適太常寺少卿盧達，孫選貢生第，諸女適魏際世、溫應嵩、楊長肱，孫傳璋、庠生，生子日成、燈、易、名、晚，甲午舉人，生子男徽、倣，女適鎮國將軍甲子舉人朱由撰，男之璐，燦兵部職方司主事，生子侃、煌、貢生，生子男倣、倫、女一煜、廩生，以燈次子倣為後，輝、庠生，生女一焰，庠生，生子倣、曾孫倣、庠生，燦

不幸先大夫早捐館舍，兄晚遊四方，而諸弟時皆尚幼，燦奉先大母起居十餘年，故悉先大母事於諸孫，為詳編次大畧，語不能文，敢求大君子賜之表章，不孝諸孫叩恩世。

曾青藜文集

卷十三

五

文學生伯呂公墓誌銘

公諱時泰字生伯。姓呂氏。為文穆公蒙正後裔。元時從河南遷寧國府。至明嘉靖間。某部侍郎某公遷歙。再徙縣之某鄉。聚族而居。故公為歙之呂川人。自文穆公而後。代有文名。至侍郎公而族始大。曾祖諱某。祖諱某。父諱某。字心所。皆不仕。妣鄭氏。公生而穎異。博覽羣書。不屑屑於帖括。而留心性理。經濟為有用。實學年弱冠。補弟子員。嘗與金公聲讀書林塘。慨然以天下為己任。時國家多故。中外交訐。汀州縣既多叛。曾青藜文集 卷十三

五

降一時。在事諸臣畏難却避。至有視君親為秦越人者。公所言皆出處死生大節。凜凜有泰山喬嶽之氣。聞者聳聽。莫不謂忠孝皆可自致。金公在講幄時。每思公言。輒自砥礪。不少懈。而吳公廷簡。凌公世韻。江公文乙。王公澄雅。慕公日夕過從。往往以身心性命相切劘。同在譙談游處。必正謀危坐。雖盛暑不御箑。進退未克肅如也。凌公嘗語人曰。生伯天爵甚優。學復造極。一言一動。皆動手聖賢軌。則使人可親而不可褻。故公名日起。大江南北之士。爭卑禮厚幣。延公

為師。自公祖父以來。好行其德。家為之落。公得束脯。輒以奉心所。公甘旨而歲以其餘。賙給鄉里之窮。而無告者。鄉之遠近。曲直咸質成於公。公剖析解紛。悉中肯綮。又或以爭財成訟。至有經年不結。得公輒捐金與之。訟者皆感泣而去。歲乙酉。南都告潰。金公以儒臣不諳武備。倡義徽饒間。兵皆新合。多不戰。公語金公曰。國破君亡。人臣以身殉宜也。奈何踈躪鄉間。乎。且兵不戢。將自焚。越數月。金公果以兵敗被獲。某月身死。公遂憤懣不食。逾金公之死某月日而卒。嗚呼。公之成仁取義。不肯自食其言。雖其天性固爾。亦平日學問切嗟之功。為有在也。公生萬曆乙亥年某月某日。享年四十有七。元配朱氏。系出紫陽。父某。世居寶村。孺人年二十歸公。逮事姑嫜。以孝聞。家貧。嘗手自操作。察綫以資不足。公歲除。必以餘蓄周貧乏。或不給孺人佐。以蓍珥俾無闕。公歿。訓諸子。或學或賈。皆成令器。家政瑣屑。舉無一事之不經。區畫者。以是家日饒。而名日顯也。孺人生萬曆戊戌年某月日。時享年八十有四。後公三十七年。至辛酉某月日。

卷十三

五

卒擇今某月日合葬於某鄉祖壠之傍生丈夫子七人應暉應昇應勗應昌應昉應巖應隨孫人曾孫人某旅食兵門交公之子應昉孫士鶴士鶴得公遺行而又見高士王良所作公傳因知公氣節最詳公家世以文章著故其子孫能讀祖父遺書而士鶴士鶴尤以制藝詩歌見稱於世嗚呼以公之才之學卒不得取高第為朝廷效尺寸之功而僅僅與二三同志發明忠孝大義至不肯以一髮易千秋者宜乎後之人之隆隆而未有艾也今十一月士鶴從長安曾青藜文集 卷十三

歸再拜奉公暨孺人狀請銘某方采輯忠孝軼事備載野乘豈敢以不文辭乃遂為之銘曰
陵谷變遷陰陽剝蝕人心淪亡不知紀極維公經術有蘊無施維公氣節言發身隨金石可穿江流可轉山尚可移志不可挽大隱不巖元迹不標晦德韜光迅若風颺公以死著母以生顯三十七年乃同公室孫子繩繩既富且賢高揭馬鬣千秋弗愆

程府君暨吳孺人墓誌銘代

康熙二十四年某月休寧程某奉其先考某先妣吳孺人合窆於某處予舊官江北按察徽隸皖治其風土人物請父老有能言者故知程氏獨詳誌曰惟程氏得姓最遠自重黎以來至東晉忠佑公出守新安有德功於民遂家歛之篁墩十三世至忠壯公五代時墮蜃禦寇土人賴之忠壯公有子忠讓公嗣休先烈致身殉國歷宋^明三公皆有封爵勅祀建廟春秋致祭不絕又三十七世至宣議敦臨公從篁墩來遷曾青藜文集 卷十三

率口懷仁秉義施惠鄉邦而程氏之族遂甲徽郡後之人或仕或隱守能繩其祖武振其家聲以昌大其族具載家乘中翁諱某字某徽州休寧人曾祖諱某曾祖妣某氏祖諱某祖妣某氏父諱某字某妣某氏翁為人和藹樂易不立崖岸喜讀書所交皆當代名士營營別業於古率之東交游酬酢無虛日家貧鄉曲中有以財產構訟者經營排解損已素不惜或息難相告貸雖極困弗辭詩曰凡民有喪匍匐救之惟翁有焉古城橋傾圮翁捐金首倡建橋而人不病涉

續溪為蕪闕孔道。山險峻難行。翁名僧勸募。竟成康莊。常於續溪道上拾遺金。待其人還之。寡人有不能養其子者。常棄諸路。翁倡同志募乳母哺之。如今育嬰堂焉。翁之損已以益人者。不一而足。資不賒而勉為善。雖天性使然。亦悲乎世道凌夷。救隣睦族之風。固未概見於今日也。而翁之孝友篤於至性。少孤不能逮事其公。而生忌之辰。必白衣冠蔬食設奠。竟日戚戚寡言笑。居嘗或食而甘。必念曰。吾父當日之或未嘗也。或製新衣而美。必念曰。吾父當日之或未服。

曾青藜文集

卷十三

七

此也。每於兄弟朋友讌而樂。必念曰。吾父當日之或游而飲。飲而必樂否也。伯兄某之嗣樂其長子某。翁違例即以繼之。而凡衣食教誨婚娶之事。則又翁代為經畫。不以煩伯氏。嗚呼。自大道衰而天性泯。沒至有生而視同氣。如秦越人者。况於親死而久。兄絕而貧。而能哀慕憂戚。若將忘其為一身焉者。此其人非古所謂仁人君子耶。孺人吳氏自十八歲歸翁。貞靜恭謹。數十年如一日。翁交游日盛。問字之車跡常滿戶庭。而家無餘財。不足以供賓客。孺人日夕操作以

紡績泝澣。統為務。其精饌必客盡。懽而後已。翁得羸疾。臥床將半載。孺人衣不解帶。飲食藥餌皆親為手進。至延醫不效。則私割股以餌翁。而翁卒不起。孺人不食數日。其如語之曰。請孤未立。先人之志未泯也。死節何如。扶孤之為大孺人。於是勉食粥。比長子出繼而歿。孺人哭之慟。而疾作。將革。戒其仲子曰。汝父賈志而歿。不能見汝成立。吾又死。汝將誰託。汝父有三事。死不能瞑。率東別業為游息之地。不可令墻宇傾頽也。本支子姓。式好無尤。不可使外侮侵凌也。密

曾青藜文集

卷十三

七

山為汝族屏障。松柏皆先人手植。不可致他人損傷也。汝其誌之。弗忘。言畢而終。嗚呼。若孺人者。可謂能知大體矣。今季子泰。不忘母訓。卒能修積著之業。家日以饒。而歲當丙辰。率東災於火。別業為墟。泰葺其垣宇。請於官表其廬。曰名賢舊里。從兄爾誠。病將死富而無子。族人覬覦其產。構訟不已。泰以獨力爭之。卒無恙。密山林木皆泰躬自培植。至今鬱鬱蔥蔥。為一方巨觀焉。而泰子某能文章。為諸生有聲。以繼翁未竟之業。翁與孺人其可以不死矣。翁生萬曆某年。

月日歿於某年月日孺人生於某年月日歿於某年
月日生丈夫子三人長某繼伯兄某娶某氏次娶某
某氏俱無嗣季即泰也娶某氏生子某娶某氏生子
某某銘曰

程子之族肇自重黎得姓既遠考古莫稽赫赫忠佑
自他有耀來守新安豈墩是造爰有世德乃啟敦臨
再遷率口如總如林或仕於朝或隱於賈族大而振
翁能繩武惟翁克孝久而不忘惟翁能弟絕而有光
惟翁扶危急人於難惟翁好施澤物無算孺人遺訓

曾青蔡文集 卷十三

三

奠安貞魄

歲貢生廣則溫公墓誌銘

丙寅之冬邱子而康介溫氏之孤啟振啟拔為其先
人來請銘邱子曰溫君吾患難交也吾內子為其母
姨歲丙戌辟亂釣豐兵猝至吾內子指其子以屬溫
君奔走山崖險嶽間累數日吾之子得有今日長子
孫溫君之賜也吾其忍以生死負患難之交乎敢以
墓銘屬子予念與溫君生同天啟乙丑交垂數十年
又常與之飲酒知其為人君諱先程字廣則別號士
素其先浙之某縣人始祖訓來令吾邑遂家焉曾祖

曾青蔡文集

卷十三

三

觀瀾歲貢士親沒廬墓三年有司旌表其門具載縣
志祖其書父同享俱邑諸生君為人外寬而內介與
人交久而彌篤性喜飲酒每飲酒必露醉醉則隱几
而卧或嫚罵人然為人經師坐函丈中則累月滴酒
不入口適外飲酒爛漫如故常敝衣垢冠日處軒冕
之側不為恥少工制舉業善小楷受知於督學侯廣
成先生其孝於親友於兄弟終身如一日方贛州新
破學使者按冊督應試有不赴者繩以法君欲棄諸
生父曰吾老矣門祚將衰汝為冢子豈得辭君於是

勉就試。試輒冠軍。餽於庠。聲名籍甚。遊其門者多佳士。而弟子日益衆。吾邑中之能誘掖人才。敦崇師範者。莫過君若也。十就鄉試。皆不售。君憤懣益混於酒。每造于廬。必索飲。令釘盞脯佐酒。夏日索買鮮菱。獨嚼畢。又向于索。或少陳肴核。輒攢眉揮之去。從旦飲至夜。不極醉不止。僮僕雖訕笑之。弗顧。然亦以此致疾。疾猶強。趣飲。或有勸止之者。曰。汝不識酒中趣也。嗚呼。君之以酒終其天年。豈得已哉。君家貧。無負郭之田。歲以教授得脩脯。以養其親。而出必告。反必面。

曾青藜文集

卷十三

三

飲食必恭敬。常夜半醉歸。亦必至床前定省。而後即安。又教其弟成立。且為之完婚。娶行若尋常事。君自為諸生。至入貢。恆自守。無干請字。赴公門。至大義所在。則力持之。不少屈也。君生天啟乙丑年。九月十八日未時。當甲子春。母夫人得重病。君泣禱曰。願損已壽。以益母。今君歿於丙寅二月十八日亥時。而母夫人至九月亦卒。則君之誠孝。相感通於一死見之矣。君娶蔡氏。文學皇詔長女。生子二人。長啟振。娶曹氏。次啟梭。娶曾氏。孫男四人。維明。維類。某出。維長。維周。

某出。茲擇丁卯年某月日。卜塋於某鄉某里某山向之原。君病將革。呼其子振。挾曰。吾門人彭長元。素抗直。可托。而康先生古君子。與吾同患難。汝當謹事之。蓋邱君與君亦乙丑齊年。而君以母姨故。嘗謙下之。銘曰。


漆園史言。得全於天。得全於酒。君既全酒。天全自有。墜車不傷。死亦不朽。銘諸貞珉。垂以永久。

曾青藜文集

卷十三

四

六松堂尺牘卷十四



答劉石潭

違教以來寄居蕭寺日雖不乏登眺而松風竹響時
助人哀過客久稀老僧高卧樵蘇不費負暄而已

與錢馭少

與兄別三年窮賤之况皆同不審比來度日差強人
意江南風景如何春去秋來鳴鳥不止湛湛青楓又
曾青蔡尺牘 卷十四

將零落人生百年無幾安能鬱鬱處此數年困於江
湖即衣食一節仰面乞哀幾非人類邗江蕭寺與吾
兄擁燈求酒不得時今念之正如痛定人思痛弟今
春於西郊築一小莊督無戈輩耕鋤自活時倚六松
下邀隣人酌酒聽松聲謾謾如坐空山中但恨馭少
遠我也

與謝秋水

小价歸得接手教悽悽懇懇使人慚愧不能已數時
以來所遇益多窘無論衣食苦其形骸即話言出入

閒心志煩惑皆有日暮途窮之感饑寒愁於外胸臆

營於內人生幾何堪此荼毒然思內省不疚即所謂

居易俟命也某得罪於天何敢怨乎某力餒才短如

風中之葉水上之萍飄搖汎溢不能自提所以見道

而不能行知親近大君子而不能勇於為善嘗竊自

思以為將見絕於子輿氏之凡民大抵人之才品各

有分量聖門四科德行其一倘欲騁駑馬而追騏驎

責跛龍而登崑崙吾知其不及而至於蹶也必矣莊

生曰覆杯水於坳堂之上則芥為之舟置杯焉則膠

曾青蔡尺牘

卷十四

此言雖小可以喻大今先生以聖賢日用之理勗我

某雖至愚何敢自寬然或得此而失彼或盡內而忘

外或見美而遷或好名而動或遇不平而瞋目語難

或感時憤鬱若有不得其生凡此皆某受病之至深

也夫不能忍於須臾則學力不堅學力不堅則持心

不固豈其之才果有及有不及天固已限之與先生

得無以驚馬跛龍而咲我也

是所望於有道仁人而

拯之耳十月中同舍弟畢媿貴鄉尚有兩月快聚得
親承提誨幸矣但恐病中膏肓又非鑿石橋引之所

能療先生其望我而走乎則其將奈何

與周計百

某姓名爰書伏承先生解網過惡拔汚泥而登青天使先大夫家聲賴以不墜感激之私所謂起死人而肉白骨茂過之矣日者薄遊石城荷令公奉宣德教于惠不怠又仰承旁旨被某以殊禮初不過為二到山澤之游不謂竟以釜庾累高密遂使毋囊可尸婦禪無歎一閔一微皆戴高厚清夜捫心慚懼交并伏惟今世士大夫號稱下士能緩急人者類多吹律於

曾青藜尺牘

卷十四

三

賜土揚埃於順風若落宕不得志之人雖有如昌黎所云生死呼號去水不過尺寸而充耳不聞過之弗顧者比比然也其上不過賜之口惠被之容接遂謂噓枯吹生足與三君八顧照耀千古安有如先生於其既保養其廉恥又顧復其身家為說者所稱恆惠乎昔張壯武見人一善咨嗟太息千載下頌好士者必推茂先而晏大夫解駮以脫越石猶有知己無禮之嘆先生以當厄之施解傷心之怨名實兼至恩禮並隆固已高出乎平仲茂先數等夫壺飡之微二士

猶以死效中山某之銜職何可譬喻耶歸後便適石城遂爾淹滯復聞駕入會城裁謝稽延

秋闈司衡獲主歐陸固知湖嶺之鄉異寶當燦而桃李甄植家族子與焉則匪第國華實為家瑞於某之私欣荷為何如耶某還山抱疴痔在館已閱數月主人甚瘠客竄終不肯去子瞻之言今猶未驗而又復為宵小所侮雀鼠見欺草野之名橫入案牘意者雷頤雖澹澤怨難懲縱疽不發背而瘡自縮腸耳

曾青藜尺牘

卷十四

四

路不克追隨杖履採毛薦芹以為巖穴光佳集難再悵惘何似仙舟長發雖得與送江皋而新漲水疾石尤無情杯酒清言遂越數千里所謂伊人在水一方即欲溯洄以從安可得哉分手登車黯然涕下矣石鼓分韻詩草草脫稿固知千年斧鑿從此一新不待野人之頌祝然得附名驥尾以垂永久其光寵當何如耶

蔡竹濤兄以豪宕之姿挾凌雲之筆欲渡滄泡上呂梁觀龍門禹鑿處足跡所至長安公卿爭為揄揚合

肥先生亦走函於貴屬。文城道出貴治。以先生為海內君宗。兼復有一日之雅。特修晉謁。素積之暇。與之曠覽風土。登高作賦。擊筑而歌。烏烏。洵足樂也。某固知一孔之颺。何足為大鵬鼓翼。但以先生緇衣好士之懷。必不惜釜庾以惠于然耳。如何如何。

與門人龔邁種

門下以令資產於德門。如藍田之生美玉。然圭璋之器。必賴磨礱。故少年子弟。不可自恃家世。而廢學業也。為名公卿子孫。欲立身揚名。最易亦最難。蓋因勢。曾青藜尺牘 卷十四 五

與侃兒

汝年漸長。今冬便欲娶婦。百宜老成歷鍊。撐持門戶。以紓我內顧憂。而其要在於立志作人。努力讀書。八字。作人讀書。又在於取友。取友又在於受善。我一舉一動。朋友肯來規切於我。此便是良友。我即當與之。

交我一舉一動。朋友不但不規切於我。且日誘我為不善。此便是匪友。我即當遠之避之。我十二歲時。即與汝外舅魏叔子先生為垂髫之交。我時為貴介公子。左右之人。孰不趨踰奉承。而我稍有過舉。汝外舅即正色規切之。或眾人廣坐中。直言無諱。我斂容而退。此固我受善之難。亦汝外舅不以庸人待我也。汝當思人來攻我之短。苟非十分關切者。孰肯觸人之怒。取人之忌。以自蹈憎惡哉。吾邑中少年謹勅者固多。而浮薄者亦不少。兒但以我之所言。繩人求友。便自得之。易堂諸先生。與我為異姓骨肉。文章學問。無一不可師資。兒但能時時過從。日聞嘉言。便有長益。何須更向他處覓友乎。至於讀書一節。尤宜大加發憤。要思我不讀書。更有何事可為。况父兄不可長恃。鄉國不可長保。萬一有意外之虞。我能識得數字。大則顯親揚名。為不朽事業。小亦可供人筆墨。覓衣食。以養妻子。且魏為魏氏之婿。彼一家兄弟親戚。無一不通經史。實學者。汝躬身其間。所問非所。對能不愧。恥。今汝無衣食之憂。又無外侮之入。不趁此時底。陰

曾青藜尺牘

卷十四

六

之下埋頭三年。下惟攻苦。更待何時。我此番解債之後。倘有餘資。上可供菽水。下可充衣食。我便欲將家還汝。不能復為兒女作牛馬也。我年未過五十。至今鬚鬢已白。其半蓋我心已枯。服勞不得。正欲望汝兄弟成人。以終我天年耳。猛省。

與梁藥亭

吳門邂逅。自春徂秋。嘯傲山水之懷。流連詩酒之樂。平生與會。于斯為最。所苦捉襟露肘。各在窮途。好景難逢。良辰易度。為可嘆耳。夫皮朽者毛落。川涸者魚。曾青黎尺牘。卷十四

遊。雖限於自然之數。亦足恨其寥落也。念先生解維。正當炎夏。流金燦石之日。短蓬局促。何以為懷。屈指踰嶺之期。將及仲秋之月。丹荔過時。黃橙正實。知久客初歸。綦帷相對。夜闌秉燭。恍如夢中。較大堤女兒。不知作幾許溫存矣。家園之樂。自屬天然。苟屬有情。何能遣此弟送別後。無日不圖歸里。而長貧如故。晨炊屢斷。復為瘡痍所苦。卧榻兩月。憔悴枯槁。日與死鄰。如此景况。言之酸心。况身履其境乎。思先生燕居家園中。奚啻天壤。有客朱悔人。從楚中來。亦為撫軍。

上賓。坐此半載。僅得三十白銀。弟為設法。薦之丁方伯。方得一理行裝。又為顧迂客。那移四十金。乃能長發。念先生客吳門。何以計不出此。悔人意氣超邁。綽有楚風。詩亦自成一家言。但微有宋氣。不及藥亭適逸。有一唱三歎之致。一年之中。得與楚粵兩君子唱和。頗不索寞。何時再聚一堂。飲酒賦詩。致足樂也。比來每飲必分韻。投贈必屬和。自秋至今。各體不下數十首。恨與藥亭相聚時。了無贈答。實悵悵耳。弟年漸向衰。過此一往。何可攀援。古人云。良辰難再得。良有曾青黎尺牘。卷一四

與陳元孝

乙卯奔喪返里。得荷垂唁。當兵火騷擾之候。估客甚稀。故未奉答。嗣是復出里門。僑吳閩者十稔于茲。雖

估船上下往來不絕而依人餬口寓若置郵契濶之懷惟有心照先生高卧家園讀書懷古何減羲皇上人兼聞復擅計然之術家有餘財不致俯仰失所尤為吾黨之所矜重我輩逐名者多而治生者寡程山易堂諸子較之北田諸君又十倍蓰矣弟老而無成終年困頓思欲為買山杜門之計如跛鼈之登崑崙何日乃遂明春將謀長安之行擇一善幕方可完兒女婚嫁倘機緣得偶再入嶺南與諸君子為文酒之會豈不大愉快事然不敢必也弟年已向衰雖老

曾青藜尺牘

卷十四

九

騏千里終成虛願時偏上元河清可俟先生膂力方剛弗自頽唐為祝雞收豕之舉是弟所引領而望也

與周姪婿

記江干別時匆匆八九年矣每念骨肉天末音問杳然為之悵結舍姪女幼失壺教所藉姑夫刑于之化內外或無過舉然闕切之心何時已已先兄旅櫬雖歸舍姪輩家業蕭條聞尚未得裏事舍姪女同母之弟尚儼向隨不佞有年近以擇嫻歸里未知成親與否不佞刻下竭蹶謀歸將欲為先兄畢此大事但恐

綿力難勝匹雛一木難支大厦焦心如焚奈何不佞擬於今秋明春遣舍姪來候興居諸所未盡俟其口致不佞老矣不能遠涉長途共圖再聚身後之計不得不望賢姪婿推念一脉大為引手耳言念及此不覺涕零昨從吳門走嘉興奉賀令兄年翁始知賢姪婿已舉佳兒宅相有人深為加額又聞得蔭州缺圭璋令質文重廟廊但首膺民社責望非輕起瘡痍而躋枉席者端於今日是賴不佞拭目以觀厥成而已

與丁泰巖

曾青藜尺牘

卷十四

十

日內兩叩戰門俱未得一覲顏色徘徊瞻望悵結難名榮發在過即日侍左右猶未得愜依戀之私况睽違至一月之久乎某流離瑣尾七載於茲每念飢寒薦臻幾填溝壑而清波忽及涸澍頓蘇雖蟻蟻無知豈敢自托於天池之怪物然哀鳴呼號已常為大人君子之舉手而投足今一旦去慈母之懷其生之死之哀之憐之誰復有過而問焉者此昌黎所以有窮餓水火之呼欲求可救之道於當時之宰相也某之飢寒困頓百倍於昌黎閣下民胞物與之懷又非當

日時相所可比豈無可救之道以全其生者乎昔李義山受知杜祁公作五言述德行情詩四十韵其不自揣同朱悔人各次原韵一章固知其才不逮義山而閣下之虛懷愛士過祁公遠甚謹先錄正截室中有并謬祈直教之得備於他日采風者之後某竊與有榮施矣

復金曾公

老年病頓奔走為勞乃日苦應酬遂逐於車塵馬足間夜昏眼暗倦極思睡尊函辱賜半月奉答遲遲職

曾青蔡尺牘

卷十四

十一

是之故細閱燕臺近稿及懷蓼軒諸集先生博極羣書於理學經術各有源委辟如神禹治水山川原隰條條井井細至草木一羽一石若主伯之數家器良苦畢知朱晦翁稱曾子固文字源本六經先生足當之矣弟嘗謂為文須切實有用作詩必清真無泛詩以道性情若性情失其真即典雅駢麗不過為優孟衣冠而已弟於過日一選寧取其真無取其泛寧取其寒儉毋取其矜誇寧取其孤高獨取往毋取其意趣雷同往與亡兄庭聞論詩意旨不相符趨向又各

有別蓋亡兄尚聲調而弟取意格意格者詩之骨幹也去骨而肉附其何以立弟嘗謂假漢魏不若真唐人非漢魏之詩不足觀蓋無古人之精神而徒取其字句聲調是刻畫無鹽而益增其醜矣弟生平於詩雖不敢謂自成一家然於古今源流亦稍有所窺丁敬禮謂曹臨淄文之佳惡吾自得之後世誰能知定吾文者先生風雅道立獨步漢南故不覺其語之長所謂言之不慚恃惠子之知我也得毋以弟為狂否

與徐健菴

曾青蔡尺牘

卷十四

十二

辛酉秋曾同做世叔蔡九霞作一畫冊及小檄附長公入部奉祝嵩齡未審得達與籤否疎賤之人不敢頻通左右然自長安來者無不以先生為膺門儉府思欲躡屨來遊而一病蹉跎困於衣食黃金臺畔碣石宮前徒令人可望而不可即也某流寓吳閫十餘年所故山猿鶴日夕笑人即令今日還歸而顛毛已自種種况年一過往何可復追耶古人云客行雖云樂不如早旋歸以某之作客更有何者之為可樂也刻下決理歸棗於次月必發十年鄧尉湖山日在日

前苟屬有情誰能遣此長民舍親去歲以伊弟被誣之故竟至身家不保原其所由責舍親以同室不救之義罪何敢辭若至如道路悠悠之口謂其殺弟以生詐端借屍以行搶奪不獨其可為指天矢日凡在光福之人皆可執而問其有無也舍親生平結客亦欲遊大人以成名負氣好高未免稍立崖岸而好事者遂從而排擠之以致公庭之下不問其事之曲直而反以結納為罪案倘非當事解網之仁幾至投荒萬里衆煦飄山終成灰土良可哀也惟先生哀其情

曾青藜尺牘

卷十四

十三

而諒其衷或於一二同鄉諸公稍為排解舍親有生之日皆先生再造之年叩結自當無涯矣

與姜西溟

玉堂春曉銀管生花先生道德文章與時俱泰弟惟有翹瞻紫氣馳驟風雲而已去冬曾拜一檄附有先君傳誌托舍親某奉候不審何時乃達籤室弟十載未歸舊業荒蕪稍一清理遂費時日但喜椒酒辛盤得與家人婦子挑燈守歲正少陵所謂夜闌更秉燭相對如夢寐者非耶明史告竣在邇向懇先君一傳

諱已脫稿便中幸一郵示寒祠近有修譜之役當載入名篇以光家乘去年入粵一月修當家難倉卒返里遂未入端州謁見制臺昨蒙賜書趨晤復遊嶺南當為先生極力揄揚雖人微言輕不足取重然緇衣之好人皆同更當覓佳覲以報大德也擬歸棹當夏末秋初應從何處奉寄行臺數載經營空付一擲嗟此髮白齒豁之日尚不能息影休陰以樂餘年而顧脂韋躡屨依人餬口可恥孰甚先生其或笑之或憐之否歟縣陳舍親明末與弟同社卓犖有聲乃偃

曾青藜尺牘

卷十四

十四

蹇不過僅膺歲薦入都廷試忻慕龍門敢為介謁知莊惠相逢定成針芥不俟豐干之饒舌也得以先君列傳即附其尚可載入譜內泥首五雲不勝懇祝表令親入都過賴曾惠一札見寄札中述其平反大案俱當情理未脩既省便可以為親友贈此番相見定當為先生資旅食也何如此時知已出都聚首羊城應不遠耳

與李元仲

不通音問二十餘年竊聞先生松柏之質愈老愈勁

深為手頽弟自離家以來終年道路衣食因人忽忽
歲月曾如轉瞬今夏始一歸里每念知交數人落落
如晨星漸次稀少身世之間慚感并至一時莫遣自
顧髮白齒落衰老日甚惟懼手吾輩之速朽無一人
可為後勁撐持者近得閱先生與老書識力堅定
精神強固把筆數百千言惓歎不倦可以徵先生老
而益壯之一端弟年踰六十便已頽唐廢棄如秋落
霜枯不能自振念天意所獨屬必有所獨至故有以
用之必先有以貸之羅結年百一十歲始總理中外
曾青藜尺牘 卷十四 五

勿令入醋嫗手使二百年河山都盡諒先生不以醋
嫗視弟必能慨發使二百年河山深有繫賴也歲晏
饑驅當再入粵所謂老牯曳犁至死莫休始知先生
經營設施小試於一鄉一家者真遠不可及也相去
三百里不得一造隆中抵掌快談聞所未聞真生平
一大缺陷事懷念之私徒付之神交睇盼而已
與丁雁水

治其流離瓊尾十稔於茲自分計拙才疎無容更問
當世仁風所播下訊遠人秦穆駿馬之恩田子老馬
曾青藜尺牘 卷十四 五

三十六曹事有羅結之用天必貸之以百數十年之
壽弟固知天必有所貸於先生也甘子其素為健齋
先生冢子能讀父書卓然自立可謂後起之薦而家
如懸磬饘粥不飽意欲於貴鄉覓一館地可得脯二
十束者以資日給先生視為猶子當不惜引手以甦
轍謝聞篋笥中藏有近數十年死事諸臣傳畧及四
方隱逸著述最多懇令記室錄其全本見擲以吳越
諸友頗欲採訪搜葺成以全書傳之其人詩文可示人
者即欲歸入選本剞劂行世袁中郎與人索文集云

之惠何以當此賴南閩粵孔道山水奧區明公以化
民成俗之心為擊壤鼓腹之治豐功茂績露冕風猷
雙江之民恬衽席而登春臺者當不知凡幾矣忻快
何可名言某寄跡吳下依人餬口偶以寸陰之暇得
誦當時之先生長者言亦既被服明公之文章德業
卓然超羣矣自閩山一出海內爭為奇觀風雅一道
今日稱盛而奏黃鐘大呂於煩手哇聲之日舍此曷
歸蓋尚唐音者取聲調作宋詩者喜酣暢而於古人
意格相去倍蓰明公準古衡今翔風千仞如風之搏

羊角鵬鷗舉水之發崑崙魚龍並逝真洋洋乎其
巨觀矣拙選僅守尺寸而於尊集采錄甚多非敢尊
軒冕而邀聲譽實古人所謂中心好之不啻口出者
明公其信然否茲具一冊呈覽中有偏謬或不自知
惟祈有以教我其自去春以至今日無刻不謀歸里
祇以逋負盈身其中兒女朝夕待炊米珠薪桂之苦
即豐歲尚且不免明公蒞任四載願見之心怒如飢
渴古人有擔簦躡屨訪師友於天末者况故鄉之地
邱隴松楸縈人懷抱某年屆六十首邱之念何日無
曾青藜尺牘 卷十四 七

之明公一披朱君錫堯之函當知某之嚮往矣天之
生人原非無謂某固才德不逮然裁成造就當必有
以用之今某行不足以庇一身名不足以垂後世偃
仰一室塊然獨處無王景玄之獨操而有環堵蕭然
之色無北窓高卧之致而有不得不似隱者之風天
之生人其有謂耶抑無謂耶韓昌黎以易木僕質之
費孜孜汲汲以干時貴一而至再再而至三而某飢
寒薦臻老而多病更有甚於昌黎者若復隱忍不言
是自棄其身矣某於明公雖無言語色笑之親平生

久要之舊而一日之知逾於千載故敢不避造次暴
其所志伏惟明公哀其過而憐其窮俾某得完宿通
挈家返里一展先人之廬墓死且不朽見明公之顏
色亦死且不朽倘機緣不偶坐視其死生存亡而不
之救則信乎命之窮也豚兒尚侃長而失學雖粗通
文墨而實有童心門戶之計實賴撐持今來省吳中
荏苒半載直至歲暮方得言歸其苦可知凡有可為
某地者當令其晉謁面陳區區之私伏祈垂鑒一片
奉將不過欲附寸心於口體拙句六首錄呈扇頭布
曾青藜尺牘 卷十四 七

鼓雷門自知發哂而中懷鬱結非此莫伸統惟叱收
鐵室無任瞻依

寄居吳閫歷有年所思欲望見顏色親承咳唾已覺
此生之不能邁不意道出雙江適遭家難一見握手
恍如故知明公遂肯一力擔當促某入粵及各案蠶
起奔馳歸轅中間謀畫決斷如櫻已懷某之得以無
翼而飛不脛而走者皆明公一舉之賜所謂二天覆
庇大厦幃幪子子孫孫惟有啣結而已獨嘆交道陵
夷今日尤甚常觀古人丹雞白馬之誓即貧賤素交

於乘車戴笠之際不能無彼此危情之慮。明公既已分符秉鉞，坐擁八騶，而某以一介賤士，岸幘快談，甚至不避嫌疑，厝危為安，此情此意，真堪千古較之。晏子脫驂之義，又勝萬萬矣。某自乙卯離家，星霜十度，故鄉風木，觸緒增悲，而世情之荒涼，人情之變幻，真如夏雲奇峰，不可捉摸。是非倒置，黑白混淆，見利雖骨肉視如仇讐，好勝即巧者自比天帝，數月以來，閱歷已徧，愈覺家園之無可戀，而播越他鄉之為安也。近日敝鄉之苦，苦於有田，有田而無租，是無賦也；有曾青藜尺牘 卷十四 九

喋耳。某年踰六十，婚嫁未畢，終年道路，哀老日臻。先君有子六人，今皆支庶繁衍，獨某孫枝未卜，繞膝無成。日者募修譜，系為之愴然。然竊念祭掃有人，門戶可托，擬明春必欲挈家遠徙吳門，以為終焉之計。蓋擇里而居，聖人所重，習俗是遷，賈生所誠。某既自分困約，但得存幼安之志，稍避囂煩，即溘然朝露，使青蠅白鶴，相尋而至，亦不失處士故態。某荷明公下士之意，自抱魯儒之慚，故敢覲縷以報知遇，刻下更擬粵行，因千金山業，為人侵占，稍一清理，得解逋負，便曾青藜尺牘 卷十四 三

五律春回陽和布暖老祖臺化行南國雨澤泥專於以振凋敝而起瘡痍實與造化同其煦嫗矣忻賀何可名言去冬曾具啟事附舍親李都司嗣弼代申謝悃不審何時得達典籤也家難糾纏羈身一載雖得藉雷霆追回贓物而新逋宿債百務紛來兼以十載未歸舊產都廢千金山樹盡為啣蠻盜伐占踞不得不耽延少一清理負喘之虎竟莫敢櫻兒輩既懦弱無能其復拙懶成性乃就兩邑親友中議減價出售旦晚始得收裝入粵窮愁之况即此可知某年已向

曾青藜尺牘

卷十四

三

哀依人謀食誠恐命先犬馬門戶之計四顧無依往者家難之作兩脉以局外之人為鎮弁先繫馬廐蹠天踏地廬舍為漂苟非藉解網之仁幾不免有覆巢之厄念先祖父以詩禮教子孫不再傳而家聲遂墜彌年心結如灼如焚近今兩脉稍收帖括努力進取不知其有成否耶山果林芥用供塵談伏祈莞納

與吳留村

江干拜別歲星七周雖聲跡久疎而嚮往彌切某越在草芥不敢以竿牘自通頃敝年伯湯惕菴先生遠

函見寄迷閣下訊及鄙人比于婁公春色竊慚瑣尾何以當之閣下勲伐在鼎鍾高義在山海海內之士莫不延跂願供掃除矧托一日之雅如某者哉某學識迂疎一生坎壈既無特立之守又乏同氣之援齷齪依人俯身廡下上之不能立身砥行以取富貴下之又不能飽食暖衣以畜妻孥作客三十年而實有不免終日之慮適者甘守窮約枯坐空山并日而炊易衣而出借貸之路已絕典鬻之資復窮無王景玄之獨操而有環堵蕭然之色無北憲高卧之致而有

曾青藜尺牘

卷十四

三

不得不似隱者之風自念兩鬢已班一籌莫展棲遲異地困不得歸故山之猿鶴咲人邱壘之松楸在望人生當此何以為情夫得失有命死生有數存乎天者固不可強若無故而蹈火與水夫蹈水火而不號呼待救者鮮有不死者矣今某之情固如是閣下其置而弗問乎或亦憐而救之乎昌黎有云大江之濱有怪物焉其窮涸不能自致於水不得不借有力者而轉之清波之上某雖不敢自比於怪物然畏死求生乃人之情閣下或不以疎遠而忽之也某比年失

館。逋負盈身。兒女環階。嗷嗷待哺。思欲遠赴嶺南。而此爪咏者。深為可念。特遣長豚尚侃。代叩戰鬥。倘得一縑半菽。以為完逋移家之計。是所至願。否則於江浙之間。有素親信。素好客之當事。望不惜多方吹煦。以插羽翼。然非三百金。斷不能耳。某年已六十日。望里門。如在天上。閣下位極人臣。又當兩粵繁庶之地。稍一舉手。便可起死人。而向白骨。某將引領呼號。以冀閣下之憫。其窮而救之也。萬一以某為不足數。則生之死之。其亦聽之於天而已。爰爰之敬。侑以俚言。

曾青藜尺牘

卷十四

伏惟莞存。不勝觀縷。

海國春回。鴻鈞再造。因知書占大有。得藉天時。實由坐鎮兩藩。咸資駿烈。伊周方召之業。再見於今。當不蔡而可知也。去春得覓一枝。托蔭宸宇。而倏遭家難。星連言歸。遂不及一詣戟門。悉此篋度。願見之懷。與日俱積。前案藉庇。獲結雖荷。各上台主持風化。然登高而呼。業已筋疲力竭。語曰。水不激不能破舟。矢不激不能飲羽。某今日之謂也。去歲訪一二故人於應。惠潮。即趨道端州。望塵而拜。以杼契濶。祇以十載未

歸。舊業蕩盡。稍一清理。遂淹歲時刻。下方圖入粵。又以文衡抵賴。兩豚就試。不得不望其稍有成立。以振哀宗。老姑舐犢。得毋貽笑於長者乎。故縣近因淮鹽之累。閉市半月。當事充耳無聞。不思維挽。昨聞閣下有復廣鹽之疏。敝邑日望魁困。如出湯火。蓋敝邑與粵東止隔一嶺。朝發夕至。而淮鹽則有風波之惡。灘石之險。商人不得不高其價。夫舍近而求遠。舍易而就難。雖至愚者。必不為也。且附近小民。多以食米易鹽。絡繹於道。今悉例為私鹽。置之於法。此輩豈能待

曾青藜尺牘

卷十四

死不救。勢不論為盜賊不止。所以敝鄉報強報竊。而無休日者。職此之故。今改食廣鹽。則小民得以資生。而私販亦可稍杜。廣鹽阻重。而價輕。價輕則民不樂於私販。阻重則糧戶必獲有贏餘。况官有考成。則歲時交際。不致過索於商。商既無大費。則鹽價必亦大減。於昔是一舉而數事可得。已集敝鄉紳士。從長酌議。當有條陳具呈。憲案嗣郵邸中。或附某申請可也。偶因令親之便。敬布私忱。伏惟垂鑒。不盡主臣。領海炎。如坐釜甑。乃蒙台見。再三賜贖。隆重雖曲。

念故人有加無已得毋使當之者有愧乎感謝何可言坐羊城廿餘日因撫軍一呈苦不得當昨曾托左右相通復有重費某赤手空拳進退維谷寄食長壽行李蕭然意欲懇老先生數行於鹽道設法俾某得旦晚解維實所深幸可否惟裁示之啟者寧都商人聞已從梅綠抵肇或由潮至汀或從南雄入贛均望示早奪但汀鹽必須從源頭料理如三河堤一路船戶盜鹽盈千累萬非設法禁止漏卮從何而塞且鹽既出汀州則汀宜立一總埠以便各處興販若止屯曾青藜尺牘 卷十四 五

寧都則瑞石諸縣決不肯舍近而求遠也愚謂寧都須三處設立子埠如固村之埠可通下鄉東山堤通建昌黃陂通撫州各有水路三處食鹽向甚銷去千萬觔所當就近地擇有身家者聽其搬運價廉而阻重其趨之也如歸矣更舟由粵都經過此處必應改行潮鹽若強之食南雄之鹽商人亦未大利且恐有壓買私販之事又不可不善之於早也某俟撫軍一呈稍有著落即買舟望潮而上老先生或不以某為不肯望於七月內寄一確劄到潮以便還歸如過此

期某於九月必往江南就浙幕矣俯乞早賜批示不致兩相耽悞拜德實非淺鮮耳所許葉仲秀子埠不論於寧都會昌隨發一縣生理至於石城斷不敢奉命絲毫皆出臺賜諒不食言并求一諭本商勿令參差致負大德尚此肅布不盡觀縷

臨發時曾拜一檄敬陳敝鄉未銷淮鹽甚悉附李賞功呈覽芻蕘之言得備采擇否某於六月廿六日抵潮適有舍親從寧都來云自二月至今淮鹽僅銷五百包所存之鹽淮商欲交鹽下手發賣每包坐價一曾青藜尺牘 卷十四 五

錢六分審是則每觔已贏二分五厘之數矣又聞各處有司轄令銷鹽幾成揭竿之勢急宜嚴諭閩商不得輕受坐價致悞生理前在廣城閩商曾語某欲以二分一觔坐歸淮鹽某力爭其不可蓋粵鹽以價輕砂大易於流行若一增價處處窒碍恐所得不足償所失也且沿途私販盈千累萬潮鹽竟越建昌至許灣近江撫移文閩撫懸示汀州嚴禁私販總因價值太廉每擔六十六觔僅賣銀四錢二分則每觔止有七厘之價敝鄉亦不過十二文而止則官鹽發一

分四厘恐必不能杜各處私販之弊愚再四籌維私販之人皆挑米至汀發糶者日以千計牙行皆熟識之不如因勢利導令其為我挑鹽每擔照民間腳價二錢則每船亦僅三厘可抵寧都於汀州設一管駁商人發票至界上鹽牙驗明放行其票俱縣商於各縣請印如今納錢糧串票式一存管駁一發挑夫至界上鹽牙填明某日過界驗訖挑夫到縣即將此票繳付本商存案如觀音嶺則通瑞金會昌雩都黃竹嶺則通寧都石城兩界俱有牙行須令贛府或各縣

曹青葵尺牘

卷十四

三

大張告示曉諭則私販不禁而自禁矣今議從汀州挑至石城以小舟駁至瑞金下舡每舡亦須水腳三厘所費亦均而曠日持久且有灘石之險隔手竊取之虞不如以私販之夫挑官商之鹽彼此均有益也否則水陸並行擇費省而利多者以為長遠之計所謂神而明之存乎其人耳但聞贛額編有稅則此處越閩通鹽恐滋多口是在老先生熟籌妥確乃保善令也昨晤林守云潮商屢乞照護往贛未奉鈞諭不敢擅發某亦以汪商未到恐彼處鹽價或有低昂

難於轉易至於運鹽過寧或竟在潮州鹽廠發買或即在汀州盤兌愚謂宜令潮商在汀照鹽商價值另加水脚免發寧都商人更便均望計畫妥當確示可否某俟某商抵潮即同返里中間機宜不能懸斷必須迅發一函致敝鄉

公同酌議庶不致本商掣肘耳更啟事中有不便於各商者祈緘置筭中勿露左右某負性硜硜既荷重托自當不避嫌怨惟老先生諒其無私使某得盡區區稍展心力亦小試報效之一端也某候過八月汪商不至即由汀歸寧矣

曹青葵尺牘

卷十四

元

祈即立賜報章畀入潮府郵同發鋪飛遞以便遵行潮州三奉啟事想呈籤室某於八月從潮返棹次汀州晤雲商人乃知鄉城小販以利歸總商借敝鄉販米換鹽名色煽動紳衿百計阻撓蓋船囤積河下賤價發售今敝鄉私鹽竟賣至每船十二文而汪商坐歸淮鹽雖價稍減於昔仍屬不行且營內緝私紛紛鹽未到埠已即有大富人命一案縣詳已經到府某即往晤縣鎮極陳輿訟萬萬不可已即走札藩令親暨閩商令其往晤贛府力請發詳到院其中小費某

已代為借出，大富合村亦從未議似無他慮事畢即與汪商同往汀州，并至瑞金查明開埠，但敝鄉販米之人若不妥頓，則益必至阻滯，今與汪商議將販米者先在各處子埠報名執票往汀挑鹽，則販米之人既有腳價，可資生理，決不復販私鹽，致干功令，汪商以腳價稍貴，恐有折閱，尚在二三，然私販既絕，鹽價復平，則益可廣通，正可於多中取利，益無論貧富之家，安能食淡，即一縣亦可銷至萬萬觔矣，倘愚言可採，萬惟發示本商，早為料理，更瑞金一埠，既蒙發鹽，

曾青藜尺牘

卷十四

元

本五百石，將來運至瑞金，水脚或其自辦，或仍在餉內扣算，今據汪商則云，本利盡歸公帑，不過代為經營計畫，閱商則云，每觔以一分二三厘完餉，餘在本商銷算，則瑞金一埠似應何途之從，均望批示，瑞金密邇汀州，朝發夕至，所獲蠅頭似覺有限，似與各商妥議奉復，但目下廣鹽俱未到埠，十一月間不知得開張否，請嗣另函再報。

九月內曾奉一檄，道近事甚悉，不審何時乃抵端溪，汪商從汀州歸，其中蘆務大費口舌，有司既不應手，

土穴大肆披猖，私販橫行，官商斂跡，殊可歎也。今各縣鄉村日過私鹽，動以千百計，皆大書官鹽二字，不知司潮鹽者其意何居，同為一家之鹽，而汀自為汀，贛自為贛，又不獨秦越人之視肥瘠而已也。人之趨利如水之走下，官鹽雖不得通，而私販源源絡繹於道，潮商安享其利，贛商坐受其害，雖欲竭蹶奉公，其可得乎。前過汀時，雲商曾出閩商手札云，欲以潮鹽捆載，如南雄式，侵入率都四縣，審是則我特授土穴以私販之名，將見人人皆可執而詐我矣。急宜將潮

曾青藜尺牘

卷十四

辛

鹽過贛設法題明，或一咨部，第云粵東之鹽由梅嶺入贛者，止可達贛縣，粵都興國信豐數處，其率都石城兩縣，灘石既險，私販盛行，必須由汀州入境，乃可無虞。蓋汀州亦食粵鹽，偏近四縣私販之人，朝發夕至，官鹽壅積，實不能銷，商人籲請，殆無虛日。如此題明，則彼此可以通行，汀州各販既不得借題阻撓，即敝鄉之當事亦無由從中牽制，此萬全之上策也。否則令商人具控，閩中督撫直指小販首惡之名，嚴批府鎮協力拘拿，山鬼伎倆，原屬有限，况重以老先生

之威稜為八閩素所瞻仰，詎敢抗逆頑行以自滅其身家乎？總之，敝鄉食汀鹽數百餘年，不但不知有淮鹽，并不知有廣鹽。國家立法之善，原期於順人情而已。所以敝鄉之民聞改食汀鹽之信，舉手加額，某前於途次過挑米往汀之人，詰問私販利息多寡，所趣不過一二錢而止，自願挑運官鹽以甦其困，且紓道與坦途，孰易？夜行與晝行孰便？既無緝獲之虞，又有脚價之利，小民何為而不出此也？則私販既杜，寧都一邑便可銷鹽萬萬觔矣。倘必以咨部具呈為多事，

曾青菴尺牘

卷十四

五

一任汀州小販恣意橫行，私鹽之源不清，則官商徒擁虛名，寧掣回各埠以歸潮商，不另添水脚以滋多費，是某之慘憺懇懇為老先生全始全終之慮，當不待再計而決矣。瑞金一埠葉仲秀病困久辭，今因鹽事未定，尚未獲有其人，但聞既需買鹽，又需完課，則取利無幾，且逼近汀州，私販出沒恐不能少為養廉之計。俟大局一妥，再行躊躇，以報高誼也。大富私鹽一案，府詳發縣業已歸結，其詳悉汪商口致所陳諸務，多不便於各商者，百為秘之。前在瑞州，極陳淮鹽

之不可輕受，不意屬垣於耳，竊傳於淮商，曾與臣聞竟直致贛府，責備切至，望將來札一概留申，庶得以少展犬馬之私，報稱萬一，伏惟鑒其誠而原其心可也。本欲親詣端州，緣十年未歸，烝嘗久闕，冬至已近，不敢不肅將祀典，以盡為人子孫者一日之誠。仁人錫類，知有同心，臨穎曷任惶恐。

日者，盥讀尊選，皆得唐人用意所在，蓋絕句以含渾秀逸為上，如空山發響，流水成文，自有不期然而然之致。此在盛唐亦不多得，至中晚則過於尖刻，惟王

曾青菴尺牘

卷十四

三

建宮詞，當為絕調，其中有不合于尊選者，稍為逸去一二，非敢妄有去取也。太上立德，其次立功立言，閣下之功德固已名于伊管矣，而猶不肯以名山之藏見讓于窮簷韋布之士，方之古人，殆為近之。原稿七册呈上，中間或有異同，并祈教。

兩渡端江，復荷寵過，雖度遠之於王節信，鄭公之於杜少陵，不是過也。老先生虛懷下士，不忘故舊，嘉惠重疊，慰諭再三，臨別之時，猶勤勤以旅人為念，恩賚所被，感極涕零，念某無毫髮之才，又無涓埃之効，敢

累清囊重損多金清夜思之能不愧死廿五日從和

平進發白雲在天龍門不見塊然獨處悵企如何其

老矣歷年負逋未完兒女婚嫁未畢輾轉道路息影

無期初荷高誼畀以瑞金一埠計以歲入之資可供

體粥不意又成虛願自慚薄祐命也何尤故者大富

人命一索向於九月故事中畧陳一二調停消弭頗

竭愚衷當日與汪商酌議小費其值潮陽初歸遂解

三十金屬其追回撫詞因所費有限不敢頻挂齒類

今某囊空如洗所贈二百金止可抵還舍親前項而

曾青葵尺牘 卷十四 三

往來盡費拮据維艱前在賴埠那移汪兆璐埠銀二

十兩又聞汪必遠傳長豚復借十兩以為安家之用

其遠行在即安能更為措遂不得已欲叨光遠願申

求向兩埠開銷在老先生不過為大倉之一粟而在

其得解目下之倒懸是所謂出泥塗而轉清波起死

人而肉白骨者當無踰於此矣汪商現在端州望名

見一問底裏知某不敢以調言奉欺左右也林芥二

瓶即敝鄉易堂中林確齋所製今雖作古人而其後

嗣尚能世其業倘或可用當屬其再覓佳者年年費

供清玩臨發不勝惶恐

與林武林

十年寤寐無刻不馳左右祇以道路既遠鱗羽無期

而其以流離瑣尾之身朝吳暮越不得一申訊候矣

歉耿之懷與日俱積先生德業愈隆聲名愈赫鹿溪

鳳水之區已足徵露冕風猷矣但聞瓜期已過榮擢

之報尚自杳然豈畏壘之民係戀而不可解抑三年

報最人事之未修耶弟比年來奔走衣食家如傳舍

甲子秋間曾一至長安同友人袁公老游官羊城甫

曾青葵尺牘 卷十四 五

及一月忽聞故鄉家難踉蹌而回時值使者在長壽

欲奉故事道此契濶而心結鞅轄紛如亂絲先生得

毋以弟 否敝鄉改食粵鹽瘡痍頓起因銷

引不均特至端州晉謁制臺面陳底裡業蒙俞允今

俟撫軍批呈一發便當從羅浮溯流而上天末故人

得一瞻望顏色如出隔世事若夫檢庫藏以乞謝公

捐金帛以資寒士此在有力者一指顧間當不待水

濱怪物搖尾而乞憐也如何如何

弟於廿六晚登舟次日長發一路藉庇雖道路崎嶇

離石峻嶒而行，行李安穩，布帆無恙，輕舟反溯，弔影徘徊，白雲在天，龍門不見，去者日以遠，親者日以疎，沐浴隆情，浸淫肌骨，竊思弟以駑鈍之才，荷先生不棄，收之誼末，侯生夷門，毛公逆旅，何以過之，向者觴酌流行，哀箏順耳，清風夜起，悲笳獨起，真不知此身之在他鄉也，所恨才非班馬，不能斗酒百篇，以紀盛事耳，自抵里門，公私轆轤，漸無劉穆之之才，而不得不有五官並用之勢，回首作客，韓江時，如在天上，刻下遣舍侄往蘇，筆墨填委，拜惠多金，撒手而盡，今欲整

曾青藜尺牘

卷十四

五

頓益埠，方將另起爐竈，多方幹旋，以仰承制臺膏澤，前次汀州諸小販，以利歸總商，借敝鄉以米換益名色，煽動紳衿，百計阻撓，潮商留弟調理，屬有他務，過歸今圖，再過尚不能行，即此可以知近况已，盧舍親良弼，博通天官，歷數之書，公卿大夫，爭為倒屣，舊與馬鎮臺交好，遠來相依，敝鄉李公祖，特書屬其晉謁，望為推愛，假以霽顏，使得畢其所學，籍是播名海邦，又不獨受九州之被而已也。

羊城得接紫芝，喜逾望外，但復以行李相累，重茲不

安耳，感謝何可名言，江寧朱恆菴年翁，馳名膠庠，歷有年所，近操歧黃之術，來依制臺大廳，令兄朱一老，遨遊於嶺南，當道皆爭為倒屣，茲欲南歸，特持一老諸書，趨道潮陽，以先生為膺門，儉府，欲弟一言為介，知同鄉氣誼，自成水乳，當不煩豐干之饒舌也。

與陳園公

浪跡潮陽，雖得時奉教言，然終未傾筐倒庋，以罄積縷，先生博綜邱索，於上下古今，成敗利鈍，洞若觀火，今介期頤之壽，正衛武進德之時，他日得備顧問，以

曾青藜尺牘

卷十四

五

承天眷，某惟有親執鞭弭，以供驅策而已，某因敝鄉，益務為制臺，撤回於春初，至端州，羈身三月，囊橐蕭然，雖制臺憫念故人，得完埠中費用，而所入不足以償所出，荒時失事，不可名言，古人云：數奇之人，不可與共功名，良然，某抵家，即發吳門之棹，倘機緣不偶，尚須作長安之遊，老年奔馳，猶欲向人覓顏色，真可媿恥，令孫良老，今歲公車，或道出吳門，當向閭門內，萬慶楨牙箸店間，某尚可一圖快晤也，并致不宣。

答王山長

一入海陽，即欲發剡溪之棹，以抒十年寤寐之懷。而諸冗輶，應酬不給，兼以蕭條旅索，舉動維艱，不得不坐此一累。故人咫尺鳳山，遂不能竟詣琴堂，傾筐倒屣。古人千里命駕之誼，謂何先生名著海內，已數十年，意謂必膺金馬玉堂之選，而沉淪下邑，垂翅荒陬。雖長官之酒，番夫之鄉，得因此而顯，然豈先生夙昔所期之志哉？丈夫生七尺軀，要為天地間所不可少之人。今先生貶道自居，海國蒼黔，有更生之望，此亦小試其道，少為造化補缺陷也。先兄於丁巳捐館。

曾青藜尺牘

卷十四

三

通州舍親魏叔子，亦於辛酉卒於儀真旅櫬，久歸墓木已拱，念骨肉凋殘，故交零落，讀角弓伐木之詩，未嘗不潸然涕下也。手書猶勤勤下問，益深人琴之痛矣。澄志曾於武老署中，畧披著述，嗣容篝燈細讀，卒業。吾輩年過六十，祇此文章一事，可以忘年，可以玩世。先生博覽墳索，考古驗今，必有以啟發來茲者。何日得班荆，聞所未聞，以遂生平之願，臨穎主臣。伏承令侄枉顧，備悉先生出處始末，深為扼腕。佳期當隨魅之書，德裕隕鬼才之涕，才人不幸，自古皆然。

當不以佛鬱消磨一生志氣耳。拙選於庚戌館長安時，徵收甚富，餘或在選本，或友人案頭取閱，故所載未備。然有一鱗片羽，可入選者，亦不敢漫置。至於名流，尤不敢忽，亦惟視其得稿之多寡也。如敝鄉徐巨源、陳士業、王于一、諸公，皆與弟舊交，而亦僅存一二。或竟一首未錄，非遺忘也，寔無從索其遺稿耳。世之湮滅不傳者，不知凡幾，而僥倖於傳者，亦不知凡幾。今取唐詩觀之，其所傳者，盡皆科目中人。李杜雖未登制科，亦必見知明皇，然唐書藝文所載，何止千百。

曾青藜尺牘

卷十四

天

十人，而其在耳目間者，亦不過二三而止。傳世蓋若斯之難也。先生固南宮才，方在弱冠，即膺鄉薦，一時名滿天下。知名之士，無不知湘潭之有王山長者。其傳於後世無疑。若弟少時，兩戰棘闈，遂遭鼎革之變，不度時勢，濫竽一官。贛州之役，受知於清江楊相國，自分食人之祿，死人之事，丙戌丁亥之間，幾不免有殺身之禍。出亡在外，累及數年，始究心於性理。左史諸書，篝燈夜讀，亦欲思作天地間奇男子，而衣食亂心，寄人廡下，至今頭白種種，欲求一息之暇而不

可得近以故人之誼。放棹端州。雖得獲有養廉之資。而杯水終難救燎原之勢。碌碌一生。良可嘆也。既又反而思曰。古今如弟者。九牛一毛耳。而顧亦欲與屈賈左馬同事。爭千古乎。張李鷹云。使我有身後名。不如當前一杯酒。古人豈欺我哉。先生以為何如。

潮陽邂逅。喜洽平生。先生德邵望隆。夙期已及。將來為霖為雨。澤被九州。奚啻潮陽一隅。忻逢化日而已。哉。弟托在鄰封。飲聞德政。雖得一觀芝宇。而匆匆行李。遂不及披悃素。以遂濶懷。貽我瑤篇。兼拜嘉惠。懼

曾青藜尺牘

卷一四

三

情推意。迸集一時。感荷非可言喻。佳詩清新俊逸。不減庾鮑風流。諷讀再三。足以永日。俟至吳門。當續入拙選。以光卷帙。啟者潘函觀年翁。文章氣誼。為敝鄉後起之儔。向偶遊嶺南。與葉某為莫逆交。去歲附有尺函於弟。奉達左右。弟又曾函悉函老之為人。今特過貴治。祈推屋烏。一為照拂。仲叔猪肝。子然釜庾。知先生道義。必不肯讓。古人獨為君子也。荒穢附候。不盡觀縷。

與馬乾菴

潮海得上戟門。恭承色笑。林宗槐板之榮。度遠達掖之咏。不足以喻其高致也。老先生以五等封爵之尊。何求而不得。乃眷眷於廢棄之腐儒。解囊分金賦詩贈別。先日既枉車騎。臨期復遣賜茶。繾綣隆情。浸入骨髓。次早解維。長發回首城闕。已在峰巒曲折中。感極涕零。古人豈欺我哉。沿途藉庇。布颿無恙。於九月十四日得抵里門。百務叢勝。日不暇給。制臺鹽墀。雖商人已至。而鹽未到。埠汀州小販。煽動紳衿。百計阻撓。敝鄉亦復有他慮。某近力為調停。尚無頭緒。制臺証

曾青藜尺牘

卷十四

甲

期。恐不能入粵趨賀。奈何。前承屬延博學之士。意中有一二人。俱各他出。頃已作札招致。不知何時乃歸。老先生虛心下士。千里之馬。日當三至。所謂珠玉無經而自走者。以人好之也。某當謹勒心版。緩為延訪。以報殊恩於萬一耳。

春初即欲修械。馳賀萬齡。緣有端州之役。遣發維艱。老先生照耀海疆。坐銷鋒鏑。經文緯武之業。自膺純嘏。以承天庥。某趨道程鄉。返里欲順抵湖陽。一瞻顏色。而羈旅之人。不堪再煩從者。以蹈光遠之誦。高也。

在望。惟有神馳。敵鄉盜務。為制臺撤回瑞金一埠。豈能獨留。半載經營。徒付流水。以是知薄福人之難於消受也。刻下旅裝告匱。囊橐蕭然。勉爾東歸。即當發吳門之棹。從此天南地北。鱗羽差池。不獨明月兩鄉。難以時奉色笑。即往來音問。恐亦不能少遂鄙私耳。某寄情邱壑。忘世已深。祇因逋負未完。婚嫁未畢。不能不倚諸侯食肉。然非某之初志也。茲往西冷。暫依故人劉映老。倘機緣不偶。當復作長安之遊。前途漆漆。不審稅駕何似。向以意中有一二人。可供典籤者。

曾青藜尺牘

卷十四

三

皆未得歸。俟至吳門。廣圖以報臺命。但恐資裝難進。徒使人發望洋之歎。便中再求明示。盧舍親久羈潮陽。托在宇下。想不大至索寞。然亦宜屬其早旋。何如一扇奉寄。令坦。但旅次倉卒。不暇作詩奉贈。令弟暨蒲孫諸年翁。均祈叱致。未另。

與劉映黎

改補。冀或假道吳門。得一仲契。潤之私。初不知其留滯嶺南也。嗣得豚兒家報。乃知於佛山瞻拜牀下。寵過非常。解家分金。情逾骨肉。先生之篤念友生。加惠猶子。感何可言。今五月內。次端州。聞兩浙糧儲之命。從此化行南國。露冕風猷。葛屨履霜之詩。無復興嘆於東人矣。即欲疾趨恭賀。緣敵郡新改粵監。吳制臺屬為料理。不能分身。瞻望南北。兩峰。惟有神悚。弟今年來。流離顛沛之狀。不可殫述。典鬻既盡。稱貸又窮。不得已走京師。圖見一幕。以為衣食之地。適有友人

曾青藜尺牘

卷十四

三

掣選嶺南。因知交秉符在粵者甚多。而尤莫於先生。得伸積縷。故一至佛山。便遣相訊。不意台旌已携家度嶺矣。坐未浹旬。倏有意外之事。家書一日三至。趣弟還里。遂懇辭主人而歸。邱園風景。燕巢已空。廬舍荒涼。不堪觸目。先生寧謂弟有故鄉之樂耶。人生無百年前此者。既坎坷於一過。今當髮白齒豁。而猶奔走道路。向人覓顏色。以求衣食。始念張子臺。不知天地間何者美好之言。真藥石我矣。弟離吳門三載。小兒女浮家此地。飢寒生死。俱不可卜。近因潮州林武

林使人憫念故人窮困，資助經營，今費其半，遺舍種尚儼。至吳安頓，弟俟鹽埠一定，即飛馳西冷，少伸悃。知先生素敦古義，必能如嚴武房瑄之於杜甫，畧其形骸，大加恩惠。弟藉是結廬枕江，縱酒嘯咏，以待此餘年，豈不幸哉！故園首邱，非所望也。舍侄儼，即長先兄庭聞之第三子，雖讀書未就，而樸誠可託。特令其到吳，營置數椽，倘典價不敷，望為設法濟之。其或以抵任未久，拮据孔瘡，亦不敢強也。特先生以友朋為性命，故敢瑣瀆，伏惟原諒。一杯引意，亦欲附姓字。

曾青藜尺牘

卷十四

三

與邱昭衡

前小介入傳，賢侄來借鋪設諸物，此在世俗人所不能免。但今日行徑，須存一不得已之心，要思尊翁少年而棄諸生，與臨終遺命，則今日進學，恐亦非九泉人所快。且自入學，以至作相，豈止地下與百尺樓哉！我自便以為盈滿前途，器量使人已窺見一斑。司馬公入相，家人尚呼之為秀才，是溫公原無一宰相在。

其胸中故家人亦自不覺耳。况尊家貧苦，前聞尊堂之言，聽者悚惕。今終日延賓，日費酒食，何不留以供母，而為此不經之用，竊為賢姪不取也。

與王涓來

長安拜別而後，不獨屢更寒暑，抑且幾歷滄桑，世路風波，人情魑魅，十餘年來，備嘗殆盡。昨得一挹光霽，正恩傾筐倒屣，以快生平，而二豎為虐，氣力莫支，猶以大駕尚有旬日之潦，不意榮發如此之速。塊然獨處，我勞如何，閣下高卧東山，不肯隨波逐流，與時俯仰，真莊生所謂杜德機者，但愚以為東南之民之困於征歛，誅求莫江楚為甚。雖時奉有寬典，其如有司之衷，如充耳何！此非有大吏潔已奉公，以倡率於上，即刀鋸在前，斧鑕在後，終不能出斯民於湯火也。閣下以已飢已溺為心，當必惻然為斯民請命者，其能久耽泉石，往來於雞鳴牛首間，一尋陶通明之故迹乎！其鐘鳴漏盡，萬慮俱休，故里既不能歸，他鄉又無可托，日惟覓升斗以贍妻子，而不可得，况復更有他志哉！每念魏武老驥伏櫪，志在千里之句，恐徒作英

曾青藜尺牘

卷十四

四

雄欺人語耳。閣下以為何如。病頓之餘。筆墨久廢。俚
言二律。敬錄扇頭。請正。自知疥駱駝。而無斌媚。聊供
噴飯而已。因風附候。不盡覲縷。

カニニクハ責

長ト日

ロ

〔清〕衛既齊撰

廉立堂文集十
二卷附一卷

清乾隆刻本

廉立堂文集序

王文簡公云衛中丞既齋字爾錫山西猗氏人醇儒也自翰林檢討起拜山東布政司使廉聲甚著入爲順天府尹擢副都御史出爲貴州巡撫罷歸己卯冬以分理河工入都日在邸中召門生黃編修叔琳講中庸一章二鼓始罷其靜力如此先大夫教授公秉鐸襄垣予年尚幼依倚膝下一日曰吾平陽之猗氏衛中丞實我

朝之純臣君子也王公所云良不誣矣予夙夕記之於懷迨年六十始克睹公詩與文所謂廉立堂者廉立堂文集序

而忻慕之第遺失過多僅有存者倘不編次以傳並此失之豈不可憾哉今摛詩爲二卷奏疏以及雜著爲十卷可以無遺失之憾矣因之有感焉公謂汪子辱菴能學道養其自然之天卽榮瘁殊遭窮達異位一不改其故常由是形之篇翰一皆溫柔敦厚之旨而無事乎感激怨楚之言則汪子於道且有得已卽何但以文人目之哉今中丞公之文章何莫非有道之語言事業何莫非有道之躬行一醇儒之靜力也卽其言而論其集寧有異耶昔震川謂崑山令栗任李王來署惟王侯太和人

而三公皆上黨今太守王公在任又陽曲人而參佐以下大抵皆山西一時之盛非偶然者而繼署縣者周侯又絳州人晉之君子其施于吾民者遠矣我

朝沁澤吳陳兩相國張洎谷衛郇陽兩中丞侍御王誠軒通判程崑崙兩前輩其文章事業炳炳煌煌照耀寰區而澤州田相國田侍郎保德姜侍郎興縣孫相國各有文章聞亦與諸公同惜未之見則晉之人文皆我朝

列聖文治之光華千萬年之盛事殆遠過震川之所云廉立堂文集序

者子是以汲汲欲中丞公之詩文永永流傳不僅爲吾晉之盛事而已文簡公與先大夫之所稱說其在此也夫

乾隆歲次乙未冬月太平後學趙熟典敬題

廉立堂文集

總目

卷一

樂府 十二首

附 二首

古詩 二十一首

卷二

五言律 六十首

五言排律 五首

七言律 四十九首

廉立堂文集總目

卷三

奏疏 五首

官牘 五首

卷四

序 十八首

卷五

序 六首

卷六

序 七首

碑文 一首

卷七

記 八首

卷八

疏引 七首

跋 三首

頌 六首

卷九

書 十五首

卷十

啓 四十一首

廉立堂文集總目

傳 二首

贊 一首

卷十一

墓誌銘 七首

卷十二

祭文 十四首

附

墓誌銘

傳



郇易衛既齊爾錫著



太平趙熟典藥齋啟

樂府

夜坐吟

長夜朔風鳴萬籟聲相答容子有所懷披衣坐寒榻去年此日來長安羊腸催輪道路難天門高高不可陟空庭獨步霜風寒今年出入銅龍署尺五

廉立堂文集卷一 樂府

一

依然隔天路大官空費月俸錢乙夜羸光在何處年光宛轉坐銷沉志士偏傷遲暮心瑤華瓊草徒盈把惆悵天街霰雪深

君子有所思行

黃塵染素衣往來無時歇曉發衝霜風暮歸逐星月紛紛九陌中奔走空皮骨問君成何事坐使神智竭丹青謝聲名竹帛慚功伐嗟彼遊冶子金張誇閭閻連鑣動成羣金鞭競馳突鼻息生虹蜺雀盡爭干謁書生何所為銜悲類石闕糟粕嗟其鋪波泥歎同澗營營隨黃帽勞勞到華髮詎堪當百

鍊砥念營三窟榮華不可恃光陰易淪忽孤松有勁姿寧為眾草沒長嘯歸去來南山採薇蕨

飲馬長城窟行

飲馬長城窟牧馬天山草草黃塞風急窟深朔雪早嚴城傳哀柝荒郊無完堡中夜不能眠却憶故鄉好春雨長桑麻秋風熟稷骨肉但完聚力作無懊惱一從戍長城室家不相保心魂搖蕙旗筋力疲箭筈堂上白髮新閨中紅顏老山田蕪為耕藜藿苦不飽隴雲與塞雁目斷榆關道念此起徬徨使我心如擣邊城鋒鏑地自昔塗肝腦封侯安

廉立堂文集卷一 樂府

二

可期生還以為寶

門有車馬客行

門有車馬客言從遠道來恐是貴游子攬帶更徘徊稚子再三問鄉音似同郡同郡復故人把袂敘殷勤與君覿為別忽復十年久君方宦京華出入傍台斗如何忽稅駕從容就田畝答云性疎放不堪拘組綬勞勞馬蹄閒自覺形容醜榮華與蕤意古來不兼取况乃世變多白衣復蒼狗架上蕙卷書門前五株柳未知冠蓋士至樂有此否感君曠達情濁醪為君傾塵埃自振足所以為豪英東臯

有黍地與子聊耦耕

釣竿行

釣竿嫋嫋滄江頭微波不動江風秋輕絲在波竿
在手漁人澹漠如無求游魚避釣餌中餌一朝帖
尾辭清流身登鼎俎未覺悟不怨香餌怨曲釣嗟
魚一何愚釣者一何巧巧者且勿矜世共爭一飽
舍彼江湖寬局影懸池沼薄祿為弱綸微名為密
藻世網縱恢貪夫豈自保游魚中餌不見餌世
人見餌有誰避人愚那得不如魚自古多求信為
累君不見江潭老龍年壽多嚙精食氣潛江波縱
廉立堂文集卷一 樂府 三

有豫且奈若何

附和詩

潘表

截犀為釣竿沈珠為釣餌莫惜千金珠珠沈白
龍至解一釣竿欲得勁釣絲欲得柔竿勁從人擊
絲柔逐魚遊解二晉網雖云密未若釣竿巧網魚
自言愚竿魚自言飽解三釣魚得百錢釣名得千
春大澤與上虞豈是忘機人解四

猛虎行

猛虎在深林路無行人跡虎亦知畏人人自為避
易解一邑令無苛政負子且渡河仁風能化暴阱罟

何足多解二大人象虎變叱嘯動生風狐兔盡竄伏
齧人亦有功解三

附和詩

潘表

猛虎喑喑潛於巖阿野則有羅虎當奈何解一謂
虎無羽而使牧豕謂虎無角而使將鹿解二鹿豕
善駭震於其威虎雖大仁不耐腹飢解三東西咆
哮風毛土肉行人膽破相戒以目解四帝赫斯怒
爰命獵者猛虎尚可獵者殺我解五有矢如螿有
戟如林不以跡虎而以從禽解六獵人謂謂為虎
傅羽獵人逐逐為虎生角解七帝勿捕虎虎則有
廉立堂文集卷一 樂府 四

巢驅還其巢亦莫敢驕解八百獸之長厥惟麒麟

戢我弓矢安用獵人解九

山人勸酒

桃源返棹後何人識迷津曰予尋仙不辭遠日覺
山水氣相親東拂扶桑西若木飄然倒景絕風塵
不知此生何年始但見浮邱洪崖與我鄰與我鄰
呼我飲醉卧銀漢支機石寒被員嶠水蠶錦俯視
塵寰隔烟霧惻然欲指蓬萊路叔卿不惜到人間
如何頓使默然去乃知漢武非仙才方士拜爵空
相誤

從軍行

秋高木落塞雲黃戰馬哀鳴沙草傍漢兵四出連營幕黯黯殺氣凌穹蒼彎弓月影醉芒急揮劍星文出匣光三軍奮呼天山動萬騎奔騰海波揚可憐烽火猶未息奔鯨擊齒何猖狂戊戌年秋榛莽將軍幾時掃機槍矛端生火識兵氣笛裏落梅憶故鄉晨炊不飽金刁斗夜火猶寒鏡袖襟閣中少婦長搗練萬里征夫歎無裳尺素裁成欲相訊雁門安得鳥來翔

採蓮曲

康立堂文集卷十樂府

五

江南蓮花香滿谷佳人競唱採蓮曲七月七日採蓮花亭亭山水奪朝霞八月八日採蓮根暗腕長消碧玉痕九月九日採蓮實笑捧綠房子盈室蕩金漿寒綉裙香風襲夕陽曬沙岸鳧鷖起花叢笑語聞圓葉為杯青荷箭半醉玉顏花映紅素手攬莖枝帶雨纖腰束練舞迎風中流小楫自容與青烟密葉迷江浦拂菱菱疑鏡牽絲絲作縷鏡憐孤影寒縷結同心歡却歎妾生不如花並蒂獨宿空房夜色闌

短歌詠楊烈婦

亦知伉儷恩相報豈必死堂上姑有兒閨中妾無

子同歸况復夫有言黃泉相見何所難寧為華山

幾邊連理樹不作懷清臺上之孤鶯東流之來西

流疾人生去就只旦夕一斛淚珠三寸絲百年志

願從此畢君不見大冠修劍空嗟峨臨事宛轉何

其多

瘞馬行

塞上秋高正肥馬爾獨敝惟埋中野沙場非爾老

盡力修短於物不容假徘徊且復一愴然此是

天閑特賜者憶昨賜出承明殿霜蹄切玉日似

康立堂文集卷一樂府

六

電未必雄姿真騏驥足使人間騏驥賤萬里隨我

到黔中胡為萎落先集霰瘞爾骨於郊之東珍重

不與凡馬同柳阮舊是養龍地晦冥雲霧神異通

嗚呼晦冥雲霧神異通

又瘞馬嘆

此馬由來出內廐飾珊瑚勒縵繡曾蒙

至尊顧盼光自是凡軀不可圖高懸軒騎負逸姿仄嶺

橫坡任所之賜來敬謹慎芻秣牂牁萬里浮雲

馳自謂寶同渥水駒致遠任重昔爾須胡為手霜

黃病作隕秋草朝啖首蒼暮辭阜房精慘澹光為

昏場苗空復芻野存惟埋革褻古之禮秋風颯颯
荒煙裏繫土伐石標爾名千年駿骨應不死

古詩

詠懷十首

閑忘日月長勤覺歲時促陳城竊官書伯玉觀芸
句十年搜難盡敢言三冬足修述法先民不能隨
俗逐文披夜氣清詩寫心源濁袍笏未牙緋身名
蒙齒錄進退觀我生何事君平卜松竹懋顧園桑
麻樂杜曲更將廣足跡爽氣看西嶽

善士不可識為容渾若濁虛室屏氛雜山深亥康

康立堂文集卷一 古詩

七

鹿門巷何荒陋性本愛幽獨戢翼丹穴裏未敢棲
珍木吐握風云逸誰為致白屋嗟此絃性直不能
如鈞曲

世路無險易人心自風波蒲柳易零質松柏不改
柯若李垂道傍蘭若生幽阿榮瘁當要終俗謂榮
者嘉楚玉棄荒谷燕石博瓊華仲舒相江都賈傅
老長沙伏櫪悲騏驥無足羨隨和絳灌究何成百
年轉蓬科

獻書雙闕下天笑開九重直絃無懦響勁節鮮曲
容風雲鬱懷抱勲業慚鼎鐘富貴不得志終與腐

草同鷓鴣雞嚇腐鼠海鶴愁樊籠何如商山下採藥
從赤松

藹藹帝京內冠蓋日輝奕畫棟起通衢連雲開甲
宅萬錢難下箸歌舞窮晨夕豪華亦足矜夢寐勞
魂魄吾豈辭榮人畏受塵鞅策時去亦不追時來
亦不逆行吟松風涼坐嘯山月白

覽謝金門步來就玉山岑和風扇東臯旭日照北
林蕩滌塵世顏開軒披我襟嘉樹迎修景丹霞啓
夕陰黃鳥時飛來呼雛弄好音坐對寒井前泉水
可瑩心

康立堂文集卷一 古詩

八

辭榮未滿秋引病不待年招隱愛遠壑長嘯歸故
山抗疏功名薄竹帛難克宣願授長生訣孤峰入
雲烟構宇臨迴澗築室倚層巖海蟾跡可尋暝卧
懸石邊

離離百結花鬱鬱十圍柳人生何以堪歲華難駐
久此日登高臺此際會良友歡酌意氣投呼童更
沽酒佳辰須盡樂花柳無相負五陵美少年解贈
物云厚我輩談心期杯外何所有

荒園蓬蒿長曉露霏我衣野老荷鋤至解顏語依
依耕織肆微勤庶免寒與飢遠遊良有願途窮將

安歸仰視雲中雁知寒早南飛

獨酌勸孤影戶外罕停輪二三日野叟就飲話言
頻君本鸞龍姿胡為守蓬園終歲長屈蝮年光不
待人舉手謝父老感君意慙慙霜花與露草吐華
各有辰舍桃雖搖艷豈為丹桂春願君勿復言且
飲杯中醇酌我石上泉為君洗衣塵

辛亥秋贈熊學士歸省

吾聞九嶷山舊有神仙宅疊嶂橫青天溪流飛千
尺淑氣鍾異人至道自怡懌家學具淵源母訓豫
夙昔詩書為餼糧閩洛同一席身為

廉立堂文集卷一 古詩

九

帝者師取號文章伯造膝日深譚陳善無遺策

主德日精明啓沃良多益將母忽興歌陳情抒丹赤

溫語留丁寧歸心不可惜 賜馬出天閑御珍懷

果核歸以奉北堂庭戶歡聲溢翩翩南陔上輕軒

恣所適人生最難報親恩與

主澤先生兩得之皆由誠所格我有吧咭思未能整歸

酬

聖明固可憇烏鳥情恒迫常咏白華詩徘徊竟永夕吾

道得君宗斯文有專責俟君朝天時予亦尋泉石

愛日與瞻雲晨昏志無敢

贈劉毅可琴師

高意託松石移情在海水天地有至音靜觀悟無
始劉子江東秀身萃烟霞美皎皎出塵姿垂簾發
清徵非假雍門說寧作伶人伎當其得心時操暢
通妙理漢宮冷綺羅湘澤餘蘭芷高張轉促調響
入青雲裏秋鴻何嘹唳曲終哀未已予始學操緩
聞此神欲徙願從盡雅弄愉心非睦耳
余撫黔以來每月宣講

聖諭卽行勸懲之典幕役司禮土官謹飭有素特傳至
省褒諭既畢爰賦五言古以勗之

廉立堂文集卷一 古詩

十

聞爾世恪謹羞與紈袴伍書解滿牀攤馬亦舉策
數賚爾與爾言爾當倍鼓舞今古不易逢上有

堯舜主湛恩三十年

聖神貫文武山陬暨海澨寸壤皆樂土苗民亦吾民吾

不鄙愚魯爾歸將吾意悉心告所部勤儉衣食源

慎勿憚作苦孝養厥父母車牛可服買

聖諭十六條耳日習聽觀織惡宜早戒微善與衆取苗

如璞未雕可與進淳古易哉虔官守庶幾念爾祖

壽太平王心吧先生

姑射仙山峭摩天亘三百里相鈎連上有神人雙

金履下有汾水西流日夜鳴濺濺其間靈氣鍾才
賢物表孤高神性全崑邱遺簡遙能識漢篋亡書
暗可傳舛策聲聞丹陛迥傳經歸卧白雲眠餐瓊
飲飛泉送歸鴻撫清絃悠然放歌凌霄外將與
三十六峰相周旋三十六帝笑相迎謂是塵世好
游輩寧知食氣服息龜鶴之長年騶虞鸞鷲鳳毛
麟角豈條芋蕝洪流漫瀾醴泉有原芝有根信是
昂藏奇骨本天成神工不待人雕琢祝翁壽獻翁
酒浮邱洪崖長與友願從釣于延溪兮陵陽魚味
為君侑

康立堂文集卷一 古詩

十一

贈謝健行

濟世知誰許安貧固士常從宦終清困飲水中剛
腸易城百里地邈在天一方惠政不鞭朴期民樂
耕桑念子昔告歸與兄會家鄉兄今歲已滿予今
出 帝疆一朝此邂逅五載忌參商且勿語離索
易老驚鬢霜且勿較通塞放懷把酒觴

聖主求賢詔新下出明堂兄道足施設兄志彌顏頰春
明多佳句時應滿錦囊

贈焦金沙年兄

鄧禹當年世志亦在學博揚震授生徒堂集三鱣

雀吾道期宗主寒飈勿為薄焦子珪璋器棲身甘
澹約悠然排冥筮外物等龍蠖昔子遊荆南官燭
參賓幕朱絃欣共賞意氣何寥廓分袂數年餘生
涯尚淺落雄騰寶璫才沉置將安託官袍葉半枯
劍芒光不削絳帷乃講幄卑比宣文鐸鄰郡多故
友興德恣歡謔首宿欄杆下名教有真樂何羨輕
肥者赫奕滿京洛

傅烈婦輓詩

傅烈婦者沂州中翰王君妾也君歿矢死不食
越三日自經於柩旁阮亭先生為之立傳備載
其事余聞而哀
之作歌弔焉

康立堂文集卷一 古詩

十二

臨邑古城冠蓋里繡閣香名播人耳義獻之後中
書君小婦容華若桃李抱余四載甚雍肅本是膠
西舊家女一朝夫逝歸黃墟口絕粒米惟號呼不
願偷生在人世但願入地從吾夫家人憐惜競相
勸心堅匪石誰能渝阿母泣下三歎息渠志已決
無他圖不如聽渠早殉死不然旦暮終捐軀婦聞
斯言乃罷哭趣市棺具縫裙襦仲冬二日風漂栗
剪紙揚幡會媼戚祭生何異祭死哀羅拜堂前獻
酒食須臾撤奠訣別去却入靈帷語啣啣丁寧阿
母勿悲酸三尺羅巾從此畢芳魂耿耿有生氣天

地慘澹無日色吁嗟乎孤鸞何限傷折偶嫌慨從
容皆罕有況乃備位小星列肯拚紅顏竟環首烏
府先生舊史官闡幽作傳垂不朽嗚呼閨中義烈
有若斯誰謂巾幗非男兒

詠雙節二首

吾聞貞女之樹葉冬生寒涼自守險不傾柯條此
結聳千尋令人長憶松筠心涇陽劉氏著雙節義
姑孝婦名並烈姑年二十失所天義方代教傳家
賢弄孫甫得承色笑哭子旋悲天不弔當年不卽
泉下死祇爲伶仃有孤子子復中年先母逝劉宗

廉立堂文集卷一 古詩

古

不絕如絲繫可憐幼婦失姑藁可憐弱孫在襁褓
黃鶴早寡悲宛頸孤燕重吟何堪聽哀哉姑婦同
婦居兩世倚孫以爲命朝朝藜藿充饑粥夜夜篝
燈資誦讀十指出血無停晷砧杵尺刀聲斷續傳
經舊德發祥遠況有琅玕傳節晚桂枝已覩零百
尺蘭根更復折九畹吁嗟簪組煥門閭盡是重闈
荼苦餘

鳴蟬厲寒音孤竹挺勁節寒音徹金石勁節傲霜
雪烈女有士行共此傳貞潔不謂一門內姑婦同
凄咽姑既悲黃鶴撫孤見孫列少婦年十九中道

失頓頓兩世守一孫哀哉綫幾絕膏沐亦已屏琴
瑟亦已撤不難同歸室憂此遺孤子凄風催絡緯
落葉集蜻蛚感時傷物變從一心如結苦節措顛
隕潛德昌閨閨千秋傳女史彤管有餘烈

冬日寄喬子裕

歲律崢嶸臘候深一天風雪卷愁陰故人默默懷
交意逐客悽悽上國心學道元精禦窮困浮生何
必計升沉世閒機弄知難避往者闕書可自箴猶
得雲山開醉眼可無俗物撓冲襟鵬來閒暇何須
怪鬼見挪揄豈易禁楚客雷情著香草啓期傳意

廉立堂文集卷一 古詩

古

入鳴琴幽人憔悴搔白首啼鳥哀鳴思故林觸處
途窮那足勸直回天地入悲吟

送周提督

冠蓋傾動車馬稠都門曉送周冀州冀州綠髮三
十幾趨趨千騎騎上頭眼如堅水面珂月氣勁健
鶻橫清秋干戈未定民力屈此行正解

天子憂男兒勝衣志四海實恥坐得萬戶侯旌旆明滅
朔野濶笳鼓淒斷邊風愁古色陰寒沙土裂荒日
澹白薄雲浮衆人刮目看能事着鞭無爲備生羞

郁易齋既齊爾錫著

太平趙熟典藥齋較

律詩

嗜退菴詩為嚴年伯賦六首

卜築清溪裏溪光一望收青浮翠玉曉白漾夾山

秋琴響依風戶泉聲上竹樓朝川圖畫在歷歷此

中遊

廉立堂文集卷二 律詩

讀易為菴小依然河上公靜來知損益契後得奈

同一室從生白疎簾不障空由來高隱者避世只

墻東

採藥宜偕隱相携即鹿門紫芝霜下秀丹菊雨中

飄舟泛仙人宅橋通處士村過逢餘逸老隨意倒

霞樽

有客棲華省爭傳吐鳳才嶺雲瞻

北闕庭草憶南陔好着看雲屐頻傾問字杯叔皮多

著述早晚上蘭臺

草堂南郭外面面得谿山水逐桃花入雲尋松徑

還機忘眠鹿穩心息浴鷗閒真有沉冥容著書長

閑關

靜悟窮通理行藏愜道真青箱傳世澤白社老遺

民隨意携筇杖無心整葛巾鹿門仙侶在采采藥

苗新

送蔣虎臣太史請假南還四首

冠冕中朝望儒林世德傳公才追李邵經術繼韋

賢早擢天人策新裁獨斷篇他時宣室召丙夜席

應前

衡文畿輔重玉尺借歐公骨是燕臺駿羣知冀北

廉立堂文集卷二 律詩

空遺經開絕學大雅振王風石室封章在千秋史

傳中

澹泊存吾道還聞卧華陽一官疲執戟十載倦為

郎後輩飛騰盡浮生感慨長遂初曾有賦檢點舊

蓉裳

車馬東都道爭看祖二疏蕩湖宜泛月句曲好藏

書黃閣身雖遠蒼生望豈虛秋風北固釣未可戀

鱸魚

中秋

微雲初夜密皓魄待中天新浴光無際孤懸影最

憐潮平兼海濶螢細入星圓萬里幽人夢清輝到

枕邊

問雁

旅雁驚秋早羣呼倦北飛霜天毛羽鍛澤國稻梁

肥風落餘音永雲隨去影稀鄉山入夢斷中夜一

披衣

聞笳

鳴笳何太急清曉不堪聞暗墮霜林葉寒生海塞

雲牙旗開八陣鐵騎嘯千羣盛世休忘武登壇想

冠軍

廉立堂文集卷二 律詩

次韻酬徐電發二首 時潘子次耕下榻小齋

三

爽氣西山遁空齋獨坐時一樽招好友雙壁得新

詩燭燼風催短鈞簾月到遲客愁須暫減未許憶

尊絲

安仁真短髻客裏並登樓荒草金臺月洪濤海國

秋先鞭才正健偶銀跡偏幽肯就南州榻頻來話

旅愁

送張禮存太史請假南旋四首

二陸江東秀才名絕代看文章比華萼詩句續金

鑿南紀歸帆急西陵贈別難遙知謝庭草夜夜夢

中寒

二月春花發聯牀直鎖闌校文官燭短聽漏曉風

微紫氣驚先得朱絃喜並揮今朝分手去寂寞點

朝衣

昨歲樊川菊牽衣別老親那堪早秋節復送遠歸

人江樹遞船近家山到眼新山公彊健在含笑倚

松筠

青史千秋業三長屬孟堅蘭臺遺秘典宛委足奇

編風雨蕪城戰旌旗下瀨船憑君詢故老准擬筆

如椽

廉立堂文集卷二 律詩

寄范彪西三首

四

共有千秋志幽期獨羨君巖棲忘冕級林卧愛松

雲字辨華陽刻書探禹穴文閒來草玄罷庭葉落

紛紛

三晉聲名地人文自古多篇章愁散落記載惜傳

訛我亦思編集君能獨網羅好教成勝事歲月莫

蹉跎

蘭臺書再世記室賦經年尚恨才思短猶嫌聞見

偏前賢難著述時俗易流傳何日論心素挑燈竹

榻前

贈天台令趙玉圃三首

早識西州俊聲華滿上京論多書欲奏羽獵賦初

成作史裁黃綬分符近赤城遙看征益發處處海

雲迎

山縣休嫌僻幽居愜素襟谿田宜種秫竹間好鳴

琴上蔡祠還古桐江跡可尋文翁多刺郡佇聽石

門吟

我夢天台路連巖到碧空石梁懸素練飛瀑飲晴

虹孫令才難敵王公興不窮憑君相憶處應在翠

微中

廉立堂文集卷二 律詩

五

懷歸呈歷陽王夫子

不得河汾信遙知逸趣深著書庭草長閉戶壁苔

侵笑傲看天地胸懷自古今多慚房杜輩空有濟

時心

寄同邑荆峩侯先生

束帶趨京國鶯花早隔年校文慚子政得士賀齊

賢汾水春流繞壺關烏道懸雙魚何所寄止有白

雲篇

贈謝方山舍人二首

年少蓬池客風標迥出羣碧梧棲鳳羽玉檢判龍

文青史千秋筆丹書五色雲恰憐仙佩近藜火會

平分

珥筆爐烟裊鳴珂玉漏移許君歸院早笑我出朝

遲宦拙交游懶天秋嘯詠宜閒居無底事載酒過

論詩

題錢礎日十峰草堂二首

九龍天半矗絕壁許誰攀徑鶴空延佇峰雲自往

還蒼顏秋共老爽氣曉相關只此堪招隱何須別

買山

築室幽巖下目空天際青藏心足林壑列體並山

廉立堂文集卷二 律詩

六

靈樓隱仙人跡簷臨處士星便應歸老去戶外白

雲扇

贈陶鴻逵琴師

我慕陶元亮無絃能賞音高人來白岳相逢抱瑞

琴沙雁衝寒急松濤驟雨深一聞林下奏彌引遂

初心

丙辰夏日至曲沃寓同年賈荆玉別業遊景明園

四首

已為河朔飲復作采真游百道分渠水千章覆綠

疇山亭斜有徑石屋半成樓指點景明近溪光天

際浮

入郭當峰豁飛流兩道懸灑珠搖雨氣呼峽失晴

天步入盤雲曲門通複寶圓平泉稱勝概此地幸

雷連

躋閣穿花逕臨池疊錦苔倉庚迎客語布穀喚春

回老樹盤藤護低牆秀石裁主人耽野趣看竹莫

辭杯

東柯五大夫更使鬱懷蘇數縣難常栢此閒獲異

林龍鱗絨雨酒偃蓋亞風扶欲就疎陰下長陳坐

隱圖

廉立堂文集卷二

律詩

七

永寧于老夫子靈櫬北歸僕重罹憂未及走奠服

闕後應 詔起復擬一過墓展拜追悼三首時丁

卯嘉平月也

一代明良契千秋鐘鼎垂清名天下信直道野人

知簡任督撫 諭祭勅碑 賜 淚盡吳江遠恩深燕樹

悲 夫及沒於兩江總督 遙遙傾祭酒宿草許重披

尚闡文成學良知今不磨幾行書牒未親註訓詞

多 夫子訓誠屬吏每以賜 致良知之學 時識潛

修意重褒養德和 薦許語 寂寥知己感回首一長

歌

薦草叨疊附變故感多端僕居父憂夫子五載苦

廬痛雙闌血淚乾驚聞環台 命泣向隴枝寒僕

母憂年餘忽聞 賜環之 人世存亡意頻傷旅夢

殘

駕幸

齊魯巡遊地蒼生見紫微晴雲隨鷓舫春水照龍

衣柳畔千官擁沙邊七校圍觀魚移白日鼓吹月

中歸

從 駕幸鈞突泉復閱珍珠泉 命書觀瀾二字

恭紀二首

廉立堂文集卷二

有詩

八

雲泉從地湧一一雪濤翻勢欲穿雲窟聲疑倒峽

門仙樓終日敞 寶翰萬年存駐驛聞

天語賜春覺倍溫

別有潺湲越方池著小舡一瓢天上落萬顆水中

園玩物

皇心喜觀瀾 聖學傳小臣叨扈從握管意茫然

乘

御賜馬

名馬來 天廐鳴鞭着意看風高寒玉勒日彩麗

雕鞍

君賜亦非易臣心何自安黔陽雖遠道駕爾不愁難

壽董古初學博

信是五經笥相傳三策奇芝蘭時自秀桃李更無
私北斗春暉近西山爽氣隨遙遙鶴飛曲幾度凍

濱吹

書隱者所居

百事已無機空林不掩扉蜂霑朝露出鷓帶晚雲
歸石老苔為貌松寒薜作衣山翁與漁父相過轉

依依

壽郝太母二首

康立堂文集卷二 律詩

九

青鳥舞瑤池重歌燕喜詩琉璃金液泛珈珮玉花
垂象服榮物度荻灰憶昔時盈盈堦樹秀日發上

陽枝

鹿門昔招隱鳳綵復重新園府傳遺政司農有世
臣兩朝資筭計一德重絲綸絳節應同錫黃麻罷

命頻

寄臨淄令邵子昆

淄澠宜辨味更識不淄心啜茗東蒙蔓懸魚北海
潯老萊重舞錦宓父靜橫琴啞彼景公涕牛山長

笑吟

寄祝夏縣令羅北園

聞道風流宰揮絃午訟餘真歌宓父化不鑄國僑
書山月遙相引沙禽炯自如樂同舒日下飛鶴奏

徐徐

寄臨安令

梅花今正發越嶺復何如寒色明江縣晴烟帶星
閩治行高五鳳鄉信報雙魚東閣遙相待褒賢有

詔書

病中卽事感吟五言十首

淮浦交黃地生平未一遊

康立堂文集卷二 律詩

十

君恩分命至河勢大觀收高澗長潭險周橋濁浪浮駢
駢急興作艱鉅敢辭憂

黃莊四十里萬幕列河干棚蓆雜僮婦簞筐遶渚

灘曲填連行險並赴小堤寬來往紛如蟻勞歌亦

自歡

周橋堤北工亦不與他同決口傳雙曲深潭過丈
蓬堤根柢雜樹頂面陷如穹下上連砥杵誰虧篋

土功

聖主勞宵旰督修命九卿同心商 奏艸並轡省工程
風雨不辭險醫方屢訪評豈同唐節度橫議息羣

鳴

分修同事者樽節亦同心買葦量 欽帑委員防
冒侵土方勘尺丈水埽省浮沉工竣莫誇早還期
積土深

伏暑邸居熱結茆堤道傍時鳩員屬萃日省埽椿
忙來往明人眼晨昏望月長如何風雨夜暴迅破
吾壻

積勞成疾感暑瘡來攻回浦延醫士連旬但蚤
襖濕寒宜桂附調劑酌冲濃微都程名手忻相且
暮從

廉立堂文集卷上 律詩

十一

旣奕夙成癖寧辭力疾勞田王稱敵手朱老識真
高司空猶伏讓浙撫不甘饒終推先達量勝負軼
吾曹

寂寞老司農班頭常歛容停琴甫三日化鶴度千
峰追郵望 朝典哀詩畱篋封同來不同返惆悵
哲人蹤

淮揚水周歷終愧見全河待築三工竣徧遊千里
多河防順河性清口暢清波功成青壤出耕稼慶
岷歌

泉林亭碑恭紀 有序 前用此二十韻後鐫碑時
又續二十韻

戊辰夏四月十一日恭暨

御製泉林碑巡撫臣率同臣躬往莅事肅容展拜仰見
我

皇上重道崇儒至意煌煌大文輝映川麓爰拜手稽首
賦詩以紀其盛云

魯郊饒盛梁泗上富名泉百頃環珠海交流滙玉
淵來從姑蔑里去遶汶陽田古寺幽臨水深林碧
際天松篁聲憂擊溪壑勢蜿蜒夫子曾寓目當時
嘆逝川化機長寓此道體日悠然

聖主羹牆見師儒俎豆虔岱宗 鸞輅返曲阜 翠華
廉立堂文集卷二 律詩

十一

旋陪尾探源日崆峒命駕年會心真自遠合契已
離詮義畫窮河洛周文灑澗瀍 宸章煥雲漢
睿藻上星躔巨石龜鰲負穹碑琬琰鐫小臣瞻拜

肅 新渥備蕃宣于役書臺下搜奇石竇邊峰巒
紛絡繹景物共澄鮮終古神靈護微言典誥全高
深窺象外俯仰但亭前極望空濛色衝波起瑞煙

送熊蔚懷侍御視鹺河東十六韻
百丈豐城北中條少華東雲山千里隔懷抱十年
同叔則神姿秀相如賦頌工聯行慚雁塔分直忝

南官賜筆擊雙赤燃藜焰並紅律調絃燥溼鋒合

劍雌雄俄擢西臺栢旋乘司隸驄寒帷看直道叱
御想英風 國計資鹽羨河東借寇公羊腸旌節
上龍首鼓鞏中澆沼層冰垢熬波積雪融海王箒
定熟文學議應通近監偏鄉縣攀轅切十束板輿
迎父老竹馬候兒童曉色分疎樹秋聲落塞鴻離
情已不淺鄉思復何窮

范太夫人大壽 九月十八日

愛日將慈母擎天作重臣尊榮制府極光顯

聖書頻每綻疎籬菊看來畫錦賓瑤池駢鶴駕絳

縣紀年人德本隆開闢榮宜邁等倫

廉立堂文集卷二 律詩

十三

先皇開國日元老立朝晨海宇歸經畫蒼生仰大鈞臣

忠優黼黻婦順佐蔡蘋功業懸鐘鼎箕裘集鳳麟

後先列畫戟次第擁朱輪甲族原尊范宏才復萃

苟勳多盈天地節更勒高旻忠孝垂三世恩波貴

一身翟衣綈日月鸞紙積絲綸又見 丹書下重

開黃閣新鹽梅清晏日長此奉萱親

贈鞠侍御巡鹽

霜簡持威久星輅按節行汾流水未合姑射日初

晴霞綵隨車近寒風入旆輕維南方偃革關內已

鎖兵壘鬻紛無礙荏苒寂不驚條山前望迥燧海

下觀平樓霽天光澈池曛水氣生昇攀層閣迥眺
覽四郊明珠粒波為寶晶盤味作羹海王箒可奏
文學議何爭東魯人文望西臺直諫聲還來操舜
曲擊節應弦鳴

高陽相國李夫子仙逝僕在里連罹兩憂未及躬

走哭奠服滿後追輓排律二十韻

世宰台樞重朝論相業隆調元光舊德 夫子兩世皆相國

龕暴運神功 平三逆藩夫子首運廟算 三紀中書最 歷相二兩

朝開濟同忽乘鸞鶴馭歸返斗牛宮 夫子遺詩謂老君後身

信是仙家籍難畱人世中朝端思郭相野老泣姚

廉立堂文集卷二 律詩

十四

崇掌故憑誰問廷爭更孰雄千秋名自勒當代禮

安衷 夫子習兩朝典故折衷禮制每廷議惟夫子發言滿朝心折 麟閣圖元老

鳳編紀上公東華寒睥睨西掖冷梧桐吐握踪猶

在都俞頌不窮忝從虎觀末頻送鳳池東蹕冶資

鈞鑄駕駘濫錦幪諫章于氣象慈宥貸微躬蓮幕

從麾斥冰心任轉蓬尚聞朝宁右屢誦直名通 僕在

霸州時夫子每于朝堂稱許直氣 風木蹇悲痛蓼莪哀疚癸六年

傷弔鶴千里謝飛 送阻擔簦日遙驚宿草風生

芻向自達函丈慟長終

三月晦日 召對乾清門應 詔二首

堯廷冀英落遲遲

聖主初開講幄時啓沃鹽梅傳說命就將日月詠周詩

醇儒此口需劉向公輔他年倚望之稽古微臣慙

末學臨軒何幸預隆儀

陰陽消息最難尋主術居然在智臨一字丹書該

聖學千秋金鑑識

天心青蒲已許陳封事盧橘終慚賦上林只此傾陽葵

性在書思願報 國恩深

奉和高陽相國李夫子恭紀 御賜蓮藕原韻

太液秋容雨後嘉亭亭紫葍帶霜芽天香乍捧從

廉立堂文集卷二

律詩

十五

管筆內宴頻分及賞花冷浸玉壺全着露碧侵湘

管欲消瑕 君王自愛三秋實看取臣心水一涯

贈吳麓梅給諫

議郎舊典綸屏貴公望何人重掖垣最是弱翁條

故事還聞公理進昌言衛河飛輓三秋急淮浦魚

龍六月喧知爾籌時頻拜疏朝朝簪筆到黃門

贈孫退谷先生

洛下茂先元博物關西伯起 萬壽經千秋天意留

文獻一代吾曹見典型採菊未須扶老杖垂帷還

剝讀書螢佐文章就何人共慚愧尋常到草亭

送朱錫鬯

隋堤官柳無多路杜牧風流正壯年兩岸酒旗臨

水店半窗書卷過江船寒潮斷處家山近梅雨熱

時客夢懸燕市風光還憶石雄談清夜燭花圓

鄉人司棠公送潞酒至

金門託隱一閉身嘯咏長甘吾道貧剝啄何來清

晝響醪醕歡對故園春白衣遠送憐同好烏帽敬

吟謝醉賓坐覺天高風露冷不堪耳熱仰呼頻

送曾青藜歸祝二首

洛中乍寫三都賦記室如何苦憶歸桂樹未須招

廉立堂文集卷二

律詩

十六

舊隱蘭陔且自戀庭闈堂前紗幔顏猶好殿上肩

輿事已非但使鳳毛聲價在千秋銀管有光輝

侍郎勲業存鐘鼎無恙魚軒素髮新舊識士龍纔

入洛即看歸馬去寧親青來彭澤天低浪白轉匡

廬濕近人應向麻姑問桑海丹砂携駐北堂春

送俞夢符太史歸省

共羨毛生捧檄歸遙看宮錦映斑衣東園宅自鄰

梅里南極星元接少微載酒恰逢丹菊綻扶筇偏

愛紫芝肥鹿門千載仍倚隱瓊藥相携候早暉

猗氏縣十景詩

峨嵋曉耕

雨足沙田好插犁
農人無寐候晨曦
雲開高嶺盤螺髻
月落青坪擁畫眉
佩未何勞山鳥喚
拋策一任谷風吹
窮年作苦共租賦
司稼眠春知不知

東原早行

旅次東來驛路平
荒雞破曉客心驚
星河斜掛通關渡
煙樹迷離數垓行
雲擁朝暾浮海嶠
風催朔雁背山城
遨遊到處投跡誰
似當時意氣橫高郵

時漢人好客

涑水春漲

東巖昨夜激豐隆
侵曉春潮一壑通
積水力堪漂絲鷁
爭流勢欲撼長虹
傍灘柳絮沉絲隔
浦桃花霧霧紅
圻待迴瀾狎鷗鷺
濠梁樂事幾人同

對澤晚收

近郊煙柳帶晴暉
波水淪漪綠四圍
無數倦還鴉晚噪
有人連唱雉朝飛
行穿毛塢侵樵徑
坐占漁汀任犢衣
荷策歸來何太緩
笛聲落處即柴扉

古壘秋風

何年輟策建牙旗
指點行營到舊碑
層阜蒼涼清殿敞
孤城搖落暮笳悲
壇前早見三河靖
木末猶

聞萬馬馳惟有狩人懷
保障歲時香火忍愆期

龍巖夜月

香閣憑虛空氣澄
漸看飛月掛峻嶒
啾啾遠樹爭巢鳥
戛戛敲門歸院僧
玉露無聲沾貝葉
銀河有影落金繩
躊躇不是人間世
身在仙臺第幾層

孤山晴雪

凍合殘宵曙色微
天迴大陸散陽晞
乍驚白嶽雲濤湧
不見青田霜鶴歸
明月當樓懷庾亮
澄江如練憶元暉
幾回欲賦峨嵋雪
此曲由來歌者稀

雙塔斜影

何處層陰落梵宮
花臺對峙夕陽中
金殿搖鐸鏗鏘應
玉女窺牕問答通
十部論師稱伯仲
千年神物擬雌雄
等閑瞥視升沉影
可信諸天色卽空

新堤柳浪

河堤十里走蜿蜒
夾岸垂楊接遠天
風攪弱條禽語碎
魚吞浮葦浪花圓
幔亭卓午沉涼影
苔薦餘曠起綠煙
不有江州司馬在
細腰何事舞樽前

南澗荷香

印壑風流屬幼輿
誰開幽澗種芙蓉
浮梁過嶂還宜稻
暗溜穿塘不碍魚
翠蓋似憐紅頰嫩
碧筒長

廉立堂文集卷二

律詩

七

廉立堂文集卷二

律詩

七

恐綠樽虛南薰一弄千山響正是東風月上初

題賈司馬水亭

勝槩平泉近若何亭阜秋思坐來多赤欄曉壓香
巖翠綠藻晴涵太液波月裏游魚穿樹影霜前獨
鶴舞烟蘿碧山還有焚魚客風雨重陽許再過

夏日似園遊宴

長夏深林喧乳鴉名園幽徑日西斜千秋傳史期
吾輩四海車書正一家隊隊爭來看檻蝶枝枝自
異繞階花暮烟鳥亂休驚眼醉裏吾生未有涯
雨霽過園莊

康立堂文集卷二 律詩

九

曉起不知昨夜雨日高烟翠濯新林梨花欲盡村
村雪梅子還遲樹樹金笑把琴樽懷古意靜從園
夜信吾心亭旁那得千竿竹長疎雲霄覆綠陰

元夕

河漢沉沉寶月圓漏聲稀報夜將闌九衢絲管筵
中奏萬樹金蓮火裏看絳蠟春融頰送暖彤雲曉
霽不生寒年年此夕昇平樂莫惜金樽須盡歡
適襄垣涉河遇雨

濁漳東下漲晴沙石磴盤空背日斜嵐氣忽垂千
仞麓雨聲急打兩巖花覽依龍廟衣生翠擬賦瀟

洲水起霞暮入關城餘蕩色甘霖未敢信隨車

喜雨應禱

崇朝膚寸久紆思三宿齋壇應禱時歷落盤渦鳴
玉甌霏微烟樹滴珠垂精禋寧假巫瓦力霖霈元
非造化私野老扶犁歡歲事郎官請命已堪悲
李瞻航來霸畱飲

相逢握手嘆流萍吾道窮時念典型胥靡不汚高
士節離騷無怨放臣經閩南漂泊何寧日薊北盤
桓若聚星斗酒莫辭連夜醉會聞漁父忌偏醒
送李瞻航

康立堂文集卷二 律詩

十

黃塵滿道客衣穿愁聽驪歌澹曉煙樹色遙迷沙
磧路鳥行斜斷雨風天高談未覺胸中盡別恨頻
於酒後憐黠檢新工佳句法塞鴻千里遠能傳

德州迎 駕蒙

御賜酒餅恭紀二律

君王時邁會堯封 法駕東來七校雄寒氣已消冰泮
後春光先動柳條中連雲帳幄川原暗夾日旌旗
輦路紅幸際海隅清晏日翠華深處覩 重瞳
身依輦輅近輝光玉液瓊酥出 上方馭餼欲浮
仙掌露傾盞疑落雁門霜紅綾舊 賜恩常在

紫御親沾味豈忘退食愈知憂覆餗致弛臣節愧

羔羊

聖駕南還 御舟入京由台莊送至德州恭紀二律

聖德如春徧九垓萬人齊看六龍迴臨流謙賞同豐鎬

橐筆從容有馬枚檣燕每聞 天樂舞林花多傍

御舟開卷阿欲為

君王獻巴里慚非作頌才

分藩大國

主恩深曾佩銀魚在 禁林眼宦簿書春冉冉夢中鈴

索夜沉沉迎 鑿喜逐朝正會戀 闕長懷就日

康立堂文集卷二 律詩

三

心自是吾

皇能布德萬方爭望屬車臨

辛未秋九日蒙 恩特簡黔撫聞 命恭紀

簡命驚傳塞外來時聖駕在口外邊陲要地急須才早

經 御筆除書下不待廷推幕府開銅柱伏波存

壯志烏蒙葛相有遺臺千秋事業還堪溯萬里巖

程不暇催

聞 命後謁

陵恭紀

黔棘將為萬里行瞻 陵依 闕不勝情星軹越

海應南指月殿燕山且北征三事相傳瞻拜典千

崗環擁鬱葱城天然形勝開王氣石峽當門水一

泓

撫署廳前紫薇花

何年移栢夜郎臺重對薇花天際開五月朱光含

雨露雙標霞氣護蓬萊繁英密布丹崖雪連萼徐

舒紫閣梅誰道搔膚搖落早秋風猶送暗香迴

壽孫忤庭司馬二首

閒氣爰生命世賢丰姿海鶴共蹁躑三層樓上陶

宏景八節灘頭白樂天門外青山堪眺望城中湖

康立堂文集卷二 律詩

三

水伴淪漣朝衣夾道迎 鑿日

溫語慇懃問大年是春先生迎 類蒙天語溫問

解組歸時見老臣籃輿筇杖倍相親中書事業甯

青史林下風流似晉人華髮蒼顏看自好

上尊玉食賜來新行宮朝見 賜上方酒果蓬瀛仙侶頻還往熊鳥

何須說屈伸前入詩能經有風伸三層樓陶隱居 在句容時作下弟子輩中藏經論上

則以自居八節灘樂天鑿龍

八節灘為園池迢迢三十年

壽高晉侯

霜菊娟娟尚有花日斜鷗鷺滿蒹葭萬竿修竹開

侯府十里青山隱相家麋鹿並游諳野性詩書相

對是生涯冷官自有貧中樂風月相期不用賒

壽董古初學博

壁沼西連第一河清溪遙帶石城波談經席上青

璉舊繫馬堂前綠樹多甲子曾從絳老記陸沉詎

奈歲星何羲皇久識高吾道弟子訢訢載酒過

壽高繼坡母江太夫人三首

歸田久謝貴交書拜母還多長者車共願升堂看

舞綵更當八十喜牽裾寒松收子焚丹灶秋菊攀

英綴綺疏長此承歡介看壽何須鼎食導親輿露

霞綉丹邱霧浥塵萱帷皓髮正含春選槐軒影扶

康立堂文集卷二 律詩

五

暉早採菊籬香引席頻西度鳥傳傾玉露南飛曲

唱酌嘉賓壺籌遐報添仙島蒞佩年年擁杖新

堂上花茵鬢雪垂樽前彩瑟歛霜遲鹿車推憶勞

操作鶴帳歸同慰素期娛老戲為雜舞膝嘗甘懷

出橋行厄只令蔬醞供巾簞偕隱家門自得師

壽俞母陳太孺人

鹿車鄉里羨身推吐鳳仍誇入洛才此日舞衣初

賜錦當年畫荻有殘灰梨消谷雪迎輿出橋熟湖

霜入案來自是蓬池佳氣近歲星早已傍三台

壽王太夫人

司徒象服黃恩綸令子承家有世臣早授三繩右

內史相傳八座太夫人爐中畫荻流光美膝上含

飴樂事新青鳥傳來西母頌瑤池好酌十千春

望魏環極先生時同學闕函青振鐸蔚州二首

詔許明農賦遂初青山不改舊琴書久知碩果天

心在親見寒松 御筆除 初驛先生 寒松堂額 問字昔從瞻

北斗傾懷頻憶示南車千秋文獻更誰是遠道常

憐問訊疎

每於風雨矢同心莫負程門雪色深損益有時參

造化行藏何計任浮沉老朋初博鱣堂雀光範遠

康立堂文集卷二 律詩

五

依珂里琴早晚春風如可借高樓百尺許相尋

宣武門樓有感

白雲連塞樹蒼蒼矯首西山攬大荒畫角宵吹城

上月羽林寒帶殿前霜柱標馬援功名薄書著處

卿歲月長尚憶黃金收駿骨高臺徙倚向殘陽

寄山左學臺劉劬菴

東海洋洋大國風三年玉尺仰宗工長城詩價傳

唐苑太乙藜光自漢宮樞上風霜鳴駿驥斗閒雷


兩辨雌雄憐才未斷曩時念白雪樓長繞夢中

過高麗 進貢使臣

麟麟車馬遠人音知是朝鮮入獻琛絕域衣冠看
異狀普天愛戴矢同心旅葵 聖世風聲溷洪範
當年教澤深歸報海東諸屬國清時貴德賤南金

廉立堂文集卷二 律詩

三五



廉立堂文集卷三



邵易菴既齊爾錫著

太平趙熟典藥齋較



奏疏 宦牘

條陳用人疏

題為教化非空文可教人材乃治要所關謹陳用
人六策仰祈

乾斷奮行大變積習以圖德化之成事 竊嘆今之

廉立堂文集卷三 奏疏

天下有太平之象而無太平之實

皇上有更化之心而未得更化之道憂心疾首每思獻
書

闕下而疎遠之身誠信未孚驟言

國是恐以越職妄言取罪且 衙門熊賜履曾拜疏

矣張貞生亦拜疏矣 又恐

皇上之疑 轉相倣倣徒以沽名也用是遲迴顧慮欲

言而不敢言今當十年初春天下官員入

覲正

皇上德化聿新之始乃 閱邸報臺臣張冲翼為

聖諭昭垂等事一疏

肯前論崇重教化原令禮部議將朕尚德緩刑之意通

行曉諭內外又據劉兆麒所奏俱議嚴禁凡禁例

皆係已定今欲導行教化乃反嚴其法禁與朕初

意不合且致多事無益生民這所奏知道了該部

知道欽此臣既頌

皇上仁明之德當今禁例繁密之日慨然尚德緩刑不

欲多事累民真三代以上之聖君而竊惜空言曉

諭似非所以行教化之實也因思責難陳善人臣

恭敬之大節凡為臣子共凜此義況臣忝列史官
廉立堂文集卷三 奏疏 二

而史獻書之禮古則有之同官拜疏雖似相效活

名然人臣敬君但期心之各盡何妨迹之相同且

下盡忠直之節上益彰

仁聖之度苟同效偷安緘口不言巧託不妄取名譽之

說實存不與言仁義之心乃為不敬之大豈臣義

所敢出臣是以終進愚言惟

皇上採擇之今天下版圖無外海內宴安朝鮮安南暹

羅荷蘭亦皆梯山航海貢獻方物

國家一統全盛真如金甌無缺豈不誠號太平哉然

而民窮財盡水旱洊臻穀貴亦病穀賤亦病告訖

成習劫掠時聞風俗日敝人心不古誠有如前

上諭所云者臣故曰天下有太平之象而無太平之實

也

皇上崇重教化憫無知之陷罪列條訓以下詢仁心仁

言感動臣民讀之真欲泣下然而言之非難行之

為難今禁例之已定者告示徧張碑牌屢刻而百

官有司陽奉陰違猶未必實行無弊况區區以空

言相曉遂欲化行俗美也其將能乎且前

諭原令部臣於所以訓迪勸導並所以責成文武督率

舉行者詳察典制定議具奏今乃止言通行曉諭
廉立堂文集卷三 奏疏 三

竊恐天下之人疑上先不以實求下誰肯以實應

也此臣所以妄議

皇上未得更化之道也雖然今日而言更化其道誠難

空曉諭固非實政嚴法禁又非初意然則教化終

不可行乎臣嘗反覆思維而知欲行教化自有大

體不在任法惟行任人得其人則良法美意自能

畢舉不得其人則守舊法不能無弊行新法益以

擾民督臣條奏僅事法令之末固為未識治體即

前

聖諭十六條王言渙汗上同謨訓臣猶謂必俟得人之

後方能宣化承流移風易俗非目前所能猝效也
當今急務在於澄敘官方寬畧文法以掃除天下
之積習以淬厲天下之人材而已伏觀

皇上親政以來首除擅權納賄之輔臣至斷也

特簡滿洲督撫著有成績至明也優陞莫落為尚書

特點慕天顏為布政固已不拘成格昭激勸之大用

矣而積習猶有未除者何也方今之患莫大乎人

心無恥竊祿苟容雖經糾彈而不去久已降革而

復辨 朝廷視官徒為榮人利人之具臣子服官

全昧為德為民之心其稍賢者以簿書為職業以

廉立堂文集卷三 奏疏

四

資俸聽陞遷無咎無譽不求躁進即今之有廉恥

者而亦世之所謂無才者也其不肖者因例生弊

倚法為奸遇當陞當差便計缺之美惡至於地方

利弊民生休戚誰其念之甚且囑託抽豐既不自

愛復不愛人而年俸既滿亦得陞遷反自矜為得

計竟相效以成風積習如此革之難以驟革誅之

不可勝誅將如之何 臣謂人孰無心豈蚩愚民可

以德化況居官服職者乎果誠以勤之孰忍負恩

明以察之孰敢黨私今之用人失于始也猜防過

深使人不得盡行其志終也覺察無術反令人得

以肆行其姦耳然以

皇上有為之略當此太平全盛之時實有尚德緩刑

之意以感動臣民何人材之難得何積習之難變

臣以為其要有六焉一日勤召對以察其品一日

專信任以盡其才一日併官厚俸以養廉一日信

賞必罰以示斷一日重簡學官以督率一日慎選

學臣以課試 臣請細陳之知人則哲古帝所難資

俸之序固難空憑即左右之言亦難盡聽必在

皇上自察之外臣難以徧察而內臣宜詳察之內臣之

小者亦難以徧察而大者宜精察之詢事考言古

廉立堂文集卷三 奏疏

五

有成法今各部院大臣雖日啓奏不過章奏批答

而已其餘補官引 見不過問姓名籍貫而已見

朝辭 朝不過殿前行禮而已上未嘗問一事下

未嘗進一言而欲知其人之孰賢孰奸宜去宜留

必不得之數也願

皇上聽政之暇時召廷臣講求治道外官辭 朝入

覲者亦皆親加咨訪觀夫敷奏詳明與應對疎略

而其人之才術見矣觀夫嚴氣正性與令色巧言

而其人之心術辨矣徐而訪其素行考其官評質

以在 廷之公論斷以

一人之睿識孰敢飾情以相遁哉今之議用人不宜破格者徒慮開奔競之門耳夫鑒別出於

聖裁則私實自塞而舉錯莫敢不服鼓舞人材之道無過於此故曰召對宜勤也人之未得也當詳察之既得也又當專任之人君是以勞于求賢而逸于得人也今之六部揆陞已非專官分任之義即大學士亦從吏部補授竟廢枚卜之典似非所以隆重相體也夫用人而不信任之與不用同大臣以道事君幼學者即以壯行也豈徒為祿位來哉今大臣亦不過奉行文書未效啓沃輔導之功是雖

廉立堂文集卷三 奏疏

六

用之而未為信任也外如督撫身任封疆重寄大利大害未見興除亦不過稽察文移檢閱案卷惟恐字錯限踰以求免于譴罰而已閒有條陳而部臣拘泥成例以無容議覆之

旨亦以依議聽之則雖有賢督撫亦無以盡其才也而况有司小吏錢糧盜案動輒誣誤又何由盡撫字教化之道乎此皆信任不專之過也伏願

皇上推心置腹加意委任內而大臣誠得其人即當舉國以聽使得大行其道外而督撫下及有司亦各假以便宜如漢宣之于龔遂無令在廷繩以文法

任之如此而猶有負恩行私者必非人類也且召對之法既行則人材已辨自無用非其人之患矣

故曰信任宜專也今之用人又苦于滿漢漢軍分缺並用而官多俸薄無以養廉臣竊疑分缺之說似公而不公蓋朝廷為官擇人非為人授官所謂公者舉直錯枉符天下之公論也非曰分缺並用滿漢無偏之謂公也假令不得其人補授雖均亦無裨益况分缺有必不可行之勢乎如各部院正堂與各關差止分滿漢二缺竟無漢軍之缺外道有司止分漢軍漢人二項竟無滿洲出補若以

廉立堂文集卷三 奏疏

七

分缺無偏為公豈漢軍無可用為正堂及出關差者滿洲無可外補為外道有司者乎一途偏廢即屬不公三途並補斷不可行而今之分缺並用不肯議併者不過圖多一缺以便陞遷耳則其似公而實不公也明矣臣願

皇上奮斷歸一得滿洲之賢者即以滿洲專補得漢人之賢者即以漢人專補得漢軍之賢者即以漢軍專補但望

睿炤無遺一體鼓舞何必一官而用兩人既使相防又使相合竊恐其不足以同寅協恭而徒滋牽制推

廉立堂文集卷三 奏疏

八

委之患也且重祿所以勸士欲禁貪風而祿養不給使人圖身家生計之不暇而肯實心為國為民者情理所必無也今驟而誥加俸則必以國用不足為難誠破分缺之說而裁兩歸一兼省各司郎中員外主事其滿漢軍同缺者每員止留一人則省大半之俸以給現留之官 國儲無虧而養廉有資事權歸一而吏治清靜計無便于此者矣辨之既明任之既專養之既厚凡為人臣知禮義惜廉恥者慮無不潔已奉公以上答知遇之恩矣其有殊才異能治行卓然者固當不次擢用以風勸

天下若其怙終不悛嗜利凶取則處之不可不嚴懲之不可不嚴也今之貪墨被糾者列款雖多提審之後半歸烏有即一二賊款得實又必推卸衙役以便脫身遲至數年而援赦寬宥且有復得原官者矣不則叩 闕辨復反覺督撫之糾參部議之處分盡皆冤枉而 朝廷之是非無准賞罰無章官評淆亂莫此為甚願

皇上分別懲治其因公誣誤者當 初部查明一概豁免以彰寬畧文法之意其餘貪款審虛者更當嚴究問官無寬妄控者更當嚴懲俾實夫恩自上出

廉立堂文集卷三 奏疏

九

則人知戴威自上斷則人知畏今議免議罪之權盡歸部臣似亦未為得也

皇上何不親斷以行之行之斷而恩威不測賢者立還不肖者立除併銓法亦得以疏通而更無缺少人多之患矣凡此四者皆為已仕之人才計也而至于未仕之人才又當有以養之養之之道莫若重簡學官古者師儒之官天子賓而不臣故祭酒司業有坐講之禮即外而州郡學官亦必重其選簡其人使之造就人才以為他日之用如宋安定胡瑗分經義治事齊以課士而其弟子後皆為名公

卿今世徒以文章課士既非作人之大道而董率者復不得其人內而祭酒司業學正助教等官不聞教育之實外而州縣學官又多年老貢士窮途小就即有舉人進士皆言改補降選官輕而人亦不自重安望其課士有效乎前

聖諭念及隆學校以端士習誠養士本計也 臣願凡州郡學官無以衰耄不自愛之人充其選或徵辟名儒或即令進士補授尊其品望厚其祿秩縣學官即同縣令陞轉府學官即同知府陞轉內而學正助教即同部曹遷除其訓迪盡職德業者聞者不

時獎擢以風勵之士習其有不變人才其有不盛者乎至于貢士舊有揀選之法或可舉行另授別職則學官知重而明經之士亦不患不得祿矣又莫若慎選學臣學臣之差所以考校士子文行之優劣與學官課士之勤惰也其任尤爲至重不可不慎擇而用之今直隸學院用翰林各省學道用部郎亦止循資而補按俸而授閒有舉文行兼優者亦未必盡協人望徒長奔競之風而其出行考試又苦解卷磨勘搜求字句動致叅罰不得不歲時餽遺幸求無罪因而循情納賄考試不公者多

廉立堂文集卷三

奏疏

十

矣風俗人心日壞一日士子始進便已行私欲其異日公忠其可得乎臣願

皇上勤加訪察于學臣之最貪污者嚴行處分更親簡廉明公正之臣使之一釐積弊大振士風斯請謁不行單寒之士胥知自奮而天下之真材出矣至于部議磨勘不過一二字句之閒搜剔瑕疵而納賄行私之情弊反置之不論是以貪污者仍無所顧忌而廉明公正者反苦于吹毛索瘢多所牽制臣請一切罷去寬畧文法責以課試之成效其溺職者痛懲之亦奚藉此磨勘之虛文哉學臣既得

其人斯學官各舉其職而庠序無不教之士矣行是六者未用之人材有以作新之既用之人材有以磨厲之德意感乎法網疎濶積習可變人才可成由是以治人行治法而布德宣猷化民成俗當有不令而行不言而喻者此更化之要術而致太平之實事也冒昧上陳字多逾額仰祈
睿鑒施行

廉立堂文集卷三

奏疏

十一

申救講官張貞生疏

題為講官之直言雖為過激

聖主之大度宜示寬容乞霽

天威以廣言路事臣在

聖訓館中聞日講官張貞生面奏謁

陵巡方貳事宜止又言朝無賢臣蓋因病體狂言直懇

過甚

聖怒不測

勅部從重議處臣竊謂其言雖過其心無罪實以身蒙

國恩備位日講朝夕進規職所當然一念愛

廉立堂文集卷三奏疏

十二

君愚忠狂發力疾抗言干冒

天威然從來盛世不諱直言昔翟璜稱魏文侯為仁君

以任座之言直也徐后賀太宗為明主以魏徵之

言直也今貞生之直懇益彰

皇上之仁明雖有一二狂言似宜曲加容宥臣又聞唐

臣婁師德屢為狄仁傑所短師德終不與較後仁

傑知其嘗薦己也乃自嘆服宋臣唐介面劾文彥

博彥博唯自引咎後轉為唐介言令復知諫院事

今在

廷諸臣品行才能久在

睿鑒之中方將比美於婁公盛德彥博長者豈以一病

夫狂言遂少有損辱耶臣非敢徇私為同官請實

欲彰

皇上納諫之美德與廷臣包荒之雅量耳且臣分修

太祖

太宗聖訓篇中亦諄諄以下求直言惜養人才為重我

皇上法

祖孝思何所不至伏祈曲諒愚忠

特諭免罪將垂美

實錄為後世法不止開一時之言路勵一時之士氣

廉立堂文集卷三奏疏

十三

也臣自知位卑人微妄言取罪統祈

睿鑒施行

題請確查被蝗輕重疏

為畿輔秋成有望外省蝗蝻叠聞請

勅各撫臣速行確查被蝗輕重分數以沛

皇恩以拯災黎事今歲春夏缺雨蝗蝻徧生自江南淮

徐入山東沂州泰安等處河北三府近京諸郡民

人初相驚告倉皇驅捕各省巡撫藩司檄行州縣

賞給米粟掩捕不遺餘力河南江南直隸撫臣次

第以旱蝗

上聞戶部覆直撫題報夏災一疏內稱民閒具告該撫

始行具題恐復有隱匿之處請

廉立堂文集卷三 奏疏

勅下該撫速委賢能官員親臨地方一併詳加查勘蓋

體

皇上殷憂預念窮民困苦之意不忍使一夫向隅也今

各省六七月內俱獲大雨秋苗俱得播種而畿輔

內外禾稼更極茂盛此皆

皇上仁德感格終獲年豐之慶乃 臣聞蝗蝻自東而西

入晉及秦由 臣鄉平陽府屬之間喜夏縣猗氏萬

泉等處以及陝西之韓城三原等處今陝撫已報

被蝗十餘州縣矣餘省或因秋災九月之限未屆

尚未題報或有謂蝗不為災者夫蝗蝻之害其

飛止不一所食多寡稍異然窮民種穀十數畝竟

有被食殆盡者嗷嗷絕哺俯仰何資由部覆直隸

而推之則凡有蝗之處民之獲報者堪憫而未盡

獲告者更堪憫也 臣在山東時因二十九年春米

貴民飢蒙撫臣借發倉中積穀然而所及有限逮

賦終於見迫恐實在災黎未獲安集也我

皇上數年來蠲免各省錢糧至千百餘萬雖無水旱之

儆尚沛蠲復之恩况今蝗蝻叠告而寧吝興發耶

臣請

特發詔諭自直隸而外若江南河南山東山西陝西

廉立堂文集卷三 奏疏

凡有被蝗州縣無論民閒已告未告俱一體委官

速查勘明輕重分數據實題請蠲恤庶

恩膏普被災黎盡沾實惠感頌

皇仁於不朽矣 臣受

皇上非常知遇感

恩不知所報日夜圖維仰體

皇上敬天勤民至意恤災賜復

恩遍普天敢因部覆直省旱蝗而推廣言之冒昧上

陳字多逾額伏乞

睿鑒施行

恭請 陛見疏

為

聖主殊恩逾量臣薄材難勝所

賜召對面謝

天恩恭聆

訓誨事臣昔以翰林出調州判凜念大小內外莫非

君恩在霸五年代篆三縣兢兢焉循分奉職幸免罪罟

而已後以丁憂回籍疊遭重閔旋蒙

特諭仍以翰林官用仰兄

皇上勤求吏治磨礪人材雖以外吏之微歲月之久不

廉立堂文集卷三 奏疏

六

忘記憶俯垂採詢臣拜

命涕零感荷

君恩隆重竊悲臣父母之不及見也因矢此身有生之

年皆報

國之日盡忠不二乃為無忝所生耳今候補翰林檢

討更蒙

皇上超擢山東藩司品級懸殊寵異殊常聞

命之下威懼交并伏念臣生平樸直之性迂拙之守祇

期無愧幽獨非有奇材異能何足上辱

主知送蒙

皇上信之深任之重若此也

皇上為官擇人激揚立斷堯舜聞詢之盛心於今復觀

臣何人斯逢茲曠典敢不益自砥礪勉竭駑鈍圖

報

皇恩於萬一但念旬宣重寄錢穀巨掌自非才識兼優

未易勝任臣書生耳即前在外代篆稍知民生疾

苦有司艱難然位卑職微尚易藏拙今茲位地峻

顯責任繁劇全省之吏治司其辨察民生司其休

養國用軍需司其出納一有識所不周才所不逮

即滋痼瘕隕越之懼况臣受

廉立堂文集卷三 奏疏

七

皇上特簡知遇非常若猶是蹈常襲故因陋就簡抑或

倖圖虛名於旦夕不計實效於久遠皆非臣所以

圖報之義也臣心所自矢者不敢稍有或欺臣力

所能為者不敢稍有或懈惟是事宜先後之序時

勢變通之方若何而不多事以滋擾若何而不疎

畧以滋弊若何而馴兵民使相安若何而消寇盜

使無警臣所未悉諸臣所難直行者非得

天語訓誨何能動合機宜臣非敢邀名越職妄竄

天聽實捧

命悚心顧名思義布政一官職在承流宣化為屏為翰

非可易告無曠者幸值

皇上堯舜之主以德教化天下臣何忍不體

皇上行仁義之實心以圖行仁義之實效極知藩臬無

陛見之例然

皇上破格簡臣迥非他比敢祈

特賜面諭使臣知所遵守得以藉手報

命無負職掌臣不勝惶悚待

命之至

廉立堂文集卷三奏疏

大

題請緩帑項疏

為

聖主隆恩未報微臣積病難痊伏枕九叩永辭

盛世事竊臣山右鄙儒躬逢

堯舜之世屢荷

特恩曲全會無片長報效臣自甲辰蒙

恩拔入庶常散館檢討奉職無狀調補霸州州判先後

丁父母艱於憂居中即奉

特旨衛既齊服闋仍着以翰林官用臣聞

命之下泣告於臣父母之前必圖所以仰答

廉立堂文集卷三奏疏

九

聖恩者丙寅冬杪服闋赴補即蒙超陞山東布政臣雖

以翰林赴補實由州判擢布政也

聖恩高厚曷其有極臣惟有竭盡心力稍圖報稱於萬

一而已二十六年

聖駕南巡臣伏仰道左

皇上獨賜撫臣錢珏及臣鹿尾御酒等物臣何人斯當

此

曠典奉職三年內陞府尹旋陞副都御史又授貴州巡

撫一歲之中

綸音三錫臣感激涕零星馳就道抵任後黎平一案臣

實愚昧粗疎大負我

皇上任使乃蒙

聖恩不即誅戮曲從流宥甫及一年又蒙

特旨賜還原籍自此臣有生之年皆我

皇上再造之年也臣自念一生知遇皆出自

特恩不由廷推感激激圖報未知何所於三十八年蒙

恩起自田閒趨赴永定河所捐修工銀三千兩已經交

完復於十二月奉

旨前往南河分修高堰工程三十九年二月抵清江浦

分工三段額帑帑築臣日在工所身率夫役期早

廉立堂文集卷三

奏疏

三

竣工今幸於九月十二日三工俱經完竣惟清水

潭工已告竣半年有餘忽而椿埽折陷借帑更築

丹堤用銀四千五百九十兩例應賠補念臣家素

貧又臣積病年餘不久人世臣子三人訥諫詢皆

係庠生誠恐一時未能猝辦仰祈

皇恩稍寬限期令臣子衛訥等變產陸續交納庶帑項

不致久懸總之臣受

皇上知遇最深毫無報效今又負帑數千臣雖死後心

何能安惟有結草啣環圖犬馬之報於來世而已

臣謹伏枕繕疏遣臣家人李進忠齋俸

進呈伏乞

皇上慈鑒施行

廉立堂文集卷三

奏疏

三

預籌備賑詳稿

為實行常平之法仰祈憲裁以廣

皇仁以備賑濟事竊照足國之道莫先足民而足民之要又在乎預積貯通緩急均時價做古三年九年之意權其所盈餘者輾轉生息以備天時人事之不虞古有常平倉社倉義倉行之皆有成效卽今各州縣勸諭民間捐輸每年借貸收息而連年歲收未登樂輸者無幾平時無積貯之實一遇災荒束手無策如康熙十八九年濟兗東青等州縣大饑民人流離載道若非

廉立堂文集卷三

官續

三

皇恩撥發正帑并及漕項大加賑救則二東之民其不致逃亡殆盡者幾希是積粟一事誠今日似迂而實切似緩而實急之本務也今歲仰荷

皇仁格天雨暘時若東省秋禾處處豐收民間穀價每斗賤至四五分不等當大有之秋宜廣積儲之計且民間鬻穀者多而糴穀者少農民易穀辦課維艱勢必為富家勒價窩糴轉盼來春窮民乏食穀價將復騰貴本司深慮穀價之倏忽低昂皆足以病民而轉移之責無他容諉况逢憲臺下車以來革除餽送禁絕私派其節省物力藏富於民者歲

不下數萬而屬在承宣不能以憲臺節省所餘者導利而布之上下徒泥經費無出之說坐歎仰屋非本司心之所安也今欲於本司支撥銀兩內量緩急通融糴穀照時價量增其數俟來春糴穀照時價量減其數則價持其平奸民不得任意低昂每歲合糴糴總計除扣還原項外其剩餘穀石存為倉本積之數年倉廩充實凶荒無虞是猶古常平倉之遺意也是否可行相應呈請憲臺批示以便遵行

廉立堂文集卷三

官續

三

詳請緩征稿

為詳請緩征未完錢糧以舒民困事竊照丁地錢糧關軍國之需征解不容遲緩然年歲有豐歉民力有難易寓撫字於催科亦惟因其時勢於先後緩急開加之意而已今歲東省地方雖不比直隸災荒然收成歉薄所在皆然若就各府而論惟偏東數十州縣為稍收其餘皆歉而充屬尤甚今值歲終之際本司將各屬康熙二十八年錢糧逐一會計通省起運丁地共該銀二百五十七萬四千六百二十九兩九錢九分零內除已完并撥兌

廉立堂文集卷三 宣廣

三

解府支放兵餉及所欠為數無多與夫收穫稍豐勉力勸輸可冀全完州縣不開外惟克州府屬之沂州郟城費縣滕縣嶧縣全鄉曹縣濟寧以及寧陽泗水鉅野鄆城濟南府屬之泰安歷城新城臨邑青城蒲臺東昌府屬之邱縣高唐武城恩縣青州府屬之安邱日照等二十四州縣共計未完銀一十二萬一千六十兩一錢二分又濟南德州臨清等衛所共計未完銀一萬一千一百三十八兩四錢節檄嚴催據各州縣衛所紛紛以民力難完懇暫緩征為請緣此等地方連歲以來非苦於旱

則苦於澇從未獲告豐登今歲三春不雨二麥未收入夏逾時始沾雨澤是以歉收既不合報災之例又何敢輕請 題燭况蒙

皇恩浩蕩洪恩業已全免康熙二十九年錢糧小民方感格外之施亦不復再有邀

恩之念唯是本處收成既薄又逢隣境災荒買運不絕以致市價日增入冬以來頓加數倍目下飢寒交迫何力及於輸將合無將沂州等州縣衛所未完錢糧暫停征比俟明年麥熟之後再行補收不過暫緩數月而民得安生所關甚重查定例錢糧

廉立堂文集卷三 宣廣

三

完欠至明年四月終方行 奏銷一歲報全完者經徵府州縣官員俱得紀錄布政使亦有加級議敘之條似可尚延數月徐圖報完上邀紀錄之榮但本司念受

皇上殊恩自州倅超拔藩司年餘矢心奉職無可圖報惟當仰體

皇上視民如傷之心時時愛養百姓計安敢違一己之功名坐視百姓之嗚危而不告茲值本部院初臨勤求民隱用敢急切具詳造冊仰祈裁奪俯賜具題倘荷俞允則窮黎實沾再造之恩矣

捐積麥石備荒詳稿

爲詳明捐積麥石以備救荒事竊惟水旱難齊災荒時有所恃以無恐者積備先而儲待廣也古有義社倉之法又有平糴之法皆行之已效而可取則者查義社等倉舊雖舉行尚鮮實濟今奉皇上軫念民艱諭令樽節物力及時蓄積更荷憲臺題奉

俞旨按地每畝輸穀三合至誠所感士民鼓舞爭先已見倉有餘糧而廩無虛設矣至於平糴之法本司於二十七年十月內詳明前撫憲做行一次發給

康立堂文集卷三 官續

三

庫銀六百餘兩當穀賤時增價糴買及穀貴時減價出糴計還本外尚餘糧一百二十餘石存貯錢局業經報明在案今歲春初米貴民飢本司亦曾有發銀買米平糴之議第以錢糧重大庫銀未敢輕發然本司職任承宣積貯備荒實係專責恭逢憲臺仁愛廉潔諸凡節省歲積頗多卽以所省之物力行預備之實政庶幾推廣憲臺惠澤溥萬姓於將來本司叨承洪庇之下亦爲不虛此仁愛也原擬動發銀兩分給各州縣買糧存貯猶恐奉行不善反致滋擾擾民夏秋之交單縣知縣翟堯佐

以公事來省謁見本司詢問單曹諸邑麥頗豐收發銀一千兩令其起賒糴買雜糧今該縣實心料理勤力轉輸將原發之銀買麥一千石僅備舡車運至省城交貯錢局本司當發銀之時卽欲詳明尚慮一時購買不前未敢遽請今已買完交倉相應報明倘遇日後米糧高貴之時或減價出糴或春借秋還或動支賑濟亦可少資荒政之一二也擬合呈詳伏乞憲臺批示遵行

康立堂文集卷三 官續

三

詳請採買濟軍便民稿

為德倉額米徵解不副支放之期仰請 題明採買半年之米以濟軍需以便官民事該本司查看得濟兗二府各州縣額解德州常豐二倉本色米二萬五千二百一十二石零於康熙二十六年請更倉糧等事案內經前撫憲錢 題明各就附近撥充德州駐防滿洲官兵及綠旗兵丁月米以省勞費部覆奉

旨允行在案當奉文之始經前司詳議本色米石例俟秋成開徵而駐防官兵俸糧係按月支放綠旗兵廉立堂文集卷三 宣牘 无

丁係按季支領其春夏之米青黃不接若預行開徵未免有累於民統俟秋成又苦於兵請將駐防官兵二十六年春夏已支米石免其還倉并將二十六年撥充餘剩米四千五百七十七石零收貯各倉以作二十七年春季之用遞年如此不惟接濟兵食有備抑且有益於民等因詳請前憲未荷允准隨將二十六年已支之米掣出還倉并餘剩米石均令起運訖遂自二十六年為始通歲皆允支現年之米除綠旗兵丁多係土著之人且有先兌一二季本色餘仍支折價者尚可自為通融無

庸更議外惟德州駐防官兵月米一項原派撥樂陵商河陽信海豐霑化蒲臺等六縣每歲解交德州收支但徵解在於秋成之後而官兵之俸餉米乃二八月兩次大放口糧米係按月支給俱不容少緩所有上半年應支之米時未開徵不能接濟是以連年皆地方官預為措備於年前辦解一半以應春夏之用俟新米開徵之日扣抵幸值年歲豐稔拮据支持僅免匱乏一遇荒歉預徵則累民措備則累官倘或辦解不前稽遲時日不免貽誤軍需而逐年先解後徵撮措變互之間自多虧折廉立堂文集卷三 宣牘 无

萬一有不肖之員因賠墊無出借端派擾又起橫征苛歛之弊均非便民安民之道也本司職司錢糧熟籌變通之法必須另給半年米石以支春夏將六縣應徵之米半支本年秋冬半備次年春夏之用如此則遞年相承皆得先徵後給永無匱乏但東省現在別無可撥之米惟有及時採買之法可行正具詳開據德州申請於本年秋成之後動用司庫銀兩發給樂陵等六縣照時價買米四千一百石於本年十二月內解州收貯以作康熙三十一年上半年俸餉月糧支用照依實價報銷其

六縣三十一年額徵米石仍盡數解州以支三十一年下半年秋冬併三十二年上半年之糧一轉移而官民永受其利等語洵屬妥協第該州議發六縣分買解交又多轉折勞費不如徑令該州就近採買依時價貴賤從實報銷更為省便也本司未敢擅便相應呈祈憲臺俯賜裁奪 題請聽候部議遵行可也

觀風告示

為觀風事照得士列四民之首文為六藝之遺興賢造士必先於文乎取之況齊魯文學蓋其天性西漢五經始立於學官皆齊魯諸儒為之師抑何彬彬盛也爾多士近聖人之居踵前賢之跡沉浸醲郁源遠而流益長數科以來山左闡牘稱雄天下所固然已獨是帖括之習近徒視為階榮之具經未明而就試觚方操而希名或高自標致務乎新奇或步趨時流工於摹倣意總期於速得文未必其皆醇習氣已深洗脫匪易此有志之士所當

拈毫而思奮者也夫文以載道言者心聲惟理足於中詞自己出折衷於傳註而不失之拘牽規模於先民而不失之枯瘠文章不與時為上下風氣可自我而轉移又何取乎佞屈聱牙之習與夫拾人唾餘之卑卑者乎蓋欲脫時蹊莫若稽古欲務實學莫若通經爾多士源淵有自不乏通經稽古之儒本司下車伊始樂覩其盛為此示仰所屬生員知悉除濟南府附郭本司親行考較外其外府州縣各生傳題該府即便轉行州縣定限本月日於公廨嚴扁面試即將原卷彙解前來以憑親閱

本司拔其尤者取入書院肄業且將朝夕發明以
庶德造於有成勿徒視爲觀風舊例也貢監諸生
暨童生果係積學願試者一併收考特示

廉立堂文集卷三

宦牘

三



廉立堂文集卷四



郇易衛既齊爾錫著

太平趙熟典藥齋較



序

歷代統紀序

春秋大一統而十二公之紀元並系列國綱目尊
正統辨無統而建國僭國大小新故之數迺詳注
於正朔之下嗟乎天下之分而合合而分久矣議

廉立堂文集卷四

序

一

者謂封建則勢易分郡縣則勢易合非也世之盛
也親賢並建大小相維封建之廣無異郡縣昔者
塗山之會執玉帛者萬國夏商以還猶有千八百
國至周初而會孟津者猶稱八百諸侯意其時分
土有制無大并兼故曰今之百里古諸侯也迨乎
王綱解紐霸國迭興大國常兼數圻小國夷于九
縣家臣巨室裂地專封不待廢秦氏而已有郡屬
縣公之名矣此蓋兼并之弊非封建之失也且天
下分合之勢顧人主操禦何如耳不在封建與不
封建也秦吞六國矣甫二世而七國復起晉平蜀

吳矣及惠帝而蜀漢已興南北朝之十六國誰爲
肇封唐末之諸道藩鎮豈皆胙土固知百世非可
預期九有不私一姓得其道則封建未嘗不合失
其道則郡縣未嘗不分也合則治分則亂其由分
而合也創治者維艱其由合而分也肇釁者亦以
漸讀史而欲知所法戒不攷僭竊之端不知削禍
亂之難也不悉割據之形亦不識資驅除之易也
余友解梁介子右人篤志潛修學以根極性命爲
宗而更畱心經濟博觀史鑑本春秋綱目之意約
傳紀志乘之文著歷代統紀若干卷首於得統者

廉立堂文集卷四 序

二

撮其世系年諡而紀事從畧以史鑑所嘗傳聞者
後學其曉不復多爲之說正統而外若列國若諸
藩若羣盜若外變備誌其始末廢興而於地勢之
險要雖僻必詳人事之變異雖微必覈義士忠臣
之遇害者大書死節貞女賢后之抗言者附錄遺
文官制輿圖之必載歷法樂律之必垂搜括異書
而不失之僻釐定訛注而不失之支腹苟吻筆積
二十年稿十餘易皆經手抄時偕余弟叅校並綱
目全史皇極經世等書中有訛漏者改正彙輯後
學者苦全史之浩瀚不勝記誦而坊鑑缺畧漏遺

又以不全不備爲憾得斯編也上下數千百年之
統緒瞭然如指諸掌於以審治亂之幾察分合之
勢尊得統之正黜閭位之失明王道而正人心所
關豈淺鮮哉

廉立堂文集卷四 序

三

淄川縣志序

太史唐先生以淄川新志見貽俾為其序蓋其書始於司寇高先生成於先生之手而先後編纂則單刺史袁孝廉張明經皆一時名彥兩先生以其國史之餘才合之以成一邑之史其發凡起例迥非他郡邑乘所可及新令為政知所向方用能其勤厥事以授之梓余閱之重有歎也郡邑之志雖與史家義例不侔然執簡操筆者亦必兼才學識三者之長考據精核去取攸當其於忠孝廉節瑰璋卓峙之行從而形容摹擬之以永其傳傳有之

廉立堂文集卷四 序

四

言之無文行之不遠信乎其不可不文也至於山川封域之限經界壤地之殊風氣之習貢賦之入興壤沿革必一一有徵乃可以盡人之情而極事之變其不徒在藻績雕飾潤色之而已然則苟非其華與實兼詞與事稱則君子猶病焉今觀此書所載人物如玉孝子之繭室則欲于縣北梓潼山庶幾識其故處如范文正之寓居則定于淄之長山而不以滋異議焉其所重可知已至若平津起徒步取宰相封侯至貴重矣則斷以為菑川國劇縣人雖田何楊世之傳經亦皆以還之菑川國而

廉立堂文集卷四 序

五

一與今之淄川無與也昔蘇子由譏司馬氏疎畧而輕信今其詳審確當如是夫亦可以無譏矣若乃淄之田賦舊額已足而猶于山高水激礪確於蕩之區深其隱憂其臨米改折德米分軍既已荷中丞公厚德矣而漕糧一項則以去水次猶遠而恐其尚為民累也推其意與禹貢列田賦而辨墳墟赤黎之異壤周職方紀風物而辨九鎮九澤之異名何異此其有關於國計民生之大者他如風土謠俗纖悉具載川原之綺麗園林之蔥蒨靡不感嘆流連是眞所謂華實兼者也詞事稱者也其以有濟于時而必傳于後無疑也則兩先生之功豈不亦偉哉獨計濟南為六郡之首諸郡邑皆有志而一郡獨無成書余備藩茲土有志焉而未之逮也則夫負三長之譽而兼良史之才者得無意乎

損益編序

子曰作易者其有憂患乎故三陳九卦以明處憂患之道漁濱讀易有得又於其中取損益焉夫懲忿窒慾遷善改過君子之所以修其身者備矣漁濱爲余同年友相別二十年餘惠然顧我以所著損益編序述箴銘見示俾爲其序余受以卒業其言粹然一出于正與程子四箴張子東西銘相彷彿余何能益一辭哉其在說命曰非知之艱行之維艱朱子白鹿洞學規亦以懲忿窒慾遷善改過爲篤行修身之要若王介甫自謂于諸經已識其

廉立堂文集卷四 序

六

大體而無疑所作九卦論明白曉暢而其行事一與相反何歟蓋亦知之而不能行之故也漁濱生文獻之邦其文章久窺歐曾閩域一官嶺嶠出入于瘴烟瘴雨凶鋒逆鏑之閒處困而能自免歸則恪守先訓一舉足不失寸尺取古先聖賢之書而讀之日有孳孳不知老之將至也近乃心契于聖人自損者益周子乾損益動之旨而以損名其齋日來獲與相對見其氣益寂其視益下穆乎有道之容然則漁濱之自損也可知已是蓋知之而復能行之者矣夫漁濱之爲是編也將以告乎後之

人也使讀是編者能身體而力行焉豈惟處困之道得哉所謂或出或處或默或語無施不可者余固推其意而爲序之如此云

廉立堂文集卷四 序

七

魏陶恭隱芳堂詩序

自制科以經義取士士皆以全力用之經義而餘力乃及於詩夫詩未易言也雖有別才異趣非多讀書窮理則不能極其至今世儒者咕嗶為舉子業往往以羔雁所資生平精銳之氣於焉畢竭及其尋諸詩也譬猶鏃南山之竹洞胸穿札之餘辭魯縞而飲石其難為勁也必矣鄙邑魏子陶菴為燕南文章名宿余初讀其制藝風華韶令聲諧金石則已嘆其非俗下短旬徒沉埋於八股中者比已而陶菴以詩一帙來咏則又嘆其情生於文文

廉立堂文集卷四序

八

生於情高響可以翔於天幽光可以潛於淵何其才之過人而詩與文若斯兼優也抑余嘗察其為人言貌恂謹而中實介介不與俗儕伍歲時閒一從游有道之氣時溢於眉宇則知其所養者有素矣韓昌黎曰仁義之人其言藹如也今讀陶菴諸咏音節和平悠然自適皆以摠瀉性真止耳以視世之託悲壯激調淒涼無病而強為呻吟無憂而故作愁憤者其正變得失為何如哉余固知陶菴之詩以養勝者也非獨以才之優也

沈平遠詩稿序

寶玉之山土木必潤盛德之士文藝必眾往余校庚戌春關於沈子平遠有文章之知今沈子來宰汾西更出其所為詩若干首示余盍手讀之仁義之言其音藹如也余因嘆文生於情情生於文作者同聲而殊調讀者合譜而攷觀古今詩文皆日新之物也凡物之有生氣者日新風撓雲騰沙起石沸魚躍鳥啣花綻葉飛天地間歲歲此時物也而變化奇異歲歲不相襲觸目興懷遂感歎殊焉者一時一物各有一生氣行乎其間也故奕者枰

廉立堂文集卷四序

九

罫同而無同局歌者音律同而無同態詩之為道也體製惟舊情性惟新要以有生氣能動人者為貴耳剽竊陳言飾為已有是得人之得而非自得其得適人之適而非自適其適究且使己之性靈與為汨沒而不俱出何以登作者之堂哉沈子靈心獨運秀句天成時為懼忤時為驚愕時為蕭瑟流連而不能已推陳出新大雅之不墜者當在斯乎是為序

辱菴偶吟序

士之講於樂天知命之學者隨其所處皆有以自全今夫患難之來苟非其自取其容而消之也誠有若水之於海冰之於夏日者雖然世之知道者蓋寡當其無聊不平有動於中閒且作為歌詩以自寫其無可如何之狀是亦所謂玩而忘之以文詞者乎昔蘇長公繫御史臺恐不免作詩寄子由夜雨傷神詞旨嗚咽余以謂子瞻天姿曠達當倉卒時篤于友愛如此雖不及古人之獄中受經然其於上書自明者則亦遠矣汪子我長余既識其

廉立堂文集卷四 序

十

文又愛其詩今以辱菴偶吟就質於余抑何其瑰怪可喜也蓋汪子督南倉時以謠詠待訊西曹既失所不自得遂和蘇公二詩以見志及事復白復效蘇公謫黃州時再和前韻其他諸什皆多所寄託蘇詩云試拈詩筆已如神今君所為得毋類是至於詩餘雜闕一意摹蘇時出入於秦柳閒汪子之於文信善已使汪子而能學道養其自得之天卽榮瘁殊遭窮達異位一不改其故常由是形之於篇翰一皆溫柔敦厚之旨而無事乎感激怨楚之言則汪子之於道且有得已卽何但以文人目

之哉因序其集以歸之兼以致余屬望云爾

廉立堂文集卷四 序

十一

忠裕堂詩集序

往余之步隨叔先生後塵也是時年正少館中珥
筆追隨以是為適然耳然晨夕相過從情好日摯
歲壬子先生以實錄成請假歸里余亦還子舍
無因緣相見比先生家居十載而已不可復作矣
追念曩游恍如夢寐今年春先生之子奉忠裕堂
詩集以來屬為其序而令兄觀仲亦以為言然則
余雖不文其奉先生教久矣烏容嘿嘿已耶蓋先
生累世通顯有河北崔盧之目自端愍公以身殉
國異代褒嘉其忠義之節震耀穹壤先生甫數齡

廉立堂文集卷四 序

七

失所怙以鳧盟觀仲為之兄門內自相師友而鳧
盟先生至性過人績學種文隱居不仕凡所以教
其弟者唯以克紹端愍公之令緒為兢兢以故先
生學問夙成高步承明著作之廬含華振藻人以
為可與東馬嚴校比並而不知其胚胎前光承藉
家學有以致之而然也性耽吟咏亦其得于哲兄
之講論為多每見其清思獨運下筆驚人而清水
芙蓉絕去雕飾即其里居諸作蕭然高奇漸近自
然蓋其講于忠孝之旨者熟而得於溫柔敦厚之
教者深宜其言之和平肆行有如是歟夫詩者性

情之發性情既正其足以傳世而行後無疑也夫
君子讀其書則欲以知其人余為道其家世之盛
而因以及其文章之有由成後之讀是集者夫亦
可慨然而興矣

廉立堂文集卷四 序

七

萬泉令邱公創立義學序

善治者必重教化必正風俗其要則在於得賢才
記曰建國君民教學為先周子曰師道立則善人
多古者自州閭鄉黨以及都邑莫不有學學有詩
書六藝祭饗射飲之節以習其心體耳目手足之
舉錯其賢者道德明秀而可為公卿其中材者循
規矩勤觀摩而亦不自安於愚不肖是以戶聞弦
誦之聲人多士君子之行俗莫美焉化莫隆焉後
之言治者先政刑後教化以簿書期會為重廉正
之譚目為迂濶便法自營以投時好米鹽錐刀之

廉立堂文集卷四 序

十四

未將盡爭之為治之道追胥箕歛耳非復有文學
禮義之說也士之留于庠序者裁決經書取青換
白博趨功名之恐後其有語以窮理盡性者率厭
聽思卧而終其身矻矻焉為無用之學聿及服官
從仕轉又往往舍生平所學以效夫市井機變之
習道滋微而俗滋薄如蟲食木中傷敗冲氣卒至
穿穴侵漏與本俱傾而莫之知也何云善治哉唯
寧邱公宰萬泉踰年黔黎無不樂業者訟師無敢
甚訟者獄無重囚里無科擾吏胥無叫囂墮哭而
又本學道愛人之意立義學延名儒設程軌通微

指味厚養崇儀獎勤激情一時矜佩之士思樂而

感奮者比昔有加視俗吏之苟辦文書者日亦不

暇而況於教學乎公誠優于仕而得本計矣今

天子崇文右道日講讀經史不輟詔告大小臣工凡親

民者皆試以文藝考成有司必察其敦行教化之

實行見古者禮樂文章之盛可復興也而公于更

治之初尊師重儒諄諄以經義課生徒其所以廣

聖天子壽考作人之化率天下而以學術為政事者功

非淺也觀風奏績公其首推矣

廉立堂文集卷四 序

十五

觀風錄序

昔人云文者貫道之器又曰道勝者文不難而自至夫古人之文之傳於後世雖其所得於道深淺有不同要之未有無所得者也至於八股體格與古文稍異然實揣摩聖賢旨趣而代之言尤貴其有合於道也或謂文以氣為主氣盛則言之小大與聲之高下皆宜不知文以理為要理明而氣自浩乎其莫禦庶與道不相盤也已齊魯於文學蓋其天性余忝藩茲土欲與多士興起於斯文總六郡而試之誠泱泱乎大國之遺風焉夫風氣不一

廉立堂文集卷四 序

六

習尚易移士苟卓然自命知以通經學古為高豈非所稱難能而可貴者乎所閱諸卷間有習為搏攫吞剝禿屑常瑣之調槩置不錄若乃理足於中氣昌於外羽翼傳註而能暢所欲言每得之輒循環吟諷不自禁悉拔之高等今擇其言尤雅者若干篇授之梓雖文不一體余之所收亦不恒一格然謂其舉無得於斯道不可也今夫泰岱之山其雲垂天其雨不崇朝而遍四野此天下之至高也卽歷山之迤邐嵒華之對峙嵐煙氤氳虎牙傑立亦稱巨觀滄溟之水百川所歸魚鼈蛟鼉萬怪惶

惑天下之至廣也至若七十二泉之伏流澗湧編珠噴玉激射奔駛亦足以洞駭心目夫學山而至於山學海而至於海學者之於文亦若是則已矣抑余更有進者昔王文成作山東鄉試錄序以謂山東為吾夫子之鄉當時身通六藝者七十有二人今雖不逮於古豈無一二如昔賢者乎苟今之所取不與焉則取人與取於人者均之有責焉耳矣爾多士其交勉之誠能感動奮發於文成之言斯真無愧為夫子之鄉人也余不勉繼自今敢不益精其所取哉是為序

廉立堂文集卷四 序

七

觀風錄二集序

嘗嘆帖括之制非直梯榮干祿之資也蓋會六經語孟之真傳發周程張朱之奧旨上可以措經綸于朝廷下可以殲名節于巖穴是在讀書養氣自命超卓不屑勦襲雷同之習則理明詞暢蔚然大雅所謂載道而華國者胥不外乎此也歲戊辰余奉

命旬宣山左莅政餘暇因于聖賢鍾靈之鄉雅有歐陽黜浮之志每總一郡闔題二道特責有司監試則題少卷多易絕抄陳之陋而各出手眼暢所欲言

廉立堂文集卷四序

文

文不一格悉歸醇茂蓋東海泱泱之風已得縱覽其梗槩矣第以是典久廢有司目為具文竊恐韜光歛鍔之士未必盡出而來獻其長也余心更惴惴不能已復于己巳夏嚴檄六郡百餘州邑各緘二題令其鍵署督校一時齊魯文學爭相鼓舞以應其求于是糊口彙封次第投屏余撥簿書之冗篝燈點竄見其力反風會之遷流各極文心之變化寧期無襲寧刻摯無庸淺寧高視濶步獨往獨來必不捧西施之心抵優孟之掌遂不禁躍然興起曰清朕而不寂博大而不庸理道既深文辭自

偉此舉業之正派說書之真詮也今之制科者選

調俯聲紛紛摹秦擬漢逗奏成篇敵且傷其氣而滯于理是編也不摭拾章句陋說並不剽竊坊刻舊語與衍恢奇沉雄疎古率皆各自成家其大者如名山大川隨地稱異即次者一印一壑別其靈秀不落委瑣之觀噫嘻闡微言于已往廣大業于將來亦何所不可也余故急拔其尤者若干首復付剞劂以與前集並公同好幸不至以拘墟之見掩抑海岱之英敢曰知人能得士乎哉然而豐其毛羽以振高秋諸生其亦知所自勵也夫

廉立堂文集卷四序

文

歷山書院月課序

白雪樓之名相傳舊矣自中丞張南溟先生更建五楹于樓後以爲士子藏修之所而月一課之在省藩臬兼司郡守邑令爲月主一會供飲饌中丞錢朗亭先生踵行之余來備藩于茲則已行一年餘矣更建兩廊房前後環列三十間延觀風所拔士居其中六郡負笈來者歲至七十餘人月供廩餼三日一講業十日一課試凡遇月之十六日則中丞率司道以下親蒞主其會大司馬佛中丞先生蒞任後春夏三會咸親爲教肄焉及秋余爲臬

廉立堂文集卷四

序

選歷試月課所爲文得百二十餘首授諸梓因以紀其事于簡端而不禁重有慨也古者四術四教順先王詩書禮樂以造士安定胡先生教授湖南立經義治事二齋俾學者明體達用不徒以文辭爲工也今之課士者治事諸條概置弗講所講者經義耳而經義亦僅爲訓詁帖括求其有得于先王造士之意者蓋亦鮮矣余與諸生二歲中所約則以志必期其大功必務其實討論經義于遵傳註之中尤體會聖賢立言本意而以人情物理質驗之間披閱性理綱鑑爲之撮要析疑期于洞見

本源曉暢事勢卽所校試爲文章必皆本其中所

實得者發爲議論證理證事不襲浮響所訂成若干篇雖未遽登于先輩大家之列以視俗尚綺靡者則有閒已山左人文夙盛而茲又萃六郡之英全編中奇觀具備雅稱快賞而余更有所重者二年來諸儒潛修毫不問戶外事余每于案牘之暇至白雪樓前聚對盈坐講解竟夕諸生始終無一言公事者于是知聖之遺教未泯而士人能自重者不乏也士爲四民之望政以得人爲先敬教勸學余敢忽乎哉

廉立堂文集卷四

序

三

猶存集序

河津任子思菴於余為同年友憶甲辰初釋褐時
任子意氣倜儻豪飲與酣纏纏數千言輒自灑翰
幅素筆陣跳脫如鳳騫龍騰有不可一世之槩自
庚戌再晤京邸叩其詩學則益進以需次閒作汗
漫游足跡所至奚囊以盈而不輕付剞劂薄為小
技每自矢經國大業當更有進於此者即不然一
行作吏務期於人民實有濟耳余每服其志之壯
而言之遠也癸丑謁選得湖廣之長沙值滇藩逆
叛無任可到赴撫軍前委令購買軍需往來衡岳

廉立堂文集卷四 序

三

辰沅數千里僱船募夫星夜不遑啓處蓋至舟車
所窮躬自跋涉者數矣當是時大軍雲屯湖湘餽
饟不繼士有飢色凡購米輓輸苦不能如期集而
任子運艘乘風獨先至三軍躡呼雷動將軍督撫
顧而色喜更歷試器其才遂委知長沙府事任子
亦自幸奇遇數年殫心力期不負所舉也亡何以
註誤歸識者以未究其用為惜今歲令嗣以猶存
集見示問敘於余余展卷卒讀所紀湖南事始末
最詳其勤勞王事而發為吟咏非同騷人墨客優
游嘯傲者比而倥偬執掌之中饒風流閑雅之韻

則其度之優而才之裕也余自撫黔被逮竄黑龍

江亦屢瀕於死而幸逸

聖恩萬里生還已不及見任子矣猶及讀茲集而序之
集所存者僅湖南諸篇又不及盡取其少年游歷
諸咏而登之嗚呼今昔存歿之感為何如也

廉立堂文集卷四 序

三

汪我長羅美堂稿序

制義至今日固亦斯文絕續之交也論者往往謂制義之文困天下之聰明才智於行墨尺幅之中而究爲空疎無用之學不知此習俗之弊而非經義之固然也經義之興原以羽翼聖經錯綜子史凡天人理道之與身心性命之微與夫經義典禮名物器數之紛紜纖悉無一不於尺幅焉其之昔有明三百年來既已日異月新殫精極變比其末流變窮而無所入於是牛鬼蛇神虛詞嚙語謬悠荒忽不可究詰而斯道或幾乎息矣 國初大雅

康立堂文集卷四 序

一

之儒起而矯之尊經守傳正體潔詞二十年來海內之文章炳炳焉煌煌焉可謂盛矣然而習變風靡揣摩之家以爛熟爲典雅以浮靡爲俊逸其體日以卑其氣日以瀟管諸服食向也厭穀粟之奉而蕭艾薜荔以爲好非正味矣今則又將如塵羹塗飯之不可以飲噉薄糜魯酒之可飲噉而不可以醉飽其弊均也於是天下亦稍稍厭薄之遂至廢制科用策論後經義先時務豈非時變之既窮而斯道幾絕之明效耶今茲庚戌之春復以八股取士溯歷科則爲由舊視近科則爲更新誠得宗

才卓識之士有以開風氣之先而昌明之於以扶

衰起敝迴既倒之狂瀾斯經術儒學之幸也否則因陋守舊推波助瀾亦僅如再榮之卉復燃之薪光焰必不能同於初矣是則斯道之振起在今日陵遲亦在今日續絕之交所以轉移風氣者豈細故哉余頃承乏禮闈竊有意於黜浮崇雅力求醇深高古之作以風厲當世得汪子我長之卷而歎異之擢薦高第既而得閱其所爲文皆脫去凡近獨臻闢奧有先正名家之風信可謂宏才卓識昌明斯道者矣嗟乎風氣之升降何常亦在當世之

康立堂文集卷四 序

二

好尚何如耳操瑟而立齊門一再不售焉未有不舍瑟而爲竿者也浸假而鼓瑟者得前吾又見吹竿者之胥挾瑟矣今世之操觚者得汪子文以爲嚆矢其亦曉然知所趨嚮相與力掃浮靡振興大雅庶經義一道如日再中制科之典永遠弗易千百年後謂文運之復昌自今始豈不偉乎余於海內有厚望焉

厲烈士獨快篇稿序

昔人云文章乃經國大業不朽盛事洵茲言則八股豈輕視今人之文油腔軟調各以自矜為超功名捷徑豈天下之才智不盡如古人哉無典型在望後生何從考德而問業焉固知時文非難而深心讀者為難而能以古文化時文者為真難也文章原自有生面作文章者貴有生氣不從生面生氣求之但以油腔軟調為歸焉抑末已我

皇上以八股取士原期得真人材尤貴得真文章而真文章者真人材之所從出也上求仰答

廉立堂文集卷四 序

三

聖天子掄材之意下不負寒窗白首苦心積學之工是以闈中分較孜孜汲汲常以不稱負罪為恐懼得烈士卷古氣淋漓英姿逸浩浩落落超出尋常行墨之外真生面生氣之文場中不兩見者讀之而喜欲狂出闈急索其稿得一百七十餘首挑燈快讀題不一篇而篇不一種有雄博絕麗者有灑灑千頃而疎蕩者有掘奇抉奧以洞劈幽靈者有枯心研毫拈花自笑而鼻息者有娟娟以生姿媚者有飄然翛然仙骨其珊珊然者固雖體變而屢遷哉大都其天才超逸以真實之性情發真實之

書理縱橫變化無所不可故筆無游辭而辭無累氣誠今文之一藥石也聞其忠孝根諸素性讀其文即見其人已從來理題之文入魔障者多而闢光亮者少先輩名家亦往往坐此病而不能釋能說理妙於說情而說情同於說事此東坡先生所謂了然於心手口者非千萬人不一見者乎嗟嗟文章未墜必有英絕領袖非烈士其誰望哉天下不乏真心讀古之士見烈士之文未有不赧然色喜者當不以余言為阿所好歟

廉立堂文集卷四 序

三

朱少司農年譜序

少司農朱先生新刻年譜成郵致濟上某受以卒業不禁喟然而歎也曰士君子通經學古蓋將以致用也然或平居蓄積者未厚自命者未高及出而與人家國碌碌無所短長雖仕宦至將相富貴歸故鄉而日月逾邁迴憶吾生所閱歷一一俱為陳迹終身徒馳驟於利欲之途則亦無可稱道焉已矣古大臣則不然當志學之始已隱然有堯舜君民之心一旦以文章致身通顯凡所設施措置焜耀人耳目間皆有本末可紀即功成身退匪但

廉立堂文集卷四 序

天

以自安逸而已為善於鄉始終無倦象人交口而頌之亦不僅以其勢位之盛隆也若先生者豈有媿千古之人哉先生髫年英異孝友著聞讀書破萬卷下筆不能自休乙酉領鄉薦第一人提南宮作民司牧所在見稱自郎署登居臺諫出省方岳入直掖垣其所敷陳條奏悉軍國之大計而非嵬瑣之小言

主眷日隆洵歷卿貳列中丞法座遂為少司農諸所謨謀於廊廟動中機宜蓋先生具文武經緯之才知大體裕謀畧人咸比之唐晉公趙豐公惟先生與

二公生同里閭庶幾先後相望無媿色矣方將枋用遽致政以歸鄉人惟喜迎迓如望慈母焉先是順治中條陳絳襪二縣驛馬協濟閩邑歲省民間萬餘金至是捐五百金創建涑水西橋以便行者歲在壬子典楚試號稱得人比家居多暇更立雙星會進同異姓子弟之俊秀者教誨成就之他如敬宗收族睦鄰任恤諸懿行更僕難數由是萬人戴德建生祠邑之東關顏曰函蓋桐鄉此雖溫公之在洛中香山之居履道未始聞也嗚呼斯豈倖致也哉爰考先生生平學問深醇道德滿衍其出

廉立堂文集卷四 序

无

其處所關於家國甚鉅固宜大書特書以驚動天下耳目且俾御人子弟知所楷模矜式是譜之作所以不可已也昔太史公司馬相如揚子雲班孟堅陶淵明歐陽永叔諸君子往往自為其傳以明示將來要其旨趣大畧焉而已若杜少陵年譜刻於呂汲公而黃鶴魯管輩穿穴排鑽愈失其真即蘇長公年譜亦後來紀錄而成之者未若斯譜之作門弟子謹而書之先生時寓目焉詳而有要質而不鑿其傳信于後世必也先生為先君同榜進士某以通門子姓有維桑之仰又受知愛最深頃

命爲之序遂觀縷而書之庸以自託於不朽云爾

曲沃蘇氏族譜序

嘗釋事人事鬼之義曰事人者非他卽能事父母之謂也事鬼者非他卽能事祖宗之謂也夫祖宗遠矣自高曾而上數十世極濶漫而莫稽矣卽高曾五世而內有不及見曾孫元孫者甚若所云來孫昆孫雲孫耳孫輩固皆不知其誰何之人也乃仁人孝子能於數十世之遠而人道相接祭則受福宛見列祖之來格而合饗者曰惟一氣故也氣可以通十數世之鬼神而或無以通一堂之父母則是自閒其氣也噫使人之於父母以氣潛通雖

壯長有室後無異嬰孩在父母懷抱時痛癢忻愉之相關也卽吾之氣有不與父母一體者哉生而爲父母以一氣順承之沒而爲祖宗以一氣感召之此事人者所以能事鬼也族譜之敘世系也自父若祖以及歷代之高曾而溯其支派則合人鬼而一事之者也曲沃蘇子寧社幼未事鉛槧往來懋遷荆豫閒歲甲寅余遇於湖南同患難者數月矣而出其所訂族譜示余余觀其考覈詳晰義例俱備首分南北二支俾先世之久遠難攷者以次分序無訛無漏子孫誤重祖諱則亟更焉次分本

支四門於伯叔昆弟之無後者各擇嗣而為之後
俾其鬼不餒也所以萃渙繼絕殫精竭力積有歲
年非其孝敬之誠能通數十世祖先于一氣何以
有此此即學士大夫家未能逾之也尤有異者蘇
子之葬母也將附於父兆聞有庶母遺塚而幼未
及見不知其處也嘗愴惋不安形於夢寐後以姊
言至其地則塚跡泯矣義啓竊並耐忽回風揚沙
自初啓及啓畢入新穴而止眾驚嘆蘇氏之鬼有
知也噫蘇子之能事人事鬼一氣感通者素矣今
聞其建祠堂繪像軸聚族人而惇睦之又手植松

廉立堂文堂卷四 序

至

栢於塋中邑里觀法者比比也語云匹夫而化其
鄉者將在是歟後之傳茲譜也即與君家明允譜
亭記並傳可也

張氏族譜序

周禮以九兩繫邦國之民其五曰宗繫之為言聯
也不聯則散會于曰民散久矣先王懼民之不親
不遘同室而有離心也故立宗法以統之宗以族
得民與收之以地得民長之以貴得民者等大宗
比諸侯小宗比卿大夫士使一族之中咸知奉先
訓以從事而耆年長老近父近祖依以約束子弟
固不以為我之責之也以為祖宗之責之也斯援
祖治族依於其大之義也吾邑張荆山先生少負
雋才兩登副榜數奇終厄一第歷宦燕豫閒嘗以

廉立堂文集卷四 序

至

譜牒為重初刻父郁冲公所紀族畧于都門亂後
燬燼無存耄年里居重慮家乘之患漫而先世惇
睦之傳不可以墜乃手創成譜尊大宗世系俾合
族庶知所主又就本宗中稽近代可徵者以次為
傳紀其文約其義該無所傳會亦無所闕畧甫脫
藁先生歿弟崑山先生續輯之嗚呼作述遞承友
恭一德觀斯編也孝友之誼備矣抑聞荆山老而
貧怡然自得不營營謀生產乃畱意族譜以敦本
而展親即今崑山膺歲薦因守寒毡輒汲汲續茲
編而謀梓之以視世之膺仕厚貲徒以購田園室

感爲子孫計者所遺不既厚乎夫仁孝者重其生之所自來前有以及也斯後有以及也斯諸成吾知張氏之子孫咸謹身率先而寡過矣抑豈惟貽穀于家而已先王九兩之繫立其人以正其事所由返澆俗而化之淳者非此其誰與歸

康立堂文集卷四 序

五



郭繹茲存州詩序

存齋長余二歲與余同應童子試卽冠軍旣同游歷陽王夫子之門余幸蚤通籍而存齋後余七年以第一人舉於鄉其文名海內共知重顧時方專帖括家言未遑爲詩也歷陽夫子冢嗣樸齋徵君主文會與從兄似鶴先生以詩學倡教吾邑存齋輒屬和不事雕飾而性靈獨抒嘗偕樸齋及余遊龍門登眺聯詠亦惟存齋多奇語驚人余再赴長安邀存齋同乘一竹輿旅邸倡酬壁間題和極一時之樂事是時存齋文益邃詩亦日益進雖公車

康立堂文集卷四 序

三

屢躡而嗜古不厭迺益肆力於騷選漢魏六代三唐之源流無不析其義而辨其真贋且一一手抄訂之及樸齋奄逝莫執牛耳存齋以身任文壇數年著作有裨於綱常風教甚鉅更篤友誼勤贈答余在黑龍江踰年存齋寄贈再三幸蒙

聖恩生還而存齋歡呼歌詠積成篇帙余每一讀一起舞余歸田踰年存齋始出謁選僻居浙徼政事之暇託詠寄興其情境則又別而詩乃益大進不讓少陵夔州以後諸作也噫少陵詩足當史今讀存齋全集而數十年師弟友朋同年故舊今昔存沒

之感不禁舉目凄其嘆風景之頓殊至於在鄉國
則表章節孝在公署則憂旱祈禱尤關詩史之大
者有齋之才學識不媿第一人史氏三長當擅美
焉寧徒賦詩花縣為重哉康熙庚辰八月

廉立堂文集卷四 序

三

廉立堂文集卷五

邵易衛既齊爾錫著

太平趙熟典藥齋較



序

贈侍御李公請蠲加增課額滿代還朝序

國家歲一遣侍御史行部按鹽政者凡四區而河東
其一也河東歲額較淮浙長蘆為最約自軍興來
加課半逾舊而鹺池久浸丁商告困蓋已十年于

廉立堂文集卷五 序

一

茲無敢以請蠲入告者今侍御李公按河東數月
親歷渠堰相水勢蓄洩之方其庫薄不中程者更
督修築工成夏秋大雨霖川澤無復潰溢鹺池較
往昔免于浸矣既乃力請于

朝蠲豁加增課額數萬兩司計者難之

天子鑒其忠而憫商之久困乃竟用公言蠲免河東人

士感公之造福世世也於公之歸

朝羣謀以言贈公而來屬於余余惟古之以言事君
者惟其誠而已矣曰納約曰過巷慮君之憚於受
言故委曲進之耳若當昌言不諱之

朝復何所慮哉

聖天子加惠元元屢飭大法小廉上下毋飾情以相遁

有言責者第患誠意之未孚不思進言之不見聽

也今以數萬之賦已成之額以一言而請蠲卽以

一言而蠲之仰見

皇上止輦受言約已惠民之至意與侍御為民請命之

心有深相孚而無閒者則公之言有功於國計

民生者大矣乃公之所以見信者不於進言之日

也當攬轡初毅然有澄清之志受事以後日夜肫

肫以商民之心為心一切秕政弊竇釐革殆盡冒

康立堂文集卷五

序

二

暑巡歷堤圩數十里不憚勤也修渠功倍而費省

計丁捐條給米穀不忍以厲民也與士大夫接剖

藩籬推誠相示語及鹽法利弊輒諄諄咨訪若惟

恐興除之不盡也值風雨夕每起坐為計曰無妨

生鹽否無妨堤工否無妨民田否不啻田家較量

陰晴而憂喜形於色也其至誠動人感孚中外夫

是以通引篆而商民均利緝私販則威愛兼伸三

省諸屬被其澤都邑遠近傳其化有所請聞遂以

上格

宸聽也藉非然者以數萬之賦已成之額而以一言獲

蠲豈易得之數也哉且公嘗為堤工計請復運判

亦幾格於部議矣而終獲

俞旨惟其信其言先故小言入而小效大言入而大效

非幸也公之誠為之也天下惟誠於任事者事無

不舉公鹽政之餘期望集士民於學宮講解

聖諭娓娓不倦父老率感嘆而去河東舊有書院公捐

貲葺其敝陋延三省生童肄業其中凡百有二十

人日給廩餼月三課之蓋文學彬彬稱盛焉凡此

作人敷教固公才所優為亦孰非公之實心實政

有恒不息者然哉詩曰無封靡于爾邦維王其崇

康立堂文集卷五

序

三

之明獎廉之有成憲也又曰中心藏之何日忘之

明忠愛之無已也公行矣入對

形廷必將膺

寵錫承

顧問其所當言者又寧獨鹽政一端而已乎公且盡

展底蘊慷慨談天下事指畫在堂陛而照及於幽

陬葭屋之下籌策在俄頃而惠成於數十百年之

遠則皆於公之誠卜之也食福者將徧海內而我

河東人士之謳思歌咏方益深且久亦何能一日

忘也耶是為序

猗氏縣志序

文中子有言昔之史也辨道今之史也耀文旨哉
言也春秋一書爲聖人傳心之要法其言與易象
相表裏後之知此義者蓋亦鮮矣記煩志寡遷固
已不能無遺譏至陳壽依違魏事魏收規利修郗
其是非毀譽更爲踳鑿失古夫以國史之重詔修
之嚴而秉公論豈特識者猶不可多得况凡郡邑
之志主修者或不能重其事分修者或不知嚴其
義往往集陽鱗之猥儒恣堆黃之多口其於政教
典禮風俗人才之大要則不能詳及其源流盛衰

廉立堂文集卷五 序

四

公言其升降得失而所鋪張紀載迺徒在山川臺
榭之美詩文之富亦安望其良比董狐直如孫盛
有當於古小史外史之意哉吾猗舊志自明萬歷
壬子迄今六十年未修豈日無人蓋慎之也今邑
侯陳公爲治之三月奉

詔修一統志檄郡縣各以志上達於是銳志修舉禮

延鄉士大夫設局分纂而公復以簿書之暇親爲
考訂凡八閱月而劄劄告畢余不敏藉手邑侯之
力日從廉史王公大參郭公之後發篋載筆參校
前志凡所遺而未收或收而未實與所淆而未析

或析而無當者槩從釐正至鼎革以來文物半成

地爐故老幸未凋零於是勤肄業於几牘編著紙
於酒籬信者必傳疑則闕焉諸若職方有紀以辨
廣輪之數營建有紀以著規制之詳經制有紀以
定財用之式藝文有紀以彰華國之業皆因舊名
而增其闕漏刪其蕪穢已不無異同於其際至於
紀典禮以思移風易俗則倣古禮書樂書而爲之
者也表官師表選舉以及封蔭異途俱列榮名則
倣古年表世表而爲之者也傳名宦傳人物傳列
女而忠孝隱逸之倫又各分附傳後則倣古列傳

廉立堂文集卷五 序

五

分合之體而爲之者也而且逸事叢談亦得彙於
篇末異端雜術不以亂夫正經此皆初之維新裁
之以義而不復襲舊志之例者也而余所尤惓惓
者則經制紀中明末加徵地畝九釐錄至今未蒙
請蠲人物傳中遜達王璽劉以平馮守禮四先生
至今未議崇祀二事實關養教之切務所日望當
事者之力舉也夫載筆而論者治法也作而行之
存乎治人古之言作室者云規材授職主人任也
程功奏能工師責也夫旣以授之矣率作興事不
愆於素其在所司哉其在所司哉

賀楊少司馬序

從來顯爵榮名當爲庸衆之所不敢倖而賢哲之所宜自勉其自勉焉者非謂人世顯榮之遇遂能自操其券也吾自盡厥德焉耳若名爵之來有幾得焉而未即得者此不敢倖之數也固與衆同聽之而終非碌碌焉與衆無聞者比迨其德積而爵隆實大而名彰則嚮所幾得焉而未得者究且不意其得而自得之雖謂人世顯榮之遇自我操其券焉可矣學士今司馬楊公自壬辰雋於南宮讀書中秘蓋十餘年而廼晉列卿寺又三年簡擢今

廉立堂文集卷五 序

六

職其致此亦良非易矣 國家歲取士數百人或分職寺曹或外試州郡其得與中秘選者無幾焉卽此得與中秘選者任同時職同事矣而數年之後升者沉者入者出者存者亡者又每致嘆於時命之不偶求其終在中秘者又無幾焉而況乎歷試卿寺游登崇階一身備將相之業萬邦仰文武之憲此豈可以倖致而多得者耶公在中秘十餘年日讀書砥行以古大臣自期凡遇遷除不求驟進亦終無不推重公者

世祖章皇帝屢行甄別考試乃獨畱公蓋其實德所孚

有以共重於僚友而終見知於

朝廷也然公每及陞期成例輒變而公祇義命自安最後廼歷光祿太常宗人諸卿尹

今上親簡副憲旋命爲少司馬噫嚮使成例未變公之得今職也固已久矣而獨至公遂值其變公終無少芥蒂卽歷試卿尹公亦惟戴

國恩而懼勝任之不遑也所謂不敢倖者與衆同聽之其在斯與而今者晝日三接申錫無已若有鑒公之積勞遲之又久而大發於一旦者焉於此知公之積德之厚而盛名之果有其實以副之也公

廉立堂文集卷五 序

七

先世爲名閥祖若父以來或振鐸或司牧皆以文學德行顯至公而光大之偕昆季六人友愛甚篤孝友其天性也至於掌制誥勤編纂再主成均分校棘闈斯又公之才所兼優而無俟縷縷廣美者已抑更有願焉揆文奮武國家並重唐宋以來樞府之責與政府等余嘗過公邑觀裴趙二公祠瞻拜流連者久之二公皆德全文武功在社稷鄉之人歲時禱祀載之祀典而莫祀也余願公之媲美先賢出十餘年中秘之所學運籌武庫制勝廟堂所以樹碩德而彰令名者且將爲天下後世重匪

值一鄉一邑所稱羨咨嗟於一時已也是爲序

廉立堂文集卷五 序

八

祝王歷陽先生兼賀令郎寅若鄉薦序

賦命者自天造命者自君立命者自師有其造之非復天所可限矣有其立之亦非天所可限矣夫大君有爵人賞人之權而師則無權顧皆不爲天所限焉者君能使賤者而忽貴師能使愚者而皆賢賢治者貴治之準也君且不得而違之天又安得而限之歷陽王先生今世之師也其學以根極性命爲宗旁及制義舉子業亦諄諄以羽翼經傳爲訓蓋自珍吾先生倡明絕學而先生傳述之披講下帷使四方學者家有傳信之書河東關西諸

廉立堂文集卷五 序

九

英才無不樂執贄以得出先生之門爲幸而長兄寅若因以髫年徧交知名士凡在省會在州郡諸弟子相遇稱夫子不問可知爲歷陽先生也先生之教化遠矣哉而長兄自辛卯試棘闈庚子秋蓋已掄元侂得復失迨後同學友相繼掇元魁而長兄猶艱於遇則人又或疑天道之遠時數之不可以強邀也然先生勗勵無懈謂在人者當自致耳天何與焉如彼行路者之致遠也循其程苟無曠雖絕域無弗至焉又如健者升梯舉足益多則身益高仰之者益衆不厭其級之重也且不遽欲其

級之盡也方先生壯年領鄉薦偕姪似鶴先生同
科人咸誦珍吾先生之積慶科第相繼傳三世矣
而先生淡仕進自庚辰長謝公車退惟著書授生
徒及長兄負宿名不獲早售而先生無怨尤教長
兄隆冬盛暑仍恂恂如弟子執經時自辛卯至今
乙卯凡九試而長兄登義經第一人先生之年則
八十矣然後知先生之繼父志教子成名者期之
以必至持之以無欲速而其究也人定勝天得壽
得名若斯之隆也古所云立命之學不愧爵祿不
言造化者徵先生吾誰與歸

廉立堂文集卷五

序

十

臨晉贊府雷公德政序

凡有可言者必待乎能言而能言者尤必得夫可
言者而爲之言然後其言信苟欲信其言則得夫
可言者豈不急於待乎能言者哉余少不能自愛
其文辭凡世之有待乎能言之事往往見於余言
而吾郡邑之大夫令長見於余言者獨少余之有
事於四方也賢士大夫令長之在郡邑者或不及
知其知之或已舍此而去不知而強爲之言則誣
已去而追爲之言則矯余之不能有言於諸賢大
夫令長者豈不亦有遺美與歸田以來於本邑鄰

廉立堂文集卷五

序

十一

郡之令長或行而循摺紳之請以有序去而絢父
老之思以有紀然非其言之信而有徵卽言使請
言者失色杜口以去而不敢應蓋風俗之薄久矣
吏以績取稱不勝其果勢自喜而猜阻以示智擊
斷以示威惠不淡也且所謂能言者非徒善其文
辭而是非好惡合乎道而孚於衆不以意爲取舍
也余嘗持此以求夫可與言者莫如臨晉歐尹雷
公矣公澹泊自守無境外之交卽聞雷然饒問不
至其門常饜藜羹精飯早起晏罷急上之命而振
民之功當路器其才開委令將異壤之貢其奔走

道路之勞頓謁候都會之曠久又多所難堪者而
公未嘗有幾微怠侮其勞乎民而不謀於利慎於
職而不愛其力桑泉之人民亦既久從其賢矣邇
者吾猗西陳樊屯與臨接壤兩邑民蓋比戶錯處
也偶有幼兒被刃斃於道莫得其主名值臨邑令
缺訟於公株連者纍纍假令執法而因之以爲利
何難深文鉤距鍛鍊周內以示不測之威而公不
爲也又何難比伍收保聽間縱舍以私庇其邑而
嫁禍於鄰而公不忍也公則謂罪疑惟輕古道也
鄰民亦吾民吾何私之有焉遂皆寬於法而使掩

廉立堂文集卷五 序

三

瘞之以故兩縣之人士無不戴公之仁服公之威
明者羣丐余言以爲公頌余惟公之効見於事者
久而賢著於聞者彰當茲軍興旁午饋輸艱難各
郡邑民衆羸陵詬誶之風時聞而吾猗獨爲順民
卽臨令缺噴有頌言而公在邑民獨安奉之孰謂
民心不古良吏不可爲哉矧茲陳樊一案兩縣民
食德焉天下郡縣而盡得若公者爲罔之民瘡痍
民其有瘳乎公由此而踐通顯尚當如孫伏伽張
元素故事又何資格之足限也余旣息乎四方之
事知公於臨郡而及其未去雖無士民之請猶將

心傾其爲可言者而不敢以不能言辭也況其請
之勤哉是爲序

廉立堂文集卷五 序

三

重修家譜序

天之生物也一本而君子類族辨物則必審其異以致其同者何也由厚以及薄薄者同歸於厚槩薄以從厚恐所厚者之先薄矣曾子曰親戚不說不敢外交近者不親不敢求遠世之士大夫競聯宗盟鄰郡外省之同姓者不難推溯於一本而其本宗之支派乃反任其佚散混淆而莫之紀彼即五服內外之親有如塗人不相識者尚欲聯遐方異體之為同氣也能乎哉大傳曰自仁率親等而上之至於祖名曰輕自義率祖順而下之至於禰

廉立堂文集卷五 序

十四

名曰重祖遷於上宗易於下故小宗有繼禰繼祖繼曾繼高之分而大宗不遷雖至親竭戚單綴之以姓而弗別合之以食而弗殊所謂厚薄有等九族不失一本之意也噫宗法之不講久矣欲明其義則修譜牒為亟譜牒相傳歐蘇二式蘇氏最簡明大小宗舉目即辨世系以五代為則歐氏以年表之式格之兼紀族人之生年卒葬妻妾子女其體裁蓋稍異愚族六世祖創修譜稿為世系圖以序大小宗支俶蘇式也為排錄圖以紀生卒配嗣倣歐式也十世府君增輯合訂蓋兼歐蘇之長當

巡憲閩漳時付之梓由是族眾家獲一編各識其

支派源流已又購建廟基置義田宅歲時聚族人而合饗之傳所稱親親故尊祖尊祖故敬宗敬宗故收族收族故宗廟嚴上治祖禰下治子孫旁治昆弟者備於斯矣邇來未四十年而老成凋謝少壯寡學各支之名諱壽年已有不能盡悉者既齊懼久而益失攷也甲子府君君服除續訂譜稿歷宦山左黔南又數年而族姓繁衍穉幼多未命名年歲迭更壯齒忽嗟朝露其間又宜增補者未及詳訂未獲就刻洎自關東蒙

廉立堂文集卷五 序

十五

聖恩放歸近依祖先墳墓迺日就族眾細詢老幼配嗣各自其五服九族等而系之年壽月日有畧於生而詳於卒者則見其子孫之孝思不忌日也又偕弟既翁參酌祭禮以宗子得備四代主禋更建祠堂奉高曾祖禰四親合龕私祭於家族尊族長中講明五宗之法遠而繼世近而繼禰使同父同堂再從三從各知所宗前有以及也斯後有以及也庶幾合愛殊敬不至輕重失倫云爾

邵易衛既齊爾錫著

太平趙燕典藥齋較

序 碑文

壽丁太公文

國家以數年用師于邊卽腹內單赤困供億轉饋實繁幸賴師武臣力海內兵革偃然矣而軫念邦本亟訪察廉吏爲休養生民計余每侍旃厦講席仰

廉立堂文集卷六 序

至尊宵旰憂勤之意竊于循良心嚮往焉迺者耳萬泉

令淮徐丁侯聲藉甚侯爲邑未三年政理而民和歡聲騰于郊遂之外適侯父叅鎮公來邑就養邑人士相率迎道左舉欣欣謂吾侯合吾邑之歡心以事其親也嘉平之月爲太公懸弧之辰咸謀所以稱壽者而徵言于余余惟忠以婚上庶人之義也善則歸親孝子之情也今夫木之寧然而喬者曰橋其隕然而俯者曰梓蓋相得者也水發于崑崙之阻溢觴耳漚而爲大河潤九州膏萬有乃稍稍有稱河源者夫匪河何以稱源也雖然非源何

以河也此所謂兩相成者也侯之德民歌舞之矣而推本所生卽以歌舞太公豈諛哉余更有重焉者

朝廷策勳酬庸莫大乎折衝禦侮靖反側于多難之日而太公以武闈雋選歷鎮岩疆膚功懋奏膺封明威將軍前此粵廣告警羽檄旁午而南雄一鎮獨完者太公之力也余聞其所措畫筴在俄頃而績及于數世其所決斷機在咫尺而照及于幽陬哉校卒消萑苻折海島余皇而聲色不動如含光承影之刃芒盡斂幾希乎莫覩也則太公之壯猷

廉立堂文集卷六 序

二

偉烈行且勒之旂常登之史冊爲海宇遐荒所仰望丰采而未易罄厥頌颺者萬泉人士曾足揚太公德化之萬一乎雖然沐化者誦義食德者稱仁大公之開幕府也粵廣之備裨士卒謳祝者不知其幾也及其歸珂里也淮徐之宗戚賓朋謳祝者不知其幾也今萬泉人士被侯之德政溯太公之徽烈靡不願世之長有太公以長有丁侯也況幸親德輝承色笑其謳祝寧出粵廣將士淮徐賓族下耶異日丁侯政成膺不次之擢率盈階蘭玉列鼎烹以侑萬年觴太公顧而樂之尚亦念萬泉人

士之戴侯父母如其父母也哉

廉立堂文集卷六 序

三

趙邑侯壽序

天人之相與親矣哉無言也而詩稱帝謂無耳無目也而書言天視天聽無思無爲也而易言見天地之心見天地之情猶未也天之生物也曰維皇降衷於下民曰民受中以生宛若天與人親授受者然天之體物也曰及爾出王及爾游行曰陟降厥士日監在茲宛若天與人步亦步趨亦趨而須臾莫之離者然於是衷之啓也曰天牖之衷之蔽也曰天迷之其善事天者以爲不敢寧于天之命而終日勸于帝之迪也其不善事天者且以爲上

廉立堂文集卷六 序

四

帝引逸而不適逸開厥顧天而罔堪顧之也然則天非蒼蒼不可知之謂也天命有其不已卽人心有其不息者也以不息之神合不已之運則可以自作元命而天莫之違更可以永言配命而自天申之古所謂祈天永命者豈果有史巫禱祠之紛紛哉亦曰天道甚邇求福不同而已是義也通於上下貫乎幽明君子所以畏天命也邑侯趙公以粵東名雋宰吾猗甫半載而政聲騰於郊遂之外當茲十月滌揚爲公誕辰邑人謀躋堂介壽以侑公觴則咸念公泄政之初齋宿告神者洞於天人

相與之義而言非襲取志不苟同邑人欽其清風
願相與觀厥成也名誥曰若生子罔不在厥初生
自貽哲命夫命也而有哲愚之分作哲者惟人靡
哲不愚者亦惟人而必自厥初謹之明乎命之難
謹勤於初而斃於終者有矣未有無其初而能有
其終者也君家清獻公每晝所爲夜必焚香以告
天則慎終如始者與我侯繼清獻而以昭假爲心
以矯誣爲戒夫旣矢告於厥初矣其圖功攸終也
一若取其成言而質之而天不庸釋于命也云爾
夫天明畏自我民明畏古人圖帝之命必克開于
廉立堂文集卷六 序

五

民之麗吾猗民素淳謹邇胥役以憤斂怨衆疾呼
額亦惟有位者弗克慎圖厥終也而黠民肆相厲
卽吏則不堪讎而民亦惴惴靡所依公初至以法
威民之獷悍者而慈惠拊循不察淵魚民咸蘇而
就馴謂我有父母熙熙焉如登春臺也旣又發奸
摘伏懲盜竊不少縱而民咸頌稂莠除嘉穀殖也
遏惡揚善順天休命皆公之初政卓卓可紀者初
服惟是成績亦惟是矣異日以治行第一入擢
內廷而猗人且社稷俎豆之無異畏壘之於庚桑則
亦惟以成於民而信於神者天心永佑之無斁也

敢以是爲公頌

廉立堂文集卷六 序

六

萬泉令邱公壽序

萬泉距猗氏五十里而近余所居猗氏東北鄉距萬泉西南諸鄉村又數里而近壤相接田相錯雞犬之聲相聞兩縣人民交來往婚姻者十室而五故余在鄉聞萬泉之政事甚悉唯寧邱公爲令甫數月仁聲遠播鄰縣子民傾心焉嘉平月爲公初度之辰羣謀所以壽公者來屬于余余竊嘆久悴之民易見德也行仁義之不難速效也

國家以錢糧盜案考成有司而逋賦者時有竊發者時聞於是州郡而上監督使者上下檄移可否相

廉立堂文集卷六 序

七

督吏雖有勤撫字尚寬大之心其格於文網者蓋不少矣雖然士苟存心於愛物於人必有所濟今夫水以必至爲心而險固不能爲之限者性專而觸誠也親民者有以致之而行其心之所欲至雖所難至將必至焉公自下車來甘澹泊勵節操一蔬一粟不少貸取民間鞠獄稽比若手權一衡之上不爽錙銖以謬低昂泄任未逾月值監試者命分枝秋闈公將行召諸齊民曰往者令不在一委縣事于尉今吾願與民休息使不見吏姑停催科月餘公至自省卒亦無逋賦者民有爭訟必使講

約者爲陳和睦親愛消釋怨咎之路不輕以付之

吏保甲時稽擊斷不事卒亦無竊發者嚮使慮文法之拘牽而虛造羽毛脂韋阿邑以爲通方深文誅法苛察秋毫以爲才幹則是仁義之效難收而憔悴之民終無救也以公觀之果孰當而孰否耶

涵風七月之卒章曰躋彼公堂稱彼兕觥萬壽無疆此上下相親宛如家人父子相接者然也今萬泉之人民遠近老幼無不願獻一芹進一觴惓惓焉效懽祝於公前者誰謂民心有古今之異哉公始任卽得民若斯之盛後此整齊利導無替初服

廉立堂文集卷六 序

八

斯民將共躋仁壽之域服疇食德咏樂利于無數也是爲序

鄉耆裴斗如八十壽序

余昔在霸州過南孟鄉訪民所疾苦存問高年得一鄉耆徐姓者年一百十有七歲其子亦既髦並不任視聽而子則須兩孫掖之出父則猶能自杖履一幼曾孫扶持而已問其家世業農恂謹與人無忤於是嘆其淳龐近古為世瑞也手題額以旌識之及攝固安永清篆則命諸鄉各置一老人為講約凡年登八十九十者歲時貽以粟布蓋以凡有年者得天為獨厚則固宜優禮之而其耆碩始耆以德望著聞則更宜為邑人士所矜式也故余

廉立堂文集卷六 序

九

於鄉耆恒亟加意云迨歸里而吾邑斗如裴君則已年八十矣裴君者幼而以孝聞邑人公舉於有司至今傳不衰者也生平凜凜繩墨無一錯趾可疑遇人謙抑善下訥訥若不出諸口其潛德久而彌光邑薦紳先生無不推重君邑令延之賓飲特表其門焉卽閭里少年輕儇子爭捷徑侮老成始若迂君之所為及其後亦皆鉢心劇行敬而宗之不啻望彥方之廬而經夏甫之里也傳曰壽者售也久也行可久之道者天亦以可久之數售之矣今夫貞松之方莖甲也徑寸耳蓬艾葦荻乘時怒生

浙雨露而發菁蔥蔚灌茂貞松時依依其趾思

以弱肢脆幹與相披拂不得也年增歲積而貞松屹然排雲烟而上之東條出日月生西枝而蓬艾葦荻忽榮忽悴貞松不暇知矣夫淳行重德之士其遲迴積之亦猶是也裴君束髮自勵皓首不遷方且栖神於恬淡之境順適於無何有之鄉以與造物出王其躋耄耄遐齡致人世難得之數也其所感召者卽其所凝結者也今君之子亦著有孝名可謂世德象賢而孫枝蘭茁蔚起異時進取未可量天之所以福君者豐矣君不自滿假而恒冲

廉立堂文集卷六 序

十

歎虛挹今八十矣且健履却杖神明之用不少衰兩輔暫澤談笑善飯則所以延和於厥身而錫羨於孫子者未有涯極也從此而逾期頤之數亦如百十餘歲老人為余所目覩者當非徒聞之史冊若終南老叟之叟比也已

臨晉李開臣先生雙壽序

行誼修於己可必者也聞譽傳於人不可必者也
壽命賦於天尤不可必者也生貧賤之家而以行
誼著人之傳頌者若希有天之寵錫者亦若方新
其獲聞譽而邀壽命也尚易生富貴之家其父昆
亦既擅人世榮名而食天之福報矣非積行純修
人固不輕許也其柔質易零而安逸偷樂者大年
不可以倖則獲聞譽而邀壽命也倍難或當富貴
盛時席父兄之勢而才名動衆年未及耆艾親賓
邀一言之榮以祈遐齡蓋亦有焉若當父兄貴勢

廉立堂文集卷六 序

十一

已謝而行誼孚於鄉黨耄年不衰門內敬事相莊
白首無閒言士大夫遠近傳聞以爲天錫 老之
慶此豈有所憑藉依託以議世而取譽哉其德久
而彌光人信之而天申之非倖也宜也臨晉開臣
李五年臺余同年友刺史公聞衣之同母兄也爲
少司馬公年伯第三子幼以文名蜚聲藝苑顧數
奇終阨於棘闈及弟聞衣既登雋君遂專力庀家
務而資弟肆力於古文詩辭以故甲辰初改策論
吾鄉登春闈者無不心折聞衣爲古文手同考狀
元馬章民先生闕卷亦首推聞衣焉余與聞衣在

都追隨者年餘自霸州適昌平往返聞衣寓邸談

心者數矣後乞假里居或聞衣出仕或聞衣在家

余每憚出戶未獲一至聞衣里徧識諸昆弟當是

時君名已重於鄉年已踰艾而謹厚不自表暴不

濫交求名譽卽邑里欲爲從張致頌禱者君槩卻

之今聞衣卽世十年餘而君之行誼乃愈彰年躋

八十精神健旺聰明之用不少衰鄉之人亡論姻

戚鄰黨卽薦紳矜儒以及各邨莊之白叟黃童無

不欽其盛德以頌大年而君亦不獲終辭蓋其生

平孝友節義之見重於鄉邦非伊朝夕有不可而

廉立堂文集卷六 序

十二

掩其實者方司馬公游宦明末歲大禋出義粟賑
荒所全活以千數君實主其事鼎革後家難外侮
交乘君一身扞禦上下內外咸獲安中更二十餘
年貧窘拓落君友愛諸弟甘苦共之且相勗敦行
力學不懈弟聞衣歷任豫浙十數年君總兩院宅
家政出入巨細各有度夫人介名門德配甘隱約
有桓少君風相夫教子族黨推闡範者必宗之今
亦偕八袞矣夜猶篝燈續紉能視細也嗣君啓夫
克家亢宗兩老人葺茅齋蒔花煮茗以娛餘日嗣
君舞綵承歡卽三口鐘鼎之養寧與易哉君尤善

丹青時臨墨池輒慎重不以眎人今之致頌祝於君前者其圖畫筆蹟能一一當意否要以效岡陵松栢之章有採藥鹿門而偕持杖者著舊傳中姓龐人於焉有光矣君其爲之進一觴

廉立堂文集卷六 序

三

壽吳節婦序

歲庚申辛酉余兩署固安博訪民間節孝事月吉命鄉約誦言于庭以廣厲風俗時則聞有山陰王母吳太孺人當兵亂險困中守貞撫孤歷今四十餘年見寓居邑北郭亟欲請諸臺使者旌其門而次君太學生以母志不求名固辭遂弗果今踰年太孺人七袞矣太學生緘書來請曰不肖以一介寒微而微夫子惠言以重吾母所不敢雖然當先君子見背時不肖兄弟年甫六七歲喪亂迷離微吾母不肖等幾不有今日也維不肖先世舊宦族

廉立堂文集卷六 序

古

也曾祖以甲戌進士任河南司李祖以貢監任應天府幕先君子方兵亂以世家故殉難謂可告祖先無愧而遺藐孤惟吾母鞠育以至今母家亦舊宦族也爲武進士狼山總戎公女年十七歸先君子逮事會祖母先君子弱冠補邑庠工詩文屢從賢豪長者游母于財無所蓄于物無所愛出贏資以饌先生諸先生無不稱賢雖菜羹鮭炙甘之愉芻豢矣當祖官南都歷署上元溧陽携家之官時伯氏任臨清都閭祖母往就養而祖自南都又奉大京兆邊委赴京先君子隨侍獨畱母侍會祖母

于家家政一畀母母則董率臧獲各就理出納有
度筭餽有紀無嗜嗜無嗚嗚無亂行無詭倫曾祖
母疾奉藥餌不解衣者累閱月處諸姑姊奴無閒
言蓋母之嫻內則而明章婦順者有素也鼎革初
師破浙東曾祖母祖父母三喪未舉先君子罹變
殉義母痛悼欲從地下而顧念大事未襄二孤在
抱迺携不肖兄弟偕僕婦避亂山中途次又失兄
所在獨撫不肖歸是時榛莽成墟烽烟疊警而饑
饉播遷歲靡寧宇母故生長右族幼未涉操作跋
涉之勞至是乃草葺數椽躬井日勤紡績寒暑風

康立堂文集卷六 序

五

雨備歷艱辛妥先靈于喪亂之餘成遺志于顛連
之日歲時享祀未嘗不齋慄悲哀如見如聞也不
肖兄後自四明邵氏家來歸井廬異觀壯穉殊容
幸共權聚則已十餘年矣母以慈代嚴日課不肖
兄弟學而屢阨于遇無能邀一命之榮以慰母心
今奉母北游不肖濫厠國雍而母年且耆惟是藉
夫子一言持以享吾母如五鼎也持以衣被吾母
如翟祗也吾子其惠然許之乎余既嘉其意且歛
太孺人之在險稱堅處約不渝體夫子之貞志念
先世之清風以弱質而茹荼集蓼卒能厝三靈育

二孤以造于王氏嗣續甚厚則其志節出于至誠
而有恒也此非假詩書談說之素也性之也今夫
天地閉之壽者亦惟誠而恒之氣爲之也河嶽之
崇廣金石之精英惟其體實也斯不敝耳異日者
太學君振步榮衢選綸綍之褒子姪兄弟咸侍太
孺人期頤黃耆蓋天佑王氏大厥宗也實則莫非
太孺人不敝之神爲之也余用是敘以貽太學君
俾侑太孺人一觴

康立堂文集卷六 序

六

壽祁媪八表序

聞人之善悅而敬之又從而頌之而婦人之善得
頌于人者蓋鮮有之必其夫與子之賢者也聞人
之善而獲報者嘆而信之又從而揚之而婦人之
獲報見揚于人者蓋鮮有之必其夫與其子之賢
者也夫婦人豈不足與為善哉閨閻之中所為不
越乎醴漿菹醢之齊織絰縫紉之細而無所謂境
外之事所見不越乎妯娌姊妹娣姪之類而無所
謂閩外之人其人既近則為之聞者必不遠其事
既常則聞之者必不駭且異而其夫與子之賢又

廉立堂文集卷六 序

七

皆不可必得也如是而婦人之善頌而揚之之鮮
也何疑劉向之傳列女也盡千餘年之閒為善八
篇而所書以為善者僅數十人耳此數十人者自
后妃以下非其夫與其子之賢則皆不幸之極與
流離飢困之餘者也夫不幸之極非人所深願而
流離飢困之餘則將益潛隱而罕有彰聞世無向
也孰為傳之使有人如向矣取數十人于千有餘
年之閒其暇及其事之常者乎如是則婦人之勉
于善而冀其獲報于天者其鮮亦宜然向之書特
取甚難能者以愧人之不能者耳非此數十人能

盡千有餘年之善亦非以善不在于閩閻之常蓋
史氏激勸法也吾猶祁媪壽八旬以三月十五日
為設悅之辰其甥孫荆城謀所以為壽者將率邑
人而登堂侑觴焉介于余同學友閻子同公來屬
余余於是嘆婦德之善可頌揚者更不盡藉其夫
與子之賢而傳也即其甥孫足傳之矣甥孫早失
怙恃媪為外祖母自少在襁褓流離患難中撫之
以迄壯有室皆外祖母之所嘔喚而卵翼也令其
甥孫能自樹立以信義然諾見推于里黨邑人重
荆氏子之賢更多媪之育荆氏子也媪有四子十

廉立堂文集卷六 序

六

孫一堂稱慶未敢徼里黨之祝以為持家裕後皆
閩閻常事無所芬華藉人之頌揚者其亦劉向慎
所傳聞不敢妄附之意乎余嘗為史氏續向之業
者也雖里居恒樂聞閩閻善行匹夫匹婦之微
其慈孝克篤者不必盡出于事之變然後可紀也
況荆氏子之幼值兵寇奔走竄伏賴祖母為之保
抱攜持則亦幾于流離飢困不幸之極矣今媪之
子孫羅列而甥為之介壽徵言邑人亦僉曰善報
善報又何得謂常事弗書而不以彰其善哉余故
備著媪之慈育以致得天之厚不假夫與子而傳

者盖用向之意亦史氏成法也

廉立堂文集卷六 序

九

王文敬夫子祠堂碑文

昔文中子之教興於河汾及歿門弟子會哭者數百人已會議曰禮男子生有字所以昭德歿有諡所以易名夫子之德至矣仲尼既歿文不在茲乎易曰黃裳元吉文在中也請諡曰文中子當時未聞錫諡于朝而門弟子私諡其師歷今千餘年未有以私諡故議之者甚矣名當其實雖私諡謂之出于公焉可也今我郇陽王夫子繼河汾而興文教者也己未春三月以疾終兩河門弟子哭寢服縗畢因相與議諡各據所見聞以擬夫子之生平

廉立堂文集卷六 碑文

序

有誌其勤於著述者曰夫子繼父珍吾太夫子之教著書明道庚午舉孝廉不樂仕進值歲洊饑兵燹頻仍自庚辰長謝公車日披帷講學更以時問察疾苦貧窘者而厚賜卹之凡士民沾德惠無慮數千百家云鼎革之際爲闖賊拘繫數月終不屈乃免於是隱逸志益堅教授生徒四方從游者戶外趾相錯其提命指示無少長敏鈍歐歐懇欵援證喻譬指畫歎羨如有味乎其中而不能吐者必伺聽者意解乃已不責人以所不及不強人以所不能不苦人以所不好盖其循循善誘然也自珍

吾太夫子以倡明絕學以求識生機為本而夫子述之以主敬為的以閑邪為端以自作主宰不致纖毫之力為功以生生不息不與一己為體以心正而動自有分殊為用以脫然無繫常如太虛為樂以遊世無悶不求人知為主視夫支離纏繞眩飾馳驚而自以為得者豈直不可同日語哉及門弟子後先俱獲成就不屑屑帖括之末以弋取功名其應制科者亦多與雋逸長兄寅若年四十成進士旋膺徵辟夫子之道方將世顯未有艾而夫子德愈隆心愈下聞人譽言則皇然若有所歉己

未春獨修學官邑人謀勒石紀蹟夫子亟謝止之不欲翹名伐善所謂勞謹有終者非耶工將竣而夫子沒羣弟子體遺意不復勒石於學乃就祠堂暨碑而相與議諡曰天未喪文先覺是命聖學始終厥惟一敬夫子齋莊本乎天性推之以誠鎮之以靜羽翼經傳世德輝映主一無適於此為盛爰共尊之曰文敬先生異日俎豆配享崇祀典者採

郇陽之士論當不媿河汾之遺緒云爾



郇易衛既齊爾錫著

太平趙燕典藥齋較

記

歷城縣重修 聖殿記

郡國州邑立 聖廟所謂天下萬世通祀自天子下達者也濟南古齊地蓋六郡之首府有學某守藩于此春秋釋奠其中罔敢不恪歷城為附郭邑

又他邑之首邑有學其行禮合樂則縣令博士實主之一日教諭周謙進而慷慨言曰惟縣學正殿頹敗已甚四配神主在堂上咸穿漏不蔽風雨且其簷柱欹傾赤白漫漶及今不圖後不可支已被佛氏之宮遍天下一釋子甫發願力名藍精舍計日以成乃 聖廟而竟如斯也謙秉邑鐸懼瘵厥職我公受

天子命兼教養之責意斯學之興復適惟其時某聞之慨然有動于中即往觀焉其毀壞之狀誠如周論言顧視殿北壁磔裂且尺許寢壓 聖座余為此

懼爰出三百金爲修治之費而瓦石木栝胥以辦
集工役百指胥以動作始於庚午夏之某月成於
其秋某月功旣訖而見夫殿宇巋然囊棟翼然結
構堅緻彤椽燦蔚煥然頓改舊觀於以揭虔妥靈
其亦可矣余乃進諸生而謂之曰古者家有塾黨
有庠無非學也無非教也而況一邑之大乎惟齊
魯爲聖賢誕育之鄉多士幸生其地觀茲廟貌之
維新庶其奮發興起飾文敦行以仰副

聖天子廣勵學宮崇獎經術之意夫青青子衿刺學校
之廢思樂泮水詠芹藻之馨諸生朝斯夕斯誠日

廉立堂文集卷七

二

新其德業將見人才風俗一變而至於道也實自
今日始其不徒於廟貌乎改觀也已余因記修復
之歲月而及於此俾鐫之石至於始建議者厥惟
教諭周謙而董役者則理問魯史也例得並書

歷山書院增置學舍碑記

書院之設蓋以儲養人材助流教化其創建增飾
修復之故所關者非細矣其在予宋如白鹿石鼓
嶽麓睢陽四大書院得朱張大儒爲之師表相與
擇立山長度置賜書士子以時講習弦誦文學之
盛斷斷洙泗間則以鼓舞作興有其素也歷山之
有書院自明侍御畢公始院之西畔灤源所發厥
名趵突爲七十二泉之冠因引而東注縈紆清映
可觀前對歷山遙青迤邐朝嵐夕烟氤氳萬狀是
其方位據向善已葉耿諸公墓滄溟先生之爲人

廉立堂文集卷七

三

建白雪樓其中按白雪樓有二一在城東三十里
鮑山下一在明湖碧霞宮之西滄溟同時有般少
保官檢討家居于泉旁建川上社以三禮教授生
徒今其故基盡圯而白雪之名猶存豈亦有幸有
不幸歟抑豈李公聲名太盛當時稱道者衆弁州
至比之屈宋兩司馬故後人不得而廢之歟要其
流風餘韻興起來者禮有祀鄉先生于社之文則
有其舉之莫敢廢也自兵燹以來庭宇隳頽講舍
鞠爲茂草歲丙寅撫軍丹徒張公顧瞻其地步皇
太息乃力圖修復門堂廊廡咸以序爲構書屋若

千楹士子自遠而至會張公入為司寇丁卯春大
中丞吳興錢公受任保釐節餼甫臨政教具舉爰
乃觀風課士板其尤者置書院中歲時校藝取其
文親為評次甲乙簾閣據几燭影熒熒然戊辰之
春余備藩茲土竊有志於造士興行以佐我公作
人之治因舉六郡之士而試之延前茅百餘人肆
業其閒因念負笈鼓篋者日眾舊舍恐不能容旁
增置學舍三十閒一切棟楹梁桷之具甌瓦竹石
之需工匠咸備不煩有司但取堅完無事華靡不
旬月功成諸生於是獲棲止之適矣至膏火之資

廉立堂文集卷七 記

四

庖廩廩食之費咸與經營區畫計月而給給必均
皆我公澹泊潔已歲節省數萬金錢分葺城備荒
賞善恤孤之餘以贍此者也夫儒者讀書稽古非
徒階榮名取世資唯期德藝兼成以為天下國家
用朱子白鹿洞學規列五教之目陳為學之序可
謂詳盡又作賦云廣青衿之疑問樂菁莪之長育
是則所謂教學半者也多士生 聖人之鄉居名
勝之地于巒容川色見三代之菁華朝夕藏修息
游文日益成則德日益進于以應

君相之求庶不患乎無具矣爾多士尚其勗哉是為記

重修 關帝廟碑記

得民之懽情而力可用得民之義心而功可成得
民之暇氣而其用力也倍易其成功也倍速往歲
大兵西征絡繹經縣者月餘民初聞驚奔避巖穴
無暇日兵既至供資糧屨屨脯酒餼牽無暇力而
又以軍興餉亟往來叫囂墮突輪芻芻齋糗糒蓋
已無餘費財矣當是時邑父老以 關帝廟多敝
漏謀更新之一呼而應者百數不數月工畢噫何
民氣之多暇裕也蓋

聖天子重恤國本屢嚴飭將卒不入城邑邑民室家相
廉立堂文集卷七 記

五

慶無所歸德爭願鬻一絲傾一簪以贖金張樂致
饗禱於神歡之至也邑父老則謂張樂饗禱一時
虛文耳以所贖金葺廟宇勒碑紀名建數十年實
蹟豈不義哉民於是忻應從事是舉也可謂得歡
情而正用之矣夫以至歡之情動之以至義之舉
則民氣奮氣奮則忘勞忘勞則無暇而有暇也夫
且不惜財力之乏而安恤歲時之迫哉記曰民閉
于人而有鄙心夫閉于人者無不格于神神道設
教萃渙之用皆以之是其懽情合義心生而暇氣
見者皆民心自有之神為之歟然吾聞邑父老之

初估費也謀修門坊耳廊宇耳邑侯倡之鄉士大夫協助之乃始大舉工重修廟殿若干間東社西社民又各修香亭棹快若干間量事期計徒庸慮材用輸餼糧則又嘆民之財實無遺力實無遺而所謂暇氣者特懽情義心之所鼓餘也工始于某年月日竣于某月日邑人某某分工督修例得備書

重修鐘樓記

康熙二十有八年春正月

皇上載舉時巡之典至於濟南與官吏百姓等相見

翠華入自西門闕視城隍有

旨蠲免山東二十九年通省租賦

聖恩浩蕩萬眾懽呼歷山灤水咸有喜色於是某備藩

茲土且期年矣自幸躬逢其盛至仁有汪濊之施

閭里絕追呼之擾舉凡宣德達情修舉廢墜在於

職分所當為者不容已也歷城之東舊有鐘樓不

知其始所自考於邑乘相傳為鐘樓寺云歲時久

遠樓日就頽圯余乃作而新之庀材鳩工擇吉創

始棟楹梁枳板檻之需蓋瓦級甃砌石之具取資

咸備財用取諸官府一不以煩於民間未幾而樓

巋然步欄周流長廊四起高覽遐矚山水人物城

郭邑居之盛鱗次全湧於眉睫閒樓與鼓樓對峙

洪鐘在縣考擊相應於以辨晝夜之候嚴啓閉之

節亦都會所宜也竊思君子為政無問大小必審

於緩急先後之宜而後可以從事夫時絀而舉靡

者非也時則可矣乃因循息緩一切棄而不圖此

尤非也如茲樓之廢久矣余實始改為頓還舊觀

則以

聖天子軫念東方者至民力寬裕及時而爲之遂易以潰於成詩曰鼓鐘於宮聲聞於外言誠之不可揜也使爲政者盡心於所事凡所經營建置無之敢苟則所謂積中而發外形大而聲宏其亦有不可揜焉者矣余記茲修復之由而因及於政不獨以自勵而已且以是爲後之君子告也

廉立堂文集卷七 記

八

修五柳閘記

濟城之北有大小清河皆諸水支流也距城北二里許舊有閘名曰分水其源發自王屋山書所謂導沁水東流爲濟會於汶入於海者皆是也濟水多伏流數十百里至歷城西復湧爲趵突諸泉分入二清河之內立閘蓄用資灌溉其閘有府衛等名天順初巡撫年公富復建廣惠閘則東城之水繼利田達崇正開則西入五柳矣今大司馬中丞佛公畱心民瘼一日率僚屬巡行郭外山川掩映畦苑叅差公顧而樂之歷視諸閘堰見有木

廉立堂文集卷七 記

九

石傾圯者詢之則五柳閘卽所謂衛閘者也因謂曰茲閘不修則水勢堙鬱卽奚以利畜洩浸陂田皆應曰諾余暇日與同官諸君子謀曰古人爲學必講求農田水利之宜將以實致諸用也茲堰雖微固水道所由吾輩誠重民事當修治之如大中丞言又皆曰諾於是各捐俸資輦石市木鳩工計庸補其缺壞裨之堅好兩堰新置石礎扇用大木板視水之高下盈縮以時啓閉庶其續前人之功而有利于斯民是役也始庚午之三月不二十日告竣夫鉗盧興而民喜鴻隙廢而民愁史起之引

漳水鄭國之開涇渠其為利匪僅一二數也茲雖

一闢乎然烏可以不記

長山新修 關帝廟碑記

長山縣治西南十八里鎮曰周村蓋商賈輻輳貿易往來之地鎮西南隅舊有明教寺位 關帝神像山右賈人范永觀等于寺西相視地形創為專祠工未竟而澤州賈人印尚德盡力擴大之捐二千金為倡淨財雲湧庀材僱工寒暑靡閒三年乃潰于成按長山漢於陵地于濟南為屬邑隸青州部昔曹操以三十萬青州兵敗于呂布退而歸許當是時民之罹於鋒鏑者多矣元于欽曰魏平蜀徙其豪將家于濟河北改為齊岷部凡此羣族皆

有功于蜀者惟神忠誠仁勇從先主自平原戡定荆蜀若齊部之民之子若孫不尤為神所顧念而眷懷者歟然神之廟祀遍天下凡山陬海澨遐方僻壤縉紳縫掖之士下逮小夫婦孺無不知俎豆而尸祝之其為天下後世通祀所謂自天子下達者奚有于一方一邑為而一方一邑鑒觀照臨又奚有閒焉茲者新宮奕奕現特罕麗其正殿巍然而高雕題繡拱步欄周流丹青碧炫晃照耀其旁兩廡翼如像設咸備階砌檻欄堅固完好外為三門則又宏敞壯麗與內相稱廟址三面阻山嶒

壁沓嶂環亘數千尺今則鑿石開基高廣逶迤咸順其勢門前崖岸陡絕三丈餘爰乃鏟削開治層梯曲磴由平地斗折而上入門瞻望西拱長白山雲氣網緼變化朝夕異態東揖鳳凰之岩若彩羽修翩翩翔舞又河水交流如帶掩映迴抱于几筵之間誠巍煥之巨觀也座寰之寶地也神居正中高明崇巖百靈恍惚咸效奔走四方肇率服賈之衆閭閻戴白髻稚老弱之倫相與屏營致享雜還廟門拜舞歡呼神益顧歆降祥錫嘏于以惠此一方之人詎不休哉某忝藩東土事神治民罔敢

廉立堂文集卷七記

七

失墜又生于郇邑密邇解梁祇服神之寵靈覩茲成美嘉與尚德等之知所用心也故爲記其梗槩如此云

重修天王樓記

邑中街北枕中廟雙洞門上列三楹爲天王樓相傳舊浮圖左山門也其創建年代莫得而詳已自有明天順嘉靖以來乃始有碑碣可考

國朝四十餘年中更修葺者數矣凡里巷信士敬其明神念先世締構之勤不惜貲力以助厥功者亦數矣歲乙丑乃大鳩工徹檐宇垣壁而俱易之材取其完且良者加以丹漆黝聖煥然改觀焉余園廬卽在樓南出入是巷仰茲樓勢如建瓴顧念余宦游來三十年內三見茲樓之敝而傾傾而復新

廉立堂文集卷七記

七

也自丙午中廟不戒於火而茲樓如魯靈光巋然獨存余丁未自都予假歸猶及見之廟貌雖剝落猶足蔽風雨也已酉余再適都丁巳余謫赴霸州則見茲樓之就工未竣者再矣壬戌余自霸州以憂歸而茲樓東楹盡壞上無一瓦茨之覆聞知其先補苴者僅東一偏也不數年而遂大壞於是里人羣謀爲久遠堅完計蓋又歷四歲而始成茲舉也嗚呼人世新故升降之感悲樂代遷有識者不能以忘情而神廟之廢墜修舉亦詎不有時數存其間耶工始于康熙二十四年乙丑二月十一日

訖于三月二十日募錄督工則主持道官惠仁昇也例得備書

康立堂文集卷七 記

古

重修桃花洞記

孤山之麓曰桃花洞歲丁巳余一至其地時已曠假宿於樓閣上次日卽北行未及遍覽諸勝也今丁卯春莫余偕友欲造孤峰極頂未午卽至洞洞中道人飯余畢延梯重閣眺望塢東西下週迴廊遍覽諸菴興不可遏更偕友出尋古洞遺跡則當山徑石一土室耳內供諸佛色相儼然壁東勒遺碑存焉時方哺辭道人復偕友步巉壑轉數曲約六七里至鵬崖落景啣山羣鴉噪樹轉睇下洞口東偏烟雲蒼茫不可辨次日阻雨越三日霽後晨

康立堂文集卷七 記

一五

起攀鐵綆登觀音閣下迤折轉上東巖歷金頂遂造法雲寺登高一嘯萬谷振響及午後復歸至桃花洞則真如武夷九曲之初徑也昔靖節先生有桃花源記太白亦有登安陸桃花臺詩宇內瑰異奇觀當非一狀其名號閒有同者古今南北相及不相及未盡知也遇可投足便欲息躬林谷深邃景物足悅達觀者諒可一視之矣且是洞在昔惟逕口一土室今則闢其東列數觀宇最東樓閣層構屹然巨觀卽此一洞中今昔朴麗已迥然相判又安知南北殊俗盛衰改觀其異同更作何如耶

適道人以重修工畢尚未有文以紀之來丐言於
余余詢其工則曰今洞門首爲玉皇閣次爲三官
洞上爲聖母樓創建於師趙真斗薛來建繼以霖
雨傾圯則今主持所重修也噫嘻自余丁巳至此
越今十年耳中更廢墜修舉功貴浩費滋艱幸以
不墜豈不重賴乎人哉而人世陵谷之感又當何
如也工始于庚申五月迄八月告竣力營其事者
道人王道凝董之者薛全旺也法得備



邵易衡既齊爾錫著


太平趙熱典藥齋較

疏引 跋 頌

七忠祠募疏

濟南城西舊有七忠祠建文時死事諸臣自兵部
尚書鐵公鉉以下七人蓋先後有事斯土者也萬
歷三十九年中丞黃公謁祠下乃黜都督僉事平

安以謂就擒時隱忍隳節而進聊城侍御丁公志
方以其從容就義堪與六君子比烈不僅如禮所
稱鄉先生沒而可祭于社者然則黃君之用心殆
有合于微顯闡幽之旨也已萬歷距今八十年中
間遭罹兵燹順治己亥歲學使者施君輩建置祠
屋距今亦三十年矣丁之裔孫以修復爲請余乃
顧視其地合食之堂久燬于火棲神之室墻壁欲
壓上雨旁風無所蔽障不禁喟然而嘆曰嗚呼忠
臣孝子國家之元氣也諸公忠于所事百折不屈
視死如歸真孔孟所謂成仁取義者百世而下觀



其執事慨然想見其爲人余輩守官茲土有風教
之任而祠宇不治俎豆缺如非所以致推崇之意
而敦勵末俗也凡我同官君子以修舉廢墜爲心
各捐清俸庶幾鳩工庀材成以不日謹疏

募修薛王二公祠疏

有明三百年以理學從祀 聖廟者得四先生而
薛文清王文成兩先生尤其著焉者也蓋其道德
文章功業之盛光華于天地彪炳于丹青曷乎不
可及已正統之初文清以御史督學山左循循善
誘一時翕然有薛夫子之稱弘治甲子文成以部
曹來典試事讀其山東鄉試錄序抑可得其用心
之所在焉二公旣往而其流風餘韻興起後人當
時官茲土者遂建薛王二祠于水面亭之前前有
坊後有堂簷楹柱礎與湖光相掩映蓋齊魯爲聖
賢篤生之地二公適主文柄其閒其精神所注必
有眷顧于此而不去者則祠而祀之宜也兵燹以
來鞠爲茂草余也心切仰行欲從而修復之且其
祠祭載在祀典烏可以缺而不圖凡我同官諸君
子有風教之任卽深則傲之思惟合力共勩厥事
庶幾日可潰于成庀材鳩工見經營之伊始修廢
舉墜欣俎豆之維新謹疏

霸州重修 文廟疏

大功何難成之有言之而不為為之而不力今日
緩焉而俟異日一人情焉而沮衆人無奮志斯無
堅力無堅力斯無完工天下事以委靡畏難而坐
廢墮者可勝悼哉維州學之頽壞也非一日矣聞
昔明倫堂未傾之前估修理工貲直百金耳衆議
紛紛焉卒無任其事者越年餘明倫堂以傾
聖殿兩廡亦漸圯衆議紛紛估修理工貲更須二
三百金矣益無任其事者經地震重災則兩廡皆
大半壞 聖殿遂將頽門檻齋舍綽楔無不剝落
敝損而衆議紛紛猶未有定也噫神人之主也學
宮立身之本也祀 先師祀典之大也乃至
聖躬不蔽風雨 先賢先儒棲主無所尚忍言哉
尚忍言哉每朔望瞻拜心焉傷之重自愧也身在
守土而廢墜未舉使盥薦奏格之地為牧豕躑躅
之場不幾褻越神明而貽怨恫乎神一日無所依
人即一日無所庇鳩工庀材尚可須臾緩乎哉茲
擇吉四月十八日更新構造邑人士亦羣恥往事
之無成而重鑒夫紛紛之莫定議也共相作其氣
鼓其力同心赴功蔑不濟矣至如虎賁之子亦知

廉立堂文集卷八 疏

四

橫經野處之農不暇其秀願捐貲共襄盛舉在工
在商莫非義士一瓦一石皆足助工是則天未喪
文而人心協效也觀成不日其庸有冀乎

廉立堂文集卷八 疏

五

重修莊武王廟募緣疏

古者祀典所載以勞定國則祀之吾邑之有唐莊武王廟也以王平河中逆藩李懷光功敕建廟於茲地蓋猶交趾之祀伏波錦官之祀蜀相志勲勞也廟之東為舊屯戍所北依城有高臺邑志所傳為古壘秋風也每當天高露下木末颯鳴如聞萬馬奔馳於壁門外也如聞嚴令宣中夜而暮井不斗聲淒清也如聞悲笳隱隱江梅乍落而壯士慘無驕容也輒令人嘯歌徘徊不能去云夫莊武王之功在地乃其祀典為最鉅而廟宇屯壘平臨雉

廉立堂文集卷八 疏

六

堞其遺蹟又最古以鉅典而兼古蹟猗之人固願歲時伏臘瞻拜憑眺常奉廟貌如新也自唐迄今越有歷年中更宋金元明其以時壞巧勤垣墉塗葺茨者代遠人湮固難盡攷然元明以來碑碣具在棟桷栴栴級之上各書某里某人輸助若干今邑中紳衿士庶尚有為其子孫能識其祖宗姓字者噫過廟生敬過墟生哀誰獨無心而今者門堂簷宇日就圯剝乃忍坐視而不為之所其何以慰考翼曰弗棄基也夫修築之事古人重用民力然春秋書世室屋壞則譏其宜修而不修也夫治

室之道猶治國然治國者立一法歷數十年即當釐剔之否則其法必至于大壞而改立焉治室者建一室歷數十年即當補葺之否則其室必至于大壞而改建焉當其未甚微而修之其用力也猶省及其已大壞而修之其用力也更艱矣今之修莊武王廟則已幾幾屋壞時也而猶幸其未大壞也用是告我同心勸輸廣施俾鉅典于今常崇而古蹟自茲不朽也神人其俱有賴乎敢以序之簡端

廉立堂文集卷八 疏

七

東趙寺募緣疏

蓋聞高閣清香羅諸天之色相夜堂磬磬喚下土
之沉迷鶴依珠樹以翩翾早識羽衣聞法龍護寶
幡而天矯更馴毒性安禪真如去住無心法籟人
天可接雖云教異儒林化與西土菩提般若率屬
侏儻之音優寒比邱無殊膜拜之俗斯世之惑誣
滋甚吾道之距闕宜嚴然而已公齋下可以吟詩
支遁山前無難招隱歎槿花之委露欲學無生羨
錫杖之飛雲願言出世退之闕佛而高閑文暢時
與從遊陽明講學而鐵拄蓬頭屢多尋訪況乎經

廉立堂文集卷八 疏

八

聲夜息爐氣晨飄有其舉之莫之或廢能無假茲
祇樹邀彼給孤錫以鯨燈用翻貝葉者哉東趙寺
僧某者久超塵境依雙樹以爲家思禮寒山聚千
花而成塔三年禪誦五夜齋壇擬茲節屆嘉平欲
作經期圓滿香氣從三天而下綉拱霞連鐘聲入
萬壑而遙瓊簾鳥拂金繩開覺路片石孤雲肯相
於寶筏渡迷津清池白月知常在是用廣延檀越
普化衆生鹿女踏花豈爲繞廬得火鶴禽啣草猶
聞集樹憐羣凡余貧里中人共此化成內住積財
緣幻樂善心同敬持黃素以抒誠望施朱提而隨

意

廉立堂文集卷八 疏

九

仁壽寺重修浮圖大佛閣募緣疏

邑北門外迤東里許有古刹高枕嶺嶺相傳自隋唐奉勅所營建也初號白禪寺又曰大雲寺今靈岩在邑西者舊大雲寺西閣彌勒院云宋熙寧賜額壽聖元至大改仁壽歷明迄今因之聞茲寺之肇盛也祇樹廣開孤園表演寮宇以百數比邱以千數卽在明嘉靖初邑鄉進士王公重修鐫碑紀蹟曰慈氏大殿曰海潮堂曰大佛閣曰準提地藏殿曰日月寮房曰寶塢園曰明王佛像曰曇延影堂曰鐘樓曰橋路煥然巍峩極一時之巨觀矣廼

康立堂文集卷八 疏

十

自乙卯地震崩頽大半唯浮圖海潮堂猶在耳嗣茲數更修葺增設厨庫改建山門而徒衆日稀闢場滋寡飛閣層塔亦駸駸風雨之不除而日以剝圯也可勝嘆哉余嘗讀史至宋魏齊梁間見天下波靡於西竺之教南北主競舍身懺禮婚佛以增功德塔寺幾遍宇內然而魏之眞君周之建德唐之會昌宋之宣和則或毀佛書佛像或與道教並廢或更寺院爲宮觀豈非廢興有時隆替惟數浩劫厄閭聖賢莫度哉况佛法有權有實象教者權也心悟者實也百丈不立佛殿別樹法堂達磨以

建塔修寺爲有漏小果甚至有盡撤諸佛投之水

火而卽獅子座設卑比者亦安事宇舍之金碧土木之錦繡乎哉而重勞闡黎鉢化工作紛紛也議者曰塔宇高聳北扼水壑擅一邑之形勝士氣文風於此現發越焉噫佛教之不足信而信形家言乎哉第以大運興遷憑眺生成感修舉廢墜實關乎人今夫懷古覽勝有一器一物輒爲雷連不忍釋者而況已公茅社可以吟詩遠士虎溪相與引笑塔標初地之勝閣觀重門之開忍令侵蝕剝落徹漏傾壞而不爲之所乎是用廣集同心共成盛舉

康立堂文集卷八 疏

十一

異時騷人墨士有携觴潔榼而至相偕剔蘚磨崖捫唐宗之古碑納條凍於一覽而因使闡提之衆有所瞻仰惕悟焉謂之存勝蹟可也卽謂之傳佛法可也

重建萬泉縣孤峯法雲寺浮屠募緣疏

余歸田數年偕父老話桑麻而外閒披閱內典索解人渺有遇一日大惶上人募修孤峯浮屠來丐序于余余一見知爲慧舟法棟也以藏中語叩之輒響應而又輒破的其言三昧曰昧者蘊藏也萬緣俱寂心得正受以此正受而得正定以此正定而發正慧皆真靈之所蘊也余乃以所云游戲三昧者質之曰三昧之名不一有禪定三昧有游戲三昧有神通三昧有辯才三昧有現一切色身三昧大抵人生而口漏氣意漏神身漏精爲三漏正

廉立堂文集卷八疏

十一

受正定正慧乃所謂戒定慧無漏三學也以三無漏薰成三昧其盡爲舍利昔佛氏三昧之盡得八斛四斗阿育王分其三之一畱人閒者爲八萬四千塔其在震旦有舍利者纔十九塔耳而孤峯之塔則辟支佛化身處也每當六月晦日亭午放光其夜則有仙燈白龍門而來夫人而悉見之能言之也前歲靈雨頽圯今圖更建之盍一爲大眾開首乎余笑謂曰佛菩薩假名也西方假地也丹霞燒木像以禦寒玉泉書祖名于犢鼻誠以山河大地爲幻相亦奚事塔宇之構造爲上人口審乎無

假而以假者爲緣神道設教所以待上智下根之異也且孤峯形勝山海經所云景山也南望鹽販之澤北望少澤峯南諸邑人文所發祥也昔者善堂閒構燈王布席捫虛梯漢狀奇肱之飛車累劫凌霞恍娑羅之變葉是以蓄雲泄雨利益人閒異卉珍禽栖育其下周隋唐宋以來且千百年于茲矣而今者祇園滅影驚岳淪光匪直闡黎無所仰瞻抑亦諸擅越莫不惻愴也余頷而諾之因書所問答以告諸同心善果者

廉立堂文集卷八疏

十二

跋泉蘭載筆

子文先生居蓮幕吟賡不輟結撰種種余從鄰郡
同學友得讀其詩稿數十首嘆其曠逸絕羣欲就
而問佳句法者久矣乙丑夏初值先生病未獲晤
蒙出手編泉蘭載筆相示迺紀其奉檄馳驅征途
所歷自山川陵墓寺廟金石遺編以及蘭臺之墜
文天祿之逸字靡不旁搜博討哀集成帙其用力
于文章之境亦勤矣哉夫所招之詩誦於右尹孔
惺之鼎傳之載記歐陽公集古錄王氏荃客叢開
多與史書相參證可以闡幽表微補闕釐訛不得
廉立堂文集卷八 跋

廉立堂文集卷八 跋

十四

山東武鄉試錄跋

歲庚午

皇上御極二十有九年天下當校士于鄉山東文闈鹿
鳴既奏而武場鷹揚之典亦並舉行撫臣倫以助
舊重臣統臨茲土爰董其政齊魯士勃勃淬礪待
弓旌以觀 國之光而有政使臣 既齊 按察使臣
廷耀 充提調監試恪恭綜理朝夕戴星出入初集
士千七百人于演武場校騎射擇其引滿而發聲
控如意者收入選而外此不得與焉又較步射擇
其體志審固省括則釋者收入選而外此不得與
廉立堂文集卷八 跋

廉立堂文集卷八 跋

十五

焉蓋騎命中者十之七步命中者十之五比較技
勇得合式者八百有奇迺扇棘闡撫臣手自譯書
發策率同閱卷官校甲乙次第再三審諦兩晝夜
而定榜發得四十六人遵舊章進呈試錄既成臣
既齊 臣 廷耀 例得綴言簡未竊惟
國家車書一統聲教四訖幅幘之廣濶前古未有
皇上神武廟謨智勇天錫猶加意于興賢育才設科取
士文武並重數十年來干城師武之選龍驤豹變
蔚蔚稱極盛焉山左古多名將姜太公之韜畧稷
卨之司馬法共遺意多士蓋嘗聞之矣然而讀其

書未見其人習其法未神其用步伐止齊何以不
愆于度馳驟組舞何以閑之維則控弦鳴鏑何以
舍拔則獲貫革沒羽何以孔武有力求其枝閱精
而藻鑑不爽有以服千百士之心使相嘆奉令承
教之恨晚者則莫如今科撫臣之品題增重數倍
也而撫臣尤倦倦于武學士習謂

盛世一道同風當化夫囂凌鬪爭之習而歸于仁義
道德之旨勇公怯私革薄從忠射策中三致意焉
且又以抱藝精者藏器必深命取所試文質之所
拔技優者果不差十一此所用不違所求而風厲

廉立堂文集卷八 跋

七

之以其實也多士今得與掄秀之列亦思所以厚
自期許不媿古儒將風乎從來觀德論藝非徒以
尚材勇良將之臨敵也意思安閒如不欲戰及乎
凱旋歸第口不言功舉矜張淺露之氣消釋殆盡
始可以膺丈人長子之託是故一夫之勇不足狂
也勝氣凌物不可訓也多士勉乎哉操弓挾矢角
勝得雋今日事也登壇專閫飲至策助異日任也
而無競無憍有以養深沉遠大之器處寵辱而不
驚有功施而不伐則所望于多士朝夕佩服以終
身者庶不負撫臣今日拔授之意即爲

國家武試鉅典光也已

廉立堂文集卷八 跋

七

重修家譜跋

蓋譜成而愀然有餘慕也譜以昭世系廟以妥先
靈府君之購建家廟也積十數年心力而始成維
時八世伯叔曾祖輩西莊節雙泉諱重發美若
諱增祿猶存相率犒工落成聚飲甚歡也每歲三
祭畢享胙府君必親至率子孫拜神惠且登記族
尊族長公禮收數於簿如是者二十餘年族眾雖
多貧窶然歲時吉凶問遺各以禮凡科第宦達
恩綸寵賚拜告祖廟與祭則公具牲牲從享以及入
學有贈賀幛畢隨諸各殫情文以相接也府君捐

廉立堂文集卷八

跋

六

館而雙泉叔曾祖率合族為文以祭其概曰公敬
祖宗因篤族誼其賢者雖疎必親親者雖微必恤
吾家族世儒素祖宗功德特鍾而生公豈徒榮其
取科第耀門閭為宗族光寵已哉是將舉族之子
姪賢愚貴賤而皆待飲食教誨于公者也嗚呼俗
之澆也身都富厚而惇睦無聞其視族人若素人
視越人之肥瘠忽不加喜戚于其心者豈少也哉
府君之睦族能使族人篤念于身後也蓋非徒以
言相感而實能以財相周且非徒以財相周而實
能以善相成也府君嘗出百十餘金資族人營運

矣既齊師此意亦嘗自黔寄二百金資族人糴粟

救荒矣族之賢者若定齊既匡不二年早完貲本
若金生欵祥軒密猶權子息歲積貯贏餘共二三
逋負者不足為眾累也繼自今公費出納無恤浮
言惟崇厚道使眾知義不欲知惠即今義田經費
將以法交正之良規慰府君之遺意而豈以啓後
世之爭端乎哉嘗同弟既翁語吾家後世安能保
嘗盛如今日不可不預防爭寶已復上溯祖德謂
天祚吾宗子孫必不至賣爭義田宅大不肖不可
救振是在子孫與族後輩之共相砥礪以遵世教

廉立堂文集卷八

跋

十九

守世澤焉耳矣因以跋諸簡末

郝太夫人家慶圖頌

鬱鬱朱草產於靈泉草則有根泉則有源天降良
弼在

帝左右簡於女士孰克是母惟我太君令德令儀允矣
女宗展也母師嬪于高門降之百福篤生偉人臣
我 王國出入五官師長百寮銘功旂常端委廟
朝司徒之官萬民是教我公烝烝身率以孝擁笏
垂魚承顏于庭祿養匪榮德將唯馨德被生民太
君宴喜受茲介福黃髮兒齒載佐之饒象服俱來
載弄之飴芝蘭盈堦翩翩青鳥為王母使奉藥一
康立堂文集卷八 頌 二十

九母壽無紀婉婉德容寫之丹青於千萬年莫不
儀型敬拜中庭懿德是纂歌詩作頌用附彤管

郝太夫人家慶圖頌

班姑陶母昔稱賢垂光流耀照簡編金銀之管琬
琰鑄恨不圖像丹青傳猗歎太母婦德全傳經載
髮相後先用介福祿享大年夢中五色鳳集肩果
然彩翮凌風翥公子公望無居前出入政府資濟
川三臺六寺相迴還司徒計相

帝眷專綸扉指日黃扉宣太母百福方駢闐中閨一一
騰鸞箋瓊林玉樹爭翩翩神藥更受麻姑仙一丸
千霜壽命延試看圖像高堂懸方瞳細耳神炯然
宛如少廣乘雲輶願添青鳥三花邊金宮對剖蟠
康立堂文集卷八 頌 三十一

桃園我公德澤被八埏他年圖畫藏凌烟

邵易衛既齊爾錫著

太平趙熟典藥齋較

書

答邵子昆

元日午後遽使遠來且承頒雅贖本不欲損清惠以已具款勉為拜登謝謝所聞老年兄往賑宣府殫心均施已歸報命行有不次之擢清苑捐穀

二千石不待報請便宜即發此正我輩所當行事

況有

聖天子在上視民如傷亟思得賢全活我百姓豈有以爲罪者

皇上詢其學問蓋即將召收之矣于撫台忠誠正直實心任事報災報饑爲民請命真足感格

天聽弟有心學之而才短力弱媿未能及然不敢不自勉也前於護院時請預抵驛站爲州縣未完地丁計及新院至卽蒙採取緩征之說已具題矣當

茲商人楊姓設粥卽爲給匾獎勵同各司道公替

撫軍再接再賑二月或施粥或給米分別簽牌使男

婦於贍養之中仍屬廉恥皆屬自捐備銀兩同人

共濟欲善者誰不如我何敢獨爲君子惟矢心竭

力及已行而後言之不敢預作大言不慙使後難

副耳手翰諄切再三曉諭敢不亟從我輩但期言

之有濟行之得實功名福報非所敢冀至於說之

重複字之措草豈所論耶泰山香火一項王年兄

亦曾言之然係奏銷之項且今年科場文武兩關

取用尚多未敢輕動惟自捐備爲安施粥之事原

係壺飡小惠第已行不便中止且今已計口授數

日米矣則兼行之說臨時自變通耳此皆身自驗

視每日往返不殫煩瑣爲之者亦惟恐有蔽反作

笑柄也去年二月滕縣金鄉弟已捐賑六百兩今

年沂州來就食者已二千人別處各色人更五千

餘計兩月之費三千金餘不止亦惟勉強竭力必

期有終而已書牘屢達皆屬空函甚覺不安茲更

於元日邀貺益深感佩且獲佳刻種種教益宏多

媿無將敬聊具山左土物卽煩使者賁回臨穎可

勝神瀨

侯王宛平中堂

伏惟師相老夫子大人以臯夔伊傅之宏謨居啓
沃論思之重地功高鼎鼐喜起廢而心德一天下
欣欣然涵泳於鈞陶化育之中某以淺學謬託門
墻曩者趨侍館閣其為恩造實深且久自前歲趨
擢東藩叨蒙

聖天子不次殊恩實師相老夫子大人平日嘘植所致
出都之日正值老夫子棘闈校試弗獲面辭台階
今忽忽已逾二載矣深愧才短識淺無以報

主知惟有恪矢冰兢朝夕惕厲以不負師訓耳屢欲修
廉立堂文集卷九 書

三

候興居以樞閣尊嚴未敢輕瀆書記疎節之愆實
切惶悚茲特虔具蕪稟薄荐藉芹伏冀老夫子大
人鑒茹臨稟可勝瞻慕悚息之至

再稟者舊淮縣一案承審者大半審實將來開
反噬之風所關非細祈老夫子大人默為援手
被德者當不止一人也

與總督于諱成龍

老先生門臺以公忠正直之槩振風紀而愛人材
誠孚

君心功在社稷中外具瞻欽祝之私匪可言喻晚風叨
知愛已切銘心謬忝共事以來昕夕追隨種種更
荷指示旋荷撫黔之

命感荷

主恩勉圖報稱之心無日敢懈而才識迂疎恐於綏理
之方未知所措幸老先生見貽 疏稿時置諸棗
案閒奉為典型庶免墮越前類行時於 朝中匆

廉立堂文集卷九 書

四

勿言別更承垂念遠道馳驅惠之良騎重山密箚
得利適行者皆隆賜也初抵黔諸事未就緒以威
寧章倅齋表之便先一小檄奉候鴻禧嗣容翁价
肅函馳叩臨啓云云

與李司空

新春元日

聖諭修省七省漕糧分年蠲免西安發帑金江南免株
求皆

仁恩之大者臣子遭逢

盛世得展施為共當獎頌贊襄以成都俞之盛此其
時矣兄台榮簡司空當大震後釐剔似易為力幸
共相助也不佞自視事以來日夜拮据宣揚

朝廷德意緩攝苗蠻每月廿日講

上諭畢即行旌善懲惡民風士習頗知激勸貴陽城多

廉立堂文集卷九

書

五

火患時為親出督故祈禱賑恤更考禮制定鄉飲
式拔取書院分立義學勤閱武備訓練什伍蓋以
幸可有為之時若得為之地惟恐才短不能盡修
舉之任朝夕與顧王兩公講議屢勉罔敢懈也十
九日接部咨奉

上諭於武官內各舉所知初以莅任未兩月不敢輕舉
繼而思有所知即當速舉因薦中軍蔡斌此蓋所
目覩深悉可信者不可以木標避嫌而置之也又
何竟補一府且屬鎮遠邊地然師弟相依可稱一
快前王守案已交原籍部復駁回奈何尚當更圖

之衙門諸公盡列京堂而漁村何獨於部院用便
中希示知凡宜照料者統希便示不悉

廉立堂文集卷九

書

六

與李醒齋

畿南賑濟特膺 簡命巡省民生之疾苦宵旰之
憂勤交託於一身任綦重矣聞已復 命上達不
負所託深為慰懷厚卷亦自此旋同門中兩人俱
膺 重命宣濟稱任聞之亦自快也又何榮陞淮
徐茲將出都所寄轉託照拂總惟我輩道義之交
非同他比先從撥中寄候尚容遣价為致鄙忱不
一

廉立堂文集卷九 書

七

與總督范 承勳

條風初布鈴閣凝祥老世叔先生彩映繡裳忠孚
丹陛舉西南遐甸盡在陽春化日中矣世晚翹首滇
南雲旌遙企前蒙台示嗣後往來書札直披情愔
脫去繁文更深佩古道之相勗也茲啓者黎平高
洞苗蠻始而劫去米客繼且伏殺官兵兇逆之罪
即當立勦第恐啓釁有由或因官吏輕發多事激
迫所致亦不可定邊徼重地一舉而羣孽屬望似
宜詳慎且勞師不易更慮多殺無辜有悖

廉立堂文集卷九 書

八

發示曉諭高洞苗蠻令其自獻首惡併安插鄰近
苗民無致驚惑情事已備悉公移不復多贅此膚
淺之見未識有當於機宜否倘蠢苗負固不服化
誨則又勢必至於用兵昨接提督陳親翁咨會已
撥鄰汛兵四百聽候調遣想已請示台端其行止
遲速之閒老世叔自有卓見惟候裁示遵循臨啓
曷勝佇切

與李厚菴

前榮旌北旋未獲邀晤更承遣使先施雅愛諄諄
知兼程促歸王事靡遑而道義心契更脫形跡之
外入 朝數月開望昭徹建鉞秉鈞所日深冀者
也不佞受事以來朝夕兢惕戴星出入寢食皆覺
不遑今經半年餘矣勞悴無異於初始知古人憂
勤不以位為樂者亦其勢不得不然惟心貞境亦
惟境勵心操存調養常恐檢點不到者多矣茲以
起解錢糧遣价入都尺東奉候近祉更念迂拙以
守不工諧俗遂至諸凡聲氣莫通倘於事宜之大
廉立堂文集卷九 書

九

者亦將貽悞則亦非中正之道嗣後邸抄郵寄希
便相聞臨啓依依不盡

與四川撫院噶爾

錦城槐綠鈴閣風清遙企崇牙知純禧日臻也其
為欽祝奚可名言弟景仰高山匪朝夕近聞邸
報知老台臺先生 陛見馳歸對揚 休命之時
天語溫慰而老台臺先生言及秦晉飢民流離之狀不
啻繪圖入 告真念切痾瘵古大臣之用心也春
閒小函奉候乃遠煩賜答小价購買馬匹重費清
神照護卽令畜於牧場令人銘篆不淺特泐箋鳴
謝兼候近祉臨啓不禁神往

廉立堂文集卷九 書

十

與江西撫院宋牧仲諱肇

數年來有自江右至者輒頌老先生年臺清風偉績斯民獲登衽席而江山亦覺改觀不勝為

朝廷得人慶弟迂愚無似益黔以來日惟以老先生行事向所習聞者竊自師承一二第簿書碌碌兼之道路阻長致疎候問今者適有屬下相士李憲章東歸之便肅函附候鴻禧憲章自滇經黔精於風鑑言多奇中思欲上謁崇階希賜青睞一進而獲展其技幸甚伏惟台鑒臨啓曷勝依溯

廉立堂文集卷九書

十一

復孟端士書諱亮揆

常憶庚戌禮闈極文運轉移之盛而高華典麗惟老先生為稱首館中追隨晨夕深慰素心嗣後弟緣外調久嘆睽阻戊辰忽承

恩命重入承明知已歡慰之情踰於骨肉至今猶依依似昨也承乏東省時曾辱教言率爾裁答不盡溯依之意後聞老先生橫被人言匆匆致政為之驚愕者久之老先生學有本原卷舒隨遇固宜嘯傲湖山陶然自得而

聖天子人惟求舊明目達聰正恐林泉風月未能畱人

廉立堂文集卷九書

三

耳弟迂疎無似屢邀

九重不次之知茲者巖疆重任認膺節鉞深以不克負荷為懼過蒙垂賀且稱引古人以相勗愧不敢當差幸地處荒僻民苗習俗野陋中淳樸未漓有所設施易於聽受視事以來農桑勸課日率所屬屢勉從事未審克有裨益否貴門人陸年兄才具優長實心任事弟與之朝夕互勉期于仰報朝廷未經鼎呂早有水乳之合陸年兄自有端函齒及遠惠新詩又復佐以名畫感刻不淺率步原韻以達依依外具不腆惟希晒存臨楮馳溯

候中堂王老師

伏惟師相老夫子大人以一德交孚之心任

兩朝翊贊之重啓沃論思百揆時敘進堯舜于

君民之上見伊呂於伯仲之閒隨事弼諧襄成至治天

下欣欣然莫不涵泳於鈞陶化育之中

聖天子念老成持重舉朝莫並倚毗殷隆惟節勞為蒼

生自愛其向受深知客秋出都時更蒙鼎賜鏤感

何極黔地處天南邊徼苗蠻數倍于民朝夕黽勉

此心固敢刻逸黎平一案自愧誠信未孚撫諭不

廉立堂文集卷九 書

三

而前後封章互異不免貽笑於人然此心無敢欺

君故據實入 告劄劾土司一疏益服

聖明遠慮今既俱會勘或可邀鑒總以懇誠自矢義命

聽之自然將來 欽差諸公勘明覆 奏之日惟

冀老夫子大人默為照庇感佩生成之德寧有涯

量哉久擬肅稟度候坐是碌碌不遑前大世兄過

黔拜讀鈞諭肫懇如奉架誨隨附稟覆茲特端价

馳叩溪毛輜褻聊將遠悃伏冀鑒誠汪茹某臨稟

曷勝瞻依悚仄之至

候司馬杜筆

恭惟老先生台臺朝端碩輔菴苑宗工六師稟籌

策之雄四海仰折衝之畧

聖心虛佇人望攸孚晉陟黃扉當在指顧閒矣晚以未

學後進往在詞館中晨夕追隨猷領教益客歲京

華時挹德輝出都蒙老先生枉顧復承惠教瑤篇

白雪銀鈞均擅其勝時為捧誦不能釋手祇以匆

匆就道不遑登堂面別迄今猶耿耿也黎平一案

不得已而用兵仍行寓撫於剿詎意將弁違命共

廉立堂文集卷九 書

十四

不得不亟行檢舉益服

聖明睿鑒用兵不宜輕率也重叨垂照脚戰不淺前臨

安丞孫年翁過黔遠辱翰教注存孫君風度翩翩

能世其業已泐寸箋附復想達典籤茲特肅修尺

素虔候崇禧統惟亮管臨啓主臣

復山東李老師

去秋出都時蒙老夫子特命張紀綱遠來相送行
次率稟具覆知垂慈鑒矣黔中地僻事較山左稍
簡而民苗雜處區畫殊非易易朝夕電勉此心仍
罔敢刻逸黎平一案自愧誠信未孚撫諭不能終
效繼被文武將弁捏報邀功雖經察出檢舉而前
後章疏互異不免貽笑於人然此心無敢欺
君據實入 告現奉部差出審亦惟安聽義命而已仲
夏又何來守鎮遠得以聽領老夫子鈞函依依儼
對函丈因聞昨冬痰火之患不勝念慮春初已獲

廉立堂文集卷九 書

五

全安稍為舒懷惟冀善加珍攝願神自愛也遠道
尊賜不敢過卻敬謝敬謝舍弟以敝鄉荒旱之餘
家中諸務棘手未能到黔承垂訊感刻不淺九月
老夫子華誕弗獲預期中祝茲者馳稟補叩薄具
輦芹惟希汪茹臨稟曷勝趨跂悚仄之至

候原司寇熊蔚懷同年 諱一瀟

憶戊辰春在都老先生年祖臺病中招飲快親芝
範殊慰頻年開潤之悰乃旋有濟南之行遽爾賦
別忽忽又五易裘葛風雨之思曷維其已江山開
阻遂致魚雁為疎時從敝門人李醒齋處探問起
居知老先生年祖臺抱道養高與時舒卷優游於
匡山蠡水之間雖林泉清況未免岑寂而能澹泊
自守不改其樂忝在譜末不克一展鄙忱為之恨
恨耳黔中地僻事簡而民苗雜處綏懷震懾倍費
區畫此心無日敢逸乃猶有未當事宜致煩部差

廉立堂文集卷九 書

六

出審總惟朴慤相將安聽義命而已新泉張公祖
為人誠謹可以久要前行時已曾諄囑今葉總戎
亦適自黔中新移貴省相與將及一載古道照人
亦已屬過同在會城俱可時相往來也羽便率泐
數行附候近禮統惟崇鑒引領東望臨啓惟有依
依

復原司成曹峨翁同年

憶戊辰春長安把晤一慰十數年濶悰嗣弟出燕
二東星霜頻易老門年兄亦遂歸里山川間隔羽
鱗稀便久未獲一通候今更遠在黔中荷

君恩日重殫竭心力罔知所以圖報案牘勿冗兼以道
路修阻於是應酬中展概多闕畧忽接瑤函欣如
晤對但聞老年伯母之變驚憚不已更愧遠道不
知有失弔莫不勝芒負也老門年兄節哀順變善
自珍攝是望所諭學道還丹達人所為誠不欲溷
塵囂中然此道惟在制心弟昔年一嘗為之懲忿

廉立堂文集卷九

書

七

室慾卽是降龍伏虎金丹者乾剛之喻耳如必棄
家外煉則恐為人所欺也六階年兄處遠僻而守
其澹泊且吏治廉明稱最華學使誠愨長者時以
古道相勗今承鼎呂自當益加留意貴門人陸年
兄尤極同心無煩囑也陳提軍已作古矣署中在
瞻顧年翁暨玉少華宗俱有札附候希照不一



廉立堂文集卷十



邵易衡既齊爾錫著

太平趙燕典藥齋跋



啓傳贊

復詹事王啓

字貽上

伏以蓬山縹緲高標迥接乎仙靈鶴禁清嚴令範
聿端于保傅赤墀趨過擅九邱八索之聲黃閣徐
登繼一馬二童之跡物類久歸其陶鑄儒林莫罄

廉立堂文集卷十

啓

一

其形容恭惟老先生台臺閣下學集大成性隣殆
庶一門鼎盛文章忠孝之家七葉蟬聯禮樂衣冠
之望詞客早年執憲絕勝何遜在揚州友于接武
升朝不比陸機來洛下幾條紅燭籌三史之兼
長數載成均撰五經之正義歎汪洋於海若如被
秋水南華仰雄偉於昌黎共指泰山北斗從此樞
機密勿龍馬爰佐其苞苴荷將來叅贊經綸日月咸
資其紉纆弟云云

復翰林唐啓 諱夢賚

恭惟老先生當代猶龍清時儀鳳平瀨博兩聞之
氣日月煥其光華滙汪洋百谷之墟波瀾生其著
作唐公去國而千古名高太史好遊而一家言就
允繼詞林四諫詢稱魯國一儒侍鉛槧荒蕪敢言
後進屏藩忝竊祇荷

殊恩泱泱大國之風時思問俗番番格人之貌所幸依
仁昔年獲讀鴻文猶憶堂名志壑此日久推鉅手
真同碑可生金頃承鼎翰遙頌兼枉袞袞特至惠
來全集忻裝逸少之書佐以家珍喜接平公之硯

廉立堂文集卷十 啓

二

勿茲厚意已益十朋外此多儀藉還原壁倘更賜
之訓迪敢不拜嘉庶幾奉以周旋可無失墜肅函
申頌臨啓翹瞻

候武定李相公啓 諱之芳

伏以斗山高位望黃扉式演于經綸龍馬煥精神
大國爰尊夫壽考較平泉而邁種安綠野以怡情
恭惟老先生閣下受天開氣為國寶臣貽階洵晉
于班聯文章致用歟歷頻更于中外政事超羣往
者八州作督之年竟逢三孽有苞之日力支半壁
隳蛇豕于東南手挽狂瀾靖鯨鯢于海徼洵胸全
夫武庫四履曳夫文昌江漢旣平召伯用釐圭瓚
蔡淮大定裴公應秉鈞衡東國有龍門清流倚賴
朝中相司馬萬戶歡呼乃德盛而不居抑功成而

廉立堂文集卷十 啓

三

任運卿雲之麗碧落卷舒本出無心百谷之滙滄
溟浩蕩仍歸何有物類總歸其陶鑄士林莫定其
形容某云云曩趨塵于朝右恒瞻几几之容茲承
乏于名邦夙仰巍巍之度高山之在望知培塿以
不遺未遑伏謁崇階親誦箕疇于五福肅此設筴
掌記載廣天保于九如不盡悃忱伏祈照鑒云云

侯益都馮相國啓 諱溥

伏以名高金鉞黃扉畱參贊之勳道重玉衡綠野
蘊經綸之業薄海欽其風度百職賴其儀型恭惟
老年伯先生閣下至德可師巨才不器雲翔五色
獨高紫殿之聲日麗三台遂應金甌之卜禮明樂
備文章早裕于元公經體贊元事業聿隆乎尚父
治成熙皞爰膺致政殊榮躬贊太平特舉引年曠
典直方剛大隕然六二之占用舍行藏卓爾三千
之冠大人元吉良貴匪軒冕而尊君子萬年至仁
不導引而壽清樽酬獻時來北海賓朋玉塵風流

廉立堂文集卷十 啓

四

最盛東山羣從允矣鳳麟瑞應哉龍馬精神姪
某末學小生通門後進昨者趨塵京雒忒瞻几几
之容於時祇謁行軒欣侍番番之貌茲備員於維
屏忝承乏於大邦仰止高山所冀不遺乎培塿遙
觀海若還期指示於津梁未能伏謁台階詎日投
箋記室敬三薰而陳紫兼九頓以抒丹不罄鄙忱
伏唯崇鑒姪某臨稟云云

復膠州法方伯啓 諱若真

恭惟老年伯先生學擅大成性鄰殆庶聳文章之
聲價早上鸞坡騰道德之光輝來儀鳳闕聖言幽
遠侍中膺奪席之榮經學通明江夏擅無雙之譽
歎歷洵臻於薇省尚畱南國甘棠優游賜沐於林
泉不羨東山絲竹生平所有著述爲多張壯武屬
文史籍載車箱之內左太冲作賦筆扎堆籬溷之
閒籠罩千秋斧鉞砮礮於宇裏發揮萬象風雷蹀
躞於毫端人稱魯國一儒望重海濱二老姪某末
學小生通門後進昔者趨塵於京雒忒瞻藹藹之

廉立堂文集卷十 啓

五

容今茲承乏東邦遙挹謙謙之度倘關門而臨尹
喜思親紫氣以傳經聞膠西之有盖公願避正堂
而問道依馳靡極仰止爲勞伏冀云云

復李翰林啓 謹斯義

伏以岱嶽鍾靈蔚兩間之秀氣海嶠毓瑞挺特出
之英奇危野濠奎光瀾翻濟水長山多旺氣峻業
龍門金馬騰輝石渠增色恭惟老年翁先生丹穴
鳳毛清朝麟角胷羅二十八宿耿耿元氣貫當中
眼放七十二峰叠叠層巒插天外搜鄉嬛石室之
秘錦富千細擅雕龍繡虎之才詞傾三峽懷蛟吐
綬搖筆散珠誰克有茲異乎吞篆生花濡毫化彩
今方觀此奇矣久宜視草鸞坡快見蜚華鰲禁金
蓮照耀太白原是仙人玉軸琳瑯鄴侯生來異骨

廉立堂文集卷十 啓

六

步八磚之影日麗彤輝燃太乙之藜光懸祿閣紗
籠儲姓字野看鳳沼之英玉佩上瀛洲驚傳洙泗
之彥榮疏蘭譜喜溢盃簪弟媿以迂儒謬先通籍
侍玉皇之香案空惹爐烟批金殿之龍鱗莫焚諫
草自分肚皮不合只應投閒何當

天眷方殷加以異數正媿簿書鞅掌未展賀悰反荷雲
翰遙頌先施垂問深仰摯誼殊切心銘伏願駿譽
日隆備

九重之啓沃鴻文蔚起翻四庫之藏書行調紫閣之梅
早叶金甌之下其為忭慰曷勝敷揚

復天津任運司啓 謝瓊

伏以裕國儲以抒猷三殿煥如綸寵錫煮海玉而
運筭萬家沾出素恩波遠邇羣謳商民胥咏恭惟
老先生年臺華峰毓秀渭水鍾英鴻筆摩空賦就
而看花上苑龍文扛鼎名成而高宴曲江平四序
于陰陽行作和羹之佐序五行千疇範爰抒團策
之籌豈惟恤灶而惠商鹵波春滿直以富民而足
國雖政風清食貨惟先鹽梅重賴弟披雲念切望
斗情殷素線踪跡多殊龍門徒懷乎御李近以旬
宣謬任海邦猶聽夫歌棠未及申賀崇壻乃感先

廉立堂文集卷十 啓

七

頌華翰過叨惠錫深仰注存謹厚意之深銘拜嘉
一種具蕪詞而申謝藉璧多儀尚冀萊柏扶疎遠
覆千家之龜火傳霖潤漑遍霑萬井之黍苗臨啓
瞻馳可勝忭慰

仙湖北撫院吳諱

恭惟老先生年臺望重兩關貞符一德功高浴日
才猷歷中外而駿譽益彰道大補天政績懋撫綏
而雨膏久沛建牙臨鄂渚煙波連黃鶴之雲開府
對晴川黛色映武昌之柳控巴峽聯雍甸拱極北
辰墉崇山墜長江風行南國舒

九重之宵旰玉燭行調作萬里之金湯沙堤蚤步弟叨
光桑梓幸契金蘭憶昔在京華深荷教言之款款
昨冬經荆峴復承翰貺之惓惓封疆匏繫末由樞
袂以班荆山箬鱗聯祗切瞻雲而引領特遽下走

廉立堂文集卷十 啓

八

薄擬微芹惟冀汪涵俯垂鑒納臨啓曷勝延佇

賀新調陝西撫院布諱

恭惟老公祖台臺鴻才蓋世駿德格天三晉屏藩
夙著旬宣之績八珍調劑肆彰燧鼎之功參密勿
於綸扉任啓沃論思之重荷榮寵於節鉞昇揚清
激濁之權湖昨建牙隴西控阜蘭以接巴嶺即今
移節關內枕溝岡而帶澗瀍

帝眷益隆設施在范韓之上輿情徧頌膏雨軼郇召而
前弟舊荷樾陰今叨隣照欣聞
新命喜倍恒情憶台範之久睽時勤寤寐企崇轅之遙
隔祗切溯洞特馳尺素之書用達一芹之賀惟希

廉立堂文集卷十 啓

九

鑒茹臨啓神馳

賀總漕董啓

伏以榮戟高臨四隅表攸同之盛旌旄交映中邦昭成賦之猷衮衣爰詠夫東方

綸詔欣承于北極恭惟老大人憲臺一德元臣百年名世天人三策科名早重傳臚鼓吹六經聲望獨高講幄羣空冀北掄才邁永叔而前鑒秉南宮得士駕宣公而上銓衡開國運夙善清通簡要之稱蹇諤總臺端共欽法度紀綱之正指六曹而周歷既邦政邦教以兼宜登三事而頻遷亦治內治外之攸當

廉立堂文集卷十

湛恩汪濊長在兩江之間

渥寵頻仍更作八州之督用特膺夫

帝眷爰久廕于臣忠念度支實係本根運量寄神明之內惟餽餉尤關軍國轉輸憑節制之尊乘傳而來

似魏公之臨鄉郡過門不入如伯禹之奠山川淮泗安流無復秋風瓠子舳艫脚尾直令紅粟教倉

憲府宏開俾赤子咸登衽席

鹽書申命卽兆民共樂春臺海不揚波六軍鼓舞山能

比峻百吏趨承某性本迂愚守惟樸邀曩者過蒙薦達敢自託于清流卽今獲戴幘幪庶稍由于直

道一函申燕喜會從道左以懼迎尺牘布囊傾裏

望天南而拜手向榮奚極藉蔭良深伏願蚤司鈞

軸入秉台銜賜履功高盟誓載山河帶彌宅接德

遠聲教暨東西朔南某稔稟可勝懼忭翹企之至

廉立堂文集卷十

十一

賀總漕董啓

恭惟老大人憲臺受天閒氣為世醇儒才並滄溟
巨手擅絲綸之奇風清節鉞一身兼將相之權轉
運足闕中羣仰節侯偉伐度支高計省共推劉晏
崇勛此袞衣繡裳初喜公之來矣而黃扉紫閣即
聽

王曰旋歸者也某久親風度倍仰謀猷謬忝承流宣化
之司殊深戴斗瞻雲之慕道一縹緲廿年曾伴清
華德水滌澗九里欣沾潤澤魚箋上達未盡所懷
芹獻爰申祗慙不腆伏惟鑒此夙誠遂其至願正
康立堂文集卷十 啓

直是與庶得比于蓬麻恫幅自將知不遺乎菅蒯
三薰陳素九頓杼丹某臨啓可勝懼忤踴躍之至

迎新臬臺楊啓

伏以豸衣霜肅九天高綸紵之輝熊軾風清億姓
仰德威之盛 北闕新承于寵渥東方倍切于懽
呼恭惟老年臺先生名重玉衡望崇金鉉治魯而
敷德化已聞章甫于謳吟分陝而重巡行早見甘
棠于蔽葦恭值 翠華莅止劬勞益顯乎臣忠
法駕遙臨愉悅祇聆乎

天籟 龍舟移棹躬親而河伯獻誠 鳳舸凌空力負
而馮翼效順漕艘估船不妨御鷁之飛翻禁旅羽
林咸喜檣鳥之旋發用 特膺夫丹詔遂載越于
康立堂文集卷十 啓

下青冥
鋒車旅矢彤弓覺報而聆鐘鼓高冠繡袞申命而
九重簡明允之司獨推執法六郡有威中之慶蚤識祥

刑漢代寬仁定律惟尊蕭相周家忠厚敬獄更美
蘇公會徵無訟于民情即洽好生于
帝德弟夙慚倚玉深幸同舟聞 陛見之光榮將泰位
亦為增色喜喬遷之優異覺滄溟頓雨流膏爰肅
展夫魚箋用先申乎燕賀伏冀節鉞自天旌旄載
道鸞和噦噦來斯共覩其威儀玉屑霏霏至止獲
親其笑語寅恭有素翹企尤深臨啓可勝忻忭瞻

迎長蘆鹽院江啓

伏以日邊紫誥九霄高特簡之聲雲裏丹書四國
 仰新猷之盛翹西臺而色動瞻北極以神馳恭惟
 老大人憲臺當代燕龍清時麟鳳銜峰擢秀擅朱
 陵紫蓋之巍峩漢水鍾英吐沅瀘湘蘭之芬郁夢
 中彩筆詞華未沫于前徽篋裏錦袍黼黻輝于
 世德甘棠蔭南國奕禩留淑人君子之稱赤棒肅
 清班在廷有長德鉅公之目權豪歛跡比桓典之
 按部乘驄臺閣生風如傅元之整襟捧牙縱
 盛朝無闕事時聞諫草頻傳惟

聖主有直臣共職袞衣煥彩久任北門之重寄凜執憲
 于朝端恭承

丹陛之新綸爰代巡夫畿甸霜威所被百僚悚切以殊
 觀離政惟新萬姓歡呼而待澤若作和羹之佐方
 平四序於陰陽獨監煮海之征早序五行於疇範
 東臨勃碣即看膏雨滂流南指澗瀝咸頌
 湛恩汪濊公望久孚于中外高深莫罄其形容職某謬
 膺屏翰夙仰崇嚴憲府宏闡遙切龍光之望
 三言寵錫倍深燕賀之誠陰借二天騎竹爭迎於遠道
 潤活九里執爨微交於前驅上達魚箋用申雀躍

伏願絳駟載啓朱綬生輝森榮戟於津門佇聽
常紀績擁節旄於輦下早開鐘鼎銘勛職等臨啓
曷任懼忤翹瞻之至

廉立堂文集卷十 啓

十六

迎新任王河院啓

伏以榮戟遙臨四國仰平成之績旄旌交映中邦
敷奠定之猷衮衣爰詠乎東方

綸詔欣承於北極恭惟老大人憲臺百年名世一德元
臣譽並臯夔當代紀明良之盛身齊韓范外臺兼
將相之權庾征西以重望特鎮武昌邛太傅以名
賢坐備姑孰風清三楚南樓之吟眺偏多化洽兩
江鈴閣之威聲自遠閩天高斧鉞鞏萬里之金湯
海國壯樓舡屹中流之砥柱乃膺

廉立堂文集卷十 啓

十七

帝眷俾建隨山敷土之勛久廬臣忠克肩刊旅滌源之
任一心運量懸知瓠子無歌三策敷施豈慮桃花
復漲寧長芟沉美玉與河伯共分其憂來馬頰渡
龍門招馮彞使效厥順

聖書乍捧念黃河實係咽喉憲府宏開俾赤子咸登程
席百吏承風而踴躍兆人延頸以歡呼職某性實
迂愚守惟樸拙昔年天祿問奇字於楊雲舊日京
塵奉清言於紫禁何幸潤霑九里慰茲仰沫之私
於時蔭借二天倍切向榮之喜騎竹敢忘於遠道
執戈爭效於前驅伏願赤烏增輝絳駟載啓銘功
帶礪早符璜石之頌底績川原佇聽元吉之錫

甲燕賀上達魚箋職某臨稟云云

廉立堂文集卷十 啓

太

迎新任王河院啓

恭惟老大人憲臺手攀天柱氣吐皇文斧鉞遙臨
共凜百城霜肅牙旂初建羣欽烏府風清獨操綱
紀之權按部新驚其振刷 鹽梅之任褰帷風
裕其丰猷此百吏之所嚮風而兆民之所鼓舞者
也職某守惟樸遜性實迂疎忝竊承流宣化之司
殊深戴斗瞻雲之慕去春京邸識荆親接于話言
此日東邦借庇長依于袞繡用敬修夫短楮聊布
葵傾專遣役于行臺倍增燕喜伏願祥儀威鳳響
聽和鸞秋肅春生施設爭傳乎栢寺陽開陰闔助

廉立堂文集卷十 啓

光

名仰答乎

飄宸職某臨啓可勝懼仆翹瞻之至

賀山右堵學道啓

恭惟老公祖年臺品儷珪璋瑞徵麟鳳文章卓犖

美名早冠於南宮道德焯焯公望允符於

北闕明光視草共推畫省風流武庫羅胸遂荷

楓宸特簡蓋以右文

盛世首資敷教良臣玉尺高懸三晉仰化成之治水

壺闕映中天昭復旦之輝杞梓梗楠從此待裁於

西土菁莪棧樸曾聞起化於漢南羣情胥效夫歡

呼物類總歸其陶鑄治弟夙欽令範欣聽

繪音曩者初出都門實深承於榮寵茲日備藩東國幸

廉立堂文集卷十

啓

遙託於帡幪憲節初膺儼高標之在望使車載啓

知時雨之繼新云云

賀董宗人啓

恭惟老先生山斗高標羽儀碩望政成三輔宣猷

而自北蒙休化洽神京作牧而徂東禔福爰符

特簡爭看天上夔龍遂晉崇階迥出班竹鷓鴣此張趙

繼跡謳詠徧扶風京兆之開而蕭鄧升華勛名爲

豐沛南陽之冠也侍材慚樗櫟身戴帡幪當年出

佐荒州久荷甄陶之厚德彼日濫竿下邑更蒙培

植之深仁緬思卻贈清風真切懸魚高節自違台

範彌切瞻一昨環返都門欲託尺書於雙魚正值

尊居京尹莫憑短帛於塞鴻侍乃異數頻仍備藩

廉立堂文集卷十

啓

東土念夙昔之期許益感勒於恩私祗聞

龍命之新膺其爲忤忻也實甚握樞當軸行將接武而

升經體贊元自可計時而竣私心祝頌尤倍等倫

懸知衮繡來朝遙申燕賀近識起居多社肅布葵

傾云云

賀新糧道劉啓

恭惟老寅臺先生鳳麟上瑞山斗高標赤棒蕭臺
端比傅元之整襟捧牙絳騶趨輦下如桓典之按
部乘驄風猷簡在於

帝心歎歷爰符於公望紫垣親切宏開四照之花朱綬
逶迤高映三台之色東方敷雨露功同餽運於關
中海甸洽恩施績並轉輸於河內此中外之所倚
賴而遐邇之所懽呼者也弟識惟弁淺性本迂愚
往者出佐荒州值台節往巡嵯政晉接之頃獲遂
識韓今聞

廉立堂文集卷十 啓

三

新命之膺其為忤忻實甚雖慙倚玉所幸同舟項承瑤
翰先施足勿注存厚意肅修尺楮祇迂行前伏冀
旌旆遙臨聽和鸞之至止節旄交映赴竹馬之歡
迎佇申燕賀曷罄翹瞻

賀王河院到任啓

伏以憲府宏開八表待平成之奏高牙載啓九州
昭奠定之猷兆人舉踵以歡呼百吏承風而喜躍
恭惟老大人憲臺譽隆鼎鉉望超台衡燕許名高
巨手擅絲綸之寄富韓任重一身兼將相之權詠
袞繡於東方公之來矣拱星辰於北極

帝曰欽哉化洽政成謳誦雷甌閩吳楚隨山刊旅設施
徧冀充青徐蓋以亘古之殊勛端賴百年之名世
黃流浩浩度龍門積石而逶迤巨浸湯湯有沉馬
負薪之拮据神明所屆遂令河伯獻誠運量咸周

廉立堂文集卷十 啓

三

頓使馮爨效順上中下三策敷陳遠邁於漢延疏
濟塞數言區畫迥超於元史竹數土滌源而底績
卽路車乘馬以來朝職某樸慙凡材風塵下質曩
者龍光晉接二天倍仰於恩私今當築戟來臨九
里先沾夫潤澤一函中燕喜曾從道左以懼迎尺
牘佈傾葵更望臺端 拜手向榮奚極藉陰良深
伏願鈞樞獨秉福祿攸宜賜履功成盟誓載山河
帶礪錫圭德遠聲教訖東西朔南職某臨稟云云

迎拂撫臺新任啓

伏以內陞宜猷

聖主重求賢之典東山秉鉞元勛副名世之徵光華直
勳夫巖廊丰采具瞻於憲府歡聲震動岱宗寒谷
皆春德意喧傳碧海重淵布暖謹瞻光而贊喜敢
拜手以颺言恭惟老大人憲臺

盛世羽儀

熙朝柱石襟期磊落清同冰壺玉尺之標心術光明
朗如皓月清天之照諸艱歷試百辟總持司吐納
於中台丹忠貫日寄耳目於日表峻德排雲諸所

廉立堂文集卷十 啓

五

為一時披對之言盡可作千古權衡之則典憲邁
真卿之激切刑措可期燭情追定國之持平究民
盡釋度支計贊高華聯振鷺之班熙載平成璧畫
副佐圭之錫黼黻之業流英茂於千秋袞冕之知
愈綢繆於一旦欲得命世經邦之佐以成撐天柱
地之功

簡命獨決

帝心撫東寶資耆舊竹看刊與百世大佈偉武經文豈
惟澤沛二東獨著刊山紀石職某樸邀微器葑菲
凡材瞻紫氣於闕前樓臺近水望祥光於

閣下花木向榮青齊海岱之雄封已卜太平有象

兩黍苗之繡壤益知至治無涯謹誌魚箋代驪駘

矢伏願華旄早莅播霖雨於蒼生叱馭還臨黃仁

風於海岱峻陟調元之鼎軸永昭侯曆之鴻麻臨

稟云云

廉立堂文集卷十 啓

五

迎佛撫臺新任啓

恭惟老大人憲臺周鼎碩膚股圖良弼五百年名
世鍾聖作以開祥九萬里雲程協昌期而啓運爰
承

帝簡承憲東邦鳳詔初承十道霞光傳驛路龍旌甫動

千層雲影護騶珂閭閻雷雨露之恩風清畫戟海

岱倚金湯之重天屹長城六郡同歡百條行慶職

某以凡材謬叨異數久切儀型之望欲稟度而無

由側聞

渙命之膺嘉觀光之有自伏冀華旄早莅抒黎庶壺漿

廉立堂文集卷十 啓

三

之思玉節甫臨慰百辟斗山之仰極切鶴埃靡既

驚私臨稟云云

二接佛撫臺啓

伏以日麗朱旆映山川而動色霞凝紫綬絢海國
以流輝

宸眷維新輿情恒切恭惟老大人憲臺百年名世一德

元臣臺閣騰聲駿業久隆於霄漢節旄啓瑞鴻猷

乍展夫巖疆榮光上映薇垣顯秩宏開憲府膺

簡命而晉居獨座奉

璽書而高駕八騶惟茲齊魯之區雄封自古欲復唐虞

之治碩德惟公乃者福曜高纏四野謳吟獨入行

見重門洞啓窮簷疾苦時聞兆人欣雨露之無私

廉立堂文集卷十 啓

三

桑麻含潤百吏仰法廉之交飭案牘惟清遠思垂

紳播笏著品譽於朝堂仰知激濁揚清慈恩膏於

海岱允矣六符之曜誠然百辟之師者也某智陋

覆瓶才慚襪線溯龍門之日近翹企愈深聞壯駕

之星言攀躋倍切慶皈依之有自懇趨迎之未能

肅拜魚箋代驅弩矢伏願功高鼎鼐碧幢與絳節

雙飛績著彤弓玉帶並緋魚游錫崇禱益迓簡注

殊隆不盡鄙悃統祈電矚臨稟曷勝歡忭屏營之

至

二接佛撫臺啓

恭惟老人憲臺丹陵鳳德赤水龍文吹角鳴鏡
風紀應萬邦而式憲建牙秉鉞霜威昭百度以維
新法星與泰岱俱高壯業與斗山並麗明湖千里
月彷彿清景鈞突一泓泉庶幾貞度川岳為之動
色察采葦切蒙休某想幸采于車前神先驅于玉
帳望西來之紫氣意再布夫江鱗願披解慍薰風
滿沛來蘇甘雨攀躋彌切翹企逾深某臨稟云云

廉立堂文集卷十 啓

天

迎學道朱商三啓

伏以玉尺高懸欣拜命嶠坳之下冰壺遙映自題
名雁塔之年絲綸出而北闕爭傳袞纈臨而東邦
咸喜况叨蘭譜尤盼芝顏恭惟老年臺堯生為世
真儒受天開氣驚人翰墨若大海之生堯躋幸國
文章似嶽雪之遊碧落東方待詔未應離金馬門
前賈氏題詩乃一踐鳳凰池上蓋自專城漢北共
看仙吏領花封洎乎佐郡江南猶是才人后敵地
惟皂蓋朱旛之罷在鱸魚尊菜之鄉鈴閣開時聲
騰五馬瞻惟蹇處服賜三公初聞冰鏡照河汾下

廉立堂文集卷十 啓

无

風思奮會是文星明海岱特簡重膺美譽起菁莪
薛夫子之風流可溯前徽繼桑梓王文成之衡隆
猶新郡人擁篲而迎多士操觚以竢泰山氣象時
雨當獨於崇朝傳野規模作霖早基於今日為性
本迂愚守惟樸拙禁城揮手何堪贈別駕之刀輦
上傳聲願早脫中書之頰後相憶而未由相見乃
同心而幸值同舟亦步亦趨兼玉無嫌共倚為離
為合雲龍定可長從喜重會於城隅待細論於樽
酒伏願嘉猷日懋麗藻天開泮水新芹聽和鸞之
噦噦甫田春草佇鳴馬之蕭蕭

公請錢撫臺觀稼啓

伏以湛恩汪濊爰修歲事於郊圻至德旁敷尤念
民依於稼穡冷風清畝三時有待鳴騶零雨命官
長夏欣瞻稅駕僚屬承流而踴躍農人延頸以歡
呼恭惟老大人憲臺望起台衡譽隆鼎鉉保釐任
重命袞繡於東方節制權尊拱星辰於北極六計
之法廉交飭獎絕風清百城之絃誦時聞禮陶樂
淑兜鑿拜舞聲騰千帳貔貅豐蔀謳吟影淨一天
鴻雁近復甘霖應禱逾響答於湯年時雨無愆實
身全乎箕範今者日臨東井禮經垂眺望之文風

康立堂文集卷十 啓

三

自南來大雅載游歌之盛千村桑柘布穀催耕四
野麥苗博勞鳴豫况糴賓應律家家艾葉新懸鶉
首次辰處處綠絲爭繫川原綺麗景物怱照於時
出舍於郊相悅可作虞招之樂由是省方觀俗有
孚遂同顒若之占保介農官自益深於勸相耘夫
儲婦亦頓釋於勤勞欲奉清塵敢因以請職某等
恭承陶鑄共荷併懷仰惠鮮懷保之深仁預卜三
秋穀實祝泮魚優游而彌性虔斟五日蒲觴灑水
歷山舒望遠登高之興康衢擊壤聽耕田鑿井之
語敢自我而前驅異從公而于邁伏願鑒此夙誠

遂其至懇芘芘禾黍留郇伯之恩膏筏筏旌旗示
魯侯之色笑職某臨啓云云

康立堂文集卷十 啓

三

新春公請撫院啓

伏以六靖戒曉旭日忽照乎辛盤千騎行春瑞色
徧纏夫夾轂喜乾坤之交泰等川阜以儲休恭惟
老大人憲臺鳴陽威鳳應瑞祥麟白簡凝霜貴戚
泥樓而避跡絳騶日霽賢能盈缶以承流運三辰
轉三統悉歸塊北之中合八能陳八音已驗孽萌
之始清名越衆山斗具瞻善政格天雨暘時若屢
民相慶熏心暖日之煦守吏聞風重足寒冰之立
聞進良退墨之政共欽秋憲嚴威布安蒙養雅之
仁適應春王令節仰見回杓之聯斗極即看聽履
廉立堂文集卷十 啓 三

以上星辰職某等幸叨末屬喜遇高軒見岸柳春
容趣入新堤穩步睹梅含山意正催妙手調羹思
邀一顧之榮敬消六日之吉願鳴騶光賁榮戟
寵臨揚紫電清霜耀憲威於炳赫賜袞衣赤舄佐
聖歷於綿長將鰲足助隆武庫並三台而永耀鳳
毛彩煥文昌聯八座以騰輝臨啓云云

公請新院佛公啓

伏以榮戟風清北極煥絲綸之寵旌旄日麗東方
憑節制之尊簡碩輔而宣猷光生劍佩藉元勳而
出鎮春徧郊圻庶僚忭舞以稱觥兆姓歡呼而獻
壽恭惟老大人憲臺望崇金鉉名應玉璫南陽重
臣圖畫早在雲臺之上西京元老丹青獨高麟閣
之班督師曾到滇南共指甘棠留蔽帶敷典恒依
丹陛羣聽曳履上星辰惟閒氣所挺生作百年之
名世在

聖主道隆三代一德更濟以一心謂上公譽冠六卿治

廉立堂文集卷十 啓

三

內宜兼乎治外福星臨境二東草木回春瑞雪隨
車千里麥苗含潤入告而情先保赤緩征深請命
之仁出郊而念切思飢設粥廣賑貧之令至若法
廉交飭官僚傾耳以洗心況乎政教兼修文武生
聲而增氣凡茲舉意動容之傾悉是流恩沛澤之
時今者陽德方亨風光駘宕欣值上元屆節景物
融和十雨五風已先占于大有安民和衆知將奏
于屢豐羣黎咸沐其休嘉屬吏尤深夫頂履某等
職本凡庸材慙駑下亦趨亦步敢忘繩箠于迷津
在治在鈞長賴陶鑄于真宰同慶如天之福敬板

一日之歡伏願式昭冷範載錫德音燕喜親承被
我侯之色笑龍光下逮仰君子之威儀云云

康立堂文集卷十 啓

書

公講鹽臺江 謹 紫啓

欣以彌齋霜明彩映滄溟之色花曉日麗光分泰
岱之烟沐圖澤于膏霖藉光世于珠斗敢乘公暇
憲治蟻德恭惟老人憲臺望重台衡譽隆鼎鼐
淑未獨立之氣象高壓衡山出塵不染之襟期澄
清湘水獻可替否皆為烈而阜謨指佞觸邪儼風
行而雷動策任海王之域讓政霜清籌持國寶之
源波流川湧簞扇每敷乎物望設施不振夫羣情
爲節先衰皆雲成稜而振肅念嘔卜叶佇騰龍錫
以調元其等幸叨末照喜遇高軒思邀一顧之榮

康立堂文集卷十 啓

書

宣切三生之慶敬涓吉日奉迎龍駒伏願履曳星
辰聆九天之咳唾風生臺閣爲百辟之儀型傾耳
鸞鏡聽傾賜立云云

仲夏請錢撫臺啓

伏以德風肆播六州之草木呈輝慈雨高翔普地
之桑麻起色南訛秩慶東土揚休恭惟老人憲
臺望重鹽梅助隆節鉞手調玉燭光華照海岱之
區心徹冰壺皎潔凌珠泉之氣當赤鳥之方亢念
黎首之尚艱訊運鼓於龍工膏傳三尺親披衣於
神女澤灑千郊綠吟青哇歌嘯頌中丞之賜丹衷
白筆拜簡紵

聖主之憂作霖已沛商霖得澍真同顏澍職其仰沾恩
沾欣戴祥暉情托黍苗共抽榮于郇宇身慚桃李

廉立堂文集卷十 啓

三

獲叨庇于梁門恭逢奠月之初辰竊展芹觴之下
悃會波樓上滌暑泛蓮箭之香喜兩亭前揮毫踵
眉山之勝因民而樂不數習池卽景為欣非關河
朔伏願馳輪寵降榮戟榮臨踞聆鴻言如躬承夫
化雨仰瞻騶從實聽企于雲端職某無任云云

仲夏請錢撫臺啓

伏以披挹荷風欣看湖山盡碧作為甘雨頓教齊
魯咸青盛德無加盈寧有慶恭惟老人憲臺仁
同造物德被蒼生望處盡油雲誰言夏日可畏一
天皆雨露僉稱歲事云嘉

帝曰用汝作甘霖民之望公若望歲蓋綠氣凌岱嶽衣
拂殿中之雲因之波漲明湖人呼御史之雨看瓜
瓞之嗒嗒感蒸陶者不讓天功觀麻麥之幪幪聽
謳吟者何如

帝力此誠如遊太和之宇宙而聽擊壤之歌謳者也夫

廉立堂文集卷十 啓

三

先民之憂既釋則後民之樂從之是用共薦菱蔬
引拔茅茹貯蓮華于玉椀香芬襲人試椒馨于碧
筒薰風入座既紉荷以為佩將採蓮而泛舟掉歌
聲裏銷鑰北門天不夜霓舞雲中絲竹東山公未
老樓何必亮月豈秋纔奇何必峯雲亦夏有伏願
青山在望赤鳥時臨將見樓以會傳知公興復不
淺奚啻亭以兩名造物不自為功

辛未請佛撫臺啓

伏以節鉞風清東國重保釐之任牙旗春暖中樞
尊統制之權惠化洽滄溟兆姓咸霑汪濊至仁高
奉岱下僚尤荷恩施展百拜以稱觴頌九如而爲
壽恭惟老大人憲臺勳銘鐘鼎望重鹽梅耿鄴從
龍功業冠南陽之首蕭張附翼設施高豐沛之班
聽履上星辰風聲赫奕扶輪光日月氣象巍峩惟
名世之挺生應昌期而特起寵殊九列惟明更佐
以惟良譽冠六卿治內克兼乎治外二東初莅羣
瞻司馬丰標三輔遙連共仰中丞法座保民若赤

廉立堂文集卷十啓

三

令行而徧德崇朝樊吏以廉法立而洗心俄頃滅
田租積倉穀籌荒恤下總仰體夫

皇仁清詭寄鋤奸強剔害安良用上酬夫

主眷足餉足兵而兜整作色如熊如虎而壁壘改觀桂
子飄香監試則寬能敷教鷹揚儲選掄才則公以
生明威德並流欲止潞公之贊剛柔兼濟還賡山
甫之詩遙拱北辰陛見而榮生劍佩乃心

王室朝正而宴錫鼓鐘喜赤舄之邁旋佇鋒車之入相
職某材慚樸遂質愧迂愚雨露所加感蓬麻之自
直陶鈞特至類器物之粗成頂履難名報稱無地

茲者三陽並泰欣當百度維新芹藻可將敬迓鸞
旂而親色笑堂皇斯啓眞同燕雀之賀生成一水
雖微寸丹思獻伏願龍光下逮騶從榮臨仰逸豫
于公侯親承咳唾凜威儀于將相時盼雲天

廉立堂文集卷十啓

三

復卽墨營新任劉叅將候啓

恭惟老親臺授鉞英姿建牙雅望師中譽起遠臨
出日之鄉武庫名高申錫自天之寵爪牙心膂堪
為

盛世干城龍馬鳥蛇夙諳前賢輯畧佐茲戎政聽東

山零雨之吟展彼壯猷居海國大風之地曾見旂

常紀績佇聞鐘鼎銘功弟遙瞻令範夙慕高風今

聞

新命之膺其為忭忻實甚知設施之素裕將壁壘以殊

觀頃接瑞函深承存注央央旂旄來斯盛其威儀

廉立堂文集卷十 啓

罕

噦噦和鸞莅止親其笑語荒械率復可勝翹瞻

候本府周太尊啓

恭惟老公祖台臺應時名世當代福星憑熊軾而

灑甘霖苗黍都露郇雨握麟符而敷闡澤黎庶徧

咏召棠化洽堯封莫不瞻雲而就日風薰舜甸真

能解慍而阜財白鹿夾朱輪姑射山頭歌保障紫

雲捧赤紱金龍池畔頌神明名久注于御屏秩佇

登乎黃閣治弟夙荷併幪叨庇枯冒曩者脂車北

上深叨隆情至今鏤佩中心長懷明德第以謬膺

簡寄日圖報効未遑亦復紕擾簿書爰致音問久

缺茲肅泐荒緘遙申候悃斐斐一片深媿不腆伏

廉立堂文集卷十 啓

罕

祈莞納岱雲霍樹盼望為勞諸莫垂照頌揚靡罄

臨啓神馳

候江西朱撫臺啓

伏以鉞擁南州斗煥雙龍之鏑旌搖北閣霞浮九
疊之峰借才子為元臣蠡水匡山增秀簡名儒而
開府粵嶠楚皖分陰望切披雲情愍向日恭惟老
先生大人憲臺秀擢虞山靈鍾孟澤筆飛鸞聳惠
連李白齊驅章就鳳鸞司馬鄒陽辟易入對爐烟
畫省香凝玉珮出排絳節朱軒彩映金泥垂福曜
於東邦已見鉞銷貫索佩麟符於南國頓教解慍
薰絃異政久徹

楓宸

康立堂文集卷十 啓

望

寵命特隆碩輔維茲金斗實藉屏蕃減萬億之鄰租春
回寒谷蘇百千之商艘澤及遠人鹿洞談經考亭
宗風復振花洲講武張澄壁壘重新摹八十二字
之奇踪石虹縹緲眺三十六灣之滌滯玉筍蒼茫
招逸隱於柳山谿外之林泉泌泌訪桑麻於石室
洞門之雞犬陰陰佇當視草形盧行見宣猷黃閣
職某謬以散材切昇異數高山仰止幾深御李之
思渠度欽承莫遂瞻韓之願肅修蕪牘遙候崇階
伏願純禧川至多祉雲流聽履上星辰姓字叶金
甌之下助銘垂鐘鼎相門絲奕葉之光職某臨啓

云云

康立堂文集卷十 啓

望

候河南田藩司啓

伏以位首維城雲映靈巖翔紫氣望隆分岳星古
角宿耀薇垣儀型身肅百僚綱紀手平九賦恭惟
老先生年臺岱宗聳翠濟水鍾英丹篆胸吞榮視
鸞坡之草赤文圖擁奇翻虎觀之經偉望久著於
朝廊

帝簡特降於藩輔握麟符而控交豫巍瞻並嵩嶽峨峨
綰紫綬以奠中邦汪澤其洪河袞袞佇見

御屏紀績行將黃閣調元弟樗櫟散材緯蕭末質記曩
者追隨鰲禁渥承提命之慙乃嗣焉睽隔雲泥徒

康立堂文集卷十

啓

切高山之仰何期

天眷叨沐

殊恩盼望德鄰欣餘輝之廣被遙瞻斗極喜指南之可
循薄貢芹私聊申候悃伏冀道與時隆福隨陽長
勛銘竹帛曳劍履於星辰姓卜金甌和鹽梅於鼎
鼐其為峻陟可勝敷榮

復新陞濟寧道楊公候啓

伏以鹿夾車輪瑞靄南豐歌化日鳳啣丹詔恩波
東魯待甘霖德洽人心寵膺

帝眷恭惟老年臺先生應時名世當代福星春滿方城
扶杖偕觀露冕澤流勛國口碑交誦甘棠課最譽
擅無雙治行名推第一爰煥新綸特遷大國旌旄
遠映海邦會見澄清榮戟遙臨泰岱初資保障與
咻民隱謳吟知徧東方振肅紀綱聲聞應騰

北闕弟謬膺異數忝備維藩奉職不遑期夙夜之匪
懈同舟有藉喜

康立堂文集卷十

啓

寵命之新傳乃荷華翰遙頒更辱袞袞特至謙恭過盛
非所敢承晉接匪遙嗣容尚賀尚冀和鸞至止車
騎邁臨丕績克昭藉青齊而司憲偉勛懋建登黃
閣以調元臨啓頌揚可勝忭慰

復青州陳道尊候啓

伏以身節出金門海國重屏藩之寄嶺梅傳驛使
瑤章燦錦繡之章展翰春生誦言心醉恭惟老先
生年臺中和毓德純粹儲精畫省含香握計縮金
籌而著績天街曳履膺符降玉版以綏猷學開知
覺之先道重飢渴之重左宜右有投諸萬變而不
窮大受小知窺其一端而難盡惟營邱跨連海岱
控馭自古為難而觀察兼制濟齊事權於今獨重
爰膺

帝簡特秉壯猷瑯琊萬里長城從此屹焉增重渤海千

廉立堂文集卷十

啓

村牛犢自茲馘爾成羣蓋惟聲隆玉陛資保障而
出鎮巖疆必將兆啓金甌藉調元而登揆席者也
弟忝金蘭曾炙清光於燕邸欣依玉樹今叨共事
於齊邦方慶聯袂之有期重辱華箋之遠賁風好
適符其願謙光非所敢當謹藉來魚附申回雁尊
稱拜璧臨啓瞻依

復臨清關差范工部啓

恭惟老年臺台臺天挺英姿人推碩彥才雄二華
擅西京儒雅之宗學富五車續東觀圖書之記文
士多居水部自昔而然名流首說關中於今為烈
班聯畫省聲華藉甚於望郎節建東方筦權儼同
於計相詩題官閣如何遜之在揚州勅授倉曹似
少陵之居率府周官素裕凜茲關市之征禹貢能
請籌彼上中之賦錢穀無煩於

帝問轉輸兼賴於公功弟任忝於藩情思共濟關臨紫
氣望濟深以遙依槎泛明河佇星辰而直上初聞

廉立堂文集卷十

啓

綸紵識政治之咸優乃枉瓊瑤荷注存之遠逮聊
憑尺素率復典籤

復善人陳洪諫謝扁啓

恭惟老先生台臺瑞應星躔名高月旦花明桃洞
架多黃石之書芝採商山袖有青霞之錄山巨源
渾金璞玉道品端凝許元度朗月清風襟期邁往
嘉言懿行閭閻悉被其薰陶積德累仁朝野具瞻
其品望東山之袞衣赤鳥振古稱榮北海之彩筆
清尊於今再見不羨太邱羔雁何殊洛社耆英弟
密邇高風久懷德範品題不足輕重少抒尊賢樂
善之素心往還反辱周旋愈覩德盛禮恭之雅度
隆儀鄭重藉使拜還不盡鄙悰統祈洞矚謹啓

廉立堂文集卷十

吳

賓興啓

伏以王國觀光集譽髦而利見文星煥彩聚奎璧
以為章振鴻漸之儀挾榮吐三千禮樂奮鵬搏之
翮掄才聚五百英雄角藝陣以升華榮現釋褐拔
連茹而入散禮重賓興謹卜廿吉之辰聿崇賢書
之典企颺晴拂看桂籍之香飄玉露宵凝識築宮
之珠綴惟二先生樹標振鐸圓橋觀聽盡歸桃李
門中肆諸多士楊藻露瓌擗管縱橫行徧鳳凰池
上敢拔騶從式燕鹿鳴昂首長衢駒並千金之貴
覽輝千仞毛皆五色之奇擎卮而玉屑霏英披芝

廉立堂文集卷十

吳

光於滿座布武而錦文霞綵爛曉旭於承管慶廊
廟之得人為國家而吐氣從此名登鶚薦南宮頭
點朱衣穎脫劍囊北闕臚傳紫袖振聲華於日月
聳閭闔於雲霄豈惟振鷺澤宮燦離光而羽儀上
國即看翔鸞左掖敷敷文而斧藻太平仗冀龍臨
曷勝錫埃

約會文啓

講學會友所以闡聖教端士習匪僅為舉業計也而課舉業者亦必由之惟霸郡文獻名邦偉人杰士後先接踵科第簪纓之盛累世聯綿不絕閒者稍覺式微而風氣默移固當蓄極而通矧茲右文盛世廣厲學宮所以率訓迪誨作人之化將無弗至多士之觀光作賓者又何可量也耶不肖建言被譴分倅茲土久欲徧識仁賢而事之友之顧以身為俗吏位列僚幕未敢妄言考試借擬主盟然徒因循諉謝會期未立是甘自棄於仁賢而多士

廉立堂文集卷十

辛

之積德潛修終無由上達也今茲春仲時值陽和肅涓朔九之日爰兆會試之辰薄具豆觴仍是藿鹽風味敢邀翰墨煥作奎璧文章自是每月三會定期九日惟二先生執牛耳之盟俾不肖廁雞壇之末幸甚

李生傳

李生名日燦字漁仲泉之清溪人也少有才名為博士弟子員小試輒冠軍省試屢受知於有司俛得而復失之年四十以貢入成均嗜古博學工文章有聲藝林閒生雖彬彬大雅君子乎然慷慨敦大義且有奇謀異能清溪地僻而險多逋寇又境與龍潯桃源二縣接崇山巨壑深林密箐蜂屯蟻聚不可爬梳每出掠居民生口挾令取贖以要重賞長吏簿尉久知之而不能詰也生舉家避賊入山堡反為賊所踪跡生一日他出夜半賊驟至攻

廉立堂文集卷十

壬

堡陷全家十二人盡被縲去老父以憂死生聞急歸直詣賊壘號泣哀痛欲同諸弟姪俱死賊亦感其誠相與禮之令歸至求出弟姪輩賊則終不為釋生退號天自矢曰吾不與賊俱生矣募壯士及家僮合數百人伺賊生潛入其巢相度形勢賊所踞山四壁巉立纔一面可通列凶徒千人固守阨塞凡鹿角茨藜礮石樁木守禦之備畢其生曰是當以計取也約壯士及僮各截竹為筒乘夜攀藤葛而上抵壘分馳吹筒軍聲四起賊昏黑不知所為大驚奔潰墜巖下死者無算賊憤甚合餘黨連

桃源龍潭之寇萬人來鬪生指揮壯士家僮曰是皆乘勢嘯聚之衆耳非真知賊能果鬪者也吾屬雖少足敵之無恐遂身先奔馳賊營賊爲辟易因相繼衝突所至披靡賊扶傷救死不暇諸巢悉破賊窮蹙請降畢出其家人遂歸死於有司不五月寇平嗚呼方賊之負固山谷也

朝廷曾以重兵壓其境張皇六師糜費金錢數十萬然未得草薶而禽獮之生以一介士出萬死不顧一生之計提挈私募不習戰者百人與盈萬狼奔豕突之賊角勝於林莽卒能折馘靡壘拔十二人

康立堂文集卷十

傳

三

險阻之中非忠孝之氣有以取之哉

國家列通侯之爵設帶礪之誓使盡得若生等落落碁布天下卽無憂多壘已然吾聞生志恬退有司欲以功上請授之爵生固辭遁入山中以儒生老其從子光地因文章高第官爲翰林云

太史氏曰以予觀李生急難之誼卽詩所稱春令何異焉一夫奮臂羣賊糜爛其功烈已然予不以此多生也魯仲連僅口舌得功辭千金之賞不受後世猶稱之以生視之更有足多者若夫擁旌建節坐制數千里之境不能少樹尺寸甚至挾賊憎

嗚聞生之風可以知愧矣

康立堂文集卷十

傳

三

郭烈婦荆氏傳

烈婦荆氏者猗氏縣興教坊儒童郭琛妻也祖曰憲副公世爵父曰邑增生文邵母陳爲臨湘令陳公澄度女烈婦生三歲而祖卒六歲而父卒母孀無丈夫子女二烈婦其長也字于郭未及笄而姑卒旣適琛值家中落烈婦勤操作茹蔬糲不厭琛善病烈婦朝夕侍湯藥終年無倦色琛疾少閒產一子不育已而琛病復作勢且不起顧烈婦曰汝年少無子終節非易事也善自爲計烈婦奮然曰吾家世詩禮母氏青年守志豈容有再醮女乎卽

廉立堂文集卷十

傳

五

君不幸誓一死相從于地下耳遂歸訣其母曰母十餘年茹辛撫孤女今不得終事母矣母壯之日能如是乎真吾女哉烈婦乃盡出其衣飾爲琛償宿貸又分餘物遺夫之女兄弟視琛疾革遂以醋和毒藥飲之昏仆地家人急救良久復蘇琛旣瞑烈婦撫尸痛絕者數四悵憤中猶作進奉湯藥語及夕氣乃絕殮之日神色如生年蓋一十八歲云論曰傳稱慷慨赴死從容就義若烈婦者蓋兼之矣方其奮不顧身吞藥自引決使夫之及見之何慨以慷也乃自侍夫疾時已訣其母則非發於卒

然者矣非所稱從容者乎其母氏素以節著則烈婦之烈也有自哉

廉立堂文集卷十

傳

五

陳都閫圖贊

仁侯陳都閫命善畫者繪其生平歷官狀為一軸
自巡察干楸以及屯田輓輸按部升座各一圖而
列其像於上官階之崇卑既異像貌之豐悴亦分
然其神氣則皆勃勃生動凡與公有一日之識者
觀此圖不計何時何地一望無不嘆其肖公欲絕
也余獨難公之貴不忌賤每為余言少年落拓旅
食艱窘狀憶古之豪傑大過人者何一不自微賤
來哉屠釣傭販拔泥塗而奮雲霄固什伯庸眾材
也乃人情當顯達則恥言微賤時事何其陋也公
可謂加人一等矣因濡筆而為之贊曰
褒鄂之姿桓趙之容鬚眉欲動顧盼生雄雖歷貴
顯不忘困窮初圖傳命鈴閣清風才稱肆應志不
眾同舍人伺掃曲逆未封昔賢少賤亦自韜鋒洵
登幕府三命益恭年殊少壯貌有倅豐志氣無衰
長對青松

廉立堂文集卷十贊

三



廉立堂文集卷十一



郇易衛既齊爾錫著

太平趙熟典藥齋較



墓誌銘

濟陽縣知縣景南薛公暨元配王孺人合葬墓誌
銘

當順治乙未先君為職方督捕郎余從侍京邸甫
十歲而萬泉景南薛先生以選拔入國雍至都與

廉立堂文集卷十一

墓誌銘

一

先君欵欵道宿契先君延就館命余昆弟受業焉
閱三月而先生歸里又數年先生則仕濟陽令余
亦幸釋褐讀書中秘而先生解組歸矣余更浮沉
中外十餘年重罹大故歸一視先生則嘯傲林泉
與田父野老共往來欣欣然若忘其貴也而余里
北莊咫尺接壤方擬日趨侍色笑乃於丁卯夏忽
以疫染師母王孺人亾旬餘先生亦遂捐館先生
仲子鳳裔匍匐哀請銘於余余惟傳授淵源不敢
忘所自而邇年變故頻仍罔極抱痛茲重悼老成
凋謝吾師與師母一月中相繼逝也尚安忍執筆

為銘乎哉既不獲辭請乃拔淚而誌之按狀先生諱之彬字思野景南其別號也自唐初薛收以三鳳鳴河東至明興諱溫甫者籍於萬泉縣之齊禮坊定居於南鄉東塢底為薛氏始祖五世而傳仲林生八子其季順之為先生祖敦信義好施與遇歲歉施粥於本村正覺寺多所全活生三子季士奇先生父也弱冠游庠實開薛氏文學之始生三子先生其季也先生生而穎異容止端嚴父心器誦讀無少輟乙亥受知於督學使者袁臨侯先生

廉立堂文集卷十一 墓誌銘

二

以冠軍入庠文名藉藉起歷試高等辛卯甲午兩冠諸生試而皆阨於棘闈以國朝

太后徽號覃恩拔貢入成均是時熊鍾陵先生為祭酒文章經術高都下而先生每試文亟見賞余昆弟從問業適其時也先生仍不以自足益奮勵欲以得志於科目闕丁酉庚子再下第而選人迫授職乃就銓辛丑得山東濟陽令自矢曰吾縱不獲科名幸除一介吏必期大有所樹立不負所學也濟邑素刁多健訟者先生至則諭以明信不期年而

風俗一變山左隣燕京民被圍占失業者多來移就食先生為請於上臺設官莊四十餘所而貸以勞績種具俟三年後定其賦課海寇于七之亂大兵進勦民居所在摧殘濟邑適當其衝先生曰兵以戢盜安民也縱之擾民民苦兵甚寇矣於是卽營壘所次晝夜稽其不法者會將弁鞠究之而卒伍咸懾民賴以安堵更念 功令緝逃法最嚴惻然不忍無辜被逮命里保於所獲合詞公舉以曠野通衢緝獲為詞計捕逃五十餘名卒未輕陷一家者撫軍藩臬屢以明察有仁心獎敘加俸一級

廉立堂文集卷十一 墓誌銘

三

乃其後竟以武生李子葵失逃其家三十餘口俱例在流徙先生為謀出首之法而部議以失察罪先生邑紳矜無不扼腕者先生顧怡然自得曰得失命也當事其如命何歸之日濟民扶老挾幼遮道攀轅而先生行李蕭然襖被書篋而已歸里二十餘年屏居愛影足跡不一履城市日披翫文清公讀書錄曠世若神契也更修譜牒俾大小宗無紊論定喪禮戒作佛事禁用戲樂垂訓子孫世守之蓋信道而不惑於俗者已配孺人王望族也父母之歸孺人於先生也實自擇之孺人歸而逮事

姑太孺人靜淑婉嫻躬紡績操作以相夫子於勤奉姑菽水之外每以母家所得別供甘旨而糲以自奉侍姑病同先生依依牀側月餘廢寢食及卒而毀痛逾禮脫簪珥佐襄大事人稱賢孝焉先生授生徒日以眾其寄食者孺人手炊給之歲無倦先生既通籍貴顯矣孺人偕之官淡泊自甘雖履豐無異食貧時每於先生退食諄諄以省刑為勸諸剖讞興革所取決者多孺人力也御臧獲祥而惠時有所贍給而孺人隱約成性終其身無美衣媮食之奉暮年子婦成列猶戢身機杼閒無一日

康立堂文集卷十一 墓誌銘

四

暇逸者以病疫先夫子十日卒先生卒於清康熙二十六年五月初七日距生於明萬曆四十年十一月十六日享壽七十五孺人卒於清康熙二十六年四月二十六日距生於明萬曆四十五年十一月十三日享壽七十子四長綿瑄娶邑庠生尉廷平女綿瑄早卒尉號痛觸棺幾斃以遺腹不果死七日生子恂終身不御綺羅不茹厚味事舅姑盡孝處妯娌無閒歷三十年病卒載萬泉縣誌中次鳳裔邑廩生娶歲貢候選知縣楊景震女三鳳祚娶安邑庠生邵之藩女四早殤女一適庠生樊

淳孫男三長恂卽瑄遺腹子也娶武生王文煨女次惇三忱俱鳳祚出孫女四長適玉達鳳裔出次適夏縣貢監張曙三四俱幼鳳祚出曾孫一靈蔭生於先生捐館後是年之六月恂出茲以下葬有期嗚呼先生少而篤志不安於小成及仕而約已裕物本經術為吏治歷得失顯晦之遭而不一動於中非曠然有以自得者孰能幾之孺人克相厥志執家秉中外秩秩贊理治績有聲是皆可風也乃系以銘銘曰

康立堂文集卷十一 墓誌銘

五

篤不屑淺近直道坦懷義命是順鹿門偕隱乘化歸盡鬱鬱佳城卜偕藏殯子孫繩繩勁翮遠振銘勒貞石幽闡斯鎮

福建漳浦縣知縣念轅令狐公墓誌銘代

念轅令狐公葬有日矣其子永年永觀手狀公行實乞銘于余曰惟吾師知先子深不敢他有請也余惟公素與余爲莫逆交而公次子余婿也有姻親之好余子又偕公二子以文章道義相期許同筆硯者二十年今丙辰春公次子成進士余子又爲同年友余方幸子婿成名公與余兩人可遂暮年歡也何意公遽以疾逝嗚呼余老失知音安忍銘公乎哉又安忍不銘公乎哉公諱注字伯方號念轅裔出周畢公高後歷代多聞人以世遠族系

廉立堂文集卷十一 墓誌銘

六

莫悉而吾邑王鑑村著姓則自始祖維新公維新生文文生如林如林生二子次景雲爲公高祖多陰德令狐氏後有達者皆其裔也而公之曾曰廷瓚祖曰銀父曰一模世有懿行悉詳縣志中公生而穎異十歲善屬文弱冠補弟子員父每期之曰大宗祚者其在吾子乎丙寅父見背公哀毀盡禮承事慈顏者日益謹定省之餘惟以撫訓弱弟治爲事朝夕課讀足跡不出塾扉不數年治遊泮宮公文名日籍甚癸酉科試冠軍食餼丙子巡鹽使者延河東書院督學袁公又館之三立書院每一

藝出士子輒低頭辭舌爭模擬卒不可得而公不以是自足恒讀書中夜自置夏楚不中程不休母憫之曰功名長物耳得與不得命也兒何自苦乃爾公泣曰吾父屬望于兒者寧僅以秀才終耶其勵志刻苦如此丁丑遭母憂哀毀葬祭仍如禮壬午以亞魁舉于鄉又十年壬辰謁選得福建漳浦令視事甫八月海氛猖獗公泛海而東歷潮抵汀乃免公在流離中資裝盡捐僕從前後或相失惟手訂族譜一帙寢興貼衣中長子永年趨省至公喜且泣出破衣中譜稿示之曰此爾祖命也今已

廉立堂文集卷十一 墓誌銘

七

脫稿幸無失可急梓以成祖父志盖公幼時父嘗以譜事囑公云滯畱閩中者凡六年戊戌得邀恩旋里家務未遑卽營祖廟基拮据粗聚壬子秋工乃竣令狐氏之有家廟自此始也余嘗嘆先儒崇廟祭而程子朱子更重宗子法後學多不講卽祠堂制亦或闕吾友念轅竭仁孝之思師程朱之訓積五十年心力極顛沛患難幾死一生而終能成此舉也尊祖睦族世教實重賴之豈徒家乘之光哉公爲人恂謹若人人可近及處是非利害開煩壯膽張雖顯廬人不少假借方爲諸生時姻家崔

難縣使者忌公羅織之幾遺綫繫公以素不履城
市之人不得已入公堂辨釋更力爲姻家周旋者
三年其在閩巨紳李某庇奸以言脅公公厲色曰
寧教人昧心枉法耶叅將鄒某軍失律掠辱士民
公立拘悍兵寘之法鄒深恚計將危公公終無懼
容事載漳人德政記中公嘗語子弟曰我生平但
負氣耳然自度存心制行從無不可對人言者嗚
呼司馬溫公無他過人處惟事事可告人耳公其
近之矣公之領鄉薦也出劉子韓先生之門劉爲
黃石齋先生首拔士旣得見石齋則曰君意氣軒
廉立堂文集卷十一 墓誌銘 八

他得失毀譽泊然不以動于中此其學爲有本而
足乎已無待于外者也公生於萬歷三十四年九
月初三日子時卒於康熙十五年五月十五日卯
時享壽七十有一娶趙孺人子二長永年順治甲
午拔貢次永觀康熙丙辰進士女一孫男五將以
十二月十二日葬于王鑑村東南之新塋余拔淚
而爲之銘銘曰
族牒秩秩祖廟峩峩公神不朽公德不磨一試宏
材遽罹時蹇樸貌方骨始終無忝鬱鬱佳城泐石
附隧何以銘公有道不愧
廉立堂文集卷十一 墓誌銘 九

陳母張太安人墓誌銘

余初訂交卽從陳子一菴游見諸昆弟皆循循恬雅竊嘆服太翁起登先生之庭訓然也已乃聞母氏張安人慈教有定性而不移于俗者以成之今歲秋杪安人以疾終於時伯子臨湘令清碩君已卒長孫庠生惠中亦已卒一菴偕其仲兄季弟手事狀泣屬誌於余余時抱母戚未兩朞重吾友之請且同抱罔極痛不獲辭按狀安人邑杜村鎮人祖國慶庠生父鵬翔母陳氏幼失怙恃祖父母鞠養之擇配而歸起登先生舅曰頤銘先生蓋吾邑

廉立堂文集卷十一 墓誌銘

十一

陳氏自頤銘先生以理學昌教所成就人材甚眾而家世滋昌起登先生爲其季子安人於諸婦爲最少其初歸也不逮事姑石孺人則奉繼姑何孺人偕妯娌同費二十年孝弟之聲藹如矣待族黨寬惠好施予庚辰歲大祲家無厚儲輒分食食人至今里媪猶能道之也甲申闖寇過縣勒餉橫虐伯叔氏力不給則脫簪珥衣珮以佐之日勤操作謹饋祀爲諸弟子寄食者手炊而資親黨力於學旣起登先生戊子以副榜貢試別駕伯子甲午舉於鄉兩世通顯矣里巷皆爲安人榮而家人未嘗

見其有矜色焉起登先生初改補廣西經歷安人未從行再補江南僅一往伯子之任臨湘安人以春秋高不就養唯以潔已愛民無隕清白聲爲囑及起登先生伯子前後俱卒于官以喪歸里巷莫不爲安人悲而家人亦未見其過慟以貽諸子憾也嗚呼自少至老以一身歷顯晦榮悴之不齊而憂樂不以動於中此學士大夫之所難而安人能之非其素有定於性者乎是可傳也已安人卒於康熙丙寅九月三十日戌時距生明萬歷戊申四月二十三日得壽七十有九後起登先生十年卒

廉立堂文集卷十一 墓誌銘

十一

以 覃恩有令封子四曰澄度卽清碩君甲午舉人湖廣臨湘知縣先卒娶儒士王敬民女曰源度庠生娶儒士劉邦禔女曰洪度卽余友一菴也廩生娶庠生喬震茂女曰淑度娶增生郭四輔女繼庠生張禹女女一適庠生陸運泰孫男十澄度出者四惠中庠生先卒娶庠生荆世華女惠健廩生娶庠生荆之翰女惠亮庠生娶庠生何克前女惠溥娶廩生王子蒲女源度出者二文超庠生娶廩生陸運旦女惠存殤洪度出者二惠臨娶廩生陸聚奎女直肅娶甲辰進士安仁知縣喬士增女淑

度出者二惠錫惠亨俱幼孫女七澄度出者二一
適庠生景旭一適增生荆文邵早寡守節洪度出
者二一適廩生王濬一字增生喬士達子雲祥淑
度出者一幼源度出者二一適庠生荆文隆一適
庠生閻霽子益嘏曾孫三惠中出者積慶敦慶惠
健出者篤慶曾孫女六惠中出者長殤次字庠生
荆邇長子三四俱幼惠健臨出者俱幼筮以十
二月二十六日葬于城西北祖塋之西併遷起登
先生柩合葬焉起登先生諱孳念承德郎江南都
司經歷自有誌余既爲安人誌而復系之銘銘曰

廉立堂文集卷十一 墓誌銘

七

士能自得乃安義命其豫其艱不以易性孰是婦
德而有士行哀樂忘情其天素定儉恭之垂慈惠
之施澤衍于後式茲懿規鬱鬱佳城依祖之旁宅
兆卜吉家世其昌

陳母杜夫人墓誌銘代

余嘗慕猗氏陳澹寧先生之父頤銘先生之教爲
吾鄉學者宗而其季子晉公適度余忝與同譜得
讀其家藏經書道學傳旣而晉公以仕齟齬年未
五十卽致仕余嘆其棄官從好所謂至貴國爵屏
焉者也詢其家迺知非徒晉公能以義自高也實
由母氏有率偕隱之志不以窘身約親貴于子而
使家人忘貧晉公亦因以遂其高云康熙十三年
晉公手其母之行狀貽余求銘嗚呼澹寧先生之
沒余昔爲之銘今閱二十年而夫人耐葬余更銘

廉立堂文集卷十一 墓誌銘

七

焉往而不可返者親至而不可加者年人子念此
能勿深痛哉而余益感夫人世無常唯有高義者
常傳耳若夫人之以義成子甘貧以老是可銘也
已敘曰夫人杜氏澹寧陳公諱湛念之配也承宦
業家常貧其內助主家政使澹寧先生之教大行
於外率四子專學力後先發達者惟夫人功夫人
每均愛諸弟姪有事獨任有患同恤不分計彼已
姑卒諸弟幼夫人一身襄葬事盡禮逆閭之變賊
吏索宦家子弟猝至門衆惶愕莫措長男適孺毅
然獨往慘被夾比歷晝夜終不色沮邑論義之夫

人猶泣謂曰兒罹厄良苦然幸勿誥及諸伯叔也其賢仁如此季子適度再任理刑仲子適月孫男惠敏相繼領鄉薦諸子孫皆聯翮蔚起夫人不以爲榮每痛心謂頤銘先生之沒在季子鄉薦之次年澹寧先生之沒在季子迎養之十月甫慶成名旋悲喪變則天倫之不幸也自後辭榮歸田季子以法受過遭降謫夫人慰曰富貴非吾願母子聚首足矣噫吾聞古之賢母教子有曰吾願以善養不願以祿養者夫人何多讓焉及仲子署澤州學正踰年而夫人卒仲子奔喪促歸乃益慟祿養莫廉立堂文集卷十一 墓誌銘 十四

逮爲祿養之亦難也夫人卒於康熙甲寅六月二十五日申時距生萬歷丙申三月戌時壽七十九歲子四女二孫男十三孫女八曾孫七曾孫女十將以是年十二月十七日耐葬於香落村之祖塋乃作銘曰

貴而習勤富而能貧成子以義宜家以仁士難其德夫人備美肇允淑儀垂光女史鄭鄉楊冢樹末已拱賢配同歸宅兆式鞏香山朝隋氣凝自遠萬禳熾昌視茲幽阪

行優庠生大生荆公墓誌銘

公諱宏祚字大生號隆吉鄉賢卓峯荆公可立子也荆氏始祖明之公以宋末兵亂由陝西涇陽徙爲邑巨族傳十代祖式積學宏才未獲大售式四子其季汝霖汝霖生思聰配衛氏卽余曾祖姑也生三子長可立次可樾季可標可標子世爵庚辰進士歷任河南管河道副使實余岳父岳父之胞兄曰世芳世熙世昌岳父之從兄卽公皆與家君爲中表兄弟而余又忝列子婿則伯叔皆余父行也長伯三伯之逝也余幼不及見自省事以求惟

廉立堂文集卷十一 墓誌銘

十五

見岳父從兄伯氏胞兄仲氏三人耳庚戌冬余在都聞岳父逝殯不及憑棺葬不及臨穴以是爲大慟辛亥夏岳父仲兄逝亦不獲走哭惟歸里逮會葬焉於是先岳父昆仲三人惟伯氏在矣乙卯夏伯氏亦逝何天之不憖遺而使老成俱凋謝也而余或在都或在里或不及弔葬或僅及葬不及弔或躬及弔于寢葬于野六年之內悲悼參差又安知親見屬纊之痛有異情耶無異情耶方伯氏病革余往視牀褥前猶慙勤禮數無失余甫出而告終嗚呼伯氏可謂得正而斃至沒無亂命者矣少

絕玩弄長屏塵雜至老而益甘澹素平生謙遜和
藹與物無忤而事關大利害屹屹堅持不屈甲申
闖寇之變縉紳慘被非刑公叔父與及于禍公嘆
曰吾弟宦遊在外遺叔父年老匿鄉中清白無餘
貲餉從何辦乃傾家資代輸千金時人義之為誦
曰荆老有姪而公自是足跡不履市者三十年閒
至城引車入巷以為公門左市昔叔父蒙難處也
不忍復過之云在庠五十餘年好德篤行丙戌教
諭閻先生以行優上于孫文宗甲寅縣學舉鄉飲
介賓公數辭不就修城隍廟施地九畝建李公祠

廉立堂文集卷十一 墓誌銘

六

翰殿三開典史王元龍沒于官公為助輿視其孤
王漢以族氏滅絕哭訴公撫養成家庚辰歲大禋
出藏粟調賑全活甚眾而公亦不以祈報也公甥
郭璘早孤憫而噢咻之教育畢至垂沒不能瞑忘
焉家道經變亂浸蕭落公訣言無長物遺子孫惟
清白勤儉以耕讀為本計昔龐德公曰世人皆遺
之以危余獨遺之以安雖所遺不同未為無所遺
也其斯為公之志與公卒於清康熙十四年乙卯
六月初四日未時距生明萬歷三十四年丙午十
一月二十八日戌時得壽六十有九元配張氏繼

娶者老張國剛女子一文華庠生娶生員耿璧女
女一適增生郭四輔孫一裕祺幼孫女一字官監
郭四聰子郭瑛將以本年十月十六日葬于城西
祖阡而屬余為銘銘曰

幼安木榻照斐布被生厭浮榮沒無邪逸公繼清
風哀哀几几急難赴厄傾貲忘已寒續飢粟惠及
隣里作銘幽宮惟德是紀於萬斯年永貞弗圯

廉立堂文集卷十一 墓誌銘

七

張母段太孺人墓誌銘

余每讀國風及劉向列女傳嘆古所稱女宗母訓
有裨於風教倫常者甚大而先王採之鄉國著之
篇章匪獨示閭閻官閣知所取法也亦將使後之
學士大夫知門內之訓至深切而善承慈教者其
為德易成而為治易美也邇居廬讀禮邑司訓上
黨張君以其母太孺人行述來乞銘孺人姓段氏
可訓君之母也初司訓君父裕齋公娶于賈而卒
裕齋公頻客游黎陽開善居積孺人父魁吾公嘗
物色於儕伍中以元女字公即孺人也孺人歸不

廉立堂文集卷十一

墓誌銘

七

逮事舅姑而祀春秋一蘋一藻必躬舐滌濯謹烹
飴以獻諸所較耕織買遷米鹽瑣細男女不易職
晝夜不棄晷裕齋公以是無內顧憂出行賈白馬
諸郡本鹽筴權盈縮數年獲貲巨倍號素封而孺
人雅佐之好行其德歲賑恤宗戚里閭無恚惜又
推而為橋道渠井寺觀塔廟之助以成裕齋公惠
施聲卽終身不少衰數舉子女不育最後舉司訓
君憐愛甚然甫勝外傳卽嚴課之裕齋公沒而孺
人代義方之教日夕督誦讀不輟司訓君久乃得
游庠皆孺人提命力也歲乙卯丙辰 功令新復

齋署孺人命曰為祿仕不擇官當與時小同無虧

大義而已司訓君乃就補余邑奉孺人至居數月
每夕必詢司訓君畫所交游某賢雋某耆碩果盡
得懽心否不見遺於長者否司訓君由是交編邑
人士樽罍延嘉賓恒益座矣後孺人返里而司訓
君奉委署析城學則距里益近復迎養孺人兩月
孺人曰吾老矣惟故廬是安汝為人師表慎身範
無遺人指摘也司訓君自析城送孺人歸而孺人
遂以疾卒于家嗚呼孺人之修內職廣德惠至矣
其歷誠司訓君大節尤協美于古若詩傳所載汝

廉立堂文集卷十一

墓誌銘

九

南婦之匡君子以義而不失時也公父文伯母之
愛而無私也齊田稷母之廉而有化也以求之士
大夫中不多得而孺人無學問講習之素顧能言
中機宜動成儀矩視古所紀載無愧焉則烏可以
無傳也哉孺人生於明萬曆三十八年十一月初十
一日戌時卒於清康熙二十一年八月初四日巳
時享年七十有三子一卽司訓君希載娶福建福
州府長樂知縣辛丑進士申公宏謨長女女一適
某塲孫曰炳者司訓君所育也日子齊者司訓君
出也將以某月某日耐葬裕齋公之兆乃系之銘

銘曰

懿德之備曰女士兮勤施好德章圖史兮匪直德
施廣錫類兮教子志節與古對兮謙遜潔慎無戾
說兮庶幾終譽母之休兮合宮幽隧歸杳冥兮何
以長之疇茲銘兮

廉立堂文集卷十一 墓誌銘

三

普定縣知縣贍康韓公暨配任王兩孺人合葬墓

誌銘

辛未秋余奉 命巡撫貴州甫莅任考問風土則
知有故普定令韓公者嘗有德於普普之人思慕
之而不忍忘皆稱其遺政不容口余與公生同鄉
并知公居家能孝友久矣乃今且出而仕也復藉
藉有令名余方念黔處遐陬將欲與二三僚屬共
相僂俛以布宣

廉立堂文集卷十一 墓誌銘

三

聖天子德化乃如公者則不幸而不得與之同時守此
土以匡余不逮竊以是為憾今其嗣孝廉君暨上
舍君遠以書來及其行述一通請余為銘豈不以
余知公生平既甚悉而復得其吏治於普人者其
言為可信而傳耶蓋普邑在萬山之中地荒而民
貧舊多積逋前令多委胥吏董催吏夤緣為奸公
至不假吏手而設滾單以勸其輸納力必不能應
者公代之逋負遂清又募夫應役不擾里民民甚
便之其部內苗蠻雜處而獷狃者尤橫暴難治多
以小忿相戕殺公按法繩治遂變其俗至於訪問
疾苦勸人向學其所設施皆有古循良風故當其
以病乞歸也普之人則詣郡請畱畱之不得則老

幼相扶携追而送之於境外追聞其歿於途則又相與羣聚野哭如喪其考妣以余所聞於普之士大夫者如此先是官於閩之長汀也當逆藩兵燹之後民力凋瘵公一意撫字之悉除其宿弊聽斷出入不阿上意以去就爭與學校創文場拔淹滯歷有成効邑有豪姓多爲不法前令皆畏避不敢問公立杖殺之邑人相率詣廳事皆歡呼稱謝太守駮公以是重公會汀郡司馬缺輒以委署當是時上下方胥賴之而公適以母憂去至於今汀人之思公固知其無異於普也公在汀三年在普二

廉立堂文集卷十一 墓誌銘

三

年歷時皆不久乃前去以憂後去以病且並不得承其年壽而遂止於斯此余所以惜其才之有未盡而又不能不爲二邦之人惜也公諱世璿字幼玉號瞻康系出周虞叔之後其先人有諱傑者於明初以武功爲蒲守禦千戶遂家焉嗣代有顯人而至通政元川公暨少師象雲公爲最著公祖諱奎以舉人歷官刑部主事後以公伯兄中丞公貴贈光祿大夫工部尚書兼都察院右副都御史父諱承宣以進士官淄川知縣調繁歷城值兵變以身殉贈光祿寺卿諡忠烈後以子中丞公貴贈如

其官公生於任署甫二齡而遭忠烈公之變母王太夫人抱持旋里及長天資穎異好問學遊庠序有聲屢試不遇以拔貢出身人多以公未得中科目爲惜卽公亦以此自少故其教子嚴切有法卒皆有成然卽公之所表見亦初不必以科目重也性至孝事母王太夫人能以色養值太夫人病公肘而藥肘而粥不解帶者經旬夜則焚香禱天願以身代及歿號痛幾絕蔬食三載昆友四人長諱世琦歷四川巡撫兵部尚書都察院右副都御史次諱世琳歷肇慶府同知次諱世璣以武進士任

廉立堂文集卷十一 墓誌銘

三

袁州叅將而公則其季也公事諸兄甚恭而諸兄亦皆友愛之一門雍容爲鄉里所稱公生於明丁丑四月二十八日丑時卒於康熙庚午十二月初八日巳時享壽五十有四配任氏贈孺人貢士涵初公女貞靜懿淑事孀姑至孝嘗以女紅佐公讀書不幸早歿公會爲文誌其壙繼王氏贈孺人文學玉生公女淑慎有婦德亦先公卒任生於明丁丑六月十八日辰時卒於康熙乙巳十二月十九日午時得年二十有九王生於順治壬辰七月初八日寅時卒於康熙乙卯八月二十日申時得年

二十有四子二長鏡丁卯舉人娶董氏文學還一
公女次鈞國子監監生娶孟氏上舍蓉渚公女皆
任孺人出孫男一瀚孫女一俱幼皆鏡出孝廉兄
弟將於壬申之冬合葬其考妣三柩於盤底村之
新塋是宜為銘銘曰

嗚呼韓公惟其大道之貞不擇地而行也怡親潔
已出處有恒也其難留者質而長存者名也蒲坂
之南其河浩淼嶽崢嶸也公則携其命
言以居此城也垂蔭後昆永有寧也



廉立堂文集卷十一 墓誌銘

三

廉立堂文集卷十二

郇陽衛既齊爾錫著

太平趙燕典藥齋較



祭文

祭 玉帝祈雨文

惟

上帝之好生兮命率育乎下土時雨暘以粒民兮何忍

一方之失所矧

廉立堂文集卷十二

祭文

一

天子之有道兮念周流乎寰宇嗟山左之厘

聖慮兮地接壤乎畿輔蠲終歲之正額兮沛恩施而軼

乎曠古宜休徵之時應兮樂庶草之蕃蕪何近畿

之洊饑兮併東土而亦歉收自暮春多亢暘兮狂

飈踰月而不休二麥大半就槁兮秋苗尚未播乎

綠疇哀斯民之望歲兮目搖搖以何求慚司牧之

失職兮政事多所未修惟 天宜降災于守土

者之躬兮何重貽我民以長憂肅壇場而拜禱兮

初惟 神乎是依今禍走乎羣望兮余仍於

神焉長祈溯 上帝之孚佑兮昔年應禱而無

違登遂不我終許兮惘惘使安所適歸坐視斯民
之將他俯兮不禁掩涕而歎歎異穹蒼之下憫兮
沛甘霖以應期敢告

廉立堂文集卷十二 祭文

二

祭真武祈雨文

嗟乎歲之不假易而雨澤愆期何遂至今猶靳恩
膏耶且以畿輔洊饑

聖天子遣振巡省徧走羣望中夜焦勞額禱恭勤矣謂
宜

天心降格早沛霖雨以慰吾

君憂卽不然直省偶苦旱隣省風雨咸調猶可告無恐
資轉移也迺今山左亦苦風旱不將與直省並無
歲而重厘吾

君憂耶嗟乎 天亦何忍使至此也當撫軍初入境

廉立堂文集卷十二 祭文 三

天嘗錫瑞雪矣元旦獻歲又蚤錫靈雨矣東土之人方
幸福星之照適當賜復之年雨雪應瑞獲終年慶
豐登含哺以嬉也卽孟春之杪尚慶霖霖之以時
降也何意二月以後風靈時作踰月不休遂至亢
暘少雨撫軍率司道等虔誠拜禱屢更壇場雖于
四月念二日稍降微雨未霑甘霖二麥旣已焦枯
三農因之愁嘆日今秋苗在地漸次凋萎高阜之
鄉尚未佈種者不知凡幾若于此時更遲不雨秋
成必致失望此嗷嗷待哺之窮黎何以餬口何以
保家某受

國殊恩備藩東土目擊斯民之阻飢而不能為之拯

挽午夜徬徨呼燈起坐撫膺浩歎不知何故上干

天和也意者政教之多闕庶職之不修貪墨之有所未

黜刑罰之有所未中歟清心寡欲之實未能盡整

齊化導之功未能施視焉尸位顧形自慚卽民閒

有傷倫敗化逆天悖理之事而莫之能正歟亟自

修省莫敢戲渝用是披捩肺肝祈 神鑒此精誠

縱我躬之宜譴獨不哀念此一方民耶況吾

君之憂勤備至視民如傷 天乎何忍不思所以慰

之撫軍之為民請命昭假無贏 天乎向之雨

廉立堂文集卷十二

祭文

四

雪應瑞者尚當不終愆期也某敢藉吾

君相之力以邀

天庥速霽甘霖以救一方民命匍匐謹告

莫王惟肖先生文

嗚呼河汾遺緒龍門心傳匪高匪遠微言莫宣師

貴自得文未喪天卹陽繼統先生象賢伊昔太翁

崛起力田奮興絕學搜括陳編中外歷試安分迪

遵書以窮名窮與道緣先生接武待後守先溯源

洙泗忘象蹄筌嗤彼俗儒訓詁拘牽守殘習訛執

其一偏四方從游接踵比肩先生善誘意在言前

虛往實歸如挹淵泉不盈浩浩不竭涓涓聖仁之

要為誨已焉於嗟先生樂此忘年少膺副選提槩

懷鉛太學釋菜環侍細旃說經戴憑注古服虔名

廉立堂文集卷十二

祭文

五

已特達性惟靜便洎登賢書守志彌堅再上公車

遂老園塵畏榮好古行方智圓覃精著述廣厲陶

甄更溥恩施卹困扶顛庚辰大饑下民瘁瘼解囊

指囷保活盈千南郭沮洳築隄防川此疆爾界越

陌度阡國步茂咨鼎革播遷羅重布不免拘繫

閒關跋涉載踰渭汧景陽鐘鼓凝碧管絃傷心在

目泣涕漣漣先生蒙難家私都捐寢興持賦手澤

累篇亦有民人裹糧重趂不期而集奔走啗闔食

德知報哀籲保全既脫于阨教學益專輯訂藏書

璇球比鵠羽翼先志附劄傳箋門庭焜燿鳳翥鸞

鴛鳥衣朱雀蔚起聯翩如何不弔啼鳥桓山茹素
三載痛深鴿原令子夙雋才擬青蓮強年通籍風
骨蹁躑及門濟濟盍簪蟬聯蘭畹蕙晦皆出埴埏
先生耄蓋木榻坐穿令子養志披帷悅研罷膺
徵辟束帛衰裘陳情不遂 闕下淹連秋初落葉
春老啼鵲三時云邁先生上仙嗚呼彼蒼胡不少
延熒熒一子而未得旋終天之痛聞者潛然某等
夙欽家學作述無愆近交令子志潔行鮮異接聖
道傳燈復燃驚聞哲萎斯統空懸哀哀令子銜恤
南還誰圖榮徵翻貼悲憐蕪文馳奠涕泗潺湲靈

廉立堂文集卷十二 祭文

六

如不昧格此几筵

祭濟陽令薛先生崇祀名宦文

惟公問學淵遠品謹醇全遠慕河汾之壇坫近效
文清於簡編經明行修遂乃出而筮仕逮牽絲濟
水也不殊於單父之鳴弦其敷仁施惠蓋更樸以
難數而立政興教俱灼灼而可傳子弟田疇載聽
輿人之頌催科撫字堪比道州之賢泊夫解組西
歸琴轅卧轍者實載道而喧闐塵去萊蕪之甌碑
留峴山之蕪家居履道與寄斜川兒子門生伴柴
桑之高士賓朋觴咏羨瀟灑於樂天蓋受命飲冰
者三歲而棲蓬林壑者閱二十年然邑人寸思之

廉立堂文集卷十二 祭文

七

也則二十年如一日且如桐鄉之飲食必祭也亦
三代直道之同然爰乃臚列其治績欲祠祀之維
專隨上請而獲允遂奉神主以告虔永配瞽宗於
樂祖長羞廡下之豚肩昔我兄弟以髫年弱柏侍
先君於京邸值先生亦至夫幽燕俾質經而請業
奉函文以周旋比有成就深荷陶甄今某備藩東
土輿率由而罔愆喜躬逢於盛事爰致享於吉蠲
酌清醑以將誠陳椒詞而奠几筵惟俎豆其千祀
報清白於三鱣尚饗

祭高平張太翁文

嗚呼唯太夫子騎箕馭氣賓於蒼穹歸神太素還
返樞宗得正以益令德考終其魂氣不與物化也
昭明有融虛於地下實乎天中亦復何憾而人世
為之私慟於無窮雖然有之吾師所為致於

君者方有事於世而未已而太夫子不終待也而可哭
也吾師所為致於親者亦方且來而不窮而太夫
子不遂永享之也而又可哭也師持風紀言表行
坊赴名蹈誼頌壯膽張人所繞肯百練彌剛掩抑
謗毀實增名彰譬如磨鑑不滅愈光是時多難岩
廉立堂文集卷十二 祭文 八

疆未弭西南跋扈肆厥蛇豕 當宁赫斯中夜拊
髀蒐該者俊心委肱倚如師偉望中外屈指元老
壯猷折衝千里極馬之壯庶以傾否而太夫子不
待凡所指期尚稽時畧太夫子於此必有憾焉者
矣則師於此亦必有深慟焉者矣人子之道嫌以
己責加諸所生然人情之極尊歸其親以為至榮
師起館閣視草承明秩宗典禮惟寅惟清出歷憲
司
帝倚長城南闕北薊棠芟載震 恩綸重褒帶佩琇璵
爵秩既加衣笥既盈朱紱方來 寵命游膺錦堂

畫旋蘭萬崢嶸而且棲遲觀巷畏壘婉名矍鑠熙
怡洛社耆英寄情圖史娛志樵青師之樂之蓋懼
親為重而貴我為輕而太夫子遂以反真委順弗
寤弗興太夫子於此無有憾焉者矣然師於此則
亦必有深慟焉者矣嗚呼必至之期其誰能逃死
而不死千世之豪膚寸興澍膏雨布濩而歸功於
崇高太夫子已厚培于大甄以篤生哲人則今雖
奄忽而已度越於松喬計雲旗之天游不以悽愴
而以逍遙某章句鱣生早編門錄自繫部婁敢希
械樸而夫子為 國翹材加以礪斲寸級尺階膏
廉立堂文集卷十二 祭文 九

潤所沐徒以持方入員藩離動觸鉛刀一割攢抑
見辱強顏竊吹躡躡却縮悼素忱之未展借典型
之遺覆閱吾師之在疚趨門墻而申哭生芻一束
旨酒一乘瞻望總帷血淚俱迸靈也歆之鑒此精
誠

祭令狐方若先生文

嗚呼人子之期顯揚也孰不欲親之及身見之以
優游樂親之餘年顧當夫親之及身見之也則足
欣而當夫親之僅及見之不遂終享之也則欣然
者更爲之戚然先生年垂老而次子成進士甫歸
侍八日而先生已上僊此豈獨欲養不逮人子致
慟于風木卽我同人方爲吾友喜旋爲吾友悲亦
不禁涕泗之漣漣嗚呼吾友昆季本先生一經之
舊傳而俊選造進用輝暎于後先惟先生之少也
蜚聲藝林所向無前礪志追乎前哲雄才邁于時

廉立堂文集卷十二 祭文

十

賢挹其度者目爲國器讀其文者竇爲瑤篇鄉閭
首薦鳳鳴鸞鷲固當振六翮而搏八埏迺其公車
屢困偃蹇一官敷政期月而未足履險六載而始
還嗚呼可信者人難必者天嗟公材之如此何所
遇之速遭而公當流離志行益堅九死一生壁立
無遷追孝作者寢興惓惓家廟是營族譜是鐫宗
人感先生之德而先生曰惟先子之遺言其天性
純乎孝友其舉動絕乎浮僂其爲政于官也正色
壯觀其著德于鄉也慈筏福田蓋造物之于先生
有豐有嗇而先生之所自處固無弗全位雖未崇

其神則完材雖未究其澤則延迨乎解組歸來棲

遲林泉諧友朋之情話對暮酒以流連訓子課孫
左圖右編世德濟美雛毛翩翩方期頤養肩壽于
無窮齊松喬與偕俛也胡爲厭棄人境返駕道山
蘭觴不御惠帷空懸意其歸于無物者聚散之偶
然而不與萬物俱盡者英靈秀氣長在乎涑水之
湄與條山之巔某等久同嗣君學溯淵源痛典型
之云亡實忻戚之相關乃陳牲醴乃告几筵游茲
明信鬱鬱莫宣靈也如在幸一歆焉尚饗

廉立堂文集卷十二 祭文

十一

祭德州李源文

緊生人之終始聽理數之推移仰考成之壽考庶
鄉國有依毗夫苟典型閭若耆舊摧頽凡嚮風而
載德者孰不抱慟而纏悲惟公名高鄒魯學達孔
姬美懷才而應運爰挾策以乘時醉曲江之高宴
翻玉樹之連枝韓起雙環俱蟠龍雀干將兩劍並
截蛟螭泊夫起膺民社欲暢厥施百里牽絲種河
陽之花縣一朝解組卧彭澤之東籬誓墓情堅王
右軍晚年肥遯遊山興劇謝康樂中歲棲遲里名
通德莊築黃鸝賢俊滿前瞻太邱之星聚國人矜
式望泰岱之雲垂蓋瞻乎其自得與斯世以相遺
何意龍蛇之歲遂陳虎豹之姿乘白雲而竦轡遊
珂里庶幾就見質疑登龍門而悵望云沉疴其中
之異勿藥之有喜詎知一逝而莫追嗟老成之凋
謝攬涕淚其齋咨載蘭肴與桂醕致奠獻以陳詞
神在天而弗遠尚髣髴其來斯

廉立堂文集卷十二

祭文

十一

公祭東兗道李淑人文

天生賢哲厥配攸宜瑤琴鼓鼓懈竹堪吹聲高瓊
瑤琴溢盤匱委禽可樂別鵠堪悲繫惟淑人媲美
姜姬三河族望四姓門相言為典訓步中旋規香
奩詠絮綺歲牽絲正位于內福履所綏同宰成禮
廟見多儀鵲巢安吉鳳彩紛裝舅姑色喜門內雍
熙夫子通籍佐郡江湄山河被服翟茀委蛇薰香
東省鳴珮赤墀雞鳴克警念軫風詩要其至性爰
自結禱高堂獻壽氣下色怡吉甘滌瀟養志惟時
姑當屬疾藥餌調劑籲天無驗哀毀難支髮而致

廉立堂文集卷十二

祭文

十二

祭泣血漣滉翁稱孝婦家頌女師尤敦大體樛木
流慈江沱我以慶衍益斯左家嬌女謝氏容兒施
衿設幌保抱携持為婦為母靡悔靡虧盡室之官
海岱透遲鏡臺春麗粧閣雲垂克家有慶相助無
私倚與君子王事驅馳詎圖惡耗吹落天涯塵凝
芳榭駕返瑤池金膏未覓石髓難期湘江竹頌楚
晚蘭萎長鬢遺掛空被總惟安仁傷悼奉倩涕淚
某等協恭東國情好日滋側聞閭範克佐聲施罷
膺紫誥祀錫黃離欵淪德曜能不嗟咨營奠營
齋惻愴微之敬芼芳蓀共陳諫詞遙瞻碧海髣髴

靈旗尚饗

祭鄭州牧陳伊湄父母文

嗚呼先生竟長往乎世之清修矯節惠澤加民長子孫而永富壽者何限先生無缺德所報曾無逮焉是天之鍾先生者特異所以酬報先生者則顧甚薄也憶先生筮仕為吾猗氏宰敦樸沉靜色笑霽然如和風扇物而勇于為義事之所當行者毅然行之而莫可撼方滇黔之亂羽書絡繹猗故秦蜀孔道先生無旦夕少安所以邀福吾猗者無弗至如仗劍謁將軍請禁旅毋入城保全父老子弟實衆當是時桴鼓數起邑有逋叛潛鄰境煽惑

廉立堂文集卷十二

祭文

十五

衆心先生廉得其謀不軌狀定計縛之置麾下邑以安又有方技者流習堪輿家言與市駟叵賴子將嘯聚竿旗擣刃為不義先生乘其未動也擒之獲其刊佈偽札則已徧十一州邑脫非預殲其族洚水之閒蹂為墟矣先生為政務寬平襁褓小民而治有所培植擊非大猾卽黠豪為橫鄉曲者而又時時令三老誨民孝弟力田禁游手六博倡飲器訟暇則延見諸生談說經義治道大概清靜化俗知雌守雄得力老氏之學為多也至于革錮弊破積習復鄉飲除四十八里之丁徭為民累者猗之

廉立堂文集卷十二

祭文

十四

父老子弟至今嘖嘖能稱道也嗚呼痛哉當公之
刺史鄭州也戊辰之歲走一介至歷下詢知公暇
食故無恙視聽不少衰聞之快甚謂先生固長厚
積德宜安享富壽迺不意以今歲之正月晦日歿
于鄭州之官舍矣嗚呼痛哉聞先生易簣之夕幾
至不能備含殮鄭州為河洛奧區迺至貧如此嗚
呼此其所以為先生也先生有靈以不佞之言為
當否嗚呼哀哉

奠郭帽公文

嗚呼王臣之義盡瘁於外以為是身非吾有也而
烏計其利害進退惟君命環珞惟君賜雨露雷霆
莫非君恩之可戴獨至病軀被遺旅魂莫招輿櫬
空歸引緇中道則僚友徒興其况歎邑里不禁其
涕灑嗚呼公之再赴姑蘇也棘人樂樂泣血未乾
忽焉王程迫促羈縲蹶躄辭親墓以就道慨當事
之莫援山甫永懷誰為慰心禹錫憂老誰為請言
泊乎力疾攬轡風雨淒其哀絰在身行道遲遲骨
肉日遠僮僕惟依茅店山橋霜露侵肌孤臣叩鮮

民耶畏罪與銜恤之心交積於胸臆而疾滋不可
醫嗚呼方公遠行之始令子因欲追隨長途也而
公堅止之自謂年未耄力未衰可獨往而無虞也
孰知悠悠南國非我鄉鄰大命近止長謝故春寂
寥客寺四顧無親遙憶室家牽衣拜別之日竟為
永訣溘往南北異域之辰也嗚呼哀哉憶公歷仕
幾三十年自績溪課最晉陟密雲建節鉞于天中
寄藩宣於關內固已慶功成樂名遂長拂袖以歸
來應天道而身退何復一毫出守推挽無人遭誣
誤於因公蒙讖彈於去位維曰子仕孔棘且殆信

哉詩言莫之及悔更可痛者公還自秦而失恃公
還自吳而失怙送終甫畢公再入吳父母之喪幸
無遺憾於終天而公以解組暇日卽襄喪事持喪
餘年復辨官謗乃至抱疴飲恨不獲生還屬纊付
託旅舍蕭然何所值之不幸而此生無以善全也
嗚呼哀哉某等或忝姻親或通交契望公靈輻遠
來迨遞長與公辭舉首掩袂性爆醴酌靈其俯慰
嗚呼哀哉尚饗

廉立堂文集卷十二 祭文

丈

奠郝師母孟宜人文

嗚呼逝年之莫待也壽命之不可期也壺幃之安
頤養而至而不可加也憶齊侍夫子門牆十餘年
在京隨諸弟子爲太師母慶燕喜其時未及從師
門叔季遊也歲丁巳始識七師叔于京邸時已授
版曹公餘聆琴書清韻閒詢及家門源流迺知太
老夫子世德發祥太師母仁恩裕後而蕃枝遠條
我夫子樂棣萼之韡韡者實維孟太母從貴與有
令聞也是年齊卽來霸州居夫子之鄉益悉師門
之家世旣獲交六師叔並偕諸子姪昆弟遊見門

廉立堂文集卷十二 祭文

尤

庭之庠敞則無人門焉者則無人堂焉者儉約寒
素惟聞紡績機杼聲與吟唔誦讀聲相聞也齊一
至焉如是乃再至三至焉無不如是問所由僉曰
孟太母年雖邁猶手操砧杵然也嗚呼勤儉恪共
老而弗懈所以翼太師母之慈訓俾無墜太夫子
之家聲者至矣六師叔以宏學鉅儒甘隱居不出
日依依孟太母膝下蓋弗以鼎鐘易菽水樂也七
師叔迎養旋歸弄諸孫神日益健齊雖未獲如京
師偕及門致頌禱每與六師叔相晤對竊喜太母
行和宣勞杖履無恙謂可以娛志引年享遐齡未

有艾也而何乃一旦遂云徂也將不終享太師母而先露也將先太師母而地下相從也七師叔之決言莫逮而不少埃也六師叔之日夜侍養而竟莫曠也嗚呼齊自識師叔來霸踰四年矣計此四年中人生壯而老老而沒者何限使人樂去畢也哀又繼之以爲哀樂之來不能禦其去不能止世人徒爲物逆旅耳庸知師叔愛日之誠一懼一喜念夫歲之不假易而春與秋忽其代序者四年來曾幾何時而今欲養不可得也慘此生之無樂嗟棘人之在疚又惡能不鬱結填胸而拊心悲慟

廉立堂文集卷十二 祭文

三

也嗚呼尚饗

祭從修荆公文代

嗚呼人生百年尋常意氣之交可以徧海內而其所稱合志同方真相知心者蓋不過三四人而止耳而此三四人者生未必同地也少未必同學也同地矣同學矣未必相與其貧賤更患難也則其相知容有未深而情容有未盡者嗟乎余之與君生同里閉舊有姻聯自垂髫相好也余少孤貧與君同舍讀書考德業課文章無日不偕每寒燈熒熒敝帷破硯相對蕭然比君入仕版余尚困一經而君不棄余余亦不自嫌也所以倉皇戎馬之間

廉立堂文集卷十二 祭文

三

流離困頓之際形影相依死生同命詩有之曰將恐將懼惟予與汝嗟夫天下之生同地幼同學同貧賤患難者夫孰有過於吾兩人者乎又況重以婚姻之誼申以百世之好乎世微君無知余者矣余非君無所用吾情矣嗚呼而君竟去我而死乎計吾兩人之相知五十年矣此五十年中之升沉聚散不知其幾而回首思之歷歷在目前也大抵三十年前吾兩人之不相見者未嘗以月計自丙戌以來余策名天朝而君偃仰林壑者遂十載迨君再起柄用而余奔走四方無寧日也或時相

聚京邸多者歲餘少者三四月輒卒散去惟自
甲辰以至己酉里居五六年場圃桑麻一觴一詠
未嘗不相與握手歌呼窮日達晨也兒輩沐長者
之教耳提面命以至成立既齊服官都下不得時
勤起居盡子壻之敬而戊申請假亦得朝夕函丈
從容奉教者二年嗣後以選補期迫余父子同時
告辭君置酒爲別酒闌燭跋相與感離合之不常
少壯之難再相顧凄然者久之而猶幸君齒髮未
衰意興如昨余異日解組歸田尚得與君相從於
青林白社之間相對婆娑以樂餘年也而孰意茲

廉立堂文集卷十二 祭文

三

晨茲夕遂爲永訣也嗚呼痛哉君之齒少於余而
以星命家言謂當先余朝露酒酣耳熱每用嬉笑
而孰意斯言之遂驗也吁可悲也君之德完而氣
和遇人無少長皆盡其歡心天下識與不識咸知
其爲大人長德其聞喪也莫不爲之流涕而余更
有獨悲者君弱冠通籍累踐清要不爲不通顯矣
然其初釋褐也當陽九之會沉淪簿書崎嶇兵甲
之閒未嘗一日安席入筦樞機亦鬱鬱不得志及
乎賦遂初之篇高卧東山思爲田夫野老以沒世
而終不獲已一起用世旋復掛冠蓋君之才足以

有爲而不得展志足以有爲而不得遂乍困乍亨
一起一踏竟以老死此余之所以知君獨深而哭
君尤慟者也嗚呼百年分諱兩世姻親從此訣矣
夫復何云殮不憑棺葬不臨穴悠悠蒼天曷其有
極嗚呼哀哉尚饗

廉立堂文集卷十二 祭文

三

祭提督河南學政張公文

嗚呼士之策名通籍者莫不以幼學壯行爲志然每慮直道難行因循蹉跎而鮮克實見諸行事豈果天庀以時命人阻以勢位致傷夫時勢之不易爲抑亦願力之不自堅而徒諉於氣數之不齊有志之不克以逮惟先生之以名節自砥也奮然拔乎流俗而能孤行其獨是歷百折而不回矯矯乎其有以自異方爲諸生時明正學敦大倫克異端邪說之疑似闢輪迴禁招魂而病者良已清疏建醮者不獲伸其妄而自退喪繼母如母執父喪

廉立堂文集卷十二 祭文

三

三年不卧牀第更將廬墓而以兄言至蓋孝弟篤於性生而又非翹翹爲立名計旣成名而需次里居卽以講學自任萃生徒講貫經傳而不沾沾於時藝積著述成各解說彷彿先儒語錄期於道義文章之實際初試中翰而儼屋無資一寄寓於蕭寺乘輿無資弟借覓夫白衛甚至蹇駑罕值每徒步而行於朝市蓋凡待漏出入數年次且以爲常而都人爭傳其罕儷余丁巳之出調也嘗延先生與姊丈喬德元同寓三閱月得密邇親炙乎德誨遂來意氣肝胆之相契每談及衡文校士雖歷利

害毀譽之交亂乎前而先生終以公慎自誓不知者每迂公之言貌而同心者則深服先生之不移於勢利戊午北闈分校得人同事之有關節者無敢干以私卽權力奸巧者或誘之或劫之而終不爲所訶誅榜下爭頌其明而服其義都憲魏環極先生特疏其名於朝載其矢誓之詩文以傳於天下與後世先生在長安十餘年歷部曹猶就館塾一僑居於同鄉賈中丞一僑居於同官耿白山而代訓其子弟卽滿洲羣知重而來執贄曰非學其文學其人也僕隸亦習而化之有誦天理良心四

廉立堂文集卷十二 祭文

三

字終身者知錄格言相傳者能同甘貧餓而嚙雪共飽者蓋其身教之久乎於人而親疎遠近無異議也及視豫學政未出都矢詩六章已抵任凜法四知雖上臺同僚有不相諒而始以理陳後以德感卒以消夫疑忌余適黔路晤南陽則聞生童之交口稱夫清風介節而同官者亦共歎其謙德與和氣洎余自關東歸而先生在里篤念故交歲時不絕夫緘寄名山大業刊垂不朽而津梁後學者更極古文之薈藂余以病未能出而神交寤寐尚擬體痊策蹇欵門執手一追洛社之耆會夫何天

不慙遺典型云亾一旦溘然而長逝砥柱何仰知
心焉託痛將老之失知音潛潛焉長臨風而隕涕
蕪詞馳奠淚盈管端尚憶生平之模範而榆揚莫
盡其一二唯誦司馬公之里有如先生其人者而
無愧嗚呼哀哉尚饗

廉立堂文集卷十二 祭文

三

祭王都司並妻二李氏合葬文

谷王爲海嶽長稱東降精流秀今古攸同旣種賢
聖亦誕俊雄乾旣克健坤亦有終公之初生旭日
曠瞻瑯琊望族奕葉清通蚤年英發絕美終童文
武具足陋彼雕虫奮跡科名有光熊能筮仕南海
志在立功不忍絕裾眷戀何窮卻毅中軍屢佐元
戎師多虓虎民鮮哀鴻逆氛忽起彌亘蒼穹鯨鯢
駭浪蛇豕橫空解散勦滅謀伐心攻方畧雖施憂
心冲冲迫於城陷堅卧蒿蓬不受僞署大節克崇
烽煙甫息天日冲融大府抗疏載奏 丹楓頻蒙

廉立堂文集卷十二 祭文

三

俞旨嘉此孤忠俾掌軍政以勵匪躬乃清屯田用絕
欺蒙大猾力剪遂起疲瘵衛公交廣綽有威風生
平宦跡終始粵中羊公隕沒豐碑磨礪惟忠惟孝
百行兼總考厥內助譽起絲桐盤根雙李繼者菁
葱姆教夙秉婦道聿隆蘋蘩肅敬雜佩玲瓏相攸
獲吉慶行斯螽象牀推笏鐘鼓錫弓同牢多福合
葬罔悃麒麟高塚地勢龍嵒左右英皇湘竹成叢
挽聲雷動淚點雨凍龍驤北域馬鬣幽宮屹如三
山烟霧冥濛某仰茲駿烈兼式管彤新阡在望德
報俱豐清酒載陳摘詞未工靈其至止爰鑿薄衷

原缺

誥授通奉大夫巡撫貴州都察院右副都御史衛公墓

誌銘

賜進士出身光祿大夫

經筵講官戶部尚書加三級前刑工兩部尚書吏部左

右侍郎兼翰林院學士總裁

國史辛未甲戌

殿試讀卷內閣學士兼禮部侍郎戊辰武

殿試讀卷

祭告 海岱察賑畿南講官起居注翰林院侍講提督

江南學政纂修

廉立堂文集 附

墓誌銘

一

三朝聖訓 皇輿表明史鑑古輯覽甲子陝西正主考

右春坊右中允兼翰林院編修翰林院檢討已未

會試同考翰林院內宏文院庶吉士吉水門生李

振裕頓首拜撰文

賜進士出身文林郎翰林院編修充明史纂修官癸酉

科鄉試廣東正主考前翰林院滿書庶吉士年家

容晚生謝陳常頓首拜篆蓋

賜同進士出身奉政大夫提督江西通省學政按察司

僉事前禮部祠祭清吏司郎中工部都水清吏司

員外郎虞衡清吏司主事

欽差監督通州大運西倉內閣

誥勅中書舍人充

三朝國史收掌官丁巳順天同考丁丑武會試同考年

家春世姻弟喬士容頓首拜書丹

吾師中丞公卒之明年子訥將以四月初九日葬

公於縣東北石家莊西原之新阡走京師屬振裕

銘裕公之老門生也於公卒為位於寢以哭葬有

日矣繫官不得泄葬中心戚焉追維公立朝事行

眾所共見顧或未知其微宜為公銘者莫裕若也

其何辭公諱既齊字伯嚴姓衛氏世為山西猗氏

廉立堂文集 附

墓誌銘

二

人遠祖有諱庭芝及邦直者連二世為學官以孝

友教其家祖諱中夏以子及孫貴累贈通奉大夫

山東布政司布政使父諱紹芳起家進士累官至

浙江巡海道按察司副使

誥授朝議大夫以公貴累贈通奉大夫山東布政司布

政使嘗督貴州學政士人感之祀名宦祠公弱冠

成進士選內宏文院庶吉士授翰林院檢討調霸

州判官擢山東承宣布政司布政使遷順天府尹

轉都察院左副都御史改巡撫貴州都察院右副

都御史謫黑龍江奉

中吉選里

命分修永定河改修南河卒於淮上公少穎悟及長嗜

學子史百氏無所不窺尤以六經宋儒之書為根

柢問學講貫必求有用於世不專為己果於自信

發諸心措諸事表裏洞達要歸於至誠毫髮妄欺

之萌人所忽不戒者公怵然若墜於淵至於禍福

利害交乘猝至極天下驚喜之變而無以加公顧

處之恬如也以誠自結於

上故

上之知公者特深當其幾有所窒勢有所絀形跡且無

廉立堂文集

附錄

三

以自白而脆摯樸實的然無可疑其瀆於危而卒

上察其忠也方公之撫貴州也黎平高洞苗金濤殺傷

人吏捕不得反殺吏公初抵黔而知府副將日上

書數十請勦專闢大帥主其事兵既出疏聞於朝

將吏張虛捷冒公未暇覈遽以聞既而廉得其實

即疏自劾

上怒前後語不讐遣部院二大臣往按之會大帥已死

乃決知府副將及金濤而議削公官

上以其事重建公抵京廷臣會獻謫徙黑龍江此公得

罪本末也夫將士貪功罔上情所必有公非不能

知然寧受其欺而不敢稍文飾以幸無過蓋以為

一念欺

主印

朝廷寬貸之而天地鬼神不勝誅也於是

上方罪公時已鑒公之誠矣踰年遂釋公歸及

命諸在籍大吏効力河工亦及公

上之意何嘗一日忘公哉初公在翰林即矯然思所以

自立杜門誦讀究切當世之務嘗上書有所建白

議論侃侃

廉立堂文集

附錄

四

上於時已識公名公以大母歿念父假歸居久之赴京

補官

上欲試以事

命視原品改外吏得霸州判官公奮曰判官職雖卑可

見諸行事不徒託空言乃召里秀良曹試而敦誨

之成就其業以導愚者民皆向方上官高其行數

俾攝長吏篆至輒有惠政旗丁取子錢過倍稱橫

索無已公手批其頰將牒刑部悔服罪乃止是時

于清端撫直隸特器重之會公丁父艱去欲薦未

果比總督兩江薦四人其一則公也公連丁父母

艱服未闋一日

上御乾清門引見講官王學士尹方問其籍山西也

顧大學士宛平王公曰山西有一翰林會外調憶姓名

否王公以公對隨傳問九卿居官何如僉對曰賢

卽

諭吏部服闋仍以翰林用由是知

上之識公久矣及補官吏部以公名奉

上曰此人宜予外任特授山東布政使由從七品遷從

二品度十階前此未有也公感

上知意自奮甫到官剗剔蠹弊老吏宿猾無所容其奸

廉立堂文集附墓誌銘

五

帖帖然洗手授事郡邑長官正供外不煩輸一錢

易於為廉而又恥以墨聞無顏以承公皆變夙習

作清白吏公又念教化為治本建歷山書院講學

課士其中設奎壁二齋略仿胡安定蘇湖學規之

意朔望集父老子弟講說

聖諭十六條閒旌孝子節婦以示獎勵他善政次第舉

行文檄案牘旁午錯互中夜檠燭省覽不少休護

巡撫印者再殺人及盜重囚凡十八餘案屢更法

官時有所輕重株累廢業者數百人公裁其中奏

當悉報可數百人者釋去皆泣曰生我者公也居

三年山左大治遂擢尹順天公具疏請按行所部

黜陟賢不肖

上以為無益不從然未幾遂擢副都御史會畿輔山陝

蝗災疏

蝗災疏

上以懸揣切責之然未幾又下撫黔之

命一歲三遷皆不由廷擢公方以懇直不得當

上旨顧卷公益深公拜

命泣曰

上之知我至矣以身報國追他恤乎至黔謁父祠吏民

廉立堂文集附墓誌銘

六

指目曰此故賢使君子也其治且教且養大約如

山左之政而詳密過之未及一期具有端緒被逮

之日小民巷哭如失慈父母擁部使者車却不得

前隨其後而送千萬人抵楚境不絕向使公久於

是職垂永利於無窮其得民更何如也然公泣其

地不久民乃追從患難中跋履跋涉不少息非惠

愛所布出於至誠能如是耶夫公起州佐典大藩

光華發抒極天下之喜無以喻由是而志得氣溢

者不少也而公之自下也彌甚及夫桎梏囹圄流

離竄逐於荒沙絕域之地雖疾雷震霆極天下可

驚者未至如此而初未嘗但容變色失其故常也
大抵公存誠主敬之學本之六經宋儒德性學而
涵養定其事與心協則行吾之所欲為有徑遂而
無委曲其幾窒而勢絀則亦必不肯趨利避害而
惟矢吾心之不欺矣吾心之不欺而後禍至而不
懼害生而無悔罪愆積而神氣寧也

上之所以用公與所以怒公者固因乎公所自致而信
公之不欺則始終無異焉嗚呼此可以定公之生
平矣公在淮分修高家堰募民夫策周橋橫堤及
清水潭隆冬盛暑風饕日炙督治無倦色病且殆

廉立堂文集附誌銘

七

猶強起視工可謂鞠躬盡瘁以死勤事者也公廣
額豐頤秀眉疎髯為人和且莊燕處一室中窮經
鑽言無虛日雖顛沛未嘗廢書居家建先祠修家
譜置祭田義宅賑族之貧寡友愛同氣官二十餘
年有祿俸輒推與之無私蓄與人交無少長貴賤
皆得其懽心所著四書心悟二十卷小學家訓四
卷道德經解二卷南華經刪註二卷韻通一卷藏
於家公生於順治二年至康熙甲十九年九月十
七日卒年五十有七夫人荆氏子四人長議先卒
次即訥增廣生次諫庠生詢庠生女一孫女下銘

世風之清玉表礪中公一其趨完然樸忠培塿之
趾倏躋華嵩雲漢之衢猝當雷風乍窮乍通大吉
大凶守道愈篤以始以終惟公不欺惟
皇鑒哀釋罟滌瑕展能効功公如有年其不有逢歸誠
修門返真太空書銘薦辭泐于幽宮

廉立堂文集附誌銘

八

衛中丞傳

叔琬生雖晚不獲游於衛公之門然家伯兄叔琳

初第時公方官京師以門下士荷公知愛教誨因

得聞公風概公歿十餘年余視學公里聞里中士

大夫及鄰郡縉紳所述益稔公出處本末用敢抒

其不文之辭以為公傳公姓衛氏諱既齊字爾錫

始祖伯川公元末居猗頓里遂為猗氏人五世祖

阜城訓導諱庭芝始創族譜定大宗小宗圖高祖

隆平教諭諱邦直兩世俱以易學名其家曾祖

產隱居不仕祖贈朝議大夫諱中夏積學勵行祖

廉立堂文集附傳

母王太恭人壯歲而嫠苦節撫孤自有傳考復菴

公諱紹芳順治丙戌進士初任河南尉氏令歷闡

蜀黔浙監司治兵視學諸政績載本傳中公生於

乙酉則復菴公鄉舉歲也髫齡英敏嗜學復菴公

家教素嚴公先意承志孜孜汲古惟專心聖賢之

理識者已知其器識不凡矣年十九舉於鄉二十

成進士選庶常改檢討即迎養王太恭人於京師

既而復菴公補浙江巡海道奉太恭人之台州及

致政還太恭人卒於道公聞之請急歸省親襄祖

母葬事公夙奉庭訓甚謹至是益日聞所以啓沃

靖獻者及居困窮履患難之節故假滿補官雖無

言責然遇事輒侃侃直陳不少避

上奇之欲試以民事命對品調外得霸州判官人或為

公惜公慨然曰是豈不足為政耶召州民之秀者

教之敦行學文以倡導愚魯民皆向風時于清端

公撫直隸知公廉能數俾攝他邑蒙公循分盡職

所至輿誦嘖嘖有旗丁取民子錢過倍猶橫索不

已公手批其頰欲燻部頓首服罪乃止其扶持良

善不畏強禦皆此類未幾丁復菴公艱歸里門而

清端公亦總制兩江瀕行薦四人公其一也服未

廉立堂文集附傳

閔又丁母憂居廬者三四載一日

上御乾清門引見講官王公尹方知其為山西人因問

諸大臣山西前有一翰林會調外識其人否宛平

王文靖公以先生姓名對隨傳問九卿衛某居官

若何皆對曰賢即

諭吏部俟其候補時仍以翰林用及至都吏部啓奏

上曰此人宜予外任特授山東布政使以州佐典大

藩國家未有之異數也於是中外知

上之識公久矣公感

上知遇益自奮勵至官洗刷宿弊凡各屬資帑銀至者

正供外無絲毫耗羨鈔石權衡較量畫七宿僧老
吏無所售其奸欺州縣之吏既易於申解又服公
之清操咸洗滌從事即素號貪墨者亦望風悛改
不敢稍有染指懼公廉而得之也又以教化爲致
治之本朔望集薦紳師儒耆艾講讀

聖諭開旌善良節孝以示風勵建歷山書院遴高才生
於其中執經講業公手定文字甲乙並設奎壁二
齋倣胡文定公蘇湖遺意於是青齊之士經明行
修文風亦日進於古矣兩護巡撫篆審錄重犯八
十餘案活無辜株累者數百人皆泣曰衛公生我

廉立堂文集附傳

三

辛未壬申閒擢尹順天旋晉副憲邸第距敝居止
數武余兄以師門淵源時謁公起居公亦時招往
講論經義及聖賢修己及物之道析疑辨難壘疊
不倦當是時余兄與某先生世好往來張筵高會
投轄飛觴及侍公杖履枯淡寂寥講說移晷間啜
茗茗偶或賜食不過一飽未嘗有饒籌之樂乃獨
喜聽公言論某先生亦素敬公知余兄在公所遂
不復強致也公以誠正率人而爲人所悅服如某
公爲京兆則請巡行各邑以察屬吏賢否佐院事
則請卹山陝各省蝗災雖事未果行然

上眷益深無何而撫黔之命下矣公之治黔也大率如
山左時而山左猶制於撫軍未得盡施所學至是
乃悉展其用以廉法率屬期月而黔大治初黎平
高洞苗金濤殺人負固拒捕傷官軍專閩大帥力
主勦而知府及副將附之伺公始下車日上書請
討兵遂山時將吏多貪功張冒虛捷公未及核輒
以聞既訪確約大悔欲上疏自劾幕客咸謂前後
虛實異詞恐觸

上怒先生勃然曰吾父生平未嘗有欺人心余小子敢
欺

廉立堂文集附傳

四

天子哉吾寧受疎畧輕信之罪必不敢遂非文飾以自
陷於誣妄也疏入
上果怒遣大臣按之會大帥已死因決知府副將及金
濤等而議劾公官
上猶怒不已逮公入都廷臣會獻請烏龍江報可公初
意
上怒且不測至是幸邀寬厚感恩就道始至見其民雕
題文身穴居卉服飲食言語殊異公殷勤嚶咻一
過之以誠信初與語禮義道德笑不可曉繼亦漸
喻一二久之且相愛敬如家人及聞公歸皆涕泣

不忍別嗚呼公當周厄猶隨在施教能感格遠人
若此何況撫黔士民宜其被逮時士民皆巷哭失
聲遮訴部使者至輿馬不得行壯艾之人百舍重
繭相送歷楚界猶不已也

上既放公歸俾効力河上復將大用而公遽以疾卒未
竟厥施惜哉公在河上募民修高家堰築周橋橫
堤酷暑嚴寒暴露風口中督治不少懈病亟猶輿
疾出視事古所謂鞠躬盡瘁死而後已者公實似
之迹公生平以詞臣忽調外以微員驟晉十階一
歲三遷終膺節鉞得罪流竄仍獲考終一生閱歷

廉立堂文集附傳

五

皆出之意外然公未嘗以驟得驚喜以失志佗僚
隨其職之高下惟矢樸忠以報効知遇其存誠主
敬之學根抵於六經沐浴於家訓研究於宋明諸
儒著述故涵養深醇而德性堅定雖極挫折而神
志自如

上亦深鑒其無欺始終保全之公卒於康熙四十年九
月十七日年五十七娶荆夫人為同里提督河南
河道副使荆公世爵女子四長議先卒次訥諫詢
俱庠生讀書自好能世其家云
贊曰若考作室惟德之基文經武緯本於無欺惟

公克紹尊聞行知厥歷東南邇雨敷施齊風一變
黔俗再移債帥貪功誤信由己臣罪奚逃直陳如
矢禍福死生莫敢揣擬

帝鑒樸誠保全終始生入居庸盡瘁以死流風及遠頑
懦興起百世之師聿光棹史

提督山西通省學政按察使司僉事加三級燕山
黃叔瓊撰

廉立堂文集附傳

六

先中丞祖全集後跋

嗚呼此余伯曾祖中丞公文集也越兩世余小子始克彙集成帙蓋其難哉憶中丞公自內翰建言外調州倅荷蒙

聖主知遇超擢東藩歷京兆副憲開府黔省旋以誤聽獲譴謫居黑龍

賜環後佐修河工歿於所事清風兩袖丹誠一腔著

述雖多半遭蠹殘兼以力綿不克付梓辛卯初夏

太平冬官趙君有百家文會之舉徵中丞公集將

梓行余小子聞之躍然曰兩世未竟之志其在淇

康立堂文集 後跋

一

乎其在淇乎因蒐羅散遺類次成編趙君倘有意

乎先中丞其不朽矣乾隆壬辰仲夏姪曾孫熙洪

謹識

